



IMAGE EVALUATION TEST TARGET (MT-3)



6"



Photographic
Sciences
Corporation

23 WEST MAIN STREET
WEBSTER, N.Y. 14580
(716) 872-4802

EE
15
28
32
36
22
20
18
15
12
10
8
6
4
2
1
0

**CIHM/ICMH
Microfiche
Series.**

**CIHM/ICMH
Collection de
microfiches.**



Canadian Institute for Historical Microreproductions / Institut canadien de microreproductions historiques

© 1984

Technical and Bibliographic Notes/Notes techniques et bibliographiques

The Institute has attempted to obtain the best original copy available for filming. Features of this copy which may be bibliographically unique, which may alter any of the images in the reproduction, or which may significantly change the usual method of filming, are checked below.

- Coloured covers/
Couverture de couleur
- Covers damaged/
Couverture endommagée
- Covers restored and/or laminated/
Couverture restaurée et/ou pelliculée
- Cover title missing/
Le titre de couverture manque
- Coloured maps/
Cartes géographiques en couleur
- Coloured ink (i.e. other than blue or black)/
Encre de couleur (i.e. autre que bleue ou noire)
- Coloured plates and/or illustrations/
Planches et/ou illustrations en couleur
- Bound with other material/
Relié avec d'autres documents
- Tight binding may cause shadows or distortion
along interior margin/
La reliure serrée peut causer de l'ombre ou de la
distortion le long de la marge intérieure
- Blank leaves added during restoration may
appear within the text. Whenever possible, these
have been omitted from filming/
Il se peut que certaines pages blanches ajoutées
lors d'une restauration apparaissent dans le texte,
mais, lorsque cela était possible, ces pages n'ont
pas été filmées.
- Additional comments:/
Commentaires supplémentaires:

L'Institut a microfilmé le meilleur exemplaire qu'il lui a été possible de se procurer. Les détails de cet exemplaire qui sont peut-être uniques du point de vue bibliographique, qui peuvent modifier une image reproduite, ou qui peuvent exiger une modification dans la méthode normale de filmage sont indiqués ci-dessous.

- Coloured pages/
Pages de couleur
- Pages damaged/
Pages endommagées
- Pages restored and/or laminated/
Pages restaurées et/ou pelliculées
- Pages discoloured, stained or foxed/
Pages décolorées, tachetées ou piquées
- Pages detached/
Pages détachées
- Showthrough/
Transparence
- Quality of print varies/
Qualité inégale de l'impression
- Includes supplementary material/
Comprend du matériel supplémentaire
- Only edition available/
Seule édition disponible
- Pages wholly or partially obscured by errata
slips, tissues, etc., have been refilmed to
ensure the best possible image/
Les pages totalement ou partiellement
obscures par un feuillet d'errata, une pelure,
etc., ont été filmées à nouveau de façon à
obtenir la meilleure image possible.

This item is filmed at the reduction ratio checked below/
Ce document est filmé au taux de réduction indiqué ci-dessous.

10X	14X	18X	22X	26X	30X	
<input type="checkbox"/>						
12X	16X	20X	24X	28X	32X	

The copy filmed here has been reproduced thanks to the generosity of:



National Library of Canada

The images appearing here are the best quality possible considering the condition and legibility of the original copy and in keeping with the filming contract specifications.

Original copies in printed paper covers are filmed beginning with the front cover and ending on the last page with a printed or illustrated impression, or the back cover when appropriate. All other original copies are filmed beginning on the first page with a printed or illustrated impression, and ending on the last page with a printed or illustrated impression.

The last recorded frame on each microfiche shall contain the symbol → (meaning "CONTINUED"), or the symbol ▽ (meaning "END"), whichever applies.

Maps, plates, charts, etc., may be filmed at different reduction ratios. Those too large to be entirely included in one exposure are filmed beginning in the upper left hand corner, left to right and top to bottom, as many frames as required. The following diagrams illustrate the method:



L'exemplaire filmé fut reproduit grâce à la générosité de:

Bibliothèque nationale du Canada

Les images suivantes ont été reproduites avec le plus grand soin, compte tenu de la condition et de la netteté de l'exemplaire filmé, et en conformité avec les conditions du contrat de filmage.

Les exemplaires originaux dont la couverture en papier est imprimée sont filmés en commençant par le premier plat et en terminant soit par la dernière page qui comporte une empreinte d'impression ou d'illustration, soit par le second plat, selon le cas. Tous les autres exemplaires originaux sont filmés en commençant par la première page qui comporte une empreinte d'impression ou d'illustration et en terminant par la dernière page qui comporte une telle empreinte.

Un des symboles suivants apparaîtra sur la dernière image de chaque microfiche, selon le cas: le symbole → signifie "A SUIVRE", le symbole ▽ signifie "FIN".

Les cartes, planches, tableaux, etc., peuvent être filmés à des taux de réduction différents. Lorsque le document est trop grand pour être reproduit en un seul cliché, il est filmé à partir de l'angle supérieur gauche, de gauche à droite, et de haut en bas, en prenant le nombre d'images nécessaire. Les diagrammes suivants illustrent la méthode.



10200
6372
Réserve
53
JL

DISPUTATIONES THEOLOGICÆ

SEU

COMMENTARIA

IN SUMMAM THEOLOGICAM D. THOMÆ

DE SACRAMENTIS

(SECUNDA PARS)

Réjean
Olivier

7981

Ex-Libris

NECNON

DE NOVISSIMIS

(III, qq. LXXXIV sqq.)

AUCTORE

ALOISIO-ADULPHO PAQUET

SACRAE THEOLOGIE DOCTOR ET PROFESSORE IN UNIVERSITATE
LAVALLENSI



QUEBECI

EX TYPOGRAPHIA S.-A. DEMERS

ROMÆ

Apud **F. PUSTET**
librarium pontificum
(Fontana di Trevi 81-85)

NEO-EBORACI

Apud Fratres **BENZIGER**
typographos pontificios
(Barclay street 36-38)

1903

BX1749

T6

P56

v. 6

ANSERIN
SERIALS

IMPRIMATUR

—
L.-N., ARCHIEP. QUEBECEN.

Quebec, 6^e Jan., 1903.

Cum ex Seminarii Quebecensis prescripto recognitum fuerit opus
cui titulus est *Disputationes theologicae seu Commentaria in Summam
theologicam D. Thome : De Sacramentis (secunda pars) neenon De
Novissimis, auctore Aloisio Adulpho Paquet, nihil obstat quin typis
mandetur.*

O.-E. MATHIEU, Pter,

S. S. Q.

Quebec, die 7th Jan., 1903.

PISTOLA
ILLMI AC REVMI L.-N. BÉGIN
ARCHIEPISCOPI QUEBECENSIS
AD AUCTOREM

Archevêché de Québec, 6 janvier 1903.

A Monseigneur L.-A. PAQUET, P. A.

Directeur du Grand Séminaire de Québec.

MONSEIGNEUR,

On peut bien affirmer en toute vérité que l'une des grandes préoccupations de Notre Saint-Père le Pape Léon XIII, durant son long et glorieux pontificat, a été la restauration de la philosophie chrétienne et de la théologie par l'étude de saint Thomas d'Aquin : il n'a laissé échapper aucune occasion d'inculquer à nouveau l'importance capitale de cette étude.

Quelques semaines seulement après son exaltation--le 21 avril 1878--il signalait comme le premier des maux dont souffre notre époque "le renversement universel des vérités suprêmes sur lesquelles est fondée la stabilité de la société humaine." Désireux d'apporter un remède prompt et efficace à ce mal radical, il publia, le 4 août 1879, sa mémorable encyclique *Eterni Patris* dans laquelle il imposait aux Universités et aux Séminaires l'enseignement et l'étude des œuvres du Docteur Angélique. La raison, l'autorité, l'histoire, l'utilité actuelle lui fournissaient des arguments irréfragables pour convaincre l'univers catholique de la nécessité de ce retour. Il leur montrait saint Thomas, prince et maître des scholastiques, remplissant la terre de l'éclat de sa doctrine, "héritant en quelque

sorte de l'intelligence de tous les docteurs du passé, puisant ses conclusions dans les raisons et les principes mêmes des choses, arrivant à réfuter à lui seul toutes les erreurs des temps antérieurs et fournissant des armes invincibles pour dissiper celles qui ne manqueront pas de surgir dans l'avenir, distinguant et unissant par une amitié mutuelle la raison et la foi, sauvegardant les droits et la dignité de chacune, de telle sorte que la raison, portée sur les ailes de saint Thomas jusqu'au faite de l'intelligence humaine, ne peut guère monter plus haut et que la foi peut à peine espérer de la raison des secours plus nombreux et plus puissants que ceux que saint Thomas lui a fournis." Il terminait cette Encyclique, l'une des plus belles et des plus importantes de son pontificat, par une exhortation pressante faite à tous les évêques de favoriser et de propager partout l'étude des œuvres de ce grand Docteur, de ce prince de la science sacrée.

Mon illustre et regretté prédécesseur, l'Eminentissime Cardinal Taschereau, toujours docile aux moindres désirs du Saint-Siège, n'hésita pas un instant à suivre la direction donnée par Léon XIII, à seconder ses vues et à orienter l'enseignement philosophique et théologique de notre Université Laval de Québec selon les doctrines de l'Ange de l'Ecole. Vous fûtes appelé, Monseigneur, l'un des premiers à faire partie de la nouvelle phalange de professeurs de théologie, et depuis près de vingt ans vous avez consacré votre temps, vos talents et votre travail à l'exécution du programme d'études tracé par le Souverain Pontife.

Vous avez commencé, ces années dernières, à publier, pour vos élèves et pour le clergé, vos Commentaires sur la Somme théologique de saint Thomas, et vous êtes sur le point de faire imprimer le sixième et dernier volume qui sera le digne couronnement de votre œuvre. Ce volume, je l'attendais avec grande hâte et mon anxiété était partagée par tous ceux qui vous ont suivi et encouragé dès le début et qui craignaient que votre santé quelque temps chancelante ne vous permit pas de conduire votre travail à bon terme. Mais, grâce à Dieu, nous aurons bientôt ce cours complet de théo-

nisant ses
s choses,
ntérieurs
es qui ne
issant par
s droits et
ée sur les
maine, ne
spérer de
que ceux
ncyclique,
tificat, par
avoriser et
teur, de ce

le Cardinal
aint-Siège,
Léon XIII,
ophique et
on les doc-
gneur, l'un
rofesseurs
sacré votre
rogramme

, pour vos
me théolo-
n imprimer
nement de
to et mon
t encouragé
emps chan-
bon terme.
et de théo-

logie dogmatique qui sera pour les études de nos Séminaristes un immense secours, pour notre clergé un précieux arsenal de saine doctrine et pour notre Université un regain de prestige, un nouveau titre de gloire.

Vous étiez mieux préparé que tout autre à commenter saint Thomas avec succès. Les études sérieuses que vous aviez faites à Rome de la *Somme du Docteur Angélique*; votre légitime admiration ou plutôt votre vénération pour ce puissant génie; la sage direction et l'impulsion vigoureuse que vous avait imprimées votre illustre professeur Satolli, devenu depuis Cardinal de la Sainte Eglise Romaine; l'enseignement thomiste que vous n'avez cessé de donner avec éclat à l'Université Laval, tout vous désignait pour exécuter cette œuvre en fidèle interprète de la pensée du grand Docteur et selon les vues du Souverain Pontife. Les cinq premiers volumes ont été accueillis partout avec une satisfaction marquée; les professeurs les plus célèbres des Universités et des Séminaires de Rome et d'ailleurs en ont fait les plus beaux éloges et les ont chaleureusement recommandés à leurs élèves. Aussi ai-je appris avec plaisir que la première édition en est déjà épaisse et que vous allez commencer tout de suite à en publier une seconde: c'est là une preuve irrécusable du succès qu'a obtenu votre ouvrage et je m'en réjouis de grand cœur.

Aux appréciations si flatteuses qu'ont faites de vos Commentaires des cardinaux, des évêques, des théologiens distingués, j'unis volontiers mes félicitations et mes encouragements pour des travaux ultérieurs. Je désire que tous les prêtres de mon diocèse, sans exception, aient votre ouvrage entre les mains et en fassent une étude sérieuse; la lecture quotidienne de ces pages, où se reflète comme dans un miroir fidèle la pensée du Docteur Angélique, donnera des idées nettes, précises sur tous les dogmes catholiques, des arguments solides, une doctrine sûre et en même temps une exactitude d'expression qui permet, en toutes circonstances, de ne jamais dévier de la vérité. En vous appuyant sur les principes généraux posés par saint Thomas pour traiter les questions mo-

dernes de l'hypnotisme, du transformisme et autres, vous avez appliqué la parole de Léon XIII, à savoir que les solutions données par l'Ange de l'École " répondent aux nécessités de tous les temps et suffisent à la réfutation des erreurs perpétuellement renaisantes."

Je prie Dieu de bénir ce dernier volume que vous allez faire imprimer et de lui faire produire comme à ses aînés, en même temps que la vénération pour saint Thomas d'Aquin, des fruits de salut abondants et suaves.

Veuillez agréer, Monseigneur, l'expression de mes sentiments les plus dévoués en N.S.

† LOUIS-NAZAIRE,

Arch. de Québec.

us avez
données
s temps
renaiss-
ez faire
s temps
de salut
ntiments
québec.

DE SACRAMENTIS

(SECUNDA PARS)

NECNON

DE NOVISSIMIS

Sermonem, juvante Dœo, de sacramentis prosecuturi, altero hoc in volumine exhibere constituimus, cum quidem ea quæ ad *Pœnitentiam*, *Extremam-Uncionem*, *Ordinem* et *Matrimonium* pertinent, tum quoque, appendicis specie, ea quæ de *Novissimis* penes theologos disputari ac determininari solent: sacramenta enim tandem aliquando eo respiciunt ut homo iisdem adjutus ac justificatus æternam vitam, in vitæ temporalis termino positam, consequatur.

Tota materia, in quam declarandam incumbe nunc consilium est, decem disputationum ambitu distribuetur secundum sequentem ordinem: nimirum tractabimus (Disp. I) de Pœnitentia secundum se sumpta, (Disp. II) de effectu Pœnitentie, (Disp. III) de ejus partibus, (Disp. IV) de potestate clavium, seu de ministro Pœnitentie (cum appendice de *Indulgencie*); subinde (Disp. V) de Extrema-Uncione; (Disp. VI) de Ordine; (Disp. VII) de Matrimonio; demum (Disp. VIII) de præcedentibus resurrectionem, (Disp. IX) de concomitantibus resurrectionem, (Disp. X) de consequentibus resurrectione.

DISPUTATIO PRIMA

DE IPSA PÆNITENTIA

Pœnitentia vox aliam apud Novatores sœc. XVI, aliam apud catholicos omnium ætatuin acceptiōnem sortita est.—*Novatores* namque, quorum jam in hoc *Valla* et *Erasmus* præcursoris extiterant, ex græca etymologia derivandam ac pœnitentia substituendam *resipiscentiam* duxerunt, quasi nempe, ubi pœnitentia stylo biblico nominatur, nihil aliud intelligendum foret quam erroris agnitiō novæque vitæ, sine ullo de præteritis delictis dolore, incep̄tio (*Bellarminus*, de Pœnit. I. I, c. 7).—At a) in primis notare est vocum significationem, utpote quid conventionale ususque fixum, non tam ex etymologia quam ex communi hominum intellectu esse desumendam. b) Præterea, vox græca *metanoia* (sententia posterior), etsi originali significatu resipiscentiam seu consilii mutationem exprimat, non tamen idecirco excludere censenda est omnem pœnæ seu doloris sensum; imo proclive est ut redditus ab agnito errore mentisque mutatio dolorem quemdam de præteritis ineundæ vitæ contrariis progignat. c) Unde ecclesiasticus, imo et civilis, usus obtinuit, ut nomen pœnitentia (pœnâ teneri) communiter invalesceret eoque nomine intelligeretur non solum erroris agnitiō seu mentis mutatio, sed et animi dolor conjunctus cum quadam sive ultione satisfactiva sive cautione præventiva¹.

Penitentia secundum se sumpta considerari potest vel ut *sacramentum*, vel ut *virtus*: quæ duo arcto inter se vinculo connectuntur.—Quamvis vero ratio virtutis sacramenti rationem absolute antecedat, quia tamen dolor de peccatis sacramentum Pœnitentie, secundum Christi institutionem, essentialiter ingreditur atque pér sacramentum illud, infusis cum gratia cunctis virtutibus, perficitur, ideo primo loco, Auctore duce, de ipso Pœnitentia sacramento (Q. I), secundo autem loco de pœnitentia virtute (Q. II) disputabimus.

1—Cf. de his eruditiss. Morinus, *Comm. hist. de admin. sac. Pœnit.*, I. I, o. 1-2.

QUÆSTIO PRIMA

DE PÆNITENTIA UT EST SACRAMENTUM

Quæstio hæc sequenti articulorum distributione partienda videtur. Videlicet de sacramento Pœnitentia inquiri potest: primo *an sit* (art. 1); deinde *quid sit* seu quo pacto constitutatur tum ex parte *materiæ* (art. 2), tum ex parte *formæ* (art. 3); tertio *quale sit* sive quoad *necessitatem* essendi (art. 4), sive quoad *institutionis rationem* (art. 5), sive quoad *susceptionis tempus* (art. 6), sive demum quoad *iterabilitatem* (art. 7).

ARTICULUS I.

Utrum Pœnitentia sit sacramentum.

1º Nomine *pœnitentiae* hic intelligitur, non quidem qualicumque expiationis ritus qui aliquando in Ecclesia vigerit¹, sed, saltem substantialiter, ritus ille quem a sacerdotibus pœnitentes absolventibus exerceri prospicimus.

2º Quod ad errores attinet, a) dubitatur in primis num *Montanistæ* (sæc. II) et *Novatiani* (sæc. III) sacramentum Pœnitentiae penitus de medio sustulerint, vel solum ejus efficaciam ad quedam leviora peccata coarctaverint: aliquos saltem *Novatianismi* fautores in primam abiisse sententiam, pro certo communius habetur.—b) Hæretici vero sæc. XVI consuetâ audaciâ prefatum sacramentum adorti sunt; et quamvis *Lutherus* anceps visus fuerit, modo illud agnoscens et modo negans, *Zwinglius* tamen, *Calvinus* aliisque sectârii apertis sententiis pœnitentiam e sacramentorum albo expunxerunt, docentes non dari ad remittenda peccata sacramentum a Baptismo distinctum, sed fidem in baptismo excitatam baptismique memoria restauratam ad justificationem sufficere.—c) *Anglicani* quidem quoddam Pœnitentia sacramentum

1—Cf. infra (Disp. III, Q. IV) app. de *pœnitentia publica*.

(melius dicam simulacrum) concedere videntur¹, non tamen necessarium, sed plane liberum; cuius pœnitentiae praxis magis magisque penes *ritualistas* prævalet.—*d)* Vix subjecere opus est, judicio *rationalistarum* Pœnitentiae tribunal non esse nisi clericale inventum ad opprimendam conscientiae libertatem excogitatum.

3º Ut doctrina Ecclesiæ explanetur ac adversus haereticos vindicetur, ostendum est pœnitentiam verum esse N. L. sacramentum, istudque a baptismo essentialiter distingui, ita ut verificetur *definitio*: Pœnitentia est "sacramentum N. L. specialiter a Christo institutum ad delenda peccata post baptismum commissa."

Conclusio.—Pœnitentia quæ in Ecclesia agitur est verum ac proprio dictum sacramentum, omnino a Baptismo distinctum.

1º Pars sancita est variis conciliaribus decretis, præsertim *Trid.* (Sess. XIV, can. 1): "Si quis dixerit in catholica Ecclesia Pœnitentium non esse vere et proprio sacramentum pro fidelibus, quoties post Baptismum in peccata labuntur, ipsi Deo reconciliandis, a Christo D. N. institutum; A. S."

1º Argumentum potissimum sic construimus:—Christus dedit suæ Ecclesiæ seu ejus ministris *potestatem clavium*, non solum in genere, sed et in specie, secundum quod comprehendit facultatem remittendi peccata. Atqui hæc potestas in foro pœnitentiae exercetur secundum rationem judicii vere proprieque sacramentalia: ergo.

Maj. prob:—Potestas clavium dupliciter sumi potest: vel *communiter*, scil. pro facultate *quacumque* ligandi atque solvendi, puta per leges, dispensationem, etc; vel *specialiter*, scil. pro facultate proxima remittendi aut retinendi *peccata* sive quoad culpam sive quoad pœnam. Jamvero postrema hæc facultas tradita est a Christo apostolis, subindeque eorum successoribus (quoniam omnis potestas apostolis collata in commune Ecclesiæ bonum tamdiu durare censenda est quamdiu Ecclesia ipsa). Assumptum tripliciter evincitur:—*a) primo* ex promissione facta a Christo tuim B. Petro (Matth. XVI, 19): *Tibi dabo claves regni calorum. Et quocumque ligaveris*

1—Vid. Prayer-Book, *Ord. visit. ægrot;*—Frederick, Arch. of Canterb., *Charge delivered at his first visitation*, P. III.

*super terram, erit ligatum et in cælis ; et quodcumque sol-
veris super terram, erit solutum et in cælis, tum omnibus
Ap. (Matth. XVIII, 18) : Quæcumque alligaveritis super
terram, erunt ligata et in caelo ; et quæcumque solveritis
super terram, erunt soluta et in caelo ; quibus verbis impli-
cite saltem continetur potestas remittendi vel retinendi pec-
cata. — b) Secundo ex actuali collatione, quando nempe
Christus redivivus expresse dixit Apostolis (Joan. XX, 22-23) :
*Accipite Spiritum Sanctum ; quorum remiseritis peccata
remittuntur eis, et quorum retinueritis, retenta sunt.* Hæc
quidem, proprio sensu accepta, adeo manifeste rem compro-
bant ut nonnisi per violentiam textui sacro illatam protestantes
locum illum coarctare ausi sint ad verbi ministerium, per
quod, excitata fide, peccata remittantur. Nos vero contendi-
mus nihil esse quod a sensu proprio recedendum hic sua-
deat. Imo hunc sensum aperte subindicat contextus ser-
monis ; siquidem paulo ante (v. 21) Christus dixerat : *Sicut
misit me Pater, et ego mitto vos, ita declarans apostolos potes-
tate divina, qua ipse pollebat, vere peccata remittendi minis-
terialiter instructos.* Praeterea quare Christus *insuflavit et
dixit eis : Accipite Spiritum Sanctum* etc, nisi quia eis com-
municabat singularem quandam vim Spiritui Sancto seu
Divinitati propriam, scil. vim peccata directe delondi¹ ? —
c) Tertio ex Patribus ; quos inter eligimus S. Joan. Chry-
sostomum hæc eloquentem (de Sacerd. l. III, c. 5) : “ Qui
terram incolunt in eaque commorantur, ad ea, quæ in cælis
sunt, dispensanda commissi sunt, potestatemque acceperunt,
quam neque angelis neque archangelis dedit Deus. Neque
enim illis dictum est : quæcumque ligaveritis in terra etc.
Habent quidem ii, qui in terris imperant, potestatem ligandi,
verum corpora solum ; hoc autem vinculum ipsam attingit
animam cœlosque transcendit, ac quæcumque inferne sacer-
dotes faciunt, eadem Deus superne confirmat, servorumque
sententiam ipse Dominus ratam facit. Quid enim aliud illis*

1—Unde Trid. (Sess. XIV, can. 3) : “ Si quis dixerit verba illa
Dominii Salvatoris, *Accipite etc*, non esse intelligenda de potestate
remittendi et retinendi peccata in sacramento Pénitentia, siue
Ecclesia catholica ab initio semper intellexit, detorserit autem,
contra institutionem hujus sacramenti, ad auctoritatem predicatorum
Evangelium ; A. S.” (Cf. ibid. c. 1).

debit quam omnem ecclieium potestatem?" (cf. *Sasse*, de *Poenit.* th. VII).

Min. ostend:—Et *primo* descripta potestas remittendi peccata vere *judicialis* est seu per modum judicij exercetur, prouti a *Conc. Trid.* definitum est¹. Etenim duplice intellegi potest peccata remitti, vel per modum simplicis ac gratuitæ condonationis, vel per modum judicialis processus. Jamvero Christum constituisse ut hoc altero modo Ecclesia potestatem clavum in peccatores exerceat, tripliciter suadetur, nempe a) tum ex concessa facultate non solum remittendi solvendique, sed et *retinendi* ac *ligandi*, quæ certe sine aliquo processu juridico nequeunt rite ac pro merito fieri; b) tum ex modo loquendi *Patrum*, utputa *S. Hilarii* (in *Matth.* c. 16, n. 7): "O beatus cœli janitor, cuius arbitrio claves æterni aditus traduntur, cuius terrestre *judicium* præ-judicata auctoritas sit in cœlo, ut, quæ in terris aut ligata sint aut soluta, statuti ejusdem conditionem obtineant et in cœlo!" c) tum ex rei congruentia: congruebat enim ratio judicij et timori salutari reis incutiendo et remedii aptioribus cuique poenitenti adhibendis.—*Secundo* judicium hoc vere sacramentarium dici debet: nequit enim sententia judicialis debite pronuntiari nisi et causa confessione poenitentis dignoscatur et absolutio, si qua danda sit, externo signo manifestetur. Habemus igitur ritum exteriorem, ab ipso Christo institutum, quo animi renovatio et justificatio tum significatur, tum quoque producitur juxta illud: *quorum remiseritis peccata, remittuntur eis*. Porro in eum ritum aptissime quadrat definitio sacramenti, quod est signum efficax gratiæ²: ergo.

2º Traditio locupletissimis abundat documentis, e quibus pauca tantum proferam³: — Sic sicc. II *Tertullianus* (l. de *Poenit.*), promiscue privatam ac publicam poenitentiam describens, dicit (c. 9): "Cum *accusat*, cum *condemnat*, *absolvit*;" et postquam in Montanismum inciderat, sacramentum Poenitentie non est inflatus, sed ejus virtutem duntaxat

1—(Sess. XIV, cap. 5): "Dominus noster J. C., e terris ascensus ad celos, sacerdotes sui ipsius vicarios reliquit tanquam praesides et *judices*, ad quos omnia mortalia crimina deferantur in quæ Christi fideles ceciderint." (cf. can. 9).

2—Cf. *De Sacramentis* (1^a pars), Disp. I, Q. I, n. 1.

3—Alia in quest. de *confessione* adducentur.

restrinxit ad peccata (ut aiebat) remissibilia. — Sæc. III *S. Cyprianus* lapsos fideles ad poenitentiam ita hortatur (l. de lapsis, n. 29): "Confiteantur singuli delictum suum, dum adhuc qui deliquit in sœculo est, dum admitti confessio ejus potest, dum satisfactio et remissio facta per sacerdotes apud Dominum grata est." — Sæc. IV *S. Pacianus hispanus* tribus epistolis ad Sympronianum Novatianum scriptis veritatem sacramenti Pœnitentiae nervose vindicat; ubi, inter plura, haec effatur (Ep. 3, n. 7): "Sive baptizamus, sive ad poenitentiam cogimus seu veniam pœnitentibus relaxamus, Christo id auctore tractamus. Tibi videndum est, an Christus hoc possit, an Christus hoc fecerit." — Sæc. V *S. Leo M.* (Ep. 108, cap. 2) sic loquitur: "Mediator Dei et hominum homo Christus Jesus hanc præpositis Ecclesie tradidit potestatem, ut et confitentibus actionem pœnitentiae darent, et eosdem salubri satisfactione purgatos, ad communionem sacramentorum per januam reconciliationis admitterent." — Tandem sæc. VI *S. Greg. M.* de Apostolis dicit (Hom. 26 in Evang. n. 4): "Non solum de semetipsis securi fiunt, sed etiam alienæ obligationis potestatem relaxationis accipiunt, principatumque superni judicii sortiuntur, ut vice Dei quibusdam peccata retineant, quibusdam relaxent."

3º Etsi deessent positiva traditionis monumenta¹, *præscriptio*, quæ jam pro numero septenario Sacramentorum alibi invocata est, quæque specialiter Pœnitentiae patrocinatur, rem conficeret. Etenim *de facto* habent catholici ritum pœnitentiale cui veram inesse sacramenti rationem contendunt, quatenus "in pœnitentia ita res gesta sit quod aliquid sanctum significatur tam ex parte peccatoris pœnitentis quam ex parte sacerdotis absolvantis; nam peccator penitens, per ea quæ facit et dicit, ostendit cor suum a peccato recessisse; similiter etiam sacerdos, per ea quæ agit et dicit circa pœnitentem, significat opus Dei remittentis peccata" (III, Q. LXXXIV, a. 1). Porro ritum illum, moraliter loquendo, minime potuisse (ut adversarii volunt) ab hominibus fabricari, sed ab auctore Christo acceptum fuisse, tria præsertim

1.—Representationes symbolum catacumbarum, una cum Baptismo et Eucharistia, Pœnitentiam quoque frequenter significantem exhibent sub specie *Boni Pastoris* ovem deperditam in ovile reducentis (Marucchi, *Éléments d'Archéologie chrétienne*).

nos convincunt :—*a) Primum* est altum *historiae silentium* de introductore talis sacramenti. Nominant equidem nonnulli, quasi primum pœnitentie sacramentalis fautorem, modo Innocentium III, modo Petrum Lombardum. At tot tamque luculenta suppetunt antiquorum scriptorum testimonia, quibus pœnitentiam commemorant passimque conjugunt cum baptismo aliisque sacramentis proprie dictis, ut positio illa cuique non pœnitentie menti absurdâ prorsus videatur. Quod si reapse Pœnitentie sacramentum inventione prodiisset humana, inventorem ex una parte grata ac assentiens Ecclesia ceu summum animarum benefactorem acclamasset; ex altera autem parte dissentientes, maxime penes sectas Latinis infensas, vel a primo adeo onerosâ innovationis exordio, vehementer reclamassent: quod tamen nusquam evenisse legitur.—*b) Secundum* est *operis difficultas ac præcellentia*. Quisnam enim marte proprio, et citra supremam illam Dei potestatem quæ mentibus cordibusque illabitur et dominatur, quisnam, inquam, permanens valuisse institutum confingere, quo obtinente fideles omnes, cujusque ætatis, regionis, conditionis, tum reges potentissimi, tum duces ferocissimi, tum præclarissimi doctores, tenerentur reque ipsa moverentur ad occultissimas ac etiam turpissimas universæ vitæ sine labes sacerdoti patefacere? Quisnam potuisset sacerdotem illum eis donare muneribus quæ pœnitentie sacramentalis exercitium requirit, ita ut nec pauperum presentia, nec laborum frequentia, nec miseriarum redundantia defatigaretur, totque tam multorum hominum commissa inviolabili labiorum sigillo custodiret? Sublimitas operis Opifiois divinitatem declarat.—*c) Tertium* est *maxima ritus pœnitentialis efficacia*. Ex fructibus enim arbor dijudicatur. Porro pœnitentie, qualis penes catholicos habetur, observatio mirificæ sanctitatis ferax est, neque individui tantum in se perficiendis, sed et toti societati in justitia et quiete conservandæ deservit: quid plura? Divinis igitur originis effigiem sacramentum Pœnitentiam præ se fert.

4º Huc accedit argumentum *convenientiae*.—Certum enim est posse hominem et peccare post baptismi gratiam et a peccato in virtutem resurgere. Atqui apprime congruebat ut Deus misericors hominem a peccato post baptismum admissum reduceret per remedium sacramentale, quod Pœnitentiam

nuncupamus: ergo. *Maj.* patet; siquidem, quamdiu in hac vita versamur, homo procul ab intuitu supremi Veri et amplexu infiniti Boni existens mutabilis manet cum mentis judicio tum voluntatis arbitrio; ideoque sicuti a statu gratiæ baptismalis excidere potest, ita ad virtutem potest redire¹. *Min.* evincitur dupliciter:—*a)* *Primo ex parte Dei condonantis*; nam “apparet quod, si aliquis post baptismum peccat, remedium sui peccati per Baptismum habere non potest; et quia abundantia divinæ misericordiæ et efficacia gratiæ Christi hoc non patitur ut absque remedio dimittatur, institutum est aliud sacramentale remedium quo peccata purgantur, et hoc est Pœnitentiæ sacramentum, quod est quædam velut spiritualis sanatio. Sicut enim qui vitam naturalem per generationem adepti sunt, si aliquem morbum incurvant qui sit contrarius perfectioni vitæ, a morbo curari possunt, non quidem sic ut iterato nascantur, sed quadam alteratione sanantur; ita Baptismus, qui est spiritualis regeneratio, non reiteratur contra peccata post baptismum commissa, sed Pœnitentiæ quasi quadam spirituali alterazione sanantur” (*C. G. l. IV*, c. 72).—*b)* *Secundo ex parte hominis condonati*, cuius fiducia sic roboratur. “Ut Dominus nostræ sollicitudini (nempe de remissione peccatorum) subveniret, Pœnitentiæ sacramentum instituit, quo per sacerdotis absolutionem peccata nobis reissa esse consideremus, conscientiæque nostræ, ob fidem quæ sacramentorum virtuti merito habenda est, pacatores redderentur. Neque enim aliter accipienda est vox sacerdotis peccata nobis legitime condonantis, quam Christi Domini, qui ait paralyticō²: *Confide, fili, remittuntur tibi peccata tua*” (*Catech. Trid.*, P. II, de Pœnit. n. 14).

2^a Pars concl., vid. de *distinctione essentiali inter Baptismum et Pœnitentiam*, subjicitur contra *Protestantes*. Eum asseruit *Trid.*, inquiens (*Sess. XIV*, can. 2): “Si quis sacramenta confundens, ipsum Baptismum Pœnitentiæ sacramentum esse dixerit, quasi hec duo sacramenta distincta non sint... A. S.”—Quanvis autem præfata distinctio jam satis ex dictis demonstrata videri possit, operi tamen pretium erit nonnulla *specialia* eis subdere.

1—*Cf. C. G. l. IV*, cc. 70-71.

2—*Matth. IX*, 2.

1º Ex *Scripturis* habemus diversam fuisse Baptismi et Pœnitentiae institutionem; siquidem baptismum ante passionem suam, pœnitentiam vero post resurrectionem instituit Christus.—Unde, quandocumque pœnitentia lapsis post baptismum suggeritur, utputa (*Act. VIII, 22; 1 Joan. I, 9,*) nunquam Baptismi memoria cœu peccati remedium assignatur.

2º *Patres* Pœnitentiam et Baptismum veluti duo sacramenta ab invicem distincta passim indicant (*de Augustinis, th. XIII*):—non solum enim pœnitentiam vocant *secunda subsidia* (*Tertull.*), *baptismum laboriosum* (*S. Greg. Naz.*), *alterum partum* (*Theodor.*), sed eam a baptismo distinguunt sicut *curationem a generatione* (*S. Aug.*), vel *peccati remissionem ab illuminatione* (*S. Athan.*), et in utroque sacramento *duas portas* agnoscunt per quas in Ecclesia vel *introitus vel redditus* est (*S. Hier.*).

3º Ea sunt sacramenta specificè distincta, quorum alia est forma et materia, aliud minister, aliud subjectum, aliud fructus et finis, alia tandem necessitas. Atqui omnia hæc, ut *Conc. Trid.* (*Sess. XIV, cap. 2*) evincit et ex dicendis in cursu præsentis disputationis compertum fiet, penitus variantur in Baptismo et Pœnitentia. Ergo etc.

Solv. obj.—**OBJ.** 1 ex *Scriptura*.—Quando Christus peccata remisit, non legitur quod ritum externum et sacramentalem adhibuerit.—*S. Petrus* vero (*Act. II, 38*) pœnitentiam cum Baptismo conjungit dicens: *Pœnitentiam agite, et baptizetur unusquisque vestrum... in remissionem peccatorum.*—Nec mirum, quoniam Baptismus a Christo exhibetur tanquam permanens salutis medium: *Qui crediderit, et baptizatus fuerit, salvus erit* (*Marc. XVI, 16*). Ergo Pœnitentia non est sacramentum saltem a Baptismo distinctum.

RSP. in primis, Christum Dominum, pro ea qua gaudebat *potestate excellentia*, potuisse effectum sacramentorum producere sine sacramentis ipsis; non tamen idcirco rejiciendum esse ritum pœnitentiale, eujus originem tam multa divinam esse declarant.—Ubi vero in *Scripturis* pœnitentia cum Baptismo conjungitur, ea profecto pœnitentia intelligenda est ad quam *baptizandi* adulti excitantur, non quo dependenter a baptissimi memoria et independenter a ritu sacramenti Pœnitentiae peccata post baptismum commissa delect. — Unde etenim baptismus exhibetur salutis medium, quatenus *prima*

est christianismi conditio sine qua nemo salvatur; hæc tamen conditio lapsos post baptismum non juvat nisi *fundamentaliter*, in quantum scil. eis tribuit jus ad suscipiendum salutare Pœnitentiæ sacramentum.

OBJ. 2 ex Patribus.—Veteres Patres, saltem primi et secundi sœc., de sacramento Pœnitentiæ silent.—Alii (S. Cyr. Alex., S. Hieron.) verba Christi Joan. XX, 23 intelligunt de peccatorum remissione facta vel per Baptismum vel quoque per evangelicam exhortationem.—Quin imo S. August. (v. g. Ep. 185 ad Bonif. n. 39) expresse ex lavacro baptismali repetit quarumcumque culparum etiam post acceptum baptismus commissarum deletionem.

RESP. ad 1^m, veteranum quorundam silentium nihil probare contra tot *positiva*, quæ præsto sunt, posteriorum testium *suffragia*. Eo magis, quia silentium illud facile explicatu est; etenim *primo* pauca admodum vetustiorum Patrum scripta ad nos usque devenerunt; *deinde* scriptores illius ævi sæpius ad Gentiles et Catechumenos verba dirigebant, quos de Baptismo magis quam de Pœnitentiæ sacramento edoceri oportebat; nec *præterea* fidelibus baptizatis, qui tanta tunc vite innocentia communius florebant, opus erat multa de reconciliatione sacramentali dicture.—**Ad 2^m** dico, objectam nobis verborum Christi Joan. XX interpretationem nequamquam excludere eam *magis propriam* ac *communissimam*, quam supra in demonstratione theseos protulimus, de potestate judiciali remittendi peccata, sed *minus proprie* et *per extensionem* quandam fuisse a quibusdam Patribus propositam; qui Patres nostram cæteroquin expositionem alibi tradunt.—**Ad 3^m** respondeo, S. Augustinum baptismu tribuere peccatorum omnium, etiam sacramento illo posteriorum, remissionem non jam *proxime* et *efficaciter*, sed *remote* et *dispositive* tantum; quod appareret ex alia ipsius epistola ad Bonifacium (Ep. 98, n. 2), ubi dicit baptizatorum peccata esse “quæ non generatione auferantur, sed alia curatione sanentur.”

OBJ. 3 ex ratione.—Sacraenta ob id dicuntur, quia sub tegumento corporalium rerum divina virtus secretius salutem operatur (S. Greg.). Atqui in pœnitentia non adhibentur res corporales, sub quibus divina vires agat. Ergo.

RESP. D. *M*:...et res corporales *strictè* in omnibus sacramentis intelligi debent, *N*; nomine rerum corporalium *large*

possunt accipi etiam actus exteriores sensibiles, *C.*—*C.d.m.*—
Neg. conseq. (cf. art. seq.).

OBJ. 4.—Sacramenta Ecclesiæ a Christi ministris, ceu
sacrorum dispensatoribus, exhibentur. Atqui pœnitentia non
exhibetur a Christi ministris, sed interius a Deo inspiratur.
Ergo.

RESP. *D. M* :...quoad complementum *formale*, *C*; quoad
elementum *materiale*, *S. d*; sacramenta quæ habent corpo-
ralem materiam...*C*; sacramenta in quibus humani actus
vicem materiæ gerunt, *N*.—*C.d.m* :...quoad sacramenti com-
plementum in absolutione consistens, *N*; quoad elementum
materiale constans ex actibus pœnitentis, *C*.—*Neg. conseq.*

"In sacramentis quæ habent corporalem materiam, oportet
quod illa materia adhibeat a ministro Ecclesie qui gerit
personam Christi, in signum quod excellentia virtutis in
sacramento operantis est a Christo. In sacramento autem
Pœnitentiae sunt actus humani pro materia, qui proveniunt ex
inspiratione interna; unde materia non adhibetur a ministro,
sed a Deo interius operante; sed complementum sacramenti
exhibit minister, dum pœnitentem absolvit." (Q. LXXXIV,
a. 1 ad 2)¹.

ARTICULUS II.

Utrum peccata sint materia remota hujus sacramenti.—

De materia proxima.

(Art. 2, 4)

1^o Questionem *an sit res solet altera in discursu scholas-*
tico excipere, quid sit. Quidditas autem sacramentorum ex
duobus elementis coalescit, vid. ex materia et forma. Oportet

1.—Cum, juxta scholasticorum loquendi usum, tria in omni sacra-
mento reperiuntur, nempe sacramentum tantum, rem et sacramen-
tum, et rem tantum, tria illa sic in sacramento Pœnitentiae
accipienda videntur: nimirum *sacramentum tantum* consistit in actu
exterius exercito tam per pœnitentem quam per sacerdotem absol-
ventem; *res et sacramentum* reponitur in pœnitentia interiori, quæ,
quanquam sub uno respectu pœnitentem ad actus externos dispo-
nit, sub alio tamen per eosdem actus perficitur et ordinatur ad hoc
ut una cum illis sacramentaliter cooperetur remissione peccatorum;
in qua remissione consistit *res tantum* sacramenti (hlo, a. 1 ad 3;
of. *Cajet.* in h.l.).

igitur ut definiamus quænam sit materia sacramenti Pœnitentiae, et quænam ejus forma.—De materia sub præsentis articulo peragendum occurrit; quæ quum sit vel *remota* vel *proxima*, utrinque determinatio sub considerationem cadet.

2º a) Quod spectat ad materiam *remotam*, nihil fere ad controversandum subit, nisi quod habet Synodus Pistoriensis (prop. 39^a)¹, venialium confessionem “non esse tautopere frequentandam.”

b) Materiam autem *proximam* sacramenti Pœnitentiae, sicut et sacramentum ipsum, *Novatores* detorto sensu accepérunt aut melius inficiati sunt: posuit enim Lutherus pœnitentiam duobus constare, scil. *conscientia terroribus* ex agnito peccato Deique minis incussis et *fide* seu fiducia quadam ex Evangelii pollicitatione vel sacerdotis absolutione concepta; *Calvinus* vero pro pœnitentiae partibus habuit *mortificationem* vitiorum et *vivificationem* seu piūm bene vivendi studium.—E catholicec *veteres* nonnulli, ut *Gul. Altisiodorensis*, quibusdam Patrum locutionibus decepti, reposuerunt materiam proximam sacramenti Pœnitentiae in *manuum impositione* facta a sacerdote absolvente.—Praeterea *Scotus* aliisque ejus sequaces, licet (secus ac hæretici sæc. XVI) admitterent contritionem, confessionem et satisfactionem ad Pœnitentiae sacramentum necessario requiri, contenderunt tamen tres illos pœnitentis actus nequaquam ingredi essentiam sacramenti, eamque essentiam totam in absolutione sacramentali consistere².

3º Duas conclusiones pro dupli materia genere constituemus.

Conclusio 1^a.—PECCATA POST BAPTISMUM COMMISSA, UT REMOVENDA, SUNT MATERIA REMOTA SACRAMENTI PŒNITENTIAE, PRINCIPALITER QUIDEM MORTALIA, SECUNDARIO AUTEM VENIALIA VEL MORTALIA JAM REMISSA.—Dico a) peccata post baptismum commissa; ita ut excludatur tum peccatum *originale* contra quod baptismus institutus est et de quo, utpote voluntate aliena peracto, nonnisi latior pœnitentia seu detestatio qualiscumque haberri potest, tum quoque peccatum *actuale*

¹—Inter propp. damnatas a Pio VI.

²—Notare requum est Doctorem Subtilem vixisse antequam Concilia catholicam hoc de re doctrinam apertius declararent.

baptismo anterius quod per eumdem baptismum deletur. Unde *Trid.* (Sess. XIV, cap. 1) expresse dicit sacramentum Pœnitentiæ "lapsis post Baptismum" exhiberi.—Dico
b) etiam peccata *ut removenda*; non enim quomodo cumque peccata ad sacramentum hoc referuntur, sed sub ratione materiæ contra quam sacramentum agit, sicuti morbus est materia medicinæ, ideoque quatenus detestanda ac destruenda sint.

1^a *Pars generalior asseritur auctoritate et ratione.*

1^o *Auctoritate*: etenim id est materia saltem remota pœnitentiæ super quod pœnitentia cadere censetur. Atqui Scriptura docet pœnitentiam cadere super peccata; ait quippe Ap. (2 Cor. XII, 21): *Non egerunt pœnitentiam super immoderatio, et fornicatione, et impudicitia, quam gesserunt.* Ergo.—Huc spectant quæ habet *Catech. Trid.* (P. II, de Pœnit. n. 18): "Ut ignis materiam ligna esse dicimus, quæ vi ignis consumuntur; ita peccata, quæ pœnitentiæ delentur, recte hujus sacramenti materia vocari possunt."

2^o *Ratione*: materia enim remota alicujus sacramenti vere ea judicatur circa quam versatur exhibitio et administratio illius sacramenti; sic baptismi materia remota est aqua, quæ adhibitæ fit ablutio. Atqui exhibitio sacramenti Pœnitentiæ, sive ex parte subjecti dolentis, confitentis et satisfacientis, sive ex parte ministri absolvientis, manifeste versatur circa peccata potestati clavium subjecta: ergo.

2^a *Pars specialis declaranda est.*

Et 1^o quod *principaliter* peccata *mortalia* ad materiam sacramenti Pœnitentiæ pertineant, sic tradit S. Thomas (art. 2 ad 3): "De peccato actuali mortali est pœnitentia proprie et principaliter: *proprie* quidem, quia proprie dicimus pœnitere de his quæ nostra voluntate commisimus; *principaliter* autem, quia ad deletionem peccati mortalis hoc sacramentum est *principaliter institutum*."—Revera sacramentum Pœnitentiæ institutum est per modum spiritualis *medicinae*. Medicina autem præprimis ac maxime dirigitur contra morbum lethalem. Igitur peccata mortalia sunt materia sacramenti *necessaria* (cf. *Trid.* Sess. XIV, can. 7).

2^o a) Peccata *venialia*, etsi *secundario tantum et libere*, proprie tamen et utiliter ad materiam sacramenti Pœnitentiæ pertinere dicuntur, prouti decrevit *Conc. Trid.* (Sess. XIV,

cap. 5 et can. 7) :—Nam institutio illius sacramenti deducitur ex Christi verbis : *quorum remiseritis peccata etc.* Jamvero peccata venialia, nostra voluntate admissa, vera sunt peccata actualia; quæ, quanquam animam gratia habituali non despoliant, Dei nihilominus condonatione indigent. Ergo.— Praxim venialia confitendi jam ab antiquitate prævaluisse, testes sunt præ aliis *S. Cyprianus* et *S. Augustinus*; quorum primus de fidelibus scribit (*l. de lapsis, n. 28*) : “Apud sacerdotes Dei dolenter et simpliciter confitentes, exomologesim conscientiae faciunt, animi sui pondus exponunt, salutarem medelam *parvis* licet et *modicis* vulneribus exquirunt.” *S. Aug.* vero (*in Ps. 99, n. 16*) dicit: “Semper confitere, semper habes quod confitearis. Difficile est in hac vita ut sic homo mutetur, ut nihil inveniatur in eo quod reprehendatur.”—Cæterum quantæ ex venialium confessione utilitates capi possint, breviter indicat *S. Franc. Salesius* (*Intr. ad vit. spir. p. II, c. 19*) : “Per Poenitentiac sacramentum non tantum a venialibus noxis confessis absolveris, sed magnam tibi comparabis vim ad eas evitaandas, magnuni lumen ad eas rite dignoscendas, et ubercm gratiam ad reparandum damnum ab illis illatum.”

b) *Mortalia* etiam peccata *semel remissa* dicenda sunt materia *sufficiens*¹, quamvis *libera*, sacramenti Poenitentiac :—Sane morem illa confitendi “salubrem” declaravit *Benedictus XI* (*Const. Inter cunctas, Extr. comm. l. V; t. 7*) ; quod et congruit communii piorum fidelium ipsorumque sanctorum consuetudini.—Insuper, nedum praxis illa sacramento Poenitentiac repugnet, ipsius indoli ac fini omnino consistanea est. Non repugnat, inquam, neque institutioni Christi qui minime absolvendi facultatem ad unum duntaxat remissionis actum limitavit, neque formæ absolutionis qua significatur peccati per gratiam remissio sive quantum ad reatum culpæ, sive (culpæ forte jam remissæ) saltem quantum ad reatum poenæ. Igitur, præter humilitatem ac devotionem quam reiterata mortalium confessio fovet, duplex inde fructus derivatur : scil. major securitas de sublato reatu culpæ, nec non remenantis poenæ temporalis imunitio totalis ablatio. Ad rem *S. Thomas* (*4 S. D. XVII, Q. III, a. 3, qu. 5 ad 4*) :

1—*Contra Scotum* ;—*of. Cajet.*, Opuso. t. I, tr. 5, q. 4.

“Quanto pluribus sacerdotibus confitetur quis, tanto plus de poena ei remittetur, tum ex erubescencia confessionis quæ in poenam satisfactoriam computatur, tum ex vi clavium. Unde toties posset aliquis confiteri quod ab omni poena liberaretur.”

Conclusio 2^a.—MATERIA PROXIMA SACRAMENTI PÆNITENTIAE CONSTAT EX TRIBUS ACTIBUS PÆNITENTIS, SCIL. EX CONTRITIONE, CONFESSiONE ET SATISFACTIONE, AT EX IIS TANTUM.

1^a Pars, quin proprie sit *de fide*, expresse continetur in *Rit. Romano*, ideoque debet (contra Scotistas) certa pronuntiari.

1^o Revera favet Conciliorum auctoritas.—*Conc. Flor.* (Decr. p. Arm.) dicit: “Quartum sacramentum est poenitentia cuius quasi materia sunt actus pœnitentis;” et *Trid.* (Sess. XIV, can. 4): “Si quis negaverit ad integrum et perfectam peccatorum remissionem requiri tres actus in pœnitente quasi materiam sacramenti Pœnitentiae, vid. contritionem, confessionem et satisfactionem, quæ tres Pœnitentiae partes dicuntur... A. S.” (cf. *ibid.* cap. 3). Porro declarationes illæ debent procul dubio de materia proprie dicta intelligi: a) etenim *primo* præfata Concilia, quorum decretum generale est sacramenta *omnia* componi ex materia et forma, memoratâ formâ sacramenti Pœnitentiae, nihil pro materia assignant præter actus pœnitentis quos quasi materiam vocant. b) *Secundo* eosdem actus simpliciter exhibent veluti *partes* sacramenti. At compositum sacramentale simpliciter seu essentialiter integratur vel completetur ex duobus, scil. ex forma et materia. Ergo actus illi, cum non sint de ratione formæ, pertinent ad materiam intrinsecus constitutivam sacramenti. c) *Tertio*, juxta *Trid.* (*l. cit.* cap. 3), vis sacramenti “præcipue” sita est in verbis formæ; non ergo unice, sed etiam in actibus pœnitentis quos Concilium vice materie mox recenset, quique idcirco eeu essentialis sacramenti pars habendi sunt. d) *Quarto* his consonat longe communior theologorum positio. e) *Imo quinto* adversariorum hypothesis diserte removetur per verba *Catech.* *Trid.* (P. II, de Pœnit. n. 17): “Neque vero hi actus *quasi materia* a S. Synodo appellantur, quia veræ materiæ rationem non habeant, sed quia ejus generis materia non sint, quæ extrinsecus adhibeatur, ut aqua in baptismo et chrisma in confirmatione.” Quis autem dixerit auctores Catechismi non esse mentem Concilii assecutos?

2º *Ratio* idem evincit.—*a)* In primis ex supradictis constat materiam remotam sacramenti Pœnitentiae, seu peccata actualia, sacramento applicari per actus pœnitentis. Atqui hæc materiae remote applicatio solet in re sacramentali proxima propriaque materia denominari: ergo.—Rursus, judicium pœnitentiale, quod sacerdos absolvens exercet, tria (ut ex dicendis amplius apparebit) necessario involvit, nempe cause cognitionem per confessionem rei, ejusdem rei dispositionem seu dolorem quo suscipienda absolutioni idoneus fiat, et satisfactoriae penalitatis injunctionem. Atqui tria ista reapse gerunt vicem materiae sacramentalis, quatenus in processu judiciali se habent velut *informe* quid et incompletum absolutione judicis complendum ac determinandum. Ergo.

b) Rem hanc ulterius confirmat *S. Thomas*, ubi egregie declarat propriam materiae pœnitentialis indolem. “Est, inquit (art. 1 ad 1), attendendum quod in illis sacramentis in quibus confertur excellens gratia, quæ superabundat omnem facultatem humani actus, adhibetur aliqua corporalis materia exterius; sicut in Baptismo, ubi fit plena remissio peccatorum et quantum ad culpam et quantum ad pœnam, et in Confirmatione, ubi datur plenitudo Sp. Sancti, et in Extrema-Uncione, ubi confertur perfecta sanitas spiritualis, quæ provenit ex virtute Christi quasi ex quodam extrinseco principio. Unde si qui actus humani sunt in talibus sacramentis, non sunt de essentia sacramentorum, sed dispositive se habent ad sacramenta. In illis autem sacramentis quæ habent effectum correspondentem humanis actibus, ipsi actus humani sensibiles sunt loco materiae, ut accidit in Pœnitentia et Matrimonio; sicut etiam in medicinis corporalibus quedam sunt res exterius adhibitæ, sicut emplastra et electuaria, quedam vero sunt actus sanandorum, puta exercitationes quedam.”

2º *Pars* concl. eo tendit ut rejiciatur quod Novatores non nullique veteres ceu materiam Pœnitentiae proposuerunt.

1º Reprobatur positio Novatorum, et *a)* in primis sententia lutherana quam Conc. Trid. expresse damnavit (Sess. XIV, cap. 3¹ et can. 4). Siquidem conscientiae terrores ex

1—Ait *Trid.* (h. l.): “Effectus hujus sacramenti reconciliatio est cum Deo, quam interdum in viris piis et cum devotione hoc sacra-

se, et præcisione facta a detestatione peccati, quiddam sunt pure naturale, quod nequit esse pars operis supernaturalis. *Fides* vero, quam ponunt, vel est virtus theologica ad poenitentiam utique ducens quin tamen naturam hujus sacramenti ingrediatur; vel est mera fiducia de remissio peccato, et sic poenitentiam peccati deletivam jam supponit.—*b)* Sententia *calviniana* æque improbat. Præterquam quod enim Calvinistæ non admittunt sacramentum Poenitentiae a Baptismo distinctum, *mortificatio* vitiorum et *vivificatio* seu studium bene vivendi fructus sunt poenitentiae, quam eapropter supponunt, et sine qua studium bonæ vitæ nequit esse nisi mere extrinsecum.

2º Manuum impositio perperam a nonnullis quasi proxima Poenitentiae materia habita est.—*a)* Etenim *Scriptura*, licet manuum impositionem commemoret loquendo de patrandis miraculis aut de sacramentis Confirmationis et Ordinis dispensandis, de ea tamen alte silet ubi de sacramento Poenitentiae agitur; simili silentio eam prætereunt *Flor.* et *Trid. Concilium*, que ceteroquin necessariis omnia hujus sacramenti elementa enucleate declarant.—*b)* *S. Thomas* (art. 4) sic ratiocinatur: impositio manuum in sacramentis Ecclesie adhibetur ad designandum copiosum gratie effectum deluentem ex fonte seu ministris in eos qui ipsis per ceremoniam illam copulantur et veluti continuantur; quod appareat ex Confirmatione in qua datur plenitudo Sp. Sancti, et ex Ordine in quo excellentior quedam potestas confertur. Atqui sacramentum Poenitentiae non ordinatur ad consequendam aliquam excellentium gratie, sed ad remotionem peccatorum. Ergo ad hoc sacramentum non requiritur manuum impositio, sicut nec ad Baptismum quo tamen plenius peccata delentur.—*c)* Non dislitemur diu in Ecclesia¹ ritum impositionis manuum ad reconciliandos peccatores viginesse, cuius et antiqui Patres et antiqua concilia mentionem faciunt. Ast duplex suspetit responsio: *primo* videlicet ceremonia illa publice magis quam privata poenitentiae ritus fuisse videtur; *secundo* insuper,

mentum percipientibus conscientiam pax ac serenitas enim vehementi spiritus consolatione consequi solet." Et mox *S. Synodus* "eorum sententias dianat qui Poenitentiae partes incusos conscientias terrores et fidem esse contendunt."

1—*Cf. Morinus, De adm. sacr. Pœn., l. VIII, c. 15.*

qualiscumque fuerit, non ad intrinsecam sacramenti rationem pertinebat, sed mere disciplinalis erat, qualis etiamnum quodammodo observatur sacerdotis "dexterâ versus penitentem elevatâ" (Rit. Rom.) ad absolvendum.

Solv. obj.—Obj. 1. (cont. 1^{am} concl.)—Materia in aliis sacramentis per verba formæ sanctificatur, ut sanctificata operetur effectum sacramenti. Atqui peccata nequeunt nec sanctificari nec sanctificare. Ergo.

Resp. *D. M*:...absolute, *N*; secundum quod assumitur in usum sacramentalem, *C*.—*C.d.m*:...secundum se, *C*; secundum dolorosam confessionem qua potestati clavium subjiciuntur, *N*.—*Neg. consequ.*

Obj. 2 (cont. 2^{am} concl.)—Sacramentum Pœnitentiae institutum est ad instar judicij. Atqui judicium presupponit quæ se tenent ex parte rei, nou tamen eis essentialiter constat. Ergo.

Resp. *D. M*: Sacramentum *inadæquate* sumptum, scil. ex parte rationis formalí *C*; sacramentum *a laquæate* sumptum, scil. pro materia et forma, *S. d*: institutum est ad instar judicialis *processus*, *C*; ad instar judicialis *sententia*, *N*.—*C.d.m*.—*Neg. consequ.*

Obj. 3.—Partes constitutivæ aliquujus compositi debent esse simul. Atqui simultas hæc non reperitur penes actus pœnitentis qui sibi succedunt. Ergo.

Resp. *D. M*: Partes compositi physici et permanentis... *C*; partes compositi moralis et successivi, quale est sacramentum Pœnitentiae, *S. d*: debent esse simul simultate morali, *C*; simultate physica, *N*.—*C.d.m*.—*Neg. consequ.*

ARTICULUS III.

Utrum hæc sit forma hujus sacramenti: "Ego te abservo."

De materiâ sacramenti Pœnitentiae ad ejus *formam* logico processu gradum promovemus.—Et 1^o hac in re quatuor distinctim investiganda ocurrunt: siquidem *primo* quivere est, an legitima sit forma absolucionis quam sacerdos communiter adhibet; *secundo*, quanam vi seu virtute forma illa

gaudeat; *tertio*, quo modo, num indicativo tantum vel etiam deprecatorio, exhiberi possit; *quarto* tandem, utrum aliter quam verbis in pœnitentem presentem prolatis exprimi queat.

2^o Quanquam ad 1^m, adversarios habemus Novatores qui sacramentum Pœnitentiae proprie dictum e medio sustulerunt. Nam, licet *Lutherus* ac lutherani speciem quamdam absolutionis sacramentalis retinuerint, *Calvinus* tamen aliique pseudo-reformatores non aliam absolutionem agnoverunt quam prædicationem fidei justificantis excitativam: doctrina ista magis magisque inter protestantes prevalet¹.—In libro liturgico *Anglicanorum* (Prayer-Book) reperitur forma absolutionis diversimode exhibita, cuius indeterminatio iis certe favet qui ritui illi valorem vero sacramentalem denegant; hunc tamen valorem vindicant *Puseistaræ* seu *Ritualistaræ*.—Tandem e catholicis memorandus est auctor anonymous quem *S. Thomas* (Opus. XXII) confutat, qui contendebat validam non esse formam absolutionis indicativam (qualem Ecclesia posterioribus decretis approbavit).

Quantum ad 2^m, Protestantes qui quandam absolutionis formam verbotenus saltem servavere, vim ei tribuunt mere declarativam, quatenus scil. minister conseatur pœnitentem non absolvere, sed absolutum tantum declarare.—Hinc sententie jam preiverat *Abelardus* docens potestatem remittendi peccata apostolis quidem datam fuisse, non tamen ad successores transiisse; eique etiam, inconscio licet animo, viam paraverunt, duce *P. Lombardo*, veteres quidam theologi tenentes absolutioni inesse vim remittendi peccatum quantum ad pœnam temporalem, non vero quoad reatum culpe et eterne pœne: quam opinionum insufficientiam subinde *S. Thomas* doctrinæ verborumque illustratione corrixit atque complevit.

Quantum ad 3^m, magna se offert sententiarum diversitas:—Quidam enim, ut *Morinus*, *Witasse*, *Tournely*, etc, sentiunt absolutionis formam undecim prioribus saeculis usitatam fuisse mere deprecatoriam, eamque apud plerosque Orientales

1.—Recens scriptor americanus, H. C. Lea, in opere: *A history of auricular confession* (1890), ostendere conatur absolutionem sacerdotalem penes catholicos vigentem nequam in usu fuisse in primâva Ecclesia, sed reconciliationem tunc fieri solitam fuisse solitus fori externi; unde *S. Thomam* et Patres Tridentinos carpit.

etiamnum vigere ; imo Morinus asserere non dubitat nostram formam latinam ejusdem esse deprecativæ indolis propter verba " in nomine Patris " etc (quæ idcirco essentialia esse contendit).—Alii, ut *Silvius*, *Gonet*, etc, absolute docent præfatam formam omnino indicativam esse oportere, ita ut deprecatoria nec modo sit nec unquam valida fuerit.—Alii demum, ut *Billuart*, *de Augustinis*, etc, postremam hanc sententiam eo sensu temperant quod forma a Christo instituta indicativam naturam habere debeat vel expresse vel saltem æquivalenter, licet forte materialis veiborum structio modum præferat deprecativum¹.

Quantum ad 4^m, quorundam olim opinio fuit scriptis absolutionem dari posse absentibus ; nec desuere modernis temporibus qui per telephonum valide pœnitentes absolvi posse existimarent.—Cuneta hæc quatuor conclusionum materiam nobis subministrant.

Conclusio 1^a.—PROPRIA AC CONVENIENS FORMA SACRAMENTI PŒNITENTIAE EST : " EGO TE ABSOLVO A PECCATIS TUIS IN NOMINE PATRIS " etc ; QUAMVIS NON OMNIA HIJUS FORMÆ VERBA ESSENTIALIA SINT.

1^a Pars expresse continetur decretis Conciliorum, scil. tum *Flor.* (Deer. union.) tum *Trid.* (Sess. XIV, cap. 3).

1^b Fundamentum habetur in *S. Scripturis*, ex quibus duplex argumentum eruit *S. Thomas* (Opusc. XXII, c. 1), ubi ait : " Inveni assertionem enjusdam valde temerariam, dicentis quod sacerdos absolvendo uti non debet hac forma : Ego te absolvo. Quod quidem presumptuosum judico, quia repugnat evangelicis dictis. a) Dicit enim Dominus Petro (Matth. XVI) : Quodcumque solveris super terram, erit solutum et in celis ; quod ad usum clavium pertinere ostenditur. Nam premiserat : Et tibi dabo claves regni celorum. Et post quasi usum clavium exponens dicit : Et quodcumque solveris. Patet ergo ex dictis Salvatoris, quod habens claves absolvit." --b) Præterea " magis verbis Domini colligitur hanc esse formam debitam absolvendi : Ego te absolvo. Sicut enim Dominus discipulis dixit : Euntes docete omnes

1.—De eorum quo absolutionem attinent historica recensione, cfr. utilissimum opus a cl. Vacant incepsum sub titulo : *Dictionnaire de théologie catholique*, ad verbum *absolution*.

gentes, baptizantes eos (Matth. ult.), ita dicit: *Quodcumque solveris super terram.* Unde sicut conveniens est forma baptismi, ut minister dicat: *Ego te baptizo, quia Dominus ministris actum baptizandi attribuit;* ita conveniens forma est, ut dicatur: *Ego te abservo, quia Dominus ministro actum absolvendi attribuit*" (*ibid.*).

2º Remissâ ad tertiam conclusionem historicorum documentorum trutinâ, invocare nunc sat erit argumentum *præscriptionis*. Nec enim sive Tridentinos sive Florentinos patres nec ullum coævum theologum formulam absolutionis modo obtinentem excogitasse, colligi potest ex *D. Thoma* qui sicc. XIII florebat. Scribit enim Angelicus (*Opusc. cit. cap. 1*) quod "est communis consuetudo tali forma utentium, cui aliquem contrariari non parvæ præsumptionis est;" et infra (cap. 2) subjungit paucos theologos, qui forte sint secus opinati, non posse præjedieare "communi sententiae magistrorum Parisiis regentium qui contrarium sentiunt, decernentes absque his verbis: *Ego te abservo, absolutionem non esse per solam deprecativam orationem.*" Jamvero nunquam S. Doctor, qui tantam antiquitatis venerationem profitebatur tan-taque laude ejus scientiam callebat, ausus esset doctrinam suam de absolutione veluti veram et communem proponere, nisi illam absolutionis formam in suo essentiali significatu ad prima usque Ecclesie initia assurgere persunsum ac exploratum hubuisset.

3º Ut *ratione* jam procedamus, *præsupponimus* quod in comperto est, vid. formam sacramenti Pœnitentie sitam esse in verbis sacerdotis: siquidem in qualibet re perfectio attribuitur forme; perficitur autem hoc sacramentum et veluti determinatur per sententiam a sacerdote in pœnitentem prolatam.—Hoc posito, sic arguimus: cum sacramenta N. L. efficiant quod figurant, forma alicujus sacramenti propria ac conveniens en dicenda est que significet id quod in sacramento agitur, non quomodocumque, sed secundum materię indolem ac proportionem; v. g. forma Baptismi "ego te baptizo" et forma Confirmationis "signo te signo crucis" etc, adaptantur sacramentis in ipso materię usu perfectis, in sacramento autem Eucharistie, quod in consecratione conservativa materię consistit, forma accommodata profertur his verbis "hoc est corpus meum." Atqui sacramentum Pœnitentie

id speciale habet ut nec in consecratione alicujus materie nec in usu materie sanctificate consistat, sed magis in ablatione alicujus materie, scil. peccati, prout peccata dicuntur materia Pœnitentiæ remota. Ergo necesse est ut forma hujus sacramenti ablationem illam congruenter exprimat. Atqui peccata se habent quasi quædama vincula, secundum illud (Prov. V, 22): *Iniquitates sue capiunt impium, et funibus peccatorum suorum constringitur;* hec autem vincula solvuntur gratiâ Dei per sacerdotis ministerium. Ergo convenientissima forma erit quæ solutionem animæ a peccatis mediante Dei virtute et hominis ministerio proferat, scil. "ego te absolvo a peccatis tuis in nomine Patris" etc.

2^a *Pars declaranda* magis quam probanda est.

1^o Non dubitatur quin verba "te absolvo" sint prorsus essentialia, quatenus per ea significatur tum sententia iudicis tum sententiæ subjectum.—Alia verba "tibi peccata remitto," utpote æquivalentia, valida etiam forent, at precedentia magis congruunt verbis quæ Christus protulit ostendens virtutem clavium per quas sacerdotes *absolvunt* (art. 3 ad 3).

2^o Pronomen "ego" minime, ut patet, esseential est, sicut nec in Baptismo.—Idem sentiendum videtur de verbis "a peccatis tuis," prout in pries. art. clare innuit *S. Thomas*; siquidem, licet absolute forma "absolvo te" indifferens sit ad significandum vel a peccatis vel a censuris absolutionem, iudicium tamen a sacerdote latum in confitentem peccata sua satis per hanc confessionem determinatur.—Tandem reliqua verba "in nomine Patris" etc, convenienter quidem subjiciuntur ad demonstrandum primam ac principalem auctoritatem qua minister absolvit, nequaquam autem pertinent ad necessitatem sacramenti: tum quia hoc non est ipsis Christi verbis determinatum, sicut in Baptismo; tum quia deest in Pœnitentia specialis ratio profite nde fidei (cujus Trinitas potissimum est objectum), quæ Baptismo convenit.

Conclusio 2^a.—IN SACRAMENTO PŒNITENTIÆ EA EST FORMÆ VIS UT REMISSIONEM NON SOLUM PŒNARUM, SED ET PRÆCIPUE PECCATORUM EFFICIENDO SIGNIFICET.—Trium ex ordine adstrui sub hac conclusione poterunt.

1^o *Non tantum absolutio a pœna* peccatis debita per sacerdotem datur:—a) Damnata est in primis sequens Baii prop. 57^a: "Sacerdotis absolutione proprie reatus peccati dun-

taxat tollitur et ministerium sacerdotum solum liberat a reatu"; patet autem ex prop. 56^a quod per reatum hic intelligitur "obligatio ad pœnam."—*b)* Præterea, verba Christi institutis Pœnitentiae sacramentum sunt: "quorum remiseritis peccata" etc. Jamvero in peccato aliud est reatus culpæ, aliud reatus pœnae sive æternæ sive temporalis, licet non contingat culpam sine æterna pœna remitti; et quia pœna consequitur culpam, absolutio sacramentalis prius a culpæ vinculo quam a pœnae necessitate liberare merito judicatur.

2º Sacerdos dicens "ego te absolvō" non solum declarat pœnitentem a peccatis absolutum, sed eum reapse absolvit, quod expresse definitum est a Conc. Trid. (Sess. XIV, can. 9).—*a)* Sane audiatur S. Chrysostomus inquiens (de Sacerd. l. III, n. 6): "Corporis lepram purgare, vel, ut verius dicam, ne purgare quidem, sed purgatum ostendere, Iudeorum sacerdotibus licet; at vero nostris sacerdotibus, non corporis lepram, sed animæ sordes, non dico purgatas probare, sed purgare prorsus concessum est."—*b)* Ad propositionem sic arguit S. Thomas (hic, ad 5): "Sacraenta N. L. non solum significant, sed etiam faciunt quod significant¹. Unde sicut sacerdos baptizando aliquem, ostendit hominem interius ablutum per verba et facta, et non solum significative, sed etiam effective, ita etiam cum dicit "ego te absolvō," ostendit hominem absolutum non solum significative, sed etiam effective."—*c)* Id præterea manifeste declarat potestas clavium, seu ligandi ac solvendi facultas ministris sacramenti concessa, cuius exercitium essentialiter importat absolutionem ab ipsis sacerdotibus instrumentaliter effectam.

3º Itaque concludendum est formam absolutionis in sacramento Pœnitentiae efficiendo significare ipsam ac realem *peccatorum remissionem*.—Quae remissio cum fieri non possit absque gratia divinitus infusa², idcirco *gratia collatio*, precise in quantum est *remissiva peccati* et reconciliationis animæ cum Deo vel factiva vel saltem confirmativa, sub ejusdem forme significationem edat.—Haec autem significatio, quamvis possit in effectu frustrari per indispositionem sub-

1—Cf. *De Sacramentis* (1^a pars), Disp. I, Q. 1, a. 1 et Q. III, a. 1-2.

2—Cf. *De Reparatione*, Disp. V, Q. 1, a. 1.

jecti seu *ex parte pœnitentis* deficere, secundum quod tamen absolutio *exit a ministro* certissimam veritatem habet.

Conclusio 3^a. — LONGE PROBABILIUS EST IN SACRAMENTO PŒNITENTIÆ FORMAM PURE DEPRECATORIAM NUNQUAM FUISSE VALIDAM, SED UNIVERSALITER REQUIRI FORMAM VEL EXPRESSE VEL SALTEM AÉQUIVALENTER INDICATIVAM.

Revera 1^o Concilia generalia (*Flor.* et *Trid.*) decreverunt formam sacramenti Pœnitentiae sitam esse in verbis “ ego te abservo ” etc. Jamvero quod hæc alterave æquivalens forma indicativa una eademque valuerit omnibus temporibus, plura persuadent :—*a) primo* sententia alibi a nobis propugnata¹, quod Christus per se formam ac materiam sacramentorum *in specie* determinaverit, nec Ecclesiæ discretivam hac de re potestate pro temporum opportunitate ac diversitate exercendam reliquerit.—*b) Secundo* ratio verborum institutionis sacramenti Pœnitentiae; de quibus *S. Thomas* (*Opusc. XII*, cap. 1): “ In sacramento Pœnitentiae verba Scripturæ, quæ maxime sunt sectanda, non faciunt mentionem de aliqua deprecatione, sed magis verbo indicativo utitur. Non enim dicit: Quæcumque petieris esse solvenda, erunt soluta, sed quæcumque solveris, erunt soluta. Si ergo illa tantum dicuntur esse soluta quæ habens claves solverit, qui autem petit aliquid solvendum non solvit, miror qua temeritate aliquis asserat esse solutum, quem habens claves non significat se solvere, sed solum rogat esse solvendum ” (cf. dicta sub 1^a concl.).—*c) Tertio* verba *Conc. Trid.* (*Sess. XIV*, cap. 3), ubi declarat formæ indicativæ “ *de Ecclesiæ sanctæ more* preces quasdam laudabiliter adjungi, ad ipsius tamen formæ essentiam nequaquam spectare; ” quæ sane evineunt nunquam in more Ecclesiæ fuisse formulam *pure deprecatoriam* pro valida habere.

2^o Omnes catholici in hoc consentiunt quod forma sacramenti Pœnitentiae pronuntiari debet super penitentem sub ratione *judicij*; id enim superioris clare comprobatum est. Atqui sententia judiciali prorsus repugnat formula mere deprecatoria:—enimvero duplex est deprecatio, una quidem *simpliciter* dicta quæ non est nisi oratio supplicantis, alia autem *secundum quid*, quæ nempe, quamvis modum ora-

1.—*De Sacramentis* (1^a pars), Disp. I, Q. I, n. 3.

tionis præ se ferat, reapse tamen fit ex potestate vel potestatis exercitium continet. Jamvero satis comperitur actum vere judiciale componi non posse cum forma pure seu simpliciter deprecatoria¹, sed eo modo esse promendum qui potestatem judicis se exerentem exprimit, scil. formulâ vel expresse vel saltem æquivalenter indicativâ (licet grammaticaliter deprecatoriâ).

3º Historia (quidquid Morinus aliquo opinentur) nihil habet quod thesim nostram aut evertat aut etiam infirmet. Confitemur equidem in antiquis libris ritualibus Ecclesiæ tum Græcæ tum Latinæ sæpius apparere formulam deprecatoriam, nec nisi tardius formam indicativam prævaluuisse videri. At duplex hic respōsio adhiberi merito potest, una quoad absentiam formæ indicativæ, altera quoad sensum formæ deprecativæ:—*a)* *Primo* namque jure æstimatur formulam deprecativam, pluribus in monumentis descriptam, pertinere non jam ad absolutionem sacramentalem et privatam, sed ad solemniorem ritum reconciliationis publicæ. *b)* *Priuera* (ut fatetur *Martene*²) in plerisque ritibus una cum formulis illis reconciliatoriis reperiuntur formulae quedam indicativæ; in aliis vero, brevitatis gratiâ et quia cuiilibet confessario nota erat, forma absolutionis private suppressa dicenda est.—*b)* *Secundo* formula deprecativa, quæ olim prævaluuisse asseritur, queque nunc penes quosdam orientales adhuc viget, talibus verbis generatim concepta est ut reapse sit potestativa et æquivalenter indicativa: modo enim formæ struetio iudicem habet imperativam, utputa “deleatur hoc peccatum”; modo fit in depreciatione mentio ministerii sacerdotialis, utputa “Deus per me tibi indulget”; modo saltem ante rogationem venia commemoratur potestas peccati remissiva sacerdotibus a Christo tradita³.

Conclusio 4º.—NON VALET ABSOLUTIO SCRIPTO NUTIBUSVE EXPRESSA, VEL IN ABSENTEM PROLATA, ETIAM (PROBABILIUS) SI PER TELEPHONUM DETUR.

1—“Per hec verba (scil. deprecatoria) sacerdos absolutionem non significant fieri, sed petit ut fiat” (*S. Th.*, hie ad 1).

2—Apud Susse, *Tract. de saec. parvitate*, th. XXXII.

3—Cf. Vacant, *op. cit.* pp. 244-252.—Censent nonnulli (quod tamen minus probabile videtur) formam pure deprecatoriam, extra tres casus mox recensitos, sufficienter determinari et reduci ad sensum aliquujus judicij per circumstantias externas confessionis etc.

1^a *Pars* suadetur:—1^o ex *Cone. Flor.* declarante (Deer. pro Arm.) quod “forma hujus sacramenti sunt *verba* absolutionis, quæ sacerdos *profert*, cum dicit: *Ego te absolvo*” (cf. *Trid. Sess. XIV*, cap. 3).—2^o Ex *praxi communi* unanimique Ecclesiae sensu, quem vetustiores libri rituales immutatum exhibent.—3^o Ex *analogia* cum reliquis sacramentis, in quibus (excepto Matrimonio) forma debet oraliter exprimi. Ratio autem exceptionis est, quia sacramentum Matrimonii institutum est per elevationem contractus conjugalis (qui contractus nutibus aliisque signis effici poterat) ad dignitatem sacramentalem; cætera autem sacramenta undeque sunt positivæ institutionis.

2^a *Pars* ostend.—Et 1^o suppetit decretum *Clementis VIII* (1602), quo propositionem istam, scil. “licere per litteras seu internuntium confessario absenti peccata sacramentaliter confiteri et ab eodem *absente* absolutionem obtinere”, ad minus uti *falsam*, *temerariam* et *scandalosam* damnavit ac prohibuit ne unquam “tanquam aliquo casu probabilis defendatur”: quæ prostrema verba manifester declarant, absentis absolutionem proscribi veluti *invalidam*.—2^o Accedit, quod *nullum* certum *antiquitatis* monumentum asserri potest, quo demonstretur consentiente vel permittente Ecclesia absolutionem unquam fuisse absenti impertitam; quæ enim allegat Morinus, vel non agunt de absolutione, vel agunt de absolutione a censuris et pœna canonica, vel de concessione indulgentiæ (*Sasse*, th. *XXXIV*).—3^o Ex altera concl. parte constat quod, juxta Christi institutionem, forma sacramenti Pœnitentiae orenatus proferri debet. Atqui verba hæc “ego te absolvo” aliae similia, ore prolata, necessario supponunt presentem pœnitentem ad quem diriguntur: ergo.—4^o Tandem objectioni petitæ ab excommunicatione (a qua absolvit etiam absens potest) respondemus negando paritatem: excommunicatione enim et ab Ecclesia regulante est instituta et intra judicium de interna rei dispositione tolli potest; sacramentum autem Pœnitentiae dependet a sola Christi institutione nec nisi exploratis consitentis animi sensis ac vulneribus conferri debet, quod ejus presentium requirit.

3^a *Pars* ultro ex secunda consequitur:—a) Etenim *telephonum* nequit constituere inter pœnitentem et absolventem illam presentie rationem quæ requiritur ut sacerdos, et qua

par est notitiâ, de debito pœnitentis statu judicare valeat.—
b) Imo nulla præsentia per tale instrumentum inter collo-
quentes efficitur, sed duntaxat efficax *inter distantes* com-
municatio initur.—c) Neque etiam immediate ac proprie
loquendo, humana voce verbisque fit ista communicatio,
siquidem audiens non capit nisi physicam quamdam atque
mechanicam *humanæ vocis reproductionem*¹.

Solv. obj.—OBJ. 1.—Formæ sacramentorum judicandæ sunt ex communi Ecclesiae usu. Atqui Ecclesia frequenter adhibet absolutiones mere deprecatorias, v. g. in prima et completorio, imo in sacramento Pœnitentiae. Ergo.

RESP. C. M.—D.m: quæ absolutiones *sacramentales* sunt, N; quæ per modum orationum vel ordinantur ad remissio-
nem venialium extra sacramentum, vel præmittuntur sacra-
mentalii absolutioni ne effectus sacramenti indispositione
pœnitentis impediatur, C.—Neg. conseq.

OBJ. 2.—Nonnulli Patres (S. Ambr., S. August., S. Leo M.)
docent indulgentiam Dei pœnitentibus obtineri per *suppli-
cationes* sacerdotum. Atqui ea voce designatur forma sacra-
menti Pœnitentiae mere deprecativa. Ergo.

RESP. D. M:... per supplicationes *formaliter* sumptas,
N; per verba absoluta formæ, quæ tamen, utpote a ministro
prolata et a Deo vim suam trahentia, *tacitam* quamdam
supplicationem continent, C.—C.d.m.—Neg. conseq.

OBJ. 3.—Idem est absolvere à peccato ac peccatum remit-
tere. Atqui solus Deus peccatum remittit intraea animæ
emundatione. Ergo.

RESP. C. M.—D.m:... tanquam causa auctorativa et
principalis, C; ad exclusionem causæ ministerialis et *in-
strumentariae*, N.—Neg. conseq.²

OBJ. 4.—Sicut Dominus dedit discipulis potestatem absol-
vendi a peccatis, ita etiam eis contulit potestatem curandi in-
firmitates. Atqui in sanandis infirmis Apostoli non dicebant:
“Ego te sano,” sed “sanet te Dominus.” Ergo.

RESP. D. M:... et utraque potestas erat eodem modo exer-
cenda, N; potestas sanandi infirmos exercenda potius erat
per *orationem*, potestas autem absolvendi per *vim instru-*

1—Bucceroni, *Casus conscientiae* (ed. 3^a), p. 476.

2—Cf. *De Sacramentis* (1^a pars), Disp. I, Q. III, a. 2.

mentalem, C.—D.m... plerumque, *Trans*; nec quandoque modo indicativo et imperativo usi sunt, puta (Act. III, 6), N.—*Neg. conseq.*

OBJ. 5.—Nemo sine revelatione divinitus sibi facta peccati alicujus remissionem certo decernere aut declarare potest. Atqui forma absoluta in sacerdotis ore hanc remissionem certo decernit. Ergo:

Resp. D. M :... sine revelatione *speciali*, N ; sine revelatione *generali* quam fides circa Christum et sacramentorum efficaciam importat, C.—C.m.—*Neg. conseq.*

ARTICULUS IV.

Utrum hoc sacramentum sit de necessitate salutis;— secunda tabula post naufragium.

(Art. 5-6)

1º Necessitati sacramenti Pœnitentiae refragantur tum qui directa hostilitate sacramentum illud negant, tum qui (ut *Anglicani*) utilem quidem esse hanc praxim largiuntur, minime tamen eam fidelibus imponendam volunt.

2º In mentem revocare est necessitatis distinctionem alibi¹ traditam; alia quippe habetur necessitas *mediæ*, alia vero necessitas *præcepti*; quarum prima secum trahit secundam, non vice versa.—Necessitas quoque medii alia est *absoluta*, alia *hypothetica*: absolute quidem necessarium est ad salutem illud sine quo nullus salutem consequi potest; quæ necessitas dupliciter potest oriri, nempe vel ex natura rei (et sic necessaria est gratia Dei), vel ex divina ordinatione (et sic necessarius est Baptismus). Hypothetice autem necessarium ad salutem dicitur illud sine quo salus obtineri nequit, non absolute, sed supposito aliquo, utputa lapsu post Baptismum; et hanc necessitatem hypotheticam de Pœnitentiae sacramento prædicamus.

3º Præfatam necessitatem propositione precipua contra Protestantes vindicabimus; ex quo sponte fluet, veluti *corollarium* in altera conclusione dec'randum, quam congrue

1—*De Sacramentis* (1^a pars), Disp. II, Q. III, a. 1.

passim a Patribus Pœnitentia denominetur "secunda tabula post naufragium."

Conclusio 1^a. — PŒNITENTIÆ SACRAMENTUM LAPSIS POST BAPTISMUM AD SALUTEM NECESSARIUM EST NECESSITATE MEDII, VEL IN RE VEL SALTEM IN VOTO. — Duæ accipiuntur partes.

1^a Pars definita est a *Conc. Trid.* (Sess. XIV, cap. 2) his verbis: "Est hoc sacramentum Pœnitentiæ lapsis post Baptismum ad salutem necessarium, ut nondum regeneratis ipse Baptismus."

1^o Ex *Scriptura* (Matth. XVI, 19; XVII, 18; Joan. XX, 23) tripliciter arguere possumus.—a) Sacerdotes enim in sacramento Pœnitentiæ peccata remittunt virtute potestatis *clavium regni cœlorum* sibi divinitus concessæ. Atqui potestas haec, nisi inefficax dicatur, talis esse debet sine qua spirituale regnum peccantibus in Ecclesia, seu post Baptismum, clausum prorsus remaneat. Ergo.—b) Item, ex Christi verbis sacerdotes facultatem habent sicut remittendi, ita et *retinendi* peccata. Jamvero supposito quod peccator posset aliter quam per sacramentum Pœnitentiæ peccatorum suorum remissionem obtinere, retentio præfata inutilis ac illusoria foret; quod absonum est dicere. Ergo.—c) Amplius, ex indicatis Scripturæ locis compertum habemus Christum constituisse suos ministros veluti *judices* vicarios in iis causis dirimendis quas culpa mortalis Deum inter et hominem evocat. Atqui, ut scite advertit *Bellarminus* (de Pœn. l. III, c. 2), "etiam si possint privati homines lites, quas inter se habent, sine publicorum judicum sententia componere, non possunt tamen eas lites componere, quas cum rege ipsi habent, nisi illum adeant quem loco suo rex judicem esse voluit." Ergo.

2^o *Traditionis* sensus a) ex eo in primis appareat quod, nisi Pœnitentiæ sacramentum necessarium omnino sive Ecclesiæ magisterio sive Patrum Doctorumque sententis prædicatum fuisset, praxis adeo difficilis multisque repugnans profecto nequivisset diu subsistere.—b) Missis aliis quos passim tractationis lapsu audiemus, referre nunc sufficiat S. *Augustinum* sic eloquentem (Serm. 392, n. 3): "Agite pœnitentiam, qualis agitur in Ecclesia, ut oret pro vobis Ecclesia. Nemo sibi dicat: occulte ago, apud Deum ago, novit Deus, qui mihi ignoscat, quia in corde meo ago. Ergo sine causa dictum est: *Quæ solveritis in terra, soluta erunt in cœlo?*

Ergo sine causa sunt claves datæ Ecclesiæ Dei ? Frustramus evangelium, frustramus verba Christi ? ”

3º Sic cum *D. Thoma* ratiocinari licet.—Lapsus post Baptismum non potest salutem consequi nisi gravis saltem peccati reatum pœnitentiâ exuat. Atqui in præsenti œconomia pœnitentiæ illius medium non est nisi sacramentum hujus nominis : ergo. *Maj.* constat ex eo quod peccatum grave generat mortem (*Jac. I, 15*) ; mortale autem peccatum non removetur nisi pœnitentia cooperante, juxta illud *Aug.* (*Serm. 169, de Verb. Apost. c. 11*) : “ Qui fecit te sine te, non te justificat sine te.” Unde gravis illa Domini sententia (*Luc. XIII, 3*) : *Nisi pœnitentiam habueritis, omnes simul peribitis.* *Min.* ostendit : homo in præsenti conditione non potest pœnitentiam salutarem agere nisi eo medio quod Christus ad virtutem suæ passionis communicandam peccatoribus iustituit. Atqui virtus passionis Christi instrumentaliter operatur in sacramentis diversis pro diversa necessitatibus indole ; sacramentum autem Pœnitentiæ id speciale habet ut sit veluti spirituale remedium sanandis animæ baptizatae vulneribus accommodatum. Ergo sacramentum hoc ad salutem lapsis post Baptismum necessarium est, sicut medicatio corporalis ei qui in morbum periculosum forte incidenterit.

2º Pars necessitatem illam ulterius declarat, addens “ in re vel *in voto*.”

1º Huc spectant verba *Conc. Trid.* (*Sess. XIV, cap. 4*), nempe “ reconciliationem ipsi contritioni, sine sacramenti *voto*, quod in illa includitur, non esse adscribendam ”; ex quibus duo colligimus, tum quod contrito *sine* sacramenti Pœnitentiæ voto non justificat, tum quod *cum* eodem voto justificare potest.—*Ratio* est, quia ex una parte contritio perfecta, utpote ultima ad gratiam dispositio, semper justificationem importat ; ex altera autem parte contritio in præsentiarum perfecte nequit haberi nisi pœnitens, juxta Dei preceptum, paratus sit ad subjiciendum peccata sua clavibus Ecclesiæ. (*Vid. dicenda inferius de contritione.*)

2º Neque (bene adnotat *Sasse, th. XVII*) existimandum est post institutionem sacramenti *mutatam esse contritionis vim*, quasi contritio antea sufficiens iam nunc per se sola non valeat hominem justificare : etenim votum sacramenti continetur in

ipsa contritione hujusque contritionis actu elici potest. Id solum mutationis contigit, quod contritio, quæ universaliter votum includit totam legem implendi, nunc ad hanc quoque obligationem se extendit, ut sacramentum actu suscipiatur.—Justificat igitur contritio cum voto, ea lege quod contritioni ipsi tanquam *dispositioni* peccati remissio attribuenda sit et votum se habeat veluti *conditio* qua mediante contritio supplet vices sacramenti.—Quod si reapse sacramentum, cuius votum (sive explicitum sive implicitum) in contritione fuerit, actu dein non suscipiatur, novum quidem ex violato Dei præcepto peccatum habebitur, non tamen ea propter præcedens justificatio invalida censenda est; imo, si præcepti adimpletio inculpabiliter omittatur, quia per votum jam necessitati medii factum est satis, pœnitens sine sacramento actu suscepto salvabitur.

Conclusio 2^a.—SACRAMENTUM PŒNITENTIAE CONGRUENTER A PATRIBUS PASSIM NUNCUPATUR “SECUNDA TABULA POST NAUFRAGIUM.”—Hanc denominationem expresse approbat atque explicat *Catech. Tridentinus* (P. II, de Pœn. n. 1) ad mentem Angelici Doctoris.

Sane id quod est per se, naturaliter prius est eo quod se habet per accidens, sicut et substantia prior est accidente. Atqui sacramenta quedam *per se* ordinantur ad salutem hominis, nimirum Baptismus qui est spirituális generatio, Confirmatio quæ est spirituálē augmentum, Eucharistia quæ est spirituálē nutrimentum; Pœnitentia autem ordinatur ad humanam salutem quasi *per accidens*, seu contingenter et ex suppositione peccati: nisi enim homo peccaret actualiter, pœnitentia remedium non indigeret, quanquam adhuc egeret gratia Baptisimi, Confirmationis et Eucharistiæ. Ergo Pœnitentia secundum tenet locum respectu status integritatis spiritualis qui per tria alia sacramenta constituitur et conservatur. Porro hunc Pœnitentie locum ejusque munus proprium apte significat metaphora illa *secunda tabula post naufragium*. “Nam sicut primum remedium mare transeuntibus est ut conserventur in navi integra, secundum autem remedium est post navem fractam ut quis tabulae adhæreat, ita etiam primum remedium in mari hujus vitæ est quod homo integratatem servet; secundum autem remedium est, si per

Id aliter oque ir.— tationi sit et atritio ntum, itione iolato p'precepti neceſſo actu RUEN- A POST probat . 1) ad uod se idente. alatem heratio, ia que tur ad er et ex qualiter, e egeret Pœnitentia- gritatis conser- nus pro- la post anseun- n autom dhaerat, od homo st, si per peccatum integratatem perdiderit, quod per poenitentiam redeat" (art. 6).

Solv. obj. (cont. 1^{am} concl.)—**OBJ.** 1.—Illud sacramentum necessarium non est cuius effectus aliis obtinetur mediis. Atqui effectus sacramenti Poenitentiae, scil. remissio peccatorum, aliter obtineri potest, quatenus *per misericordiam et fidem purgantur peccata* (Prov. XV, 27), vel *universa delicta operit charitas* (*ibid.* X, 12). Ergo.

RESP. C. M.—N. m.—D. prob: Virtutes illæ in praesenti conditione peccata delent independenter a sacramento Poenitentiae, N; vel ad hoc sacramentum disponunt, vel ei cooperantur, vel cum ejus voto justificant, C.—*Neg. conseq.*

Ex quo aliquis peccatum incurrit, fides, misericordia et charitas non eum liberant a peccato illo sine poenitentia Poenitentiaeque sacramento: *fides enim, christiana luce illustrata, edocet justificationem a virtute passionis Christi per medium divinitus constitutum esse derivandam; misericordia ordinata requirit ut homo in primis proprie misericordie statuta poenitentiae lege subveniat; charitas etiam suadet ut Dei offensor de offensa juxta eamdem legem doleat tantoque amico debite satisficiat.*—Porro jam diximus poenitentiae medium pro praesenti statu esse sacramentum: ad hoc itaque sacramentum recipiendum fides et misericordia disponunt vel inclinant; charitas vero, si imperfecte et *initialiter* tantum habeatur, complendique sacramentali virtuti cooperatur; sin autem *perfecta* sit, vere sed non sine sacramenti voto justificare potest.

Obj. 2.—Sacramenta Ecclesie initium habent ab institutione Christi. Atqui, ut legitur (Joan. VIII), Christus mulierem adulteram absolvit sine poenitentia. Ergo.

Ressr. C. M.—D. m :...sive poenitentia *interiori*, N; sine poenitentia exteriori et sacramentali, S. d: propter *potes- tam excellentiam* sibi propriam qua valebat effectum sacramentorum extra sacramenta producere, C; ita ut hoc detrahatur necessitat sacramenti Poenitentiae a Christi ministris dispensandi, N.—*Neg. conseq.*

Obj. 3.—Illa sacramenta necessitas non est, quæ difficultorem redderet peccatorum remissionem. Atqui necessitas (si esset) sacramenti Poenitentiae, quod olim non requirebatur, difficultorem ficeret peccatorum remissionem. Ergo.

RESP. *Trans. M.—D.m* : necessitas sacramenti Pœnitentiae, ad quod *re* tantum receptibile *contritio* perfecta requiri-
tur... *C*; ad quod netu suscipiendum sufficit *attritio*¹, dum
contritio cum solo ejus voto etiam justificat, *N.—Neg. conseq.*

ARTICULUS V.

*Utrum hoc sacramentum fuerit convenienter in N. L.
institutum.*

Plura quidem jam in anteactis articulis de institutione sacramenti Pœnitentiae assecuti sumus; at ut præcellentia neconon divinitas tam utilis institutionis illustrius pateat, opere erit pretium ejus *originem* directius distinctiusque explorare.—Cuncta sub una conclusione tripartita comprehendemus.

Conclusio.—LICET PŒNITENTIA GENERATIM SIT DE JURE NATURALI, JURE TAMEN POSITIVO PRO TEMPORUM DIVERSITATE DETERMINATIONEM ACCEPIT; UNDE CONVENIENTISSIME INSTITUENTE CHRISTO IN N. L. SACRAMENTI RATIONEM SORTITA EST.

1^a *Pars* sic a *D. Thoma* asseritur (art. 7 ad 1): “*De jure naturali* est quod aliquis peniteat de malis quæ fecit, quantum ad hoc quod dolet ea fecisse, et doloris remedium quærat per aliquem modum, et quod etiam aliqua signa doloris ostendat.”—*Ratio* est, quia ipsa lex naturalis dictat offensam in Creatorem commissam reparandam esse per intimam cordis immutationem ^{et} debitamque satisfactionem.—Cum vero homo componatur ex anima et corpore, humane prorsus consentaneum est naturæ ut utrumque, scil. tum anima tum corpus, in complendo reparacionis opere associentur; unde ipsa pœnitentia exterior indeterminate sumpta, etsi forte non sit de rigore juris naturalis, eidem tamen apprime conformis est.

2^a *Pars* declaratur.—Ea que sunt juris naturalis multiplices ex jure positivo determinationem accipere possunt pro diversitate temporum et finis. Porro, quantum spectat ad propositum, triplex ietas peccato Adie posterior distingui debet, ietas naturæ, ietas mosaïca et ietas christiana :

1.—*De attritione*, prout a contritione differt, sermo infra habebitur.

1^o De *actate naturæ* id scribit *S. Thomas* relate ad pœnitentiam (4 S. D. XXII, Q. II, a. 3, sol. 2): "Tempore legis naturæ non erat aliquis modus determinatus; sed quilibet, secundum quod sibi veniebat in cor, modum pœnitendi sibi determinabat."

2^o De *actate mosaïca* rursus hæc loquitur *Auctor* (hic, ad 2): "Ea quæ sunt juris naturalis diversimode determinationem accipiunt in veteri et in nova lege, secundum quod congruit imperfectioni V. L. et perfectioni N. L. Unde et pœnitentia in V. L. aliquam determinationem habuit, quantum quidem ad *dolorem*, ut esset magis in corde quam in exterioribus signis, secundum illud (*Joël*, II, 13): *Scindite corda vestra, et non vestimenta vestra;* quantum autem ad *remedium doloris* querendum, ut aliquo modo ministris Dei peccata sua confiterentur, ad minus in generali. Unde Dominus (*Levit*, V, 17-18): *Anima si peccaverit per ignorantiam..., offeret arietem immaculatum de gregibus sacerdoti, juxta mensuram estimationemque peccati; qui orabit pro eo quia nesciens fecerit, et dimittetur ei;* in hoc enim ipso quod oblationem faciebat aliquis pro peccato suo, quodammodo suum peccatum sacerdoti confitebatur, et secundum hoc dicitur (*Prov. XXVIII*, 13): *Qui abscondit scelera sua, non dirigetur; qui autem confessus fuerit et reliquerit ea, misericordiam consequetur.*—Nondum autem erat instituta potestas clavium, quæ a passione Christi derivatur; et per consequens nondum erat institutum quod aliquis doleret de peccato, cum proposito subhiciendi se per confessionem et satisfactionem clavibus Ecclesiæ, sub spe consequendæ venire virtute passionis Christi."

3^o Id *actati christiane* reservabatur, quæ pro perfectione sua perfectius quiddam ac determinatis secum afferre debuit, nempe pœnitentiam evectam ad illam sacramenti rationem quam supra descripsimus quæque nunc in sua institutione breviter est consideranda.

3^a *Pars* igitur conel. effert, *institutionem sacramenti Pœnitentiae* convenienter fuisse a Christo peractam.

Re quidem vera, ut ex dictis constitut, actus pœnitentia in hoc sacramento se habent quasi materia; verba vero sacerdotis, ministerium Christi gerentis, pars sunt completiva et formalis. Jamvero in aliis sacramentis materia remote quidem

præexistit, sive a natura, ut aqua baptismalis, sive ab arte, ut panis eucharisticus; sed quod proxime talis materia in sacramenti confectionem assumatur, sine institutione id determinante fieri non potest. Forma vero sacramenti ipsiusque virtus totaliter dependet ex instituente Christo, cuius passio salutifera per sacramenta operatur. Ita etiam *a) materia* sacramenti Pœnitentiae præexistebat quodammodo a natura, cum naturali ratione homo ad pœnitendum moveatur; sed assumptio hujus materiae in opus sacramentale exigebat specialem institutionem præviamque hominis dispositionem, quia nempe materiam proximam sacramenti veluti in antecessum præpararet: unde Dominus vel ab initio prædicationis suæ (Matth. IV, 17) indixit hominibus ut non solum pœnitent, sed etiam pœnitentiam agerent, significans determinatos actuum modos qui ad hoc sacramentum requiruntur. *b) Formam* vero sacramenti ministrorumque officium determinavit Dominus, quando eisdem ministris tradidit potestatem *clavium*; cuius quidem potestatis annuntiatio ante sacerdotulem apostolorum ordinationem premissa est (Matth. XVI, 19; XVIII, 18), collatio vero nonnisi post factam illam ordinationem ipsiusque Christi resurrectionem contigit. Unde *Conc. Trid.* (Sess. XIV, cap. 1): "Dominus sacramentum Pœnitentiae tunc præcipue instituit, cum a mortuis excitatus, insufflavit in discipulos suos dicens¹: *Accipite Sp. Sanctum; quorum remiseritis peccata, remittuntur eis, et quorum retinueritis, retenta sunt.*" *c) Item sacramenti efficaciam* efficacieque radicem circa idem tempus manifestavit, quando, præhabito de passione et resurrectione sermone, subjicit oportere prædicari in nomine ejus pœnitentiam et remissionem peccatorum (Luc. XXIV, 47); ex virtute enim nominis Jesu Christi patientis et resurgentis suam sacramenta vim obtinent. *d) Tandem* "usus" hujus sacramenti ab eo Instituti nullo modo ei competebat, nec quantum ad hoc quod ipse pœniteret, in quo peccatum non fuit, neque quantum ad hoc quod sacramentum aliis præberet, quia ad ostendendam misericordiam et virtutem suam, effectum hujus sacramenti sine sacramento præbebat" (hic, ad 4)².

1—*Joan. XX, 22-23.*

2—In hoo differt Pœnitentia a Baptismo et Eucharistia: a *Baptismo*, quem Christus Joannis B. manu recepit (etsi non sacramen-

ARTICULUS VI.

De tempore agendæ pœnitentiae.

(Art. 8-9; Suppl. Q. IV; Q. VI, a. 5)

Pœnitendi *tempus* considerari potest dupliciter, nempe vel quoad pœnitentiam *interiorem*, vel quoad pœnitentiam *exteriorem* proprieque sacramentalem: utroque sub adspectu rem in duabus conclusionibus enucleabimus.

Conclusio 1^a.—PŒNITENTIAE INTERIORIS PRÆCEPTUM ALIQUANDO SALTEM PECCATOREM OBLIGAT; IN HOMINE AUTEM JUSTIFICATO EADEM PENITENTIA DURARE DEBET USQUE AD FINEM VITÆ, NON QUIDEM ACTUALITER SED HABITUALITER.

1^a *Pars* eum respicit qui versatur *in peccato mortali*, quique ideo nondum interioris pœnitentia statum est assecutus.

1^b *S. Thomas* sic mentem suam aperit (Suppl. Q. VI, a. 5): “Cum propositum confitendi sit annexum contritioni, tunc tenetur aliquis ad hoc propositum quando ad contritionem tenetur, scil. quando peccata memorie occurruunt, præcipue cum in periculo mortis existit, aut in aliquo articulo, in quo sine peccati remissione oporteat eum peccatum incurrire; sicut cum teneatur sacerdos ad celebrandum, si non desit copia sacerdotis, confiteri tenetur, aut si desit, saltem conteri tenetur et habere propositum confitendi, copiâ sacerdotis oblatu.”

2^a Ut questio accuratius definiatur, distinguere opus est inter obligari ad aliquid *per se* et obligari *per accidens*.

a) *Per se* quidem hominem *non statim* post admissum peccatum obligari ad displicentiam contrariae seu contritionem, communis sententia est:—ratio a *D. Thoma* (l. cit.) assignatur, quia nempe præceptum contritionis est *affirmativum*. Affirmativa autem præcepta obligant “semper, sed non ad semper”; id est “non obligant ad statim, sed ad tempus determinatum, non quidem ex hoc quod tunc com-

taliter), et ipse probabilius discipulis suis sacramentali ratione ministravit; ab *Eucharistia*, quam et ipse sumpsit et aliis dedit, tum ad commendandam hujus sacramenti excellentiam, tum quia sacramentum istud est memoriale sue passionis in qua simul sacerdos fuit et hostia (h. l. ad 4).

mode impleri possunt (quia tunc si non daret aliquis cleemosynam de superfluo, quandocumque pauper monstraretur, peccaret mortaliter, quod falsum est), sed ex hoc quod tempus necessitatem urgentem adducit."—In rem quoque est *comparatio* adhibita ab eodem S. Doctore (*ibid.* ad 2): "Non est de necessitate salutis corporalis ut statim medicus queratur, nisi quando necessitas curationis ineumbit; et similiter est de morbo spirituali."—Ex quo intelligere fas est quod, licet negligentia quaedam habeatur in hoc quod quis non statim ac peccata memoriae occurrunt contritionis actum elicit, non tamen idcirco peccatum grave incurrire censendus est, nisi specialis ac urgens ratio contritionem illam suadeat: hoc sensu et non aliter accipi debent verba S. Thomae sub numero primo relata, ne S. Doctor sibi in eodem articulo contradicere videatur¹.

b) Probabilius tamen existinamus hominem *per se* obligari ad contritionem non solum in articulo vel periculo mortis (quod omnes concedunt), verum etiam ante elapsum longius tempus² post culpam mortalem:—huc sane faciunt que legimus (Eccli. V, 8-9): *Non tardes converti ad Dominum, et ne differas de die in diem; subito enim veniet ira illius, et in tempore vindictæ disperdet te;* cf. Rom. II, 4-6.—S. Patres (ut videre est penes *de Augustinis*, th. XII) vehementer inerepant ac veluti insipientes taxant qui poenitentiam de peccatis ad extremum usque tempus differunt. S. Augustinus peccatorem desperantem vel temerarie sperantem sic carpit (in Ps. CXLIV, 8, n. 11): "Desperat ut peccet; sperat ut peccet. Utrumque metuendum est, utrumque periculosum; vœ a desperatione! vœ a perversa spe!... Noli dicere: eras me convertam, eras Deo placebo... quia Deus dilationi tuae diem erastinum non promisit."—Certe negari nequit contritionis præceptum tunc saltem urgere, quando contritio medium est necessarium ad præcavenda nova gravioraque peccata, quorum numerus ac pondus jugum peccatori onerosius in dies imponerent ejusque conversionem longe difficiliorem reddendo, ieteruam quoque ipsius salutem in

1.—Vid. plura ap. *de Augustinis*, th. XII.

2.—Fatendum est in praxi temporis illius limites difficulter assignari posse.

discrimen vocarent. Porro huic discrimini obnoxii communiter reperiuntur peccatores qui diu in peccato perseverant, quin conterantur ac resipiscant. Ergo.

c) Tandem præceptum contritionis dicitur obligare *per accidens*, quoties requiritur gratiae status ad aliquod aliud præceptum implendum, puta ad recipiendum sacramentum Eucharistiae præcepto impositum; quo in casu (ut bene advertit Billuart, Diss. IV, a. 3), omissio contritionis non ipsum contritionis præceptum offendit, sed præceptum illud ratione ejus obligatio poenitendi exsurgit.

2^a Pars de duratione poenitentia interioris sic ab Auctore declaratur (art. 8): "Interior poenitentia est qua quis dolet de peccato commisso, et talis poenitentia debet durare *usque ad finem vitæ*; semper enim debet homini displicere quod peccavit; si enim ei placeret peccasse, jam ex hoc ipso peccatum incurreret et fructum veniae perderet. Displicentia autem dolorem causat in eo qui est susceptivus doloris, qualis est homo *in hac vita*; post hanc vitam autem sancti non sunt susceptivi doloris¹; unde displicebunt eis peccata præterita sine omni tristitia, secundum illud (Is. LXV, 16): *Oblivioni traditæ sunt angustie priores*."— Igitur poenitentia prefata congruit tum *incipientibus* perfectionis iter, tum *proficien-tibus et perfectis*: incipientibus quidem, quasi robur muniens adversus pericula imminentium peccatorum; proficientibus vero et perfectis, quasi caritatis tessera et mensura, unde et ipse Ap. poeniteus dicebat (1 Cor. XV, 9): *Non sum dignus vocari apostolus, quoniam persecutus sum Ecclesiam Dei.*

3^a Pars rursus ab Auctore traditur (art. 9): "Poenitere, inquit, dicitur dupliciter, secundum actum et secundum habitum. Actu quidem impossibile est quod homo continue poeni-

1—"In contritione tria consideranda sunt: primum est contritionis genus, quod est dolor; secundum est contritionis forma, quae est actus virtutis gratia informatus; tertium est contritionis efficiencia, quae est actus meritorius, et sacramentalis, et quodammodo satisfactorius. Anima igitur post hanc vitam, quae *in patria* sunt, contritionem habere non possunt, quia carent dolore propter gaudii plenitudinem. Illæ vero quae sunt *in inferno* carent contritione, quia, etsi dolorem habeant, deficit tamen in eis gratia dolorem informans; sed ille quae *in purgatorio* sunt habent dolorem de peccatis gratia informatum, sed non meritorium, quia non sunt in statu morendi" (Suppl. Q. IV, a. 3).

teat¹, quia necesse est quod actus pœnitentis sive interior sive exterior interpoletur ad minus somno et aliis quæ ad necessitatem corporis pertinent. Alio modo dicitur pœnitere secundum *habitum*, et sic oportet quod homo continue pœnitiat, et quantum ad hoc quod homo *nunquam aliquid contrarium* pœnitentiae faciat per quod habitualis dispositio pœnitentis tollatur, et quantum ad hoc quod debet homo *in proposito* gerere quod semper sibi præterita peccata displiceant."—Tristitia autem, quam cor pœnitens sustinet, non ea est quæ omne gaudium excludat; imo, dum alicui peccata commissa displicant, hæc ipsa displicantia *tristitia* materia *gaudii* est, quatenus vir justus sibi complacet in deplorando peccato de quo spes venie eo magis animum lœtificat quo deploratio illa vehementior fuerit; unde continuitas pœnitentiae nequaquam prohibet Scripturæ præscriptum (Ps. XCIX, 1): *Servite Domino in lœtitia.*

Conclusio 2^a.—AD PŒNITENTIAM EXTERIOREM SEU SACRAMENTALEM HOMO JURE DIVINO OBLIGATUR NON SOLUM PER ACCIDENS, SED ETIAM PER SE, LICET NON STATIM.—Loquimur, ut patet, de pœnitentia exteriori quæ in *sacramentum* assumitur; suppositoque præcepto *ecclesiastico* confitendi semel saltem in anno, inquirimus de eo quod jus *divino-naturale* præscribit.

Referantur in primis verba *S. Thomæ* (Suppl. Q. VI, a. 5): "Ad confessionem actualiter faciendam obligatur aliquis duplenter: uno modo *per accidens*, scil. quando ad aliquid tenetur quod non potest sine peccato facere, nisi confessus; tunc enim confiteri tonetur, sicut si debeat Eucharistiam percipere, ad quam nullus post peccatum mortale nisi confessus accedere debet, copiâ sacerdotis oblatâ et necessitate non urgente; et inde venit obligatio, qua Ecclesia omnes obligat ad semel in anno confitendum, quia instituit ut semel in anno, scil. in Paschate, omnes sacram communionem accipiant, et ideo ante tempus illud omnes confiteri tenentur. Alio modo obligatur aliquis ad confessionem *per se*, et sic videtur esse eadem ratio de confessione et de baptismo differendo; quia utrumque est sacramentum necessitatis. Ad baptismum autem percipiendum non tenetur aliquis statim

1—Laudabile tamen est ut, quam siue fieri possit, actus iste repetatur, juxta illud (Ps. L, 5): *Peccatum meum contra me est semper.*

postquam habet propositum baptismi, ita quod peccet mortali-
ter, nisi statim baptizetur; nec est aliquod tempus deter-
minatum, ultra quod si baptismum differat, peccatum mortale
incurrat; sed potest contingere quod in dilatione baptismi
mortale erit peccatum vel non erit, et hoc pensandum est ex
causa dilationis... Unde si causa dilationis baptismi mortale
peccatum annexum habeat, utpote si propter contemptum
vel aliquid hujusmodi baptismum differat, dilatio erit pecca-
tum mortale, alias non. Et ideo idem videtur esse de confes-
sione, quæ non est majoris necessitatis quam baptismus. Et
quia ea quæ sunt de necessitate salutis tenetur homo in hac
vita implere, ideo si periculum mortis immineat, etiam per
se loquendo obligatur aliquis ad confessionem faciendam."—
Igitur summatim concludere possumus: 1º quod homo *per se non obligatur* jure divino ad sacramentum Pœnitentiae
recipiendum *statim* post peccatum, quippe confessionis, sicut
et contritionis, præceptum affirmativum est nec pro semper
obligat; 2º quod ex eodem jure divino *tenetur* peccator
sacramentum illud recipere, certe quidem in mortis periculo,
probabilius autem aliquoties in vita, siquidem sacramentum
Pœnitentiae institutum est non solum ad bene moriendum,
sed etiam ad christiane vivendum (quod tutius sacramento
quam simplici contritione obtinetur); 3º nihilominus quod
non potest facile determinari *quando* præceptum sacramenti,
præcisione facta a statuto Ecclesiæ, urgeat (de quo videndi
sunt moralistæ).

ARTICULUS VII.

De iterabilitate sacramenti Pœnitentiae.

Non defuere olim e *Novatianorum* grege qui contenderent,
post primam pœnitentiam quæ agitur in Baptismo, peccantem
non posse iteratis pœnitentiae actibus in gratiam restitui.—
Alii hæretici, ejusdem severitatis spiritu imbuti, quanvis
concederent post Baptismum utilem esse pœnitentiam, non
tamen pluries, sed *semel* tantum eam adhibendam esse arbit-
rabantur: contra quos sequens adstruetur propositio.

Conclusio.—SACRAMENTUM PŒNITENTIAE PLURIES ITERA-
BILIS EST.—Id definit *Conec. Trid.* (Sess. XIV, cap. 2), ubi
statuit ante hoc tribunal, tanquam reos, sisti peccatore⁹, " ut

per sacerdotum sententiam non semel, sed *quoties* ab admissis peccatis ad ipsum pœnitentes confugerint, possent liberari."

Revera 1^o "homo inducitur ad misericordiam exemplo divinae misericordiae, secundum illud (Luc. VI, 36) : *Estatote misericordes, sicut et Pater vester misericors est.* Sed Dominus hanc misericordiam discipulis suis imponit, ut saepius remittant fratibus contra se peccantibus; unde, sicut dicitur (Matth. XVIII, 21-22), Petro quærenti : *Quoties peccabit in me frater meus, et dimittam ei? usque septies?* respondit Jesus : *Non dico tibi usque septies, sed usque septuagies septies.* Ergo etiam Deus saepius per pœnitentiam veniam peccantibus præbet" (art. 10).—*Conf. arg.* ex eo quod nos Dominus petere docuerit (Matth. VI, 12) : *Dimitte nobis debita nostra, sicut et nos dimittimus debitoribus nostris;* quæ petitio quotidiana est demonstratio voluntatis quam Deus habet veniam peccatoribus reiterandi.

2^o *Patres*, dum unam pœnitentiam publicam pro veteris disciplinae more prædican, privatam tamen sapius renovandam simul pronuntiant; ita *S. Ambrosius* (de Pœn. I, II, c. 10) : "Merito, inquit, reprehenduntur qui saepius agendam pœnitentiam putant... quia, sicut unum baptisma, ita una pœnitentia, qua tamen publice agitur; nam quotidiani nos decet pœnitere peccati." Et *S. Augustinus* (Ep. 153, ad Maced., c. 3, n. 7) : "Quamvis caute salubriterque previsum sit ut locus illius humillimæ pœnitentiae semel in Ecclesia concedatur, ne medicina vilis minus utilis esset ægrotis... quis tamen audeat dicere Deo : Quare huic homini, qui post primam pœnitentiam rursus se laqueis iniquitatis obstringit, adhuc iterum parcis?"

3^o *Ratione* arguere possumus vel ex parte hominis ægroti, vel ex parte cœlestis medici, vel ex parte ipsius infirmitatis.

a) Ex parte *hominis ægroti* :—eatenus enim ex hac parte non daretur locus iterande pœnitentie, quatenus homo semel acceptam pœnitentie justitiæque gratiam amplius deperdere non posset ideoque novæ pœnitentiæ non indigeret; quod reapse nonnulli quondam heretici professi sunt, dicentes charitatem peccati deletivam esse inamissibilem. Atqui hoc penitus falsum est, prouti demonstravimus (*de Reparatione*, Disp. VIII, Q. II, a. 4); charitas enim semel habita propter arbitrii libertatem potest amitti, et per consequens viator, etsi vero justus et pœnitens, mortaliter peccare potest. Ergo.

b) Ex parte *cælestis Medici* :—Christus enim in Scriptura se nobis ceu medicum, non sanis sed infirmis opportunum, amanter exhibit; hujusque divini Salvatoris medicamentum præcipuum habetur in sacramento Pœnitentiæ. Jamvero medicorum est centies infirmum centies curare; qualis enim esset medicus qui malum iteratum reparare nesciret? Igitur aestimandum est iterationem sacramenti Pœnitentiæ sub salutifera divina Providentia consilia cadere:—cujus rei luculentam figuram deprehendimus in hoc quod Christus morbos omnigenos sanaverit; et si non legitur eumdem cæcum bis illuminasse eundemque leprosum bis mundasse, quid credere prohibet illum cæcum ab eo illuminatum quem prius leprosum mundaverit?

c) Ex parte *infirmitatis seu peccati* :—“Putabant, ait Auctor (h. l.) de hæreticis, adeo grave esse peccatum quod aliquis committit post veniam impetratam, quod non sit possibile ipsum remitti. In quo quidem errabant, et ex parte *peccati*, quod etiam post remissionem consecutam potest esse et gravius et levius quam fuerit primum peccatum remissum; et multo magis contra *infinitatem divinæ misericordiæ*, quæ superat omnem numerum et magnitudinem peccatorum, secundum illud (Ps. L, 1): *Miserere mei, Deus, secundum magnam misericordiam tuam et secundum multitudinem miserationum tuarum dele iniquitatem meam*. Unde reprobatur verbum Cain dicentis (Gen. IV, 13): *Major est iniquitas mea quam ut veniam merear*. Et ideo misericordia Dei peccantibus per pœnitentiam veniam præbet absque ullo termino¹.”

Solv. obj.—**OBJ. 1.**—Legitur (Heb. VI, 4–6): *Impossible est eos qui semel sunt illuminati... et prolapsi sunt, rursus renovari ad pœnitentiam*. Atqui quicumque sacramentum Pœnitentiæ receperunt, gratia Dei sunt illuminati. Ergo.

RSP. D. M. :...et his verbis prohibetur iteratio Baptismi, C; iteratio Pœnitentiæ, N.—**D.m.** :...ea illuminatione primordiali quæ in Baptismo affulget, N; illuminatione consequente quam gratia et dona Sp. Sancti pœnitentibus afferunt, C.—**Neg. conseq.**

1—Praeclarum sane ac suavis consolationis plenum divinæ misericordie praeconium!

Quod verba recitata Apostoli intelligi debeat, non de sacramento Pœnitentiæ, sed de *Baptismo* haud iterabili, evincit tum auctoritas plurium *Patrum* ea sic interpretantium, tum quoque ipsorum *verborum obvia ratio*. Cum enim aliqui Judæorum æstimarent posse christianum hominem pluries lavacrum Baptismi purificari eo modo quo pluries Hebræi se lavacris legalibus mundare poterant, falsam hanc opinationem excludere voluit B. Paulus scribens impossibile esse *eos qui semel sunt illuminati*, per sacramentum illuminationis et fidei seu per Baptismum, *rursus renovari ad pœnitentiam*, i. e. ad pœnitentiam baptismalem quæ sub renovationis specie habetur. Et rationem assignat ex hoc quod per baptismum homo Christo commoritur, Christus autem semel tantum mortuus est; unde qui denuo baptizarentur essent quasi *rursum crucifigentes sibimetipsis Filium Dei*.

OBJ. 2.—Sincera pœnitentia importat ut quis anteacta peccata deflens, ea iterum non committat (S. Greg., S. Isid.). Atqui non committens alia peccata sacramento Pœnitentiæ amplius non indiget. Ergo.

RESP. D. M:...ea iterum non committat neque actu neque proposito, dum ea deflet, C; quasi veritas anterioris pœnitentiæ excludatur per actum contrarium *subsequentem*, N.—C.m.—*Neg. conseq.*

OBJ. 3.—Sicut Baptismus efficaciam habet ex passione Christi, ita et Pœnitentia. Atqui baptismus non iteratur propter unitatem passionis et mortis Christi. Ergo.

RESP. D. M:... i. e. *ex eodem fonte* efficaciam suam ducunt, C; *eadem ratione*, N.—C.d.m:... quia nempe virtutem passionis Christi participat per modum spiritualis *regenerationis* ejus qui peccato mortuus est, C; sacramentum participans eamdem virtutem per modum spiritualis *medicinae* non debet iterari, N.—*Neg. conseq.*

OBJ. 4.—Facilitas veniae per iterationem sacramenti Pœnitentiæ incentivum peccati est. Atqui hoc dedecet divinam bonitatem. Ergo.

RESP. D. M: Facilitas inconsulta et excessiva...C; facilitas prudenter temperata... N.—D.m: dedecet divinam bonitatem ut Deus ipse *abusum* sacramenti Pœnitentiæ approbet, C; ut prudentem ejusdem sacramenti *usum* prescribat, N.—*Neg. conseq.*

QUÆSTIO SECUNDA

DE PŒNITENTIA UT EST VIRTUS

Quia, ut ex dictis elucet, sacramentum Pœnitentiae constat materialiter actibus pœnitentis, in idque tendit ut debitæ pœnitentiæ vi peccatum in anima destruat, opera pretium est cum *Angelico Doctore* diligenter expendere quæ generatim pœnitentiæ virtutem attinent; quibus perspectis, plura inferius dicenda planius innotescunt.

Præsentis quæstionis hæc esto logica divisio: nimirum dubitatur an pœnitentia sit in genere virtutis (art. 1), an in determinata specie (art. 2), et quænam sit hæc species (art. 3), quodnam ejus subjectum (art. 4), quo ex principio oriatur (art. 5), quem ordinem ad reliquas virtutes habeat (art. 6).

ARTICULUS I.

Utrum pœnitentia sit virtus.

1º Nomine *virtutis* proprie intelligitur "habitus mentis operativus bonus quo recte vivitur et nullus male utitur"¹.— Quæstio igitur modo elucidanda est num pœnitentia, catholicismo sensu accepta, collocanda sit in genere virtutis, ita ut a fundamentis consistat veritas *definitionis* communiter traditæ: pœnitentia est "virtus inclinans pœnitentem ad reparandam injuriam Deo per peccatum illatam."

2º *S. Thomas* hæc de *opinionibus* scribit (4 S. D. XIV, Q. I, a. 1, sol. 2): "Quidam dicunt quod est *actus tantum* virtutis, et non est virtus. Sed hoc non potest esse: quia, cum actus virtutum non sint in dormiente, dormiens non

1—Cf. *De Reparatione*, P. III proœmium, ubi hæc descriptio explicatur.

posset dici pœnitens; quod falsum est.—Et ideo *aliqui* dixerunt quod ex parte ista pœnitentia est virtus, sed *non proprie* loquendo, sed communiter, prout omnia laudabilia virtutes dicuntur, etiam si sint passiones.” Sed hæc opinio, ex confusione quadam procedens, rursus admitti nequit, ut mox patet.

3º Ad evitandam æquivocationem, *prænotare* opus est pœnitentiam sumi posse dupliciter. a) Dolor enim vel tristitia (quæ notionem pœnitentiae ingreditur) uno modo sumitur secundum quod est passio quadam *appetitus sensitivi* resultans ex apprehensione mali sensibiliter præsentis, et quantum ad hoc pœnitentia non est virtus, sed *passio*. b) Alio modo sumitur dolor secundum quod consistit in *voluntate* cuius est prosequi bonum et detestari malum intelligibiliter apprehensum; et de hoc pœnitentiae dolore inquiritur num proprio sit *virtus*.

Conclusio. — PŒNITENTIA, PROUTI INSIDET SUPERIORI PARTI HOMINIS, PROPRIE EST AUT VIRTUS AUT VIRTUTIS ACTUS.

1º Quod in *Scripturis* præcipitur, atque ibidem veluti Deo gratum proprieque moritorum commendatur, aut virtus aut actus virtutis est: præcepta enim divinæ legis sunt de actibus virtutum, nec nisi virtuosa opera, in gratia sanctificante fundata, Deo simpliciter placere, cumunque promoveri possunt. Atqui præcipiuntur divinitus actus pœnitentiae (*Matth. IV, 17*): *Pœnitentiam agite*; pœnitentie opera commandantur quasi Deo grata (*Ps. L, 19*): *Cor contritum et humiliatum, Deus, non despicies*, neenon uti vere meritoria (*Ezech. XVIII, 28*): *Avertens se ab omnibus iniuritatibus suis, quas operatus est, vita vivet*. Ergo.

2º Hæc est *christiani populi* totiusque Ecclesie estimatio, qua pœnitentes presertim illustriores tanquam sancti virtutisque heroes universim habentur summaque veneratione celebrantur.—Ex traditione memoratu digna sunt que *S. Joan. Chrys.* ad laudes pœnitentiae texendas passim effusus est; sic, hujus virtutis fructus expendens, ait (*de Pœn. Hom. VIII, n. 1*): “Est pœnitentia medela delictorum, consumptio iniuritatum, effusio lacrymarum, fiducia apud Deum, armatura contra diabolum, gladius ejus caput abscondens, spes salutis, desperationis profligans. Hæc cælum aperit, hæc in para-

disum introducit." Sane præconia hujusmodi de virtute tantum prædicari possunt.

3º Ratione discurramus :—habitus electivus secundum rectam rationem proprie virtus denominatur. Atqui per pœnitentiam fit electio secundum rectam rationem vel actualis vel habitualis : ergo. *Mag.* compéritur ex conceptu virtutis *moralis* qua voluntas, indeterminate se habens ad bonum vel malum, inclinatur ad bonum prosequendum eligendo quæ rectæ rationi consonant suamque electionem regulando secundum aptiora prudentiæ prescripta. *Min.* ostend : pertinet enim ad rationem rectam electionemque liberam ut quis doleat *de quo* dolendum est, et eo modo ac *fine* quo dolere oporteat. Jamvero hoc observatur in pœnitentia de qua nunc loquimur ; siquidem pœnitens *de peccatis* præteritis libere assumit dolorem, eumque moderatum seu ab excessu temperatum, cum intentione removendi peccata illa seu "offensam Dei et reatum pœnæ" (art. 1 ad 3). Ad rem *Catech. Trid.* (P. II, de Pœn. n. 9) : "Negare nemo potest quin dolere quando, quomodo, et quatenus oportet, virtutis sit ; hoc autem ut recte fiat, pœnitentie virtus prestat. Interdum enim evenit ut ex admissis sceleribus minorem, quam par est, dolorem homines capiant. Quin etiam, ut a Salomone scriptum est¹, nonnulli sunt qui cum maleficerint, letantur ; rursus vero alii ita se mcerori animi et legritudini dedunt, ut de salute etiam prorsus desperent ; qualis... certe Judas fuit², qui pœnitentia ductus, suspedio vitam et animam amisit. Ut igitur modum in dolore tenere possimus, pœnitentie virtute adjuvamur." Mox quoque Catechismus (n. 10) motiva pœnitentie, tanquam virtutis demonstrativa, assignat.

Solv. obj.—*Ques.* 1.—Pœnitentia est quoddam sacramentum aliis connumeratum. Atqui nullum aliud sacramentum est virtus. Ergo.

Resp. D. *M* :...est quoddam sacramentum integraliter sumptum, *N* ; materialiter spectatum, *S.d.* : pœnitentia, ut virtus... *N* ; actus pœnitentis, qui hujus sacramenti naturam singulari ratione ingrediuntur, et quibus virtus ejusdem nominis correspodet, *C*.—*O.m.*—*Neg. conseq.*

1—Prov. II, 14.

2—Matth. XXVII, 3-5.

OBJ. 2.—Virtus, utpote perfectionem habentis supponens, nequit esse de aliquo facto turpi; unde verecundia, etsi bona in se, virtus proprie non est¹. Atqui pœnitentia est de re turpi, scil. de peccato. Ergo.

RESP. D. M:... nequit esse de facto turpi, quod ita affectu vel reatu perseverat ut oporteat hic et nunc de eo verecundiari, C; cuius quis amorem depositum contrarioque motu reatum sustulit, N.—C.d.m.—Neg. *conseq.*

Objectionem hanc petitam ex comparatione pœnitentiae cum verecundia sic diluit S. Th. (ad 2): " Verecundia respicit turpe factum *ut præsens*, pro quo timet confundi; pœnitentia vero *ut præteritum*. Est autem contra perfectionem virtutis quod aliquis in præsenti habeat turpe factum, de quo oporteat cum verecundiari; non est autem contra perfectionem virtutis quod aliquis prius commiserit turpia facta, de quibus oporteat eum penitere, cum ex vitioso fiat aliquis virtuosus."

OBJ. 3.—Quod stultum est, ad virtutem pertinere non potest. Atqui stultum videtur dolere de commissso præterito, quod non potest non esse. Ergo.

RESP. C. M.—D.m:...cum intentione id conandi agendique ut prius factum non fuerit, C; cum intentione subinveniendi, non iam factum ipsum, sed facti sequelam vel reatum, N.—Neg. *conseq.*

ARTICULUS II.

Utrum pœnitentia sit specialis virtus.

Theologo satis non est nosse quod pœnitentia est virtus, sed ulterius inquirendum ac determinandum est *qua ratione* sub genere virtutis consistat.—a) Nonnulli enim antiqui theologi, ut *Gul. Altisiod.* et *J. Major*, docuisse referuntur pœnitentiam esse aggregatum quoddam *omnium* virtutum, ita ut v. g. pœnitere injustitiæ spectet ad justitiam, pœnitere intemperantie ad temperantiam et ita porro; unde in hac sententia pœnitentia esset virtus generalis.—b) Alli, hanc sententiam abjicientes, dicunt quidem pœnitentiam esse virtutem

1—Cf. II-II^m, Q. CXLIV, a. 1.

tem speciale, non tamen distinctam a certis virtutibus, sed identificandam vel cum caritate ut *veteres* quidam posuerunt, vel cum religione, ut sensit *Cajetanus*, vel cum justitia vindicativa, ut *Scotus* docuit.—*c)* Alii tandem concedunt pœnitentiam esse virtutem distinctam a cœteris, præpostere tamen hoc explicant.—*d)* Doctrina *S. Thomæ* sincere exponenda est.

Conclusio.—PŒNITENTIA NON EST VIRTUS GENERALIS, SED SPECIALIS, PENITUSQUE A RELIQUIS VIRTUTIBUS DISTINCTA.—Claritudinis causâ, duas partes distinguemus.

1^a *Pars* negat pœnitentiam esse virtutem communem quasi omnium virtutum conditionem.

1^o Opportuna sunt quæ habet *S. Thomas* (4 S. D. XIV, Q. I, a. 1, sol. 3) contra falsas positiones sui temporis: "Quidam, ait, dixerunt quod pœnitere non est actus aliquujus specialis virtutis, sed *omnis virtutis communiter*. Sed hoc non potest esse; quia aliud est de ratione pœnitentiae, prout nunc de ipsa loquimur, quod non est de ratione virtutis communiter, scil. de peccato commisso satisfacere.—Et ideo *alii* dicunt quod pœnitentia est specialis virtus, et specificatur ex hoc quod *detestatur peccatum* commissum a se. Sed hoc non potest specificare virtutem; quia cum virtus sit peccato contrarium, maxime repugnat ei prout est in eodem subjecto; unde hoc est omni virtuti commune quod vitium repellit a subjecto suo.—Et ideo *alii* dicunt quod specificatur ex hoc quod detestatur peccatum a se commissum *sub spe venie*. Sed hoc non potest esse; quia nulla virtus recipit speciem ex hoc quod imperatur ab alia virtute. Quod autem dicitur, ex spe venie, nihil aliud dicit quam imperium spei. Unde ex hoc non haberet quod esset specialis virtus."

2^o *Ratio* potissima sic ex *Auctore* evolvitur:—Quia species habituum distinguuntur secundum species actuum, ubi specialis actus laudabilis seu virtuosus occurrit, ibi speciale virtutis habitum ponere necesse est. Atqui in pœnitentia reperitur *specialis* ratio actus laudabilis seu virtuosi: ergo. *Min.* decl. ex eo quod, juxta sensum christianum, pœnitere est detestari peccatum non quomodo cumque, sed operando ad ejus destructionem in quantum est Dei offensa, seu illud expiendo cum præcipue quantum ad culpam, tum secundario quantum ad penam: hoc autem *destructionis* vel *expiationis* opus nequaquam pertinet ad rationem virtutis in

genere, ita ut omnibus virtutibus conveniat (quod supra jam notavit S. Thomas).

2^a Pars, qua asseritur pœnitentiam esse virtutem *a reliquis virtutibus distinctam*, adstruenda superest.

Illa virtus realiter ab aliis discriminatur cuius formale objectum proprium est ac distinctum ab objecto formaliter cuiuslibet alterius virtutis. Atqui objectum formale pœnitentiae hujusmodi est: ergo. *Maj. patet; min. decl.* Pœnitentiae objectum duplex est, materiale scil. et formale: objectum *materiale* est peccatum actuale præteritum a se commissum; objectum autem *formale* (quod specifikativum est in omni virtute) consistit in reparatione divini juris peccato lèsi per aliquam expiationem seu satisfactionem. Porro discurrenti cuique apparet objectum istud ita proprium esse pœnitentiae ut nulli alteri virtuti competit:—*a*) Certe non competit *caritati*; haec enim contrariatur peccato sub ea ratione qua peccatum est *malum supremo Bono oppositum*, non autem præcise quatenus dicit offensionem divini juris satisfactione debita emendabilem. Unde contritio, qua directe homo offensionem hanc detestatur, pœnitentiae magis quam caritatis actus proprius ac immediatus ponitur.—*b*) Neque convenit *religioni*: religio enim pro objecto habet cultum divinum reddendum Deo ut nostro Auctori et Benefactori ob suam excellentiam honorando; pœnitentia vero respicit id quod est reddendum Deo ut offenso Domino per compensationem placando.—*c*) Nec etiam convenit *justitiae vindicativa*; haec enim justitiae ratio et pœnitentia "differunt in duobus: primo, quia vindicativa proprio inest in judice pœnam infligente, quam reus quandoque invite sustinet; sed pœnitentia est in ipso reo, qui voluntarius ponam sustinet pro culpa commissa. Secundo, quia vindicativa respicit offensam communiter; sed pœnitentia virtus respicit offensam Dei; unde oportet quod pœnitentia consistat in emendatione offensæ voluntarie assumpta, et talis qualis Deo competit. Sicut autem hominibus, qui vident ea quæ foris parent, fit offensæ recompensatio per aliqua exteriora; ita Deo, qui intuetur cor, oportet quod incipiat recompensatio fieri in ipso cordis affectu" (4 S. D. XIV, Q. I, a. 1, sol. 6).

Solv. obj.— **OBJ.** 1.—Virtus specialis habet specialem materiam. Atqui pœnitentia, non specialem, sed generalē

jam
reli-
male
rmali
pœni-
Pœni-
nale :
a se
tivum
s pec-
Porro
n esse
te non
ub ea
situm,
i juris
directe
quam
Neque
cultum
tori ob
icit id
pensa-
ndica-
...it in
judice
et; sed
ustinet
respicit
offens-
emnen-
eo com-
parent;
Deo, qui
in ipso
peciale
neralem

materiam habet, scil. peccata quæcumque et de quocumque.
Ergo.

RESP. *D. M*: ...eo sensu quod materiam suam *sub speciali ratione* respicit, *C*; quasi haec specialis ratio nequeat cadere in *materiam generalem*, *N*.—*C.d.m* : ...habet materiam in se ac remote generalem, *C*; nec eam specialiter respicit, se extendens scil. ad omnia peccata prout sunt emendabilia per actum hominis cooperantis Deo ad suam justificationem, *N*.—*Neg. conseq.*

OBJ. 2.—Virtus expellens omnia peccata, generalis dici debet. Atqui pœnitentia expellit omnia peccata. Ergo.

RESP. *D. M*: Virtus expellens formaliter... *C*; effective... *N*.—*C.d.m*.—*Neg. conseq.*

Quælibet virtus *formaliter* expellit a subjecto in quo est vitium oppositum, eo modo quo albedo nigredinem arcet. Non autem formaliter, sed *effective* pœnitentia expellit omnia peccata, in quantum cooperatur omnium destructioni seu remissioni per divinam gratiam complenda. Unde "non opponitur omni peccato formaliter, sed alicui tantum, quod est impenitentia; et propter hoc non oportet quod sit generalis virtus" (4 S. l. cit. qu. 3 ad 1).

OBJ. 3.—Actus derivatus a caritate non requirit specialem virtutem ab ea distinctam. Atqui actus dolendi de peccato derivatur a caritate. Ergo.

RESP. *D. M*: Actus derivatus elicitive... *C*; imperativa, *N*.—*C.d.m*: actus dolandi de peccato per modum simplicis displicantie... *C*; per modum intentionis deletivæ peccati, *S.d*: imperative, *C*; elicitive, *iv*.—*Neg. conseq.*

Rem perbelle declarat *Auctor* (h. art. ad 1): "Dicendum, inquit, quod a charitate derivatur aliquis actus dupliciter: uno modo sicut ab ea *elicitus*, et talis actus virtuosus non requirit aliam virtutem *præter charitatem*, sicut diligere bonum, gaudere de eo, et tristari de opposito; alio modo aliquis actus a charitate procedit quasi a charitate *imperatus*; et sic quia ipsa imperat omnibus virtutibus, utpote ordinans eas ad finem suum, actus a charitate procedens potest etiam ad aliam specialem virtutem pertinere.—Si ergo in actu pœnitentis consideretur *sola displicantia* peccati *præteriti*, hoc immediate ad charitatem pertinet, sicut et gaudere de bonis *præteritis*; sed intentio *operandi ad deletionem* peccati *præteriti* requirit specialem virtutem *sub charitate*."

ARTICULUS III.

Utrum virtus pœnitentia sit species justitiae.

Ad absolvendum virtutis pœnitentia conceptum ejusque notionem *specificam* propria differentia determinandam, definire opus est sub quo genere ponenda sit seu cuius virtutis principalioris ac generalioris sit species vel pars.—Partes autem aliæ sunt *subjectivæ*, in quas scil. virtus principalis dividitur tanquam genus in species; aliæ sunt *potentiales*, quæ quamvis a perfecta seu essentiali ratione virtutis principalis deficiant, ejus tamen ratione in ac vim propriam aliquo modo participant; aliæ sunt *integrales*, quæ nempe ad integrum virtutis principalis exercitium requiruntur.

Conclusio.—PŒNITENTIA UT VIRTUS EST PARS ALIQUA JUSTITIAE, VIDEL. PARS POTENTIALIS, QUÆ MODUM JUSTITIAE COMMUTATIVÆ SEQUITUR.—Ita *communius* theologi.

1^a *Pars* ostend.—Pœnitentia, ut supra dictum est, non habet quod sit virtus specialis ex hoc solo quod dolet de malo perpetrato (ad hoc enim sufficeret caritas), sed ex eo quod pœnitens dolet de commisso peccato in quantum est offensa Dei, cum emendationis proposito. Atqui hæc emendatio pertinet ad justitiae materiam, quatenus aequalitatem violatam inter auctorem et subjectum offendit restituit. Ergo. *Min. decl.*: emendatio offendit contra aliquem commissum non fit per solam offendit cessationem, sed exigitur ulterius quedam recompensatio. Porro recompensatio peccatoris erga Deum dupliciter accipitur et secundum *motum reprobationis* et secundum *dolorem expiationis*: motus quidem reprobationis, quo peccator offendit commissam refugit et detestatur, respondet ei quod formale est in peccato, nec esse potest quin virtualiter saltem includat propositum non amplius peccandi; unde *S. Thomas* (4 S. l. cit. qn. 6 ad 4): “In quantum est emendatoria offendit commissum in Deum, (pœnitentia) exigit respectum in futurum, scil. propositum de cetero cavendi.” Dolor autem expiationis, qui satisfactio nuncupatur, proprius respondet ei quod est materiale in peccato, seu contra reatum pena abolendum dirigitur. Utrumque autem, tum reprobatio offendit, tum ejus expiatio perfecta vel proposita, in id tendunt ut aequalitas justitiae per peccatum violata rediutegretur. Ergo.

2^a *Pars* habet, pœnitentiam *non* esse partem justitiae *subjectivam*, sed *potentialēm*.

Sane justum dupliciter dicitur, scil. simpliciter et secundum quid. *Simpliciter* quidem justum existit inter æquales, cuiusmodi sunt omnes cives, qua tales; nam justitia æqualitas quædam est. *Secundum quid* vero justum est quod viget inter eos quorum unus est sub potestate alterius, ut servus sub domino, filius sub patre, uxor sub viro; ubi enim deest vera adæquatio, ibi nec perfecta justitiae ratio esse potest. Atqui in pœnitentia non consideratur justum simpliciter, sed secundum quid: ergo in ea nou est tota justitiae ratio seu species, sed aliquis justitiae modus seu pars potentialis. *Arg. evol.* per partes:—*a)* Etenim “pœnitens recurrit ad Deum cum emendationis proposito, sicut servus ad dominum, secundum illud (Ps. CXXII, 2): *Sicut oculi servorum in manibus dominorum suorum, ita oculi nostri ad Dominum Deum nostrum, donec misereatur nostri;* et sicut filius ad patrem, secundum illud (Luc. XV, 21): *Pater, peccavi in cœlum et coram te;* et sicut uxor ad virum, secundum illud (Jeremi. III, 1): *Fornicata es cum amatoribus multis; tamen revertere ad me, dicit Dominus*” (art. 3). Igitur Deum inter et pœnitentem vera justitiae æqualitas esse nequit; eo magis quod ea cuncta quibus homo est, agit et satisfacit, a Deo proveniunt eique pluribus titulis debentur, atque ipsa pœnitentia satisfactio, gratia Dei exhibita, imperfecto tantum æquivalet injuria per peccatum Deo irrogatiæ¹.—*b)* Aliquem tamen justitiae modum pœnitentia secum fert. Dupliciter enim homo efficitur Deo debitor: uno modo “per hoc quod ab eo aliquis recipit; et hac ratione Deo reddit debitum honorem latræ sive religio. Alio modo ex hoc quod contra Deum peccavit; et sic reddit Deo debitum pœnitentia. Unde sicut religio ponitur pars justitiae a Tullio, non quidem quasi species, sed quasi pars *potentialis*, in quantum aliquem modum justitiae participat; ita etiam pœnitentia pars justitiae debet poni” (4 S. l. cit. sol. 5).

3^a *Pars* concl. paucis absolvenda est.—Primo satis liquet relationes Dei ad homines regi non posse justitiae simpliciter commutativū, quippe quæ supponit absolutam eorum,

1—Cf. *De Incarnatione*, p. 20, in nota.

inter quos est, æqualitatem¹.—Attamen Deus in homines distributivam justitiam tali ratione et proportione exercet ut, ea regulante, modus quidam commutativæ justitiæ inter merita præmiaque, delicta et penas, servetur²: hanc ipsam commutationis rationem participat penitentia; quod *Auctor* sic declarat (ad 3): “Sicut est commutatio quædam in beneficiis, cum scilicet aliquis pro beneficio recepto gratiam rependit, ita etiam est commutatio in offensis, cum aliquis pro offensa in alterum commissa vel invitus punitur, quod pertinet ad vindicativam justitiam, vel voluntarie recompensat emendam, quod pertinet ad penitentiam, quæ respicit personam peccatoris, sicut justitia vindicativa personam iudicis. Unde manifestum est quod utraque sub justitia commutativa continetur.”

Solv. obj.—OBJ. 1.—Ea virtus nequit poni sub genere justitiæ, moralis nempe virtutis, quæ ad instar virtutis theologicæ Deum pro objecto habet. Atqui penitentia, Deo satisfaciens, Deum pro objecto habet. Ergo.

RESP. D. M.: ... quæ vere directeque Deum pro objecto habet, *C*; cuius objectum sunt actus humani, ita ut Deus indirecte tantum seu *in obliquo* ab illa virtute respiciatur, *N*.—*C.d.m.*—*Neg. conseq.*

Limpidum est *Auctoris* responsum: “Justitia est virtus ad alterum; ille autem ad quem est justitia, non dicitur esse materia justitiæ, sed magis res quæ distribuuntur vel commutantur. Unde et materia penitentiæ non est Deus, sed *actus humani*, quibus Deus offenditur vel placatur; sed Deus se habet sicut ille *ad quem* est justitia. Ex quo patet quod penitentia non est virtus theologica, quia non habet Deum pro objecto vel materia.”

OBJ. 2.—Justitia, utpote virtus moralis, consistit in medio³. Atqui penitentia non consistit in medio, sed in quodam doloris excessu. Ergo.

RESP. C. M.—D. m:... qua excessus est, *N*; quatenus excessus iste eo tendit ut penitens pro viribus attingat medium æqualitatis peccato ruptæ quæque, propter Dei excel-

1—Cf. *De Deo*, Disp. V, Q. IV, a. 1.

2—Cf. *De Reparatione*, Disp. V, Q. II, a. 1;—item Cajet. in II. II^o, Q. LXI, a. 4.

3—Cf. *De Reparatione*, pp. 286-87.

lentiam hominisque deficientiam, nunquam perfecte existere potest, *C.*—*Neg. conseq.*

OBJ. 3.—Prudentia suadet flenda esse peccata. Atqui flere est pœnitentiae actus. Ergo.

RESP. D. M :...per modum virtutis *directive* omnium virtutum moralium, *C*; per modum virtutis flendi actum *eliciens*, *N*.—*C.d.m* :... scil. actus elicitus a pœnitentia, *C*; quin sub sit prudentiae moderatrici aliasque virtutes sive theologicas sive morales *quodammodo* comprehendat, *N*.—*Neg. conseq.*

ARTICULUS IV.

Utrum voluntas sit proprie subjectum pœnitentiae.

1º *Subjectum* in proposito dupliciter sumi potest, vel *proxime* pro potentia in qua inest pœnitentia, vel *remote* pro iis quorum conditio capax est talis virtutis suscipiendæ: de utroque, tum proximo, tum remoto subjecto, pauca disputabimus.

2º a) Quod pertinet ad *subjectum proximum, nonnulli* (teste *D. Thoma*, 4 S. D. XIV, Q. I, a. 3, sol. 1) pœnitentiam reposuerunt in omnibus animæ viribus; *alii*, in vi irascibili; *alii*, in vi concupiscibili; *communis* tamen sententia est, quod insidet voluntati.—**b)** Relate ad *subjectum remotum*, controversia etiam aliqua fuit; sic *Suarez* ex peculiari virtutis pœnitentiae notione intulit virtutem illam etiam Christo Domino competere; *alii* e contra, ut *Nuno*, pœnitentiae habitu B. Virginis denegarunt. Quid sentiendum?

Conclusio 1º.—*LICET SECUNDARIO, SEU QUATENUS PASSIO, PŒNITENTIA SIT IN VI CONCUPISCIBILI; PER SE TAMEN, SEU QUATENUS VIRTUS, CERTO COLLOCANDA EST IN VOLUNTATE.*

1º *Pars manifesta est;* — pœnitentia enim, ut passio, qualis gemitibus et lacrymis se prodit, est species quædam tristitia. Porro tristitia stricte sumpta est dolor ex interna apprehensione mali sensibilis enascens, ideoque pertinet ad eam vim appetitus sensitivi cuius est gaudere de bono et tristari de malo, scil. ad vim concupiscibilem.—At *tristitia* illa, etsi valde utilis sepiusque naturali quadam redundantia spiri-

tualem animi dolorem concomitans, non est tamen de essentia pœnitentiae, propterea quod non potest pœnitentiae objectum, seu divinum jus læsum ac reparandum, assequi; unde non nisi secundario et accidentaliter ad pœnitentiam reducitur.

2^a Pars de pœnitentia, quatenus est virtus, seu *per se* et essentialiter sumpta, facile ostendit:

1^o Ex *Scriptura*; pœnitentia enim se habet velut sacrificium quoddam, juxta illud (Ps. L, 19): *Sacrificium Deo spiritus contribulatus*. Atqui offerre sacrificium voluntatis actus est, testante psalmista (Ps. LIII, 8): *Voluntarie surificabo tibi*. Ergo.

2^o *Ratione*:—a) Sane, ex iis quæ dicta sunt supra, habemus pœnitentiam collocandam esse sub genere proximo *justitiae* quasi modum vel speciem quamdam imperfectam. Atqui *justitia*, prout est voluntas jus suum unicuique tribuendi, manifeste subjectatur in appetitu rationali, seu in voluntate: ergo.—b) Præterea, de habitus sede apte judicatur per actum. Atqui proprius *actus pœnitentiae* importat propositum emendandi seu reparandi illud quod contra Deum commissum est; quod quidem propositum est intentio voluntatis ad bonum spirituale. Ergo.

Conclusio 2^a.—SUBJECTUM REMOTUM PŒNITENTIAE EST OMNIS ET SOLA CREATURA REMISSIBILIS PECCATI REA VEL CAPAX.

Re quidem vera, cum habitus sint propter actus, in iis omnibus, sed in illis tantum, licet virtutem pœnitentiae agnoscere, qui pœnitendi actum exercere possunt. Atqui actus pœnitendi proprie non exercetur nisi circa peccatum a se commissum, prout remissibile vel expiabile est. Ergo.

Ex hoc *generali principio* sequentia inferimus:

1^o *Christus Dominus* ex virtute caritatis peccata omnia sumit ac detestatus est, sine pœnitentiae habitu vel actu; ipse enim fuit intrinsecus impeccabilis¹, nec proinde ulla potuit esse in eo pœnitentiae proprie dictæ materia².—Ideo autem Suarez censuit virtutem pœnitentiae ponri posse in Christo,

1—Cf. *De Incarnatione*, Disp. III, Q. VII, a. 2.

2—Quapropter extat (ap. *Acta S. Sedis*, Vol. XXVI, p. 319) decretum S. Officij (1893) quo omnino prohibetur et damnatur titulus "Cor Jesu pœnitens" vel "Cor Jesu pœnitens pro nobis" vel "Jesu pœnitens" aut "Jesu pœnitens pro nobis."

quia opinabatur virtutem illam ordinari per se non solum ad reparandum, sed etiam ad custodiendum jus divinum. Ast uniuscujusque modo suo virtutis est custodire divinum jus, quin hoc postulet specialem virtutem quam reparatio juris lœsi debitaque compensatio exigit.

2º In *Angelis* quoque neque actus neque habitus pœnitentiae admitti potest. "Peccatum angeli, ait *S. Thomas* (Suppl. Q. XVI, a. 3), est irremissibile. Et quia peccatum, ut remissibile est vel expiable, est propria materia ipsius virtutis quæ pœnitentia dicitur, ideo cum materia non possit eis competere, non adest eis potentia exeundi in actum, et ideo nec habitus eis convenit. Et ideo Angeli susceptivi virtutis pœnitentiae esse non possunt."

3º De *innocentibus* scribit idem *Angelicus* (*l. cit. a. 1*): "Cum innocentes in statu innocentiae non habeant peccata commissa, quæ sunt materia pœnitentiae, sed possint habere, *actus* pœnitentiae in eis esse non potest, sed *habitus* potest; et hoc si gratiam habeant, cum qua omnes virtutes infunduntur." Porro hæc verba applicanda videntur tum *infantibus baptizatis* qui deinceps, mortalibus nondum admissis, præexistente pœnitentiae habitu saltem contra venialia uti possunt; tum quoque *protoparentibus* qui etiam secundum statum justitiae originalis simpliciter peccare poterant; tum denique (probabiliter) ipsi *B. Mariae Virgini* quæ fuit impeccabilis, non tamen intrinsece, sicut Christus: potentiae enim, cui impeccantia non convenit intrinsece, sed extrinsece et veluti per accidens, virtus pœnitentiae recte dici potest perfectio per se debita, juxta illud *S. Th.* (*l. cit. ad 1*): "Nec tamen est frustra; quia est perfectio potentiae naturalis."

4º De *beatis* rursus valeant verba Auctoris (*ibid. a. 2*): "Virtutes cardinales remanebunt in patria, sed secundum actus quos habent in fine suo. Et ideo cum pœnitentiae virtus sit pars justitiae, quæ est virtus cardinalis, quicumque habet habitum pœnitentiae in hac vita, habebit in futura; sed non habet eumdem actum quem nunc habet, sed alium, scil. gratia agere Deo pro misericordia relaxante peccata."

Sec' obj. (cont. 1^{am} concl.).—OBJ. 1.—Pœnitentia importat iactam quamdam. Atqui vindicta pertinere videtur ad vim iræ ibilem. Ergo.

RESP. D. M.:... procedentem ex dictamine rationis, C; ex

entia
tum,
nnisi
se et
erifi-
Deo
ntatis
suori-

hab-
oximo
etetam.
ne tri-
seu in
dicatur
at pro-
Deum
volun-

AE EST
A VEL

in iis
agnos-
i actus
n a se

onnia
u; ipse
potuit
o autem
Christo,

p. 319)
luminatur
obis" vel

impetu *passionis*, *S.d* : essentialiter, *N*; accidentaliter, *C*.—
C.d.m : ... prouti procedit ex passione impellente¹, *C*; ex
ratione suadente, *N*.—*Neg. conseq.*

OBJ. 2.—Præteritum est proprium objectum memoriae.
Atqui pœnitentia est de præterito. Ergo.

RESP. *D. M* :... secundum quod apprehenditur, *C*; secundum
quod reprobatur et retractatur, *N*.—*C.d.m* :... per vim
apprehensivam, *N*; per vim appetitivam, quæ apprehensionis
rememorativæ actum presupponit, *C*.—*Neg. conseq.*

OBJ. 3.—Nihil agit ubi non est. Atqui pœnitentia agit
in omnibus viribus animæ, a quibus peccatum expellit. Ergo.

RESP. *D. M* :... ubi non est neque tanquam forma in sub-
jecto neque tanquam motor in *mobili*, *C*;... tanquam forma
in *subjecto*, *N*.—*C.d.m*.—*Neg. conseq.*

ARTICULUS V.

Utrum principium pœnitentiae sit ex timore.

Sub hoc titulo investiganda proponitur origo vel *genesis*
virtutis pœnitentiae eorumque quibus mediantibus ad eam
fit progressio; hanc autem quæstionem speculativi non modo,
sed et practici esse momenti, ex eo deprehenditur quod ab
ejus solutione intime dependet aptior ac efficacior methodus
adlaborandi, publici privatique sermonis operâ, in procuranda
peccatorum salute.—Notatu dignum est quod tum *Concilium*
Tridentinum tum *Catechismus* ejus jussu editus doctrinam
Angelici Doctoris hac super re adamussim referunt fidelibusque
amplectendani tradunt.

Conclusio.—**LICET PŒNITENTIA QUANTUM AD HABITUM
IMMEDIATE A DEO INFUNDATUR, AD EAM TAMEN SIC CONSEQUENDAM
COMMUNITER NON DEVENITUR NISI PER DIVERSOS ACTUS
QUASI TOTIDEM GRADUS, INTER QUOS TIMOR SPECIATIM MEMORANDUS EST.**

1^a *Pars* ut intelligatur, distinguere est inter habitum

1—*Pœnitentia sensitiva* pertinet ad vim concupisibilem qua-
tenus dicit in primis tristitiam, ad vim vero irascibilem quatenus
impellit ad vindictam seu pœnam sensibilem de peccato capienda.

pœnitentia naturalis et habitum *supernaturalem*.—Non enim repugnat, imo naturæ rationali consentaneum est ut homo secundum vires naturæ proportionatas perspiciat peccatum contrarium esse rectæ rationi æterueque legi, propterea que pœnitendi actus pro posse elicit; quibus repetitis, habitus pœnitentia *naturalis* generabitur.—Verum, præter hunc habitum naturalem, admittendus est habitus pœnitentia *supernaturalis*, qui nempe correspondeat statui gratiae ad quem homo elevatus est, quique peccatorem Deo pro indole ejusdem status reconciliat. Jamvero habitus hujusmodi, de quo nunc loquimur (et cui soli *virtutis* nomen simpliciter convenit, quia ipse duntaxat vim fini nostro idoneam exerit), eo ipso quod est essentialiter *supernaturalis*, comparari non potest nisi per immediatam infusionem; unde dici debet habitus *per se* infusus una cum reliquis virtutibus quæ justificationis opus comitantur et compleant.

2^a *Pars* ostend. in genere et in specie.

1^o *In genere* :—Cum enim forma non introducatur nisi in materia disposita, Deus pœnitentia habitum cum gratia justificante infundit sine nobis quidem principaliter operantibus, non vero sine nobis dispositive cooperantibus¹. Porro dispositiva hæc cooperatio, etsi divinitus uno instanti unoque actu virtualiter multiplici fieri possit, *communiter* tamen non contingit nisi *temporis lapsu* et per *plures actus* prævios qui, quasi gradus totidem, animam ad pœnitentia perfectionem deducunt: hic est nature processus, quem ordo gratiæ nobilitando sequitur.

2^o *In specie* :—S. Thomas, cui jam diximus consentire Concilium et Catech. Tridentinum, sex actus seu gradus assignat quibus pœnitentia genesis juxta naturæ ordinem completur.

1^{us} *gradus* est initialis illa mentis et cordis *excitatio*, quâ Dei misericordia peccatorem prævenit secretoque gratiæ motu ad se convertit; quæ gratiæ motio conditio est redditus ad Deum per necessaria, juxta illud (Thren. V, 21): *Converte nos, Domine, ad te, et convertemur*².—2^{us} *gradus* est motus *fidei*, qua ratio novæ vitæ inchoandæ revelatur aut illustratur, secundum illud (Heb. XI, 6): *Credere enim*

1—Cf. *De Reparatione*, Disp. IV, Q. I, a. 2.

2—Cf. *op. cit.*, Disp. II, Q. un., a. 6.

oportet accendentem ad Deum, quia est, et inquirentibus se remunerat sit. Unde *Trid.* (Sess. VI, cap. 6) : " Disponuntur autem ad ipsam justitiam, dum excitati divina gratia et adjuti, fidem ex auditu concipientes, libere moventur in Deum, credentes vera esse quæ divinitus revelata et promissa sunt ; atque illud in primis, a Deo justificari impium per gratiam ejus, per redemptions quæ est in Christo Jesu." — *3^{us} gradus* est motus *timoris servilis* quo quis, poenarum seu suppliciorum acerbitate proposita, a peccatis retrahitur, secundum illud (*Eccli. I, 27*) : *Timor Domini expellit peccatum.* Apposite *S. Thomas* (4 S. D. XIV, Q. I, a. 2, sol. 1) : " Cum poenitentia sit revocatio a peccato, oportet originem ejus in nobis accipi secundum dispositionem existentis in peccato. Ille autem qui in peccato est, non habet gustum sanum, ut ex dulcedine divinæ bonitatis a peccato revocetur ; sed habet affectum infectum amore sui inordinato ; et ideo per poenas, que naturæ sue contrariantur et voluntati, a peccato revocatur." — *4^{us} gradus* consistit in motu *spei*, secundum quem peccator fide monitus timoreque impulsus ad divinam confugit misericordiam, memor *verborum Christi* (*Matth. IX, 2*) : *Confide, fili ; remittuntur tibi peccata tua, eaque sub spe venire aeternaque mercedis a Deo consequendæ sincerum assumit propositum vitam et mores emendandi.* — *5^{us} gradus* est motus *charitatis*, quo alieni peccatum displicet, non jam propter supplicia, sed secundum seipsum seu secundum culpæ malum divinæ bonitati oppositum. " Ex hoc enim quod per aliquem speramus nobis posse provenire bona, movemur in ipsum sicut in bonum nostrum, et sic incipimus ipsum amare " (I-II^m, Q. XL, a. 7). Ex quo patet spem viam esse peccatoribus ad caritatem qua Deum, " tanquam omnis justitiae fontem, diligere incipiunt " (*Trid. l. cit.*). — *6^{us} gradus* tandem reponitur in motu *timoris filialis*, quo propter Dei reverentiam aliquis emendam ei voluntarius offert, juxta illud filii prodigi (*I.n.c. XV, 19*) : *Jam non sum dignus vocari filius tuus ; fac me sicut unum de mercenariis tuis.* Quia enim filiorum est timere offensam patris, semel ac quis gratia et caritate fuerit in Dei filium adoptatus, primum est ut celestis patris offensam, qua talis est, detestetur, sese offenso humiliter subjiciat refugiatque ab eo quem amat

iterum per peccatum separari (II-II^m, Q. XIX; 3 S. D. XXXIV, Q. II, a. 3)¹.

3^a *Pars* fundatur in hac conclusione *Auctoris* (h. art.): “Sic igitur patet quod actus pœnitentiae a timore servili procedit sicut a *primo motu affectus* ad hoc ordinato; a timore autem *filiali* sicut ab *immediato et proprio principio*.”—Enimvero inter priores actus recensitos, qui non sunt nisi dispositiones ad virtutem pœnitentiae, eminet *pœnarum timor* quo, frequentius et juxta communiores hominum indolem ac temperationem, affectus moveri incipit (licet quandoque quis prius moveri queat intuitu æternæ mercedis, cogitatione divinae bonitatis, etc²).—Timor autem *filialis* recte assignatur veluti immediatum ac proprium actus pœnitentiae principium, eo quia illud exhibit per quod actus a virtute pœnitentiae elicitus specificè distinguitur ab actu caritatis aliarumque virtutum.

Solv. obj. (contra 3^{am} p. concl.).—Obj. 1.—Pœnitentia incipit in displicantia peccatorum. Atqui hoc pertinet ad caritatem. Ergo.

Resp. *D. M.*: ... quatenus peccata displicant propter malum pœnæ, *C*; propter malum culpæ, *N*.—*C.d.m.*.—*Neg. conseq.*

Obj. 2.—Homines ad pœnitentiam provocantur per exspectationem regni cœlestis (Matth. III, 2). Atqui regnum celorum est objectum spei. Ergo.

Resp. *D. M.*: ... prout intelligatur adventus Regis non solum pœniantis, sed et punientis, *C*; *prœmiantis* tantum, *N*.—*C.d.m.*.—*Neg. conseq.*

1.—Ex his actibus, quibus ad extremum usque pœnitentiae gradum devenitur, accipiat lector qualis doctrinarum ratio sacrorumque sermonum dispositio predicatori catholico, maxime eo tempore quod *missionum* vocant, prescribitur: nimilrum, imploratu iterum atque iterum illius gratia qui solus humana corda efficaciter movet, incumbat orator necesse est non jam vacuis aut saltem inopportuni speculationibus involvendis (prout à quibusdam fieri assolet), sed incoleandis illa veritatibus quae apte natus sunt, per viam à D. Thoma Concilioque Tridentino descriptam, peccatoris animum ad justitiam et salutem ducere. “Erudire, permovere, convertere ad meliora animos velle debent, qui ad conciliorum pro potestate sacra accedant” (Ep. *Leontis XIII ad Min. Gen. O. F. M.*, 23 nov. 1898).

2.—“Ut in pluribus ex timore pœnitentia initium sumit; quamvis etiam in aliquibus ex amore pœnitentia inchoetur” (4 S. D. XIV, Q. 1, n. 2, sol. 1).

OBJ. 3.—Timor est actus quidam ex hominis corde prodicens. Atqui pœnitentia est Dei opus. Ergo.

RESP. D. M:... ipso Deo inspirante per fidei lumen et gratiæ actualis motionem, C; secus, N.—C.d.m : . . excludens hominis cooperationem, N; eam includens, C.—Neg. conseq.

ARTICULUS VI.

Utrum pœnitentia sit prima virtutum.

Hactenus spectavimus virtutem pœnitentie absolute: superest ergo ad complementum doctrinæ ut de ea dicamus relative, seu secundum relationem quam habet ad reliquas virtutes.—Equidem quandoque nominatur pœnitentia fundamentum spiritualis ædificii; quoniam sensu id forte concedi poterit?

Conclusio.—PœNITENTIA SIMPLICITER NON EST PRIMA VIRTUTUM NEQUE ORDINE TEMPORIS, NEQUE ORDINE NATURÆ; VIRTUTES TAMEN MORALES ALIQUALITER ANTECEDIT.

1^a *Pars* comperitur ex eo quod in virtutibus non attenditur *ordo temporis* quantum ad habitus; talis enim viget virtutum connexio, ut omnes simul secundum perfectam virtutis rationem in anima esse incipient necesse sit¹.

2^a *Pars* ostend.—Secundum *ordinem naturæ* una virtus prior simpliciter altera dicitur per respectum ad actus, videlicet, quatenus actus unius simpliciter presupponit actum alterius. Atqui actus virtutis pœnitentie presupponit simpliciter actus virtutum saltem theologicarum. Ergo virtus pœnitentie non est simpliciter ordine naturæ prima virtutum. Min. sic ex D. Thoma declaratur: a) actus quidam laudabiles etiam tempore (quod frequentius contingit) præcedere possunt actum et habitum pœnitentie, scil. actus *fidei* informis seu nondum perfecte per caritatem, actus *timoris* servilis et actus *spei* pariter informis, quos actus art. præc. descripsimus. b) Actus autem et habitus *caritatis* simul sunt tempore cum actu et habitu pœnitentie et cum habitibus aliarum virtutum;

1—*De Reparatione*, pp. 287-88.

quandoquidem in justificatione impii eodem temporis instar liberum arbitrium movetur et in Deum per actum fidei caritate formatæ et contra peccatum per actum detestationis et pœnitentiae. c) Licet vero secundum *quid*, i. e. secundum ordinem causæ *materialis* et *dispositivæ*, prius sit recedere a peccato quam accedere ad Deum, et ita quodammodo actus pœnitentiae caritatis actum prœcedat; attamen *simpliciter*, i. e. secundum ordinem causæ *agentis* et *finalis* qui præcipue in actibus animæ attenditur, prior est caritatis actus actu pœnitentiae veluti ratio et causa ejus; siquidem ideo pœnitens peccatum vere detestatur ab eoque recedit, quia Deum offensum amat eique conjungi conjunctusque manere proponit.

3^a *Pars paucis* absolvitur.

Itaque *aliqualiter*, seu secundum ordinem temporis et necessitatis, prout pœnitentia actus magis requiritur in justificatione quam actus reliquarum *virtutum moralium*, pœnitentia hæc virtutes antecedit: eis enim aperit aditum expellendo peccatum mediante fidei, spei et caritatis influxu qui proprium pœnitentiae influxum aut precedit aut comitatur.— Verum, si res altius prospiciatur, videntur aliae virtutes morales prioritatem ac præstantiam sibi vindicare, “ sicut quod est per se est prius eo quod est per accidens; nam aliae virtutes *per se* videntur esse necessarie ad bonum hominis; pœnitentia autem, *supposito* quodam, scil. peccato preeexistente, sicut etiam dictum est (Q. LXV, a. 2) circa ordinem sacramenti pœnitentiae ad alia sacramenta priedicta ” (art. 6).

DISPUTATIO SECUNDA

DE EFFECTU PÆNITENTIÆ

Prætermisso iis quæ pœnitentiæ aliisque sacramentis communia sunt, uti v. g. tribuere spem salutis, aperire paradisi ianuam (Suppl. Q. X) etc., considerandus occurrit proprius Pœnitentiæ effectus, scil. *remissio peccatorum a baptismate commissorum*; quæ cum fieri possit et *virtute ipsa pœnitentiæ et sacramento*, de utroque disputatio procedet.—Remissio autem peccatorum spectari potest vel *secundum se*, vel *secundum effectum sibi annexum*; secundum se vero, vel quoad remissionem ipsam tum *mortalium*, tum *venialium peccatorum*, vel quoad remissionis *vim seu perfectionem*. Unde quatuor habebuntur quæstiones, *prima* de remissione peccatorum mortalium; *secunda* de remissione peccatorum venialium; *tertia* de redditu peccatorum per pœnitentiam dimissiōnū; *quarta* de virtutum recuperatione per pœnitentiam.

QUÆSTIO PRIMA

DE PECCATORUM MORTALIUM REMISSIONE

Vulgata est peccati distinctio in mortale et veniale: qua (uti declarat *S. Thomas*, I-II^m, Q. LXXXVIII, a. 1)¹ ex eo accipi debet quod per peccatum homo averti potest ab ipso fine ultimo cuius ordo est norma humanarum actionum, et tunc defectus, utpote destitueus principio moralis vitae, *mortalis* est; vel, salvo ordine ad finem debitum, homo per aliquam inordinationem duntuxat retardatur a consecutione finis, et tunc defectus dicitur levis seu *venialis*.—Remissio peccati mortalium, de qua in presenti quest. agitur, investiganda est tum quoad *substantiam* (art. 1), tum quoad *modum*; quoad modum vero, vel ex parte ipsius *effectus* sive *principalis* (art. 2) sive *secundarii* (art. 3), vel ex parte *causa* (art. 4). Patet articulorum connexio.

1—Cf. Cajet. in h. l.

ARTICULUS I.

*Utrum omnia peccata removeri possint per pænitentiam,
immo non sine illa.*

(Q. LXXXVI, a. 1-2)

1º Ut ipse titulus indicat, duo determinanda enunciantur ad *efficaciam* pœnitentie spectantia, unum quidem de ejus aptitudine ad delenda *omnia* peccata; aliud de ejus necessitate seu necessaria ac *metaphysica habitudine* ad cuiusvis peccati deletionem.

2º *Montanistæ* famosam invexerunt distinctionem inter peccata *remissibilia* et alia graviora quæ *irremissibilia* dicebant, cuiusmodi sunt idolatria, blasphemia, homicidium, mœchatio ac fornicatio, etc. *Novatiani* eis consentientes primum quidem lapsis in persecutione nullam concedi posse veniam statuebant; quem deinde errorem ad omnia crima atrociora, ac nonnulli demum ad omnia peccata post baptismum commissa extendisse videntur.

Conclusio 1º.—SIMPLICITER DICENDUM EST QUOD OMNE PECCATUM IN HAC VITA PER PŒNITENTIAM VERAM DELERİ POTEST.—Pœnitentiam veram nomine vel perfectum hujus *virtutis* actum cum voto sacramenti, vel *sacramentum* ipsum rite susceptum quod est impræsentiarum regulare medium obtinendi veniam peccatorum.

1º Ex V. T. habemus per *virtutem* pœnitentie omnia peccata auferri; legitur enim (Ezech. XVIII, 21-22): *Si impius egerit pœnitentiam... omnium iniquitatum ejus, quas operatus est, non recordabor.*—In N. T. diserta est doctrina Christi potestatem ministris suis delegantis remittendi in *sacramento* pœnitentie "quocumque" peccatum, "quocumque" peccata; quam doctrinam Apostoli et verbis et factis confirmarunt. *Verbis* quidem, quando v. g. S. Petrus (Act. II, 38) ad pœnitentiam hortatus est ipsos Judeos delicias; *factis* vero, quando S. Paulus (2 Cor. II, 10) incestuosum Corinthium, condonato peccato, in reconciliationem admisit, et S. Joannes (ut refert ex Clem. Alex. *Eusebius*, Hist. eccl., l. III, c. 23) juvenem post baptismum in scelerissimos vitæ casus prolapsum venit donavit.

2º Hoc ipsum *Patrum* sententiis comprobatur. Occurrit in primis *Tertullianus* qui adhuc catholicus scribit (de Pœnit. c. 4): “*Omnibus delictis, seu carne seu spiritu, seu facto seu voluntate commissis, qui penam per judicium destinavit, idem et veniam per pœnitentiam spopondit.*” Item *S. Cyprianus* (Ep. 52 ad Antonian. n. 22): “*Miror, inquit, quosdam sic obstinatos esse, ut dandam non putent lapsis pœnitentiam, aut pœnitentibus existiment veniam dengandam.*” Et *S. Ambrosius* (de Pœnit. l. I, c. 2, n. 5): “*Dominus crimen nullum exceptit, qui peccata donavit omnia*”; unde (*ibid.* c. 16, n. 87): “*Cum igitur apostolus peccatum remiseit, qua vos auctoritate dimittendum negatis? Quis reverentior Christi, Novatianus an Paulus? Sed noverat Paulus Dominum misericordem.*” Alios omnissimus quos videre est penes *Knoll, de Augustinis*, etc.

3º Ecclesiæ *praxis*, nedium fuerit contraria, thesi nostræ prorsus patrocinatur. Evidem non defuere *catholici scriptores* qui, etsi concederent Ecclesiæ esse divinitus acceptam facultatem peccatores quoslibet a quibusvis peccatis absolvendi, opinarentur tamen *de facto* talim in antiquitate disciplinae rigorem viguisse quo aliquibus peccatoribus venia denegaretur. At, quanquam non diffitemur unum alterumve patrem aliquosque episcopos in hunc disciplinæ excessum concessisse, negamus omnino praxim adeo severam penes universalem Ecclesiam obtinuisse; quod tum *dogmaticæ*, tum *historice* persuaderi potest¹.

a) *Dogmaticæ* quidem:—nequit enim Ecclesia, quin a missione sua salutifera deflectat, pœnitentie seu absolutionis donum reservare ultra Christi voluntatem. Christi autem, quippe qui omnes ad pœnitentiam invitaverit jusque contulerit absolvendi ab omnibus peccatis, manifesta voluntas est quod nemo rite dispositus, quantumvis enormia perpetraverit delicta, a reconciliationis beneficio excludatur. Id apposite testatur *S. Ambrosius* dicens (de Pœn. l. II, n. 19): “*Evidentissime Domini pre-licatione mandatum est etiam gravissimi eriminis reis, si ex toto corde et manifesta confessione peccati pœnitentiam gerant, sacramenti cœlestis refundendam gratiam.*”

1.—Controversiam istam fuse *Sasse* (th. XII) agitat solidisque argumentis theologis ac criticiis dirimit.

b) *Historice vero* :—ex hoc enim capite colligimus (contra adversarios) plura suppetere *exempla*¹ condonationis gravissimorum peccatorum eorumque ipsorum quæ Montanistæ tanquam irremissibilia reputabant. Quapropter, ubi *Tertullianus* jam in Montanismum lapsus catholicis exprobrat (*I. de Pudic.*) quod incechis veniam largiri non vereantur, ipse sibi primitus catholico contrariumque sentienti ac scribenti² aperte contradicit, nec exprobratio illa genuinum Ecclesiæ sensum promit.—Pariter falsum existimari debet quod nonnulli contendunt, videlicet, reis gravium criminum in *supremo vitæ discrimine* constitutis Ecclesiam aliquando veniam denegasse ea tantum de causa quod, dilata ad mortem pœnitentia, in infirmitate duntaxat ad sacerdotem recurrerent: contraria enim praxis testes existunt *S. Dionys. Alex.* (*Ep. ad Can.*), patres *Conc. Nicæni I* (*can. 13*), *S. Cœlest. I* (*Ep. ad ep. Vienn. et Narbon. n. 3*), etc; iisque veteres, quorum sententiae objiciuntur, vel *particularēm* ac *personalem* agendi rationem referunt, vel de moribundis agunt quorum *suspīcta erat pœnitentia* ac *dispositio*, vel eis denegatam tradunt, non jam *absolutionem sacramentalem*, sed *reconciliationem publicam* aut *Eucharistia participationem*.

4^o *Ratione* sic Auctor procedit :— Ideo aliquod peccatum hominis in hac vita per pœnitentiam non tolleretur, quia vel de eo vera pœnitentia esse non posset, vel pœnitentia illud delere non valeret. Atqui utrumque est erroneum: ergo. *Min. decl.* per partes :— 1^a pars emergit ex differentia vigente inter damnatos (dæmones hominesve) et homines viatores: damnatus enim, quorum affectus in malo confirmatus est, peccatum displicere nequit sub ratione culpæ, sed tantum sub ratione pœnae quam patiuntur quæque quendam infructuosum ac desperatum dolorem ingenerat, juxta illud (*Sap. V, 3*): *Pœnitentiam agentes et præ angustia spiritus gementes*. Longe autem ab ea conditione differt status hominis viatoris, cuius liberum arbitrium de se flexible est ad bonum et ad malum potentique gratiæ vi ad pœnitendum de culpa quacunque moveri efficaciter potest.— 2^a pars ostendit: “Quod non possit per verum pœnitentiam

1—Ap. *Sasse*, *l. cit.*, p. 60.

2—Cf. ejus verba paulo superius citata.

aliquid peccatum remitti, est etiam erroneum: *primo* quidem, quia repugnat *divinae misericordiae*, de qua dicitur (Joël, II, 13) quod *benignus, et misericors est, et patiens, et multæ misericordiae, et præstabilis super malitia*; vin-
ceretur enim quodammodo Deus ab homine, si homo pec-
catum vellet deleri, quod Deus delere non vellet. *Secundo*,
quia hoc derogaret *virtuti passionis Christi*, per quam pœn-
tentia operatur, sicut et *crederi sacramenta, cum scriptum sit* (1 Joan. II, 2). *Ipsa est propitatio pro peccatis nostris, non pro nostris autem tantum, sed etiam pro totius mundi*" (art. 1). Quibus verbis Angelicus rem demonstrat ex misericordia quasi remotius et ex causa prima, ex passione vero Christi quasi proximius et ex causa secundaria per quam Dei misericordia sese exercet.

Conclusio 2^a. — ORDINARIE ET PER SE PECCATUM MORTALE NON REMITTITUR ALICUI SINE PŒNITENTIAE FORMALIS ACTU, PER ACCIDENS TAMEN ET EXTRAORDINARIE REMITTI POTEST PER ACTUM PŒNITENTIAE VIRTUALIS AUT CUM SOLA PŒNITENTIA HABITUALI. — Agitur hic de remissione peccati *extra sacramentum pœnitentiae*; ad quod sacramentum rite suscipien-
dum requiri aliqualem saltem ac formalem peccati detesta-
tionem, infra determinabimus.

1^a Pars, de actu pœnitentiae *formalis* seu contra peccatum formaliter directæ, innititur verbis *Trid.* (Sess. XIV, cap. 4): "Fuit quovis tempore ad impetrandam veniam peccatorum hic contritionis motus necessarius."

Sane 1^a *Scripturae* plures sunt textus quibus *necessitas pœnitentiae formalis* clare enunciatur; v. g. (Jer. XVIII, 8): *Si pœnitentiam egerit gens illa a malo suo... agam et eam pœnitentiam super malo quod cogitavi ut facherem ei.* quasi nemper pœnitentia expiativa sit conditio penitus neces-
saria venire divinæ. Et (Luc. XIII, 5): *Si pœnitentium non egeritis, omnes similiter peribitis.* — Huc etiam perti-
nent plerique Patrum sententiæ, inno integri de pœnitentia tractatus *Tertulliani, S. Ambrosii* aliorumque.

2^a Ratio S. Thomæ (art. 2) sic proponitur: — Cum pecca-
tum sit Dei offensa, eo modo Deus peccatum remittit quo
remittit offensam in se commissam. Atqui offensa in Deum
commissa, ordinarie et *per se*, adulto non remittitur absque
actuali voluntatis immutatione qua offensor detestetur inju-

Réjean
Olivier

Ex-Libris

riam Deo illataam cum emendationis proposito, scil. absque pœnitentia formalis: ergo. *Min. ostend.* a) Offensa directe opponitur gratiae; ex hoc enim dicitur aliquis alteri esse offensus quod repellit eum a gratia sua seu amicitiae benevolentia. Unde "sicut inter homines non restituitur amicitia post offensam nisi per aliquem de offensa dolorem; ita nec caritas post peccatum, nisi per pœnitentiam" (4 S. D. XIV, Q. II, a. 5 ad 2). b) Haec autem pœnitentia offensoris Dei ab ipsis voluntatis conversione ac dolore prodire debet: id enim interest inter gratiam hominis et gratiam Dei quod prima non causat, sed presupponit bonitatem veram vel apparentem in homine grato, altera vero, utpote causa omnis boni creati, efficit in homine totum id quod gratum ac diligibile in ipso est. Idcirco evenire potest quod homo deceptus veniam det offensori, cuius reapse voluntas non est immutata; Deus autem, quem nemo decipit, eatenus remittit offensam alicui, quatenus hujus voluntas a malo resipiscit. Jamver justitiae æqualitas exigit ut ista resipiscentia ac immutatio fiat secundum dolorosam detestationem ejus in quo voluntaria complacentiam indebitam habuit¹: igitur etc.

2^a Pars evincitur.

1^a *Per accidens* posse, scil. in aliquo casu, per solam virtualem pœnitentiam in caritatis actu contentam peccatum mortale remitti, communis theologorum sensus est. Si quis v.g. post diligentem inquisitionem et ex naturali oblivione non recordetur peccatorum suorum, sed actum dilectionis Dei super omnia eliciat, iste quidem formalem de peccatis dolorem non experitur, attamen justificabitur: tum quia *charitas operit multitudinem peccatorum* (1 Pet. IV, 8) divinamque amicitiam importat; tum quia actus diligendi Deum super omnia, secundum motivum quo procedit, eminenter-virtualiter et veluti in voto præhabet actum pœnitentiae formalis².—Idem dici nequit (quamvis nonnulli aliter sentiant) de eo cui *peccatorum memoria occurrit*; quippe qui vel Deum perfecte diligens, eo ipso ejus offensam detestabitur, vel ab hac detestatione abstinent, se non vere Deum diligere demonstrabit.

1—Vid. Joan. a S. Thoma (In h. l.)

2—Hoc non contradicit his quæ constituimus (*de Reparatione*, Disp. V, Q. I, a. 4), ubi rem consideravimus per se.

^{2º} Extraordinarie seu per potentiam Dei absolutam non videtur repugnare quod gratia peccatori dormienti infundatur, ita ut justificetur sine formalis aut virtualis poenitentiae actu, et cum sola poenitentia habituali quam gratia annexæque virtutes secum ducunt: tunc enim salvatur radicalis saltem immutatio voluntatis, quæ absolute requiritur ac sufficit ut Deus pro grato sibi et amico peccatorem jam interius conversum habeat.

Solv. obj. (cont. 1^{am} concl.).—OBJ. 1.—Legitur (Jer. XIV, 12): *Cum jejunaverint, non exaudiam preces eorum.*—Item (2 Mach. IX, 13): *Orabat scelestus (sc. Antiochus) Dominum, a quo non esset misericordiam consecuturus.* Ergo.

RESP. ad 1^m, eo in loco sermonem esse non jam de poenitentia ad obtinendam peccatorum remissionem, sed de invocatione Dei ad arcendas calamitates seu *pœnas temporales*, quas Deus juste etiam pro condonatis delictis infligit.—Ad 2^m dico, Antiochi poenitentiam *veram non fuisse*; siquidem dolebat de culpa preterita non propter offenditam Dei, sed duntaxat propter infirmitatem corporalem quam patiebatur.

OBJ. 2.—Dicit Dominus (Matth. XII, 32): *Quicumque dixerit verbum contra Filium hominis, remittetur ei; qui autem dixerit contra Sp. Sanctum, non remittetur ei, neque in hoc saeculo, neque in futuro.* Ergo.

RESP. 1^º juxta quosdam peccatum in Sp. Sanctum dici *finalem impenitentiam* qua quis remissionem peccatorum Dei bonitate ac charitate oblatam repellit usque ad mortem; unde intelligitur talem humanæ voluntatis deordinationem esse penitus irremissiblem, quatenus post elapsam hanc vitam nullum peccatum remittitur.—2^º Si peccatum in Sp. Sanctum communiori judicio accipiatur pro peccato *certa malitia blasphemide Divinitatis* aut S. Spiritus commisso, dicitur irremissible, non quod nullo modo remitti valeat, sed vel quia *dificulter* remittitur, utpote eum voluntatis affectum excludens quo remissio illa obtinetur¹; vel quia *non habet* in se causam *excusationis* quæ pœnam tum in hoc

1.—“Per hoc tamen non præcluditur via remittendi et sanandi omnipotentis et misericordiae Dei, per quam aliquando tales quasi miraculose spiritualiter sanantur” (II-II^m, Q. XIV, a. 3).

tum in futuro sæculo luendam imminuat. (Cf. II-II^a, l. cit.)

OBJ. 3.—Dicitur (1 Joan. V, 16) : *Qui scit fratrem suum peccare peccatum non ad mortem, petat, et dabitur ei vita peccanti non ad mortem. Est peccatum ad mortem, non pro illo dico ut roget quis.* Ergo.

RESP. nomine peccati ad mortem intelligi, non quocumque peccatum mortale, sed *gravissimum* illud quod ordinario rerum cursu ad mortem dicit sempiternam; cuiusmodi est in primis apostasia a fide.—Porro verba Joannis minime arguunt absolutam hujus peccati irremissibilitatem, sed duntaxat talem remissionis difficultatem qualen fideles precibus suis communius non renoverent: est enim conversio a peccato illo *miraculum* quoddam, cuius impetratio permittitur quidem ab apostolo, *non autem præcipitur.*

ARTICULUS II.

Utrum possit per pænitentiam unum peccatum sine alio remitti.

Sequitur ut dicamus de modo quo fit remissio peccatorum mortalium; et primo ex parte effectus principalis seu reatus culpe: quo sub capite inquirendum venit num remissio præfati reatus sit necessario *totalis* seu super omnia peccata cadere debeat.—Profecto aliud est loqui de *cessatione ab actu peccandi*, aliud loqui de *remissione culpæ* per actum illum admissæ; interdum enim ille qui plura peccata committere consuevit, unum deserit, reliquis tamen indulgens; sed, etiamsi hoc fiat auxilio divino, non idcirco remissio culpæ obtinetur.—Theologi quidam, ut *Scotus*, *Suarez* aliquique, existimarent de potentia Dei absoluta fieri posse ut unum peccatum sine alio remittatur per condonationem mere extrinsecam; quam tamen hypothesis *thomistæ* communiter rejiciunt.

Conclusio.—NON POTEST UNUM PECCATUM MORTALE SINE ALIO REMITTI, NEC DE POTENTIA DEI ABSOLUTA.

1^a Pars ostend:

1^o Auctoritate; legitur enim (*Trid. Sess. V*, n. 5) : “ In

renatis nihil odit Deus; quia nihil est damnationis¹ iis qui vere conseulti sunt cum Christo per Baptisma in mortem." Igitur nullum peccatum, odio ac damnatione dignum, remanet nec remanere potest in recens baptizatis. Atqui pœnitentiae finis est restaurare gratiam justificantem post baptismum amissam. Ergo *a pari* etc.

2^o *Ratione*, cuius quatuor promi possunt argumenta:—
 1^o *ex habitudine gratiae ad peccatum*. Peccatum ab anima removetur, in quantum tollitur Dei offensa per gratiam, sine qua nullum peccatum remitti potest². Atqui omne peccatum mortale contrariatur gratiae eamque excludit, sicuti inimicitia quæcumque amicitiam inmediata oppositione repellit. Ergo.—
 2^o *ex vera pœnitentice indole*. Peccatum mortale non potest remitti sine vera pœnitentia, ad quam pertinet peccatum deserere seu injuriam Deo illatam detestari ac reparare. Atqui commune est omnibus peccatis mortalibus, ut injuriam Deo inferat; ubi autem est eadem ratio, idem habeatur effectus necesse est. Ergo pœnitentia de uno peccato, si vera ac sincera sit, necessario involvit pœnitentiam de omnibus peccatis. Pœnitentia autem seu perfecta contritio semper annexam habet remissionem peccatorum per gratiam justificantem³, sicuti ultima dispositio formam secum trahit. Ergo.—
 3^o *ex perfectione divina misericordie*. Remissio peccatorum est opus Dei misericordis. Atqui cuius miseretur Deus, totaliter miseretur, tum quia perfecta sunt Dei opera, tum quia bonitatem ejus non decet dimidiam largiri veniam. Ergo.—4^o *ex exemplo hominis*; "ridiculum enim videtur quod etiam ab homine aliquis veniam peteret de una offensa, et non de alia" (art. 3 and 4).

2^a *Pars*, negans remissibilitatem unius peccati sine alio etiam de potentia Dei *absoluta*, videtur ipsius S. Thomæ expresse ac iterato dicentis (h. art.): "Impossibile est per pœnitentiam unum peccatum sine alio remitti," maxime si attendatur ejus argumentatio ex natura gratiae ac pœnitentiae petita.— Revera, non potest Deus etiam de potentia absoluta, saltem in statu elevationis ad ordinem supernaturalem,

1—Rom. VIII, 1.

2—Cf. *De Reparatione*, Disp. V, Q. 1, a. 1.

3—Cf. Gonet, *de Pœnit.* Disp. III, a. 3.

remittere peccatum nisi infundendo gratiam (cf. *de Repar.*, l. cit.). Atqui gratiam stare simul cum peccato, penitus est impossibile, etiam spectata Dei omnipotentia quæ nequit contradictoria componere. Ergo.

Solv. obj.—OBJ. 1.—Eorum quæ non sunt necessario connexa, unum auferri potest sine alio. Atqui peccata nou sunt necessario connexa, ut experientiâ constat. Ergo.

RESP. *Trans. M.*—*D.m*...ex parte *conversionis* ad bonum commutabile, *C*; ex parte *aversionis* a Bono iucommutabili, quasi non omnia convenient in ratione offensæ Dei communis pœnitentiâ removendæ, *N*.—*Neg. conseq.*

OBJ. 2.—Peccata sunt debita quædam. Atqui homo quandoque unum debitum dimittit sine alio. Ergo.

RESP. *D. M*:...debita quæcumque, *N*; debita culpæ quæ amicitiae contrariantur, *C*.—*C.d.m*...debitum *exterioris rei*, puta pecuniae, quippe amicitiae non contrarium, *C*; debitum *culpæ* vel offensæ, *N*.—*Neg. conseq.*

OBJ. 3.—Per dilectionem Dei relaxantur hominibus peccata. Atqui nihil prohibet quin Deus diligit hominem quantum ad unum et sit ei offensus quantum ad aliud. Ergo.

RESP. *D. M*: Per dilectionem naturæ... *N*; per dilectionem gratiae, *C*.—*C.d.m*: Nihil prohibet quin Deus *dilectione naturæ* impariatur bona compossibilita cum peccato quod odio habet, *C*; nihil prohibet quin Deus *dilectione gratiae* aliquem admittat in amicum et hæredem qui tamen sibi sit peccato aliquo infensus, *N*.—*Neg. conseq.*

ARTICULUS III.

Utrum, remissa culpa per pœnitentiam, remaneat reatus pœnae, cum peccati reliquis.

(Art. 4-5)

Explorandus jam succedit modus remissionis peccatorum quoad effectum secundarium, scil. quoad effectum quo tollantur reatus pœnae et peccati reliquiae seu (uti nunc intelligitur) vitiosæ quædam dispositiones ex actibus peccaminosis enatæ.—Nobis haec in re adversantur protestantes qui, Luthero

maximeque Calvinus duce, docuerunt Deum nullas a justis expetere penas in vindictam peccati praeteriti, neque in hac vita, neque praesertim in futura; unde communis consensu negantur purgatorium, suffragia ac indulgentias pro defunctis, eademque de causa plerique, christianam mortificationem abhorrentes, omni arte ac pene febrili ardore materialia quæque vita bona et commoda prosecuntur.

Conclusio 1^a. — REMISSA CULPA PER PENITENTIAM, NON QUIDEM REATUS PENÆ AETERNAE, SED REATUS PENÆ TEMPORALIS REMANERE POTEST, IMO DE FACTO FREQUENTIUS REMANET.

1^a *Pars* de reatu penæ aeternæ fide constat ex *Trid.* (Sess. VI, cap. 14), ubi dicitur quod pena illa "vel sacramento vel sacramenti voto una cum culpa remittitur." — *Ratio* in promptu est; siquidem homini culpa remittitur per Dei gratiam ac ejus amicitie restitutionem. Atqui contrarium esset gratiae amicitieque divine juribus quod justus a Deo in aeternum separaretur, nunquam ejus bonis ac presentia gavisurus. Ergo.

2^a *Pars* habet, remissâ culpa reatum penæ temporalis remanere posse, prout definitum est a *Trid.* (Sess. VI, can. 30): "Si quis post acceptam justificationis gratiam cuilibet peccatori penitenti ita culpam remitti et reatum aeternæ penae deleri dixerit, ut nullus remaneat reatus penae temporalis exsolvendæ, vel in hoc seculo, vel in futuro¹ in purgatorio, antequam ad regna celorum aditus patere possit; A. S." — Dico reatum penae temporalis remanere posse, non tamen debere; quippe a) potest Deus infinite misericors universum penae debitum condonare (secundum quod contingit in Baptismo et martyrio). b) Etiam fieri potest adeo excellentem esse penitentis contritionem (uti in S. Paulio et muliere peccatrice) ut totam penam temporalem utique finitam aduequet (cf. dicenda inferius de coptitione).

Assertio prob: — In peccato mortali sunt duo, scil. aversio ab incommutabili bono, et conversio ad commutabile bonum

1 — Bono observant auctores, ex solo jure naturali (et praemissa positive obligatione, puta quia a sacerdote in tribunali Penitentiae imponitur) non teneri hominem ad solvendam in hac vita penam temporalem peccatis suis debitam, licet eodem jure teneri possit ad suscipienda opera propria in finem preoccupandi peccati futuri seu refranandie concupiscentiae.

justis
in hac
nsensu
unctis,
cionem
a quæ-

M, NON
MPORA-
MANET.
Trid.
sacra-
tur."—
tur per
contra-
l justas
ne pre-

poralis
VI, can.
cuilibet
eternæ
ne tem-
pro 1 in
possit;
ne posse,
sericors
od con-
est adeo
. Paulo
utique

aversio
bonum

t præter-
ali Panis
hac vita
re teneri
li peccati

ordinata. Atqui a reatu poenæ respondente aversioni separari potest reatus poenæ respondens conversioni, quippe qui secundarius et consequens est, temporelem poenam importans. Ergo. *Min. evolv*: "Ex parte averionis ab incommutabili bono consequitur peccatum mortale reatus poenæ æternæ, ut qui contra æternum bonum peccavit, in æternum puniatur. Ex parte etiam conversionis ad bonum commutabile, in quantum est inordinata, consequitur peccatum mortale reatus alicujus poenæ, quia inordinatio culpæ non reducitur ad ordinem justitiae nisi per penam: justum est enim ut qui voluntati suæ plus indulxit quam debuit, contra voluntatem suam aliquid patiatur; sic enim erit æqualitas. Unde Apocal. XVIII, 7 dicitur: *Quantum glorificavit se et in deliciis fuit, tantum date illi tormentum et luctum.* Quia tamen conversio ad bonum commutabile est finita, non habet ex hac parte peccatum, quod debeatur ei poena æterna" (art. 4). Jam vero nihil prohibet quominus remisso, una cum culpa, restituæ et principalis poenæ, remanent adhuc reatus alienus¹ poenæ temporalis et secundarie respondens delectationi indebitæ, quam homo ex conversione ad creaturas percepit, et ejus inordinatio perseverat quamdiu non fuerit per penam ordinata. Ergo.—*Conf. arg.* ex eo quod peccator, Deum offendendo, peccat et contra æqualitatem amicitiae, in quantum affectum debitum non impendit, et contra æqualitatem justitiae, in quantum rem debitam seu honorem obedientie subtrahit. Atqui haec duo ita se habent ut recompensatio unius disjungi valeat a recompensatione alterius; sic enim apud homines "quando offendens offensum verbis placat, nondum re subtracta restituta, fit recompensatio amicitiae, sed non justitiae" (4 S. D. XIV, Q. II, a. 1, sol. 2). Ergo, reintegrata per gratiam amicitia divina, remanere potest aliquod justitiae debitum poena temporali solvendum.

3^a Pars de facto ostendit:

1^o Exemplis Scripture; quorum pauca proferemus. Constat ex SS. LL. (Sap. X, 2) Adamum poenitentem Dei gratia in justitiae statum rediisse; quod idem de Eva sentiendum

1 — *Dico alienus*; heri enim non potest quin contritionis actus vel remissus, quem peccator justificationis tempore elicit, poenæ temporali saltem partialiter satisficiat.

est. Porro contra utrumque pœnae temporales, ipsaque mors, in preteriti delicti ultiōnem decretæ sunt, uti legimus (Gen. III, 16 sqq.): *Multiplicabo arumnas tuas... quia comedisti de ligno... maledicta terra in opere tuo... pulvis es et in pulverem reverteris.*—Rursus, negari non potest Moysen et Aaron veniam obtinuisse peccati incedulitatis quod in Deum admiserant (Num. XX, 12). Atqui nihilominus in hujus criminis vindictam pœna temporali perculsi sunt; de qua (Deut. XXXII, 51-52): *Quia prævaricati estis contra me... videbi terram et non ingredieris in eam.*—Palmare exemplum habemus in Davide, cui adulterii et homicidii reo sed pœnitenti dixit Nathan propheta (2 Reg. XII, 13-14): *Dominus transtulit peccatum tuum, non morieris. Verumtamen, quoniam blasphemare fecisti inimicos Domini, propter verbum hoc, filius, qui natus est tibi, morte morietur.*

2^o *Traditio ac disciplina Ecclesie* etiam vetustissima idem persuadent.—Luculenta est sententia S. August. (En. in Ps. L, n. 15): “Aliquando Deus, cui ignoscat in futuro sæculo, corripit eum de peccato in isto sæculo. Nam et ipsi David, cui dictum fuerat per prophetam: *Dimissum est peccatum tuum, evenerunt quedam quo minatus erat Deus propter ipsum peccatum.*” Et S. Greg. M. (Mor. I, IX, c. 34, n. 54): “Delinquenti Dominus nequaquam parcit, quia delictum sine ultiōne non deserit. Aut enim ipse hoc homo in se pœnitens punxit, aut hoc Deus cum homine vindicans percutit.”—Sensus Ecclesie maxime elucet ex veteri *disciplina*, qua pœnitentiae canonice etiam post susceptam absolutionem et communionem (ut in casu infirmi subinde convalescentis) prescribebantur, et indulgentiae tam pro vivis quam pro defunctis lucrando commendabantur (cf. app. *de Indulgentiis*).

3^o *Rationes congruae* sic ex *Trid.* (Sess. XIV, cap. 8) colligi possunt:—*a)* Divinæ *justitiae* ratio exigere videtur ut severius tractentur qui, semel a peccati et daemonis servitute liberati, Dei donum contemnere et Sp. Sanctum contristare non formidarunt, quam qui ante baptismum per ignorantiam deliquerunt.—*b)* Divinam etiam decet *sapientiam* culpa dimisit pœnam requirere: tum ut peccati gravitatem intelligentes a peccandi licentia refrænemur; tum ut per satisfac-

tiones reliquiis peccatorum medeamur vitiosasque dispositiones contrariis virtutum exercitiis tollamus; tum quoque ut Christo satisfaciens pro peccatis nostris conformes efficiamur indeoque arham habeamus quod, si compatimur, et glorificabimur.

Conclusio 2^a. — QUANDOQUE, SED NON SEMPER UNA CUM CULPA MORTALI TOLLUNTUR PECCATI RELQUIAE, QUANQUAM DEBILITATÆ MANENT.

1^o “ Deus totum hominem perfecte curat; sed quandoque subito, sicut socrin Petri statim restituit perfecte sanitati, ita ut *surgens ministraret illis*, ut legitur (Luc. IV), quandoque autem successive, sicut dictum est, q. 44, a. 3 ad 2, de eoceo illuminato (Marc. VIII). Et ita etiam spiritualiter quandoque tanta commotione convertit cor hominis, ut *subito* perfecte consequatur sanitatem spiritualem, non solum remissa culpa, sed sublatis omnibus peccati reliquiis, ut patet de Magdalena (Luc. VII). Quandoque autem prius remittit culpam per gratiam operantem, et postea per gratiam cooperantem *successive* tollit peccati reliquias ” (art. 5 ad 1).

2^o Revera peccatum mortale, constans aversione a Deo et conversione inordinata ad creaturas, ex parte conversionis ad bonum creatum gignit in anima quamdam vitiosam dispositionem, vel etiam habitum, si actus frequenter iteretur. Porro per infusionem gratiae conjungentis animam Deo tollitur quidem culpa secundum rationem aversionis; at nihilominus romanere potest id quod est ex parte conversionis inordinate, cum etiam contingat conversionem esse sine aversione (ut in peccatis venialibus). Ergo nihil prohibet quin, remissa culpa, remanent dispositiones ex precedentibus actibus causatae, que dicuntur peccati reliquiae.—Imo id sc̄eps accidere, potest suaderi per exemplum *sanationis*, qua salutem restituente, frequenter morbi reliquiae aliquamdiu adhuc perseverant (4 S. D. XIV, Q. II, a. 1, qu. 3 ad 1).

3^o Igitur extra dubium est vitiosas quedam dispositiones, semelculpa, remanere in homine non obstantibus gratiae ac virtutum donis; propterea quod inter virtutes infusas motivoque supernaturali innixas et dispositiones malis actibus acquisitas non datur oppositio formalis.—Attamen (ut ait *Auctor*, h. art.) “ remanent debilitate et diminutio, ita quod homini non dominentur; et hoc magis per modum dispositionum

quam per modum habituum, sicut etiam remanet fomes post baptismum." In hoc enim distinguitur dispositio ab habitu quod sit facile mobilis; primum est autem ut actus, ad quos virtutes infusæ inclinant, saltem indirecte et consequenter malas inclinationes ex peccato ortas coercant et boni operandi difficultatem vincant.

Solv. obj. (cont. 1^{am} concl.). — OBJ. 1. — Remota causa, removetur effectus. Atqui culpa est causa reatus poenæ. Ergo.

RESP. D. M:...removetur effectus dependens a causa tum in fieri, tum in esse, C; in fieri tantum, N.—D.m:...poenæ æternæ et temporalis secundum eamdem rationem, N; secundum diversam rationem. C.—Neg. conseq.

Cum in peccato mortali aversio a Deo, scil. a fine, se habeat sicut elementum formale, conversio autem ad creaturas sicut elementum materiale, per hoc ipsum: quod tollitur aversio per gratiam, peccatum essentialiter deletur. Reatus autem poenæ æternæ adeo intime aversioni connectitur ut ab ea dependeat tum in fieri tum in esse; unde necesse est ut una cum ipsa removeatur. Verum reatus poenæ temporalis magis respondens conversioni ab aversione non dependet nisi in fieri, et ideo, sublata aversione per gratiam, perseverare potest donec satisfactione debita tollatur.

OBJ. 2.—Sicut Ap. dicit (Rom. V), donum Christi efficacius est quam peccatum Adæ. Atqui peccando homo simul incurrit culpam et poenæ reatum. Ergo multo magis per gratiam, etc.

RESP. D. M:...et hanc efficaciam exigit independenter omnino a dispositione et cooperatione hominis, N; ita ut operetur quidem remissionem culpe et reatus poenæ æternæ, cooperetur vero homini, pro varia ejus dispositione, in tolendo reatu poenæ temporalis, C.—C.m.—Neg. conseq.

Cum gratia *operatoris* sit justificare hominem a peccato, gratia vero *cooperantis* eum adjuvare in operando¹, remissio culpe et reatus poenæ æternæ pertinet ad gratiam operantem, sed remissio reatus poenæ temporalis pertinet ad gratiam cooperantem, in quantum scil. homo cum auxilio divinis gratia penas patienter tolerans etiam a reatu illo absolvitur.—Porro prior est effectus gratiae operantis quam gratiae

1—Cf. *De Reparatione*, Disp. III, Q. II, n. 2.

cooperantis; imo effectus gratiae cooperantis successionem temporis admittit pro diversis hominis actibus quibus Deus cooperatur.—Idcirco prius habetur remissio culpe et poenæ æternæ, a gratia sola procedens, quam plena absolutio a poena temporali, quæ, utpote dependens simul a gratia et libero arbitrio satisfaciente, successiva esse potest.

OBJ. 3.—Remissio peccatorum fit in pœnitentia per virtutem passionis Christi. Atqui Christi passio fuit sufficienter satisfactoria pro omnibus peccatis etiam quoad totam pœnam. Ergo.

RESP. D. M.:... quatenus hæc virtus applicatur homini secundum modum et successionem *propriorum actuum*, C; quatenus applicetur sicuti in baptismo, nempe per modum totalis *regenerationis*¹, N.—D. m.:... ex se, C; et necesse est ut sufficientissima illa satisfactio in pœnitentia applicetur extra pœnalia hominis opera, N.—*Neg. conseq.*

ARTICULUS IV.

Utrum remissio culpæ sit effectus pœnitentie;—seu de propria pœnitentie causalitate.

Sub hoc articulo agendum occurrit de modo remissionis peccatorum *ex parte cause* seu de causalitatibus ratione quæ pœnitentie circa illam remissionem competit: nomine vero pœnitentie intelligimus tum sacramentum tum virtutem.

1º Quod ad *sacramentum* pertinet, notare est D. Thomam in quarto lib. Sententiæ (Suppl. Q. XVIII, a. 1) existimasse sacramentum Pœnitentie producere effectum suum solummodo *ratione formæ* seu *absolutionis sacramentalis*, hunc autem effectum esse non tam remissionem culpe quam *dispositionem* ad illam. Verum in *Summa theologica* altius sentiens S. Doctor expresse docet sacramentum illud, tum formæ tum materiæ vi, ipsam remissionem peccatorum efficer² (quam doctrinam mox exponemus).

2º Quantum ad modum quo actus *virtutis* pœnitentie

1—Cf. *De Sacramentis* (1^a pars); Disp. II, Q. IV, a. 1.

2—Cf. *ibid.*, Disp. I, Q. III, a. 2.

extra sacramentum concurrit ad remittendum peccatum, variae recitantur theologorum opiniones: juxta *Scotum* enim, pœnitentie actus seu contritio peccatum expellit dispositivum tantum; juxta *Vasquezium* vero, formaliter; juxta *Sotum*, efficienter-physice; tandem juxta *Gonet* aliosque, efficienter-moraliter.

Conclusio 1^a.—PŒNITENTIAE SACRAMENTUM OPERATUR REMISSIONEM PECCATORUM VIRTUTE ACTUUM PŒNITENTIS MAXIMEQUE CLAVIUM ECCLESIE QUIBUS ILLI ACTUS SUBJICIUNTUR.—Projecto debet id intelligi, quatenus per sacramentum producatur gratia qua peccatum formaliter expellitur.

Prob.—Sacramentum Pœnitentie ita constat ut actus pœnitentis, secundum quod subordinantur clavibus Ecclesie, se habeant per modum materie, absolutio autem sacerdotis per modum formæ. Atqui sacramentum in genere producit effectum suum non solum virtute formæ, sed etiam, etsi secundario, virtute materie. Ergo sacramentum Pœnitentie producit remissionem peccatorum *principalius* quidem virtute clavium seu absolutionis sacramentalis, *secundario* autem virtute actuum pœnitentis clavibus subjectorum. *Min. decl.* ex eo quod totum sacramentum agit per modum unius instrumenti conslati ex duplio elemento, materiali scil. et formalis; baptismus v. g. non solum vi verborum, sed et vi aquæ abluentis regenerat. Verum quia forma in composito principalius est atque actualius elementum, quo materia determinatur ac perficitur, idcirco potior efficacitas tribuitur formæ sacramentali quam materie.

Conclusio 2^a.—PŒNITENTIAE CAUSALITAS EXTRA SACRAMENTUM TALIS EST QUAE, LICET RESPECTU INFUSIONIS GRATIAE REDUCATUR AD GENUS CAUSE MATERIALIS ET DISPOSITIVAE, RESPECTU TAMEN REMOTIONIS PECCATORUM REDUCENDA EST AD GENUS CAUSE EFFICIENTIS-MORALIS.

1^a *Pars* comperitur ex eo quod in justificatione habetur (ut ait *S. Th.* a. 6 ad 1) “non solum gratia infusio et remissio culpe, sed etiam motus liberi arbitrii in Deum qui est actus fidei formatio, et motus liberi arbitrii in peccatum qui est actus pœnitentie¹. Hi tamen actus humani sunt ibi (secundum ordinem cause formalis) ut effectus gratiae operantis, simul producti cum remissione culpe. Unde remissio

1—Cf. *De Reparatione*, Disp. V, Q. I, a. 24.

culpæ non fit sine actu pœnitentia virtutis, licet sit effectus gratiae operantis"; id est, secundum ordinem causæ materialis et dispositivæ, *infusio gracie*, qua peccatum formaliter deletur, dependet a pœnitentia seu contritionis actu.

2^a *Pars* duo continet, scil. causalitatem contritionis respectu remotionis peccati esse efficientem, sed moraliter tantum.

1^o Quod causalitas illa sit aliqualiter *efficiens*, ita declarat S. Thomas (4 S. D. XIV, Q. II, a. 1, sol. 1): "Operatur, inquit de pœnitentia, ad dimissionem peccati, in quantum est virtus, speciali modo præ aliis virtutibus. Quia secundum omnem virtutem formatam ex parte habitus peccata dimituntur ratione gratiae quæ cum ea infunditur; sed hoc est formaliter remittere. Sed pœnitentia ex ratione sui actus habet quod per eum peccata dimitantur, secundum quod peccata commissa sunt materia actus ejus. Cum enim peccatum ex hoc remitti dicatur vel retineri quod habet rationem offensæ, illud quod offensam aufert, peccatum tollit. Cum autem offensa, in quantum hujusmodi, sit inæqualitas quædam, qua unus alii subtraxit quod debitum erat, actus illius virtutis peccatum remittitur quæ inæqualitatem prædictam ad inæqualitatem redicit. Hoc autem facit pœnitentia, quæ in recompensationem divine offensæ spiritum Deo contribulatum offert; et ideo pœnitentia etiam ex parte actus sui competit peccatum tollere; et hoc est *efficienter*, et non solum formaliter, per pœnitentiam peccata dimitti."

2^o Tamen contendimus hanc efficientiam *moralem* esse potius quam *physicam*. Etenim, ut docet S. Th. (III, Q. LXXXV, a. 2 ad 3), "pœnitentia expellit omne peccatum effective, in quantum operatur ad destructionem peccati, prout est remissibile ex divina gratia, homine cooperante." Quocirca catonus pœnitentia actus peccatum expellit, quantum detestatione ac dolore contriti animi sollicitatur Deus ad remissionis seu condonationis gratiam peccatori conferendam. Hie autem influxus, ut patet, moralis est¹.

1—Vid. plura ap. Gonot, Disp. III, a. 4.

QUÆSTIO SECUNDA

DE REMISSIONE VENIALIUM PECCATORUM

Remissio peccati venialis potest considerari quadrupliciter, nempe vel quoad pœnitentiam ad hoc *disponentem* (art. 1), vel quoad gratiae influxum *formaliter* auferentem peccatum (art. 2), vel quoad *media* seu instrumenta diversa remissionis (art. 3), vel tandem quoad remissionis *conditiones* (art. 4).

ARTICULUS I.

Utrum peccatum veniale possit remitti sine pœnitentia.

1º Naturam peccati venialis apte describit *Billuart* dicens (in h. l.): "Peccatum veniale *actuale* est conversio inordinata ad bonum creatum sine aversione tamen a bono increato. Ex hac conversione actuali relinquitur in anima seu voluntate aliqua determinatio seu modificatio circa bonum creatum, sicut ex intentione finis manet voluntas modificata circa ipsum et media; per hanc autem modificationem seu determinationem inordinatam voluntatis circa bonum creatum, impeditur seu retardatur affectus ne prompte feratur in Deum; et hoc dicitur privatio fervoris caritatis, in qua reponi solet *macula* peccati venialis seu peccatum veniale *habituale*, de quo hic est *questio*."

2º Quantum ad materiam propositi articuli, triplex circumfertur sententia: *una* quidem tenet ad remissionem peccati venialis nullam requiri pœnitentiam, sed sufficere quemcumque actum bonum, etiam ab illa remissione independentem, qui magis Deo placeat quam peccatum veniale displicet; *altera* sententia ponit non remitti peccatum veniale sine pœnitentia formalis; *tertia* tandem ac communis sententia medium inter extremas viam sequitur.

Conclusio.—PECCATUM VENIALE REMITTI NON POTEST ABSQUE ALIQUA PŒNITENTIA; NON TAMEN REQUIRITUR PŒNITENTIA FORMALIS, NEC SUFFICIT PŒNITENTIA HABITUALIS, SED REQUIRITUR AC SUFFICIT PŒNITENTIA VIRTUALIS.

1^a *Pars* ostendit: 1^o verbis *S. Augustini* scribentis (Ep. 93 ad Vincentium, n. 53): “Nec quemquam putas ab errore ad veritatem, vel a quocumque seu magno seu parvo peccato ad correctionem sine pœnitentia posse transire”. — 2^o *Ratione*. Culpa remittitur, in quantum homo reconciliatus conjungitur Deo, a quo separatus fuerat vel perfecte per peccatum mortale, vel imperfecte per peccatum veniale. Atqui reconciliatio illa et conjunctio non habet sine pœnitentia: ergo. *Min. prob*: per quodlibet peccatum deordinatur voluntas hominis conversione ad bonum creatum immoderata, quæ vel omnino a Deo avertit, vel saltem affectum retardat ne prompte in Deum feratur. Atqui quamdiu voluntas pœnitentiae actu peccatum suum non retractaverit, eidem peccato adhæret, proindeque a Deo elongata manet. Ergo. *Conf.* quia in hypothesi contraria, nulla vigente displicentiae relatione inter actum bonum hominis et peccatum commissum, non esset ratio cur unum peccatum veniale præ alio remitteretur.

2^a *Pars* evincitur ex eo quod, quemadmodum gravitate culpæ, ita et pœnitentiae perfectione discrimen esse debet inter peccatum mortale et peccatum veniale. Atqui ad peccati mortalis remissionem exigitur per se pœnitentia *formalis*¹, nempe “ut homo actualiter peccatum mortale commissum detestetur, quantum in ipso est, scil. diligentiam adhibeat ad rememorandum singula peccata mortalia, ut singula detestentur” (Q. LXXXVII, a. 1) secundum confessionis sacramentalis præceptum re vel voto obligans. Ergo, ut salvetur discrimen, ad peccati venialis remissionem eadem pœnitentia formalis haud requiritur.

3^a *Pars* de pœnitentia *habituali* manifesta est. Siquidem, cum pœnitentia seu displicentia habitualis ea sit quæ ipso caritatis vel virtutis pœnitentiae habitu continetur, posito quod pœnitentia istiusmodi ad peccati venialis remissionem

1—Cf. supra, Disp. II, Q. I, a. 1.

sufficeret, jam charitas non compateretur peccatum veniale : id autem falsum esse nemo ullus non videt.

4^a *Pars* igitur approbanda manet, nempe quod requiritur et sufficit "quædam *virtualis* displicantia, puta cum aliquis hoc modo fertur secundum affectum in Deum et res divinas, ut quidquid sibi occurreret quod eum ab hoc motu retardaret, displiceret ei et doleret se commisisse, etiamsi actu de illo non cogitet : quod tamen non sufficit ad remissionem peccati mortalis, nisi quantum ad peccata obliterata post diligentem inquisitionem" (*S. Th.* l. cit.). Sane *virtualis* illa displicantia alicujus peccati venialis, contraria dispositione, sufficienter tollit inordinatam modificationem ex præfato peccato relaticam, qua voluntas retardatur a Deo prompte prosequendo.— Neque (ut scite observat *Billuart* h. l.) omnis affectus in Deum aut res divinas est *virtualis* pœnitentia respectu omnis peccati venialis, sed tantum respectu *illius quod displiceret* si occurreret ; sicque non quodlibet peccatum veniale tollitur per quemlibet affectum in Deum, sed illud solum cuius datus affectus *virtualem* displicantiam continet.

Solv. obj. (cont. 1^{am} p. concl.)—OBJ. 1.—Pertinet ad rationem vere pœnitentiae quod homo non solum doleat de peccato prætorito, sed et proponat cavere de futuro. Atqui, cum nemo valeat præsentem vitam sine peccatis venialibus ducere, nemini etiam injunctum est propositum abstinenti ab illis. Ergo.

RESP. C. M.—D. m:... nemini injunctum est propositum abstinenti ab omnibus et singulis peccatis venialibus, C; abstinenti saltem a singulis seseque præparandi ad peccata illa generatim minuenda, N.—*Neg. conseq.*

1^o Ut constat ex alibi disputatis (*de Reparatione*, Disp. II, Q. un., a. 8), homo in gratia constitutus vitare potest peccata mortalia omnia et singula, peccata venialia etiam singula, non tamen omnia (sine speciali privilegio), quod ex infirmitate naturæ contingit.—Unde 2^o pœnitentia de peccatis mortalibus requirit quod homo ab iisdem omnibus et singulis abstineret proponat, sed pœnitentia peccatorum venialium exigit duntaxat propositum abstinenti *a singulis*, non tamen *ab omnibus*; quamquam simul, ne periculum deficiendi languente proficiendi appetitu immineat, haberi debet voluntas se præparandi ad venialia generatim minuenda.

OBJ. 2.—Peccitentia non est sine actuali aliqua displicentia peccatorum. Atqui peccata venialia possunt dimitti sine displicentia actuali eorum, ut patet in eo qui dormiens occideretur propter Christum statimque in cœlum evolaret. Ergo.

RESP. C. M.—D.m:...sine displicentia actuali concomitante et formalis, C; etiam sine displicentia actuali prævia et virtuali, N.—*Neg. conseq.*

Qui dormiens occideretur propter Christum statimque in cœlum evolaret, martyrio vim baptismi obtinente et purgante ab omni culpa veniali et mortali, in tantum martyrum palmarum consequeretur, in quantum in eo præcessisset aliqua martyrii volitio qua posset contineri virtualis displicentia peccatorum venialium. Quæ displicentia si tunc deesset, censenda foret inesse in actu ferventissimo charitatis quem martyr sub mortis instanti elicere merito judicaretur.

OBJ. 3.—Peccata venialia opponuntur fervori caritatis. Atqui unum oppositum tollitur per aliud. Ergo per omnem caritatis fervorem omnia venialia tolli possunt.

RESP. D. M:...generatim loquendo, C; ita ut *quodlibet* peccatum veniale *cuilibet* fervori caritatis, N.—C.m.—*Neg. conseq.*

“Quamvis fervor caritatis possit esse, dum homo in Deum fertur motu caritatis, sine hoc quod actu de peccato veniali cogitet explicite; tamen in illo motu implicite continetur displicentia venialis peccati, *vel unius, vel omnium*; quia si ferventer in Deum fertur, displicet ei omne quod a Deo retardat. Unde *potest esse* tam fervens motus caritatis in Deum quod omnia peccata venialia consumat etiam sine actuali cognitione ipsorum” (4 S. D. XVI, Q. II, a. 2, qu. 2 ad 1). Quibus verbis aperte declarat S. Thomas non quemvis caritatis fervorem quodlibet veniale peccatum posse tollere.








IMAGE EVALUATION TEST TARGET (MT-3)



"



Photographic Sciences Corporation

**23 WEST MAIN STREET
WEBSTER, N.Y. 14580
(716) 872-4503**

1.8
2.0
2.2
2.5
2.8
3.2
3.6
4.0

10
11
12
13
14
15
16
17
18
19
20
21
22
23
24
25
26
27
28
29
30
31
32
33
34
35
36
37
38
39
40
41
42
43
44
45
46
47
48
49
50
51
52
53
54
55
56
57
58
59
60
61
62
63
64
65
66
67
68
69
70
71
72
73
74
75
76
77
78
79
80
81
82
83
84
85
86
87
88
89
90
91
92
93
94
95
96
97
98
99
100

ARTICULUS II.

Utrum ad remissionem venialium peccatorum requiratur gratiae infusio;—seu quanam formalis ratione venialia remittuntur.

1º *Præsupponimus* quod certum atque exploratum est, nempe peccatum veniale, preter actum quo committitur, inducere non solum reatum pœnæ, sed et reatum *culpa*, ex quo homo, peccati venialis reus, etiam postquam actus transiit, peccator habitualiter denominatur. Nam, ut ait *Cajetanus* (in art. 4), “culpa peccati venialis non tollit solummodo rectitudinem actus voluntarii, sed etiam ordinem ad actualem dilectionem Dei; est enim impeditivum fervoris charitatis, et ex hac parte habet rationem cuiusdam *offensa* Dei.”—Ut autem innotescat nunq. gratia aliquæ, quave gratia, offensa illa auferri debeat, recolere juverit gratiam communiter distingui in *habitualem* et *actualem*, prouti spectetur vel ut *forma* justificans, vel ut auxilium *actu movens* potentias operatrices pro earum indigentia.

2º Quorumdam, e quibus *Gabriel*, sententia fuit peccata venialia posse remitti per actus bonos solius naturæ viribus elicitos.—Alii e contrario, ut *Vasquez*, arbitrati sunt peccatorum venialium remissioni ita conjunctam esse gratiae infusionem ut gratia habitualis dicenda sit forma seu causa formalis ejusdem remissionis.—Alii vero, ut *Sasse*, opinantur gratiam habitualem in remissione venialium requiri, non quidem formaliter, sed concomitantem, quatenus videlicet omnem actum peccati venialis remissivum concomitetur gratiae vel infusioni vel augmentatio.—Quid sentiant *S. Thomas* ejusque discipuli, jamjam in duabus conclusionibus aperiemus.

Conclusio 1º.—PECCATUM VENIALE NEQUIT REMITTI SINE ALIQUA GRATIA SUPERNATURALI.

Sane 1º hoc faciunt verba quæ legimus (1 Joan. I, 17) : *Sanguis Jesu Christi emundat nos ab omni peccato.*—Diserta est *D. Thoma* sententia (art. 2 ad 1): “Etiam remissio peccatorum venialium est effectus gratiae.”

2º *Rationem* liquidam profert *Gonet* (Disp. IV, a. 2) his verbis: “Peccatum veniale est quoddam malum pertinens

ad ordinem gratiæ, cum retardet affectum ne prompte tendat ad Deum ut finem supernaturalem, et causet aliquam deordinationem circa media ad talem finem. Sed malum pertinens ad ordinem gratiæ, non potest tolli nisi per gratiam seu ex auxiliis divinæ gratiæ: unumquodque enim tollitur a suo contrario. Ergo "etc.

Conclusio 2^a.—AD REMISSIONEM PECCATI VENIALIS NON REQUIRITUR GRATIÆ HABITUALIS ACCEPTIO NEQUE FORMALITER NEQUE CONCOMITANTER, SED SUFFICIT ALIQUIS GRATIÆ VEL CHARITATIS MOTUS AFFECTUM PECCATI REMOVENS; ORDINARIE TAMEN NON CONTINGIT INFUNDI GRATIAM HABITUALEM IN ADULTO QUIN VENIALIA, SALTEM PLERAQUE, REMITTANTUR.

1^a Pars concl. prob:

Unumquodque tollitur per suum oppositum. Atqui peccatum veniale non contrariatur habituali gratiae vel charitati (cum ea enim frequenter existit), sed per indebitam quamdam boni creati prosecutionem, quin hominem a supremo fine avertat, charitatis actum: seu motum in finem retardat. Ergo ad ejus remissionem haud requiritur habitualis gratia de novo infusa vel accepta, sed sufficit gratiae vel charitatis motus quo affectus inordinatus ad bonum creatum tollatur.—Rem *exemplo* aptissimo illustrat et confirmat *S. Thomas* (hic, ad 3): "Sicut, inquit, in corpore contingit esse maculam dupliciter, uno modo per privationem ejus quod requiritur ad decorum, puta debiti coloris aut debitæ proportionis membrorum, alio modo per superinductionem alicujus impedientis decorum, puta lutis aut pulveris; ita etiam *anima* inducitur *macula* uno modo per privationem decoris gratiæ per peccatum *mortale*, alio modo per inclinationem affectus inordinatam ad aliquid temporale, et hoc sit per peccatum *veniale*. Et ideo ad tollendam maculam peccati mortalis requiritur infusione gratiæ, sed ad tollendam maculam venialis peccati requiritur aliquis actus procedens ex gratia, por quam removeatur inordinata adhesio ad rem temporalem".

2^a Ad ejusdem veritatis *declarationem*, tria subjiciemus:—
a) *Primo*, ut patet ex modo dictis, non solum gratiæ habitualis acceptio non requiritur formaliter ad remissionem peccati venialis, sed neque per modum necessariæ consequentie hanc remissionem concomitari debet: quandoquidem, licet omnis charitatis motus sit meritorius augmenti gratiæ,

necessere tamen non est ut augmentum istud statim accipiatur¹.—*b)* Secundo ex verbis D. Thomæ supra citatis: “requiritur *aliquis* actus procedens *ex gratia*, per quam removetur inordinata adhæsio ad rem temporalem,” colligunt aliqui² quemcumque gratiæ actum, etiam solo attritionis motivo conceptum, quo affectus ad venialia efficaciter tollatur, sufficere ad remissionem eorum venialium quibus actus hujusmodi aut formalī aut virtuali displicantia opponatur. Hoc tamen concedendum non videtur nisi quatenus actus ille displicantia*virtualiter* subsit charitati, juxta sententiam Cajet. (in h. l.): “Ad deletionem venialium ultra habitum gratiæ requiritur actus charitatis virtualiter vel formaliter inferens displicantiam venialium³”.—*c)* Tertio, quoniam peccatum veniale relinquit in anima “inordinatam quamdam adhæsionem ad rem temporalem,” id quo p̄f̄sata deordinatio formaliter tollitur non est nudus actus virtutis præcise sumptus, sed actus ille quatenus ordinatione vel *modificatione contraria* redintegrat voluntatis respectum ad Deum fervida caritate prosequendum⁴.

2^a Pars sic ab Auctore asseritur (h. art.): “Quia in habentibus usum liberi arbitrii, in quibus solis possunt esse venialia peccata, non contingit esse infusionem gratiæ sine actuali motu liberi arbitrii in Deum et in peccatum, ideo quandocumque de novo gratia infunditur, peccata venialia remittuntur.” Hoc quidem intelligas velim *de lege ordinaria*, secundum quam vix evenire potest quod actus fidei formatæ vel charitat̄ et detestationis peccatorum mortalium vel peccati in genere, qui justificationis operi associantur, non contineant sufficientem displicantiam plororumque saltem peccatorum venialium.

1—Cf. *De Reparatione*, Disp. V, Q. II, a. 8 et Disp. VIII, Q. II, a. 2.

2—Suarez, Disp. XI, sect. 3.

3—Cf. *De Malo*, Q. VII, a. 11 ad 9.

4—Cf. Joan. a S. Thoma, Disp. XXXV, a. 2.

ARTICULUS III.

*Utrum venialia peccata remittantur per sacramenta
et sacramentalia.*

(Q. LXXXVII, a. 3)

Quid sint sacramentalia et in quo a sacramentis differant, alibi (*De Sacramentis in genere, App.*) constituimus, neque vacat easdem notiones replicare.—Cum nunc aggrediamur ad *instrumenta remissionis venialium peccatorum expendenda*, duo considerationi objiciuntur, videlicet *an sacramenta et sacramentalia quasi instrumenta hujusmodi habenda sint, et quomodo operentur illam remissionem.*—Controversia magis forsan de modo loquendi quam de re agitatur inter theologos, utrum sacramenta necnon aliqua sacramentalia vien habeant remittendi peccata venialia *ex opere operato vel ex opere operantis* tantum : quod infra paucis attingemus.

Conclusio 1^a.—PECCATA VENIALIA REMITTUNTUR PER SACRAMENTA ET SACRAMENTALIA, PRO HUMANARUM DISPOSITIÖNUM VI ET GRADU.—Id accipiendum est sensu affirmativo, non tamen sensu exclusivo, quasi nempe sine sacramentis et sacramentalibus venialia remitti nequeant.

1^a *Pars prob* :—Ad remissionem venialis peccati non requiritur novæ gratiae infusio, sed sufficit aliquis actus procedens ex gratia, quo quis peccatum veniale detestetur vel explicite vel implicite. Atqui actus ille per sacramenta et sacramentalia in anima provocatur: ergo. *Min. ostend* :—*a)* Primo quoad *sacmenta*. Per omnia enim sacramenta producitur gratia habitualis vel ejus augmentum. Jam vero infusio illa gratiae in adultis secum affert pios voluntatis motus qui ad sacramenta devote suscipienda, et ad justificacionem perficiendam concurrunt, per auxilia sacramentalia diversi generis complementur, atque aut formalem aut virtualem plurimum saltem venialium peccatorum displicantiam continent; maxime vero per Eucharistiam seu sacramentum caritatis, per Poenitentiam seu sacramentum spiritualis doloris, et per Extremam-Uncionem seu sacramentum ultime preparacionis ad vitam æternam, motus animi contra peccatum excitari experimur. Ergo.—*b)* Secundo quoad *sacramentalia*. Sacramentalium enim duplex genus distingui potest: alia

incipia-
equi-
ovea-
qui²
o con-
fficere
smodi
tamen
centies
h. l.):
uiritur
ntiam
inquit
n tem-
ur non
e qua-
ntegrat
equen-

haben-
venia-
actuali
uando-
remit-
inaria,
ormate
vel pec-
on con-
m pec-

II, a. 2.

sunt, ut confessio generalis, tunsio pectoris, orationis dominice petitio "dimitte nobis debita nostra," quæ motum detestationis peccatorum etiam venialium, saltem in genere, includunt; alia sunt, ut benedictio episcopalis, aspersio aquæ benedictæ, uncio sacra vel oratio in ecclesia dedicata, quæ secumferunt motum reverentiæ in Deum et res divinas, quæque consequenter involvunt virtualem displicantiam eorum quibus Deus utcumque offenditur: ergo.

2^a Pars his verbis a *D. Thoma* declaratur (*Qq., Dpp. de Malo, Q. VII, a. 12 ad 4*): "Quamvis hujusmodi (scil. media remissionis) æqualiter se habeant ad omnia peccata venialia, tamen fervor ab eis excitatus non æqualiter semper se habet ad omnia; sed quandoque respicit aliqua in speciali, et contra ea efficacius operatur; et si in generali respiciat ea, potest contingere quod non habeat eundem effectum in omnibus, eo quod affectus hominis aliquando habitualiter est inclinatus ad aliqua peccata venialia committenda, ita scil. quod si in memoria haberentur non displicerent, vel forte si opportunitas adesset, committerentur, et raro contingit homines in hac mortali vita viventes ab hujusmodi affectibus liberos esse; unde non possunus fiducialiter dicere: Peccatum non habemus. Et si etiam homo ad horam per hujusmodi remedia ab omnibus venialibus immunitatem consequatur quantum ad culpam, non tamen sequitur quod sit liberatus quantum ad totam pœnam, nisi forte sit tantus fervor dilectionis quod sufficiat ad totius poene remissionem."

Conclusio 2^a.—SACRAMENTA N. L. VIM NON HABENT REMITTENDI VENIALIA EX OPERE OPERATO IMMEDIATE, SED MEDIEATE TANTUM¹; ITEM SACRAMENTALIA, SIMPLICITER LOQUENDO, EA NON REMITTUNT NISI EX OPERE OPERANTIS.

1^a Pars evincitur.—*Sacramenta N. L. ex opere operato* producunt gratiam habitualem inclinatim per se ad actus virtuosos maximeque orientatam ad specialia auxilia cuique recipienti, pro sacramenti indole, secundumpios motus impertienda. Atqui mediabitibus hisce motibus, ex gratia immediate producta derivatis, venialia remittuntur, non tamen sine ipsis, juxta doctrinam *Auctoris* (a. 3 ad 1): "Omnia ista causant remissionem peccatorum venialium, in quantum

1—Cf. *De Sacramentis* (1^a pars), Disp. VI, Q. un., a. 3.

inclinant animam ad *motum pœnitentiae*, qui est detestatio peccatorum vel implicite vel explicite; "quandoquidem privatio fervoris caritatis, in qua peccata illa formaliter consistunt, ratione duntax... opposita, scil. fervido voluntatis actu tolli potest. Ergo non immediate, sed *mediate* tantum, peccata venialia in sacramentis remittuntur.—Nihil equidem prohibet, in sacramento Pœnitentiae, quominus remissio illa piis motibus completa, pro mensura fervoris et displicantiae, extendatur ad omnia venialia sive confessa sive non; quia tamen confessio apta nata est pœnitentiae motum prouoitem reddere, idcirco commendabile est ut venialia confiteamur.

2^a *Pars* comperitur ex eo quod *sacramentalia* in tantum remittunt peccatum veniale, in quantum per ea excitatur caritatis fervor vel pœnitentiae motus formalis aut virtualis¹. Porro, in omnibus sacramentalibus, iste fervor vel motus objective excitatus dependet ab *operante* voluntate hominis, ut patet; in quibusdam vero, dependet etiam ab Ecclesiæ impetratiōne, cuius vis, utpote merito deprecantis innixa, non vero præcise institutioni ritus, simpliciter reducitur ad *opus operantis*: secus enim sacramentalia requipararentur quodammodo sacramentis seu signis practicis gratiae (cf. Bil luart, Diss. III, a. 2).—Quando igitur S. Thomas (de Malo, a. cit.) ita describit influxum quorumdam sacramentalium "quod virtus divina interius operetur excitando dilectionis fervorem," hoc non videtur accipiendum quasi sacramentalia illa ex sua institutione vim internam habeant producendi gratiam actualem, sed quatenus, præter modum agendi objectivum omnibus sacramentalibus communem, eadem sacramentalia per Ecclesiæ preces id obtinent ut Deus, precibus illis accitus, interna ac speciali operatione cor hominis moveat.

1—"Per prædicta tolluntur peccata venialia quantum ad culpam, tum virtute aliquius *satisfactionis*, tum etiam virtute *charitatis*, cuius motus per prædicta excitatur" (hic, a. 3 ad 3); ubi notat Cajetanus: "Per *satisfactionem aliquam* intelligo aliquem illorum actuum quos pœnitentiae virtus Deo reddit pro recompensatione peccati quoad culpam, puta displicantiam seu dolorem, confessionem interiorem vel subsectionem, vel aliquid hujusmodi; non enim tam exacta requiritur pœnitentia in remissione culpe venialis, qualis de remissione mortalium superius descripta est."

ARTICULUS IV.

Utrum veniale peccatum possit remitti sine mortali ;— utrum posse hanc vitam.

Bipartitus hic titulus respicit *conditiones* remissionis peccatorum venialium, sive ex parte subjecti, sive ex parte status.

Quantum ad 1^m, *Durandi et Scoti* opinio fuit peccatum veniale, in eo qui tum mortale tum veniale peccatum habet, remitti posse sine mortali, ideoque ad hanc remissionem non prærequisiri ullo modo gratiam sanctificantem : contrarium tamen teneut *S. Thomas*, *S. Bonaventura* et alii theologi communiter (ap. *Suarez*, Disp. XI, sect. 2).

Quantum ad 2^m, *Hugo Victorinus* aliisque pauci rati sunt fieri non posse quod aliquis decedat cum solis venialibus subindeque quod venialia post hanc vitam remittantur quoad culpam, sed aut levia illa peccata suprema expiatione tolli aut, neglecta tali expiatione, peccatum grave damnationemque incurri.—Ex iis vero qui oppositam propugnant sententiam, non omnes eodem modo illam exponunt¹: sat erit explicationem *D. Thome* communius admissam referre.

Conclusio 1^a.—NULLUS CONSEQUITUR REMISSIONEM PEC-
CATI VENIALIS NISI PRÆHABEAT SALTEM PRIORITATE NATURÆ
GRATIAM SANCTIFICANTEM.—Dico “saltem prioritare naturæ”; siquidem constat gratiam in peccatore tam perfecte infundi posse ut simul tempore omnia peccata tum mortalia, tum venialia remittantur.

1^o *Ex natura remissionis* venialium sic arguit *S. Thomas* (4 S. D. XVI, Q. II, a. 1 sol. 3): “Dicendum quod remoto priori removetur posterius, nec posterius restituatur nisi priori restituto. Fervor autem caritatis, cui veniale opponitur, est posterior ipsa caritate; unde quamdiu caritas non restituitur, nec fervor caritatis reparari potest, in qua reparatione consistit venialis peccati dimissio, sicut etiam in reparatione caritatis dimissio mortalium. Et ideo non potest veniale dimitti ei cui mortale non dimittitur.”

1—Vid. *Gonet*, Disp. IV, art. 4.

2º Ex conditione remissionis aliud subit argumentum: remissio culpæ cujuscumque nunquam fit nisi per virtutem gratiæ qua quis, Deo reconciliatus, amicitiæ divinæ testimonium accipit. Atqui ille qui versatur in peccato mortali, non amicus, sed inimicus Dei existit. Ergo quamdiu perseverat in illo statu, non potest offensæ etiam venialis remissionem accipere.—*Objicienti* vero quod ad remissionem istam non requiritur gratiæ infusio, apte respondet *D. Thomas* (art. 4 ad 2): “*Licet ad remissionem peccati venialis non requiratur nova infusio habitualis gratiæ, requiritur tamen aliquis gratiæ actus, qui non potest esse in eo qui subjetat peccato mortali.*”

Conclusio 2º.—PECCATA VENIALIA ETIAM POST HANC VITAM REMITTI POSSUNT, EO TAMEN MODO QUO IN PRÆSENTI VITA.

1º *Pars* lucide evolvitur a *D. Thoma* (de Malo, Q. VII, a. 11): “*De peccato veniali, inquit, quidam dixerunt quod in habentibus caritatem semper dimittitur in hac vita quantum ad culpam; sed post hanc vitam dimittitur quantum ad poenam, per poenæ scil. solutionem.*”—*Sed hoc quidem satis probabile videtur in his qui cum usu rationis ex hac vita recedunt: non enim est probabile quod aliquis in caritate existens, et cognoscens sibi mortem imminere, non moveatur motu caritatis et in Deum et contra omnia peccata quæ fecit, etiam venialia; et hoc sufficit ad remissionem venialium quantum ad culpam, et fortassis etiam quantum ad poenam, si sit intensa dilectio.*”—*Sed quandoque contingit quod aliqui in ipsis actibus peccatorum venialium vel in proposito venialiter peccandi occupantur somno vel aliqua passione auferente usum rationis, et præveniuntur morte antequam possint habere usum rationis.* *Quibus manifestum est quod in hac vita peccata venialia non dimittuntur, et tamen propterea non impediuntur perpetuo a vita æterna, ad quam nullo modo perveniunt nisi omnino immunes ab omni culpa effecti.* Et ideo oportet dicere quod venialia remittuntur eis post hanc vitam etiam quantum ad culpam”.

2º *Pars* expresse docetur ab *Angelico* (*l. cit.*), ubi scribit quod venialia post hanc vitam remittuntur “eo modo quo remittuntur in hac vita, scil. per actum caritatis in Deum, repugnantem venialibus in hac vita commissis.” Et eamdem

doctrinam fusius declarans ait S. Doctor (*ibid. ad 9*) : " Remissio venialis peccati in purgatorio quantum ad *pœnam* est ex parte purgatorii, quia homo patiendo exsolvit quod debet, et ita cessat reatus; sed quantum ad *culpam* non remittitur per *pœnam* (contra ac *aliqui* posuerunt) neque secundum quod actu sustinetur, quia non est meritoria, neque secundum quod recognoscitur: non enim esset motus caritatis quod aliquis detestaretur peccatum veniale propter *pœnam*, sed magis esset motus timoris servilis vel naturalis. Remittitur ergo in purgatorio veniale quantum ad culpam virtute gratiæ, non solum secundum quod est in habitu, quia sic compatitur veniale peccatum, sed *prout exit in actum caritatis detestantis* veniale peccatum."—" Quia tamen, monet S. Th. (art. *cit.*), post hanc vitam non est status merendi, ille dilectionis motus in eis tollit quidem impedimentum venialis culpæ; non tamen meretur absolutionem vel diminutionem *pœnæ*, sicut in hac vita."—Tandem valde probabile est, ut confitetur *Angelicus* (*ibid. ad 16*), quod *statim*, imo in *primo instanti separationis* a corpore, anima se prospiciens supremi Boni fruitione orbatam et ad illud vehementer suspirans in eum caritatis fervorem erumpat qui reatum culpæ omnium venialium delere tunc valeat.

" Re-
m est
debet,
ittitur
ndum
ndum
aliquis
magis
r ergo
æ, non
patitur
s dete-
S. Th.
dilec-
venialis
tationem
est, ut
n primo
supremi
irans in
omnium

QUÆSTIO TERTIA

DE REDITU PECCATORUM PER PENITENTIAM DIMISSORUM

In duabus præc. quæstionibus investigavimus remissionem peccatorum, quæ est penitentiae effectus, quoad elementa essentialia; sub præsentis quæstionis capite disserendum venit de ejus *perfectione*. Dubitatur enim num tanta sit hæc perfectio seu efficacia ut peccata semel remissa per peccatum sequens amplius redire non possint (art. 1), et si aliquiliter saltem redeant, quanam ratione ac gravitate (art. 2): utrumque expendetur dubium.

ARTICULUS I.

Utrum peccata dimissa redeant per sequens peccatum.

1º Triplici sensu quæstio hæc intelligi potest, vel de reditu secundum identitatem *numericam* actus peccaminosi, vel de reditu secundum identitatem ejus *specificam*, vel de reditu secundum identitatem *reatus culpæ* et poenæ ex actu peccaminoso relicti.—Peccata dimissa non redire per peccatum sequens *eadem numero*, tam evidens est ut nemo ullus, quantum scio, id contenderit: quod enim semel desit, non potest (saltem naturaliter et ordinarie) secundum identitatem numericam reproduci.—Rursus, peccata dimissa *eadem specie* iterari, veritas est lugendâ humani generis experientiâ comprobata.—Verum in dubium vertitur, utrum *reatus culpæ* et poena præcedentium peccatorum idem per relapsum renascatur sitque ratio punitionis illis peccatis commensuratae.

2º Etenim, testibus P. Lombardo et D. Thoma, fuerunt aliqui *veteres* qui docerent peccata a Deo remissa ob peccatum sequens reatu simpliciter redire; *alii*, saltem propter peccata quædam majorem ingratitudinem demonstrantia, reatum illum renasci volebant. At *communis* theologorum sen-

tentia habet peccata semel dimissa nunquam proprie et *simpliciter* redire, quanquam dici possint redire *secundum quid*, prouti *S. Thomas* declarat: Auctorem sectemur.

Conclusio.—PECCATA JAM A DEO DIMISSA MINIME PER ECCRATUM SEQUENS REDEUNT SIMPLICITER, SED SECUNDUM QUID TANTUM.

1^a Pars ostendit:

1^o *Auctoritate.*—Legimus enim (*Rom. XI, 29*): *Sine poenitentia sunt dona et vocatio Dei*; peccata autem hominis dimittuntur per donum Dei, scil. per ejus gratiam: ergo remissio illa gratiae douo effecta non retractatur propter peccatum sequens.—Ad rem *S. Prosper* (resp. 2 ad obj. *Gall.*): “Qui recedit a Christo et alienus a gratia finit hanc vitam, quid nisi in perditionem cadit? Sed non in id, quod remissum est, recidit, nec in originali peccato damnabitur, qui tamen propter postrema crimina ea morte afficietur quae ei propter illa, quae remissa sunt, debebatur.” Hoc autem etiam de dimisso *pœnæ reatu* valere, tradit *S. Gelasius* (*ap. Gratian. D. 4, de poen. c. 24*) inquiens: “Divina clementia dimissa peccata in ultionem ulterius redire non patitur”¹.

2^o *Ratione.*

a) Primo *ex parte Dei*: nam, ut arguit *Auctor* (*Q. LXXX VIII, a. 1*), “opus Dei per opus hominis irritari non potest. Remissio autem peccatorum priorum fuit opus divinæ misericordiæ; unde non potest irritari per sequens peccatum hominis, secundum illud (*Rom. III, 3*): *Numquid incredulitas illorum fidem Dei evacuabit?*”

b) Secundo *ex parte peccati dimissi*: in hypothesi enim quam impugnamus, peccata redirent vel secundum esse *physicum* et *conversionem* ad creaturas, vel secundum esse *moraile* et *aversionem* a Deo. Atqui neutrum admitti potest: ergo.—Non 1^{um}, siquidem, ut bene advertit *S. Thomas* (*h. art.*), “sequeretur quod homo per peccatum prodigalitatis reduceretur in habitum vel dispositionem avaritiae prius abolitæ; et sic contrarium esset causa sui contrarii, quod est impossibile.”—Non 2^{um}, quia peccatum absolute condonatum independens est a quocumque eventu futuro ideoque nequit reatu

1—Cf. *Sasse*, th. XXXV.

identico redire. Atqui peccata remittuntur a Deo *absolute*, non conditionate, quod patet ex tribus: *primo*, ex eo quod sacerdos in sacramento Pœnitentiae nomine ipsius Christi absolute absolvit; *secundo*, ex eo quod, dato relapsu, non exigit Ecclesia ut peccata confessa et dimissa rursus per confessionem potestati clavium subjiciantur; *tertio*, "quia causa sufficiens inducit effectum suum absolute, nihil expectans a futuro: gratia autem et passio Christi, ex cuius virtute sacramenta efficaciam habent, sufficientissime se habet ad omnem culpam delendam" (4 S. D. XXII, Q. I, a. 1). Ergo.

2^a Pars tamen concedit peccata dimissa redire aliqualiter seu *secundum quid* per peccatum sequens, idque duplici ex ratione accipi potest:

1^o Ex *generica similitudine* peccatorum; in peccato enim mortali spectare est aversionem a Deo, maculam seu privationem gratiae, et reatum poenæ æternæ. Jamvero tria hæc sunt communia omnibus peccatis mortalibus, juxta illud quod dicitur (Jac. II, 10): *Quicumque...offendat in uno, factus est omnium reus.* Igitur secundum hunc sensum genericum et præcisione facta a diversitate quam aversio, macula, et reatus desumunt ex ratione propria cuiuslibet peccati, affirmari potest per peccatum mortale sequens redire id quod fuerat in prioribus peccatis ante dimissionem.

2^o Ex *aggravatione peccati sequentis*; peccatum enim subsequens, ratione ingratitudinis, quodammodo continet reatum prioris peccati, in quantum homo secundo peccans Deique bonitatem tam indulgentem contemnens gravius delinquere videtur: quæ quidem circumstantia aggravans non facit redire reatum peccatorum prius dimissorum formaliter seu prouti reatus ille ex ipsis peccatis proveniebat, sed virtualiter tantum, quatenus ejusdem reatus participatio aliqua in contemptu suscepti beneficii remissionis peccatorum clauditur.

Solv. obj.—OBJ. 1.—Dicit S. Augustinus (l. I de Bapt. cont. Donat. c. 12): "Redire dimissa peccata ubi fraterna caritas non est, apertissime Dominus docet¹ de illo servo, quem cum invenisset debitorem decem millium talentorum, deprecanti omnia dimisit. Ille autem conservum suum, qui

1—Matth. XVIII, 23 sqq.

ei debebat centum denarios, cum miseratus non fuisse, jussit eum dominus reddere quae ei dimiserat". Ergo.

RESP. — 1^o In *parabola*, ad quam Augustinus provocat, distinguenda sunt ea quae ad substantiam doctrinæ, et ea quæ magis ad ornatum pertinent¹. Porro *substantia* doctrinæ est, Deum paratum esse ad veniam concedendam atque eam humiliter roganti liberalissime dare, sed, si quis odium in fratres et inimicitias corde habeat, hoc esse peccatum mortale venie nondum datæ impeditivum et omni rigore justitiae puniendum. Reliqua autem, puta de rege ignorantie malam servi dispositionem et ei dimittente debitum antequam ipse conservo dimiserit, non sunt essentialia nec Deo applicanda. Nil igitur contra thesim nostram ex hoc loco erui potest. — 2^o Quod dicit S. August., "redire dimissa peccata," duplíciter exponere licet: a) primo, ut ait *Auctor* (resp. ad 1), "quantum ad reatum pœnæ æternæ in se consideratum, quia scil. post pœnitentiam peccans incurrit reatum pœnæ æternæ, sicut et prius, non tamen omnino propter eamdem rationem"; b) secundo, eo sensu quod Dei gratia, quantum est de se, omnia peccata dimittit, sed, supposito ex parte hominis obice aliquo, puta odio in fratres, peccatorum illorum reatum totum perseverare et veluti in pristinum statum redire.

OBJ. 2.—Dominus dicit (Ezch. XVIII, 24): *Si averterit se justus a justitia sua, et fecerit iniquitatem... omnes justitiae ejus, quas fecerat, non recordabuntur.* Atqui inter justitias ejusmodi continetur præcedens pœnitentia. Ergo, pœnitentia illa amplius non imputata, peccata dimissa redeunt.

RESP. D. M : ... i. e. per sequens peccatum justitiae priores oblivioni traduntur in quantum erant meritoria vitæ æternæ, C; in quantum erant deletiva peccati, N.—D.m: ... quæ pœnitentia, Deo operante, totaliter peccatum tollit, C; peccatum reapse non aufert, N.—*Neg. conseq.*

OBJ. 3.—Peccata præterita per gratiam teguntur, ut patet ex Ap. (Rom. IV, 7-8). Atqui peccato mortali sequente gratia depellitur. Ergo.

RESP. D. M: teguntur quoad *actus* peccaminosos quos Deus pro non perpetratis habet, C; teguntur et non vere

1—Cf. Knabenbauer, *Comm. in h. l.*

absoluteque auferuntur quoad *maculam* et *reatum* poenæ æternæ, *N.* — *D.m.* ... et tamen "quod gratia semel fecit, perpetuo manet" (*S. Th.* ad 4), *C*; secus, *N.* — *Neg. conseq.*

ARTICULUS II.

Quo modo peccata dimissa aliqualiter redeunt per ingratitudinem peccati sequentis.

(Q. LXXXVIII, a. 2-4)

Tria sub hoc titulo cursim exponemus, dicentes tum de *peccatis* quorum ingratitudo specialius revocat *reatum* peccatorum præcedentium, tum de *gravitate* reatus ingratitudine constantis, tum de *specifica* ejusdem ingratitudinis ratione.

Conclusio 1^a. — **PECCATA PRIUS DIMISSA PER QUODLIBET PECCATUM MORTALE SEQUENS, RATIONE INGRATITUDINIS, REDEUNT, SPECIALITER TAMEN PER HAC QUATUOR, SCIL. PER ODIUM FRATERNUM, APOSTASIAM A FIDE, DOLOREM DE PENITENTIA HABITA ET CONTEMPTUM CONFESSIONIS.** — Prenotetur nomine peccatorum ingratitudine redeuntum intelligi non solum peccata mortalia, sed etiam *venialia* et ipsum *originale*, in quantum contemnitur Dei beneficium quo hec peccata sunt remissa. — Non tamen per peccatum veniale remissionem sequens, sed per peccatum *mortale*, aliquis incurrit ingratitudinem, quia homo venialiter peccando non agit contra Deum, sed *præter ipsum*.

1^a *Pars concl.* ostenditur.

Peccata per penitentiam dimissa redire quadamtenus dicuntur, in quantum reatus eorum ratione ingratitudinis virtualiter continetur in peccato sequenti. Atqui ingratitudo ista, generalius spectata, ex eo exsurgit quod aliquid sit contra beneficium venie divinitus præstitum, ideoque communis est omni peccato mortali quo Deus, beneficiorum peccatorum condonator, offenditur. Ergo per quodlibet peccatum mortale sequens redeunt peccata prius dimissa, ratione ingratitudinis. — Ubi adnotare expedit *peccatum relapsus*, post acceptam

peccatorum remissionem, majoris esse ingratitudinis quam primum lapsus post innocentiam : quamvis enim innocentia, utpote perfectio absoluta, sit secundum se majus Dei beneficium quam poenitentia et remissio peccati, tamen quia homo minus est dignus gratiae remissionis quam gratiae innocentiae, imo totaliter indignus est, idcirco si relapsu contemnat remissionis beneficium, magis se ingratum demonstrat (a. 2 ad 3).

2^a Pars ab Auctore luculenter declaratur.

Ait enim (art. 2) : " Committitur ingratitudo, non solum faciendo contra ipsum beneficium, sed etiam faciendo contra formam beneficii praestiti. Quae quidem forma si attendatur ex parte benefactoris, est remissio debitorum ; unde contra hanc formam facit qui fratri petenti veniam non remittit, sed odium tenet (odium fraternalis). Si autem attendatur ex parte poenitentis qui recipit hoc beneficium, invenitur ex parte ejus duplex motus liberi arbitrii. Quorum primus est motus liberi arbitrii in Deum, qui est actus fidei formatæ ; et contra hoc facit homo apostatando a fide (apostasia a fide). Secundus autem est motus liberi arbitrii in peccatum, qui est actus poenitentiae ; ad quem primo pertinet quod homo detestetur peccata preterita ; et contra hoc facit ille qui dolet se poenitusse (dolor de penitentia habita). Secundo pertinet ad actum poenitentiae ut poenitens proponat se subjicere clavibus Ecclesie per confessionem, secundum illud (Ps. XXXI, 5) : *Dixi : Confitebor adversum me injustitiam meam Domino, et tu remisisti inpietatem peccati mei ; et contra hoc facit ille qui contemnit confiteri secundum quod proposuerat*" (contemptus confessionis). Ergo quatuor peccatorum genera specialem relapsus ingratitudinem involvunt specialiterque causa sunt quamobrem peccata prius dimissa quodammodo redeant.

Conclusio 2^a. — REATUS CONSURGENS EX INGRATITUDINE RELAPSUS NON COMMENSURATUR REATUI PRÆCEDENTIUM PECCATORUM SECUNDUM ARQUALITATEM ABSOLUTAM, SED DUNTAXAT SECUNDUM QUAMDAM PROPORTIONALITATEM.

1^a Pars dirigitur contra *quosdam* qui, teste *D. Thoma* (art. 3), docuerunt ex peccato sequente et super ejus reatum induci propter ingratitudinem tantum reatum, quantus fuerit reatus peccatorum prius dimissorum.

Prob. sic :—Quia reatus præcedentium peccatorum relapsu

quam
entia,
enefi-
homo
entiæ,
emis-
ad 3).

solum
contra
ndatur
contra
it, sed
ur ex
tur ex
us est
matæ ;
(a fide).
am, qui
homo
ni dolet
pertinet
abjicere
d (Ps.
titiam
nei ; et
n quod
pecca-
volvunt
dimissa

ITUDINE
UM PEC-
NTAXAT

Thoma
reatum
us fuerit
relapsu

non redit in quantum sequebatur ex actibus peccatorum illorum, sed in quantum consequitur actum peccati sequentis, ideo necesse est ut quantitas reatus redeuntis secundum gravitatem subsequentis peccati accipiatur. Atqui gravitas peccati subsequentis non est commensuranda reatu præcedentium peccatorum secundum *quantitatem absolutam*: ergo. *Min.* manifestatur. Potest quidem contingere gravitatem relapsus tantam esse ut omnino adæquetur gravitati omnium peccatorum præcedentium. Verum hoc neque semper neque necessario oportere quod eveniat, facile comperitur: *a) primo* etenim peccatum sequens *ex sua specie* non habet quod gravitate adæquet necessario peccata anteriora, cum quandoque sit v. g. fornicatio simplex, peccata vero præterita fuerunt adulteria vel homicidia vel sacrilegia. *b) Secundo* neque *ex ingratitudine annexa* tanta gravitas necessario suboritur: quippe, si ingratitudo illa speciem suam trahit ex beneficio remissionis peccatorum contempto, non oportet quod quantitatem suam absoluta commensuratione desumat ex quantitate suscepti beneficii quæ attenditur secundum quantitatem peccatorum prius dimissorum; sed hoc magis subiectivum est, quatenus contra idem beneficium unus est multum ingratus vel intensione contemptus vel gravitate culpe contra benefactorem commissæ, alius autem parum, quia vel minus contemnit vel minus contra benefactorem agit.

2^a Pars sic ab *Auctore* asseritur (*l. art.*): “*Proportionatius* quantitas ingratitudinis adæquatur quantitati beneficii: supposito enim æquali contemptu beneficii vel offensa benefactoris, tanto erit gravior ingratitudo, quanto beneficium fuit majus”; tanto autem majus consetur remissionis beneficium, quanto peccata prius dimissa fuerunt plura et majora.—*Assertio* non eget ulteriori declaratione.

Conclusio 3^a.—*INGRATITUDO RELAPSUS QUANDOQUE EST SPECIALE PECCATUM, QUANDOQUE VERO SOLA CIRCUMSTANTIA AGGRAVANS.*

Revera, peccatum speciem suam potissime desumit ex intentione seu fine peccantis; unde, ut aiebat Aristoteles, “ille qui moechatur ut furetur, magis est fur quam moechus.” Quocirca, si quis in peccatum recidat eo fine ut Deum Deique beneficium peccatorum remissione susceptum contemnat, peccatum illud trahitur ad speciem ingratitudinis quæ *speciale*

tunc *peccatum* efformat¹; sin autem homo in *peccatum* recidens, non quidem formali intentione, sed materialiter tantum et veluti permissive contemptum Dei inhærentem cuilibet *peccato mortali* admittat, tunc *ingratitudo* non erit speciale *peccatum*, sed *trahetur*, veluti *circumstantia quædam*, ad speciem *peccati formaliter intenti*. Jamvero, ut cuique consideranti patet, non omne *peccatum ex formali contemptus malitia conceptum est*, et tamen per omne *peccatum* Deus contemnitur in suis preceptis. Ergo *ingratitudo peccantis quandoque est speciale peccatum, quandoque vero solum circumstantia aggravans*.

1—Cf. II-II^m, Q. CVII, a. 2.

QUÆSTIO QUARTA

DE VIRTUTUM ET MERITORUM RECUPERATIONE PER PENITENTIAM

Remissioni peccatorum, quæ proprius est ac directus pœnitentias effectus, associatur quasi effectus concomitans reviviscentia quædam bonorum supernaturalium, quibus homo peccando exciderat. Hæc autem bona vel sunt *virtutes* a gratia effluentes (art. 1), vel actus virtutum seu *merita* bonorum operum (art. 2): idcirco totam præsentis quæstionis doctrinam duorum articulorum ambitu comprehendemus.

ARTICULUS I.

Utrum et quo gradu virtutes per pœnitentiam restituantur.

(Q. LXXXIX, a. 1-3)

Ipse titulus suggerit duo in proposito esse determinanda.

1^{um} est, *utrum virtutes per pœnitentiam utcumque recuperentur*: virtutes vero intelligimus non eas *aquisitus* quæ multiplicatis actibus oriuntur quæque nonnisi similibus actibus restitui possunt, sed divinitus *infusas*.—De hoc argumento nulla inter theologos controversia.

2^{um} est, *quo gradu virtutes per pœnitentiam recuperantur*; multi enim sunt, post *Suarezium*, qui tenent hominem pœnitentem semper resurgere ad majorem gratiæ et virtutum gradum quam prius habebat, quatenus ne mpe et totam gratiam precedentem, et aliam de novo; vi contritionis vel sacramenti, accipiat. Opposita tamen est sententia *S.Thomæ* aliorumque veterum, quam thomistæ communiter sequuntur.

Conclusio 1^a. — **PER PŒNITENTIAM OMNES VIRTUTES AMISSAE RESTITUUNTUR.** — Dico “omnes virtutes amissæ”, ut excipiatur *fides* et *spes* quæ communius perseverant in

peccatore, quæque idcirco non indigent restitui, sed charitate perfici.

1º *Ex auctoritate* habemus verba *Trid.* (Sess. VI, cap. 7), ubi dicitur quod "in ipsa justificatione cum remissione peccatorum hæc omnia simul infusa accipit homo per J. C. cui inseritur, fidem, spem et charitatem". Charitas autem non datur sine reliquis virtutibus¹.—Hanc gratiæ virtutumque omnium recuperationem non obscure significant quæ leguntur in parabola filii prodigi (Luc. XV), cui pœnitenti pater jussit ut *stola prima* restitueretur (v. 22).

2º *Ratione* sic procedimus:—*a)* Per pœnitentiam remittuntur peccata. Atqui remissio peccatorum fieri non potest nisi per infusionem gratiæ. Ergo necesse est ut per pœnitentiam gratia homini infundatur. Atqui, quemadmodum ex essentia animæ fluunt seu resultant omnes potentiae naturales, ita ex gratia ceu ex radice prodeunt omnes virtutes gratuitæ vel supernaturales. Ergo per pœnitentiam restituantur oportet omnes virtutes.—*b)* Eamdem veritatem paulo aliter probat *Angelicus* (4 S. D. XIV, Q. II, a. 2) sic discurrens: "Gratia et virtutes in anima causantur ex influentia divini luminis; quæ quidem influentia impeditur per peccatum quod animam a Deo avertit, sicut nubes interposita inter nos et solem radium ejus a nobis prohibet. Unde dicitur (Is. LIX, 2): *Iniquitates vestrae diviserunt inter vos et Deum vestrum*. Et quia per pœnitentiam peccata dimituntur, ut dictum est, in primo pœnitentia actu quantum ad offensam, ideo sicut ventus, auferens nubem, nobis lumen solis restituit, ita pœnitentia, tanquam removens prohibens, gratiam gratum facientem et omnes virtutes nobis restituit."

Corollaria ex dictis colligimus (art. 3):—1º Homo pœnitens, ad instar filii prodigi in patris familiam regressi, recuperat per gratiam et virtutes dignitatem *filii Dei*.—2º Non potest quidem dignitatem aliam secundariam, scil. *innocentiam* vel *virginitatem* amissam, quantum ad id quod *materiale* est in ipsa resumere, bene tamen quantum ad id quod est *formale*. "Ille qui virginitatem peccando amisit, per pœnitentiam non recuperat virginitatis materiam, sed recuperat virginitatis propositum" (II-II^m, Q. CLII, a. 3 ad 3).

1—Cf. *De Reparatione*, pp. 287-88.

Conclusio 2^a.—PENITENS QUANDOQUE IN MAJORI GRATIÆ VIRTUTUMQUE GRADU, QUANDOQUE IN AEQUALI, QUANDOQUE ETIAM IN MINORI QUAM PRIUS RESURGIT.—Hæc opinio S. Thomæ communis erat apud veteres, prouti eruditæ demonstrat Sylvius (*Comm. in h. l.*).

1^o Prob:—In justificatione impii motus liberi arbitrii in Deum et contra peccatum se habet veluti ultima dispositio ad gratiæ formam. Jamvero ex una parte certum est formas, quæ possunt recipere *magis* et *minus*, intendi et remitti secundum diversam subjecti dispositionem; ex altera parte, novimus gratiam esse susceptivam diversorum graduum. Ergo secundum quod motus liberi arbitrii in poenitentia est intensior vel remissior, primum est ut poenitens majorem vel minorem gratiæ virtutumque gradum consequatur. Atqui contingit intensionem motus poenitentis quandoque proportionatam esse majori gratiæ quam fuerit illa a qua ceciderat per peccatum, quandoque autem aequali, quandoque vero minori. Ergo.—*Conf. argumentum ex verbis Trid.* (Sess. VI, cap. 7), ubi Concilium de justificatione disserens docet quod “justitiam in nobis recipimus unusquisque suam secundum mensuram, quam Sp. Sanctus partitur singulis prout vult et secundum propriam cuiusque dispositionem et cooperacionem.” Licet enim hæc verba magis directe pertineant ad justificationem baptismalem (quæ ibi memoratur), rationis tamen paritas sententiaeque universalitas suadet ut ea extendamus ad quocumque justificationis opus.

2^o Fundamentum adversariorum est, quod nisi poenitenti restituueretur tota gratia per peccatum ablata, pro gratiæ gradu non recuperato et amissò gradu gloriæ correspondente eternam damni pœnam sustineret: quod justificationis indoli repugnat. Verum respondemus, parentiam illam altioris gradus gratiæ et gloriæ proprie pœnam dici non posse, sed esse materialem quamdam peccati consequentiam¹ et defecatum provenientem non quidem ex virtute poenitentie secundum se, sed ex homine qui (ut ait *Auctor*, art. 2 ad 2) remissius movetur in Deum et in detestationem peccati.—Ceterum, pluribus “edit in bonum hoc quod cadunt, non quia semper in majori gratia resurgunt, sed quia resurgent in permanen-

1—Cf. Billot, *Comm. in h. art.*

tiori gratia; non quidem ex parte ipsius gratiae, quia quanto gratia est major, tanto de se est permanentior; sed ex parte hominis, qui tanto stabilius in gratia permanet quanto est cautior et humilior" (*ibid. ad 1.*)

Solv. obj. (cont. 1^{am} concl.) — **OBJ. 1.** — Virtutes amissae non possunt restituī per pœnitentiam, nisi pœnitentia sit earum causa. Atqui pœnitentia nequit esse causa aliarum virtutum præsertim priorum et nobiliorum se. Ergo.

RESP. D. M. :...per pœnitentiam quatenus est sacramentum... *C*; quatenus est virtus, *S.d*: nisi pœnitentia sit causa per se, *N*; nisi sit causa per actum pœnitentis disponentem ad gratiam et virtutes, *C*. — *C.d.m*:...nequit esse causa (scil. instrumentalis) ut sacramentum, *N*; nequit esse causa ut virtus, *S.d*: ratione habitus, *C*; ratione actus pœnitentis disponentis ad gratiam, *N*. — *Neg. conseq.*

Eodem modo pœnitentia restituit virtutes, per quem gratiae causa existit. — Jamvero, si spectetur ut *sacramentum*, nemini incomptum est quod gratiam causat *effective*, instrumentaliter tamen; unde eadem ratione virtutes gratiae connexas progignit. — Sin autem spectetur ut *virtus*, dici potest agere *dispositive*, non quidem ratione habitus, sed ratione actus pœnitentis seu *contritionis* quæ se habet quasi ultima dispositio ad gratiam consequendam. Huc faciunt verba *S. Th.* (4 S. D. XIV, Q. II, a. 2 ad 3): "Sicut in eodem instanti in quo obstaculum luminis primo remotum est, lumen consequitur, et tamen remotio obstaculi est causa illuminationis; ita in eodem instanti in quo est actus pœnitentiae, peccatum aufertur et virtus restituitur, et tamen nihil prohibet per pœnitentiam virtutes restituī."

OBJ. 2. — Habitū virtutis existere nequit cum habitu vitii. Atqui post contritionem pœnitentis adhuc manet habitus vitii, quod patet ex inclinatione ad pristinos actus. Ergo.

RESP. D. M. : Habitū virtutis acquisitæ ... *C*; virtutis infusæ, *S.d*:...cum habitu vitii secundum quod involvit formalem Dei offensam, *C*; secundum quod dicit materialem inclinationem ad malum, *N*. — *C.d.m*:...manet habitus vitii secundum rationem offensæ Dei, *N*; secundum materialem inordinationem, *S.d*:...debilitatus tamen, *C*; secus, *N*. — *Neg. conseq.*

"Virtus infusa et acquisita non sunt ejusdem speciei:

Unde cum habitus ex frequentia operum peccati generatus virtuti *acquisitæ* contrarius sit, non contrariatur directe virtuti *infusæ*, quæ habet oppositionem ad peccatum ex parte illa qua est *offensa Dei*; unde non oportet quod statim virtutibus infusis restitutis, habitus vitiorum totaliter tollantur, quamvis impediuntur et etiam *diminuantur*” (*l. cit. ad 4*).

OBJ. 3.—Habens virtutem sine difficultate et delectabiliter actus virtutum exercet. Atqui multi pœnitentes adhuc difficerter et operose exercent actus virtutum. Ergo.

RESP. *D. M.*:...quantum est ex ipsa inclinatione virtutis, *C*; quin per accidens et ab extrinseco inclinatio ista præpediri possit, *N*.—*C.d.m.*:...per accidens seu propter dispositiones malas ex prioribus peccatorum actibus relictas, *C*; spectata virtutum infusarum vi, *N*.—*Neg. conseq.*

“Facilitas operandi opera virtutum potest esse ex duobus: scil. ex *consuetudine precedente*, et hanc facilitatem non tribuit virtus infusa statim in sui principio; et iterum ex *forti inhalatione ad obiectum virtutis*, et hanc est invenire in virtute infusa statim in sui principio” (*l. cit. ad 5*).

ARTICULUS II.

Utrum et qua ratione merita bonorum operum per pœnitentiam reviviscant.

(Art. 4-6)

1º Solent theologi opera humana distinguere in *viva*, *morta* et *mortificata*. Opera *viva* dicuntur quæ a principio vitae supernaturalis, scil. a gratia et charitate, procedunt; *morta* nominantur quæ, licet sint ex objecto bona, tamen non procedunt a gratia, sed ab homine fiunt in statu peccati mortalis; alia sunt opera *mortifera*, scil. peccata, quæ tollendo gratiam causa sunt mortis spiritualis animæ; demum opera *mortificata* vocantur, quæ a gratia processerunt, sed per peccatum sequens impediuntur ab effectu consequendo.

2º Opera *viva* seu in charitate facta reapse *mortificari* posse per peccatum, veritas est indubia omnibusque explorata:

cum enim res viva per mortem destituantur operatione vitæ, quod a suo proprio effectu vel operatione prohibetur recte dixeris secundum similitudinem quædam mortificari. Jamvero opera virtuosa ac meritoria vitæ æternæ, semel ac interveniat peccatum mortale quo gratia tollitur mutaturque status hominis, veluti, suspenduntur et impediuntur a consequenda divina mercede: siquidem "sine injustitia potest merces subtrahi merenti, quando ipse reddidit se indignum mercede per culpam sequentem; nam et ea quæ homo jam accepit, quandoque juste propter culpam perdit" (art. 4 ad 2).

3º Iterum extra dubium est, non solum opera mortifera (quæ poenitentia destruit), sed et opera mortua per poenitentiam reviviscere non posse:—*a)* Id in primis persuadetur verbis Ap. (1. Cor. XIII, 3): *Si distribuero in cibos pauperum omnes facultates meas, et si tradidero corpus meum ita ut ardeam, charitatem autem non habuero, nihil mihi prædest;* hoc enim non esset, si saltem per poenitentiam subsequentem præfata opera vivificantur.—*b)* Ratio est, quia opera de genere bonorum, citra caritatem facta, vocantur mortua propter defectum gratiæ sicut principii. Porro per poenitentiam sequentem non eis præstatur, ut ex tali principio salutari procedant.—*c)* Hinc si quando Deus dicitur recordari bonorum quæ quis facit in statu peccati, non est ex hoc inferendum bona illa remunerari ea superna mercede quæ debetur operibus vivis seu in charitate perfectis; sed sensus est, vel quod Deus ea premiet *temporali* quadam remunerazione, vel quod homo propter ea *tolerabilius* judicium patietur (art. 6 ad 3).

4º At quæstio plurimo opinionum discrimine agitur de *reviviscientia meritorum* operum mortificatorum per poenitentiam.—*a)* Quidam (ait Auctor, a. 5) dixerunt opera meritoria peccato mortificata non reviviscere per poenitentiam subsequentem, eo quia non remanent ut iterum viviscari possint. "Sed eadem ratione posset dici quod nec eis qui in justitia perseverant, ad vitam precedentia opera valeant; quia quod non est, non potest aliquid valere" (4 S. D. XIV, Q. II, a. 3 sol. 3).—*b)* Rejecta igitur falsa hac sententia, theologi nihilominus de modo seu *quantitate* redeuntium meritorum valde inter se dissentunt: plures namque presertim e societate Jesu, præsente Suarezio, docent merita mortificata revi-

vitæ, recte Jam intersta consequentia potest signum o jam ad 2). fortifera penitentia adetur paupere meum il mihi sentiam tio est, ocantur orro per principio r recor ex hoc de quæ i sensus inunera m patie r de revi ppeniten meritoria m subse i possint. n justitia uia quod II, a. 3 logi nihi meritorum m e socie cata revi viscere, secundum jus ad totum præmium sibi proprium, per quamlibet etiam minimam pœnitentiam, illudque jus revivis- cens exigere præmium essentiale distinctum a præmio respon- dente præsentibus dispositionibus. *Thomistæ* vero commu- niter tenent reviviscentiam meritorum fieri secundum certam dependentiam a quantitate actualis dispositionis: aliter tamen et aliter id explicant. Nonnulli, ut *Soto*, *Gonet*, *Billuart*, opinantur merita sic reviviscere secundum gradum præsentis dispositionis ut, præter jus ad præmium eidem dispositioni debitum, aliquid quoque recuperent de jure ad præmium dis- tinctum sibi proportionatum (illud tamen *aliquid vix determinare possunt*); alii, ut *Cajetanus*, *Bannez*, *Sylvius*, *Billot*, strictius litteræ Angelici Doctoris inhærentes, aestimant restituï priora merita, non secundum jus ad præmium essentiale distinctum ab eo quod præsenti dispositioni respondeat, sed ita ut locum dent præmio accidentalí proprio et idem præmium essentiale dupli titulo debeatur, scil. titulo præcedentium meritorum et præsentis meriti.

Conclusio 1^o. — OPERA MERITORIA PECCATO MORTIFICATA PER PŒNITENTIAM REVIVISCUNT. — Conclusio hæc est theolo- gice certa.

1^o Arguere licet ex *Conc. Trid.* (Sess. VI, cap. 16): “ Nihil justificatis amplius deesse credendum est, quominus plene illis quidem operibus, quæ in Deo sunt facta,... vitam æternam suo tempore, si tamen in gratia decesserint, conse- quendam, vere promeruisse censemantur ”. Ubi Concilium tres duntaxat requirit conditiones ut opera nostra mereantur de facto vitam æternam, nempe ut sint opera hominis justifi- cati, ut sint facta in Deo seu ex gratia Dei, neconon ut merens in gratia decedat. Jamvero hæc conditiones reperiuntur in operibus mortificatis ejus qui, per pœnitentiam cum Deo reconciliatus, in statu gratiae finaliter perseverat. Ergo.

2^o Ex *Scriptura* duo præsertim loca suppetunt, nimirum (Ezech. XXXIII, 12; cf. XVIII, 21-23): *Impietas impii non nocebit ei, in quacumque die conversus fuerit ab impietate sua*; noceret autem plurimum, si priorum meritorum fructum pœnitens prorsus perderet. Et (Heb. VI, 10): *Non enim injustus Deus, ut obliviscatur operis vestri et dilectionis quam ostendistis in nomine ipsius*; quibus verbis S. Paulus alloquitur omnes Hebreos inter quos profecto

erant lapsi paenitentes; hunc vero textum *Conc. Trid.* (*l. cit.*) proponit etiam iis qui peccaverunt, dicens: "Justificatis hominibus, sive acceptam gratiam perpetuo conservant, sive amissam recuperaverint, proponenda sunt Ap. verba: *Non enim injustus*" etc.—*E traditione* referre sufficiat testimonium *S. Hieronymi* (in Gal. III, 4): "Spes est, inquit, quod quicumque ob Christi fidem laboraverit et postea lapsus fuerit in peccatum, sicut priora sine causa dicitur passus fuisse, dum peccat, sic rursum non perdet ea, si ad pristinam fidem et ad antiquum studium revertatur¹."

3º Ratio luculenter ab *Auctore* evolvitur (art. 5), qui allegantibus opera mortificata ideo non posse vivificari, quia non remanent, sic respondet: "Hoc impedire non potest quin vivificantur; non enim habent vim perducendi in vitam æternam (quod pertinet ad eorum vitam) solum secundum quod actu existunt, sed etiam postquam actu esse desinunt, secundum quod remanent in *acceptatione divina*. Sic autem remanent, *quantum est de se*, etiam postquam per peccatum mortificantur, quia semper Deus illa opera, prout facta fuerunt, acceptabit, et sancti de eis gaudebunt, secundum illud (Apoc. III, 11): *Tene quod habes, ne alius accipiat coronam tuam*. Sed quod isti qui ea fecit, non sint efficacia ad ducendum in vitam æternam, provenit *ex impedimento peccati supervenientis*, per quod ipse redditus est indignus vita æterna. Hoc autem impedimentum tollitur per paenitentiam, in quantum per eam remittuntur peccata. Unde restat quod opera prius mortificata per paenitentiam recuperant efficaciam perducendi eum qui fecit ea in vitam æternam, quod est ea reviviscere."

Conclusio 2º.—MERITA MORTIFICATA (PROBABILIUS) NON REVIVISCUNT INDEPENDENTER A QUANTITATE PRÆSENTIS DISPOSITIONIS; QUO AUTEM MODOILLA A PRÆSENTI DISPOSITIONE DEPENDENTIA INTELLIGI DEBEAT, DUPLICI SENTENTIA PROBABILO CONTROVERTITUR.

1^a *Pars* negativa dirigitur contra *Suarezii* opinionem.

1^º Expressa est *D. Thomæ* doctrina, qui (art. 5 ad 3) ait: "Ille qui per paenitentiam resurget in minori charitate, consequetur quidem præmium essentiale secundum quantitatem

1—Cf. *S. Ambros.* et *S. Chrysost.* (in h. l.) ap. *Sasse*, th. XXXVI.

charitatis in qua invenitur".—^{2º} *Ratio* sic proponi potest: inter gratiam spectatam physice, seu secundam rationem entis, et gratiam spectatam moraliter, seu secundum valorem meritorum actuum nostrorum, datur proportio; quandoquidem meritum a gratiæ radice procedit. Atqui forma gratiæ physica recipitur in subjecto, seu in anima pœnitentis de peccatis suis, dependenter ab animæ dispositione (cf. art. præc.). Ergo similiter merita reviviscentia prosunt homini secundum morale ejus conditionem seu secundum quod, impedimento peccati sublatum, pœnitentia hominem plus minusve dignum reddit effectu meritorum illorum.

^{2º} *Pars* eo respicit ut expendantur duæ probabiles sententiæ circa modum quo reviviscentia meritorum a pœnitentis dispositione seu contritione presenti pendere asseritur.

^{1º} *sententia* latius procedens docet, ultra jus ad gloriam essentialiem correspondentem præsenti dispositioni, conferri per pœnitentiam *aliquid* de jure ad distinctam gloriam essentialiem correspondentem præcedentibus meritis.—Opinio ista gloriatur nominibus *clarissimorum theologorum* sibi patrocinantium.—Atque haud spernenda ratio petitur ex *Dei bonitate* et misericordia cui repugnare videtur quod duo resurgentes a peccato in æquali dispositione, unus quidem post sanctissimam vitam, alter vero post longam flagitiorum seriem, æquali gloria essentiali donentur.—Eo magis, quia dispositio pœnitentis ad aliquem gradum gratiæ novique meriti haberi probabiliter potest tanquam *sufficiens dispositio* ad proportionalem antiqui meriti gradum.—Billuart (Diss. III, a. 5) hanc sententiam cæteris anteponendam statuit, quod *medius vias* incedat inter nimium rigorem et nimiam indulgentiam et iura misericordiæ justitiae conciliet.

^{2º} *sententia* pressius insistit vestigiis *D. Thomæ* qui de pœnitente diserte ait (3 S. D. XXXI, Q. I, a. 4, qu. 3 ad 4): "Per priora merita merebatur sibi tantam gloriam, quantum caritatem habebat. Sed ipse per peccatum factus est alter, et non plenarie ad pristinum gradum restitutus; et ideo non plenarie recipiet effectum priorum meritorum nisi quantum ad præmium accidentale, quod mensuratur actibus magis quam habitu caritatis" (cf. III, Q. LXXXIX, a. 5 ad 3).—In hac igitur sententia meritorum reviviscentia salvatur, quatenus et unum præmium *essentialis* dupliculo titulo meritorio

rid.
usti-
erva-
erba :
ficiat
est,
ostea
icitur
si ad

i alle-
quia
potest
vitam
andum
sinunt,
autem
ccatum
ta fue-
n illud
t coro-
acia ad
imento
ndignus
eniten-
e restat
uperant
ternam,

US) NON
TIS DIS-
POSITIONE
PROBA-

nem.
d 3) ait:
ate, con-
ntitatem

XXXVI.

respondet (quod perfectionis est) et præmium *accidentale* augetur per speciale gaudium de meritorum antecedentium nobilitate et præstantia. Rem ita declarat *Cajetanus* (*Comm. in h. l.*): "Quum mortificata reviviscunt, semper omnia opera meritoria quæ mortificata erant reviviscunt, quoniam isti, in quo reviviscunt, debita est vita æterna ex vi illorum priorum operum et non solum ex vi præsentium operum; ita quod hoc operatur reviviscere, quod ex *pluribus capitibus* debetur huic vita æterna, scil. ex meritis prioribus et ex meritis posterioribus. Sed *quantitas operis meritorii* non semper reviviscit *simpliciter*, quoniam non semper recuperat propriam efficaciam, quæ est perducere hunc ad tantum gradum beatitudinis æternæ, ut patet in eo qui resurgit in minori gratia ita quod in illa minore decedit: talis enim nunquam perveniet ad illum beatitudinis gradum, quem *quantitas prioris meriti debitum* sibi fecerat. Et in promptu *causa* hujus non reviviscentiae est ipsa resurgentis indispositio: sicut enim si non resurrexisset a peccato, mortificata merita non sibi revivissent (quia peccatum proprium impedivisset meritorum efficaciam), ita resurgendo a peccato cum minore tamen gratia ex hoc ipso indispositus est ad suscipiendum fructum majoris meriti; ipse enim minor conatus resurgentis et ad majora non progradientis impedimentum præstat efficacie quantitatis magni meriti precedentis, et facit ut *quantitas illa* non reviviscat sibi simpliciter et absolute; cum quo tamen stat, quod revivisicit illi *secundum quid*, hoc est quoad gaudium accidentale, quia, ut in littera dicitur, plus gaudebit de majore merito precedentem quam de minore quod subsecutum est."

Solv. obj. (cont. 1^{am} concl.).—Obj. 1.—Sicut per pœnitentiam sequente remittuntur peccata præterita, ita etiam per sequens peccatum mortificantur precedentia merita. Atqui peccata semel per pœnitentiam dimissa non redeunt ob peccatum sequens. Ergo merita mortificata non reviviscunt per pœnitentiam.

RESP. *D. M* :...i. e. habetur *aliqualis* paritas, *C*; paritas omnimoda, *N*.—*D.m* :...quia peccata illa in se *destructa* sunt, *C*; et merita mortificata pariter abolentur a Dei oculis, *N*.—*Neg. conseq.*

Obj. 2.—Opera dicuntur mortificari secundum similitudinem animalium quæ moriuntur. Atqui animal mortuum non potest iterum vivificari. Ergo.

RESP. *D. M* :...secundum similitudinem *univocam*, *N* ; secundum similitudinem *analogicam*, quatenus nempe, licet *in se* viva maneant, destituuntur per *impedimentum superveniens effectu debito*, *C.—C.m.—Neg. conseq.*

“Opera in caritate facta, etsi transeant actu, manent tamen quantum ad meritum in Dei acceptatione; et secundum quod sic manent, habeut efficaciam, *quantum in ipsis est*, inducendi facientem ad vitam aeternam, et sic dicuntur *viva manere*. Sed quod hunc effectum in peccatore non habeant, est *per accidens*, propter peccatum quod facit peccatorem indispositum ad percipiendum effectum praecedentium meritorum, non autem quod ab ipsis operibus aliquid dematur, cum in suo fieri efficaciam predictam obtinuerint hoc ipso quod ex caritate sunt elicita, quod eis sequens peccatum auferre non potest; et ideo remota indispositione a peccatore per penitentiam, opera illa praecedentia effectum suum in ipso iterum habere incipiunt” (4 S. D. XIV, Q. II, a. 3, sol. 3).

DISPUTATIO TERTIA

DE PARTIBUS SACRAMENTI PÆNITENTIÆ

Quæ complexa sunt ex pluribus nequeunt undequaque illustrari et innotescere, nisi sermo de communioribus ad particularia singillatim iudicanda descendat. Idecirco, sub præsenti disputatione, methodi ratio nos monet ut de *partibus* sacramenti pænitentiae disseramus.—Hæ autem partes spectari possunt vel *in genere* (Q. I), vel *in specie* secundum contritionis (Q. II), confessionis (Q. III) et satisfactiois (Q. IV) distinctionem. Quatuor ergo exponendæ sunt quæstiones.

QUÆSTIO PRIMA

DE PARTIBUS SACRAMENTI PÆNITENTIÆ IN GENERE

Duo in præsentiarum oratione prævia determinanda se præbent, videlicet *an* sint pænitentiae partes, et *quales* sint: inde duo articuli.

ARTICULUS I.

Utrum convenienter assignentur partes pænitentiae, nempe contritio, confessio et satisfactio.

(Q. XC, a. 1, 2, 4)

Conporta est pænitentiae acceptio secundum virtutis vel sacramenti rationem.

1º De *virtute* priuotamus quod secundum se quidem est simplex qualitas mentis, cuius tamen diverse partitiones accipiuntur secundum diversas rationes quibus pænitens immutare seu meliorare vitam suam intendit. Est enim triplex immutatio a pænitente intenta: *una* quidem per regenera-

tionem in novam vitam, et hæc pertinet ad *pœnitentiam antebaptismalem*; secunda immutatio est per reformationem vitæ christianæ postea corruptæ, et hæc pertinet ad *pœnitentiam mortalium*; tertia immutatio est in perfectiorem vitæ operationem, et hæc pertinet ad *pœnitentiam venialium* quæ serventiori charitatis actu remittuntur (art. 4).

2º Verum præsens quæstio movetur de *Pœnitentiâ sacramento*. Circa quod jam supra (Disp. I, Q. I, a. 2) observavimus errasse *Scotum*, cuius niens erat actus pœnitentis non esse partes intrinsece constitutivas hujus sacramenti. — *Durandus* autem censuit elementum materiale sacramenti Pœnitentie consistere in sola confessione, contritionem vero et satisfactionem non esse ejusdem sacramenti partes nisi late sensu, quatenus pars sumatur pro omni eo quod requiritur ad debitam confessionem sive antecedenter sive consequenter. — *Doctrinam D. Thomæ*, communī nunc sensu a theologis defensam, duabus in conclusionibus declarabimus.

Conclusio 1º. — IN SACRAMENTO PŒNITENTIÆ MERITO ASSIGNANTUR NON SOLUM PARTES ESSENTIÆ, SED ET PARTES MATERIAE.

1º *Pars de partibus essentiæ* jam alibi (Disp. I, Q. I) explorata est:—partes enim essentiæ sunt naturaliter materia et forma, logice vero genus et differentia. Porro sacramentum Pœnitentie, hanc secus ac reliqua sacramenta, componitur ex materia et forma, quod est, ex actibus pœnitentis et absolutione. Ergo.

2º *Pars de partibus materiae* facile ostenditur:—ubicumque enim ex parte materiae invenitur aliqua pluralitas, ibi est invenire partium hujusmodi rationem. Atqui in sacramento Pœnitentie actus pœnitentis, qui materiae vicem adimplent, plures esse oportet, ut secundum gradationem quandam ad pœnitentiæ perfectionem deveniant: “in actibus humanis est gradus quidam ad perfectionem pertingendi propter diversas partes hominis, quarum una aliam movet; et ideo oportet quod diversa secundum ordinem ad perfectionem pœnitentiæ considerentur; et hæc dicuntur pœnitentiæ partes” (4 S. D. XVI, Q. I, a. 1, sol. 1).

Conclusio 2º. — RECTE NUMERANTUR EX PARTE MATERIAE SACRAMENTI PŒNITENTIÆ TRES PARTES, SCIL. CONTRITIO, CONFESSIO ET SATISFACTIO.

1^o Distinctio hæc pœnitentiae in tres partes expresse continetur in Conciliis *Flor.* (Decr. pro Arm.) et *Trid.* (Sess. XIV, cap. 3); notandum vero, cum Scotum tum quoque Durandum, qui nobis hac in re adversantur, ante Concilia illa scripsisse. — Nos quidem non latet quod *Patres Trid.* (Sess. XIV, cap. 4) docent, nimirum contritionem disponere ad gratiam sacramenti Pœnitentiae suscipiendam; ex quo nonnulli Scotti inferunt contritionem non esse partem ejusdem sacramenti intrinsecam. Falluntur tamen isti; quippe ex verbis Cone. Trid. id duntaxat habetur, contritionem, dum ingreditur essentialiter materiam sacramenti Pœnitentiae, disponere ad absolutionem seu formam sacramenti et consequenter ad gratiam quæ, mediante unione formæ et materiæ, in anima producitur.

2^o S. *Thomas* lucide distinctionem prefatam explicat, inquiens (art. 2): "Alio modo fit recompensatio offendit in pœnitentia et in vindicativa justitia. Nam in vindicativa justitia fit recompensatio secundum arbitrium judicis, non secundum voluntatem offendit vel offensi; sed in pœnitentia fit recompensatio offendit secundum voluntatem peccantis, et secundum arbitrium Dei in quem peccatur, quia hic non queritur sola redintegratio æqualitatis justitiae, sicut in justitia vindicativa; sed magis reconciliatio amicitiae, quod fit dum offendens recompensat secundum voluntatem ejus quem offendit. Sic igitur requiritur ex parte pœnitentis, primo quidem voluntas recompensandi, quod fit per contritionem; secundo quod se subjiciat arbitrio sacerdotis loco Dei, quod fit in confessione; tertio quod recompenset secundum arbitrium ministri Dei, quod fit in satisfactione. Et ideo contritio, confessio et satisfactio ponuntur partes pœnitentiae."¹

Solv. obj. (cont. 2^{ma} concl.).—Obj. 1.—Contritio pertinet ad interiorem pœnitentiam, non ad exteriorum. Atqui pœnitentia interior non est sacramentum, sed exterior tantum et sensibilis. Ergo.

RESP. D. M.: Contritio secundum se... C; in quantum implicant propositum confitendi et satisfaciendi, N.—C.d.m. Pœnitentia interior, qua talis... C; pœnitentia interior, ut est

1—Cf. 4 S. D. XVI, Q. I, a. 1, sol. 2.

ratio pœnitentiae exterioris, non ingreditur essentiam sacramenti, *N.*—*Neg. conseq.*

Contritio pertinet sicuti pars ad essentiam sacramenti Pœnitentiae, non quidem *secundum se*, sed prouti est *ratio et initium pœnitentiae exterioris*, tum quia generatim actus interiores, quatenus sunt ratio exteriorum, sub externum cadunt dominium, tum quia pœnitentia est recompensatio quedam voluntaria et reconciliativa ejus primæ ratio et pars est velle recompensare, quod in contritione clauditur.

OBJ. 2.—In sacramento *N.* L. confertur gratia. Atqui per satisfactionem non confertur aliqua gratia. Ergo.

RESP. *D. M.* :... confertur vel augetur gratia, *C*; confertur tantum, *N.*—*D.m.* :... quatenus est *in proposito* pœnitentis et confitentis, *N*; quatenus est *in executione*, *S.d.*: non confertur gratia, sed *augetur*, *C*; nec augetur, *N.*—*Neg. conseq.*¹

OBJ. 3.—Pœnitentia, ordinata contra peccatum, ei proportionari debet. Atqui peccatum perfici potest solo cordis consensu. Ergo sola contritio etc.

RESP. *D. M.* :... aliqualiter, *C*; quasi non plura requirantur ad bonum *ex integra causa* consurgens quam ad malum *ex quocumque defectu* resultans, *N.*—*C.m.*—*Neg. conseq.*

ARTICULUS II.

Utrum Pœnitentiae partes assignate sint integræ.

(Art. 3)

Partes diversæ sunt pro diversitate totius: totum vero duplex in primis distinguitur, *potentiale* scil. et *actuale*. Totum *potentiale* (seu *universale* et *logicum*), utpote ad plura sibi subjecta se extendens, dividitur in ea sicuti in partes *subjectivas*; totum vero *actuale* aliud est *essentialis* quod dividitur in partes *essentiales*, aliud *integrale* quod dividitur in partes *integrales* seu *naturam integrantes*, aliud *potestativum* quod dividitur in diversas *potentias* seu *facultates*.

1—Amplior de his erit sermo (Disp. III, Q. IV, a. 3).

tates unius principii remoti. — Quare *quidam* dixerunt contritionem, confessionem et satisfactionem, esse poenitentiae partes subjectivas; *alii*, partes potentiales quasi tria totius potestativi organa; sed *vera sententia* est quae eas esse judicat partes integrales.

Conclusio. — PARTES MATERIALES SACRAMENTI PÆNITENTIAE NON SUNT NEQUE SUBJECTIVÆ, NEQUE POTENTIALES, SED INTEGRALES. — Id aperte declarant verba *Cor. Trid.* (Sess. XIV, cap. 3): “Sunt autem quasi materia hujus sacramenti ipsius pœnitentis actus, nempe contritio, confessio et satisfactio. Qui quatenus in pœnitente ad integratem sacramenti, ad plenamque et perfectam peccatorum remissionem ex Dei institutione requiruntur, hac ratione *Pœnitentia partes* dicuntur.”

Revera 1^o partes illæ *non sunt subjectivæ*. — Nam singulis partibus subjectivis adest, cum tota essentia, tota virtus totius et simul et æqualiter, sicut tota virtus animalis, in quantum est animal, salvatur in qualibet animalis specie secundum æqualem et simultaneam rationem. Atqui intuenti cuique palam est hoc non haberi in proposito. Ergo. — Ideo autem quidam testiminarunt partes pœnitentiae esse subjectivas, quia in eis consideraverunt tantum *rationem pœnae*. Sed “pœna quam pœnitens patitur, tota in rationem *satisfactionis* cadit; non enim sola exteriori pœna homo satisfacit, sed etiam interiori: alias oratio mentalis non esset satisfactoria. Unde et pœna quæ est in contritione, et quæ est in confessione, in partem satisfactionis cadit: et quia satisfactio est ultima pars, totum sacramentum a pœna denominatur, sicut res denominatur ab ultimo sive” (4 S. D. XVI, Q. I, a. 1, sol. 3).

2^o Praefatae partes *non sunt potentiales*. — Nam totum potestativum adest singulis partibus potentialibus secundum totam essentiam, etsi non secundum totum suam virtutem¹, sicut tota essentia anime adest cuilibet ejus potentiae. Jamvero tota ratio pœnitentiae secundum speciem non est in qualibet partium prædictarum. Ergo.

3^o Igitur manet quod illæ sint *partes integrales*. — Eæ enim partes integrales dicuntur, ex quibus perfectio totius integratur. Atqui perfectio sacramenti Pœnitentiae materiali-

1 — Cf. I, Q. LXXVII, a. 1 ad 1.

ter sumpti integratur ex contritione, confessione et satisfactio-
tione: ergo. *Min. decl:* a) etenim ad rationem partium inte-
gralium exigitur ut totum non adsit singulis neque secundum
totam suam virtutem neque secundum totam essentiam, sed
omnibus collective; porro tota materia sacramenti Pœnitentiae
sic collective continetur in tribus praefatis partibus. b) Quem-
admodum tamen in humano corpore partes, ex quibus inte-
gratur, aliæ sunt *magis principales*, ut cor, caput, etc., sine
quibus materia essentialis non subsistit, alia vero *minus*
principales, ut pes, manus, etc., sine quibus materia illa
subsistere potest; ita in sacramento Pœnitentiae partes inte-
grales habentur magis principales seu essentialias, nempe
contritio et confessio, satisfactio vero non est essentialis nisi
in proposito.

Solv. obj.—OBJ. 1.—Contritio, confessio et satisfactio res-
pondent peccatis cordis, oris et operis. Atqui peccata cordis,
oris et operis sunt partes subjectivæ peccati. Ergo.

RESR. *Trans. M.*—*D.m* :...secundum quod *distributive*
spectantur, *C*; peccatum quod perficitur in corde, ore et
opere simul non completur ex his quasi ex partibus *gradua-*
libus et *integralibus*, *N*.—*Neg. conseq.*

OBJ. 2.—Nulla pars integralis aliam sibi condivisam in se
continet. Atqui contritio continet in se quodammodo con-
fessionem et satisfactionem. Ergo.

RESP. *D. M*:...*formaliter*, *C*; *virtualiter*, ad modum quo
fundamentum virtute continet totum iedificium, *N*.—*C.d.m.*
eodem sensu.—*Neg. conseq.*

OBJ. 3.—Ex partibus integralibus simul et æqualiter con-
stituitur totum, sicut linea ex suis partibus. Atqui hoc non
contingit in pœnitentia. Ergo.

RESP. *D. M*: Ex partibus habentibus tantum *ordinem in*
situ...*C*; ex partibus habentibus ad invicem *ordinem vir-*
tutis et *temporis*, quales sunt partes animalis et motus, *N*.—
C.d.m.—*Neg. conseq.*

QUÆSTIO SECUNDA

DE CONTRITIONE

Ad partes sacramenti Pœnitentiae, quarum primum locum contritio tenet, *in specie* considerandas aggredimur¹.—Quinque autem circa *contritionem* disquisitionis speculativae capita se offerunt; siquidem agendum est de *contritionis notione* et *divisione* (art. 1), de habitudine *contritionis perfectæ* ad justificationem (art. 2), necnon de ejus *quantitate* (art. 3), de *contritionis imperfectæ* seu *attritionis honestate* et vi (art. 4), deque ejus *sufficientia* ad sacramentum Pœnitentiae suscipiendum (art. 5).

ARTICULUS I.

De contritionis notione et divisione in contritionem perfectam et imperfectam.

(Suppl. Q. I-II)

Ut a *nomine* sermonem ducamus, huc cum *D. Thoma* Q. I, a. 1) preloqui juverit: “Frangi dicuntur aliqua quando in magnas partes dividuntur, sed *communii* vel *conteri*, quando ad partes minimas reducitur hoc quod in se solium erat. Et quia ad dimissionem peccati requiritur quod affectum peccati homo totaliter dimittat, quem per quamdam continuitatem et soliditatem in sensu suo habebat; ideo actus ille quo peccatum dimittitur, contritio dicitur per *similitudinem*.”—Addit *Catech. Trid.* (P. II, de Pœn. n. 34): “Aliis quoque vocabulis eadem res declarari solet; nam et

1.—De his (seote monet Billuart) *S. Thomas*, morte preventus, non potuit in particulari disserere, magno reipublice christiana detimento. Quo vero sequuntur ex ejus scriptis in 4 Sententiarum collecta sunt in unum, quod vocatur *Supplementum Summi*; et quamvis huic supplemento sua nec parva insit auctoritas, non tanta tamen quanta Summi, quia illio S. Doctor agebat partes commentatoris, in Summa vero partes consummatae doctoris.

contritio cordis dicitur, quia cordis nomen frequenter SS. Litteræ pro voluntate usurpant: ut enim a corde motionum corporis principium sumitur, ita voluntas reliquas omnes animæ vires moderatur ac regit. Vocatur etiam a SS. Patribus *cordis compunctio*, qui libros de contritione conscriptos de compunctione cordis inscribere maluerunt. Etenim quemadmodum ferro tumida ulcera secantur, ut inclusum virus possit erumpere; ita corda, quasi scapello contritionis adhibito, inciduntur, ut peccati mortifirum virus queant elicere. Quare et *scissio cordis* a Joële propheta appellata est" (II, 12-13).—His de nominali contritionis definitione præmissis, deveniendum est ad ejus *definitionem realem ac essentialem*, necnon ad ejus *divisionem*.

Conclusio 1^a.—CONTRITIO JURE DEFINITUR "ANIMI DOLOR EX DISPLICENTIA PRO PECCATIS ASSUMPTUS CUM PROPOSITO NON PECCANDI DE CÆTERO CONFITENDIQUE AC SATISFACIENDI"; ESSENTIA AUTEM CONTRITIONIS FORMALITER MAGIS EST PONENDA IN DISPLICENTIA RECONCILIATIVA QUAM IN DOLORE HINC PROVENIENTE.

1^a *Pars seu definitio, ex verbis S. Th. (art. 1) et Conc. Trid. (Sess. XIV, cap. 4) conslata*¹, expendi debet per partes.

1^a Dicitur *animi dolor*. Duplex enim in contritione dolor de peccato haberi potest: *unus* est in *voluntate* conceptus ex consideratione offendæ Dei illiusque injuriæ reprobatione, et hic propius ad contritionem essentialiter suuptam pertinet; *alius* ex primo in *parte sensitiva* emascitur, qui passio est, et effectus poenitentiae. "Sicut enim poenitentiae virtus exteriorem poenam corpori infligit ad recompensandam offendam quæ in Deum commissa est officio membrorum, ita etiam et ipsi concupiscibili poenam infert doloris prædicti, quia etiam ipsa ad peccata cooperabatur. Sed tamen hic dolor potest pertinere ad contritionem, in quantum est pars sacramenti, quia sacramenta non solum in interioribus actibus, sed etiam in exterioribus et in rebus sensibilibus nata sunt esse" (Q. I, a. 2 ad 1).

1.—Definitio S. Thomæ "dolor pro peccatis assumptus cum proposito confitendi et satisfaciendi" convenit contritioni ut est pars sacramenti; definitio autem Conc. Trid. "animi dolor ac detestatio de peccato commisso cum proposito non peccandi de cætero" respicit actum virtutis.

2º Additur *ex displicentia*. Dolor enim seu angor animi connexus est in contritione cum detestatione peccati seu veteris vita odio, prout declaravit contra Protestantes *Syn. Trid.* (Sess. XIV, cap. 4), id confirmans verbis Ezech. (XVIII, 31): *Projicite a vobis omnes prævaricationes vestras, in quibus prævaricati estis, et facite vobis cor novum et spiritum novum.* Ratio est, quia sincera contritio seu reconciliationis voluntas ex detestatione injuria Deo illata proficiscatur necesse est¹.

3º Dicitur dolor *assumptus*, ut innuatur contritionem esse *actum virtutis* quæ est habitus electivus. "Contritio secundum proprietatem nominis sui non significat actum virtutis, sed potius quandam corporalem passionem. Sed hic non queritur sic de contritione, sed de eo ad quod significandum hoc nomen per similitudinem adaptatur. Sicut enim inflatio propriae voluntatis ad malum faciendum importat, quantum est de se, malum ex genere; ita illius voluntatis annihilation et comminutio quiddam de se importat bonum ex genere, quia hoc est detestari propriam voluntatem qua peccatum est commissum. Et ideo contritio, quæ hoc significat, importat aliquam rectitudinem voluntatis, et propter hoc est actus virtutis illius, cuius est peccatum præteritum detestari et destruere, scil. *pænitentia*²" (Q. I, a. 2).

4º Dicitur etiam dolor *pro peccatis*.—Quo in primis significatur *objectum materiale* contritionis: a) hoc autem non est malum *pænae*, de quo dolor patientiæ, non tamen dolor contritionis habetur; siquidem contritio spiritualis importat duræ voluntatis fractionem ac comminutionem, voluntas vero obdurescit in malo culpa, non pænae (Q. II, a. 1). b) Neque ad objectum illud pertinent peccata *aliena* et peccatum *originale* naturæ origine contractum: quanvis enim ista ob suam deformitatem displicere debeant, de iis tamen non sunt quæ hominem pænitent propria voluntate commissoe quæque contritionis actioni subsint (*ibid.* a. 2,5).—Peccatum autem proprium seu proprio arbitrio commissum in tantum sub contritionem cadit, in quantum Deum vel Dei legem quadamtenus offendit: in hoc itaque reponitur objectum

1—Vid. plura ap. Bellarminum, de Pœnit. l. II, cc. 4-5.

2—Hoc intelligas de contritione perfecta seu simpliciter dicta.

animi
i seu
Syn.
Ezech.
tiones
is cor
ntitio
e Deo

m esse
secun-
irtutis,
n que-
um hoc
tio pro-
cum est
ilatio et
re, quia
um est
importat
st actus
estari et

is signi-
tem non
en dolor
importat
ntas vero
) Neque
peccatum
n ista ob
nen nou
mmisisse
Peccatum
n tantum
ei legem
objectum

er dicta.

contritionis *formale*. Quo fit (monet *Billot* in h. l.) ut illud solum sit veræ contritionis motivum, quod est ratio detestandi peccatum in ordine ad Deum, tametsi multieipiiter assignari possit.

5º Dicitur adhuc *cum proposito non peccandi de cætero*; quæ verba sunt *Concilii Tridentini*. Ratio autem a *D. Thoma* (Q. II, a. 4) assignatur; nam in motoribus et mobilibus ordinatis est lex quod motor inferior, præster motum proprium, motum quoque superioris motoris quodammodo exequatur. Jamvero inter virtutes morales vicem primi motoris gerit prudentia, quæ dicitur auriga virtutum. Quocirca quælibet virtus moralis, prouinde et pœnitentia, cum motu proprio habet aliquid de motu prudentiae. Proprium autem pœnitentiae objectum est peccatum commissum. "Et ideo, inquit *S. Th.* (*l. cit.*), *actus ejus proprius et principalis*, sc. contritio, secundum suam speciem respicit tantum peccatum praeteritum; sed *ex consequenti* respicit peccatum futurum," in quantum prudentiae influxu sibi adjuncto cavet illud.—Magna vero inter theologos fervet controversia, utrum *propositum* non amplius peccandi debeat esse *formale* et explicitum, vel sufficiat *virtuale* illud et implicitum quod in omni sincera contritione clauditur. Formale propositum exigunt *Scotus*, *Bellarminus* aliisque plures; virtuale vero sufficere censent *Lugo*, *Sasse*, etc.; nobis arridet media sententia a *Sylvio*, *Billuart* aliisque propugnata, nempe propositum formale requiri, si pœnitens cogitet de vita futura; sufficere autem virtuale, si nihil forte de futuro cogitet. Ratio *primi* est, quia *Conc. Trid.* expresse propositum non peccandi de cætero requirit; ratio *secundi*, quia propositum formale non est de essentia contritionis quæ virtute jam excludit voluntatem peccandi in posterum, unde propositum illud non est neque de necessitate medii neque de necessitate sacramenti, sed duntaxat de necessitate preecepti.

6º Demum exigitur propositum *confitendi ac satisfaciendi*; quibus verbis tangitur ordo contritionis, in quantum est vel esse debet pars sacramenti, ad reliquas ejusdem sacramenti partes.

2º *Pars* subjicitur ad definiendum *in quo* præcise consistat *ratio specifica* contritionis:—sunt enim qui illam reponunt, præsuppositive quidem in odio peccati, sed formaliter in

dolore animi ; alii, et verius, illam collocant in *displacentia dolorosa* seu in detestatione peccati quam, veluti modus aut effectus, dolor in pœnitentibus consequitur, eo ferme modo quo gaudium consequitur amorem. Apposite *Cajetanus* (tom. I, tract. 4, *De attritione et contritione*, qu. 1) : " *Contritio*, inquit, proprie significat *displacentiam quæ est causa tristitiae* seu doloris, quamvis frequenti usu dicatur quod contritio est dolor, significando causam ab effectu. Quanta autem differentia sit inter *displacentiam* et *tristitiam* quæ est in voluntate, manifestat status cœlestis patriæ ; in qua sanctis displicebunt peccata olim ab eis commissa, nullam tamen tristitiam de his habebunt. Ex hoc enim quod in patria erit *displacentia* et non erit *tristitia*, manifeste patet quod *tristitia ipsa*, quæ est in voluntate, non est essentialiter *displacentia*, sed ad *displacentiam* sequitur *tristitia* in eis qui sunt *tristitiae capaces* ".

Conclusio 2^a. — MERITO CONTRITIO DIVIDITUR IN IMPERFECTAM ET PERFECTAM SEU IN ATTRITIONEM ET CONTRITIONEM SIMPLICITER, QUASI IN ACTUS SPECIFICE DIVERSOS. — Duas accipe partes.

1^a *Pars* exprimit ipsam divisionem, quæ disertis verbis continetur in *Conc. Trid.* (Sess. XIV, cap. 4), ubi distinguitur *contritio perfecta* a *contritione imperfecta*, " quæ attrito dicitur. "

Ratio hujus distinctionis, quam omnes theologi iamdudum tradunt, petitur ex communi lege juxta quam homo per gradus transiens ad perfectiorem statum devenit. Cum enim motiva detestandi peccatum plura esse possint, non tamen æquæ rationis ac dignitatis, *contritionis nomen* merito reservatur *displentia* ex altiori motivo ductæ, nomen vero *attritionis* actui prævio et inferiori. " *Attritio*, inquit *S. Th.* (Q. I, a. 2 ad 2), dicit accessum ad perfectam *contritionem*; unde in corporalibus dicuntur *attrita* quæ aliquo modo diminuta sunt, sed non adhuc perfecte sunt comminuta ; sed *contrita* dicuntur, quando omnes partes tritæ sunt simul per divisionem ad minima. Et ideo significat *attritio* in spirituibus quamdam *displacentiam* de peccatis commissis, sed non perfectam ; *contritio* autem perfectam. "

2^a *Pars* est de *differentia specifica* inter *attritionem* et *contritionem* ; quæ differentia (saltem generaliter) ab omnibus concedi videtur.

1º Eam aperte insinuat *Conc. Trid.* (l. cit.), quando contritionem simpliciter exhibet uti "caritate perfectam" et de attritione docet quod "vel ex turpitudinis peccati consideratione vel ex gehennæ et pœnarum metu communiter concipiatur."

2º Sic licet arguere: illi actus specificie ab invicem differunt qui tum motivo specificante, tum principio elicente, tum effectu consequente discriminantur. Atqui ita se habent contritio et attritio: ergo. *Min. evolv.* per partes:

a) *Primo* actus prædicti differunt *motivo specificante*. Sane contritio generice est motus voluntatis contra malum. Porro voluntas malum refugit propter bonum ejus malum est privatio; amor enim prior est odio et causa ejus. Igitur, ut innotescat omni ex parte contritionis objectum, inspicendum est quot sunt bona malo culpæ sublata vel affecta. Bona autem hujusmodi quadruplices sunt generis: aliud est bonum *sensibile hominis*; aliud bonum ejus *spirituale* in perfectione rationali et morali consistens; aliud bonum *Dei respectivum*, quatenus est nempe nostra beatitudo; aliud denique bonum *Dei absolutum* seu secundum quod in se bonus est. Consequenter mala correspondentia erant pœna sensus, deformitas moralis, poena damni seu amissio beatitudinis, et offensa Dei in se sumpta: ubi patet hoc ultimum malum, scil. Dei in se, specificie differre a reliquis. Atqui contritio, caritate perfecta, detestatur peccatum sub formalí ratione offensæ divinæ bonitatis seu injuriae *Deo ipsi* illate; attritio autem, ex motivo mali sive sensibilis sive spiritualis, quod *peccatori* infertur. Ergo.

b) *Secundo* differunt *principio elicente*. Uti enim superius dictum est, *contritio* perfecta est actus elicitus a virtute infusa pœnitentiae sub influxu caritatis cui ille pœnitentiae habitus annexetur. *Attritio* autem vel est ab aliqua inclinatione aut virtute naturali elevata per auxilium supernaturale actualis gratiæ, vel est a virtute spei pondum formatae per caritatem: inclinatione quidem aut virtute naturali, sicuti appetimus bonum corporis animæve perfectivum, ita refugimus malum alterutri perfectioni adversum, sive nempe pœnam sensus, sive peccati deformitatem et deficiētiam a norma divinae legis; per spem autem prosequimur æternum bonum nobis destinatum cunctaque bona cum eo connexa, damnum autem eorum amissionis timore aversamur.

c) *Tertio* differunt etiam *effectu consequente*; siquidem *contritio ex se et absque realis sacramenti usu hominem Deo reconciliat, attritio autem ad id non sufficit* (uti ex dicendis planius comperietur).

Corollarii ad instar, breviter respondebimus quæsito num *attritio fieri possit contritio*.—Nemini quidem dubium est quin *homo* *attritus*, transendo de imperfecta peccati disiplentia ad perfectam, fieri possit *contritus*. Cum autem *questio circa attritionis actum præcipue versetur*, *actum illum fieri contritionem non posse plerique* (post *D. Thomam*, Q. I, a. 3) *rectius sentiunt*: *actus enim diversarum specierum ejusmodi sunt ut unus nequeat, idem manens, in alium transire*. Atqui mox demonstravimus *attritionem et contritionem specifice ab invicem differre*: ergo¹.

ARTICULUS II.

De habitudine contritionis perfectæ ad justificationem.

(Suppl. Q. V, a. 1.2)

1^o Ut titulus præfert, agitur de contritione per charitatem *perfectam* sen ex amore amicitiae supernaturalis concepta;—quæ quemnam sibi causalitatis modum vindicet in amovento peccato, ex dictis superius de virtute penitentiae (Disp. II, Q. I, a. 4) ulti colligi potest; at amplius ac proprio hic loco inquirendum est qua ratione contritio ad justificationem extra sacramentum concurrat.

2^o *Baius et Jansenius*, quibus *Estius* funeste assentatus est, negarunt contritionis perfectæ eam esse vim ut *ordinarie* et extra necessitatis casum, ante acceptam sacerdotis absolutionem, hominem Deo reconciliare queat.—Ex alia parte fuerunt nonnulli theologi *estimantes* contritionem prove-

1—*Cajetani* tamen sententia est (Opusc. oit.), *contritionem naturalē*, qua nemp̄ peccatum ut offensivum divine bonitatis odio habentur, sed ultra charitatem, et quam supremum attritionis gradum nuncupat, posse fieri contritionem christianam per hoc solum quod superveniat charitatis influxus.

nientem sive ex amore quo Deus diligitur ut bonum nostrum seu propter bonitatem respectivam, sive ex motivo solius pœnitentiae præscindente a caritate, posse extra sacramentum justificare: prius approbat *Hurter* (th. 238), alterum quandoque placuit *Suarezio* qui tamen postea sententiam mutavit.

3º Inter extremas positiones tuta procedit sequens propositionis qua contritionis perfectæ, quæ nempe vere sit talis, efficaciam adstruimus.

Conclusio.—CONTRITIO CARITATE PERFECTA, CUM VOTO SACRAMENTI, SED IPSA DUNTAXAT, SUFFICIT UNIVERSALITER AD JUSTIFICATIONEM EXTRASACRAMENTALEM; IMO QUANDOQUE TOLLIT TOTUM REATUM PENAE TEMPORALIS.—Quatuor partes singillatim sunt declarandæ.

1º *Pars de efficacia contritionis perfectæ in genere* (contra Baium ejusque sequaces) constat certitudine saltem *fidei proxima*; quippe praesto est decretum *Trid.* (Sess. XIV, cap. 4): “Docet (S. Synodus), etsi contritionem hanc aliquando charitate perfectam esse contingat, hominemque Deo reconciliare, priusquam hoc sacramentum actu suscipiat; ipsam nihilominus reconciliationem ipsi contritioni, sine sacramenti voto, quod in illa includitur, non esse abscribendam.” Ubi perspicienti euique appareret verba Concilii hunc sensum præ se ferre, videlicet contritionem aliquando esse caritate perfectam et tunc semper et absolute hominem Deo reconciliare.—Omne dubium removent damnatio a RR. PP. *propositiones Baii* 31^a, 32^a, 33^a, 70^a, maxime 71^a quæ sic legitur: “Per contritionem, etiam cum caritate perfecta et cum voto suscipiendo sacramentum conjunctam, non remittitur crimen extra casum necessitatis aut martyrii, sine actuali susceptione sacramenti.”

1º *Ex Scriptura valide arguitur:*

a) Sane, contritio perfecta est actus pœnitentiae, caritatis influxu elicitus. Atqui caritati in SS. Litteris adscribitur justificatio secundum varios suos effectus formales¹: ergo, *Min. ostend*:—etenim per caritatem homo in primis efficitur *Deo gratus* et amicus, juxta illud (*Joan. XIV, 21*): *Qui diligit me, diligetur a Patre meo et ego diligam eum*; —item ex caritate fit quod *SS. Trinitas in homine inhabita*.

1—Cf. *De Reparatione*, Disp. V, Q. I.

tat, juxta alia verba (ibid. v. 23) : Si quis diligit me,...ad eum veniemus et mansionem apud eum faciemus ;—per caritatem quoque evehitur homo in filiationem Dei adoptivam, si quidem omnis qui diligit, ea Deo natus est (1 Joan. IV, 7);—tandem caritati attribuitur hereditas vitae aeternae (Luc. X, 27-28) : Dilige Dominum Deum tuum...et proximum tuum sicut te ipsum...hoc fac, et vives (cf. v. 25).

b) Præterea, in veteri Lege cum deessent sacramenta agencia ex opere operato, dubium non est quin sincera cordis conversio per contritionem perfectam secum traheret peccatorum remissionem ac justificationem ; unde dicitur (Deut. IV, 29) : *Cum quæsieris ibi Dominum Deum tuum, invenies eum ; si tamen toto corde quæsieris, et tota tribulatione animæ tue.* Atqui contritioni perfectæ non eam in novo Testamento inesse vim quæ competit in antiquo, quis cordati animi senserit ? Nec enim de dignitate ac efficacia contritionis Christus aliquid detraxit, nec institutio sacramenti penitentiae, eo facta consilio ut dilataretur via salutis, potuit difficilem reddere hominis justificationem. Ergo,

2º Ex *Patribus* commemorare libet doctrinam S. J. Chrys. (Hom. 7 in 2 Tim.) et S. Gregorii (Hom. 33 in Evang.), qui charitatem comparant igni perimenti omne animæ malum ac peccati rubiginem¹. Unde S. Augustinus (de Trin. l. XV, c. 18) : “ Nullum est isto Dei dono (charitatis) excellentius. Solum est quod dividit inter filios regni aeterni et filios perditionis aeternæ.” Huc quoque faciunt quæ habet S. Bernardus (de Baptismo, nn. 7-8), ubi ex auctoritate Ambrosii et Augustini errorem confutat dicentium neminem absque percepto actualiter Baptismatis sacramento salvari posse ; si enim catechumenus perfecte contritus etiam ante visibilis sacramenti susceptionem sanctificari potest, non est cur hoc ipsum in christiano contingere inscrietur.

3º Accedit ratio theologica duplice ex capite.—a) Spectata enim contritione perfecta in genere *causæ formalis*, nemo secundum quod mediante virtute penitentiae et caritatis consequitur formam gratiae in qua radicatur, manifestum est quod implicant una cum remissione peccati justificationem peccatoris a gratia sanctificante indissociabilem.—b) Sin vero

1—Ap. Bellarminum, l. II, c. 13.

spectetur in ordine cause materialis et *dispositivæ* (prout nunc congruentius videbitur), sic etiam contritio perfecta necessario exigit ex parte Dei veniam justificantem : requum enim est ut qui ex inordinato amore sit, quo peccaverat, in amorem caritatis ordinatum et penitentem transit, in Dei amicitiam, condonato peccato, restituatur (Suppl. Q. V, a. 1); imo divinae repugnat sapientia et bonitati quod homo contritione rectificatus circa ultimum finem, a quo deviaverat, tamen justus non habeatur.

2^a *Pars de voto sacramenti expresse a Trid.* (l. cit.) traditur; imo jam ante Concilium Sixtus IV (1479) hanc *Petri Oxumensis* prop. damnaverat : "Peccata mortalia, quantum ad culpam et penam alterius saeculi, delentur per solam cordis contritionem, sine ordine ad claves."

Enimvero contritio ut perfecta sit, oriri debet ex caritate, *caritas* autem esse nequit, nisi homo votum habeat implendi omnia quæ a Deo statuta sunt tanquam media necessaria salutis. Porro ex Christi institutione accipimus sacramentum Pœnitentiae medium esse omnino necessarium ad consequendam remissionem peccatorum mortalium quæ Baptismo posteriora sunt. Ergo contritio non sine voto saltem *implicito* sacramenti, quo dependentia a Christi instituto salvetur, justificare potest.

3^a *Pars contra eos dirigitur qui vellent contritionem petitam etiam ex alio motivo quam ex amore Dei in se, ad justificandum sufficere.*

1^a Id rejiciendum esse, suadet in primis *communis Doctrinæ sensus*, necnon decretum *Cone. Trid.* (Sess. XIV, cap. 4); ubi, cum doceatur perfectam contritionem eam esse quae ex motivo caritatis concipitur, equivalenter ratio perfectæ contritionis omni alii contritioni negatur.

2^a Ideo attritio generatim sumpta (prout a contritione perfecta distinguitur) nequit esse sufficiens ad justificationem, quia, licet voluntatem iterum peccandi excludere valent, nondum tamen hominem simpliciter rectificat circa ultimum finem. Atqui hoc verum est non solum de attritione concepta ex metu gehennæ, sed de quolibet attritionis vel contritionis genere preter contritionem caritate perfectam: ergo.—*Maj.* innescit ex eo quod tunc homo *simpliciter* rectificatur circa ultimum finem, quando, *principalem* peccati malitiæ detes-

tando, ad Deum ut summum bonum, cui summum malum in peccato opponitur, sese convertit: id autem nequaquam præstat attrito, contritione perfecta inferior seu ex inferiori motivo ducta.—*Min.*, ostend: etenim *a)* primo contritio orta ex amore bonitatis Dei nos beatificantis (quam nonnulli sufficientem censem ad justificandum) non attingit peccatum secundum supremam mali rationem, ultimique finis depravationem, sed magis secundum rationem mali *nobis* illati per amissionem beatitudinis quam Deus justis tantum elargitur. *b)* Secundo pariter contritio petita ex paenitentiae motivo præciso a caritate, seu ex proposito reparandi justitiae ordinem peccato corruptum, minime assurgit usque ad supremam culpe malitiam bonitati Dei absolutæ contrariam, sed revera pertinet ad contritionem niam ex turpitudine seu *deformitate* peccati conceptam quam Tridentini Patres contra perfectam contritionem diviserunt. *c)* Restat igitur quod sola contritio procedens ex caritate seu ex amore divinæ Bonitatis simpliciter sumptæ (prout constituit ultimum finem hominis) sufficit ad justificandum.

4^o Pars de reatu pœnæ temporalis sic a *D. Thoma* præponitur (Suppl. Q. V, a. 2): “Intensio contritionis potest attendi dupliciter: uno modo ex parte *caritatis* que displacentiam causat, et sic contingit tantum intendi charitatem in actu quod contritio inde sequens merebitur non solum culpe amotionem, sed etiam absolutionem ab omni pœna. Alio modo ex parte *doloris sensibilis* quem voluntas in contritione excitat; et quia ille etiam pœna quedam est, tantum potest intendi quod sufficiet ad deletionem culpe et pœnæ”.—Notandum tamen “quod aliquis non potest esse certus quod contritio sua sit sufficiens ad deletionem pœne et culpe; et ideo tenetur confiteri et satisfacere, maxime cum contritio vera non fuerit, nisi propositum confitendi habuisset annexum; quod debet ad effectum adduci etiam propter præceptum quod est de confessione datum” (*ibid.* ad 1).

Solv. obj. (cont. 1^{am} p. concl).—*Q.1.*—Solus Deus peccata remittendo justificat. Atqui contritio actus noster est. Ergo.

RESP. D. *M*:...tanquam causa *principalis*, *C*; ad exclusiōneī causeī inferioris et dispositivā, *N*.—*D.m*:...actus solis naturæ viribus elicitus, *N*; actus gratiâ roboratus, *S.d*: qui

alum
quam
teriori
o orta
li suf-
catum
prava-
ati per
ergitur.
o præ-
ordinem
remam
revera
formi-
perfec-
pla con-
onitatis
omini)

disponit ad justificationem, *C*; qui illam principali causalitate adducit, *N*.—*Neg. consequ.*

OBJ. 2.—Contritio, utpote virtutis actus, sequitur gratiae et virtutum infusionem. Atqui posterius non est causa prioris. Ergo.

RESP. *D. M*:...in genere causæ formalis, *C*; in genere causæ materialis et dispositivæ, *N*.—*D.m*: secundum idem genus causæ, *C*; secundum diversum genus, *N*.—*Neg. consequ.*

OBJ. 3.—Nihil impedit a perceptione Eucharistie nisi culpa. Atqui contritus ante confessionem non debet accedere ad Eucharistiam. Ergo.

RESP. *D. M*:...nisi culpa tum secundum se tum secundum quod nondum fuerit subjecta clavibus dispensatorum rei sacramentalis, *C*; secundum se tantum, *N*.—*C.m*.—*Neg. consequ.*¹.

ARTICULUS III.

De quantitate contritionis perfectæ.

(Suppl. Q. II, a. 6.; Q. III; Q. V, a. 3)

1º *Quantum esse contritionem oporteat ut efficaciter justificationem adducat*, modo disquirendum succedit. Quod ut præstemos, distinguere est duplarem quantitatem, unam quidem ex parte peccatorum seu *objectivam*, alteram vero ex parte penitentium seu *subjectivam*.

2º a) *Quantum ad primam*, non defuere (teste S. Alphonso) qui ad justificationem omnino exigent pro singulis peccatis singulos doloris actus vel saltem singulorum peccatorum distinctam recogitationem: id tamen, ut videbimus, communior opinio abjectit.—b) *Quantum ad alteram* quantitatem, aliqui etiam theologi, facta distinctione inter contritionem *intensam* et *remissam*, arbitrati sunt illam tantum, non istam, sufficienter esse justificationis dispositionem extra sacramentum; sed hoc rursus communi doctorum suasioni adversatur.

1.—Plures usque ad septendecim objectiones solvit *Bellarminus*, I. II, c. 14.

Conclusio 1^a.—CONTRITIO JUSTIFICANS CUM VOTO SACRAMENTI TALIS ESSE DEBET QUÆ ATTINGAT OMNIA AC SINGULA PECCATA MORTALIA, NON TAMEN REQUIRUNTUR TOTIDEM DOLORIS ACTUS, NEQUE DISTINCTÆ PECCATORUM REMEMORATIONES.

1^a Pars certa est et ab omnibus admissa; quandoquidem impium est, sublata una offensæ ratione, relicta vero alia dimidiā a Deo sperare veniam. Igitur contritio *universalis* esse debet.

2^a Pars quoque manifeste liquet. “Ridiculum est, inquit Cajetanus (Opusc. t. I, tr. IV, q. 2), ita velle adæquare numerum contritionum numero peccatorum, tanquam in multitudine actuum et non in perfectione potius actus consistat virtus, quasi non possit una perfecta displicentia æquivale re decem millibus imperfectis, quum tamen etiam in sensibilibus videamus quod unum numisma aureum æquivalet mille æreis.”

3^a Pars contra paucos declaranda est eo sensu quod distincta omnium peccatorum mortalium recognitatio minime per se requiratur ad contritionem justificantem, sed duntaxat ad præceptum confessionis deinceps implendum.

1^o Revera hue pertinent verba *Catech. Trid.* (P. II, de Penit. n. 39), ubi, præmissa exhortatione de criminibus singillatim detestandis, mox subjecitur: “Is (Deus) cum nostræ salutis cupidissimus sit, nullam moram ad tribuendam nobis veniam interponit; sed peccatorem paterna charitate complecit, simul atque ille se collegerit, et universa peccata sua detestatus, que deinde alio tempore, si facultas erit, singula in memoriam reducere ac detestari in animo habeat, ad Dominum se converterit; ita enim nos per Prophetam jubet sperare, cum inquit¹: *Impietas impii non nocebit ei, in quacunque die conversus fuerit ab impietate sua.*”

2^o Mens *D. Thomæ*, ad quem adversarii provocant, satis comperitur ex iis que docet (de Ver. Q. XXVIII, a. 5 ad 4): “Omnia peccata, ait, convenient in aversione a Deo, ratione cuius gratiam impediunt; unde ad justificationem non requiritur quod in ipso justificationis momento aliquis de peccatis singulis cogitet; sed sufficit quod cogitet de hoc quod per culpam suam est aversus a Deo. Recogitatio autem singu-

1.—Ezech. XXXIII, 12.

lorum peccatorum debet vel precedere vel *saltem sequi* justificationem," id est, prout exigit confessionis debitum. Unde si quid ambiguum aliis in locis S. Doctoris reperiatur, predictorum luce illustrandum est.—*Conf. ex auctoritate Cajetani* qui (Opusc. l. cit.) aperte sententiam nostram tuetur.

3º *Ratio summa* est, quia contritio generalis, *virtualiter* se extendens ad omnia mortalia, sufficit ad eorum remissionem. Virtualiter autem singula mortalia detestatur qui rationem omnibus communem, scil. Dei offensam in qua convenient, vel uno cogitationis et doloris actu attingit. Apposite S. Thomas (Suppl. Q. III, a. 3 ad 2): "In contritionis motu subitaneo, quamvis non actualiter distinctio intentionis respondens diversis peccatis inveniri possit, tamen invenitur secundum quod singula peccata ordinem habent ad illud de quo in illa contritione generali contrito dolendum occurrit, scil. offensam Dei."—Addi potest (cum S. Alphonso, *Theol. mor.*) quod secus magnis et inveteratis peccatoribus impossibile foret statim ad Deum converti, cum impossibile sit brevissimo tempore singula peccata in memoriam revocare et detestari. Hoc autem repugnat, Scripturis referentibus plures peccatores multis gravatos delictis, ut Magdalenam, Latronem, Paulum, qui subito justificati sunt.

Conclusio 2º.—IN CONTRITIONE JUSTIFICANTE REQUIRITUR DOLOR APPRECIATIVE SUMMUS, PRO PROPORTIONE PECCATI; NON TAMEN EXIGITUR NEQUE SUMMUS NEQUE CERTUS INTENSITATIS GRADUS; IMMO DARI POTEST DOLOR SENSIBILIS NIMIUS.—Assertio in quatuor partes dispescitur; quæ antequam declarantur, distinguere juverit in contritione duplē rationem, videlicet rationem *appreciativam* et *intensivam*. Ratio appreciativa ea est quæ oritur ex aestimatione seu cognitione discretiva objecti ita ut per eam dolor specificetur seu in sua specie et substantia constitnatur; ratio intensiva magis dependet ex modo cognitionis subjectique dispositionibus, puta ex sensibilitate, nec nisi accidentaliter ad dolorem pertinet.

1º *Pars concl.* parvo nunc negotio adstruitur.

1º Dolor perfectæ contritionis fundatur in amore charitatis, perinde ne in motivo proprio. Atqui charitatis amor debet esse appreciative summus, in quantum Deus omnibus preferatur et super omnia diligatur. Ergo similiter

contritio caritate perfecta debet peccatum super omnia mala ac detestabilia detestari, ita ut *appreciative* maxima sit.—Hinc (ut notavit *Catech. Trid.* n. 35) quemadmodum in Scripturis de charitate dictum est (Deut. VI, 5): *Diliges Dominum Deum tuum ex toto corde tuo*; ita rursus de contritione clamat Dominus (Joël. II, 12): *Convertimini ad me in toto corde vestro*.

2º Cum dolor de malo sit, crescat necesse est pro mali gravitate et amplitudine. Atqui malum culpe longe antecedit quodlibet aliud malum, tum quia opponitur divinæ bonitati qua nihil præstantius esse potest, tum quia nos avertit ab ultimo fine cui omnia subordinantur et propter quem omnia concupisci debent. Igitur præ omnibus, etiam præ poena amittendæ vitæ¹, peccatum contriti animi dolore detestandum est, monente Domino (Matth. XVI, 25): *Qui voluerit animam suam salvum facere, perdet eam*.

2ª Pars addit “pro proportione peccati”: nimirum contritio, quæ summa esse debet secundum comparationem peccatorum ad mala poenæ, gradus tamen admittit secundum comperationem peccatorum ad invicem. Etenim, ut argumentatur *S. Thomas* (Q. III, a. 3), de hoc oportet hominem contiri quod debuit vitare. Atqui homo deberet magis vitare gravius peccatum quam levius, si necessitas alterutrum faciendi incumberet. Ergo et similiter debet de uno, scil. graviori, magis quam de alio dolere.—*Ratio intimior* est quam ibidem tangit *Auctor*, quia nempe doloris motivum, seu offensa Dei, non æqualiter reperitur in omnibus peccatis, siquidem ex magis inordinato actu gravius Deus offenditur. Gravior autem offensa proportionatum dolorem exposcit; quæ proportio nequit violari sine manifesta deordinatione.—Neque tamen requiritur inter peccata actualis comparatio; sufficit enim virtualis, quatenus “qui dolet de hoc quod Deum offendit, de diversis *implicite* dolet diversimode, secundum quod plus vel minus par ea Deum offendit” (*ibid.* ad 2).

1.—Non tamen opportunum est, generatim loquendo, diversa mala cum peccato conferre; nam, ut advertit *S. Th.* (Quodl. I, a. 9), “sicut delectabilia plus movent in particulari considerata quam in communali, ita terribilia plus terrent si in particulari considererentur; et aliqui sunt qui minori tentatione non cadi ut, qui forte majori caderent... Et ideo descendere in talibus ad singula est inducere hominem in tentationem et præbere occasione a peccandi.”

3^a Pars sequitur (contra *Adrianum, Soto, Berti* aliosque) statuens nec summun nec certum intensitatis gradum ad contritionem perfectam exigi.

1^o Id apprime cohieret *declarationibus Ecclesiarum*, scil. tum *Conc. Trid.* (Sess. XIV, cap. 4), tum *RR. PP.* qui propositiones *Baiianas* proscripterunt: quippe ex documentis illis apparent ad justificationem requiri contritionem caritate perfectam, nequaquam vero caritatem intensitate perfectam postulari.

2^o Pariter in *Scripturis* nullibi memoratur, tanquam conditio perfectae contritionis necessaria, aut suminus aut certus intensionis gradus.—Quando vero (Deut. VI, 5; Matth. XXII, 37; Luc. X, 27) præcipitur ut Deum diligamus ex *toto corde*, ex *tota mente*, ex *tota anima*, ex *tota fortitudine* vel virtute, totalitas accipienda est *conversionis* in Deum, non vero *intensitatis* in *conversionis* motu. Ad rem *D. Thomas* (II-II^o, Q. XLIV, a. 5): “Præcipitur nobis ut tota nostra intentio feratur in Deum, quod est *ex toto corde*; et quod intellectus noster subdatur Deo, quod est *ex tota mente*; et quod appetitus noster reguletur secundum Deum, quod est *ex tota anima*; et quod exterior actus noster obediatur Deo, quod est *ex tota fortitudine* vel *virtute* vel *viribus* Deum diligere”.

3^o Huc refertur (*Bellarum* l. II, c. 11) experimentum *hominum piorum* qui, ut *Hieronymus de S. Paula* scribit, intensius aliquando dolent ob mortem carorum quam ob peccata, licet paratissimi sint omnia perpeti potius quam peccatum in Deum committere. Neque reprehendi potest vehemens ille dolor ex ammissione filiorum in parentibus prodiens, tum quia naturalis est, tum quia in sanctissimis viris reperitur; in exemplum est *Jacob*, de quo (*Gen. XXXVII, 35*): *Congregatis cunctis liberis ejus ut lenirent dolorem patris* (de filio *Joseph*), *noluit consolationem accipere, sed ait: Descendam ad filium meum lugens in infernum.*—Apposite distinguit *Scotus* (3 S. D. 27) excessum *firmitatis* requisitum in dolore contritionis ab excessu *teneritudinis* quo reliqui dolores praestare possunt.

4^o *Ratione* sic procedimus. —a) *Primo* forma gratiae quilibet immediata oppositione peccatum mortale expellit. Atqui caritas etiam tenuissima, tenuissimus contritionis dolor, dum-

modo sit caritatis motivo conceptus, gratiam sanctificante in secum trahit inseparabiliter, siquidem intensitas non speciem et substantiam, sed *modum* perfectae contritionis prorsus *accidentalem* efficit: ergo.—*b)* Secundo dolor contritionis spectari potest vel prouti viget in voluntate ipsa, vel prouti in appetitu sensitivo redundat sive secundum necessitatem naturae sive secundum voluntariam quamdam excitationem. Atqui neutro sub respectu dolor ille aut summum aut certum intensitatis gradum sibi vindicat: ergo. *Min. decl.* Quoad *summum* gradum: præterquam quod gradus, quo major dari nequeat, impossibilis est, tum voluntas nostra sensibus intime associata, tum maxime vires sensitivæ vehementius moventur ab objectis sensibilibus quam ab objecto spirituali quale est peccatum, “Vires inferiores, inquit *Auctor* (Q. III, a. 1), moventur vehementius ab objectis propriis quam ex redundantia superiorum virium. Et ideo quanto operatio superiorum virium est propinquior objectis inferiorum, tanto magis sequuntur eorum motum. Et ideo major dolor est in sensitiva parte ex læsione sensibili, quam sit ille qui in ipsam redundant ex ratione; similiter major, qui redundant ex ratione de corporalibus deliberante, quam qui redundant ex ratione considerante spiritualia. Unde dolor in sensitiva parte ex displicant rationis proveniens de peccato, non est major dolor aliis doloribus qui in ipsa sunt; et similiter nec dolor qui est voluntarie assumptus, tum quia non obedit affectus inferiori superiori ad nutum, ut tanta et talis passio sequatur in inferiori appetitu qualem ordinat superior, tum etiam quia passiones a ratione assumuntur in actibus virtutum secundum mensuram quamdam.” Quoad *certum* gradum: certam seu defluitam contritionis intensitatem non requiri, satis colligitur sive ex eo quod in præceptis aliarum virtutum, v. g. fidei, spei, nemo unquam mensuram hujusmodi excoxitavit citra quam virtutes illæ salvari haud possint, sive ex eo quod nobis vel probabiliter constare non posset nos contritionis perfectie actum eliciisse, quod falsum est.

4^a Pars tandem declarabitur verbis *S. Thomæ* (Q. cit. a. 2): “Contrito, inquit, ex parte doloris qui est in ratione, scil. displicant, quo peccatum displicet in quantum est offensa Dei, non potest esse nimia; sicut nec amor charitatis, quo intenso talis displicantia intenditur, potest esse nimius. Sed

ntem
eciem
rorsus
tationis
prouti
cessita-
titatio-
m aut
n. decl.
s, quo
nostra
e vehe-
objecto
Auctor
propriis
quanto
inferior
o major
n sit ille
i redund
i redund
n sensi-
ato, non
similiter
n obedit
is passio
rior, tum
is virtu-
um gra-
em non
aliarum
nijusmodi
sint, sive
osset nos
t.
(Q. cit. a.
tione, scil.
st offensa
itatis, quo
ius. Sed

quantum ad dolorem sensibilem potest esse nimia, sicut etiam exterior corporis afflictio potest esse nimia. In his autem omnibus debet accipi pro mensura conservatio subjecti et bonæ habitudinis sufficientis ad ea quæ agenda incumbunt; et propter hoc dicitur (Rom. XII, 1): *Rationabile sit obsequium vestrum.*"

ARTICULUS IV.

De contritionis imperfectæ seu attritionis honestate et vi.

1º Sub hoc titulo duas controversias proponuntur agitandæ, una quidem cum Lutherῳ aliisque hæreticis, altera etiam cum nonnullis theologis catholiciſ.—a) *Lutherus* enim (ut testatur Bellarm. I. II, c. 17) initio defectionis suæ aperte docuit contritionem ex timore servili ortam, facere hominem hypocritam et magis peccatorum; quatuorvis postea Lutherani ab ea sententia recesserint et bonitatem talis contritionis agnoverint. Lutherῳ assenserunt *Baūs, Jansenius et Quesnellus*, dicentes nihil esse medium "inter vitiosam cupiditatem et laudabilem caritatem" ideoque quidquid caritatis molivo non formatur peccati vitio laborare.—b) Quidam catholici auctores, ut *Drouyn, Berti*, etsi doctrinam temperatorem profiterentur, negarunt tamen nullam posse attritionem, ex solo timore poenarum conceptam, omnem peccandi voluntatem efficiuciter excludere.

2º Jam supra (art. 1) ex disertis *Conec. Trid.* verbis acceperimus attritionem provenire posse vel ex turpitudinis peccati consideratione vel ex gehennæ et poenarum metu.—Porro nomine *turpitudinis peccati* merito intelligitur moralis illa deformitas quæ peccato inest ex eo quod deficit proxime quidem a lege naturali, remote vero a lege iæterna quæ virtutes regulantur. Nominis *gehennæ et poenarum*, explicite vel implicite, designari existimamus non solum penas damni et sensus inferno proprias, sed et quascumque alias penas (tum purgatoriū tum hujus terre) prouti a Deo judice in culpi vindictam utcunq; infliguntur.—Jam vero præsens disceptatio potissimum versatur circa attritionem ex gehennæ

ac paenarum metu conceptam; quam solam adversarii vituperant, quæque semel ac pro bona ac utili habebitur, attritio proceedens ex turpitudine peccati (quod motivum nobilius est) vindicata manebit.

3º Expedit ex *D. Thoma* recolere *quotuplex timor* distingui valeat. "De timore nunc agimus, secundum quod per ipsum aliquo modo ad Deum convertimur, vel ab eo avertimur. Cum enim objectum timoris sit malum, quandoque homo propter mala quæ timet a Deo recedit, et iste dicitur timor humanus vel *mundanus*; quandoque autem homo propter mala quæ timet ad Deum convertitur et ei inhæret: quod quidem malum est duplex, scil. malum pœnæ et malum culpæ. Si ergo aliquis convertatur ad *Denni* et ei inhæreat propter timorem pœnæ, erit timor *servilis*; si autem propter timorem culpæ, erit timor *filialis*, nam filiorum est timere offensam patris; si autem propter utrumque, est timor *initialis*¹ qui est medius inter utrumque timorem" (II-II^o, Q. XIX, a. 2).—Satis liquet timorem mundanum, servilem et filialem, pro objectorum diversitate specificie inter se differre; verum, quia timor initialis nonnisi secundario respicit malum pœnæ, ad filialem se habet sicut charitas imperfecta ad perfectam ideoque accidentaliter tantum ab eo discriminatur *Q. cit. passim*).—Quæstio nobis non est de timore mundano qui manifeste malus est, neque de timore filiali vel initiali qui evidenter est bonus, sed de timore *servili* in quo attritio ab adversariis repudiata fundatur.

4º Demum timor servilis iterum distingui solet, quatenus est vel *serviliter servilis* vel *simpliciter servilis*. Serviliter servilis ille timor dicitur quo quis pœnam metuens a peccato quidem abstinet, sed ita est affectus ut peccatum, si impune posset, ultro committeret; simpliciter servilis vero nominatur timor quo quis, pœnâ deterritus, peccatum fugit sincero animo amplius non committendi.—Primus timor proprie servorum est, eumque pravum seu vitiosum esse, nemo est qui non confiteatur; unde controversia modo dirimenda tota refertur ad timorem *simpliciter servilem*.

1—“ Iste timor dicitur esse *initialis*, quia solet esse in hominibus in initio sue conversionis, cum detestantes peccata sua ex amore Dei simul oculum habent ad pœnam” (*S. Th. Comm. in Rom. VIII*).

Conclusio 1^a. — ATTRITIO EX SOLO METU GEHENNAE ET PÆNARUM CONCEPTA MORALITER BONA AC UTILIS DICI DEBET. — Fidei haec assertio est, definita in *Conc. Trid.* (Sess. VI, can. 8): “Si quis dixerit gehennæ metum, per quem ad misericordiam Dei de peccatis dolendo confugimus, vel a peccando abstinemus, peccatum esse, aut peccatores pejores facere; A. S.” Cf. sess. XIV, cap. 4 et can. 5; quibus accedunt propp. a RR. PP. damnatae¹.

1^o Ex *Scripturis* ita arguimus: attritio fundata in timore, quem SS. Littere tum veteris tum novi Test. commendant, bona utilisque censenda est. Atqui hujusmodi est attritio ex gehennæ ac pœnarum metu concepta: ergo. *Min. ostend*: Nam in *V. T.* timor veluti peccati frenum proponitur, v. g. (Ex. XX, 20): *Ut probaret vos venit Deus, et ut terror illius esset in vobis, et non peccaretis*; et (Is. XXXIII, 14): *Quis poterit habitare de vobis cum igne devorante?* — In *N. T.* sic S. Joan. B. Phariseos et Sadducaeos alloquebatur (Matth. III, 7-8): *Progenies viperarum, quis demonstravit vobis fugere a ventura ira? Facite ergo fructum dignum paenitentiae.* Et ipse Christus homines timore pœnarum ad vitanda peccata hortatus est dicens (*ibid.* X, 28): *Timete eum qui potest et animam et corpus perdere in gehennam.*

2^o *Patres* concordes sunt (ap. Bellarm., de Augustinis, etc) in describendo pœnarum timore tanquam salutari medio consequendæ salutis: alii enim mortis et judicii pœnas seu “medicamenta” exhibent (S. Basil.), alii docent carnes crucifigendas “clavis divini timoris” (S. Ambr.), aliis timor est quasi “murus et munimentum et turris inexpugnabilis” contra peccatum (S. Joan. Chrys.). — Speciatim appello *S. Augustinum* quem hæretici pro se stare jactant; ait ille (Serm. 156 de verb. ap. c. 13, n. 15): “Qui adhuc ideo bene

1—Prop. 15^a inter 31 damnatas ab Alex. VIII (1690): “Attritio, quo gehennæ et pœnarum metu concipitur, sine dilectione benevolentiae Dei propter se, non est bonus motus ad supernaturalis.” Propp. Quesnelli damnatae a Clemente XI (1713), quarum 60^a: “Si solus supplicii timor animat pœnitentiam, quo haec est magis violenta, eo magis dicit ad desperationem.” 61^a: “Timor non nisi manum cohibet; cor autem tamen peccato addicitur, quamdiu ab amore justitiae non ducitur.” 62^a: “Qui a malo non abstinet nisi timore pœnæ, illud committit in corde suo, et jam est reus coram Deo.”

agit, quia poenam timet, Deum non amat, nondum est inter filios. Utinam tamen vel poenam timeat. Timor servus est, caritas libera est, et ut sic dicamus, timor est servus caritatis. Ne possideat diabolus cor tuum, praecedat servus in cordetu, et servet dominæ venture locum. Fae, fac vel timore poenæ, si nondum potes amore justitiae. Veniet domina et servus abseedet, quia consummata caritas foras mittit timorem."

3^o Ratione sic argumentabimur.

a) Ideo timor servilis malus dicendus foret, quia servilitas ad ejus speciem seu essentiam pertineret. Atqui servilitas non est de ratione essentiali timoris servilis: ergo. *Maj.* elucet ex eo quod timor de se non est quid vitiosum, sed servilitas, qua homo timet poenam velut principale malum, contrariatur rectæ rationi et caritati. *Min.* decl: etenim accidit timori servili quod poena, circa quam versatur, timeatur tanquam malum principale cui oppositum bonum quasi ultimus finis ametur, vel quod poena ita timeatur ut bonum oppositum proxime tantum appetitum terminet et referibile maneat in finem superiorem (II-II^m, Q. cit. a. 4).

b) Præterea, in attritione tria distingui possunt: intentio finis seu voluntas fugiendi poenam, medium seu detestatio peccati, et ordinatio hujus medii ad finem predictum. Atqui tria ista prorsus honesta sunt: ergo. *Min.* evincitur: nam *primo* honestum est effugere penam creaturæ rationali inconvenientem; *secundo*, quod detestatio peccati bona sit, nullus est qui negare audent; *tertio* ordinatio fugio peccati ad vitandam penam pariter bona est, tum quia ad hunc finem nullum est medium conducibilium, tum quia, licet medium sit nobilissimum immidiato, non excluditur ejus relatio ad finem perfectiorem qualis est bonitas Dei in se, tum quia processus iste de imperfecto ad perfectum naturæ nostræ progressivæ plane congruit.

Conclusio 2^a. — ATTRITIO EX METU GEHENNAE CONCEPTA POTEST OMNEM PECCANDI VOLUNTATEM EXCLUDERE. — Dico potest; siquidem necesse non est ut omnis attritio seu dolor informis de peccatis, quo cumque ex motivo oriatur, ad hunc usque gradum pertingat ut omnem affectum ad peccatum efficaciter tollat.

1^o Conc. Trid. aperte füvet; quippe, postquam (Sess. XIV, cap. 4) contritionem communiter sumptam (proinde tum

perfectam tum imperfectam) descripserat animi dolorem ac detestationem de peccato commisso "cum proposito non pecandi de cætero," attritioni dein id specialiter tribuit ut aliquando saltem "voluntatem peccandi excludat."—Huc quoque spectat prop. 61^a Quesnelli superius recitata.

2^o Quare Scripturæ et Patres tam frequenti tamque vehementi sermone prænas peccatoribus imminentes commemoratione, nisi prænarum timor efficax cavendi peccati remedium foret?—Hinc S. Augustinus (Erarr. in Ps. 127, n. 7), replicatis verbis Evangelii: *ubi vermis eorum non moritur et ignis eorum non extinguitur*, subdit: "Audiunt hæc homines; et quia vere futura sunt impiis, timent et continent se a peccato."

3^o Timor efficax supplicii temporalis excludit positive omne id quod conductit ad supplicium; ergo a pari timor efficax supplicii aeterni. Atqui non solum peccatum exterius, sed omnis actualis affectus aut voluntas peccandi conductit ad supplicium aeternum. Ergo metus efficax gehennæ excludit positive vel saltē excludere potest omnem actualem affectum seu voluntatem peccandi (Billuart, Diss. IV, a. 6).

Solv. obj. (cont. 1^{am} concil.)—Qnij. 1.—Quod alienum est a spiritu evangelico, malum dici debet. Atqui, juxta illud (Rom. VIII, 15): *Non accepistis spiritum servitutis iterum in timore, sed accepistis spiritum adoptionis filiorum*, timor alienus est a spiritu evangelii. Ergo.

Resp. D. M.: Quod alienum est, i. e. contrarium spiritui evangelico... C; quod solum deficit a perfectione spiritus evangelici... N.—C.d.m.—Neg. conseq.

Citatis verbis b. Paulus comparationem instituit inter spiritum timoris et servitutis prevalentem in V. L. et spiritum amoris ac adoptionis filiorum prevalentem in N. L., non quod oppositio inter utrumque admittatur, sed ut magis elueat præminentia nove legis præ veteri. "Non hoc dicitur, ait S. Th. (Comm. in Rom. VIII), quasi sit alius et alius spiritus, sed quia idem est spiritus, sc. qui in quibusdam facit timorem servilem quasi imperfectum, in aliis facit amorem quasi quoddam perfectum."

Qnij. 2.—Quod non est ex corde, simulatum est ac hypocrisi infectum. Atqui dolor de peccatis metu præmio conceptus non est ex corde. Ergo. (Ita Lutherus).

inter
as est,
ritatis.
corde-
timore
et ser-
orem."

rvilitas
tas non
ucet ex
tas, qua
rariatur
et timori
anquam
aus finis
positum
aneat in

intentio
detestatio
n. Atqui
tur: nam
rationali
bona sit,
peccati
ad hunc
uia, licet
ejus rela-
in se, tum
ræ nostræ

CONCEPTA
RE.—Dico
o seu dolor
r, ad hunc
peccatum

Sess. XIV,
oinde tum

RESP. D. M. ... id est quod non fit ex voluntate *sincera...* *C*; quod non fit ex voluntatis *amore...* *N.* — *C.d.m.* — *Neg. conseq.*

Amor, quanquam voluntarium auget, non tamen omnino requiritur ad voluntatis sinceritatem. Quocirca bene potest attritus, solo poenarum timore ductus, vere, serio ac absolute detestari peccatum.

OBJ. 3. — Inordinatum est magis dolere de pena quam de culpa. Atqui attritus, detestando culpam propter penam, magis dolet de pena quam de culpa. Ergo.

RESP. D. M. ... preferendo appretiative malum penae malo culpe, *C*; utendo de facto detestatione culpe ad vitandum malum penae, *N.* — *C.d.m.* — *Neg. conseq.*

Aliud est *appretiative* preferre malum penae seu ejus odibilitatem malo vel odibilitati culpe, aliud *de facto* ordinare detestationem culpe ad evitatem penae. Qui peccatum odit propter gehennam non ideo censendus est comparativo mentis judicio pluris aestimare malum penae quam culpe; sed (si timore simpliciter servili ducatur) *precise* se habet, detestans scilicet culpam propter evitandam penam tanquam propter finem proximum, *quin excludat* superius motivum magis abominandi culpam quam penam¹.

ARTICULUS V.

De attritionis habitudine ad sacramentum Pœnitentiae.

1º Præsupponimus id quod supra (art. 2) contra aliquos determinatum est, videlicet attritionem cujuscumque generis per se nequaquam posse, extra sacramentum, sufficienter et proxime ad justificationem disponere.

2º At vero, inde a tempore Lutheri (quem novimus circa

1 — *Contre primam et secundam conclusionem* hujus articuli plura possunt obieciri, quae soluta reperies penes *Bellarminum*, *Biluart*, *Sasse*, etc. — Adnotare sat erit, in dispositione voluntatis detestantis peccatum ex metu simpliciter servili gehennam et penarum neo remanero voluntarium *secundum quid*, quia et hoc voluntarium (utpote affectus conditionalis ad peccatum) inductivum esset gehennæ illius cuius timor effeasiter excludit pœcandi voluntatem.

justificationem nova proposuisse dogmata), coepit in scholis diverse agitari intimioribusque theclogorum disquisitionibus locum præbere quæstio momentosissima de propria contritionis habitudine ad sacramentum Pœnitentiae; unde, quemadmodum et in multis aliis, in hoc etiam factum est ut erroris eruptio et discussio in veritatis manifestationem ac laudem vergeret.—Duo quidem heic possunt distinctim considerari: unum de *sufficientia attritionis* ad sacramentum Pœnitentiae suscipiendum; aliud de *conditionibus* quæ in attritione requirantur ad validam aut fructuosam sacramenti illius receptionem.

3^o a) Quoad 1^{um}, quinque recitantur diversimode opinantium sententiae (ap. Sasse):—1^a sententia eorum est qui volunt contritionem caritate perfectam, etiam quæ per se sola sufficiat ad remissionem peccati obtainendam, in sacramento esse necessariam, ita ut absolutio sacerdotis semper supponat primam gratiam vi contritionis illius collatam. Huic doctrinæ, quam olim aliqui scholastici ceu veram vel probabilem habuerant, post Concilium Tridentinum patrocinati sunt nonnulli theologi janseniana labe infecti, uti *de Neerkassel* et *Juenin*.—2^a sententia, quam propugnant *Drouyn*, *Berti*, etc., facta contritionis perfectæ ac imperfectæ distinctione secundum diversum intensitatis gradum, tenet contritionem gradus inferioris (conceptam tamen ex amore Dei super omnia dilecti), quæ sola extra sacramentum justificare nequit, eam osse qua instructus pœnitens in sacramento justificatur.—3^a sententia eorum est qui censem attritionem non sufficere nisi in ea includatur amor quidam initialis seu amor benevolus quo Deus propter se et prouti in se bonus est, licet non super omnia, diligatur; hujus opinionis sunt *Sardagna*, *Billuart*, etc.—4^a sententia cum *de Augustinis* ad sacramentum Pœnitentiae requirit attritionem eo saltem concupiscentie amore induitam quo Deus tanquam gratis et beatitudinis dispensator diligatur.—Tandem 5^a sententia docet solam attritionem, etiam illam quæ ex gehennæ metu concepiatur, si voluntatem peccandi excludat et conjuncta sit cum spe venire, absque ullo actu amoris Dei formalis et propriæ dicti eum sacramento esse proximum ac sufficiens justificationis medium; quam sententiam defensarunt (post S. Thomam) *Suarez*, *Vasquez*, etc., et *S. Alphonsus* fero communem esse asserit, nosque uti veram propugnabimus.

b) Quoad 2^{um}, controversia inter theologos agitur, utrum sacramentum Poenitentiae possit esse simul validum et informe seu utrum quis possit valide sacramentum suscipere quin tamen, deficiente conditione attritionis debita, gratiam sacramenti recipiat: partem negativam tenent eximii auctores, ut *Billuart*, *de Augustinis*, etc; partem vero affirmativam tuentur, post *Cajetanum* et *Joan. a S. Thoma*, *S. Alphonsus*, *Lillot*, etc.

4º Juverit hoc loco commemorare decretum *Alex. VII* (1667), quo theologi monentur "ut si deinceps de materia attritionis scribent vel libros aut scripturas edent vel docebunt vel prædicabunt vel alio quovis modo poenitentes aut scholares cæterosque erudiant, non audeant alicujus theologicæ censure alteriusve injuriaæ aut contumelie nota taxare alterutram sententiam, sive negantem necessitatem aliqualis dilectionis Dei in præfata attritione ex metu gehennæ concepta, qua hodie inter scholasticos communior videtur, sive asserentem dicta dilectionis necessitatem, donec ab hac Sancta Sede fuerit aliquid hac in re definitum." Ubi advertere est decretum istud, a Rom. Pontifice latum in re nondum auctoritative definita ad cohibendas animorum acerbitates et injurias, minime tamen prohibere ne sententia, que verior visa fuerit, discursu theologieo tanquam certa propugnetur.

Conclusio 1º.—ATTRITIO EX METU GEHENNAE VEL POENARUM CONCEPTA EST DISPOSITIO PROXIME SUFFICIENS AD SACRAMENTUM POENITENTIAE LEGITIME SUSCIPENDUM, QUIN ULLA REQUIRATOR FORMALIS DEI DILECTIO.—Claritudinis causa due accipiuntur partes, una qua thesis directe stabiliatur, altera qua varia adversariorum opinione refutentur.

1^a Pars prob:

1º Ex *Conc. Tridentino* (Sess. XIV, cap. 4), cuius verba sunt: "Contritionem... caritate perfectam... hominem Deo reconciliare, priusquam hoc sacramentum (Poenitentiae) actu suscipiatur... Illam vero contritionem imperfectam, quæ attritio dicitur, quoniam vel ex turpitudinis peccati consideratione, vel ex gehennæ et poenarum metu communiter concipitur, si voluntatem peccandi excludat, cum spe venie, declarat (S. Synodus) non solum non facere hominem hypocritam et magis peccatorem, verum etiam donum Dei esse et

Sp. Sancti impulsu, non adhuc quidem inhabitantis, sed tantum moventis, quo pœnitens adjutus viam sibi ad justitiam parat. Et quamvis sine sacramento Pœnitentiae per se ad justificationem perducere peccatorem nequeat, tamen eum ad Dei gratiam in sacramento Pœnitentiae impetrandam disponit". — Ex his ita argumentum conficimus: Concilium heic commendat, sub attritionis nomine ac genere, peccati detestacionem conceptam ex metu gehennæ et pœnarum (quanquam et alia motiva agnoscit). Atqui, ad mentem ejusdem Concilii, detestatio hæc haberi debet tanquam dispositio proxime sufficiens ad justificationem sacramento Pœnitentiae obtainendam: ergo. *Maj.* patet; *min. ostend:* a) et *primo*, quia docente Concilio (cap. 3) contritio generico sumpta est pars et quasi materia sacramenti, id predicare licet tum de perfecta tum de imperfecta contritione quæ attritio dicitur; porro pars et materia sacramentalis proxime sufficit in suo ordine ad sacramenti rationem. b) *Secundo* oppositio quedam a *Trid.* (cap. 4) instituitur inter contritionem perfectam et imperfectam. Atqui de prima, scil. de contritione perfecta, decernit quod hominem Deo reconciliat seu proxime justificat extra sacramentum. Ergo, cum addit contritionem imperfectam non posse ad gratiam disponere sine sacramento, sed in sacramento, hoc quoque de *proxima* dispositione est accipiendum. c) *Tertio* quod heic sit legitima Concilii interpretatione, amplius convincimur, tum ex eo quod Concilium jam dixerat attritionem (ante sacramentum) remote parare viam ad justitiam, tum ex eo quod, in hypothesi adversariorum contritionem perfectam ideoque gratiam justificantem ad sacramentum preexigente, nunquam verificaretur Concilii dictum de attritione "ad Dei gratiam in sacramento impetrandam disponente." d) *Quarto* accedit finalis *Trid.* declaratio (cap. cit.): "Quanobrem falso quidam columniantur catholicos scriptores, quasi tradiderint sacramentum Pœnitentiae, absque bono motu suscipientium, gratiam conferre"; quæ illatio (ne abscon prorsus videatur) logice ac historice subaudit doctrinam scriptorum testimantium attritionem formidolosam, quam Lutherus tenebat esse malam sed Concilium donum Dei dixit, proxime disponere ad sacramentum Pœnitentiae suscipiendum.

2º *Ex sensu scholarum.*

a) Evidem non diffitemur veteres quosdam scholasticos,

inter quos *Pet. Lombardus*, *B. Alb. Magnus*, etc., contritionistarum sententiam docuisse; verum hunc non fuisse, etiam ante Conc. Trid., communem doctorum sensum, testem habemus ipsum *Lutherum*¹: iste enim id præcise theologis catholicis exprobrabat quod docerent (in veræ contritionis detrimentum, sentiebat ille) attritionem, ex metu gehennæ et poenarum conceptam, immediate peccatorem ad absolutionem sacramentalem disponere.

b) Huc quoque pertinet *documentum synodale*² Patavensis diœcesis (I435), in quo legitur: "Nec est cautum secundum doctores theologos, quod in forma præmissa (absolutionis) dum dicitur: a peccatis tuis mihi per te confessis, addatur hæc dictio *contritis*, motum displicantæ super peccato significans caritatem ornatum, quoniam caritas non semper cuilibet confitenti præsens est, sed ei nonnumquam prima ex vi absolutionis conferunt; quo casu verba absolutionis, addita hac dictione *contritis*, additione redderentur falsa, cum talis confitens contritus antea non fuisse."

c) Praeterea, vulgare erat penes antiquos theologos effatum "attritum virtute clavium fieri contritum," quatenus nempe attrito per sacramentum conseratur gratia sanctificans quæ esse nequit sine contritione actuali vel habituali: id autem, ut patet, sufficientiam attritionis ad sacramentum involvit.—Hinc Suarezius inter attritionistas connumerat, præter *Scotum* et *Durandum*, *Paludanum*, *Capreolum*, *Cajetanum*³, *Melch. Canum*, etc; imo D. Soto doctrinam nostram thomistis in genere attribuit.—Memoratu dignæ sunt duæ declarationes post Conc. Trid. latæ, una quidem *Facultatis Parisiensis* (1638), altera *Cleri Gallicani* (1701), quibus sententia contritionistarum diserte proscrubitur⁴.

d) Quantum ad *S. Thomam*, quem adversarii suum esse jactarunt, nequaquam dubium est quin sufficientiam attritionis ad sacramentum aut implicite aut explicite sit professus.—Etenim *S. Doctor*, secus ac contritionistæ, expresse docet per timorem servilem hominem "a peccatis retrahi" (III, Q. LXXXV, a. 5), "ad Deum converti et ei inhærere"

1—Cf. Sasse, th. XXIII, schol.

2—Ibid

3—Comm. in III, Q. LXXXIV, art. 1-2.

4—Cf. *De Augustinis*, P. II, art. 7.

(II-II^a, Q. XIX, a. 2), "induci ad legis observantiam" (*ibid.* Q. XXII, a. 2); qui sunt veluti gradus ad perfectam poenitentiam proxime conducentes.—Expressius autem loquitur Angelicus (4 S. D. VI, Q. I, a. 3, qu. 1 ad 5) dicens: "Ad hoc quod homo præparet se ad gratiam in baptismo percipiendam, præxigitur fides, sed non caritas; quia *sufficit attritio* præcedens, etsi nou sit contritio;" quæ verba, de baptismo prolata, æque penitentiae congruunt (cf. Suppl. Q. X. a. 1). Amplius, legimus (4 S. D. XXII, Q. II, a. 1, qu. 3): "Quando aliquis accedit ad confessionem *attritus*, non plene contritus, si obicem non ponat, in ipsa confessione et absolutione sibi gratia et remissio peccatorum datur." Et (Quodl. IV, a. 10): "Quandoque contingit quod aliqui *non perfecte contriti* virtute clavium gratiam contritionis consequuntur."—Quoad objections petitas ex aliis locis operum S. Doctoris, utputa (Suppl. Q. IX, a. 1), vid. *Sasse*, th. XXIII, p. 157-58.

3^o Ratione:

a) Eatenus enim contritionistæ negant sufficientiam attritionis ad sacramentum Poenitentiae suscipiendum, quatenus sibi persuasum habent attritionem pure formidolosam nullatenus destinare *affectum ad peccatum*; quo quidem perseverante affectu veluti obice, nequic sacramentum effectum suum producere. Atqui supra (art. 4) ostensum est cordis affectum seu adhaerentiam ad peccatum omnino tolli posse per timorem simpliciter servilem gehennæ et poenarum, ita ut vigeat in animo voluntas sincera non peccandi, sic obicem sacramentalem removens. Ergo.

b) Insuper, ut satis constat ex hactenus disputatis, sacramentum Poenitentiae divinitus institutum est, *medicinae* ad instar, ut peccata actu existentia deleret, unde et sacramentum mortuorum vocatur. Atqui, semel admissa attritionis insufficientia ad sacramentum illud recipiendum, Poenitentia nec esset medicina delens peccata actu existentia nec legitime sacramentum mortuorum vocaretur; quandoquidem homo per contritionem perfectam (quam adversarii prærequirunt) mundaretur a peccatis suis justusque ac vivus efficeretur, antequam sacerdotis absolutionem reciperet. Ergo.—Neque respondere valet quod contritio perfecta nequic justificare sine voto sacramenti: sacramenta enim N. L. instituta sunt, non ut voto tantum et ex opere operantis, sed ut *re ipsa* et ex

opere operato agant; atque nec sacramenti votum in contritione perfecta requirendum videretur, nisi sacramentum per se et ex fine proprio foret ad peccatorum deletionem ordinatum.

c) Accedit inconveniens desumptum ex *suavitate legis evangelicæ*: repugnat enim, in nova Lege, peccatorum remissionem factam difficilem quam in veteri. Porro adversariorum hypothesis in hanc consequentiam offendit; siquidem in lege antiqua ad justificationem obtinendam sufficiebat contritionis actus sine sacramento aut ejus voto; nunc autem, praeter contritionem, Pœnitentiæ sacramentum requireretur.

2^a Pars, scil. non requiri in attritione formalem ullam Dei dilectionem, declaranda est tum generaliter, tum specialiter contra diversas opiniones.

1^o Generaliter.—Præcipuum enim ac commune adversariis sententiarum fundamentum habetur in verbis *Conc. Trid.* (Sess. VI, cap. 6), ubi Concilium, loquens de reparationis modo ad justificationem, recenset inter dispositiones actum quo peccatores Deum “tanquam omnis justitiae fontem diligere incipiunt”; quæ verba (aiunt) de præparatione ad Baptismum dicta, similiter Pœnitentiæ convenientia. Atqui argumentum hoc nullius est roboris:

a) Nam imprimis probabilius videtur Patres Trid. loco citato describere dispositiones ad justificationem generice sumptam, que nempe fiat vel per sacramentum in re, vel per sacramenti votum, ibique omnes præparationis gradus enumerari quin tamen singulos in singulis justificationibus haberi necesse sit. Hanc expositionem suadet tum *scopus* Concilii cui propositum erat in sessione sexta generalem de justificatione doctrinam proponere, tum ejus *loquendi modus* de baptismo ejus votum (præterita susceptione) inter dispositiones connumeratur.

b) At si velimus verba Tridentina accipere de dilectione quæ receptioni Baptismi ideoque etiam Pœnitentiæ præmittenda sit, responsio in promptu est. Etenim attrito formidolosa, quam sufficientem judicamus ad sacramenta illa suscipienda, triplici ex capite dici potest initiali quadam dilectione coherestari:—primo ex parte *timoris* ejus vis, veram peccati displicantiam propositumque observandæ legis

generando, ad contritionem nobiliorem et bonam vitam motivo amoris ducendam præparat; unde *S. Thomas* (II-II^a, Q. XIX, a. 8): "Timor qui est initium dilectionis¹, est timor servilis, qui introducit charitatem, sicut seta introducit linum, ut August. dicit."—*Secundo ex parte spei*, quæ timori adjungitur, veniæ peccatorum, quæque ad amorem dicit, juxta aliam sententiam *Angelici* (I-II^a, Q. XL, a. 7): "Ex hoc quod per aliquem speramus nobis posse provenire bona, movemur in ipsum sicut in bonum nostrum, et sic incipimus ipsum amare."—*Tertio et generalius ex parte agentis et finis*; nam, sub Sp. Sancto impellente (ut dicit Trid. Sess. XIV, cap. 4), attritio tanquam dispositio previa finaliter devehit ad contritionem perfectam seu caritatem quæ gratiam justificantem concomitatur. Porro dispositio propria et formalis ita est ejusdem ordinis ac forma seu finis, ut ejusdem formæ vel finis rationem initialiter participet secundum virtuosum agentis motum, qualis existit in instrumento artis. Ergo in corde attrito dilectio quedam initialiter, virtualiter, transeunter præire recte dicitur.

2^o Specialiter.

1^a sententia, requirens ad sacramentum eam contritionem perfectam quæ ad justificandum sine sacramento exigitur, jam ex dictis sufficienter explosa manet; nec præterea multos unquam patronos nacta est, hodieque vix ullum defensorem vindicare potest.

2^a sententia distinguit inter *intensam* ac *remissam* charitatem, statuens hac saltem informari contritionem opertore ut sacramentum Pœnitentiæ recipiatur.—Verum distinctio illa in proposito minime satisfacit: judice enim *D. Thoma* (II-II^a, Q. XLV, a. 4), "charitas non potest esse cum peccato mortali", uimirum vel remissus charitatis gradus (dummodo species charitatis habeatur) necessario secum trahit peccati remissionem gratiamque justificantem². Unde hec sententia in primam recedit iisdemque argumentis refutatur.

3^a sententia ea est quam *Billuart* (eui Knoll aliique con-

1—*Ecccl. XXV, 16.*

2—*Damnata est sequens Baii prop. 32^a: "Charitas illa, quæ est plenitudo legis, non est semper conjuncta cum remissione peccatorum."*

sentiunt) magno labore propugnat, docens peccatorem non posse in sacramento Pœnitentiae justificari nisi cord^z prä habeat *amorem quemdam benevolum* quo Deus in se, etsi non super omnia, diligatur.—Perro non negamus dari posse amorem hujusmodi qui nondam est charitas, sed ejus veluti aditus ac prclusio; negamus vero eundem simul cum attritione formaliter requiri ad justificationem in sacramento consequendam. Ratio est, quia ex una parte *Conc. Trid.*, ubi (Sess. XIV, cap. 4) data operâ attritionem präparatoriam ad sacramentum describit, nullam mentionem facit präfati amoris; ex altera parte, attritio per se, ex ipsa D. Thomæ doctrina, efficax est ad removendum affectum peccati et convertendum peccatoris animam in Deum, non quidem secundum quod in se diligitur, sed quatenus judex apprehendatur ac timeatur: quæ duo attritionis munera argumenta sunt potissima ab adversariis invocata in gratiam amoris benevoli.

4^a demum sententia uno verbo expeditur: modo enim attritio conjuncta sit cum spe venie et amore quo veniam illam concupiscimus, non est cur simul in animo attrito formaliter requiratur alter *concupiscentia* amor respiciens bonum aeternæ nostræ beatitudinis. Hic quidem amor laudabilis est, eum autem necessarium esse minime demonstratur¹.

Conclusio 2^a.—RECENSITIS CONDITIONIBUS QIBUS ATTRITO SACRAMENTALIS INSTRUCTA ESSE DEbet, BREVITER INQUIRITUR NUM SACRAMENTUM Pœnitentiae POSSIT ESSE SIMUL VALIDUM ET INFORME.

1^a Pars est de conditionibus quæ attritioni sacramentali conveniunt. Igitur attritio, ut ad *gratiam* sacramenti conduceat, debet esse:—1^o *formalis* seu constans actu quo voluntas vere ac explicite peccatum detestetur; verba enim Tridentini talen^m detestationem requirentis formaliter accipienda sunt. Unde non sufficeret dolor mere virtualis aut implicatus.—2^o Debet esse *supernaturalis*, tum ratione principii quo juvante elicatur, tum ratione motivi quod ad Deum aliquatenus referatur: hoc enim exigit proportio seu connexio

1.—Circa materiam presentis conclusionis utiliter consultetur opus cui titulus: *Dell' attritione quasi materia e parte del sacramento della Penitenza*, a Jos. Benaglio conscriptum (2 vol.).

inter dispositionem, scil. attritionem, et formam, scil. gratiam justificantem. Idecirco *Trid.* (Sess. XIV, cap. 4) dolorem illum exhibet quasi "donum Dei et Sp. Sancti impulsum non adhuc quidam inhabitantis, sed tantum moventis"¹.—
 3º Debet esse *universalis*, quatenus nempe ad omnia mortalia non directe remissa vi sui motivi extendatur; nequit enim aliquod mortale sine dolore remitti, nec ullum sine alio.—4º Debet esse *summa*, non quidem intensive, sed saltem *appretiative* (uti de contritione perfecta diximus), in quantum peccatum superius omni malo appretietur.—5º Debet esse *spe venia* erecta, prouti *Trid.* (*l. cit.*) expresse declarat; per spem enim homo, discedens a peccato, sese ad Deum convertit tanquam ad justitiae fontem seu auctorem justificationis illius cui attrito est *præambula*.—6º Denique debet esse *efficax*, eo sensu quod excludat *omnem* peccati affectum seu omnem peccandi voluntatem: ratio patet.

2º *Pars* adjicitur circa *problema* valde controversum, utrum Pœnitentia simul esse possit valida et *informis*.—Nobis arridet sententia affirmans quam *S. Alphonsus* probabiliorem dicit, quæque suadetur:

1º Auctoritate *S. Thomæ*; hic enim (*Suppl. Q. IX*, a. 1) expresse querit de confessione an possit esse *informis*, et respondet: "Secundum quod est pars sacramenti, sic ordinat confitentem ad sacerdotem qui habet claves Ecclesiæ, qui per confessionem conscientiam confitentis cognoscit; et secundum hoc confessio potest esse etiam in eo qui non est contritus (i. e. sufficienter attritus); et quamvis tunc non percipiat absolutonis fructum, tamen recedente fictione percipere incipiet." Juxta hanc doctrinam attrito sufficiens esse potest in ratione *partis* sacramenti, insufficiens tamen in ratione *dispositionis* ad gratiam sacramentalem².—Hunc in attritione defectum plerique cum *Cajetano* (*Opusc. de Conf. q. 5*) reputant ex eo quod forte contingat vel illam non esse *appretiative summam* vel non extenderet suam efficaciam usque ad excludendam omnem peccandi voluntatem.

1—*Damna* est ab Innoc. XI sequens prop. 57º: "Probabile est, sufficere a' ratione *naturalem*, modo honestam."

2—Prost. supponitur eum qui ad sacramentum accedit ne sciam esse illis insufficientem; secus, sacrilego se gereret, nec etiam valide recipere posset sacramentum cui tam directe repugnat indispocationem secum ferret.

2º *Ratione.*—*a)* Etenim, ut arguit *Cajetanus* (*l. cit.*), contritio vel attritio essentiam sacramenti Pœnitentiæ veluti pars ingreditur, non secundum se, sed secundum quod refertur ad confessionem, eoque sensibili actu manifestatur ita ut sic pœnitens clavium judicio subjiciat spontaneam recompenſandi voluntatem. Atqui id reperitur in omni attritione sincera, quanquam hæc forte non assurgat usque ad totam appretiationis vel efficaciam perfectionem; quæ perfectio seu gradus determinatio cæteroquin apta non est a sacerdote juridice pensari. Ergo.—*b)* Præterea, ista, quam tuemur, sententia magis congruit procurandæ quieti conscientiarum circa peractas neque iterandas (etsi informes fuerint) confessiones; e contrario, opposita sententia proclivem viam aperiret infinitis pene confessionum repetitionibus pro frequentibus dubiis de attritionis sufficientia, quæ dubia, in hypothesi, etiam sacramenti validitatem inficerent¹.—*c)* Scite igitur concludit *S. Thomas* (*l. cit.*): “Unde non tenetur iterare confessionem, qui factus accedit, sed tenetur postmodum fictionem suam confiteri,” si nempe (ut bene explicat *Billot*, in *h. l.*) fictio illa fuerit formalis seu si indispositio pœnitentis acciderit ex gravi ejus negligentia, de qua tamen amplius non cogitavit. Sacramentum vero, remoto per attritionem perfectiorem obice, reviviscere dicendum est, quatenus jus ad gratiam sacramentaliter inditum sed effectu frustratum, semel ac subjectum fuerit dispositum, gratiam debitam consequitur.

Solv. obj. (cont. 1^{am} concl.).—OBJ. 1.—Juxta *Trid.*, contritio est dolor de peccato commisso cum proposito amplius non peccandi ideoque observandi præceptum dilectionis Dei. Atqui propositum hoc esse nequit sine Dei amore. Ergo.

RESP. C. M.—*D. m* :...sine amore formalis, *N*; sine amore virtuali, *C*.—*Neg. conseq.*

OBJ. 2.—Legitur (*1 Joan. III, 14*): *Qui non diligit, manet in morte.* Atqui manere in morte excludit justificationem. Ergo.

RESP. D. M:... i. e. qui odit fratrem demonstrat se esse in statu et affectu peccati, *C*; i. e. sine prævio caritatis actu nequit peccator de morte peccati ad vitam gratiae transire, *N*.—*D. m* :... manere in morte seu in affectu peccati... *C*;

1—Vid. plura ap. *Joan. a S. Thoma*, Disp. XXXIII, a. 6.

versari in statu peccati cuius affectus depositus est... N.—
Neg. conseq.

OBJ. 3.—S. J. Chrys. sic fideles ad poenitentiam hortatur (Hom. 4 in 2 Cor. n. 6): “Cum peccaveris, ingemisce, non quod poenas daturus sis, sed quod Dominum tuum offenderis tam benignum, tam te amantem” etc.—Item S. August. (cont. Petilian. c. 77, n. 172): “Teneamus caritatem, sine qua et cum sacramentis et cuin fide nihil sumus.” Ergo.

RESP. ad 1^m, S. J. *Chrysostomum* poenitentiam ex timore conceptam parvipendere, non quod eam damnet vel insufficientem ad sacramentum habeat, sed quia longe inferior est alterâ poenitentiâ ductâ ex amore quam propterea vehementer commendat.—Ad 2^m resp. S. *Augustini* sensum hunc videri, charitatem tantopere esse necessariam, ut si eam contingat nec sacramentis nec fide in nobis excitari, nihil vere seu simpliciter meritorum in ordine ad salutem operari possumus: hoc autem quis neget?

OBJ. 4.—“Primum quod in Poenitentia requiritur est ordinatio mentis, ut scil. mens convertatur ad Deum et avertatur a peccato” (S. Th., C. G. IV, 72). Atqui “mens nostra debite ad Deum converti non potest siue charitate” (*ibid.*). Ergo.

RESP. D. M:...ut convertatur ad Deum *inchoate* et vialiter, C; *consummate* et terminaliter, N.—C.d.m.—Neg. conseq.

, con-
i pars
tur ad
ut sic
nsandi
incera,
pretia-
gradus
uridice
ntentia
perac-
ones; e
auinitis
mibiis de
n sacra-
udit S.
sionem,
n suam
ictio illa
derit ex
ogitavit.
m obice,
eramen-
abjectum

rid., con-
amplius
onis Dei.
Ergo.
ne amore

diligit,
justifica-

at se esse
tatis actu
e transire,
cati... C;

QUÆSTIO TERTIA

DE CONFESSIONE

Alteram sacramenti Pœnitentiae partem, scil. confessionem, exponendam suscipimus; de qua quum duo soleant dogmatically inquire, *an* sit et *qualis* sit, eam ob rem duos instituimus articulos.

ARTICULUS I.

De necessitate seu existentia confessionis.

(Suppl. Q. VI-VII)

1^o Ut cuique perspicuum est, *confessionis* nomen plures significaciones præsefert; nos autem illud in præsentiarum usurpamus pro eo pœnitentiae actu qui a theologis definitur "accusatio peccatorum priorum post baptismum commissorum facta a pœnitente sacerdoti legitimo ad veniam virtute clavium obtinendam." Dicitur *accusatio*, quia in tribunali Pœnitentiae peccata non sunt historico vel ostentatio modo, sed pœnitenti animo declaranda; additur *peccatorum priorum post baptismum commissorum*, ut designetur confessionis materia, ad quam manifestum est non pertinere defectus naturales aut tentationes prorsus involuntarias; dicitur quoque *facta a pœnitente*, quatenus ejus tantum qui deliquerit esse debet accusatio ista interno dolore producta; insuper dicitur *sacerdoti legitimo*, scil. debita juris fictione munito; tandem dicitur *ad veniam virtute clavium obtinendam*, ut indicetur confessionis finis et effectus.

2^o Licet veteres quidam hæretici male circa Pœnitentiam et confessionem senserint (Bellarm., l. III, c. 1), primus tamen *Wicelius* sive. XIV refertur directe confessionem sacramentalem oppugnasse, asserens eam minime in Scripturis fundari solaque institutione papali introductam esse¹.—Sive.

1—Cf. 7^a Inter propp. damnatas in Conc. Constant.

XV *Petrus Oxumensis* commentus est peccata mortalia contritione deleri sine ordine ad claves nec jure divino præscribi distinctam peccatorum confessionem¹.—Sæc. XVI *Novatores* in eodem errore prædicando consenserunt, confessionem scil., etsi quadammodo utilem, nequaquam esse de jure divino, eam vero quæ penes catholicos fidelibus imponitur cruentam esse carnificinam, ab Innoc. III (juxta Calvinum) inductam.—*Hodierni protestantes* ejusdemque sectæ (si Ritualistas excipiamus) nullum forte dogma catholicum vehementius horrecent quam confessionem auricularem.

3º Itaque contra hos omnes adversarios firmiter thesis adstruenda est qua liquido pateat non solum confessionem divinum esse opus, sed eam sublimi quodam artificio hominis indoli ac necessitatibus mirifice accommodari.

Conclusio.—INTEGRA PECCATORUM CONFESSIO IN SACRAMENTO PENITENTIAE A DOMINO INSTITUTA EST, ITA UT OMNIBUS POST BAPTISMUM LAPSIS JURE DIVINO NECESSARIA EXISTAT.—Sic fere ad verbum *Conc. Trid.* (Sess. XIV, cap. 5; cf. can. 6-8).

1º a) *Ante Christum* adumbratio tantum ac præsignatio aliqua confessionis sacramentatis deprehenditur. “Confessio, ait *Auctor* (Q. VI, a. 2 ad 2), quamvis aliqualiter esset in lege Moysi, non tamen eodem modo sicut in Lege nova, nec sicut in lege Nature. In lege enim Nature sufficiebat recognitio peccati interior apud Deum; sed in lege Moysi oportebat aliquo signo exteriori peccatum protestari, sicut per oblationem hostie pro peccato, ex quo etiam homini innocescere poterat eum peccasse; non autem oportebat ut speciale peccatum a se commissum manifestaret aut peccati circumstantias, sicut in nova lege oportet”.—Præter hanc confessionis adumbrationem mox memoratam, plures Patres (referente *Bellar. I. III*, cap. 3) alias ejusdem instituti figuræ acceperunt, unam quidem in eo quod Deus (Gen. III-IV) ab Adamo et Eva neenon a Caïn confessionem peccati etiam in speciali coram angelo ministro exegerit, alteram vero in lege (Levit. XIII-XIV) qua judicium leprosorum sacerdotibus declarandæ eorum arbitrio committebatur.

b) *Prius*, tempore Christi prænuntiatam fuisse confessio

1.—Cf. 1^a-4^a inter propp. damnatas a Sixto IV.

sionem ita scribit *S. Thomas* (*Q. cit. a. 6 ad 2*): "Præceptum de confessione non est ab homine primo institutum, quamvis sit a Jacobo promulgatum¹, sed a Deo institutionem habuit, et quamvis expressa ipsius institutio non legitur, tamen quedam præfiguratio ipsius invenitur in hoc quod Joanni confitebantur peccata sua qui baptismō ipsius ad gratiam Christi preparabantur, et in hoc quod Dominus sacerdotibus leprosos transmisit; qui quamvis non essent novi Testamenti sacerdotes, tamen in eis novi Test. sacerdotium significabatur".

c) Potissimum argumentum illud est quod indicat ipsum *Trid. (Sess. XIV, cap. 5)* dicens: "Dominus noster J. C., e terris ascensurus ad cœlos, sacerdotes sui ipsius vicarios reliquit tanquam præsides et *judices*², ad quos omnia mortalia crimina deferantur in quæ Christifideles ceciderint, quo, pro potestate clavium remissionis aut retentionis peccatorum, sententiam pronuntient. Constat enim sacerdotes judicium hoc, incognita causa, exercere non potuisse, neque iequitatem quidem illos in pœnis injungendis sorvare potuisse, si in genere duntaxat et non potius in specie ac sigillatim sua ipsi peccata declarassent." Ex quibus liquet duas rationes *ex institutione sacramenti Pœnitentiae* secundum judicii modum (quem modum vel ab initio demonstratum supponimus) assignari a Concilio ad probandam confessionis necessitatatem:—
1^a ratio est juridica *causa cognitio seu discussio ex qua innotescat quæ peccata judicanda sint, qua constent gravitate, quo animi dolore revealentur, quibus sint remedii sananda.* Nec occultorum tantum, sed et apertorum peccatorum accusationem hanc fieri oportere, ratione predicta evinicitur. Nam "quamvis, ait *S. Th.* (*Q. VII, a. 1 ad 1*), sacerdos aliquando sciat pœnitentis peccatum ut homo, non tamen scit ut *Christi vicarius*; sicut etiam judex aliquando scit aliquid ut homo quod nescit ut judex, et quantum ad hoc per confessionem aperitur. Vel dicendum quod quamvis actus exterior in aperito sit, actus tamen *interior*, qui principium est actus exterioris, in occulto est; et ideo oportet quod per confes-

1—(*V, 16*): *Consterni alterutrum peccata vestra.*

2—*Ioan. XX, Matth. XVI et XVII.*—Cf. *Disp. I, Q. I, a. 1*, ubi jam argumentum istud prelibavimus.

sionem aperiatur."—**2^a ratio** assignata a Trid. est *satisfactio injungenda* pro peccatis: licet enim sacramentum Pœnitentiae principaliter ordinetur ad remissionem culpe, secundario etiam "per confessionis erubescientiam, et vim clavium quibus se pœnitens subjicit, et satisfactionem injunctam, quam sacerdos moderatur secundum qualitatem criminum sibi per confessionem innotescientium, pœna temporalis expiatur" (Q. VI, a. 1 ad 1). Igitur "quum subire pœnam pro culpa judicium quoddam requirat, oportet quod pœnitens qui se Christo sanandum commisit, Christi judicium in taxatione pœnæ expectet: quod quidem per suos ministros exhibet Christus, sicut et cætera sacramenta. Nullus autem potest judicare de culpis quæ ignorat. Necessarium igitur fuit confessionem institui quasi secundam partem hujusmodi sacramenti, ut culpa pœnitentis innotescat Christi ministro. Oportet igitur ministrum cui fit confessio, iudicariam potestatem habere vice Christi, qui constitutus est iudex vivorum et mortuorum. Ad iudicariam autem potestatem duo requiruntur, scil. auctoritas cognoscendi de culpa, et potestas absolvendi vel condemnandi. Et haec duo dicuntur duæ claves Ecclesiæ, scil. scientia discernendi et potentia ligandi et solvendi" (C. G. IV, 72). Ergo eodem *divino jure* quo sacramentum Pœnitentiae institutum est, eademque necessitate, confessio consistit.

d) Amplius, tres sunt *Scripturæ* loci quibus, si non certo, saltem valde probabiliter confessionis usus commendari aut commemorari videtur¹.—**1^o** locus est (Jac. V, 16): *Confitemini alterutrum peccata vestra; ubi vox alterutrum accipienda est prout exigit consequentia verborum, scil. confitemini homines pœnitentes hominibus facultate absolvendi predictis.* Hæc autem monitio de confessione apte connectitur cum verbis precedentibus S. Jacobi de Extrema-Untione.—**2^o** locus habetur (1 Joan. I, 9): *Si confiteamur peccata nostra, fidelis est et justus, ut remittat nobis peccata nostra, et emundet nos ab omni iniquitate;* quibus verbis (ut bene notat Bellarm.) confessio per hoc maxime indigitatur quod illud *fidelis* sat clare resertur ad Domini promissionem factam Apostolis eorumque in sacerdotio successoribus: *quorum*

1—Ap. Bellarmino, l. III, cap. 4.

remiseritis peccata, etc. — 3^{us} locus legitur (Act. XIX, 18) : *Multique credentium veniebant confitentes et annuntiantes actus suos*; qui locus accipiens est de confessione fidelium, quia dicuntur *credentes*, et de confessione in specie, quia confitebantur *actus suos*, et de confessione facta hominibus, cum ad Paulum accurrerent.

2^o *Traditio* ingentem objicit testium nubem demonstrantium confessionis praxis semper, vel ab exordio, in Ecclesia viguisse; ex quo inferre pronum est, usum tam constantem tamque perpetuum in re tam ardua nonnisi a divino mandato procedere potuisse.—Longius sane foret singulos Patres de confessione passim loquentes in medium producere; satius erit eorum suffragia (a Bellarmino, l. III, cc. 6-11, aliisque eruditis ex singulis etatibus collecta) ad summa quedam doctrinæ capita revocare.

a) *Primo* igitur observamus Patrum testimonia usque ad sœcula revo apostolico proxima ascendere; siquidem (ut omittamus Clem., primæ ætatis scriptorem, confessionem leviter commemorantem 1 Cor. nn. 51-52) testes habemus sœc. II S. Irenæum et Tertullianum, sœc. III Origenem et S. Cyprianum, et ita porro; audiatur *Origenes* (Hom. 2 in Levit. n. 4) dicens de peccatore: “ *Non erubescit sacerdoti Domini indicare peccatum suum et querere medicinam.* ”

b) *Secundo* Patres docent peccatorum accusationem, sacerdoti factam, necessariam esse ad eorum veniam eorum Deo obtinendam. Sic *Tertullianus* (de Pœnit. c. 9-10), descripta exomologesi seu confessione, ejus necessitatem inculcat ac negligentes reprehendit: “ *Plerisque, ait, hoc opus, ut publicationem sui, aut suffugero aut de die in diem differre præsumo, pudoris magis memores quam salutis...* An melius est damnatum latere, quam palam absolvi? ” Consonant alii quicunque comparant peccatorem ægroto, sacerdotem medico, et scribunt, quemadmodum *vulnus ignotum*, ita et peccatum curari non posse quod non manifestetur (Orig., S. Cyp., Aphraates Syr., S. Basilus, etc.).

c) *Tertio* non solum Patres nunquam Ecclesiam exhibit centrum confessionis institutricem, sed satis clare revelant divinam hujus praxis *originem*, quando v. g. ministros confessionis nominant “ *sacerdotes Dei* ” quorum sententia “ apud Deum

, 18) :
iantes
elium,
, quia
nibus,

nstran-
Ecclesia
stantem
nancato
tres de
satius
aliisque
quedam

sqne ad
ut omit-
ssionem
habemus
genem et
om. 2 in
acerdoti
am."

m, sacer-
ram Deo
descripta
culent ac
ut publi-
erre prie-
nolius est
nant alii
i medico,
peccatum
S. Cyp.,

exhibent
t divinam
nfessionis
ud Deum

grata est" (S. Cyprianus) aut a quibus "ligandi et solvendi potestas" divinitus collata exercetur (S. Aug., S. Greg. M.).

d) Quarto denique veteres aperte testantur *omnia* prorsus peccata mortalia post baptismum commissa esse confitenda; dignus est p̄te aliis qui referatur *Origenes* (Hom. 3 in Levit. n. 4) : "In publicum proferenda cuncta, quæ gerimus. Si quid in occulto gerimus, si quid in sermone solo vel etiam intra cogitationum secreta commisisimus, cuncta necesse est publicari, cuncta proferri." Et (Hom. 2 in Ps. 37, n. 6) : "Hi qui peccaverunt, si quid occultant et retinent intra se peccatum, intrinsecus urgentur et propernendum suffocantur phlegmate vel humore peccati. Si autem ipse sui accusator fiat, dum accusat semetipsum et confitetur, simul evomit et delictum atque omnem morbi digerit causam. Tantummodo circumspice diligentius, cui debeas confiteri peccatum tuum; proba prius medicum, cui debebas causam languoris exponere." Accedit S. Joan. Chrys. (Hom. 20 in Gen. n. 3) : "Qui hæc fecit, si voluerit, ut decet, uti conscientie adjumento, et ad confessionem facinorum festinare et nucus ostendere medico, qui curet et non expobret, atque ab illo remedia accipere ac soli ei loqui, nullo alio conscio, et omnia dicere cum diligentia, facile peccata sua enendabit."

3º *Consensus Ecclesice* tum *Occidentalis* tum *Orientalis* amplius elucet ex variis utrinque monumentis.—a) Multa in primis citantur a theologis¹ latina Concilia Innocentio III antiquiora, quorum decreta circa confessionem habentur; specimen gratia esto *Conc. Turon. III*(813), c. 22: "Episcopis et presbyteris diligenti cautela pertractandum est, qualiter hominibus sua sibi delicta confitentibus tempus abstinenti absciribant, ut juxta modum peccati pœnitentibus abstinentia indicatur, quoniam varie ab aliquibus sacerdotibus et indiscrete hæc judicia proferuntur."—b) Ecclesia Orientalis diu jam schismate vel heresi divisa ab Ecclesia latina eamdem constanter professa est fidem (quod *Sasse*, p. 169, adstruit tum quoad *Grecos*, tum quoad *Coptas*, *Syros*, *Jacobitas*, *Armenos*). Jamvero iste consensus schismaticorum et hereticorum orientalium certissimum est divinitatis necessitatissimum sacramentariae confessionis argumentum: nec

1—Bellarm. l. III, c. 5; Knoll, *de Confess. III*; *Sasse*, th. 26; etc.

enim schismatici a latinis, nec latini a schismaticis, sed omnes ex communī fonte, scil. ex Ecclesia primæva Christi documentis imbuta, doctrinam illam hausisse cestimandi sunt.

4º Ratio duplici præsertim ex medio suadet confessionis convenientiam :

a) Primo ex ejusdem confessionis mira congruentia cum natura humana. Illud enim dogma convenientissimum dici debet, quod naturæ hominis ejusque intimioribus necessitatibus optime accommodatur. Atqui confessio hujusmodi est, ita ut Deus, ad illam instituendam, nihil aliud egisse videatur quam naturalem hominis inclinationem supernaturali virtute evehere atque transformare : ergo. *Maj.* patet ex principio solemni apud D. Thomam, quod nempe gratia non destruit naturam, sed eam juxta modum proprium complet, elevat, atque perficit. *Min. ostend* :—Et imprimis confessio fundamentum analogiæ habet in ipsa indole *physica* hominis : sicut enim natura organica venenum, humores pravos, cibum indigestum veluti spoute ejicit eaque ejectione relevatur, ita per confessionem anima connaturali quadam vi peccatum a se egerit, ex quo magnum conscientie solarium experitur. — Præterea, inest homini innatum, nec omnino peccatis oblitteratum, desiderium manifestandæ *veritatis* procurandæque *justitiae* vel recompensationis ; item homo nativa propensione inclinatur ad *patefacienda* consentienti cuique secretiora sua sive tristitia sive gaudii sensa, ad querendum penes amicum cui confidat *lumen* quo in dubiis dirigatur, *virtutem* qua in adversis roboretur, *remedium* quo saucius ac infirmus reparetur. Jamvero confessio sacramentaria omnibus hisce necessitatibus mirifice respondet ; eo magis quod ille cui confessa peccata committuntur iis præstat virtutibus ac muneribus que maximam fiduciam merentur queque penes amicos et arbitros in humanis rebus sœpius desiderantur¹.

b) Secundo ex utilitate multimoda confessionis, quam Bellarminus, l. III, c. 12, concinne exponit. "Confessio, ait, tot parit utilitates, ut plane divino consilio instituta videri

¹ — Argumentum hoc bene evolvit Aug. Nicolas in suo opere, *Etudes phil. sur le Christianisme*, t. III, o. 16. — Cf. quoque Bougaud, *Le Christ. et les temps présents*, t. V, o. 6.

possit, etiamsi id ita esse non aliunde constaret. Nam sive Deum consideremus, sive sacerdotes qui Dei auctoritate Ecclesiam regunt, sive Ecclesiam ipsam universam, sive fideles singulos, undique insignis confessionis utilitas se ostendit.— Elucet in primis in hoc opere admirabilis *Dei misericordia*, qui confessionem noua extorquet more judicum hujus saeculi ut confessos damnet, sed potius instar medici, ut patefacta vulnera continuo sanet; elucet nihilominus etiam *justitia*, quæ superbiam peccatoris confessionis humilitate comprimit, et eos, qui turpia impudenter admirerunt, confessionis ruborem tolerare voluit.—Ad *pastores animarum* magna utilitas reddit, dum per confessionem morbos ovium suarum intelligunt, et eo modo tum singulis seorsim convenientia remedia adhibere possunt, tum in publicis concionibus generatim ea vitia potissimum reprehendere quibus gregetur suum magis obnoxium esse sciunt.—Ad *Ecclesiam universam* atque ad ipsam *republicam politicam* multiplex utilitas ex confessione accedit: multa enim, que per judices in externo foro emendari numquam potuissent, nullo negotio per sacerdotes in foro conscientiae emendantur, dum restituuntur ablata, dimituntur injuriæ, conciliantur paces, dissolvuntur contractus injusti, dissociantur male icta foedera, aliaque id genus plurima privatim perficiuntur, ex quibus scandala publica removentur, et pax ac tranquillitas reipublicæ redditur.—Sed præcipua utilitas eorum est *qui confessionem*, sicut oportet, integræ ac fideliter obeunt. Nam, ut omittam quod eis peccata remittuntur, et in gratiam cum Deo redeunt, qui est communis fructus omnium sacramentorum, referunt ii, si volunt, ea confessione consilium, instructionem, consolationem, quietem animæ ob præterita, remedium contra futura" etc¹.

Solv. obj.—OBJ. 1. — Legitur (1 Cor. XI, 28): *Probet autem se ipsum homo, et sic de pane illo edat et de calice bibat.* Atqui se ipsum probare, non est probari ab aliis in confitendo illis peccata. Ergo. (Ita Dallœus calvinista).

RESP. *D. M.* quoad sensum: et hic Ap. prescribit con-

1—Utilitatem confessionis agnoverunt protestantes impræjudicatio mentis, uti præprimis Leibnitius in *Syst. theolog.* (ed. Mogunt. 1826) p. 204: "Totum hoc institutum, inquit, divina sapientia dignum esse negari non potest, et si quid aliud, hoc certe in christiana religione præclarum et laudabile est" etc.

scientiæ probationem a fidelibus præmittendam sumptioni Eucharistiæ, *C.*; nihil aliud præstari vult ab illis si se probatione illa reos peccati mortalis invenerint, *N.*—*Trans. m.*—*Neg. conseq.*

Probatio, de qua loquitur Ap., in eo est ut quisquis communicare velit, primo consideret utrum neque dignus sit sumptione Eucharistiæ.—Quod si fideles hoc examine deprehenderint se esse reos peccati gravis, consequens est ut mediis a Christo institutis tantum ad execundam hanc indignitatem; inter illa autem raudia, et Corinthii noverant, continetur confessio sacramentis, quam idecirco ipsa antiquitas (vid. Hurter, th. 142) peccatoribus necessariam ad communicandum judicavit. Cf. *Trid. Sess. XII*, cap. 7.

Obj. 2.—Episcopus nequit supprimere quod est de jure divino. Atqui referunt historici (Socrates, Sozomenus, Niceph. Call.), Nectarium, Ep. Cptanum, ob scandalosum crimen confessione proditum, ritum pœnitentiale abrogasse. Ergo. (Ita Calvinus).

RESP. C. M.—D. m....abrogasse ipsam confessionem, *N*; modum quemdam disciplinarem agendæ pœnitentiæ, *C.*—*Neg. conseq.*

1º Factum illud, quod Protestantes magna cum confidentia contra catholicos urgunt, a nonnullis in dubium vocatur; sed communior veriorque simul esse videtur opinio quæ ejus authentiam admittit.—2º Itaque, hac veritate supposita, contendimus prefatum Nectarium abrogasse, non quidem ipsam confessionem, sed modum seu ritum confessio pure accidentalem, scil. ritum illum qui moderante tribunali ejusdem presbyteri pœnitentiarii exercebatur. Ratio est, quia id urofecto sublatum est, quod causa vel occasio scandali extiterat hoc autem minime fuit confessio simpliciter sumpta, sed usus vel abusus potestatis qua presbyter pœnitentiarius induxerat divulgationem criminis quod secretum pœnitentiæ erat occultandum.—Unde 3º quando historici narrant a Nectario indultum ut “unusquisque pro arbitrio et animi sui conscientia ad sacramentorum communionem accederet,” id tantum significatum censeamus liberum jam cuique fuisse sibi, dictante conscientia, confessarium pro libitu eligere¹.

1—De hac objectione vid. plura ap. Bellarminum, l. III, c. 14.

OBJ. 3.—Plures Patres, in specie S. Joan. Chrys., Nectarii successor (cf. Hom. 5 de Iucomprehensibili, n. 7), docent peccata confitenda esse soli Deo. Atqui confiteri soli Deo excludit ritum confessionis penes catholicos vigenteum. Ergo. (Ita rursus Calvinus).

RESP. D. M.:...ut designetur causa *principaliter agens* in pœnitentia, C; quasi non sit sub ea causa *ministerialis*, N.—C.d.m.—*Neg. conseq.*

1º Duplici de causa confessio, qualis apud nos exercetur, dici potest facta soli Deo: a) *primo*, quia sacerdos non suo, sed Christi principaliter agentis nomine, confessionem excipit et pœnitentem absolvit; quæ autem per Dei ministerium fiunt, merito Deo tribuuntur. b) *Secundo*, quia peccata sacerdoti commissa sub sigillo sacramentali ita occulta manent, ac si Deo immediate et citra ministerium sacerdotale declararentur.—2º Quod reapse *Joan. Chrys.* nequaquam sacerdotis ministerium in opere confessionis excluderit, liquidæ ejus sententiae certam fidem faciunt. Sic v. g. loquitur (de Lazaro Cone. IV, n. 4): “Cur te, quæso, pudet et erubescis dicere peccata tua? Num enim homini dicis, ut te probro afficiat? Num enim conservo confiteris, ut in publicum proferat? Immo vero ei qui Dominus, ei qui tui curam gerit, ei qui humanus est, ei qui medicus est, ostendis vulnera.” Quo loco manifestum est S. Doctorem fideles hortari ad ruborem verecundie vincendum, quia sacerdoti quidem fit confessio, sed tanquam Deo.

OBJ. 4.—Peccatum actuale, quod ex seipso quilibet commisit, oportet ex proprio peccatoris motu medicinam habere. Atqui contra tale peccatum ordinatur pœnitentia. Ergo.

RESP. D. M.:...oportet medicinam habere *cooperante* peccatore, C; ad exclusionem externi adjutorii, N.—C.m.—*Neg. conseq.*

“Peccatum quod ex altero contractum est, scil. *originale*, potest omnino ab extrinseco remedium habere, ut in parvulis patet; sed peccatum *actuale*, quod ex seipso quisque commisit, non potest expiari, nisi aliquid cooperetur ille qui peccavit. Sed tamen non sufficit ad peccatum expiadum ex seipso, sicut sufficienter peccatum commisit, eo quod peccatum ex parte conversionis est finitum, ex qua parte peccator in ipsum reducitur; sed ex parte aversionis habet infinitatem,

ptioni
proba-
m.—
s com-
us sit
depre-
mediis
atem;
inetur
(vid.
nican-

de jure
Niceph.
crimen
. Ergo.

em, N;
e, C.—

hidentia
ur; sed
ue ejus
ita, con-
m ipsam
ire acci-
ujusdam
a id vro-
xtitera
pta, sec-
entiarins
entientia
t a Nec-
nnimi sui
leret,” id
ue fuisse
gere¹.

c. 14.

ex qua parte oportet quod peccati remissio ab alio incipiat" (Q. VI, a. 1 ad 2): hoc autem externum adjutorium primario a Deo, secundario autem ab ejus vicario peccatori confitenti offertur, ita ut confessio hujusmodi pœnitentiae opus longe efficacius reddat.

ARTICULUS II.

De qualitate seu modo confessionis.

(Q. IX, a. 24)

1º Qualem esse confessionem oporteat ut valida ac fructuosa sit, multis solent moralistæ inquirere ac determinare. Nostri quidem instituti non est ea omnia in specie persequi¹; sed satis factum videbitur, si pauca attigerimus de duplice quæstione huc propriis pertinente, nempe de *integritate* confessionis et de *modo externo* quo peragi debeat.

2º a) Quoad *integritatem*, eam necessariam esse negant adversarii quotquot præc. art. impugnavimus.—Posse vero saltet aliquando sacramentaliter absolvi pœnitentem qui peccata duntaxat *in genero* accuset, inficiati sunt nonnulli theologi quibus tamen plerique merito contradicunt.

b) Quoad *modum* confitendi, quæstio esse potest num ad confessionis essentiam pertineat necne ut sit *secreta*; insuper, utrum secreta haec vel auricularis confessio etiam *primis Ecclesiæ sacerulis* jugiter obtinuerit: id enim admittere detrectant *Protestantes* dicentes quidquid Patres hac de re scripsierint referri ad solam pœnitentiam solemnem, in quo illis catholici quidam ad *concessionismum* proni minus cante assentiunt².—Demum dubitatio postremo solvenda offertur, num in omni casu requiratur *sensibilis* quædam manifestatio qua pœnitens se clavibus Ecclesiæ subjiciat.

1—Plura utilia reperire est ap. S. Thomam, Opusc. LXIII, *De modo confitendi et de puritate conscientie*;—cf. quoque *Catech. Trid.* (de Pœnit.).

2—Cf. Fontaline, *Les infiltrations protestantes et le clergé français* (1901), ch. I, parag. 8.

Conclusio 1^a. — CONFESSIO ESSE DEBET INTEGRA, ITA TAMENTUM UT SUFFICIAT INTEGRITAS FORMALIS; FIERI VERO POTEST, ETIAM EXTRA CASUM NECESSITATIS, UT CONFESSIO PECCATORUM OMNINO GENERICA SACRAMENTALITER VALEAT. — *Integra* generaliter dicitur confessio, qua omnia ac singula peccata commissa secundum speciem ac numerum aperiuntur. Duplex autem distinguitur *integritas*, materialis ac formalis: *materialis* quam lex de se et speculative requirit; *formalis* vero, ad quam quisque proxime obligatur pro sua conditione ac possibilitatis mensura. — His positis, tres concl. partes distinctim declarandæ sunt.

1^a *Pars certitudine fidei* constat tum ex *Flor.* (Dec. pro Arm.), tum ex *Trid. Conc.* (Sess. XIV, can. 7): “Si quis dixerit, in sacramento Pœn. ad remissionem peccatorum necessarium non esse jure divino confiteri *omnia et singula peccata mortalia* quorum memoria cum debita et diligenti præmeditatione habeatur, etiam occulta et quæ sunt contra duo ultima Decalogi præcepta, et circumstantias quæ peccati speciem mutant... A. S.”

1^b *Prædicatio et praxis antiquitatis* (inquit *Sasse*, th. 28) manifesta est a) ex eo quod Patres fideles gravissime hortantur ne peccata sua confiteri erubescant, erubescentia autem ex confessione distincta nascitur; — b) quia iidem Patres passim monent peccata etiam *interna* esse aperienda; — c) quia dicunt sacerdoti manifestanda esse peccata tanquam *medico vulnera animæ sanaturo*; — d) quia libri pœnitentiales diversis specificè peccatis *diversas pœnitentias* præscribunt.

2^a *Duplex ratio* sponte suppetit.

a) Christus enim sacramentum Pœnitentiae instituit per modum *judicii*. Atqui potestas judicialis nequit prudenter exerceri absque distincta causæ cognitione, qua informatus judex omnem valeat juris læsi rationem perpendere et vindicare. Ergo.

b) Rursus (ut arguit *S. Th.* a. 2) sacramentum Pœnitentiae exhibetur sub specie *medicinae*. Atqui in corporalibus medicis non unum solum morbum immediate sanandum, sed universaliter totam infirmi habitudinem cognoscat necesse est, eo quod unus morbus ex adjunctione alterius aggravatur et medicina, quæ uni morbo competet, alteri forte nocumen-

tum præstaret. Ergo et in spiritualibus, iisdem de causis, oportet ut sacerdos in specie cognoscat omnia et singula peccata, quibus possit opportuna remedia adhibere.

2^a Pars de sufficientia integritatis formalis ostend:

Et 1^o hanc esse *Conc. Tridentini* doctrinam, luculenter declarant quæ scribit (Sess. XIV, cap. 5) : “ Constat, inquit, nihil aliud in Ecclesia a pœnitentibus exigi, quam ut, postquam quisque diligentius se excusserit et conscientiae suæ sinus omnes et latebras exploraverit, ea peccata confiteatur quibus se Dominum et Deum suum mortaliter offendisse meminerit ; reliqua autem peccata, quæ diligenter cogitanti non occurront, in universum *eadem confes.sione inclusa* esse intelliguntur ; pro quibus fideliter cum propheta dicimus : *Ab occultis meis munda me, Domine* ¹.”

2^o *Ratio summa est*, quia sacramentum Pœnitentiae, pro hominibus institutum, ea ratione constare censendum est quæ sit humanitatis indoli consentanea ; nam, ut sapienter advertit *Auctor* (a. 3 ad 2), “ non exigitur ab homine plus quam possit.” Atqui quod homo confessionem materialiter integrum peragat, id plerumquo sive physice sive moraliter impossibile est, spectata præsentim humanæ memorie labilitate et inconstantia. Ergo.—Cæterum per confessionem formaliter integrum quæ sincera accusatio est et quâ in yoto saltem integritas materialis clauditur, manente cuique pro posse obligatione supplendi postea defectum, optime salvatur essentia sacramenti seu judicii pœnitentialis, quemadmodum in re civili sufficienter salvatur justitia per summaria quædam, vera nihilominus, acta ac judicia.

3^a *Pars* equidem non admittitur ab omnibus, nobis tamen aliisque multis ea certitudine constare videtur quæ omne dubium prudens excludat.

Sane 1^o legimus in *Rit. romano* : “ Si inter confitendum vel etiam antequam incipiat confiteri, vox et loquela ægrum deficiat, nntibus et signis conetur sacerdos, quoad ejus fieri poterit, peccata pœnitentis cognoscere, quibus utcumque vel *in genere* vel in specie cognitis, vel etiam si confitendi desiderium sive per se sive per alios ostenderit, absolvendus est.” Igitur in casu necessitatis valide (imo et licite) absolvitur

pœnitens qui duntaxat in genere confiteatur. Atqui essentia sacramenti non immutatur pro diversis casibus, sed eadem semper manet. Ergo etiam extra casum necessitatis (si deficit materia necessaria) confitentibus generatim tantum valide sacramentum ministrabitur. *Min.* apparet: *a)* tum quia apud theologos omnium etatum solemne est effatum illud, sacramentorum essentias non mutari; *b)* tum quia hujusmodi essentiae divinitus constitutæ sunt ad instar essentiarum naturalium quibus immutabilis competit firmitas.

2º Hac in sententia non deest *veritas judicij* sacramentalis: utpote quod exercetur tum circa *peccata ipsa* quorum generica duntaxat accusatio extra casum necessitatis demonstrat materiam sacramenti liberam; tum maxime circa *dispositiones* quibuscum pœnitens confitetur, quæque nisi sufficietes judicentur, sacramentum deficiet.—Ex altera parte, sententia præfata magis consonat rationi *judicij reconciliati*vi, quale est sacramentum Pœnitentiae, in quo attendi debet non tam accusationis rigor quam sanctificationis medium¹.

Conclusio 2º.—**LICET CONFESSIO SACRAMENTALIS POSSIT ESSE ATQUE FORTE ALIQUANDO FUERIT PUBLICA, TENENDUM EST NIHIL OMNIS SEMPER IN ECCLESIA VIGUISSE CONFSSIONEM PRIVATAM SEU AURICULARE; QUÆ CONFESSIO ESSENTIALITER REQUIRIT SECUNDUM SIGNUM ALIQUOD SENSIBILE AD ABSOLUTIONEM ORDINATUM.**

1º Pars decl:

Et *1º* occurruunt verba *Trid.* (Sess. XIV, cap. 5): “Quoad modum confitendi secreto apud solum sacerdotem, etsi Christus non vetuerit quin aliquis in vindictam suorum scelerum et sui humiliationem, cum ob aliorum exemplum, tum ob

1—Hoc posito de valore sacramenti, docet *Bucceroni* (*Instit. theol. mor.*, ed. 3, Vol. II, p. 210) prædictam sacramenti dispensationem probabiliter *licere*: nam, stante certa sacramenti validitate, illicetas aliunde exoriri non potest quam ex positivo precepto divino. Atqui hoc præceptum non habetur, ut patet ex *Trid.* (Sess. XIV, cap. 5), quo loco lex præcipiens explicare peccata et quoaa numeruni et quoad speciem non ponitur nisi pro peccatis *gravibus*, nondum per claves Ecclesia directe remissis. Ubi igitur desint peccata gravia necessario accusanda in confessione, nulla est obligatio reliqua peccata confitendi determinato numero et definita specie.—Cf. quoque *Analecta eccl.* an. 1896-97, n. 2; ubi eadem sententia citra hæsitationem propugnatur.

Ecclesiæ offendæ ædificationem, delicta sua *publice* confiteri possit, non est tamen hoc divino præcepto mandatum."—Quibus ex verbis apparet, juxta Christi institutionem, modum confitendi secreto vel publice nonnisi *accidentaliter* ad sacramenti rationem spectare.—*Ratio* in promptu est, quam insinuat S. Thomas (Quodl. I, a. 10); nimurum de necessitate sacramenti est quod peccatæ sua sacerdoti ceu judici manifestet, ex sufficienti cordis dolore, ad veniam obtainendam; hec autem procul dubio etiam in confessione publica verificari possunt.

2º Num reapse poenitentia publica, quæ primis Ecclesiæ temporibus invaluit, fuerit sacramentalis, questio est ab eruditis controversa. — Distinguendum quidem est inter ritum *initialē* quo peccatores, peccata sua sive episcopo sive presbytero pœnitentiario confitentes, absolutionem aliquam recipiebant una cum debitæ penitæ injunctione, et ritum *finalis reconciliationis* quo cuncta publicæ pœnitentiæ exercitia complebantur. Omissò primo ritu (de quo mox sermonem habebimus), concedi fortassis potest, ob quedam Patrum testimonia, saltem aliquando finalē absolutionem fuisse utriusque fori tum externi tum interni proprieque sacramentalē: id tamen non semper contigisse, ex eo aperte eluet quod et diaconi, quorum non est sacramentaliter absolvere, poterant interdum pœnitentes finaliter reconciliare¹.

2º Pars eo spectat ut demonstret confessionem sacramentalem, *secreto factam*, vel antiquitus in usu fuisse.

1º Præ oculis habenda sunt que statuit Cone. Trid. (Sess. XIV, cap. 5) queque nefis est viro catholico ignorare: "Nec satis consulte humana aliqua lege præcipetur, ut delicta, præsertim secreta, publicè essent confessione aperienda. Unde eum a sanctissimis et antiquissimis Patribus, magno unanimique consensu, secreta confessio sacramentalis, qua *ab initio* Ecclesia sancta usa est et modo etiam utitur, fuerit semper commendata; manifeste refellitur inanis eorum calumnia qui eam a divino mandato alienam et inventum humanum esse, atque a patribus in Cone. Lateran. congregatis initium habuisse, docere non verentur." Duo hic edo-

1—Vid. Vacant, *Dictionnaire de théol. cath., verb. Absolution*, col. 156 sqq. et 236.

cemur, unum de *jure*, aliud de *facto*, quæ ad thesim nostram directe attinent.

2º a) Patribus maxime confidunt adversarii; unde ex eo fonte depromantur duo saltem suffragia plane nobis faventia. Sic in Ecclesia latina de *S. Ambrosio* narrat Paulinus in ejus Vita (n. 39): "Quotiescumque illi aliquis ad percipiendam pœnitentiam lapsus suos confessus esset, ita flebat, ut et illum flere compelleret; videbatur enim sibi cum jacente jacere. Causas autem criminum, quæ illi confitebatur, nulli nisi Domino soli, apud quem intercedebat, loquebatur." In Ecclesia græca testis est *S. Basilius M.*¹ (Regul. brev. 229): "Servanda est, inquit, ratio eadem in peccatorum confessione, quæ in detegendis corporis morbis adhibetur. Quemadmodum igitur corporis morbos non omnibus patefaciunt homines, sed iis qui horum curandorum periti sunt, ita fieri quoque debet peccatorum confessio coram iis qui curare haec possint."—Ea autem secreti lex, ne foret illusoria, profecto exigebat ut pœnitentes nec confessionis declaratio, sed nec etiam penarum solvendarum indole vel taxatione publica culpas suas præcipue occultas divulgare adstringerentur.

b) Silentium, quod objiciunt, plororumque veterum de confessione privata nihil habet quod nos a proposita sententia dimoveat.—Nam in primis recolendum est *disciplinam arcani* certe in causa fuisse eur intimiora sacramentorum, ideoque ipsius pœnitentias sacramentalis, consulto a patribus et doctoribus veluti in obscurō tenerentur: quod theologorum ac historicorum consensu communiter admittitur.—Pruterea, facile fieri poterat ut Patres, attendentes ad eam *exteriorem* ac solemnum pœnitentiā quæ tune per longa tempora diversaque exercitia protendebatur, de ea proclivius quam de privata pœnitentia loquerentur; eo magis, quia privata (ubi seorsim non existeret) vere continebatur in publica.

3º Revera, ut quis admitteretur ad pœnitentiam publicam aut eam subire cogeretur, necessaria erat pœccatorum

1.—Contra catholicos nobis adversantes urgore etiam possumus textum *Origenis* (Hom. 3 in Lev. n. 4): iste enim expresse doceat vel quia "intra cogitationum secreta commisimus" esse per confessionem manifestanda. Jamvero, ut patet ex Trid. verbis superius citatis, non potuit Ecclesie lego *consulte* præcipi ut delicta presentim secreta publico declararentur. Ergo *Origenes* merito loqui creditur de confessione privata.

remissio, ex qua vel episcopus vel pœnitentiarius aliusve presbyter dignosceret quænam peccata essent publice expianda. Atqui ritus ille initialis, privata ratione perfectus, erat (saltem probabilius) sacramentalis. Ergo. *Min.* ostend. ex *Sozomeno* (Hist. eccl. l. VII, c. 16), ubi loquens de pœnitentiario ejusque officio dicit: "Ad quem accedentes ii qui deliquerant, actus suos *confitebantur*; ille vero pro cuiusque delicto, quid aut facere singulos aut luere oporteret, *pœnae* loco indicens, *absolvebat* confitentes, a seipsis *pœnas* criminum exacturos." Habemus itaque, præter confessionem, injunctionem satisfactionis quæ poterat esse pro peccati natura aut publici aut privati generis, neenon *absolutionem* quam fuisse sacramentalem idem Sozomenus (*l. cit.*) clare insinuat, eam distinguens ab *absolutione finali* qua pœnitens reconciliabatur cum Ecclesia.

4º Sic demum argumentari possumus: aut pœnitentia publica (ad quam, ut diximus, nonnulli catholici reducere vellent totam disciplinam pœnitentialem primævæ Ecclesie) extendebatur ad omnia peccata mortalia, aut (quod longe verius asseritur) ad certa crimina publica majoris gravitatis. Atqui in neutra hypothesi opinio adversariorum sustineri potest: — Non *in prima*; nam tunc (præterquam quod pœnitentium publicorum numerus plus aequo cresceret), quia solemnis pœnitentia una tantum vice pro singulis administrabatur, relapsi (et hi quam plures extitissent) destituti postea fuissent omni sacramentali remedio; quod contradicit doctrine *Cone. Trid.* statuentis (Sess. XIV, cap. 7): "In Ecclesia Dei custoditum *semper* fuit ut nulla sit reservatio in articulo mortis, atque ideo omnes sacerdotes quoslibet pœnitentes a quibusvis peccatis et censuris absolvere possint." — Non *in secunda*: siquidem, juxta hanc sententiam, plerique peccatores primorum sæculorum vixissent sine beneficio *absolutionis sacramentalis*, quod tamen Ecclesia eis impertiri poterat. Id autem inhumanius est, contrarium institutioni et fini sacramenti Pœnitentie, contrarium quoque agendi rationi Ecclesie contra Montanistas et Novatianos distinguentes inter peccata remissibilia et irremissibilia. Ergo¹.

1—De tota hac disceptatione cfr. period. *Etudes à PP. Jesuitis* editum, 5 sept. 1890.

3^a *Pars de signo aliquo sensibili* pro confessione essentialiter requisito intime connectitur cum thesi de constitutione sacramenti Pœnitentiaæ (Disp. I, Q. I, a. 2):—hoc enim sacramentum nequit valide dispensari nisi constet elementis suis constitutivis, scil. materia et forma. Atqui materia proxima sacramenti Pœnitentiaæ sunt actus pœnitentis, quos inter confessio; confessio autem seu accusatio proprie non fit nisi per signum aliquod sensibile quo pœnitens se Ecclesiæ clavibus subjicere intelligatur. Ergo.—Porro, sicut in baptismô ad significandam interiorum ablutionem assumitur illud elementum cuius est maximus usus in abluendo, scil. aqua, ita in Pœnitentia ad peccatorum confessionem seu manifestationem assumitur ille actus quo præcipue consuevimus cogitationes manifestare, scil. *proprium verbum* (Q. IX, a. 8). Hinc qui sine causa aliter quam ore confiteretur, peccaret, eoque ipso sacramentum invalidaret.—Attamen “in eo qui usum linguae non habet, sufficit quod per scriptum, aut per nutum, aut per interpretem confiteatur, quia non exigitur ab homine plus quam possit; quamvis homo non possit vel debeat baptismum accipere nisi in aqua, quae est omnino ab exteriori et nobis ab alio exhibetur. Sed actus confessionis est ab intra et a nobis; et ideo quando non possumus uno modo, debemus, secundum quod possumus, confiteri” (*ibid. ad 2*).—Nec contrariatur sententia nostræ praxis absolvendi saltem *sub conditione* moribundos sensibus destitutos: ideo enim absolutio haec conditionalis dari potest, quia vel testimonium adstantium, vel moribundi suspiria, oculorum aut oris motus, forte sunt signa sufficientia quibus confessio peracta conseatur.

QUÆSTIO QUARTA

DE SATISFACTIONE

Explorata tum contritione, tum confessione, sequitur ut tertium sacramenti Pœnitentia partem, scil. satisfactionem, considerationi subjiciamus. De satisfactione autem tria inquirenda se offerunt, nempe *primo* quid sit ac quales conditiones requirat (art. 1), *secundo* an in genere sit possibilis et efficax (art. 2), *tertio* qua ratione in sacramento Pœnitentia se habeant (art. 3): quibus adjungetur appendix de *pœnitentia publica*.

ARTICULUS 1.

De satisfactionis quidditate et conditionibus.

(*Suppl. Q. XII, XIV, XV*)

1º *Præsupponendum est* id quod superius ('Disp. II, Q. I, a. 3) comperimus, videlicet *reatus* culpæ per pœnitentiam, non quidem aeternæ, sed temporalis *penitentia* reatum remanere posse, imo frequentius de facto remanere. — Hinc, cum precesserit intima illa satisfactione quæ in contritione continetur, queque, pro peccato secundum se sumpto oblata, reconciliationis divinae gratiam congrua saltem dispositione petit, locus adhuc superest alteri satisfactioni (proprius ac specialius ea voce denominatio), qua pœnae temporalis debitum solvatur: de hac satisfactione modo agimus.

2º Observare juvat aliam esse rationem *meriti*, aliam rationem *satisfactionis*. Meritum enim respicit premium ab eo obtinendum, in cuius gratiam fit opus bonum merentis; satisfactione vero respicit jus lesum alterius, solutione debiti remanendum. — Praeterea, satisfactionis una est distinctio in *privaten* et *publicam*; altera quoque in *sacramentalē* et *extrasacramentalē*, quatenus nempe vel a confessario in

sacramento Pœnitentiæ imponatur, vel sponte a pœnitente ipso suscipiatur.

3º Titulus per se indicat duo esse in hoc articulo declaranda, unum de *notione quidditativa* satisfactionis, aliud de ejus *conditionibus*.

Conclusio 1^a. —Satisfactio recte definitur “actus virtutis justitiae seu pœnitentiae, quo redimitur pena temporalis post remissum peccatum reliqua.” —Expl. definitio per gradus.

1º Est *actus virtutis*. —Nam “aliquis actus dicitur esse actus virtutis duplice: uno modo *materialiter*, et sic quilibet actus qui malitiam non habet implicitam vel defectum debita circumstantie, actus virtutis dici potest, quia quolibet tali actu potest uti virtus in suum finem, sicut est ambulare, loqui et hujusmodi. Alio modo dicitur actus aliquis esse actus virtutis *formaliter*, quia ipse in suo nomine formam et rationem virtutis implicitam habet, sicut fortiter sustinere dicitur actus fortitudinis. Formale autem eiuslibet virtutis moralis est ratio medii¹. Unde omnis actus qui rationem medii importat, actus virtutis formaliter dicitur. Et quia aequalitas medium est, quod suo nomine satisfactio importat (non enim dicitur aliquid *satisfieri* nisi secundum proportionem aequalitatis ad aliquid), constat quod satisfactio etiam formaliter est actus virtutis” sive in eo qui sponte pœnas persolvit, sive in judice vindictam exercente (Q. XII, a. 1).

2º Est *actus virtutis justitiae seu pœnitentiae*. —Nulla enim virtus attendit rationem debiti nisi justitia; hec autem ratio, prout ad verbum *satis* designat, involvit in nomine et conceptu satisfactionis: ergo satisfactio formaliter et *elicitive* est actus justitiae. —Dico *elicitive*; nam “sicut *inuria illata immediate ad inaequalitatem justitiae* pertingebat, et per consequens ad *inequalitatem amicitiae* oppositam ita et *satisfactio directe ad aequalitatem justitiae* perducit, et ad *aequalitatem amicitiae* ex consequenti. Et quia actus aliquis *elicitive* ab illo habitu procedit ad eius finem immediate ordinatur, imperatively autem ab illo ad eius finem ultimo tendit, ideo *satisfactio elicitive* est a *justitia*, sed *imperative a charitate*” (*ibid.* a. 2 ad 1). —Facile jam intelligitur satisfactionem, quippe

1—Cf. *De Reparatione*, pp. 286-87.

quæ constituit æqualitatem in *ficiente* satis, non secundum res, sed secundum actiones, proprio esse distinguendam tum a *satisfassione*, tum a *restitutione*: a satisfassione, qua afficitur *patiens* pœnam ab extrinseco principio illatam, quæque idcirco locum habet in damnatis a supremo judice et in animabus Purgatorii; a restitutione, quæ attenditur secundum æqualitatem in *rebus* exterioribus restaurandam. — Demum colligitur satisfactionem pertinere ad justitiam secundum *pœnitentie* rationem: satisfacere enim dirigitur contra inæqualitatem actionum, ex qua offensa consurgit. Justitia autem vindicativa respicit offensæ reparationem, et si sponte ab offensore ipso exercetur, nomen sumit *pœnitentie*. Ergo.

3º Est actus quo redimitur *pœna temporalis* post remissum *peccatum reliqua*. — His verbis significatur ratio propria qua satisfactio sub communi pœnitentie genere distinguitur a contritione; *primarius* enim satisfactionis finis seu effectus est solvere debitum *pœnce* temporalis, quod fit commutatione seu redemptione pœnæ per aliquid levius. — *Secundarius* tamen habetur effectus¹, quatenus pœnæ satisfactoriae sunt insuper medicinae, sub prudentiae ductu pœnitentibus adhibitæ; unde nonnulli in satisfactionis definitione posuerunt respectum ad futurum, scil. "peccatorum causas sive interiores sive exteriores excidere et eorum suggestionibus aditum non indulgere" (*ibid.* a. 3). — Utrumque tetigit *Conc. Trid.* sequenti sententia (Sess. XIV, cap. 8): "Habeant præ oculis ut satisfactio quam imponunt non sit tantum ad novæ vitæ custodiā et infirmitatis medicamentum, sed etiam ad præteriorum peccatorum virdictam et castigationem."

Conclusio 2º. — **CONDITIONES AD SATISFACIENDUM ALIAE REQUIRUNTUR EX PARTE HOMINIS, ALIAE EX PARTE OPERIS, ALIAE EX PARTE DEI.** — Decl. per partes.

1º *Ex parte hominis* requiritur: — a) *status viæ*. Siquidem *venit nox, quando nemo potest operari* (*Joan. IX, 4*); unde sicuti post hanc vitam amplius non datur merendi locus, ita nec proprie satisfaciendi. Quia de causa, animis in

1— "Quamvis pœnitentia ex prima sui institutione sive intentione resipicit præteritum, tamen etiam ex consequenti futurum resipicit, in quantum est medicina præservans; et sic etiam satisfactio" (*Q. XII, a. 3 ad 3*).

purgatorio detentæ, etsi fervidissimos charitatis actus eliciant, non satisfaciunt, sed tantum *satisficiuntur*.

b) *Status gratia*. *Trid.* enim *Conc.* (Sess. XIV, cap. 8) declarat : “ Omnis gloriatio nostra in Christo est, in quo *vivimus* (scil. per gratiam), in quo meremur, *in quo satisficiimus*, facientes fructus dignos pœnitentiæ, qui ex illo viam habent, ab illo offeruntur Patri, et per illum acceptantur a Patre.” — Igitur non solum peccator nequit Deo satisfacere per opus in actu vel affectu peccati factum, sed nec valet (saltem *de condigno*) satisfactionem implere quamdiu versatur in statu vel reatu peccati. Ratio *primi* est, quia repugnat hominem offenso Deo satisfacere in eo quo rursus illum offendit. Ratio *secundi* assignatur a *D. Thoma* (Q. XIV, a. 1-2) : satisfactione enim ordinatur ad tollendam undequaque offensam in Deum peccato commissam. Atqui offensæ ablato est amicitia restitutio; non potest autem amicitia divina vere restaurari, nisi præeunte gratia et caritate : ergo etc. Id tenendum est, etiam si agatur de peccatis *jam remissis*, pro quibus vellet quis, mox in peccatum relapsus, satisfacere : nam (ut infra videbimus) æqualitas justitiae, que in satisfactione servatur, non est secundum equivalentiam, sed magis secundum Dei acceptionem. Atqui opera satisfactoria ex gratia seu charitate habent quod sint Deo accepta : ergo. Huc faciunt Scripturæ verba (1 Cor. XIII, 3) de eleemosyna extra caritatem erogata : *Si distribuero in cibos pauperum omnes facultates meas... charitatem autem non habuero, nihil mihi prodest.* — Dixi superius, saltem *de condigno*: siquidem opera satisfactoria in statu peccati peracta, quamquam simpliciter mortua sint, tamen *congruitate* quadam Deum placare queunt et multiplicem utilitatem asserre (*ibid.* a. 4-5). Possunt enim hac ratione congrua mereri temporalium quorumdam consecutionem, necnon disponere ad gratiam et bonis operibus assuferare; possunt itidem efficere ut homo illa perficiendo reatum omissionis evadat, minori ex contemptu peccet, multisque a peccatis retrahatur, et sic *indirecte* valent ad mitigationem pœnarum infernalium.

2º *Ex parte operis* requiritur:—a) *bonitas*; per mala enim opera potius meremur pœnam quam pœna remissionem.

b) *Libertas*; sicut enim homo non peccat nisi libere operando, ita pro peccato non satisfacit nisi libere agendo vel

patiendo.—Hinc *flagella* pro peccatis nostris a Deo inficta rationem satisfactionis accipere possunt, dummodo libenti animo tolerentur (uti statuit *Trid.* Sess. XIV, cap. 9). “Quamvis, inquit *S. Th.* (Q. XV, a. 2 ad 1), illa flagella non sint omnino in potestate nostra, tamen quantum ad aliquid sunt, prout scil. eis patienter utamur, et sic homo facit de necessitate virtutem. Unde et meritoria et satisfactoria esse possunt.”

c) Supernaturalitas; cum enim pœnæ debitum nos retardet a fine ultimo consequendo, ejusdem pœnæ remissio ad ordinem supernaturalem pertinet; fini autem proportionari debent media. Idecirco (ut ex *Trid.* accepimus) in Christo, ex Christo et per Christum satisfacere opus est.

d) Pœnalitas. Pœnalia, inquam, ad satisfaciendum opera esse debent, etsi non subjective, saltem *objective* seu secundum se. 1^o *Auctoritas* hoc evincit; legitur enim (*Matth. XI, 12*): *Regnum cœlorum vim patitur et violenti rapiunt illud*, et *Conec. Trid.* (Sess. XIV, cap. 8-9 et can. 13, 15) atque Patres sub specie *pœnarum* satisfactiones exhibent. Item *Catech. Trid.* (de *Pœnit.* n. 104), loquendo de operibus satisfactoriis, ait: “Omnino necesse est, ut aliquid acerbitatibus habeant.” 2^o *Ratio* sic a *D. Th.* (Q. *cit.* a. 1) evolvitur: “Satisfactio respectum habet et ad præteritam offensam pro qua recompensatio fit per satisfactionem, et etiam ad futuram culpam a qua per eam præservamur. Et quantum ad utrumque exigitur quod satisfactio per opera pœnalia fiat. Recompensatio enim *offense* importat adæquationem, quam oportet esse ejus qui offendit ad eum in quem offensa commissa est. Adæquatio autem in humana justitia attenditur per subtractionem ab uno qui plus habet justo et additionem ad alterum cui subtractum est aliquid. Quamvis autem Deo, quantum est ex parte ejus, nihil subtrahiri possit, tamen peccator, quantum in ipso est, aliquid ei subtraxit peccando. Unde oportet, ad hoc quod recompensatio fiat, quod aliquid subtrahatur a peccante per satisfactionem quod in honorem Dei cedat. Opus autem bonum, ex hoc quod est hujusmodi, non subtrahit aliquid ab operante, sed magis perficit ipsum. Unde subtractione non potest fieri per opus bonum nisi pœnale sit. Et ideo, ad hoc quod aliquod opus sit satisfactorium, oportet quod sit bonum, ut in hon-

rem Dei sit, et poenale, ut per hoc aliquid peccatori subtrahatur. Similiter etiam poena a culpa *futura* præservat, quia non facile homo ad peccatum redit, ex quo poenam expertus est. Unde, secundum Philosophum, poenæ medicinæ sunt."— Hoc quidem accipiendum est objective seu spectato opere satisfactorio secundum se, *non tamen subjective*, prouti notavit *Catech. Trid.* (*l. cit.*) et jam docuerat *S. Thomas* dicens (*ibid. ad 2*): "Sicut in satisfactione consideratur poenalitas, ita et in merito consideratur difficultas. Diminutio autem difficultatis quæ est *ex parte ipsius actus* diminuit, cæteris paribus, meritum; sed diminutio difficultatis quæ est *ex promptitudine voluntatis* non diminuit meritum, sed auget; et similiter diminutio poenalitatis ex promptitudine voluntatis, quam facit charitas, non diminuit efficaciam satisfactionis, sed auget."—Quæritur a theologis num *omnis actus virtutis* sit satisfactorius ratione poenalitatis, sicuti quilibet meritorius est ratione suæ moralis bonitatis; qua de re respondendum censemus distinguendo inter virtutem absolute sumptam et virtutem illam quæ in presenti lapsæ naturæ statu exercetur. *Absolute* quidem concipere possumus actum virtutis qui non sit penalitatis, nec proinde satisfactorius; hujusmodi erant actus virtuosi a primis parentibus in statu justitiae originalis eliciti. At, *secundum præsentem conditionem* in qua homo obnoxius est gravamini corporis passionumque inclinationibus, omne opus quo Deo serviuimus natum est lassitudinem quamdam ac inlestiam gignere, unde vis satisfactiva oritur. Ad rem *S. Thomas* (*Q. XV, a. 3 ad 1*); ubi, post recitatam de valore satisfactorio orationis aliam opinionem, ait: "Dicendum, et melius, quod quilibet oratio habet rationem satisfactionis, quia quamvis habeat suavitatem spiritu, habet tamen afflictionem carnis" (*cf. I, Q. XCV, a. 4 ad 2*).—Attamen (ut recte advertit *Billuart*, *Diss. IX, a. 8*) opus *externum* ab interiori procedens, licet non addat novam bonitatem moralem nec ideo novi meriti rationem (meritum enim penes bonitatem actus attenditur), nihilominus addit poenitatem operis distinctam ab interiori eaque de causa vim satisfaciendi propriam secum fert.—Deinum expedit, cum *D. Thoma* (*Q. XV, a. 3*) et *Catech. Trid.* (*de Pœnit. n. 105-107*), satisfactoria opera universim reducere ad tria summa capita, quæ sunt *oratio, jejunium et eleemosyna*,

quæque lato sensu reliqua omnia includunt. Si enim sumatur satisfactio pro vindicatione culpæ præteritæ, sic exigit aliiquid de bonis nostris sive animæ, sive corporis, sive fortunæ, in compensationem subtrahi Deoque offerri. Porro ex bonis fortunæ subtrahimus nobis aliiquid per eleemosynam; ex bonis corporis per jejuniū; ex bonis animæ per orationem nihil præcise detrahimus, sed ea totaliter Deo submitimus. Si vero satisfactio spectetur in ordine ad cavendam culpam futuram, cum peccati radices tres habeantur, scilicet concupiscentia carnis, concupiscentia oculorum et superbia vite (1 Joan. II, 16), priori jejuniū, alteri eleemosynam, tertiae orationem, apte veluti totidem medicinas opponimus; item, contra peccatum in Deum ordinatur oratio, contra peccatum in nos ipsos jejuniū, contra peccatum in proximum eleemosyna.

3º Ex parte Dei requiritur: — acceptatio; quod satis aperte declarat Trid. (Sess. XIV, c. 8-9), ubi docet satisfactiones nostras "per Christum acceptari a Patre" aut "ex Dei munificentia et amore" valere. Ratio est, quia poenæ hujus vitæ, utpote inferioris ordinis, non de se æquivalent poenæ peccato respondentibus et in purgatorio luendis, prætereaque opera nostra aliis jam titulis Deo debentur: ergo quod opera illa ac poenæ valeant in actu secundo satisfacere, id ex liberali Dei acceptatione dependet.

ARTICULUS II.

De possibilitate et vi satisfactionis in genere.

(Q. XIII)

1º In questione modo proposita utrum homo possit Deo satisfacere, sermo profecto est de *justo* seu de eo qui jam per justificantem gratiam consecutus est remissionem culpæ et reatus poenæ æternæ.—Unde solvenda offertur dubitatio, *num et qua ratione* seu efficacia valeat satisfactionem exhibere pro poenæ temporalibus peccato debitibus.—Cum autem hæ poenæ spectari possint vel prouti ad præsentem vitam perti-

uent, vel quatenus sunt in altera vita luendæ, concedimus quidem *aliquando*, sic volente Deo, *pœnas hujus vitæ* non posse redimi, sed necessario esse perpetiendas; talis fuit v. g. pena Davidis (2 Reg. XII, 14) qui mortem filii multis lacrimis, oratione, jejunio, frustra propulsare conatus est (Bellarm. l. IV, c. 3). Nunc autem præsertim agitur de redimendis *pœnis alterius vitæ*.

2º Etenim, quanquam Lutherus admittere visus est posse pœnis sponte assumptis præveniri manum Dei divinaque flagella averti, nunquam tamen (teste Bellarm. c. 7) *Novatores* adduci potuerunt ut faterentur per opera pœnalia vere Deo satisfieri debitasque pœnas compensari. Quocirca iidem eorumque sequaces, male interpretantes dictum Ap. (Coloss. II, 23) de honorando corpore, se corporis quam animæ studiosiores demonstrant, neque conspicuntur ea ad satisfaciendum opera laboriosa exequi quæ catholici, ex apertis SS. Literarum documentis, frequentant.


3º Considerari potest possibilitas satisfaciendi vel pro *seipso* vel pro *alio*.—Vis autem satisfactionis alia est *de congruo* tantum, alia *de condigno*, alia demum secundum omnem *justitiae rigorem*¹. Rem totam duabus in conclusionibus determinabimus.

Conclusio 1^a.—POTEST HOMO PRO PŒNA TEMPORALI DEO SATISFACERE, ET QUIDEM DE CONDIGNO, NON TAMEN SECUNDUM RIGOROSAM JUSTITIAM.

1^a *Pars est de fide*; definita enim fuit a *Cone. Trid.* (Sess. XIV, can. 13-14) contra Protestantes; cf. cap. 8-9. En can. 13: "Si quis dixerit, pro peccatis quoad pœnam temporalem, minime Deo per Christi merita satisfieri pœnis ab eo inflictis et patienter toleratis, vel a sacerdote injunctis, sed neque sponte susceptis, ut jejuniis, orationibus, elemosynis vel aliis etiam pietatis operibus... A. S."

1^b Ex *Scriptura* duo proferemus.—Legitur enim (Prov. XVI, 6): *Misericordia et veritate redimitur iniqüitas*; et (Dan. IV, 24): *Peccata tua elemosynis redime*. Jamvero in Sacris Litteris nomen peccati sæpen numero accipitur etiam pro pœna seu pœna reatu culpam consequente: ergo plenus

1—Cf. *De Reparatione*, Disp. V, Q. II, a. 1; *De Incarnatione Verbi*, Disp. IX, Q. III, a. 2.









IMAGE EVALUATION TEST TARGET (MT-3)



6"



Photographic
Sciences
Corporation

23 WEST MAIN STREET
WEBSTER, N.Y. 14580
(716) 872-4503



commentarius erit quod eleemosynæ conferunt, diversa tamen ratione, ad remissionem peccati tum quoad culpam tum quoad poenam.—Insuper, Deus nihil impossibile hominibus præcipit. Atqui satisfactio sub præceptum cadit (Luc. III, 8): *Fucite fructus dignos paenitentias*; quippe haec a SS. Patribus (Pacian., Jo. Chrysost., Greg., uti refert Bellarm. I. IV, c. 8) explicantur de operibus quibus omnis reatus deleatur. Ergo.

2^o Laud. *Bellarminus* (cap. 9) patristica omnium statum testimonia collegit quas rem meridiana luce illustriorem faciunt; sic *Patres* docent "paenitentia compensatione redimi impunitatem" (Tertull.), "paenitentiam veram Deo Patri et misericordi precibus et operibus suis satisfacere" (S. Cypriani.), offensionibus gravibus aut levibus "pro delicti proportione exequandam esse paenitentiam" (S. Basil.), præteritas delicias per quas homo offenderat Deum "vitæ austerritate compensari" (S. Hieronymi.), homini "sibi non parcenti Deum parcere" (S. August.).—Cœterum Ecclesie sensus satis eluet ex praxi qua ab exordio fidelibus injunxit paenitentia opera quibus non solum sibi, sed et maxime Dei justitiae satisfactio præstaretur.

3^o Rationem congruam sic affert S. Th. (art. 1): "Deus est magis misericors quam aliquis homo. Sed homini est possibile satisfacere. Ergo et Deo."—Eo vel magis, quia secundum hanc doctrinam tum ea quæ misericordie, tum ea quæ justitiae sunt in Deo miro modo conciliantur. Ad rem August. (Enarr. in Ps. I, v. 8, n. 11): "Impunita peccata, etiam eorum quibus ignoscis, non reliquisti... Ignoscis, sed se ipsum punienti. Ita servatur misericordia et veritas¹."

2^a *Pars de condignitate satisfactionis certa* prorsus est; siquidem damnata est *Baii* prop 77^a: "Satisfactiones laboriosæ justificatorum non valent expiare de condigno poenam temporalem restantem post culpam condonatam²."

1—Cf. supra, Disp. II, Q. I, a. 3.

2—Item prop. 59^a: "Quando per eleemosynas aliqua paenitentia opera Deo satisfacimus pro poenis temporalibus, non dignum pretium Deo pro peccatis nostris offerimus, siout quidam errantes autemant (nam aliqui esse mus, saltem aliqua ex parte, redemptores); sed siquid facimus, eujus intuitu Christi satisfactio nobis applicatur et communicatur."

1^o Aperta est mens *Conc. Trid.* (passim), ubicumque satisfaciendi vim simpliciter affirmat. Simpliciter enim loquendo, illæ vim satisfaciendi vere exserit qui condignum seu secundum justitiam sufficiens pretium pro poena peccatorum exhibet.—Praeterea, Concilium (Sess. VI, c. 14) negat hominem satisfacere pro poena æterna, pro temporali autem poena satisfieri concedit. Jamvero certum est quod homo de congruo saltem impetrare potest remissionem culpe et poenæ æternæ. Ergo (ne ruat *oppositio* facta a Concilio) consequens est ut de condigno homo satisfacere queat pro poena temporali.

2^o Satisfactio *condigna* ea est quæ secumfert sufficientem proportionem seu adæquationem operis satisfactorii cum poena debita. Atqui proportio vel adæquatio hujusmodi reperiri potest in operibus nostris penalibus, maxime quatenus gratiâ Dei vel Christi ea acceptantis informantur: ergo. *Min. evolv. ex D. Thoma* (art. 1): "Homo, inquit, Deo dupliciter debitor efficitur: uno modo ratione beneficij accepti, alio modo ratione peccati commissi. Et sicut gratiarum actio, vel latraria, et si quid est aliquid hujusmodi, respicit debitum accepti beneficij, ita satisfactio respicit debitum peccati commissi. In his autem honoribus qui sunt ad parentes et Deum, impossibile est aequalens reddere secundum quantitatem, sed sufficit ut homo reddat quod potest, quia amicitia non exigit aequalens; sed quod possibile est; et hoc etiam est aequaliter aliquiliter, scil. secundum proportionalitatem, quia sicut se habet hoc quod Deo est debitum ad ipsum Deum, ita hoc quod iste potest reddere ad ipsum; et sic alio modo forma justitiae conservatur. Et similiter est ex parte satisfactionis. Unde non potest homo Deo satisfacere, si *satis* aequalitatem quantitatis importet; contingit autem, si importet *aequalitatem proportionis*, et hoc sicut sufficit ad rationem justitiae, ita sufficit ad rationem satisfactionis."

3^o *Pars* parvo negotio absolvitur.—Etenim satisfactio secundum *justitiae rigorem* duo preprimis exigit, videlicet flat de bonis propriis ipsius satisficiens, neque *gratia* vel acceptatione libera personæ offense indigeat. Atqui homo, quidquid est aut habet aut potest, ab auctore Deo accepit; nec ejus opera, citra Dei gratiam liberamque acceptationem (quæ tamen in gratia ipsa sufficienter continetur), possunt

debitam proportionem induere ad poenas supernaturalis ordinis exsolvendas. Ergo.

Conclusio 2^a. — UNUS PRO ALIO FOTEST SATISFACTIONEM EXPLERE NON QUIDEM IN FUTURI PECCATI MEDICINAM, SED IN PRAETERITI DEBITI SOLUTIONEM. — Hæc est unanimis theologorum doctrina, quam expresse tradit *Catech. Trid.*

1^a *Pars* negativa ita a *D. Thoma* (art. 2) decl : “ In quantum est ad medicinam sequentis peccati, sic satisfactio unius non prodest alteri, quia ex jejunio unius caro alterius non domatur; nec ex actibus unius alius bene agere consuevit nisi secundum accidens, in quantum scil. aliquis per bona opera potest alteri mereri augmentum gratiae, quæ efficacissimum remedium est ad vitandum peccatum. Sed hoc est per modum meriti magis quam per modum satisfactionis.”

2^a *Pars* affirmativa ostendit :

1^o Ex Scriptura indicia saltem hujus veritatis habemus; siquidem dicit Ap. (Rom. IX, 3) : *Optabam ego ipse anathema esse a Christo pro fratribus meis*; et (Coloss. I, 24) : *Adimpleo ea quæ desunt passionum Christi, in carne mea, pro corpore ejus, quod est Ecclesia*; et (Gulat. VI, 2) : *Alter alterius onera portate; quæ certo apprime consentanea sunt doctrina de satisfactione unius pro alio.*

2^o a) Doctrinam hanc maxime commendat *humana*, aut melius, *christiana solidaritas* in charitate fundata. “ Nec vero, ait *Catech. Trid.* (n. 111), de hoc cuiquam fidelium dubitandi locus relictus est qui in Apostolorum symbolo sanctorum communionem confitemur. Nam cum omnes eodem baptismo abluti Christo renascamur, eorumdem sacramentorum participes simus, in primis vero ejusdem corporis et sanguinis Christi Domini cibo et potu recreemur, hoc apertissime demonstrat nos omnes ejusdem esse corporis membra. Quemadmodum igitur neque pes suæ tantum, sed etiam oculorum utilitatis causa munere suo fungitur; neque rursus quod oculi videant, ad illorum propriam, sed ad communem omnium membrorum utilitatem referendum est; ita communia inter nos satisfactionis officia existimari debent.” — b) Accedit arg. analogia (*S. Th. a. cit.*) : “ Charitas magis potest apud Deum quam apud homines. Sed unus potest apud homines pro alterius amore debitum ejus solvere. Ergo

multo fortius hoc in divino iudicio fieri potest¹.”—c) Præterea, si Ecclesia potest satisfactiones sanctorum per *indulgentias* applicare ad delendam pœnam peccatis nostris debitam, quidni poterit quisque justus suarum satisfactionum dominus easdem, veluti pretium, adhibere solvendis alienis debitis?—d) Discriben quidem ponendum est *inter meritum et satisfactionem* (*S. Th. a. 2 ad 1 et 3*): quia *ex una parte* nemo præter Christum alteri mereri potest, saltem immediate et de condigno, præmium vita æternæ, quod unicuique pro sua dispositione redditur; nihil autem vetat, quo minus (supposita Dei acceptatione) satisfactio condigna pro alieno pœnæ debito exhibeat. *Ex altera parte* qui ex charitate pro alio meretur saltem de congruo, etiam sibi magis meretur; non autem qui pro alio satisfacit, etiam pro se satisfacit, quia taxata pœnæ quantitas non sufficit ad utriusque peccata; tamen satisfaciendo pro alio, sibi meretur aliquid majus quam dimissionem pœnæ, scil. vitam æternam.

Solv. obj. (cont. 1^{am} conc.).—OBJ. 1.—Peccata nostra per Christum tantum expiari possunt, juxta illud (*1 Joan. II, 2*): *Ipsæ est propitiatio pro peccatis nostris*. Ergo. (Ita Calvinus, etc.)

RESP. D. antec: ...quatenus, citra operum nostrorum condignitatem, peccata nobis remittuntur quoad culpam et pœnam æternam, C; etiam quondam pœnam temporalem, S.d: eo sensu quod satisfactiones nostræ nequeunt esse condigne, N; eo sensu quod condignitatem suam in actu exercent vi gratiae et acceptationis divine quam Christus solus per merita et satisfactiones suas nobis obtinuit, C.—*Neg. conseq.*

OBJ. 2.—Satisfactio debet requiri offendæ. Atqui offensa

1.—Pulchre *S. Thom.* (*C. G. I. III, c. 158*): “Quod per amicos facimus, per nos ipsos facere videmur, quia amicitia ex duobus facit unum per affectum, et præcipue dilectionem charitatis; et ideo, sicut per seipsum, ita et per alium potest aliquis satisfacere Deo, præcipue cum necessitas fuerit; nam et pœnam quam amicus propter ipsum patitur reputat aliquis ac si ipse pateretur; et sic pœna ei non deest dum patienti amico compatitur et tanto amplius quanto ipse est ei causa patiendi.—Et iterum affectio charitatis in eo qui pro amico patitur facit magis satisfactionem Deo acceptam quam si pro se pateretur; hoo enim est promptæ caritatis, illud autem est necessitatibus. Ex quo accipitur quod unus pro alio satisfacere potest, dummodo uterque in charitate fuerit.”

peccati infinitatem quandam habet ex infinitate læse majestatis, actio autem satisfactoria hominius est finita. Ergo.

RESP. C. M.—D.m:... actio hominis est finita secundum se, C; nec accipit quandam infinitatem ex infinitate divinæ misericordiæ, prout est *gratiæ* informata, per quam acceptum Deo efficitur quod homo reddere potest, N.—*Neg. conseq.*

OBJ. 3.—Servus a domino dependens non potest pro aliquo debito recompensare. Atqui homines servi sunt Dei, supremi Domini. Ergo.

RESP. D. M: Servus, *in quantum servus*,...O; servus, secundum quod *aliquid libertatis* participat,...N.—C.d.m:... servi sunt quin nihil libere agant, N; ita a Deo dependent ut domini sint suorum actuum per liberum arbitrium, C.—*Neg. conseq*¹.

ARTICULUS III.

De satisfactione sacramentali.

Hactenus locuti sumus de satisfactione pro peccatis absolute; nunc de satisfactione, prout ad *sacramentum* attinet, disserendum est.—Sacramentalis autem satisfactio considerari potest, vel quatenus est *in proposito* pœnitentis cui a sacerdote injungitur, vel quatenus est *in re seu executione*: sub primo respectu, dicenda est requiri ad ipsam sacramenti essentiam secundum quod continetur in contritione quæ (ut ait S. Th, III, Q. XC, a. 2 ad 1) "implicat propositum confitendi et satisfaciendi." Modo vero agitur de satisfactione, uti se habet *in re* atque pars est mere integralis.—De qua quinque inquire ac determinari breviter poterunt: *an* sit a sacerdotibus injungenda, *quando* requirenda, *quanta*, *quibus ex operibus*, *qua cum efficacid.*

Conclusio 1^o.—MINISTRIS IN SACRAMENTO PŒNITENTIAE JUS ET OFFICIUM EST INJUNGENDI SALUTARES ET CONVENIENTES SATISFACTIONES.—Ita Cono. Trid. (Sess. XIV, cap. 8).

1.—Flures obj. protestantium solvit Bellarminus, l. IV, co. 10-16.

1^o *Jus esse sacerdotibus imponendi satisfactiones, probant verba Domini: Quodcumque ligaveris, quæcumque alligaveritis; ex quibus appareat claves Ecclesiæ datas esse non solum ad solvendum, sed etiam ad ligandum.* Porro hanc ligandi potestatem exercent qui ad certa satisfactionis opera suos poenitentes obligant. (Suppl. Q. XVIII, a. 3)

2^o Hoc esse non solum jus sed et officium, ex duobus præsertim persuadetur.—a) Primo etenim satisfactio est pars ad integratatem sacramenti Pœnitentiæ pertinens (cf. supra, Disp. III, Q. I). Atqui sacramentorum ministris grave incumbit munus consulendi eorum integrati: ergo.—b) Secundo insuper sacerdos in tribunali Pœnitentiæ simul se habet tanquam iudex et medicus. Atqui judicis est, in causis criminalibus, reo penas debitas imponere; medicus autem debet ægroti pharmaca adhibere quibus et vulnera curentur et futura damna præcaveantur: ergo.

Conclusio 2^a.—LAUDANDA EST PRAXIS ABSOLVENDI PŒNITENTES ETIAM ANTEQUAM SATISFACTIONEM SACRAMENTALEM EXPLEVERINT.

1^o Contraria sententia stepius proscripta est a RR. PP., scil. in prop. 5^a¹ Petri Oxumiensis damnata a Sixto IV, in prop. 16^a et 17^a damnatis ab Alex. VIII, in prop. 87^a Quesnelli damnata a Clemente XI, tandem in prop. 35^a Syn. Pistoriensis damnata a Pio VI.

2^o Oinnes confiteri debent praxim hanc absolvendi ante adimpletam satisfactionem jam a pluribus saltem saeculis ubique obtinuisse.—Quod vero praxis illa etiam juxta veterem Ecclesie disciplinam in usu fuerit, legitime concludi potest ex iis que supra (Q. III, a. 2) de confessione privata disputavimus, maxime ex textu Sozomeni. Hoc autem certius contigisse arbitrandum est in multis specialibus casibus quos recenset de Augustinis (de Pœn. th. 22), puta quando instaret periculum mortis, persecutio, etc.

3^o Ratio idem confirmat:—siquidem ex una parte, quia satisfactio non est pars essentialis sacramenti, sed integralis tantum, sacramento jam constituto advenire potest.—Ex altera parte, pœnitentis causa requirit ut statim absolvatur ante

1—“Non sunt absolvendi pœnitentes, nisi peracta prius pœnitentia eis injuncta.”

majes-
t. undum
divinæ
ceptum
nseq.
o aliquo
supremi

servus,
'd.m:...
ependent
am, C.—

atis abso-
m attinet,
onsiderari
i a sacer-
fione: sub
enti essen-
tia (ut ait
confidendi
ne, uti se
a quinque
sacerdoti-
ruibus ex

ENITENTIA
VENIENTES
. 8).

expletam satisfactionem : tum quia secus posset diutius in statu peccati manere ; tum quia ex gratia per absolutionem sacramentalem restituta satisfactio vim merendi, imo et expiandi ex opere operantis, obtinet quam aliter habere nequit.

Conclusio 3^a.—SATISFACTIO SACRAMENTALIS PRUDENTER IMPONENDA EST PRO QUALITATE CRIMINUM ET PÆNITENTIUM FACULTATE.

1^o Id expresse docet *Conc. Trid.* (Sess. XIV, cap. 8) : “ Debent, inquit, sacerdotes Domini, quantum spiritus et prudentia suggesterit, pro qualitate criminum et pænitentium facultate salutares et convenientes satisfactiones injungere ; ne, si forte peccatis conniveant, et indulgentius cum pænitentibus agant, levissima quædam opera pro gravissimis delictis injungendo, alienorum peccatorum participes efficiantur.” Mox tamen Concilium subdit sacramentum Pænitentiæ non esse “ forum iræ vel pœnarum.” — *Catech.* *Trid.* ait et ipse (nn. 114-115) : “ In irroganda satisfactionis pena, sacerdotes nihil sibi suo arbitratu statuendum esse, sed omnia justitiæ, prudentiæ et pietate dirigenda existimabunt. Atque ut hac regula peccata metiri videantur, et pænitentes scelerum suorum gravitatem magis agnoscaut ; opera preium erit interdum eis significare quæ pœnæ quibusdam delictis ex veterum canonum prescripto, qui pænitentiales vocantur¹, constitutas sint.”

2^o Satisfactio, ut scimus, ordinatur tum ad solvendum pœnas debitum, tum quoque ad præbendam medicinam.

a) Quantum ad debitum, sane (ait *Auctor*, Q. VIII, a. 7) quantitas pœnæ injungendæ radicaliter respondet quantitatii culpæ, antequam de ea aliquid dimittatur ; attamen ratio habenda est dispositionum pænitentis : nam quanto per contritionem plus dimissum est, tanto per satisfactionem sacramentalem minus dimittendum restat.

b) Si satisfactio ut medicina spectetur, libet comparationem instituere inter spiritualem ac corporalem medicinam. Porro “ medicinæ in arte determinatæ non omnibus compe-

1.—Refert *Billuart* (Diss. IX, a. 6) aliquos ex his canonibus, quos tamen advertit non semper fuisse stricte observatos, et quorum severior disciplina posthac ab Ecclesia emollita est.

tunt, sed variandæ sunt secundum arbitrium medici non propriam voluntatem sequentis, sed scientiam medicinæ. Ita poenæ satisfactoriæ in canonibus determinatae non competit omnibus, sed variandæ sunt secundum arbitrium sacerdotis divino instinctu regulatum. Sicut ergo medicus aliquando prudenter non dat medicinam ita efficacem quæ ad morbi curationem sufficiat, ne propter debilitatem naturæ majus periculum oriatur; ita sacerdos divino instinctu motus non semper totam poenam, quæ uni peccato debetur, injungit, ne infirmus aliquis ex magnitudine poenæ desperet et a penitentia totaliter recedat" (Q. XVIII, a. 4) ¹.

Conclusio 4^a. — OPERA ALIAS DEBITA ASSUMI POSSUNT IN SATISFACTIONEM, IDEOQUE (SALTEM VALIDE) PENITENTIBUS SACRAMENTALITER INJUNGI. — Hæc concl. instituitur ad solvendam dubitationem quam nonnulli hac de re moverunt.

Sane constat (cf. *Conc. Trid. Sess. VI*, cap. 10 et 16) opera bona, etsi ex precepto debita, nihilominus esse *meritoria*. Atqui (ut observat *Cajet. Opusc. t. I, tr. 6, q. 1*) ratio alias debiti non magis officit ad constitendum jus solvendi premium pro poena temporali quam ad constituendum jus consequendi mercedem tam excellentem qualis est æterna felicitas: ergo. — Concl. manifestius elucet ex eo quod tum merita tum quoque satisfactiones nostræ pertinent ad *justitiam mixtam* (non rigorosam), quatenus nempe attenduntur non solum penes opus impletum, sed et penes intentionem agentis sub influxu gratiæ divina liberalitato et acceptatione præstitæ. Jamvero ex eo capite unum idemque opus multiplicem valorem moralem consequi potest, secundum quod agens diversa intentione ac ratione formalí, puta voti, præcepti, injunctionis sacramentalis, illud exequatur: ergo. — Dixi in concl. *saltem valide*; nam *generatim* utilius est Ecclesiæque intentioni conforme, ut confessarius penitentibus imponat peculiaria ideoque magis poenalia opera ².

1— Cf. *Quodl. III, a. 28*.

2— "Ex omni satisfactionum genere maxime convenit penitentibus præcipere, ut certis aliquot et definitis diebus orationi vacent, ac pro omnibus, et præsertim pro iis qui ex hac vita in Domino decesserunt, preces Deo faciant" (*Catech. Trid. n. 116*).

Conclusio 5^a.—SATISFACTIO SACRALITALIS, QUA TALIS, EFFICACIAM HABET EX OPERE OPERATO, TUM AD REMITTENDAM PÆNAM TEMPORALEM, TUM QUOQUE AD AUGENDAM GRATIAM, MODO NON ADSIT OBEX.—Quatuor in hac concl. sunt distinguenda.

Primum, sc. efficacia *ex opere operato*, sic adstruitur a D. Thoma (Quodl. III, a. 28): “Est considerandum, inquit, quod opus quod quis facit *ex injunctione sacerdotis* duplicitate valet pœnitenti: uno modo ex natura operis; alio modo *ex vi clavium*. Cum enim satisfactio a sacerdote absolvente injuncta sit *pars pœnitentiae*, manifestum est quod in eo operatur vis clavium; ita quod amplius valet ad expiadendum peccatum quam si proprio arbitrio homo ficeret idem opus.”—Hoc autem discriminis est inter satisfactionem agentem *ex opere operato* et agentem *ex opere operantis* quod in isto casu prærequiritur omnino status gratiæ; in primo autem, si contingat injunctum opus impleri ante absolutionem, poterit in ipso absolutionis momento, quo sacramentum perficitur, efficaciam habere.

Secundum est (contra Oswald) quod satisfactio vi clavium operatur *ad remittendam pœnam temporalem*. Revera, ex doctrina Conc. Trid. (Sess. XIV, cap. 3) habemus actus pœnitentis esse quasi materiam et partes sacramenti, quæ ad plenam et perfectam peccatorum remissionem ex Dei institutione requiruntur. Atqui juxta proportionis legem, contritio et confessio, utpote partes essentia, optime respondent ei quod est essentiale in effectu illo, scil. remissione culpa et pœnae æternæ; satisfactio autem, utpote pars mere integralis, accommodatius respondet ei quod residuum est et completivum, scil. remissione pœnae temporalis: ergo.—Cæterum, de pœnitentia sacramentalibus recte monet Billot (th. XX) quod, etsi vim habeant extinguendi pœnam prius omne meritum operantis, non ideo quodlibet opus injunctum sufficiens est ad destruendum quemlibet reatum: vis enim operis operati semper mensuratur ex positiva Christi institutione; porro, sicut ex perpetua traditione instruimur, Christi institutio in hoc sacramento *proportionavit* instrumentalem efficaciam satisfactionis *quantitatæ* impositæ pœnitentia.

Tertium additur quod (contra Vasquez aliasque nonnullos) plerique theologi tenent, scil. satisfactionem sacramentalem

operari etiam *ad avgendam gratiam* tum habitualem tum actualem.—^{1º} Hæc est expressa *D. Thomæ* sententia (III, Q. XC, a. 2 ad 2), ubi dicit: “Satisfactio confert gratiam, prout est in proposito, et *auget* eam, prout est in executione”¹. Unde, si quid aliud *S. Doctor* tenuisse videatur (4 S. D. XVI, Q. I, a. 1, qu. 2 ad 3), seipsum in *Summa* corresponde censendum est.—^{2º} *Ratio* est, quia satisfactio connumeratur inter partes sacramenti Pœnitentiae, ita ut unum quid unitate morali cum illis efficiat. Atqui cuiusque sacramenti est, in quantum totum aliquod constituit, conferre gratiam ex opere operato vel eam augere. Ergo satisfactio, post absolutionem impleta, auget gratiam jam existentem, una cum auxiliis quibus peccata in futurum facilius pœcaveantur².

Quartum denique respicit *obicem*, si forte quis adsit.—Qua de re tria statuit *Cajetanus* (Opusc. t. I, tr. 6, q. 2): ^{1º} Omnis pœnitentialis satisfactio a confessore imposta, etiam si extra charitatem fiat, sufficiens est *quoad forum militantis Ecclesie*; quia sacramentalis est, utpote pars sacramenti, ideoque Ecclesiæ satisfacit ea ratione, quæ ipsa confessio informis. ^{2º} Quæcumque sacramentalis satisfactio, si extra charitatem fit, nihil tunc valet ad expiationem pœnæ pro peccato delite *apud Deum*; quippe (ut alibi scripsimus) nulla satisfactio pœnitentialis sufficiens est nisi secundum divinam acceptationem, quam constat extra charitatem non

1—Digna sunt qua recitentur verba *Cajetani* (in h. l.): “Nota diligenter, inquit, et prædicta doctrinam hanc, quod *satisfactio sacramentalis auget gratiam* ex hoc quod est pars sacramenti. Et potes hoc intelligere ex differentia qua est inter satisfactionem sacramentalem et non sacramentalem: nam satisfactio sacramentalis valet non solum secundum se, sed etiam et virtute olavium; satisfactio autem non sacramentalis valet solum secundum se, quoniam a olavibus non emanavit. Quocirca plus prodest unus jejunii dies aut unum psalterium ex impositione confessoris quam sine tali impositione. Et hinc sequuntur duo: 1^{um}, quod pœnitentes errant, parvam satisfactionem volentes sibi a confessore imponi; 2^o, quod confessores minus bene provident pœnitentibus, paratis tamen, dando eis levem pœnitentiam: ipsa enim prorogatio satisfactionis sacramentalis virtute olavium et augere nata est gratiam et plus valere ad satisfaciendum pro peccatis.”

2—Vid. plura ap. Gonet, Disp. XIII, a. 3.

inveniri¹. 3º Omnis satisfactio sacramentalis, si extra charitatem fit, valere incipiet quando, recuperata charitate seu remoto obice, poenitens se dispositum habebit; eo modo quo sacramentum informe, recedente fictione, effectum sortitur.

APPENDIX: De pœnitentia publica. (Suppl. Q. XXVIII).

1º Distinguenda est pœnitentia *publica* a *canonica*: hæc enim ita nominabatur, quia sive publice sive privatum fiebat juxta normam canonum pœnitentialium. Publica vero alia erat *solemnis*, alia *non solemnis*, prout vel certis ritibus et determinato tempore, vel sine hac solemnitate sed tamen in facie Ecclesie celebrabatur; sic publica, etsi non solemnis, erat eorum pœnitentia qui plectebantur peregrinatione per mundum aut detrusione in monasterium.—Pœnitentia solemnis complectebatur quatuor gradus seu stationes. *a)* In primo gradu erant *flentes* qui, ad pœnitentiam admissi et lugubri habitu induti, peccata sua in porticu extra ecclesiam detestabantur. *b)* In secundo gradu stabant *audientes* qui, in posteriori ecclesiæ parte, permittebantur lectionem Scripturarum et sacras conciones audire. *c)* In tertio gradu habebantur *substrati* (antonomastice *pœnitentes* dicti) qui, a foribus ecclesiæ usque ad ambonem postrati vel genuflexi, variis pœnis ac precibus exercebantur, quique cum catechumenis ad offertorium exibant. *d)* Tandem in quarto gradu erant *consistentes* qui, ab ambone usque ad sanctuarium, fidelium precibus et sacrificio usque ad finem assistebant, quin tamen possent communionem accipere.

2º Omnes concedunt inde ab ipsis Ecclesiæ primordiis aliquam extitisse pœnitentiam publicam, qualis v. g. fuit pœnitentia a S. Paulo Corinthio incestuoso imposta. Pœnitentia vero solemnis secundum quatuor, in quos distribuebatur, gradus a medio sec. III in Ecclesia orientali vigere cœpit, postea vero a Latinis fuit recepta; apud quos diutius perseveravit.—Hujus *institutionis motivis* sic recenset S. Thomas (art. 1): “Aliqua pœnitentia debet esse publica et solemnis, propter quatuor: *primo* ut peccatum publicum publicam

1.—Bene *Cajetanus* (*l. cit.*) observat remissionem peccati mortalis fieri per modum *amicabilis reconciliationis*, ita ut nemo possit liberari a reatu poenæ temporalis residuo post condonatam poenam æternam nisi debitum illud amicabiliter, scil. in charitate, exsolvat.

chari-
te seu
lo quo
ortitur.
XVIII).
z : haec
u fiebat
ero alia
tibus et
amen in
olemnis,
ione per
a solem-
In primo
t lugubri
t detesta-
in poste-
varum et
ntur sub-
s ecclesiae
pœnis ac
ad offerto-
nsistentes
precibus et
n possent

nordiis ali-
fuit pœni-
Pœnitentia
ribuebatur,
gere cœpit,
us perseve-
S. Thomas
t solemnis,
a publicam

cati mortalis
nemo possit
ntam pœnam
haritate, ex-

habeat medicinam ; *secundo*, quia maxi pa confusione in hoc mundo etiam est dignus qui gravissimum scelus commisit ; *tertio*, ut alii sit ad terrorem ; *quarto*, ut sit ad exemplum pœnitendi, ne desperent qui in gravibus peccatis detinentur."

^{3º} Non omnia peccata lethalia etiam publica, sed sola pœcata gravissima, scil. *idolatria, mæchia, homicidium* eorumque species affines, erant solemni pœnitentia obnoxia.— *Clerici* majores publice lapsi poterant quidem publicæ pœnitentia subjici, puta amoveri a suo ministerio, in monasterium detrudi, quod omnibus temporibus in usu fuit ; solemnem vero pœnitentiam etsi sponte suscipere posset, nunquam ad eam subeundam lege adacti sunt. "Quamvis, ait S. Th. (a. 3 ad 2), in eodem genere peccati clericus plus peccet quam laicus, tamen non injungitur ei pœnitentia solemnis, ne ordo veniat in contemptum."—Pœnitentia publica et non solemnis *iterari* poterat, solemnis non poterat : *primo*, ne ex iteratione vilesceret ; *secundo*, quia significabat expulsionem primi hominis de paradiso, quæ semel tantum facta est ; *tertio*, quia solemnizatio erat quasi quedam professio pœnitentiam perpetuo servandi, cui iteratio repugnasset (S. Th. a. 2).

^{4º} Objicienti contra hanc pœnitentiam solemnem quod judicium pœnitentiale in foro occulto est agendum, respondet *Angelicus* (n. 1 ad 2) : "Pœnitentia solemnis, quantum ad *injunctionem*, non exit forum occultum ; quia sicut occulter quis confitetur, ita occulit ei pœnitentia injungitur. Sed *executio* exit forum occultum ; et hoc non est inconveniens."—Verba hæc S. Doctoris consonant doctrinæ quam alibi proposuimus, nimirum reconciliationem finalem, qua claudebantur solemnis pœnitentia exercitia, nequaquam fuisse (saltem communius) sacramentalem, sed, antequam exercitia illa inciperent, sacramentum fuisse privata ratione administratum.—Cæterum, etiamsi (quod minime concedimus) sola reconciliatio finalis sacramenti rationem habuisset, adhuc maneret contra *Protestantes* demonstratum quod antiquitus pœnitentia sacramentaliter dispensabatur¹.

1—De pœnit. publica plura edisserit Billuart in *Digress. histor.* sub fin. tract. de Pœnit.

DISPUTATIO QUARTA

QUÆSTIO UNICA

DE POTESTATE CLAVIUM ET MINISTRO SACRAMENTI PŒNITENTIAE

Materia, quæ sub hoc capite pertractanda occurrit, ad tria revocari potest; siquidem primum inquirendum venit *in quo* consistat *potes tas clavium* (art. 1) quam in ipso hujus tractationis limine admittendam, velut sacramenti Pœnitentiae fundamentum, accepimus; deinde videndum est *quinam minister* in hoc sacramento clavium potestate gaudeat tum *absolute* (art. 2), tum quoque *relative* seu relate ad subditorum determinationem (art. 3).

ARTICULUS I.

De potestate clavium.

(Suppl. Q. XVII)

Possessio clavium (*inquit Drouyn*, l. VI, q. 8) auctoritatis et dominii argumentum est; sic dominus censetur dominus aut civitatis, qui clavibus earum potitur. Nec immerito, cum hoc ipso potestatem habeat, quos voluerit, arcendi vel admittendi et secretissimos quosque recessus reserandi vel occludendi; unde est quod ubi civitas aliqua se principi victori dederit, claves ad illum in subjectionis signum transferri procurat. Cum itaque Ecclesia dominus sit ac civitas Dei, merito quæ imibi auctoritas exercetur clavium nomine, usu a Scriptura accepto (*Math. XVI, 19*), exprimitur.—*Notio clavium* tribus sequentibus propositionibus declarabitur.

Conclusio 1^a.—POTESTAS CLAVIUM RECTE DISTINGUITUR IN CLAVEM AUCTORITATIS, CLAVEM EXCELLENTIAE, ET CLAVEM MINISTERII; ISTA AUTEM IN CLAVEM SEU POTESTATEM ORDINIS ET CLAVEM SEU POTESTATEM JURISDICTIONIS.

1^a *Pars* evolv. ex *D. Thoma* (art. 1).—In corporalibus clavis dicitur instrumentum quo ostium aperitur. Regni autem spiritualis ostium nobis per peccatum clauditur tum ratione maculae tum ratione reatus poenæ. Ideo potestas, qua tale obstaculum removetur, vocatur clavis.—Porro manifestum est hanc potestatem in divina Trinitate per auctoritatem residere; unde dicitur quod habeat *clavem auctoritatis*.—Sed in Christo homine fuit eadem potestas ad removendum prædictum obstaculum per vim suæ passionis, qua cœli januam toti humanæ naturæ reseravit gratiæque auxilia promeruit quibus singuli posthac januam illam transgredi valerent; unde ei attribuitur *clavis excellentiæ*.—Et quia ex latere Christi pendens in cruce sacramenta fluxerunt, quibus efficacia passionis singulis fidelibus communicatur, ideo ministris Ecclesie, qui sunt sacramentorum dispensatores, potestas sub agente Deo et Christo ad eundem finem conducens collata est; quæ nuncupatur *clavis Ecclesie seu clavis ministerii*.

2^a *Pars* tangit distinctionem qua clavis Ecclesie dispergitur in *clavem ordinis et clavem jurisdictionis*. Audiatur *S. Thomas* (Suppl. Q. XIX, a. 3): “Clavis, inquit, est duplex: una quæ se extendit ad ipsum cœlum *immediate*, removendo impedimenta introitus in cœlum per remissionem peccati, et huic vocatur *clavis ordinis*; et hanc soli sacerdotes habent, quia ipsi soli ordinantur populo in his que directe sunt ad Deum. Alia clavis est quæ non directe se extendit ad ipsum cœlum, sed *mediante* militante Ecclesia per quam aliquis ad cœlum vadit, dum per eam aliquis excluditur vel admittitur ad consortium Ecclesie militantis per excommunicationem et absolutionem; et huic vocatur *clavis jurisdictionis* in foro causarum; et ideo hanc etiam non sacerdotes habere possunt, sicut archidiaconi et electi et alii qui excommunicare possunt. Sed non proprie dicitur clavis cœli, sed quædam dispositio ad ipsum.”

Conclusio 2^a.—CLAVIS ORDINIS RECTE DEFINITUR “POTESTAS CHARACTERE SACERDOTALIS CONSECRATIONIS INCLUSA, PER QUAM JUDEX ECCLESIASTICUS DIGNOS RECIPERE, INDIGNOS EXCLUDERE DEBET A REGNO CŒLESTI”; QUA AUTEM RATIONE CLAVIS JURISDICTIONIS A CLAVI ORDINIS DISTINGUENDA SIT, INQUIRENDUM PROPONITUR.

1^a *Pars* deo! :

Et 1^o dicitur “potestas charactere sacerdotalis consecratio-

nis inclusa"; quibus verbis designatur genus et natura potestatis ad quam clavis ordinis pertinet.—Cum enim clavis illa manifeste sit potentia quedam spiritualis, ulterius investigandum manet cuius naturae sit potentia hujusmodi. Jamvero (ut discurrit *S. Thomas*, a. 2 ad 1) ad duo, quorum unum est ratio alterius, una potestas ordinatur; quemadmodum autem Christo-capiti supernaturalia quæque subjiciuntur, ita muneri, quo conficitur corpus Christi verum, subordinatur munus aliud solvendi et ligandi membra ejus corporis mystici. Ergo *eadem per essentiam* videtur esse potestas qua sacerdos confiscere potest sacram Eucharistiam (ad quod *character* vel ordo sacerdotii præcipue ordinatur) et clavis seu potestas ligandi et solvendi, cum solo rationis discrimine ex diversis effectibus proveniente.

2º Reliqua verba hoc *rationis discriminem* significant.—Etenim quia clavis est potentia qualiam, describenda est per subjectum suum, actum et objectum. Porro, in definitione superius data, tangitur subjectum potestatis clavium, scil. "judex ecclesiasticus" utens clavibus, si jurisdictio adsit (vid. infra); tangitur quoque actus, scil. "recipere, excludere", secundum duo munera materialis clavis, quæ sunt aperire et claudere; tangitur objectum, scil. "a regno cœlesti"; quod, etiam absolute sit apertum, tam non individuis peccatoribus est clausum, nec nisi premisso judicio quoad "dignos et indignos" dignis aperiendum est.

2ª *Pars* versatur circa *clavem jurisdictionis*; de qua disputatio est, quanam habitudine ad clavem ordinis referenda sit.—1º Evidem fatentur omnes inter utramque vigore distinctionem saltem *ex parte termini*; quippe jurisdictio assignat subditos, qui nisi ab Ecclesia determinarentur, potestas ligandi et solvendi nequit valido exerceri.—2º *Ex parte principii* sunt qui putant inter clavem ordinis et clavem jurisdictionis nullam distinctionem intercedere; sed verius judicabitur unam ab altera differre ea lege qua differt *potestas moralis* a *potestate physica*: est enim jurisdictio (in praesenti materia) "potestas externa deputatione accepta qua sacerdos, ut judex, fert in alterum, tanquam in subditum, sententiam in foro conscientiae." Ex quo patet jurisdictionem a clavi ordinis differre *origine, objecto et modo*: *origine* quidem, quia una confertur per impressionem characteris sacerdotalis, altera per

legitimam Ecclesiæ deputationem ; *objecto*, quia clavis ordinis se extendit ad conscientias ligandas aut solvendas in abstracto, concreta autem determinatio fit per jurisdictionem ; modo etiam, quia potestas ordinis in omnibus æqualis est ac indelebilis, non autem potestas jurisdictionis.

Conclusio 3^a. — CLAVIS ORDINIS PER RESPECTUM AD ACTUS PARTIRI POTEST IN CLAVEM SCIENTIÆ ET CLAVEM ABSOLUTIONIS. — Dico *per respectum ad actus* ; quia distinctio hæc, a scholasticis accepta, nequaquam dividit ordinis potestatem secundum essentiam.

Sic ratiocinatur *Auctor* (art. 3) : in omni actu requirente idoneitatem ex parte recipientis, duo sunt necessaria ei cuius est actum illum exercere, nempe judicium de idoneitate recipientis et expletio actus ; et ad utrumque formaliter exigitur auctoritas quedem seu potestas. Atqui clavis ordinis nequit debite reduci in actum nisi presupposita subjecti idoneitate ; per clavem enim ecclesiasticus judex dignos recipit et excludit indignos. Ergo, ante ipsam judicis illius sententiam, prærequisitur judicium auctorativum quo digni ab indignis discernantur. Et secundum hoc, scil. per habitudinem ad actus quorum unus alium presupponit, distinguuntur due claves, nempe *clavis scientiæ* pertinens ad judicium de idoneitate ejus qui absolvendus est, et *clavis solutionis* pertinens ad ipsum absolvendi actum.

ARTICULUS II.

*Utrum solus sacerdos sit minister clavium in sacramento
Pœnitentiae.*

(Suppl. Q. VIII ; Q. XIX)

Waldenses, Wicleffites et Hussites potestatem absolvendi *probis laicis* tribuebant, *improbis vero sacerdotibus* denegabant ; quod in *Conec. Constant.*, damnatum est. — *Hæresiarchæ sœc. XVI* eam, quam dicebant potestatem remittendi peccata, scil. per meram declarationem, per se *omnibus hominibus* communem esse docuerunt ; sed ad confusionem vitandam usum hujus potestatis penes eos solos esse volebant,

qui a magistratu vel a communitate essent deputati (Sasse, th. XIV). — Singularis fuit *Morini* sententia, *diaconis* olim absolvendi potestatem fuisse concessam; nec prætereunda est consuetudo illa, quæ *medio ævo* in periculo mortis obtinuit, confitendi *ipsis laicis*, quin tamen quasi praxis sacramentalis haberetur.

Conclusio. — **MINISTRI CLAVIUM ABSOLUTE SUNT SACERDOTES, OMNES QUIDEM, SED IPSI SOLI.** — Dico *absolute*, quia res nunc veluti in abstracto et independenter a determinatis fidelibus absolvendis spectatur. — Habemus autem *fidei* definitiōnem traditam a *Conc. Trid.* (Sess. XIV, can. 10) : “Si quis dixerit, sacerdotes qui in peccato mortali sunt, potestatem ligandi et solvendi non habere; aut non solos sacerdotes esse ministros *absolutionis*, sed omnibus et singulis Christi fidelibus esse dictum: Quaecumque ligaveritis etc, A. S.” — Tres partes in concl. accipiuntur.

1^a *Pars* suadetur :

1^o a) Ex *figura scripturali*; nam “confessio præfiguratur in Lazari mortui vivificatione. Sed Dominus solum discipulis præcepit ut solverent Lazarum, ut patet Joan. XI. Ergo sacerdotibus facienda est confessio” (S. Th. Q. VIII, a. 1). — b) Item ex *clavibus* divinitus datis. Constat enim clavium potestatem fuisse a Christo collatam Apostolis eorumque in Ecclesia successoribus. Atqui Apostolorum successores ii sunt ac sensu christiano intelliguntur qui sacerdotali pollut dignitate: ergo.

2^o *Traditio* majori firmitate Scripture argumentum roboret. — Inter veteres, iam vidimus *S. Cyprianum* (l. de lapsis, n. 29) *sacerdotes* ceu *absolutionis* ministros coimmemorare. *Origenes* vero de peccatore dicit (in Lev. hom. 2, n. 4): “Non erubescit *sacerdoti Domini* indicare peccatum suum.” Et *S. Hieron.* (Ep. 14 ad Heliod.) : “Absit ut de his (sacerdotibus) quidquam sinistrum loquar, qui apostolico gradu succedentes, Christi corpus sacro ore conficiunt; per quos et nos christiani sumus; qui claves regni celorum habentes, quodammodo ante judicii diem judicant.” — Hinc in omnibus antiquis *libris ritualibus* sacerdos exhibetur tanquam clavium seu *absolutionis* minister.

3^o *Rationes congruentia* non desunt: — 1^a *ratio* petitur ex perfectione novi sacerdotii cuius est, præeunte pontifice

Sasse,
s olim
eunda
s obti-
sacra-

SACER-
nia res
is fide-
dinitio-
Si quis
estatern
tes esse
idelibus
s partes

iguratur
discipu-
l. Ergo
a. 1).—
clavium
mque in
ssores ii
li pollut

um robo-
de lapsis,
memorare.
2, n. 4):
n suum.”
is (sacer-
co gradui
er quos et
habentes,
omnibus
quam cla-

tio petitur
pontifice

Christo (Heb. IX), introducere in cœleste tabernaculum. “ Claves regni cœlestis, inquit S. Th. (Q. XIX, a. 1 ad 1), consequuntur ad sacerdotium per quod homo in cœlestia introducitur; non autem tale erat sacerdotium Leviticum, et ideo claves cœli non habuerunt, sed claves terreni tabernaculi”; per quod tamen prænuntiabatur futura longeque nobilior sacerdotum Christi potestas.—2^a ratio sumitur ex eo quod conveniebat judices sacramentarios super corpus Christi mysticum ex illo ordine assumi, cui soli competit confidere sacramentum veri Christi corporis (Q. VIII, a. 1).

2^a Pars sibi vult omnes sacerdotes, scil. cum episcopos tum quoque presbyteros, esse secundum se subjectum capax potestatis remittendi ac retinendi peccata.

Sane 1^o proxime demonstravimus potestatem illam ex Christi institutione competere ordini sacerdotali. Atqui ad ordinem sacerdotalem vere proprieque pertinent non solum *episcopi*, sed et *presbyteri* qui in ordine illo secundum gradum tenent: ergo.—2^o Quanquam primis Ecclesie sœculis nomen sacerdotis st̄pe *episcopum* designabat, non tamen hec appellatio ita *episcopis* propria erat ut non etiam ipsis tribueretur *presbyteris*. Immo *Tertullianus* (l. de Pœnit. c. 9) testatur pœnitentes solitos esse “ *presbyteris* advolvi.” Clarus vero S. *Hieronymus* (in Matth. XVI, 19): “ Quomodo ibi leprosum sacerdos mundum vel immundum facit, sic et hic alligat vel solvit *episcopus* et *presbyter*, non eos qui insontes sunt vel noxii, sed pro officio suo cum peccatoruia audierit varietates, scit qui ligandus sit qui ve solvendus.”

3^a Pars adjicitur ad excludendum quoscumque non sacerdotes, etiam *diaconos*; quod quidem ex dictis veluti *corollarium* sponte consequitur. Sat erit pauca testimonia e Patribus afferre; sic S. *Ambrosius* (de Pœnit. l. I, c. 2, n. 7) scribit: “ Jus hoc solis permisum sacerdotibus est.” Unde idem S. Pater (*ibid.*) docet sectas illas ab hoc jure excidisse, que sacerdotio carent. S. *Leo M.* (Ep. 108 ad Theod.) ait ita divine bonitatis praesidia ordinata esse, “ ut indulgentia Dei nisi supplicationibus sacerdotum nequeat obtineri.”

Solv. obj.—OBJ. 1.—Pœnitentiae sacramentum dispensari debet juxta divinam institutionem. Atqui divina institutio nobis proponitur (Jacob. V, 16): *Confitemini alterutrum peccata vestra, nulla facta mentione de sacerdotibus.* Ergo,

RESP. C. M.—D. m :... nulla facta mentione formaliter, C ; præsuppositive, N.—Neg. conseq.

“ Dicendum quod Jacobus loquitur ex *præsuppositione* divinæ institutionis; et quia divinitus institutio præcesserat de confessione sacerdotibus facienda, per hoc quod eis potestatem remittendi peccata in apostolis dedit, ut patet Joan. XX, ideo intelligendum est quod Jacobus sacerdotibus confessionem esse faciendam monuit ” (Q. VIII, a. 1 ad 1).

OBJ. 2.—S. Cyprianus, scribens (Ep. 12) ad presbyteros et diaconos Eccl. carthag., fratribus indulget ut, “ si presbyter repertus non fuerit et urgere exitus cœperit, apud diaconum quoque exomologesim facere delicti sui possint, ut manu eis in pœnitentiam imposita veniant ad Deum cum pace.” Ergo.

RESP. D. antec :...et hic agitur de *absolutione sacramenti*, N ; de *publica pœnitentia*, quatenus pœnitentes per manus impositionem (quam et ipsi diaconi ex episcopi indulto adhibere poterant) reconciliabantur cum Ecclesia et ad mensam eucharisticam admittebantur, C.—Neg. conseq.

OBJ. 3.—Pœnitentia est necessitatis sacramentum, sicut et Baptismus. Atqui in Baptismo, propter necessitatem sacramenti, minister esse potest quilibet homo. Ergo.

RESP. D. M :...eodem gradu, N ; diverso gradu, C.—C.m.—Neg. conseq.

“ Baptismus est magis sacramentum necessitatis quam Pœnitentie, quoad confessionem et absolutionem, sacramentum ; quia baptismus prætermitti non posset sine periculo salutis aeternae, ut patet in pueris qui nondum habent usum rationis. Sed non est ita de confessione et absolutione quæ tantum ad adultos pertinet, in quibus contritio cum proposito confitendi et desiderio absolutionis sufficit ad liberandum a morte aeterna ; et ideo non est simile de baptismo et confessione ” (l. cit. ad 2).

OBJ. 4.—S. Thomas (Q. VIII, a. 2) concedit fieri posse confessionem laico, subdens (resp. ad 1) : “ Confessio laico ex defectu sacerdotis facta sacramentalis est quodammodo.” Ergo.

RESP. 1º S. Doctorem his verbis minime significare confessionem vere sacramentalem ; quod patet, quia ibidec dicit *sacramentum tunc non perfici* ideoque oportere ut pœnitens iterum confiteatur sacerdoti, cum copiam habere potuerit ”

(ad 3).—^{2º} Ideo confessio laicis facta ab Angelico appellatur “quodammodo sacramentalis,” quia vel fiebat ad imitationem confessionis sacramentariae, vel sibi adjunctum habebat sacramenti desiderium.—^{3º} At fatendum est morem illum, qui diu ante D. Thomam viguerat ejusque tempore adhuc obtinebat, *merito exoleuisse*, maxime quod facile posset protestantibus confusioneis calumniaeque ansam praæbere.

ARTICULUS III.

Utrum præter potestatem ordinis requiratur ad absolvendum potestas jurisdictionis.

(Q. VIII; Q. XX)

Hæretici, quemadmodum non agnoscent sacramentum Pœnitentie verum esse judicium, ita nec admittunt jurisdictionis necessitatem.—Inter catholicos autem (ait Suarez, Disp. XXIV, sect. 2, n. 2) *quidam* dixerunt omnes sacerdotes ex vi sua ordinationis et divini juris esse sufficientes ministros hujus sacramenti, ita ut, quamvis possit Ecclesia prohibere aliquibus sacerdotibus ne hoc sacramentum ministret, non tamen possit efficere quin eorum absolutio, quantum est ex parte illorum, sit valida. *Altii*, distinctione utentes, sententiam hanc professi sunt pro confessione voluntaria, non vero pro confessione que sit ex necessitate præcepti.—*De jurisdictione et casuum reservatione* una propositione bimembri dicimus.

Conclusio.—AD VALIDITATEM ABSOLUTIONIS SACRAMENTALIS REQUIRITUR, PRÆTER POTESTATEM ORDINIS, POTESTAS JURISDICTIONIS, AB ECCLESIA CONCESSA; EX QUO INFERTUR FACULTATEM ECCLESIAE ESSE RESERVANDI PECCATA.—Distingue tres partes.

1^a *Pars* :—1^º asseritur a *Cone. Trid.* (Sess. XIV, cap. 7): “Quoniam natura et ratio judicij illud exposcit ut sententia in subditos duntaxat feratur, persuasum semper in Ecclesia Dei fuit et verissimum esse Synodus hæc confirmat, nullius momenti absolutionem eam esse debere, quam sacerdos in eum profert in quem ordinariam aut subdelegatam non habet

jurisdictionem." Quibus in verbis plura adnotari volumus : *a) primo* necessitatem jurisdictionis *persuasam semper* in Ecclesia fuisse ; *b) secundo*, adeo ut sine jurisdictione *absolutio* sit *nullius momenti* seu *nullius valoris* ; *c) tertio*, hujus rei rationem esse positam in natura *judicii* quod exercetur in *sacramento Pœnitentiae* ; *d) quarto*, ideoque jurisdictionem requiri de *jure divino* quo sacramentum illud constitutum est.

2º D. Thomas sic ad propositum arguit : — *a)* " *Judicium spirituale* debet esse ordinatus quam temporale. Sed in *judicio temporali* non potest quilibet *judex* quemlibet *judicare*. Ergo cum usus clavum sit *judicium quoddam*, non potest sacerdos quilibet sua clavi in quemlibet uti" (Q. XX, a. 1), sed secundum *requisitæ jurisdictionis limites*. — *b)* *Pæterea* " *alia sacramenta* non consistunt in hoc quod ad *sacramentum accedens* aliquid agat, sed solum ut recipiat, sicut patet in *baptismo* et *hujusmodi*; sed actus recipientis requiritur ac *percipiendum utilitatem sacramenti* in eo qui est suæ voluntatis arbiter constitutus, quasi removens prohibens, scil. *fictionem*. Sed in *pœnitentia* actus *accidentis* ad *sacramentum* est *de substantia sacramenti*, eo quod contrito, *confessio* et *satisfactio* sunt *pœnitentiae* partes quæ sunt actus *pœnitentis*; *actus autem nostri*, cum in nobis principium habeant, non possunt nobis ab aliis dispensari nisi per *imperium*. Unde oportet quod ille qui *dispensator* *hujus sacramenti* constituitur, sit talis qui possit imperare aliquid agendum. Imperium autem non competit alicui in alium, nisi ei qui habet super eum jurisdictionem. Et ideo de necessitate *hujus sacramenti* est, non solum ut minister habeat ordinem, sicut in aliis sacramentis, sed etiam quod habeat jurisdictionem."

*2º Pars non est nisi precedentis *consecatarium* : ex dictis enim habemus, *absolutionem* absque jurisdictione datam esse invalidam. At si jurisdictione *ipsa ordinatione*, et veluti in charactere contenta, sacerdoti conferretur, prohibitio Ecclesiæ illicitum quidem, non tamen invalidum actum absolvendi redderet. — Superest ut jurisdictionem *ab Ecclesia ipsa*, quam Christus pro populi christiani regimine ac salute juribus necessariis instruxit, repetamus : *hoc certe conforme est ordinis hierarchico*, quem in quolibet principatu vigere prospicimus,*

umus :
per in
e absolu-
o, hujus
eretur
ctionem
titutum

dicum
Sed in
et judi-
un, non
(Q. XX,
b) Pæ-
d sacra-
at, sicut
is requi-
i est suæ
pens, scil.
acramen-
tio, con-
ant actus
principium
nisi per
tor hujus
re aliquid
in aliud,
de neces-
er habeat
d habeat

ex dictis
atam esse
veluti in
Ecclesie
vendi red-
osa, quam
ibus neces-
est ordinis
ospicimus,

quiique importat ut inferiores juridice agant secundum normam a superioribus prescriptam (Q. XX, a. 1). — Neque difficultatem facessit quod simplex sacerdos prælatum jurisdictione superiorem absolvat. Nam “ quamvis episcopus, quem simplex sacerdos absolvit, sit superior eo simpliciter, est tamen inferior eo in quantum ei se ut peccatorem subjicit ” (Q. cit. a. 3 ad 1)¹. Unde sicuti medicus ab alio curatur, non in quantum medicus, sed in quantum infirmus, ita Papa vel episcopus, non qua talis, sed qua peccator, a simplici sacerdote absolvvi potest.

3^a Pars definita est a *Trid.* (Sess. XIV, can. 11) his verbis : “ Si quis dixerit, episcopos non habere jus reservandi sibi casus, nisi quoad externam politiam ; atque ideo casuum reservationem non prohibere quominus sacerdos a reservatis vere absolvat ; A. S.”

Ratio manifesta ab *Auctorite* traditur (Q. XX, a. 2) : “ Potestas ordinis, quantum est de se, extendit se ad omnia peccata remittenda. Sed quia ad usum hujusmodi potestatis, ut dictum est, requiritur jurisdictione, que a majoribus in inferiores descendit ; ideo potest superior aliqua sibi reservare, in quibus judicium inferiori non committat.” — Præstat quoque referre quæ habet *Conc. Trid.* (Sess. XLV, cap. 7) : “ Magnopere ad christiani populi disciplinam pertinere sanctissimis patribus nostris visum est, ut atrociora quædam et graviora crimina non a quibusvis, sed a summis duntaxat sacerdotibus absolverentur ; unde merito *Pontifices* maximi, pro supra potestate sibi in Ecclesia universa tradita, causas aliquas criminum graviores suo potuerunt peculiari judicio reservare. Neque dubitandum est, quando omnia, quæ a Deo sunt, ordinata sunt, quin hoc idem *episcopis* omnibus in sua cuique diœcesi, in redificationem tamen, non in destructionem, liceat, pro illis in subditos tradita supra reliquos inferiores sacerdotes auctoritate.”

1—Nota distinctionem ab *Angelico* factam (*ibid.* ad 3) : “ Judicium exterius est secundum homines, sed judicium confessionis est quoad Deum, apud quem aliquis redditur minor ex hoc quod peccat, non autem apud hominum prælaciones. Et ideo in exteriori judicio sicut nullus in seipsum sententiam dare potest excommunicationis, ita nec alteri committere ut se excommunicet. Sed in foro conscientia potest alteri committere suam absolutionem, qua ipse uti non posset.”

Solv. obj.—OBJ. 1.—Potestas clavium in sacerdotes descendit ex illa divina auctoritate: *Accipite Sp. Sanctum; quorum remiseritis etc.* Atqui horum verborum vis est absoluta ac universalis. Ergo.

RESP. *D. M*: Potestas ordinis...*C*; potestas jurisdictionis, *S. d*: radicaliter, *C*; formaliter, *N*.—*D. m*:...in abstracto, *C*; neque in concreto determinanda est per jurisdictionem materia propria in quam vis illa exeratur, *N*.—*Neg. conseq.*

OBJ. 2.—Quilibet sacerdos quemlibet pœnitentem in fine vitae valide absolvere potest. Atqui non apparet tunc collata jurisdictione. Ergo.

RESP. *D. M*:...quia "necessitas legem non habet" (S. Th. Q. VIII, a. 6), *C*; quasi necessitas non sit hujus rei ratio, *N*.—*D. m*:...i. e. non confertur speciali actu, *C*; non habetur tunc ex communi quadam Ecclesiæ ordinatione annuente ut, in mortis articulo, facultas absolvendi nullam limitacionem patiatur, *N*.—*Neg. conseq.*

OBJ. 3.—In eo quod est necessarium, nihil admitti debet quo homines arctentur et impediuntur a via salutis. Atqui magna arctatio est, quod quisque confiteri non possit nisi sacerdoti jurisdictionem habenti. Ergo.

RESP. *C. M*.—*D. m*:...per se, *N*; per accidens seu quando accidat absolvendi licentiam non satis extendi, *C*.—*Neg. conseq.*

"In hoc quod oportet proprio sacerdoti confiteri, non arctatur via salutis, sed sufficiens ad salutem via statuitur. Pec caret autem sacerdos, si non esset facilis ad præbendam licentiam alteri confitendi, quia multi sunt adeo infirmi quod potius sine confessione morerentur quam tali sacerdoti confiterentur. Unde illi qui sunt nimis solliciti ut conscientias subditorum per confessionem sciant, multis damnationis laqueum injiciunt, et per consequens sibi ipsis" (Q. VIII, a. 4 ad 6).

APPENDIX

DE INDULGENTIIS

(Suppl. QQ. XXV-XXVII)

Communi theologorum more et juxta ipsum ordinem in *Summa theologiae* assignatum, post exactam de sacramento Pœnitentiae tractationem, agendum succedit de indulgentiis; quæ, etsi directe ad sacramentum illud non pertineant, etiamen materiæ affinitate connexæ sunt.—Atque circa indulgentias plura sese investiganda præbent, videlicet *quid* et *quotuplex* sit indulgentia, an secundum Ecclesiae potestatem admittenda sit, quemnam *valorem* sibi vindicet, quibus *conditionibus* subjecta sit, pro quibus valeat.

I.—Indulgentiarum notio ac divisio.

a) Universim sumpta indulgentia sensu *moralis* idem est ac benignitas vel gratia, sensu autem *juridico* significat liberalem debiti remissionem; ex quo factum est ut usu ab Ecclesia¹ consecrato traheretur ad designandum "relaxationem poenæ temporalis, post remissam culpam Deo debitam, factam a Prælato, extra sacramentum, ex communi Ecclesiae thesauro." Singula hujus *definitionis* elementa consideremus: —Primo dicitur *relaxatio poenæ temporalis post remissam*

1—Memorandum est *Breve* datum (1518) a *Leone X* ad Card. Cajetanum, Apost. Sedis in causa Lutheri legatum, in quo Pontifex, Romana Ecclesie doctrinam expponens, ait R. Pontificem, "potestate clavium, quarum est aperire tollendo regni celorum in Christi fidelibus impedimenta, culpam scilicet et poenam pro actualibus peccatis debitam, culpam quidem mediante sacramento Pœnitentiæ, poenam vero temporalem pro actualibus peccatis secundum divinam justitiam debitam mediante ecclesiastica *indulgentia*, posse pro rationalibus causis concedere eisdem Christi fidelibus, qui caritate jungente sunt membra Christi, sive in hac vita sint sive in purgatorio, indulgentias ex superabundantia meritorum Christi et sanctorum, ac tam pro vivis quam pro defunctis apostolica auctoritate indulgentiam concedendo thesaurum meritorum J. C. et sanctorum dispensare, per modum *absolutionis* indulgentiam ipsam conferre vel per modum suffragii illam transferre consueuisse; ac proinde omnes tam vivos quam defunctos, qui veraciter omnes indulgentias hujusmodi consequuti fuerint, a tanta temporali poena secundum divinam justitiam pro peccatis suis actualibus debita liberari, quanta concessio et acquisitio indulgentiae equivaleret."

culpam Deo debitæ, quibus verbis exprimitur veluti genus in quo indulgentia cum satisfactione convenit; indulgentia enim non est remissio ipsius culpæ neque mortalis neque venialis, sed *pœnæ* et quidem *temporalis*, nec Ecclesiæ tantum sed *Deo debitæ* ac post remissam *culpam* residuæ.—Verba sequentia indulgentiam specialius determinant tum quoad auctorem, tum quoad modum, tum quoad materiam ex qua fit: quoad *auctorem*, quatenus datur a *Prælato* seu ab eo qui jurisdictionem fori externi habet; quoad *modum*, quatenus conceditur *extra saeramentum*, nec proinde sacramentali rationem secunifert; quoad *materiam*, quia dispensatur de communi illo Ecclesiæ ærario quod ex superabundantibus Christi et sanctorum satisfactionibus coalescit. Sed hæc melius ex dicendis patebunt.

b) Indulgentia præcipue dividitur in *totalem* seu plenariam et *partiale* seu limitatam.—*Totalis* ea est quæ sufficit tollendæ toti poenæ post culpam dimissam superstiti; unde una secundum essentiam dici debet, nec ab eâ Jubilæi indulgentia differt nisi accidentaliter tantum, scil. ratione solemnitatis qua primum est hominem facilius ad lucrandam indulgentiam disponi, necnon ratione quorumdam annexorum privilegiorum, puta *resolutionis a reservatis*, *dispensationis in quibusdam votis*.—*Partialis* vocatur indulgentia quæ partem tantum poenæ peccato debitæ remittit (etsi forte quis, minoris poenæ debitor, possit per indulgentiam partialem a toto reatu sibi proprio liberari). Quid autem sibi velit indulgentia certi numeri dierum, quadragenarum, annorum, computandum est, non iam eo sensu quod totidem dies, quadragenæ vel anni in purgatorio relaxentur, sed quatenus remittatur tanta poena coram Deo debita et in purgatorio luenda quanta remitteretur per penitentiam ejusdem numeri dierum, quadragenarum vel annorum, juxta antiquos canones imponi solitam, aut quæ secundum prudens confessarii judicium esset pro peccatis conumisis imponenda. Quanta autem remitteretur, solus Deus novit (*Billuart*, Diss. un., art. 1).

II.—Indulgentiarum veritas.

Ex Ecclesiæ hostibus primi indulgentiarum oppugnatores extiterunt *Waldenses* docentes indulgentias, quæ a summo pontifice conceduntur, nihil prorsus valere.—Eos secutus est *Wicleffus* cuius sententia fuit, fatuum esse credere indul-

gentiis papæ et episcoporuni.—In primis vero indulgentias impugnavit *Lutherus*, qui a reprehensione abusuum ad ipsius rei reprehensionem gradiens, eo prætextu sectam suam auspiciatus est¹; quem mox alii *Novatores* sectati sunt.—Teste *D. Thoma* (Q. XXV, a. 1), quidam olim dixerunt indulgentias non valere ad tollendum reatum pœnae quam quis secundum judicium Dei meretur, sed valere tantum *in foro Ecclesiae* seu ad absolvendum ab obligatione pœnae canonice subeundæ; hanc autem sententiam, hæreticarum opinamentis affinem, refovit *Syn. Pistoriensis* (prop. 40) damnavitque Pius VI (1794).—Superest ut doctrinam catholicam contra errores illos stabiliamus.

Conclusio.—ADMITTENDA EST ECCLESIASTICA POTESTAS EISPENSANDI, EX COMMUNI ECCLESIE THESAURO, IN FIDELIUM UTILITATEM, INDULGENTIAS CATHOLICO SENSU INTELLECTAS.—Claritudinis gratiâ, tres partes distinguemus.

1^a *Pars de potestate concedendi indulgentias, sancita est a Conc. Trid. (Sess. XXV, descr. de indulg.), et ostendit :*

1^b Ex *Scriptura*.—a) Juxta verba (*Joan. XX*): *Quorum remiseritis peccata, etc*, Ecclesia a Christo accepit potestatem dimittendi peccata. Atqui potestas se extendens ad id quod principale est, nexus logico attingit etiam id quod est accessoriū et consequens. Ergo Ecclesia remittere potest non solum peccata, sed et pœnas inde consequentes.—Rursus, verbis (*Matth. XVI et XVIII*): *Quodcumque solveris etc, quæcumque solveritis etc*, continetur amplissima potestas, scil. potestas solvendi omnia vincula quæ homines impedire possunt a consecutione æternæ salutis. Atqui pœna temporalis Deo debita vinculum est, quod, quamdiu non est solutum, fideles a consequenda salute detinet: ergo.—Quominus autem pœna illa etiam *extra sacramentum* remittatur, nihil est quod prohibeat: neque ex parte *potestatis clavium*, quæ omnino generalis est; neque ex parte ipsius *pœnae temporalis*, quæ, etsi gratiam iam adeptam supponat, dimitti tamen potest sine

1.—Attamen, ut apposite notat *Bellarminus* (l. II de Indulg. c. 1), “neque ullus unquam tam amplam indulgentiam promulgavit quam *Lutherus*, qui sine ullo pœnitentiâ labore, sine ullis operibus bonis, culpas omnes et pœnas *sola fide* remisit; si tamen ea indulgentia, et non potius licentia et vere impia fraus et impostura dicenda est.”

infusione gratiae ideoque extra sacramenta quibus gratia confertur.—Tandem praefata Ecclesiæ potestate poenam temporalem remitti etiam *coram Deo*, evincitur : tum quia Petro et Apostolis dictum est, id quod in terra solvissent, *in cœlo quoque solvendum fore*; tum quia secus concessio indulgentiarum, sublatis per eas poenitentiis levioribus hujus vite homineque remisso ad graviores purgatorii poenas, magis dannificaret quam adjuvaret (S. Th. l. cit.).

b) Insuper, uti habetur (I Cor. V, 3 sq.), S. Paulus nomine ac virtute Christi gravem poenam in Corinthium incestuosum statuerat; quo seriam poenitentiam agente, rogantibusque Corinthiis, Apostolus post annum quod poenitentie supererat relaxavit (2 Cor. II, 6-10). Jamvero haec poenae residue relaxatio merito censemur indulgentia: ergo. *Min.*, apparet ex duobus: *primo*, quia condonatio illa nec erat reconciliatio cum Ecclesia quæ jam contigerat, nec absolutio a culpa et poena æterna quam Paulus absens litteris dare non poterat: ergo remissio fuit poene temporalis. *Secundo*, quia hanc remissionem fecit Apostolus in persona Christi: *ego quod donavi, si quid donavi* (forte enim poenitens magna contritione satis peccatum expiaverat), *propter vos in persona Christi* (v. 10). Christus autem potestatem habuit relaxandi poenas judicio divino pro peccatis debitas.

2º Ex praxi Ecclesie.—Quam antequam exponamus, praenotare juverit aliud esse *potestatem*, aliud *exercitium* potestatis; unde, etiamsi constaret usum indulgentiarum (quarum concessio plurimum a circumstantiis dependet nec omnino ad vitam Ecclesiæ necessaria est) non esse admodum antiquum, id nullo modo probaret Ecclesiam hanc esse divinitus instructam potestate concedendi indulgentias.—Præterea, quod indulgentie *varius olim* quam nunc dispensarentur, causa esse potuit tum fervor fidelium seipsos sponte penitentium, tum disciplina severior pro temporum illorum ratione ab Ecclesia imposita: qui certe indulgentiarum vim quodammodo supplebant.—Ceterum indulgentie *essentiaueriter* sumptue, et seorsum a modo particulari quem nunc preserunt, nunquam penitus defuerunt; quod expresse docuit *Trid.* (Sess. XXV) inquiens "antiquissimis etiam temporibus" Ecclesiam illas concessisse.

a) Revera stœc. II et III, testantibus *Tertulliano* et

S. Cypriano (ap. *Sasse*, th. XXXVIII), mos Ecclesiae erat, intuitu intercessionis martyrum seu *libellorum pacis* quos pœnitentes a martyribus impetraverant, eis pœnitentiam in satisfactionem peccatorum injunctam relaxandi. Jamvero in hoc indulgentiam veri nominis habemus:—siquidem *primo* non ipsi martyris immediate per se favorem illum conferabant, sed ut *ab episcopis fieret*, meritis ac precibus suis intercedebant; unde litteræ pro lapsis datae dicebantur *desideria* vel *petitiones* martyrum effectum consecuturæ post institutum ab episcopis examen de dispositionibus pœnitentium.—*Secundo* relaxatio illa fiebat ex *satisfactionibus*, quibus martyres ipsi non indigebant, in lapsos derivatis, solutionis instar pro alieno debito; quod *Tertullianus* (de Pudic. c. 22) aperte declarat, tametsi arguens Ecclesiae morem (Montanista enim tunc erat): “Quis alienam mortem suā solvit, nisi solus Dei Filius?”—*Tertio* pacto illo concedebatur remissio pœnæ non in solo foro ecclesiastico, sed et in *foro divino* debitæ; quippe *S. Cyprianus* (Ep. 12, n. 1) scribit fideles lapsos, mediantibus libellis martyrum, “apud Deum juvari” et “venire ad Dominum cum pace”.

b) Amplius, dum antiquitus in Ecclesia vigebat usus *pœnæ canonicea*, jus episcopis erat eamdem pœnam, illis qui fervidius pœnitentes viderentur, relaxandi; quod apparet ex Conc. Niceno, c. 12, Conc. Aneyr. c. 5, etc (ap. *Sasse*, l. cit.). Porro relaxationem illam veram fuisse indulgentiam, facile competitur; quandoquidem substituebatur in locum pœnæ canonicea eumque proinde sortiebatur effectum quem relaxata pœna per se consecuta fuisset. Jamvero pœnæ canonicea scopus is erat, ut nempe pœnitentes non solum Ecclesie, sed et *Deo satisfaccerent* (*Tertull.* de Penit. c. 9; *S. Cyprian.* Ep. 59 ad Flidum). Ergo remissio vel relaxatio injunctio pœnæ (ne quid minus effleax dicatur) extinguere valebat (saltem conditionate, si quod nempe debitum superesset) reatum pœnæ temporalis judicio divino constitutum.

c) Indo a sœc. VII, quo tempore “indulgentiae a Gregorio in stationibus Romæ institutæ sunt” (*S. Th.* n. 2), usque ad initium sœc. XIII, quandiu nimirum vigebant canones pœnitentiales, quibus certæ pœnæ singulis peccatis assignantur, usus existebat *redemptionis pœnitentiae canonice*, quantum pœnitentia ista in leviora opera, v. g. visitationis ecclœ-

siarum, peregrinationis, commutaretur. Porro hæc redemptio seu commutatio, utpote non minus apta ad remittendum debitum quam poenitentia redempta, vera erat indulgentia; cuiusmodi fuit indulgentia plenaria concessa *crucesignatis* seu suscipientibus iter ad bellum sacrum gerendum (1095)¹.— Longius foret historicam indulgentiarum explicationem prosequi; quam videre est penes hujus rei tractatores².

^{3º} Ex *ratione* petita ab iis signis quibus internoscuntur catholica dogmata ab haereticis. Nam catholicorum dogmatum hoc est proprium, ut non inveniatur eorum origo, nisi ad evangelium vel apostolos ascendamus; haeresum autem semper designari potest certus auctor, et locus, et tempus, in quo exoriri cœperunt. Jamvero nullus hactenus indicare potuit auctorem indulgentiarum, neque locum, vel tempus, quo prædicari cœperint. Omnes enim qui de indulgentiis mentionem faciunt, sive doctores sint, sive pontifices, sive etiam concilia, ita de iis loquuntur, ut de re usitata et recepta. Initium autem haeresis contra indulgentias notissimum est; ac ipse Kemnitius testatur primos earum oppugnatores fuisse Waldenses. (*Bellar.*, de Indulg. I, I, c. 3).

^{2º} Pars veluti prioris confirmatio ac evolutio succedit de *thesauro Ecclesie* ex quo indulgentiae dispensantur, sic tangens fundamentum indulgentiarum quod est *communio sanctorum* seu unitas corporis Christi mystici.

Sane exstat in Ecclesia communis quidam thesaurus, ex superabundantibus Christi et sanctorum meritis³ seu satisfactionibus conflatus (Clem. VI, Const. *Unigenitus*)⁴. Atqui legitima auctoritas optime potest de his bonis communibus quidpiam fidelibus sub indulgentiarum specie elargiri: ergo.—*Maj. decl: a)* Et primo recolimus bonis hominum

1.—Cf. de hac indulgentia *S. Thom.* Quodl. II, art. 16.

2.—Cf. opus a cl. A. M. Lépicer conscriptum sub titulo: *Indulgenze, loro origine, natura e svolgimento.*

3.—Notandum hec, vocem *meriti sui* posse vel generice vel specificie *generice*, pro omni eo quod sui ratione aliquid exigit; *specifice*, pro eo quod sua bonitate exigit remunerationem. Primo sensu acceptum nomen *meriti usurpatur* quandoque ad significandam satisfactionem.

4.—Inter errores Lutheri a Leone X damnator habetur prop. 17^a: “*Thesauri Ecclesie, unde Papa dat indulgentias, non sunt merita Christi et sanctorum.*” Cf. propp. 60^a *Bati* et 41^a *Syn. Pistoriensis.*

actionibus duplēcē inesse valorem, *meritorium* scil. et *satisfactorium*; quam distinctionem *Lutherus* quidem figmentum esse dixit, nos autem in *Scriptura* ac ratione fundari contendimus. In *Scriptura*; siquidem v. g. per eleemosynam modo peccatum redimi (Dan. IV, 24), modo regnum cœlorum percipi (Matth. XXV, 34) dicitur: ubi habes satisfactionem et meritum. In *ratione* vero; quia aliud est in actione bona formalitas dignitatis moralis qua mereri valet, aliud formalitas laboriosi ac pœnalis operis qua valet satisfacere¹. b) Jamvero, cum pœna temporalis peccatis debita per satisfactionem redimatur, thesaurus Ecclesie complecti asseritur tum *Christi* tum *sanctorum satisfactiones superabundantes*². Quis enim neget non solū Christum passionibus infiniti pretii, sed et immaculatam Virginem Mariam, et S. Joan. Baptistam, et prophetas, et apostolos et martyres, etc, superabundantes divine justitiae satisfactiones præstisset quibus ipsi ad redimendas pœnas Deo debitas haudquaquam indigerent? "Multi, ait S. Th. (Q. XXV, a. 1), in operibus pœnitentiae supererogaverunt ad mensuram debitorum suorum; et multi etiam tribulationes injustas sustinuerunt patienter, per quas multitudo pœnarum poterat expiari, si eis deberetur: quorum meritorum tanta est copia quod omnem pœnam debitam nunc viventibus excedunt; et præcipuo propter meritum Christi, quod etsi in sacramentis operatur, non tamē efficacia ejus in sacramentis includitur, sed sua infinitate excedit efficaciam sacramentorum"³. c) Hic antem satisfactionum superabundantium thesaurus jure computatur inter *communia Ecclesiae bona*; nam, ut rursus docet S. Th. (Quodl. II, a. 16), "Christus pro *Ecclesia sua* sanguinem suum fudit, et multa alia fecit et sustinuit quorum estimatio est infiniti valoris, propter dignitatem personæ; unde dicitur (Sap. VII, 14) quod *infinitus est* in illa *thesaurus hominibus*. Similiter etiam et omnes alii sancti intentionem habue-

¹—Cf. S. Thom., Quodl. II, art. 14.

²—Satisfactionibus Christi, etsi per se sufficientissimis, imo et infiniti valoris, adjunguntur satisfactiones sanctorum, non ad augendam satisfactionis vim intensivam, sed extensivam tantum, ideo quod per hoc unitas corporis Christi mystici magis demonstratur et sanctorum perfectio ac merita illustrius glorificantur.

³—Cf. Bellarm., op. cit. c. 2.

runt in his quæ passi sunt et fecerunt propter Deum, ut hoc esset ad utilitatem non solum sui, sed etiam *totius Ecclesiae*."—*Min.*, arg. evincitur ex illo *principio*, quod ea quæ sunt alicujus multitudinis communia distribuuntur singulis ad eam pertinentibus secundum arbitrium ejus qui multitudini præest. "Totus ergo iste thesaurus est in dispensatione ejus qui præest generali Ecclesiæ; unde Petro Dominus claves regni cælorum commisit (Matth. XVI). Quando ergo utilitas vel necessitas ipsius Ecclesiae hoc exposcit, potest ille qui præest Ecclesiæ de ista infinitate thesauri communicare alicui qui per caritatem fit membrum Ecclesiae, quantum sibi visum fuerit, vel usque ad totalem remissionem poenarum, vel usque ad aliquam certam quantitatem; ita scilicet quod passio Christi et aliorum sanctorum ei imputetur ac si ipse passus esset quantum sufficeret ad remissionem sui peccati, sicut contingit cum unus pro alio satisfacit" (S. Th. l. cit.). *Conf.* ratione ducta ab *exemplo* societatis civilis. Si enim (nisi Bellarm. I. I. c. 3) princeps aliquis debeat stipendia multa militibus et rursum multos in carcerebus habeat fisci fraudatores qui debeant poenam in pecunia lucre, supposito quod milites illi ex direptis civitatibus locupletati stipendiis non egeant eaque reipublice condonent pro arbitrio principis eroganda, hic certe poterit per stipendia illa fisco pro debitibus incarcerateditorum satisfacere et miseros illos absolvere. Ita a pari in societate spirituali.

3^a *Pars* attinet *utilitatem* que fidelibus omnibus obvenit ex indulgentiis.—Per eas enim ita remittitur poena temporalis post remissam culpam debita ut, salva satis Dei justitia, homo tamen misericordie condonantis effectum persentiat. Ad rem conferri possunt que habet S. Bonaventura (in 4 S. D. XX, p. 2, a. 1, q. 2): "Triplex, inquit, sit poena condonatio, ut sic currat misericordia cum justitia; et in qualibet est commutatio majoris in minus. Unde poena aeterno mutatur in temporalem in remissione culpe; secunda temporalis magna et supra vires in paenam competentem viribus commutatur in sacerdotis absoluzione; tertio vero commutatur poena, ad quam tenetur judicio Ecclesiæ, adhuc in minorem in relaxatione, et pro alio residuo merita Ecclesiæ satisfaciunt, ita quod in nullo prejudicetur justitia."—Hæc autem per indulgentias relaxatio proficia est non solum

iis qui frequenter in peccata labuntur, sed et iis qui perfectioni dant operam; siquidem omnibus utile est liberari ab impedimento, cuiusmodi est reatus poenae temporalis, quo celestium bonorum adeptio retardatur. Præterea, quis non videat per indulgentias hominem vehementer *ad bonum incitari*, tum propter dispositiones morales quæ ad illas lucrandas prærequiruntur, tum propter diversa sive religionis sive charitatis sive penitentiae opera quæ in eundem finem imponi solent? — Merito igitur *Conc. Trid.* (Sess. XXV, decr. de ind.) decrevit “indulgentiarum usum christiano populo *maxime salutarem* esse.

Solv. obj. — Obj. 1. — Deus, quia negare scipsum non potest (2 Tim. II, 13), dicta sua adimpler. Atqui Dei sententia est quod *pro mensura peccati erit et plagarum modus* (Deut. XXV, 2). Ergo.

RESP. C. M. — *D.m* ... quatenus justitia exigit proportionem quantitatis inter culpam et poenam, *C*; quasi pro culpa unius merita alterius, secundum *reversibilitatis* legem, satisfacere non possint, *N*. — *Neg. conseq.*

Obj. 2. — Inferior non potest absolvere ab eo ad quod superior obligavit. Atqui Deus in absolvendo a culpa obligat ad poenam temporalem. Ergo.

RESP. D. M. ... non potest *absolvere simpliciter* a debito, *C*; non potest *dare unde debitum solvatur*, *N*. — *C.m*. — *Neg. conseq.*

Obj. 3. — Non potest homo (absque potestate excellentie quæ propria Christi est) effectum sacramentorum sine sacramentis producere. Atqui remissio poenæ temporalis, ad quam indulgentie ordinari dieuntur, est effectus sacramenti penitentie. Ergo.

RESP. D. M. ... effectum sacramentorum *principalem*, *C*; effectum *secundarium*, *N*. — *C.d.m*. — *Neg. conseq.*

Obj. 4. — Potestas ministris Ecclesie non est tradita in destructionem, sed in redificationem. Atqui ad destructionem hoc vergere videtur, quod in locum satisfactionum nostrarum medicinalium indulgentias substituantur. Ergo.

RESP. C. M. — *D.m* ... si inordinate dentur, *Trans*; si rite dispensentur, *N*. — *Neg. conseq.*

Sapienter rem explicat *Angelicus* (art. 1 ad 4): “Dicendum quod majus remedium præbetur contra peccata vitanda

ex gratia quam ex assuetudine nostrorum operum. Et quia ex affectu quem accipiens indulgentias concipit ad causam pro qua indulgentia datur, *ad gratiam disponitur*, ideo etiam per indulgentias remedium ad peccata vitanda datur. Et ideo non est in destructionem indulgentias dare, nisi *inordinate* dentur.—Tamen consulendum est eis qui indulgentias consequuntur, *ne propter hoc ab operibus pénitentiae injunctis abstineant*, ut etiam ex his remedium consequantur, quamvis a debito poenae essent immunes; et præcipue, quia quandoque sunt plurium debitores quam credant.” Cf. Quodl. II, a. 16 ad 3¹.

III.—Quantus sit indulgentiarum valor.

Admissa contra hæreticos indulgentiarum veritate, quæstio altera inter catholicos controversa proponitur de earum *valore*; qua in re plures prodierunt theologorum opinione, secundum quod illius valoris gradus repetatur vel ex fide seu *devotione* recipientis indulgentias, vel ex *opere* quod præstet juxta sequum bonorum judicium estimato, vel ex *satisfaciendi studio* quod alioquin exhibeat, vel ex *causa pro qua* indulgentiae conceduntur, vel demum ex *causa qua* largitio illa impartitur.—Cuncta hæc sequenti sub propositione discutiemus, *D. Thomæ doctrinam* (Q. XXV, a. 2) fideliter sectaturi.

Conclusio. — EXPENSIS MINUS VERIS DIVERSORUM OPI-
NANTIUM SENTENTIIS, SIMPLICITER ASSEVERAMUS INDULGENTIAS
PRO THESAURI, EX QUO ERUUNTUR, SUPERABUNDANTIA TAN-
TUM VALERE QUANTUM PRONUNTIANTR, DUMMODO ADSINT
REQUISITÆ CONDITIONES.

1^a Pars respicit sententias improbabiles, quas singulas breviter refutabimus.

1^o *Quidam* dixerunt indulgentias unicuique non prodesse nisi pro mensura sue fidei et devotionis; ideo autem Ecclesiastim eas absolute determinare, ut pia quadam fraude homines ad benefaciendum alliciat.—At sententia hec duplice præsertim defectu laborat: *a)* primo enim homines in incerto prorsus relinquit circa indulgentias quas lucentur; *b)* se-*condo* Ecclesiæ documentis adsperrit labem falsitatis et mendacii, quæ fidei auctoritatem inficit, nec conciliari potest

1.—Plures obj. dissolvit Bellarminus, l. I, c. 4, et l. II.—Cf. quoque Cajetanus, Opuso. t. I, tr. 16, q. 1.

cum verbis Scriptuæ (Job. XIII, 7): *Numquid Deus indiget vestro mendacio, ut pro illo loquamini dolos?*

2º *Alii* dixerunt valorem indulgentiarum pensari ex *indole operis* quod a suscipiente praestatur, non quidem absolute, sed relative, seu spectatis circumstantiis personæ, temporis, utilitatis etc, et secundum æquam sensus christiani aestimationem.—Verum hæc etiam opinio stare non potest: a) *primo*, quia secundum hoc indulgentiæ non valerent per modum remissionis seu relaxationis, sed magis per modum commutationis ejusdam, qua nempe opera penitentia hominibus prescripta substituerentur in locum penarum pro peccato lendarum; quod dissonum est a genuino indulgentiæ conceptu. b) *Secundo*, quia prædicatio Ecclesiæ, pronuntiantis indulgentias forte majores quam justa aestimatio possit requirere, a mendacio non excusaretur.

3º *Alii* tenent mensuram remissionis per indulgentias factæ pendere ex *studio sponte satisfaciendi*, ita ut quilibet tantum de indulgentia lucretur quantum satisfactionis sibi ipse imposuerit: id docuerunt *Cajetanus* et *Navarrus*, quibus dein assensus est *Eus. Amort.*—Porro hæc sententia gravibus impeditur incommodis: a) *primo* siquidem manifeste redolet *subjectivismum* prime opinionis, eamdem incertitudinem de indulgentiarum acquisitione inducit, atque Ecclesiæ pronuntiationem deficientem reddit. b) *Secundo* nititur falso illo *supposito* quod adversa positio conducere nata sit ad vitam mollem, commodam, enervatam: falsum, inquam, est tale suppositum, quia, præterquam quod cupientibus lucrari indulgentias prescribuntur penitentia quædam exercitia, per hæc exercitia sœpius iterata homo assuevit etiam spontaneis penitentibz operibus quæ et satisfactoria et meritoria sunt, nec eximitur ab obligatione querendi in operibus illis peccati remedium. c) *Tertio*, in ea, quam impugnamus, sententia haud liquet quandonam homo lucraretur concessas indulgentias, num scil. ante impletas satisfactiones illas voluntarias juxta quarum modum indulgentiarum valor mensurandus dicitur, num solummodo postquam illas explevisset: in primo casu, acquiri possent indulgentiæ etiam nondum positis conditionibus ad eas requisitis; in altero casu, quid de moribundo mox decedente nec ulla satisfactione spontanea perfuncto? quid quoque de eo qui, tempore concessæ indul-

gentiae vere pœnitens, brevi tamen in nova peccata laberetur? Occurrunt undique inconvenientia. d) *Quarto* demum impugnatae sententiae aperte contradicit *Angelicus Doctor*, v. g. (Quodl. II, art. 16): "Dicitur: omnibus vere pœnitentibus et confessis; non dicit, et satisfacientibus; quia indulgentia non excusat a contritione et confessione, sed cedit in locum satisfactionis." Consentiant *Suarez*, *Sylvius*, *Benedictus XIV*, *Beringer*, etc.¹.

4^o Alii, inter quos *B. Alb. M.*, *S. Bonav.*, *Rich. a S. Vict.*, etc., sentiunt quantitatem remissionis in indulgentiis esse dimetiendo secundum causam pro qua indulgentia datur, ita ut pro gradu proportionis cause cum quantitate concessae indulgentiae neonou pro gradu humanae diligentiae in attinendo causam illam quisque vel in toto vel in parte indulgentiam lucretur.—Sed a) hoc in primis (ait *D. Thom.*) salvare non potest consuetudinem Ecclesie quæ interdum majorem pro eadem causa, interdum minorem indulgentiam ponit; sicut rebus eodem modo se habentibus, unam visitantibus ecclesiam quandoque unius anni, quandoque quadraginta dierum indulgentiam, pro Pontificis voluntate, conceditur. b) Insuper hæc opinio non satis distinguit inter validum ac licitum usum potestatis largiendi indulgentias arbitrio Praelatorum commissæ. Notentur verba *Auctoris* (h. l. ad 1): "Clavis jurisdictionis non est quid sacramentale, et effectus ejus arbitrio hominis subjacet; et hujusmodi clavis effectus est remissio quæ fit per indulgentias... Unde in arbitrio dantis indulgentiam est taxare, quantum per indulgentiam de pena dimititur. Si tamen inordinate remittat, ita quod homines quasi pro nihilo ab operibus pœnitentia revocentur, peccat faciens tales indulgentias; nihilominus quis plenam indulgentiam consequitur."

2^o Pars concl. veriorem sententiam promitt, quam *S. Thomas* (l. cit.) sic adstruit: "Quantitas effectus sequitur quantitatem sue causæ. Causa autem remissionis penæ in indulgentiis non est nisi abundantia meritorum Ecclesie, que se habet sufficienter ad totam penam expiandam; non autem

1—Cf. cl. A. M. Lépicioi qui, in disquisitione theologica *De indulgentiarum valore* (1900), pleraque argumenta istius sententiae egredie refellit.

causa remissionis effectiva est vel devotio, vel labor, vel datum recipientis indulgentiam, aut causa pro qua datur indulgentia. Unde non oportet ad aliquid horum *proprietatem remissionis*, sed *ad merita Ecclesiae* quae semper superabundant. Et ideo secundum quod applicantur ad istum, secundum hoc remissionem consequitur. Ad hoc autem quod applicentur isti, requiritur auctoritas dispensandi hujusmodi thesaurum, et unio ejus cui dispensatur ad eum qui merebatur (quod fit per charitatem), et ratio dispensationis secundum quam salvetur intentio illorum qui opera meritoria fecerunt: fecerunt enim ad honorem Dei et utilitatem Ecclesiae in generali. Unde quæcumque causa adsit quæ in utilitatem Ecclesiae et honorem Dei vergat, sufficiens est ratio indulgentias faciendi." Ex quo fluit conclusio: "Indulgentiae simpliciter tantum valent, quantum prædicantur, dummodo ex parte dantis sit auctoritas, et ex parte recipientis charitas, et ex parte cause pietas quæ comprehendit honorem Dei et proximi utilitatem." —Patet igitur, secundum S. Doctorem, aliud esse *causam propriam* et *immediatam* quæ sunt indulgentiae et cui commensuratur pœna remissio, aliud *conditiones* requisitas ad hoc ut causa illa vim suam actu exerceat: inter conditiones quidem reponitur ratio dispensationis, puta peregrinatio, secundum quam intentio Christi et sanctorum satisfacentium continuatur usque ad illum cui velit indulgentia applicari; non tamen inde sumitur mensura indulgentiae, sed ex thesauro satisfactionum que, presupposita ratione illa, per Ecclesiae determinationem alicui adjudicantur.

Solv. obj. —**OBJ.** 1. — Indulgentiae habent effectum ex vi clavium. Atqui ex vi clavium non potest quis dimittere de pœna peccati nisi quantum a Deo fuerit præordinatum. Ergo indulgentiae non vident tantum quantum sonant.

RESP. *D. M*: ...ex clavi ordinis, *N*; ex clavi jurisdictionis, *C*. — *C.d.m*: ex clavi ordinis qua dispensantur sacramenta divinitus constituta, *C*; ex clavi jurisdictionis qua quis pro arbitrio dispensat bona Ecclesie communia, *N*. — *Neg. conseq.*

Obj. 2. — Supposito quod indulgentiae tantum valeant quantum pronuntiantur, deberet homo, ad extingueendum brevi omnem pœna reatum, vacare eis acquirendis, dimissis aliis operibus bonis. Atqui hoc inconveniens est. Ergo.

RESP. *D. M.*:...supposito etiam quod indulgentiae valeant tum ad satisfaciendum tuum ad merendum, *C*; ad satisfaciendum tantum, *N*.—*C.m.*—*Neg. conseq.*

“Quamvis indulgentiae multum valeant ad remissionem poenae, tamen alia opera satisfactionis sunt magis *meritoria* respectu *præmii essentialis*: quod in infinitum melius est quam dimissio poenae temporalis” (*S. Th. h. l. ad 2*).

OBJ. 3.—Non potest Prælatus remittere aliqui poenam ultra justam aestimationem. Atqui quandoque fit ut indulgentiae praedicentur ultra justam estimationem. Ergo.

RESP. *D. M.*:...si penitus causa deficiat, *C*; si deficiat proportio causæ cum indulgentiâ concessâ, *S.d*: non potest licite, *Trans*; valide, *N*.—*Trans. m.*—*Neg. conseq.* Cf. mox dicenda.

IV.—Conditiones ad indulgentias requisita.—Requiri conditiones dicimus vel ad *dandas* vel ad *lucrandas* indulgentias.

1º *Ex parte dantis* duo requiruntur:

a) In primis *legitima auctoritas*; siquidem indulgentia importat thesauri Ecclesie distributionem ideoque potestatem communia hujus societatis bona administrandi.—De *jure ordinario* potestas illa residet principaliter in *R. Pontifice*, subordinate in *episcopis*. “Papa, ait *S. Thomas* (Q. XXVI, a. 3), habet plenitudinem pontificalis potestatis, quasi rex in regno; sed episcopi assumuntur in partem sollicitudinibus, quasi judiees singulis civitatibus prepositi; propter quod eos solos in suis litteris Papa *frutres* vocat, reliquos autem omnes vocat filios. Et ideo potestas faciendi indulgentias plene residet in *Papa*, quia potest facere prout vult, causa tamen existente legitima; sed in *episcopis* est taxata *sucundum ordinacionem Papæ*. Et ideo possunt facere secundum quod eis est taxatum, et non amplius.”—Notandum tamen cum eodem *S. Doctore* facultatem concedendi indulgentias pertinere ad clavem *jurisdictionis*, non ad clavem ordinis. “Et quia *diaconi* et *alii non sacerdotes* possunt habere jurisdictionem vel *commissam*, sicut legati, vel *ordinariam*, sicut electi; ideo possunt indulgentias facere etiam non sacerdotes, quamvis non possint absolvere in penitentiali foro, quod est ordinis” (Q. cit. a. 2).

b) Insuper requiritur *causa extrinseca legitima*, scil. opus

vel ratio utcumque pertinens ad Dei honorem et Ecclesiae utilitatem: quod omnes concedunt. *Ratio* est, quia indulgentiae fiunt ex satisfactionibus Christi et sanctorum; Christus autem et sancti meritis ac satisfactionibus suis operati sunt ad Dei honorem et Ecclesiae bonum. Porro utrumque exigit ut non sine ulla causa pia vel compensatione aliqua solvatur obligatio lueræ poenæ temporalis secundum divinam justitiam peccatis debite. Ergo potestas solvendi hoc debitum per indulgentias eo veluti fundamento nititur quod (præter finem intrinsecum poene temporalis relaxandæ) extrinsecum quiddam ad Dei honorem Ecclesiaeque utilitatem conducens favorem illum suadeat.—Hinc (docente *Angelico*, Q. XXV, a. 3) non potest quidem fieri indulgentia pro *temporalibus simpliciter*, bene tamen sive pro *pure spiritualibus*, eujusmodi sunt orationes, sive pro *temporalibus ordinatis ad spiritualia*, uti sunt repressio inimicorum Ecclesiae, basilicarum constructio, etc: in quo non est simonia, quandoquidem non datur spirituale pro temporali, sed pro spirituali—Controversia tamen existit inter theologos, num illa, quæ requiritur, extrinseca causa debeat necne proportionem habere cum indulgentia: plures cum *Bellarmino* affirmant; alii, ut *Greg. de Valentia*, negant. Hanc postremam esse, eamque probabilem, *D. Thomæ* sententiam¹, cum cl. *Lépicier* (op. cit.) persuasum habemus. Animadvertere sufficiat protestatem faciendi indulgentias pendere a jurisdictione, ideoque *arbitrio jurisdictionem* habentis (ut loquitur *Angelicus*) esse commissam. Jamvero decreta, quæ ab auctoritate legitima, intra suæ jurisdictionis limites, feruntur, valida sunt, tametsi forte propter prudentiæ aut discretionis defectum illicita. Igitur aestimamus existentiam cause piaæ requiri ad *validam indulgentiarum dispensationem*, proportionem autem causæ cum concessa indulgentia (probabilius saltem) non requiri nisi ad *bonam et prudentem spiritualium Ecclesiae divitiarum administrationem*. Hanc prudentiam commendat *Conc. Trid.* quando (Sess. XXV) dicit de indulgentiis: “In his concedendis moderationem, juxta veterem et probatam in Ecclesia consuetudinem, adhiberi cupit (S. Synodus), ne nimia facilitate ecclesiastica disciplina enervetur.”

¹—Cf. *textus S. Doctoris supra allati* (Q. XXV, a. 2, corp. art. et ad 1).

2º Ex parte lucrantis indulgentias plura requiruntur¹:

a) Primo character baptismalis; indulgentiae enim non conceduntur nisi membris Ecclesiae.—Quod intelligas velim non solum de *viventibus* qui pro se indulgentias lucrantur, sed et probabilius de *animabus* Purgatorii (cf. Suarez, Disp. LIII, sect. 4, nn. 7-8).

b) Secundo intentio lucrandi indulgentiam; quae tamen necesse non est ut sit *actualis*, neque etiam *prædominans* circa opus indulgentia ditatum (Beringer, *Indulg.* t. I, P. I). Num vero semper requiratur intentio saltem *virtualis*, aut plerumque sufficiat *intentio habitualis*², imo et *interpretativa*, quam habet quilibet christianus ordinario more vivens, quæstio est inter theologos disputata.—Omnes tamen in eo consentiunt quod *satis sit* mane quotidie renovare propositum cunctas per diem indulgentias lucrandi in eunque finem prescripta opera adimplendi, etsi forte lateat quæ et quales sint in specie illæ indulgentiæ (Beringer, *l. cit.*).

c) Tertio requiritur status gratiae.—Et de iis quidem *quibus prosit* indulgentia, manifesta res est: nam nulli potest dimitti pena, nisi cui jam dimissa est culpa. Præterea, ait S. Th. (Q. XXVII, a. 1), “membrum mortuum non suscipit influentiam ex aliis membris vivis. Sed ille qui est in peccato mortali, est quasi *membrum mortuum*. Ergo per indulgentias non suscipit influentiam ex meritis vivorum membrorum³.” Quamvis autem peccatum *veniale*, nondum quoad culpam remissum, lucrari prohibeat indulgentiam *plenariam*, minime tamen obstat quoniam *pena* pro aliis peccatis remissis debita tunc relaxetur.—Altera autem quæstio disceptationi objicitur, num ad lucrandum indulgentias *pro defunctis* omnino requiratur ex parte lucrantis status gratiae. Qua de re interrogata S. C. Indulg. (1847) respondit

1.—Omitto quod debeat esse *subditus* illius qui dat indulgentias et *non excommunicatus*; de quibus vide moralistas vel canonistas.

2.—Cf. *De Sacramentis* (1^a pars), p. 101-102.

3.—Notandum obiter (ex S. C. Ind., 1870), ubi indulgentiae conceduntur sub clausula *corde saltem contrito*, sensum non esse quod oporteat contritionis actum emitti veluti partem operis injunoti, sed prærequiri, tanquam dispositionem ad lucrandam indulgentiam, statum gratiae; qui si desit, perfecta contritione cum confitendi proposito restituendus est.

"consulendos esse probatos auctores ?" Porro, licet pars affirmans verior *S. Alph. Ligorio* videatur, alii tamen gravissimi theologi, ut *Suarez, Billuart*, inclinant in partem negantem (quam *Beringer*, op. cit., probabilem declarat). Ratio est (et quidem consentanea iis quae habet *S. Thomas*, Suppl. Q. LXXI, a. 3), quia homo impleus conditiones, quibus indulgentia pro defunctis adnexa est, se habet velut *instrumentum Ecclesiae* principaliter agentis. Unde, quemadmodum sacramenta per malos sacerdotes ministrata nihilominus valent, ita verisimilius indulgentiae possunt per peccatores defunctis acquiri (nisi tamen opus præscriptum statum gratiæ necessarie involvat).

d) Quarto requiritur *præscripti operis integra executio*; nam "non existente conditione, non consequitur illud quod sub conditione datur. Unde cum indulgentia detur sub hac conditione quod aliquis aliquid faciat vel det, si illud non exerceat, indulgentiam non consequitur" (Q. XXVII, a. 3).

V.—Quibusnam indulgentiae prosint.—Ii sunt tum vivi tum defuncti.

1º De vivis pauca observanda sunt.

a) Principaliter quidem (ex doctrina *D. Thomæ*, Q. LXXI, a. 10) indulgentia prodest ei qui opus præscriptum exequitur, at, determinante Ecclesia, ad *alios vivos* transferri potest.—Dico "determinante Ecclesia"; licet enim quisque possit per opera personalia pro quocumque voluerit satisfacere, indulgentia non potest applicari ad aliquem, nisi ex intentione ejus cuius est eam dare seu Ecclesiae thesaurum administrare (Q. XXVII, a. 3 ad 2).

b) Porro communis sententia est, indulgentias vivis elargitas valere per modum *solutionis* et *absolutionis*: per modum *solutionis*, quatenus ex satisfactionibus Christi et sanctorum datur, unde poenæ debitum solvi queat; per modum *absolutionis*, quatenus, pro ea qua gaudet potestate clavium et jurisdictionis auctoritate in fideles vivos sibi subditos, potest Ecclesia (mediante tamen solutione predicti pretii) absolutionem seu relaxationem poenæ temporalis juridice decernere.—Ex quo consequitur indulgentias, servatis servandis, *infallibiliter* vivis prodesse.

c) Quamvis autem nemo possit actum jurisdictionis in se ipsum exercere, convenienter tamen est ut iis, quæ auctoritate

jurisdictionis aliis dispensantur, etiam *Prælatus* uti permit-
tatur tam in temporalibus quam in spiritualibus. "Et ideo
non potest facere indulgentiam sibi tantum, sed potest uti
indulgentia quam pro aliis facit" (Q. XXVII, a. 4).

2º Quoad *defunctos* declarandum subit, *an, quomodo, qua*
efficacia indulgentie eis prosint.

a) In primis Ecclesia damnavit propositiones *Lutheri* et
Syn. Pistoriensis, quibus reprehendebatur usus indulgen-
tiarum pro mortuis.—Et jure merito: "non enim est aliqua
ratio quare Ecclesia transferre possit communia merita, qui-
bus indulgentiae innituntur, in vivos, et non in mortuos" (S. Th. Q. LXXI, a. 10). E contrario, ex dogmate *commu-*
nionis sanctorum, quo nititur doctrina satisfactionis unius
pro alio, legitime infertur posse indulgentias de thesauro
satisfactionum Christi et sanctorum depromi in gratiam
defunctorum.

b) Secundo tenendum est indulgentias iisdem defunctis pro-
desse, non jam per modum absolutionis, sed per modum *solu-*
tionis et *sufragii*; quatenus scil. de communibus Ecclesie
bonis suppliciter *Deo offertur pretium* quo solvi potest debi-
tum poenae temporalis:—Hanc sane *sufragii* rationem ex-
presse indicant *documenta pontificia*, v. g. Breve Leonis X
ad Cajetanum. *Ratio* autem in promptu est; quippe non
habet Ecclesia in mortuos eam *jurisdictionem* qua potest
judicialiter absolvere vivos¹ (Beringer, *op. cit.*).—Attamen,
in concedendo indulgentias pro mortuis, Ecclesia exerceat
potestatem *administrativam*, ideo quod fidelibus vivis pre-
scribit exequenda pia opera, quibus mediantibus de thesauro
communi solutio pro defunctorum indigentium debitibus offer-
tur.

1.—Iam illud docuerat *S. Bonaventura* (4 S. D. XX, p. 2, a. 1, q.5);
"Quia, inquit, thesaurus Ecclesie est in Summi Pontificis potes-
tate, et illi qui sunt in purgatorio, ratione caritatis, idonei sunt spi-
ritualia beneficia recipere, Papa potest eis bona Ecclesie co-
municare. Quantum autem ad auctoritatem iudicandi, cum illi jam exie-
runt forum Ecclesie et ecclesiasticum iudicium, videtur quod eis
non possit fieri absolutio nisi per modum *deprecationis*; et ita, proprie-
loquendo, non sit eis relaxatio. Sed si larga dicatur relaxatio eisque
cumque auxilio impensio et honorum Ecclesie communicatio, sic
potest eis relaxatio fieri; sed hinc non tenet modum iudicii, sed
potius *sufragii*."

c)
titia
tame
indul
prob
per sa
neque
comm
cetur,
solver
directe
de ind
tur me
dam es
ab omni
effectus
divina
det,"—
tun def
ringer,
quippe
nihilom
quicq
omnino
aliquate
alibi rec
pliciter a
ritur!.

1.—Præ-
tione digna
quod opus
authenticum

c) Tertio non pauci existimant Deum certa lege seu ex iustitia teneri indulgentias defunctis applicatas acceptare; alii tamen, quos inter *Cajetanus*, *Billuart*, *S. Lig.* etc, sentiunt indulgentias illas nisi misericordia et benignitate divina. Quod *probabilius* videtur: siquidem nec certo constat Deum semper satisfactiones unius pro alio quocumque oblatis acceptare, neque etiam nulla exstat *promissio*, quod supremus Dominus commutationem poenae debitae, qualis per indulgentias exercetur, pro defunctis ratam haberet; nam verba *quodcumque solveris* etc, vivos dantaxat absoluzione a pena liberandos directe respicinnt. Huc refertur decretum *S. C. Ind.* (1840) de indulgentia altari privilegiato annexa, nempe "si spectetur mens concedentis et usus clavium potestatis, intelligendam esse indulgentiam plenariam, quæ animam statim liberet ab omnibus purgatorii poenis; si vero spectetur applicationis effectus, intelligendam esse indulgentiam, cuius mensura *divina misericordiae benefacito* et acceptationi respondet."—Hinc colligimus non posse indulgentiis, que applicantur defunctis, assignari certum effectum *infullibilem* (Beringer, *op. cit.*); eique sententiae coheret *sensus fidelium*, quippe qui, applicata indulgentia plenaria alicui defuncto, nihilominus pro illo orare ne satisfacere pergunt.—Verum, quic vix credi potest quod Deus suffragium sue Ecclesiæ omnino rejicit, hand falso testimoniabitur præfatas indulgentias, aliquatenus saltem, *semper valere*, idque comprobant verba alibi recitata *Leonis X* (Brev. ad Card. Cajet.) quibus simpliciter ac universaliter efficacia talium indulgentiarum asseritur¹.

1.—Prae aliis qui circa indulgentias scripsérunt, omni commendatione dignus est Beringer, *Les indulgences, leur nature et leur usage*; quod opus tum de theoria tum de praxi agit atque a *S. C. Ind.* authenticum declaratum est.

ermit-
Et ideo
est uti
do, qua
heri et
dulgen-
t aliqui
ita, qui-
ortuos
commu-
is unius
thesauro
gratiam
nctis pro-
um solu-
Ecclesiæ
potest debi-
ponem ex-
Leonis X
quippe non
ua potest
-Attamen,
a exerceat
vivis pre-
e thesauro
bitis offer-

2, a, 1, q.5);
tibilois potes-
nt sunt spi-
um communi-
illi jam exie-
tur quod eis
tit, propri
taxatio eque-
nunciatio, sic
a judicili, sed

DISPUTATIO QUINTA

DE EXTREMA-UNCTIONE

Post sacramentum Pœnitentiæ numerari ac pertractari solet *Extrema-Uncio*;—de qua, duce Angelico, duplice in quæstionem instituemus, *unum* de pertinentibus *intrinsece* ad illud sacramentum, scil. de ejus existentia et natura, aliam de pertinentibus ad illud *extrinsece*, scil. de ejus effectibus, ministro et subjecto.

QUÆSTIO PRIMA

DE EXISTENTIA ET NATURA SACRAMENTI EXTREMA-UNCTIONIS

Sub hoc capite inquirendum proponitur *an sit* (art. 1), et *quid sit* sacramentum, Extremæ-Uncionis voce denominatum; quia vero sacramentorum quidditas complectitur materiam et formam, idcirco tum de *materia* Extremæ-Uncionis (art. 2), tum de ejus *forma* (art. 3) sermocinabimur.

ARTICULUS I.

Utrum Extrema-Uncio sit sacramentum, a Christo institutum.

(*Suppl. Q. XXIX, a. 1-3*)

1º a) Quod pertinet ad rationem *nominis*, observat *Catech. Trid.* (P. II, *de Ext.-Unc.* n. 3-4) “hoc sacramentum idcirco *Extremam-Uncionem* appellatum esse, quod *huc* omnium sacrarum unctionum, quas Dominus Salvator noster Ecclesie sue commendavit, *ultima* administranda sit. Quare *huc*

ipsa unctionio a majoribus nostris sacramentum etiam *unctionis infirmorum* et *sacramentum executionium* dicta est; quibus vocabulis fideles in memoriam novissimi illius temporis facile possunt revocari."—*b)* Si vero Extrema-Uncio essentialiter considerari velit, *definiri* poterit "sacramentum N. L. a Christo institutum quo unguntur infirmi, sub certa verborum forma, ad salutem animæ et corporis perficiendam"; cuius definitionis veritas ex dicendis patebit.

2º Quæritur num Extrema-Uncio sit sacramentum, singulari numero: *unum* enim esse sacramentum hujusmodi contendimus, non obstante unctionum pluralitate quæ, quamvis physice multæ sint, moraliter tamen et significative in unam perfectam actionem coeunt. "Quando, ait S. Th. (a. 2), perfecta significatio non potest esse nisi per plures actiones, tunc plures actiones sunt de perfectione sacramenti; sicut patet in Eucharistia, quia refectio corporalis, quæ significat spiritualem, non potest esse nisi per cibum et potum. Et simile est in hoc sacramento, quia curatio interiorum vulnerum non potest perfecte significari nisi per appositionem medicinæ ad diversas vulnerum radices."

3º a) Dubitatur inter eruditos, num ante sœc. XVI *Waldenses*, *Wicelites* et *Hussites* sacramentum Extremæ-Uncionis reapse inficiati sint, vel solum in contemptu habuerint. At procacior *Lutherus* aperte ritum illum, quem cæteroquin ab apostolis adhibitum admisit, sacramentum esse negavit, et huic negationi *Calvinus* et *Kemnitius* more suo irisicionem adjecterunt: consentiunt protestantes communiter.—*b)* Licet autem catholici omnes omni tempore rationem sacramenti Extremæ-Uncionis attribuerint, *non nulli* tamen (Auctore teste, a. 3) dixerunt quod sacramentum istud, sicut et Confirmationis, Christus *non instituit per se*, sed Apostolis instituendum diimisit: de quo, post exactam demonstracionem principaliter intentam, præua subjiciemus.

Conclusio 1º.—EXTREMA-UNCTIO VERUM EST SACRAMENTUM N. L.—Id quidem, jum in *Conc. Flor.* (Decr. pro Arm.) sancitum, ulterius assertum est a *Conc. Trid.* (Sess. IV, eam, 1) his verbis: "Si quis dixerit, Ext.-Uncionem non esse vere et proprio sacramentum a Christo D. N. institutum et a B. Jacobo Apost. promulgatum; sed ritum tantum acceptum a Patribus aut figuratum humanum; A. S."

1^o Ex *Scriptura* duo loca suppetunt :

1^{us} locus est (Marc. VI, 12-13) : *Et exeuntes prædicabant ut pœnitentiam agerent ; et daemonia multa ejiciebant et ungebant oleo multos ægros, et sanabant.* Verum (uti ostendit Bellarm. I, I, c. 2)¹ probabilius est unctionem, cuius mentione heic habetur, non fuisse sacramentalem ; quippe tunc apostoli nondum sacerdotes erant, ægrotos autem quoslibet promiscue ungebant, neque ad animam sed ad corpus præcipue sanandum.—Unctio autem illa *adumbratio* extitit ipsius sacramenti ; quo fit ut *Tridentinum* dixerit sacramentum Extremæ-Untionis “apud Marcum *insinuatum*” (Sess. XIV, cap. 1).

2^{us} locus est (Cac. V, 14-15) : *Infirmatur quis in vobis ? inducat presbyteros Ecclesiæ, et orent super eum, ungentes eum oleo in nomine Domini ; et oratio fidei salvabit infirmum, et alleviabit eum Dominus ; et si in peccatis sit, remittentur ei.*—Quibus ex verbis ita construimus argumentum : ad sacramentum N. L. tria omnino requiruntur, nempe signum sensibile, specialis gratia eidem annexa et ab eo producta, et Christi institutio per modum legis stabilis. Atqui tria hæc in verbis S. Jacobi clausa reperimus : ergo. *Min. deel.* per partes.

a) Primo signum sensibile seu externum symbolum habemus in *unctione olei* quæ tenet locum materie, et in *oratione fidei* quæ gerit vicem forme.—Hanc autem formam Apostolus fidei orationem nominat, non quod fidem ministri de necessitate sacramenti exigat, sed quia est oratio dictata a fide et solius fidei lumine intelligitur quo pacto valeat una cum elemento materiali sibi conjuncto sacramentaliter agere.

b) Secundo signum illud sensibile exhibetur tanquam *productivum specialis gratia* : de eo enim immediata causalitate predicatur quod sit effectivum *salutis infirmi, alleviationis*² ejus et *remissionis peccatorum*. Hæc autem fieri non possunt sine gratia, qua peccata, si quæ sint, remittantur, animus vero contra morbi molestias et peccati sequelas robos-

1—Consentit Knabenbauer (in h. l.).

2—Duo hinc “salvabit infirmum” et “alleviabit eum”, ne vana ponatur ejusdem sensus repetitio, ita intelligi debent ut, si primum referatur ad corpus, aliud referatur ad animam.

return
ipsu
auter
nibus
est p
quoq
Patet
S. Jac
textu
a pec
poris,
bentil
cat) ;
erat n
clandi
c) T
colligit
Ermitu
tuum
stanter
set et
legis s
Jacobi
vimi p
ritus al
inter h
Ecclesi
2^o E
cientia
a) T
(Hom.
III, n.
a Jaco
effleur
tenti cu
sacramen
pœnitent
l—Vid

retur ad ultimum agonem feliciter obeundum, aut corpus ipsum, si forte expediat, in sanitatem restituatur.—Ista autem attribuuntur *orationi fidei*, non quod ipsa sine unctionibus vi illa salutari polleat, sed tum quia præfata oratio est pars formalis et præcipue efficax, tum quia mentionem quoque facit diversarum unctionum quibuscum operatur.—Patet igitur (*contra Novatores*) nonnisi perabsurde textum S. Jacobi explicari de miraculosa quadam corporis sanatione: textus enim ille manifeste respicit in primis sanitatem *animæ* a peccatis purgandæ, licet non omnino excludatur salus corporis. Preterea, agitur hic de ægrotis gravi morbo decumbentibus (prout verbum *infirmatur* græca significatione indicat); at per donum miraculorum et sanitatum consulendum erat non solum infirmis decumbentibus, sed et cæcis, surdis, claudis aliquis miseris, non tamen vita periclitantibus¹.

c) Tertio *Christi institutio* (qualiscumque fuerit) primum colligitur ex verbis "ungentes eum oleo *in nomine Domini*." Eruitur amplius ex incunctante *promissione* salutarium effectuum ab Apostolo facta; neque enim S. Jacobus tam constanter et absolute id promitteret, nisi Dominus hoc instituisse et mandasset.—Hæc autem institutio traditur per modum *legis stabilis*: siquidem, ex una parte, cuncta ea que in Jacobi epistola habentur, sive ante sive post citatum locum, vim pro omnibus temporibus præ se ferunt; ex alia parte, ritus ab apostolo descriptus respondet necessitatibus jugiter inter homines futuris: quod adeo verum est ut semper in Ecclesia fuerit hæc consuetudo ungendi infirmos.

2º Ex *traditione* non admodum copiosa, plane tamen sufficiens promuntur argumenta.

a) Testimonia saltem *implicita* suppeditant tum *Origenes* (Hom. 2 in Levit. n. 4) tum S. *Chrysostomus* (de Sacerd. l. IIi, n. 6): hi enim scriptores commemorant unctionis ritum a Jacobo prescriptum tanquam medium laboriosum sed efficax consequendi remissionem peccatorum. Porro advententi cuique appareat neutrum testimonium posse referri ad sacramentum Pœnitentie, sed sermonem esse de quadam pœnitentie perfectione seu consummatione: siquidem sacramentum Pœnitentie non administratur per modum unctionis,

1.—Vid. plura ap. Bellarmínū, l. I, c. 3.

neque reservatur in tempus quo lavat peccator in lacrymis stratum suum (ut ait Orig. *l. cit.*).

b) *Expressum autem suffragium præbet, ineunte sæc. V, S. Innocentius I* (Ep. ad Decentium, c. 8) qui, de quibusdam interrogatus quoad unctionem extremam, perinde respondet ac de ritu nemini non cognito: “*Adjecit, inquit, filius meus Cœlestinus diae, in epist. sua, esse a tua Dilectione positum illud quod in Il. Jacobi epistola conscriptum est: Infirmatur aliquis etc.* Quod non est dubium de fidelibus ægrotantibus accipi vel intelligi debere, qui sancto oleo chrismatis¹ perungi possunt, quod ab episcopo confectum non solum sacerdotibus, sed et omnibus uti christianis licet in sua aut in suorum necessitate ungendum. Cæterum illud superfluum esse videamus adjectum, ut de episcopo ambigatur, quod presbyteris licere non dubium est... Pœnitentibus istud (chrisma) infundi non potest, quia genus est *sacramenti*. Nam quibus reliqua sacramenta negantur, quomodo unum genus putatur posse concedi? ” Quibus verbis docet S. Pontifex unctionem, de qua B. Jacobus, esse sacramentum reliquis sacramentis annumerandum quo pœnitentibus publicis nondum absolutis negantur, hujus vero sacramenti subjectum esse ægrotos, ministrum episcopum vel presbyterum, materiam oleum ab episcopo confectum. Quid luculentius? — Addi possent testimonia S. Casarii Arel. (sæc. VI)², S. Eligii (sæc. VII) aliorumque posteriorum scriptorum.

c) Inter Conciliorum antiquorum declarationes, seligimus id quod habet (a. 813) Concil. Cabillonense II, can. 48: “*Secundum b. ap. Jacobi documentum, cui etiam documenta Patrum consonant, infirmi oleo, quod ab episcopis benedicitur, a presbyteris ungi debent. Sic enim ait: Infirmatur, etc. Non est itaque parvipendenda hæc medicina, que animi corporisque medetur languoribus.*” Alia concilia referunt Bellarminus, Knoll, Sasse, etc.—Item (teste Martene, de antiq. Ecel. rit.) *ritualia* Latinorum et Græcorum *euchologia* vetustissima una cum ritibus aliorum sacramentorum etiam Extremæ-Untionis ritum describunt.

1—Chrisma probabilius ponitur *generice*, i. e. pro omni genere unguentis.

2—Append. Serm. S. August., Serm. 265, n. 3.

*d) Accedit denique testimonium Ecclesiæ græco-schismatica; cum enim æmulatio Græcos inter et Latinos existens, præsertim a tempore separationis, obex fuerit ne Græca Ecclesia suos a Romana ritus acciperet, certe ea, in quibus convenimus, antiquiora sunt schismatibus et hæresibus que postea prodierunt. Jamvero Græcos agnoscere pro vero sacramento Extremam-Uncionem, patet: tum ex *Conec. Flor.*, ubi sine contradictione doctrinam nostram de sacramentis admiserunt; tum ex responso *Jeremie*, patr. Cptani, ad Luthernos, quo septenarium sacramentorum numerum vindicat; tum quoque ex diversis scriptoribus græcis recentioris ævi.*

*3º a) Præcipua ratio convenientiae datur a D. Thoma, (art. 1): sacramenta Ecclesia sufficienter subveniunt defec-tibus hominum secundum quemlibet statum. Atqui de vita exœuntibus non subvenit aliud quam Extrema-Uncio. Ergo ipsa est sacramentum. Arg. evolv. verbis *Conec. Trid.* (Sess. XIV, de Ext.-Unc.) : "Redemptor noster, qui servis suis quovis tempore voluit de salutaribus remedii adversus omnia omnium hostium tela esse prospectum, quemadmodum auxilia maxima in sacramentis aliis præparavit, quibus christiani conservare se integros, dum viverent, ab omni graviori spiritus incommodo possint; ita Extremæ-Uncionis sacramento finem vitæ, tanquam firmissimo quodam præsidio, munivit; nam etsi adversarius noster occasiones per omnem vitam querat et capiat, ut devorare animas nostras quoquo modo possit; nullum tamen tempus est quo vehementius ille omnes sue versutæ nervos intendat ad perdendos nos penitus et a fiducia etiam, si possit, divine misericordie deturbandos, quam cum impendere nobis exitum vitæ propicit." Eo magis, quia tunc homo, dolore ac ægritudine gravatus, ineptior de se est ad resistendum tentationibus.—b) Aliam congruentiam tradit S. Bonaventura (Brevil. P. VI, c. 11), "in quantum Christus unctus habet uncionis gratiam in alios derivare (Heb. I, 9). Hinc est, quod ipsius est in sacramentis suis uncionem membris suis cribuere salutarem. Quoniam autem anima, ad hoc quod perfecte sanetur, indiget triplici genere sanitatis, scil. ad strenuitatem actionis, ad suavitatem contemplationis et ad felicitatem comprehensionis; et prima est intrantium in aciem Ecclesiæ, secunda est præsidentium in eadem quorum est alios erudire, et tertia est exœuntium de*

eadem per mortem ; hinc est, quod non solum unctionem sacramentalem instituit Dominus in confirmatione, verum etiam medianam in ordine pontificali, et extremam imminentem periculo mortis."

Conclusio 2^a.—CHRISTUS IMMEDIATE PER SEIPSUM EXTREMAM-UNCTIONEM INSTITUIT.—Hoc saltem *fidei proximum* dici debet post citatum canonem *Cone. Trid.* quo sacramentum istud *institutum* a Christo, *promulgatum* vero a B. Jacobo pronuntiatur.

1^o Igitur contra antiquatam quorundam opinionem sententia enunciata nunc certa asserenda est, maxime quia sacramenta ad *fundamentum christianæ legis* pertinent; legis autem fundamenta constituere, supremo legislatori competit (cf. *de Sacramentis*, 1^a pars, Disp. I, Q. V, a. 2).—2^o Apposite notat *S. Thomas* (art. 3) : " *Omnia sacramenta Christus instituit per se ipsum; sed quædam per se ipsum promulgavit, quæ sunt majoris difficultatis ad credendum; quædam autem apostolis promulganda reservavit, sicut Extremam - Unctionem et Confirmationem.*" —3^o *Objectioni ex silentio Evangelii* petitæ optime respondet Auctor (*ibid.* ad 1) : " *Multa Dominus fecit et dixit, quæ in Evangelio non continentur. Illa enim præcipue curaverunt evangelistæ tradere quæ ad necessitatem salutis et ecclesiastice dispositionis pertinent. Et ideo potius institutionem Baptismi, et Pœnitentie, et Eucharistie, et Ordinis factam a Christo narraverunt, quam Extremæ-Untionis vel Confirmationis, quæ neque sunt de necessitate salutis, neque ad dispositionem sive distinctionem Ecclesie pertinent. Tamen etiam de olei unctione fit mentio in Evang. Marci, VI, ubi dicitur quod Apostoli *oleo ungebant infirmos.**"

Solv. obj.—OBJ. 1.—Sicuti oleum assumitur ad infirmos, ita etiam ad catechumenos. Atqui unctione quæ sit oleo catechumenorum, non est sacramentum. Ergo.

R_LSP. *D. M* :...secundum *analogium* quanundam, *C*; secundum *identitatem* perficiendi operis, *N*.—*C.d.m* :...et agit eadem univoca ratione qua *Extrema-Untio*, *N*; *disponit tantum* ad gratiam et peccati remissionem, quam *Extrema-Untio immediate confert*, *C*.—*Neg. consequentia*.

OBJ. 2.—Jacobus ex Marci evangelio accepit quod docet de unctione olei. Atqui Marcus loquitur de unctione non

sacramentali, quam adhibebant habentes donum curationum.
Ergo.

RESP. *D. M.*:...sicuti *figuratum* accipitur ex *figura*, *C*;
quatenus parallelismus perfectus dicendus sit, *N*.—*Trans.*
m.—*Neg. conseq.*

OBJ. 3.—Veteres Patres et scriptores de sacramento unctionis altum tenent silentium sive in libris ritus aut disciplinam Ecclesiæ attinentibus sive in vitis sanctorum enarrandis.
Ergo.

RESP. 1º *negativum* hoc argumentum non infirmare argumenta positiva, eaque prorsus valida, quibus thesim demonstravimus.—2º Falsum est apud nullum veterem scriptorem occurrere sacramenti illius mentionem; sat enim aperte *Origenes*, qui saec. III florebat, de eo est locutus.—3º Cum res esset omnibus notissima, *nulla speciali ratione* inducebantur antiqui ad ritum illum in suis scriptis commemorandum, nec *S. Innoc.* *I* eum tam aperte descripsisset nisi dubitatio Decentii episcopi occasionem præbuisset.—4º Demum, quia Extrema-Untio se habet veluti *Pœnitentia complementum*, qui olim testati sunt sanctos in pœnitentia decessisse, merito judicantur implicite saltem sacramentum extremae unctionis comprehendisse.

ARTICULUS II.

*Utrum conveniens materia hujus sacramenti sit oleum
olivæ consecratum ab episcopo.*

(Art. 4-6)

Materia cuiuslibet sacramenti duplex est, remota et proxima: unde et ipsa Extrema-Untio suam habet materiam *remotum*, videlicet oleum, et materiam *proximam*, scilicet olei applicationem seu unctionem. Dilato sermone de materia proxima vel de unctionibus ad futurum articulum de subjecto, modo catholicam exponemus doctrinam de materia *remota*.—Hac autem super re una præcipua inter theologos orta est controversia de necessitate *benedictionis* olei ad validitatem sacramenti: referente enim Suarezio (Disp. XL, sect. 1, n. 2), fuerunt quidam catholici sentientes *benedictionem* illam mi-

nime ex Christi institutione requiri, sed solum ex institutione Ecclesiæ, ideoque, si prætermittatur, etiamsi peccaminose, validum nihilominus confici sacramentum. Contrarium tamen docet communis sententia.

Conclusio 1^a.—MATERIA CONVENIENS SACRAMENTI EXTREMÆ-UNCTIONIS EST OLEUM OLIVÆ, CUI NIHIL ADMISCENDUM EST.

1^a Pars expresse traditur a *Conc. Flor.* (Decr. pro Arm.), ubi materia hujus sacramenti designatur “oleum olivæ per episcopum benedictum.”

Sane 1^o *S. Jacobus* (*l. cit.*) præcipit infirmos ungendos oleo. Atqui oleum proprie et simpliciter non dicitur nisi liquor qui ex olearum baccis exprimitur: ergo oleum olivæ necessario requiritur ad sacramentum valide ministrandum.—2^o Elegantem hujus rei rationem reddit *Angelicus* (art. 4): “Dicendum, inquit, quod spiritualis sanatio quæ in fine adhibetur, debet esse *perfœcta*, quia post eam alia non relinquitur; et *lenis*, ut spes, quæ exeuntibus est maxime necessaria, non frangatur, sed foveatur. Oleum autem lenitivum est, et penetrativum usque ad intima et etiam diffusivum. Et ideo quantum ad utrumque prædictorum est conveniens materia hujus sacramenti. Et quia oleum principaliter nominatur olivæ liquor, cum alii liquores solum ex similitudine ad ipsum olei nomen accipient, ideo oleum olivæ etiam debet esse quod assumitur in materiam hujus sacramenti”. Addit *Catech. Trid.* (n. 10) quod oleum “hilaritatem affert, et lumini tanquam pabulum præbet, tum vero ad recreandas defatigati corporis vires maxime accommodatum est: quæ omnia, quid in ægroto divina virtute per hujus sacramenti administrationem efficiatur, declarant.”

2^a Pars, quidquid sit de opinione Suarezii existimantis (*l. cit. n. 10*) morem olim fuisse ut balsamum oleo infirmorum admiseretur, sufficierent comprobatur *usu* quem Ecclesia jamdudum consecravit.—Atque, vel mixtione extraneæ materiæ prorsus exuberantis mutaretur olei natura, et tunc certo constat sacramentum *irritum* fore; vel non tanta esset peregrinæ materiæ adjectio, quin oleum olivæ in propria natura consisteret, et tunc valide quidem, verum *illicite* quis de industria sacramentum hac ratione dispensaret vel dispensandum præpararet.

Conclusio 2^a.—OLEUM AD EXTREMAM-UNCTIONEM BENEDIC!, ET QUIDEM DE NECESSITATE SACRAMENTI, PER EPISCOPUM AUT PRESBYTERUM DE LICENTIA R. P. NECESSE EST.—Claritudinis causâ fae distinguas tres assertionis partes.

1^a *Pars innititur verbis Conc. Trid.* (Sess. XIV, cap. 1): “Intellexit Ecclesia, materiam esse oleum ab episcopo benedictum.”

1^o Revera olei benedictionem jam commemororat *Innoc. I* decreto supra allato eamque *ritualia* latina et græcorum *euchologia* præscribunt; item a sœc. IX deinceps *concilia* multa, ut *Cabillonense II*, *Aquisgranense II*, *Wormatiense* etc, oleum benedictum tanquam materiam Extremæ-Untionis designant.

2^o Triplicem *congruentiam* proponit *S. Thomas* (art. 5), quare exigitur in hoc sacramento materiæ præsanctificatio: “*Prima* est, quia omnis efficacia sacramentorum a Christo descendit; et ideo sacramenta illa quibus ipse est usus, habent efficaciam ex ipso usu suo, sicut tactu suæ carnis viam regenerativam contulit aquis. Sed hoc sacramento non est usus, nec aliqua corporali unctione; et ideo in omnibus unctionibus requiritur sanctificatio materiæ. *Secunda* causa est propter plenitudinem gratiae, quæ confertur non solum ut tollat culpam, sed etiam reliquias culpæ et infirmitatem corporis. *Tertia* est ex hoc quod effectus ejus corporalis, scil. sanatio corporalis, non causatur ex materie naturali proprietate; et ideo oportet quod hæc efficacia ei per sanctificationem detur.”

2^a *Pars* exigit benedictionem olei non solum vi præcepti, sed etiam *ex sacramenti necessitate*.

1^o Id suadetur ex eo quod propositio affirmans “Extr. Unctionem oleo episcopali benedictione non consecrato ministrari *valide* posse” damnata fuerit a Paulo V “tanquam temeraria et errori proxima.”—2^o *Conc. Trid.* (l. cit.) statuit simpliciter, materiam hujus sacramenti esse oleum ab episcopo benedictum: hic autem loquendi modus, obvia significatio et etiæ alterius sensus assignationem vel indicium, importat materiam *essentiali*em.—3^o *S. Thomæ* mens aperte eluet ex duplice loco: a) primo ex præs. art. (obj. 4), ubi propositum argumentum, quod in baptismō non præexigitur materiæ benedictio *de necessitate sacramenti*, manifeste subaudit *S. Doctorem* pro Extremæ-Untione vindicare bene-

ditionem olei tali ex necessitate faciendam; b) secundo ex III, Q. LXXII, a. 3, ubi expresse docet ad necessitatem seu essentiam sacramenti requiri quod tum chrisma tum oleum sanctum infirmorum prius benedicantur.

3^a Pars respicit benedictionem ab episcopo aliove competente ministro perficiendam.

1^o Documenta superius relata ex *Concilii*, necnon ex *Innoc. I et Paulo V*, episcopalem benedictionem generatim postulant. *Ratio* assignatur a *D. Thoma* (art. 6), quia efficacia sacramentorum fontaliter est a Christo, et ab ipso in alios descendit ordinate, scil. in populum mediantibus ministris qui sacramenta dispensant, et in eosdem ministros inferiores mediantibus superioribus qui materiam benedicunt seu sanctificant (quando talis materiae sanctificatio exigatur).

2^o Attamen dubitandum nou est quin etiam a presbytero, licentia R. Pontificis vel expressa vel tacita munito, oleum infirmorum confici possit: mos enim vetustissimus in Ecclesia græca viget, ut ipsimet presbyteri illud oleum benedificant; hanc autem consuetudinem latina Ecclesia rata habuit, ut appareat ex Clementis VIII decreto *Sanctissimus Dominus et Benedict. XIV Const. Etsi pastoralis*.

3^o Quod per episcopum alium potestate prædictum præfata olei benedictio fiat, juxta communiorum sententiam res est non solum necessitate præcepti, sed et *necessitate sacramenti* requisita; unde ad dubium "an in casu necessitatis parochus ad validitatem sacramenti Extr. Unctionis uti possit oleo a se benedicto," S. U. Inq. (1842) respondit: negative.

ARTICULUS III.

An et quæ sit forma conveniens sacramenti Extr.-Unctionis.

(Art. 7-9)

Veterum quorundam sententia, ex malo intellectu textus S. Jacobi derivata, fuit, nullam requiri determinatam formam in sacramento Extr.-Unctionis, sed quamlibet sacerdotis orationem sufficere.—Hac autem rejecta sententia, litem theologi movent de indole formæ legitimæ, num scil. omnino

requiratur enunciatio *deprecatoria*, vel indicativa etiam valida sit: hoc postremum tenent *Morinus*, *Tournely* aliquae; primum autem affirmant *Suarez*, *Billuart*, etc. — Penes *Latinos* forma a Conciliis sancita haec est: "Per istam sanctam unctionem et suam piissimam misericordiam indulget tibi Dominus quidquid per visum... deliquisti. Amen." *Greco* vero hac formula utuntur: "Pater sancte, medice animarum et corporum, sana servum tuum ab hac corporis et animæ infirmitate." — Duas conclusiones proponeamus.

Conclusio 1^a. — IN EXTREMÆ - UNCTIONIS SACRAMENTO REQUIRITUR FORMA DETERMINATA, MODO (PROBABILIUS SALTEM) DEPRECATORIO.

1^a *Pars*, innixa ritu universalis Ecclesiae, jam constat ex tract. *de Sacramentis in genere* (Disp. I, Q. I, a. 3): et sane, omni sacramento commune est ut significando efficiat. Atqui significatio materiae sacramentalis, utpote quæ ad multa se possit habere, non determinatur ad certum effectum nisi certâ verborum formâ. Ergo in omnibus sacramentis, proindeque in ipsa Extr.-Unctione, necesse est ut habeatur forma determinata. — Opportune *S. Thomas* Scripturæ silentium opponentibus respondet (art. 7 ad 1): "Sacra Scriptura omnibus communiter proponitur. Et ideo forma Baptismi, qui ab omnibus dari potest, debet in S. Script. exprimi; et similiter forma Eucharistiae quæ ex primit sacramenti illius fidem, quæ est de necessitate salutis. Sed formæ aliorum sacramentorum non inveniuntur in S. Scriptura traditæ; sed has Ecclesia ex traditione apostolorum habet, qui a Domino acceperunt, ut dicit Ap. (1 Cor. XI, 23); *Ego enim accepi a Domino, quod et tradidi vobis.*"

2^a *Pars* sibi vult, necessarium probabilius esse ut forma Extr.-Unctionis indolem habeat *deprecatoriam*.

1^a a) Etenim hoc sufficienter indicare videtur *S. Jacobus*, quando efficaciam hujus sacramenti attribuit orationi: *Orent super eum... et oratio fidei salvabit infirmum.* — Graviores theologi, ut *S. Thomas*, *S. Bonaventura*, *S. Alphonsus*, quibus alii plerique ex diversis scholis consentiunt, verba deprecatoria simpliciter exigunt. — Consonat quoque *praxis* universalis Ecclesiae tum Greco tum Latinæ; imo *Conc. Trid.* (Sess. XIV, cap. 1) "ex apostolica traditione," repetere videatur formulam nunc usu vigentem, et *Catech. Trid.* (n. 12)

expresse declarat, ad normam verborum S. Jacobi, "formam *precationis modo* proferendam esse".

b) Adversarii quidem in contrarium allegant diversas formulas indicativas seu absolutas, in variis Ecclesiis latinis olim usurpatas (quas videre est penes Bened. XIV, *de Syn. diæc.* l. 8, c. 2):—At in primis ita respondet S. Thomas (a. 8 ad 3): "Verba illa indicativi modi, quæ secundum morem quorundam *præmittuntur orationi*, non sunt forma hujus sacramenti, sed sunt *dispositio ad formam*, in quantum intentio ministri determinatur".—Præterea, nonnullæ ex predictis formulis simul sunt indicativæ et deprecatorie, quatenus verba quædam *optativa*, puta "ut possis", "ut valeas" etc, continent.—Quod si nullum prorsus orationis vestigium exhibeant, vel *incompleto modo* relatæ, vel *insuffientes* probabilius dicendæ sunt.

2º Triplex convenientiae ratio asserri potest:—*prima* est, quia suscipiens sacramentum Extr.-Unctionis propriis est viribus destitutus, adeo ut orationibus sublevari indigeat.—*Secunda* est, quia datur sacramentum illud iis qui, jamjam de foro Ecclesie egressuri, in solius Dei manu quodammodo requiescant; unde eidem supremo Domino per orationem committendi sunt.—*Tertia* est quæ traditur a *Catech.* *Trid.* (n. 14): "Cum, inquit, hoc sacramentum propterea adhibetur, ut præter spiritualem gratiam, quam tribuit, sanitatem etiam restituat iegrotis; tamen, quia non semper sequitur ut ægri a morbis convalescant, ob eam causam prectione forma conficitur, ut a Dei benignitate id impetrerimus, quod sacramenti vis constanti et perpetuo ordine efficere non solet!"

Conclusio 2º.—FORMA EXTR.-UNCTIONIS ANALYTICE SPEC-TATA PLANE CONVENIENS EST; NON TAMEN OMNIA EJUS VERBA SUNT ESSENTIALIA.

1º *Pars paucis expeditur*:—ea est convenientia forma sacramentaria, qua designatur *sacramentum ipsum*, principale *agens*, *subjectum*, et *principalis effectus*. Atqui quatuor ista sufficierent in usitatâ forma Extr.-Unctionis tanguntur: ergo. *Min.* appetit: siquidem verba "per istam sanctam unctionem" sacramentum demonstrant; *sequentia* "et

1—Cf. S. Thom. Opus. XXII, *De forma absol.*, c. 1.

suam piissimam *misericordiam*" exprimunt agens principale sub ea benevola ratione qua subvenit miseris; "tibi" manifeste designat subjectum; denique reliqua "indulgeat quidquid per visum deliquisti" significant effectum principaliter intentum.

2^a Pars decl:

Juxta communem DD. sententiam, essentialia habentur verba: *Per istum unctionem indulgeat Dominus quidquid deliquisti*; per hæc enim aliave quodammodo æquivalentia exprimitur actio sacramentalis ejusque præcipuus in subjecto effectus. Dixi: *quodammodo æquivalentia*; ut salvetur veritas formæ græcorum in qua "unctionis" locum tenere intelliguntur verba *medice et sana*.—Igitur essentialia non sunt: neque verbum *sanctam*, cuius non meminerunt *Flor.* et *Trid. Conc.*; neque verba et *suam piissimam misericordiam*, que voce "indulgent" implicite continentur; neque pronomen *tibi*, cum subjectum satis designetur per verbum "deliquisti"; neque (probabilius) *per visum, per auditum*, etc, que in forma græcorum non reperiuntur; neque postremum verbum *amen*.

QUÆSTIO SECUNDA

DE EFFECTIBUS, MINISTRO ET SUBJECTO EXTREMÆ-UNCTIONIS

Obvia quæstionis partitio se offert, quatenus primum de *effectibus* hujus sacramenti disserendum est, deinde vero de ejus *ministro*, tertio autem loco de *subjecto* ceterisque ad *subjectum* pertinentibus.

ARTICULUS I.

De effectibus sacramenti Extremæ-Uncionis.

(Q. XXX)

1º Juverit præmittere verba quibus *Trid.* effectus illos recenset (Sess. XIV, cap. 2): "Res et effectus hujus sacramenti illis verbis explicatur: *Et oratio fidei salvabit infirmum; et alleviabit eum Dominus; et si in peccatis sit, dimittentur ei.* Res etenim haec gratia est Sp. Sancti; cuius unctio delicta, si quæ sint adhuc expienda, ac peccati reliquias abstergit; et negoti animam alleviat et confirmat, magnam in eo divinæ misericordie fiduciam excitando; qua infirmus sublevatus, et morbi incommoda ac labores levius fert, et temptationibus dæmonis calcaneo insidiantis facilius resistit; et sanitatem corporis interdum, ubi saluti animæ expedierit, consequitur."

2º Convenit inter omnes¹ effectibus Extr.-Uncionis non esse *characterem* annumerandum; quandoquidem "character non imprimitur nisi in illis sacramentis quibus homo ad aliquid sacrum deputatur. Hoc autem sacramentum est solum in remedium; et non deputatur per ipsum homo ad aliquid sacrum agendum vel suscipiendum" (art. 3).

3º a) At vero dubitatur quinam ex effectibus a Triden-

1—Cf. *De Sacramentis* (1^a pars), Disp. I, Q. IV.

tino recensitis *principalem* locum teneat, quidve præcipue nomine *reliquiarum peccati*, quas constat per Extr.-Unctionem deleri, accipiendum sit. *Scotus* enim et *Scotistæ* pro effectu immediato ac præcipuo istius sacramenti assignant remissionem peccatorum venialium.—*Bellarminus* aliisque nonnulli sentiunt peccata, que quandoque post confessionem et communionem supersunt nondum remissa, sive mortalia, sive venialia sint, reliquias peccati esse quas Extrema-Unctio præsertim tollat.—*Alii* volunt per reliquias peccati maxime esse intelligendum reatum penæ temporalis, ad quem exstinguendum dicunt Extr.-Unctionem principaliter ordinari.—*Alii* nomine *reliquiarum peccati*, contra quas sacramentum illud primario dirigitur, significari existimant pravas dispositiones ex peccatis actualibus relictas.—*Alii* demum post *D. Thomam* docent eodem nomine præcipue designari spiritualem quamdam debilitatem et ineptitudinem retrahentem a bono et inclinantem ad malum, ita ut Extrema-Unctio pro effectu primario habeat, per corroborantem gratiam habitualem et actualem, defectus illos supplere.

b) Quoad modum et tempus quo Extr.-Unctio suos producat effectus, diversæ quoque circumferuntur opinioneſ.— Sic quidam putant in hoc sacramento peccata quoad culpam remitti *per accidens* tantum, *alii* autem *per se*, etsi secundario et consequenter.— *Estius* ratus est Extr.-Unctionem conferre sanitatem corporis (quam omnes concedunt posse quandoque ab illa restaurari) non tam per modum sacramenti quam per modum *sacramentalium*; cuius generis est aspersio aquæ benedictæ.—*D. Schell* singularem emisit sententiam, videlicet, peccata, si quæ forte inveniantur, ab Extr.-Unctione deleri etiam *attritione* non existente, summodo in anima hand perduret habitualiter peccatum contra Sp. Sanctum.—Denique fuerunt (teste *Suarezio*, Disp. XLI, s. 2) qui arbitrarentur per illud sacramentum gratiam produci vel totam a prima unctione vel partialiter distributam secundum varias unctiones: quod tamen a veritate alienum videbitur.

4º Rem universam enodabimus proponendo tres distinctas conclusiones pro tribus effectuum generibus.

Conclusio 1º. — PRIMARIUS EXTR.-UNCTIONIS EFFECTUS EST, PER GRATIAM TUM HABITUALEM TUM ACTUALEM, ANIMUM ROBORARE CONTRA PROCLIVITATEM IN MALUM ET DEBILITATEM

AD BONUM, EX PRÆCEDENTIBUS PECCATIS RELICTAS.—Dico per gratiam tum *habitualē tam actualē*: siquidem efficacia sacramentorum utrumque importat¹, nempe gratiā habitualē ejusve augmentum, et auxilia specialia diversis necessitatibus ac temporibus accommodata ad quæ prior gratia ordinem dicit.

1^o Prob. *directe* ex concinno ac persusibili *S. Thomæ* discrusu (art. 1): “Dicendum, inquit, quod quodlibet sacramentum est institutum principaliter ad unum effectum, quamvis etiam alios ex consequenti inducere possit. Et quia sacramentum efficit quod figurat, ideo ex ipsa significatione sacramenti debet accipi ejus principalis effectus. Adhibetur autem hoc sacramentum secundum modum cuiusdam *medicationis*, sicut Baptismus per modum ablutionis. Medicina autem est ad pellendam infirmitatem. Unde principaliter hoc sacramentum est institutum ad sanandum infirmitatem peccati. Unde sicut Baptismus est quedam spiritualis regeneration, et Pœnitentia quedam spiritualis suscitatio, ita et Extr.-Unctio est quedam spiritualis sanitio vel medicatio. Sicut autem corporalis medicatio præsupponit corporalem vitam in medicato, ita spiritualis spiritualem. Et ideo hoc sacramentum non datur contra defectus quibus spiritualis vita tollitur, scil. contra peccatum originale vel mortale, sed contra illos defectus quibus homo spiritualiter infirmatur, ut non habeat perfectum vigorem ad actus vitae gratiæ vel glorie: et hic defectus nihil aliud est quam *quæd n debilitas et inaptitudo que in nobis relinquitur ex peccato actuali vel originali; et contra hanc debilitatem homo roboratur per hoc sacramentum*².”

2^o Prob. *indirecte* per exclusionem oppositarum sententiarum.—a) Et primo Extr.-Unctio non est primario instituta ad delenda *peccata venialia*: tum quia peccata ista iam sacramentum Pœnitentie, vi sue institutionis secundaria, sufficenter tollere valet; tum quia ad deletionem venialis peccati non requiritur infusio gratiæ. Unde cum in quolibet sacramento N. L. gratia infundatur, nullum Christus sacramentum directe et immediate instituit contra venialia que

1—Cf. *De Sacramentis* (1^a pars), Disp. I, Q. IV, n. 1.

2—Cf. *Catech. Trid.* (n. 28), ubi graphicè effectus ille describitur.

per alia media tolli possunt (III, Q. LXV, a. 1 ad 8).—
b) Secundo nequit dici quod Extr.-Unctio sit ordinata primario contra peccata aut mortalia aut venialia post confessio-nem et communionem utcumque remanentia: ex hoc enim sequeretur sacramentum illud esse sacramentum mortuorum, non vivorum, quod tamen veluti quid Baptismo et Pœnitentiæ proprium communis scholarum persuasio agnoscit¹. Neque etiam (secus ac sentit Bellarminus) peccati reliquias proprie nominaveris peccata illa superstitia et a præcedenti-bus forte independentia.—**c)** Tertio rursus falso asseritur Extr.-Unctionem principaliter dirigi contra *reatum pœnae temporalis*: ad hunc enim reatum se extendit Pœnitentia, etsi secundario; præterea, juxta sententiam istam, infirmus oleo sancto perunctus cum debita dispositione nihil amplius luendum haberet, quod a fidelium sensu dissonat.—**d)** Quarto denique primarius Extr.-Unctionis effectus non est removere neque *peccati fomitem* neque *habitus vitirosos*; siquidem dispositions ille etiam post convalescentiam remanent.

3º Itaque reliquum est ut dicamus infirmos sacro oleo principaliter ungí ad *ultimum agonem christiane sustinendum*; idque insinuant ipsa Jacobi verba, *et alleviabit eum Dominus*, quibus ajunt grecæ significari animi erectionem et confortationem. Sic enim sanatus animus a languore et infirmitate, quam ex peccatis contraxit, majori spe et fiducia divinae bonitatis erigitur, morbi incommoda levius tolerat, mortem et judicium tranquillius exspectat, validius diaboli carnisque impugnationibus resistit, parvior tandem ad supernam gloriam capessendam evadit.

Conclusio 2º.—PER SE SED EX CONSEQUENTI POTEST EXTR.-UNCTIO NON SOLUM VENIALIA, SED ET MORTALIA, MODO NON SIT OREX, PECCATA REMITTERE, NECNON REATUM PENÆ TEMPORALIS MINUERE VEL PENITUS RELAXARE.

1º Pars de peccatis cum *venialibus* tum quoque *mortalibus* ostenditur auctoritate et ratione.

1º Auctoritate :—**a)** enimvero S. Jacobus diserte enun-tiat: *Si in peccatis sit, remittentur ei*; ubi apposita condi-

1—“Neque hoc sacramentum primario loco ad graviorum crimi-num remissionem institutum est, sed Baptismus tantum et Pœnitentia vi sua hoc efficiunt” (*Catech. Trid.* n. 28).

tio duo importare videtur: *primum*, quod agitur de effectu secundario seu contingente; *alterum*, quod sermo est præcipue de eis peccatis quæ infrequentius post accepta alia sacramenta remanent, scil. de mortalibus.—*b*) *Conc. Trid.* (Sess. XIV, cap. 2) docet hoc sacramentum *delicta*, si quæ sint expianda, et peccati reliquias abstergere; et (can. 2) anathemate ferit negantes sacram infirmorum Unctionem conferre gratiam et remittere *peccata*.—*c*) Accedit tenor formæ, qua dicitur: “*Indulgenti tibi Dominus quidquid deliquisti*.”

2º Ratione :—siquidem primarius Extr.-Unctionis effectus, videlicet animi robur, accipitur per gratiam habitualem et actualem. Atqui gratia secundum non compatitur peccatum. Ergo ex consequenti sacramentum illud, si quod peccatum mortale aut veniale inveniat in corde bene disposito, quoad culpam tollit ipsum. Audiatur *Angelicus* (C. G., l. IV, c. 73): “Contingit quod homo omnium peccatorum quæ commisit notitiam vel memoriam non habet, ut possit per pœnitentiam singula expurgare; sunt etiam quotidiana peccata, sine quibus præsens vita non agitur, a quibus oportet hominem in suo exitu per hoc sacramentum emendari, ut nihil inveniatur in eo quod perceptioni gloriae repugnet; et ideo addit Jacobus quod *si in peccatis sit, dimittentur ei*. Unde manifestum est quod hoc sacramentum est ultimum et quoddammodo *consummativum* totius spiritualis curationis.”

Dixi in concl. *per se* seu ex proprio, licet secundario, sacramenti fine: quia, quamvis hoc sacramentum sit vivorum, tamen ex ipsa institutione divina, ut patet ex verbis S. Jacobi et Trid. Conc., peccata remittit veluti quoddam pœnitentiae complementum¹.

2º Pars respicit *dispositionem* requisitam ad hoc ut peccatum presertim mortale per Extr.-Unctionem remittatur; cuius dispositionis absentia *obea* dicitur.

Porro 1º si quis, se bona fide in statu gracie esse existimans, aut jam sensuum defectu confiteri non valens, saltem habitualiter attritus sacramentum suscipiat, attritio illa, que

1—Ex hoo (admonet *Billot*) duo consequuntur: *primo*, quod sacerdos debeat esse maxime sollicitus de procurando infirmis hoc sacramento; *secundo*, quod infirmus, qui confiteri non potest, non teneatur elicere actum *perfectæ* contritionis in ordine ad Extr.-Unctionem susciendum (quamquam plures id negant).

omnem peccandi voluntatem efficaciter removeat, sufficiens dispositio censeri debet: "quamvis enim culpa quoad maculam sine contritione non dimitatur, tamen hoc sacramentum per gratiam quam infundit, facit quod ille motus liberi arbitrii in peccatum (sc. attrito actualis vel habitualis) sit contritio, sicut etiam in Eucharistia et Confirmatione potest accidere" (Suppl. Q. XXX, a. 1 ad 2); imo id certius Extr.-Unctioni quam reliquis sacramentis convenit, propterea quod per se secundario (ut diximus) ad talen finem ordinatur.—Attamen 2º persuassimum habemus Schell longe a vero aberare, quando nec attritionem infirmi ad remissionem peccatorum per Extr.-Unctionem requirit: plana enim est Conc. Trid. sententia (Sess. XIV, cap. 4): "Fuit autem quovis tempore ad impetrandam veniam peccatorum hic contritionis (perfectæ ant imperfectæ) motus necessarius;" idque præterea deducitur ex analogia Extr.-Unctionis cum Pœnitentia, cuius consummatio existit¹.

3ª Pars additur de reatu pœnae temporalis.

Et 1º hanc pœnam quadammodo remitti in Extr.-Unctione, suadent universalissimæ locutiones S. Jacobi, Tridentini ipsiusque formæ sacramenti, quibus *peccata* et *peccati reliquæ*, et *quidquid deliquerit* homo, ad objectum illius sacramenti pertinere asseruntur.—2º Ex mente D. Thome duo ad propositum recte statuit Ferrariensis (in C. G. IV, 73): primo, quod *non remittitur semper totaliter* reatus pœnae temporalis, ita quod post mortem homo ad nullum satisfactionem teneatur, sed tunc tantum quando adest interior dispositio ad remotionem talis reatus simul cum hoc sacramento sufficiens: est enim Extr.-Unctio proxime conductiva ad gloriam ideoque ad deletionem omnis reatus remanentis post culpam ordinata, dummodo in suscipiente conveniens habeatur dispositio. Secundo, quod *semper aliquo modo* remittitur reatus, in quantum, remota debilitate quo erat ex peccato, fit lenior pœna: eamdem enim pœnam levius (inquit S. Th., Suppl. l. cit.) portat fortis quam debilis.

Conclusio 3ª.—EXTR.-UNCTIO POTEST ETIAM SECUNDARIO SANITATEM CORPORIS RESTITUERE, SI NEMPE HOC ANIMÆ EXPE-

1.—Vid. plura ap. Sasse, *de Extr. Unct. c. 4.*

DIAT.—Id de *fide* est ex *Conc. Flor.* (Decr. pro Arm.) et *Trid.* (l. cit.)

1º Veritatem illam indicant verba Jacobi: *Et oratio fidei salvabit infirmum*; communis enim interpretum expositio est, quod salus corporis inibi, non quidem exclusiva, sed fundatissima significatione intendatur.

2º *S. Thomas* sic ad rem præclare discurrit (art. 2): “Sicut Baptismus per ablutionem corporalem facit spiritualem emundationem a maculis spiritualibus, ita hoc sacramentum per medicationem sacramentalem exteriorem facit sanationem interiorum; et sicut ablutio baptismi habet effectum corporalis ablutionis, quia etiam corporalem mundationem facit, ita etiam Extr.-Unctio habet effectum corporalis medicationis, scil. corporalem sanationem. Sed haec est *differentia*, quod corporalis ablutio ex ipsa naturali proprietate elementi facit corporalem mundationem, et ideo semper eam facit; sed Extr.-Unctio non facit corporalem sanationem ex proprietate naturali materiæ, sed ex *virtute divina*, æ rationabiliter operatur. Et quia ratio operans nunquam inducit secundarium effectum, nisi secundum quod expedit ad principalem, ideo ex sacramento *non semper* sequitur cori oralis sanatio, sed *quando expedit* ad spiritualem sanationem; et *tunc semper eam inducit, dummodo non sit impedimentum ex parte recipientis*¹”.

3º Duo postremum adnotabimus:—*a)* In primis (contra Estium) tenendum est sanitatem corporis, quandocumque per Extr.-Unctionem restituatur, *ex opere operato* a sacramento produci: nullam enim distinctionem, quoad operandi modum, faciunt Concilia inter hunc effectum et reliquos effectus.—*b)* Recuperatio autem sanitatis hujusmodi, quamvis sit effectus supernaturalis, non tamen idecirco dicenda est *miraculosa*,

1—De conditionibus ad hunc effectum requisitis opportuna suppetunt verba *Catech. Trid.* (n. 20): “Quod si ergo tibi hoc tempore eam (corporis sanitatem) minus consequuntur, id quidem non sacramenti vitio, sed ob eam potius causam evenire credendum est quod eorum magna pars, vel qui sacro oleo perunguntur, vel a quibus administratur, *fides* infirmior est: testatur enim Evangelista, Dominum apud suos multas virtutes non fecisse propter incredulitatem illorum”.

quia non fit præter leges a Deo statutas, sed juxta hujus sacramenti economiam divinitus constitutam¹.

Solv. obj.—OBJ. 1. (cont. 1^{am} concl.).—In forma sacramentorum exprimitur principalis effectus. Atqui quod exprimitur in forma Extr.-Unctionis est peccatorum indulgentia, “indulget tibi Dominus quidquid deliquisti.” Ergo.

RESP. D. M:... independenter a materiæ significatione, N; secundum proportionem ad illam, C.—D. m:... sensu generico sub quo vel peccata vel peccati reliquiæ comprehendantur, C; sensu specifico, S d: et indulgentia illa, secundum proportionem ad materiæ seu unctionum significationem, sumitur pr. sanatione vel confortatione hominis jam spiritualiter viventis, C; pro suscitate mortui, N.—Neg. conseq.

OBJ. 2. (cont. 2^{am} concl.).—Duo sacramenta non sunt instituta ad cumdem effectum. Atqui Pœnitentia sufficienter delet omnia peccata actualia. Ergo.

RESP. D. M:... sub eadem principali ratione, C; ita ut quod unum principaliter, aliud secundario tantum attingat et non sine quadam relatione ad primum, N.—C.d.m:... quantum est de se, C; quasi non possint, pœnitentis defectu, remanere peccata quæ secundario et cum quadam Pœnitentie proposito Extr.-Uncio remittat, N.—Neg. conseq.

OBJ. 3.—Remissio peccatorum non fit successive, sed in instanti. Atqui Extrema-Uncio successivis unctionibus constat et administratur. Ergo.

RESP. C. M.—D.m:... quatenus virtus sacramenti disperdiatur per singulas, N; quatenus contrahitur in ultimam qua sacramentum essentialiter completur, C.—Neg. conseq.

“Dicendum quod quando sunt multæ actiones ordinatæ ad unum effectum, ultima est formalis respectu omnium precedentium, et agit in virtute earum; et ideo in ultima unctione gratia infunditur, quæ effectum sacramento præbet” (art. 1 ad 3).

1.—In Extr.-Unctione sacramentum, ut patet, est una cum forma unctio visibilis; *res et sacramentum* est quædam interior devotione seu spiritualis unctio (n. 3 ad 3) qua infirmus disponitur ad effectu gratiæ principaliter intentum, in quo consistit *res sacramenti*.

ARTICULUS II.

De ministro Extremæ-Uncionis.

(Q. XXXI)

Circa ministram hujus sacramenti duplex quæstio moveri potest, in quantum erectetur vel quoad *qualitatem*, vel quoad *numerum*.—*Hæretici* qui negant unctionis sacramentum, et verba S. Jacobi accipiunt solummodo de corporum curatione per donum sanitatum, consequenter volunt *simplices fideles*, quibus donum hoc competere non repugnat, posse sine sacerdotum ministerio infirmos oleo ungere.—Quoad numerum vero, dubitatio est num et qua ratione *plures* ministri possint, collatis actionibus, sacramentum unctionis simul dispensare.

Conclusio 1^a.—AD SACERDOTES, EOSQUE SOLOS, PERTINET ADMINISTRATIO EXTREMÆ-UNCTIONIS, QUIN TAMEN REQUIRATUR EPISCOPALIS DIGNITAS.—Tria hæc una definitione complexum est *Conc. Trid.* (Sess. XIV, cap. 3), ubi de sacramento unctionis dicit: “Ostenditur illic (Jac. V) *proprios* hujus sacramenti ministros esse Ecclesiæ presbyteros, quo nomine, eo loco, non ætate seniores ant primores in populo intelligendi vineunt, sed aut episcopi, ant sacerdotes ab ipsis rite ordinati per impositionem manuum presbyterii.” Cf. can. 4.

1^a Pars concl. asseritur:

1^o Ex *Scriptura*, scil. (Jac. V): *Infirmatur quis in vobis inducat presbyteros Ecclesiæ etc.* Per presbyteros autem intelligi, non ætate seniores populi, ut contendunt hæretici, sed sacerdotio initiatos, evincunt momenta sequentia¹:—*a*) Nam primo licet vox greca *presbyter* etymologice significet ætate seniores, attamen in *Scriptura* N. T., ubique agitur de munib[us] ecclesiasticis, per presbyteros nunquam intelliguntur ætate seniores, sed gradus et sacerdotii dignitate majora, v. g. Act. XIV, 12, 1 Tim. IV, 14, 1 Pet. V, 1-2 etc.—*b*) Secundo Jacobus non dicit *presbyteros* simpliciter, sed *presbyteros Ecclesiæ*, aperte significans se eos designare non qui seculari, sed religiosæ communitat[i] p[re]sunt.—*c*) Tertio insuper dicitur inducendo esse presbyteros,

1—Billuart, Diss. un., n. 5.

ut orent super infirmum et ungant eum in *nomine Domini*, ex quo *allevietur* et *remittantur* ei *peccata*; quæ cuncta non ætate senibus, sed sacerdotio pollutibus manifeste competunt. — d) Quarto accedit interpretatio Patrum, utputa *Origenis* (Hom. 2 in Levit. n. 4), *S. Innoc. I* (Ep. ad Decent. c. 8); item, perpetuus *Ecclesie usus*; necnon *Flor.* et *Trid. Concil.* auctoritas.

2^o *Ratione*. — a) Etenim, quia Extr.-Unctio Pœnitentiæ est veluti perfectio ac consummatio, ejus dispensatio ad eos pertinere jure censebitur quorum est sacramentum Pœnitentiæ administrare. Atqui novimus ministros sacramenti Pœnitentiæ esse sacerdotes: ergo. — b) Præterea, ut ait *S. Th.* (C. G. IV, 73), “quia per hoc sacramentum peccata dimittuntur, peccatum autem non dimittitur nisi per gratiam, manifestum est quod in hoc sacramento gratia confertur. Ea vero, in quibus gratia illuminans mentem confertur, exhibere, solum pertinet ad sacerdotes, quorum ordo est illuminatus, ut dicit Dionysius in lib. *de eccl. hier.* c. 6.”

3^o *Objectionem* ex verbis *Innoc. I* (Ep. ad Decent.) pettam, qua usus sancti olei “omnibus christianis” conceditur, facile est negotium dissolvere: — a) Vel enim usus ille, juxta Dom. Sotì expositionem, *active* sumendus est, et tunc respondemus *S. Pontificem*, dum de unctione sacramentali ageret, voluisse quoque et quasi obiter ritum quemdam non sacramentalē a fidelibus tunc adhibitum coīmemorare¹. b) Vel (quod probabilius est) usus sumi debet *passive*, prout exigere videtur generalis decreti dispositio, et tunc Pontifex nihil aliud significat, nisi quod liceat cunctis fidelibus uti oleo sacro, non quidem ministrando, sed presbyteros qui ministrant advocando.

2^o *Pars*, scil. solos sacerdotes esse Extr.-Unctionis ministros, ex dictis jam liquet: — numquam enim, nec per exceptionem, in Ecclesie usu ant monumentis appetet sive diacono.

1— *Thomás* (Q. XXXI, n. 1 ad 2), objecto sibi quod solitarii quida: Egypti oleum ad infirmos sanandos transmitterent ab eo. Genov. a oleo item ægrotos ungeret, respondet: “Ille unctiones non sunt sacramentales; sed ex quadam devotione recipientium talem unctionem, et ex meritis ungentium vel oleum mittentium, conseqveoatur effectus sanitatis corporalis per *gratiam sanitatum*, non autem per *gratiam sacramentalem*.”

nos sive laicos sacramentum illud administrasse.—Neque paritas est inter Extr.-Unctionem et Baptismum quem et laici extraordinarie ministrare possunt: “ Dicendum, inquit Auctor (a. 2 ad 2), quod hoc sacramentum non est necessitatis sacramentum, sicut baptismus. Unde non ita committitur dispensatio ejus omibus in articulo necessitatis, sed solum illis quibus *ex officio* competit,” scil. sacerdotibus.

3^a Pars denique absolvitur.

Et 1^o Extr.-Unctionis minister, docente S. Jacobo, *inducendus est* seu advocandus *ad infirmum* qui sacramento indiget. Atqui episcopus non posset ad omnes suae dioecesis infirmos accedere. Ergo necesse non est ut minister hujus sacramenti sit episcopali gradu insignitus.—2^o Cum Episcopus proprie habeat perficiendi officium, illa sacramenta solis episcopis dispensanda reservantur quæ suscipientem in aliquo *perfectionis statu* constituunt respectu reliquorum membrorum Ecclesiae; cujusmodi sunt tum Ordo, ut patet, tum Confirmationis qua quis veluti Ecclesiae miles efficitur. Atqui Extr.-Unctio non confert characterem sic perfectivum et elevantem: ergo.

Conclusio 2^a.—NON REPUGNAT EXTR.-UNCTIONEM A PLURIBUS SIMUL SACERDOTIBUS MINISTRARI; UNUS TAMEN CERTISSIME SUFFICIT.

1^a Pars ostendit:

Sane 1^o Græcorum praxis est ut septem vel saltem tres adhibeantur presbyteri tanquam ministri illius sacramenti, et ipsam Ecclesiam *latinam* plures olim adhibuisse ex diversis fontibus colligitur (ap. Billuart, Diss. un. a. 5).—2^o S. Thomas (C. G. IV, 73) sic loquitur: “ Quia hoc sacramentum perfectæ curationis effectum habet, et in eo requiritur copia gratiæ, competit huic sacramento quod multi sacerdotes intersint, et quod oratio totius Ecclesiae ad effectum hujus sacramenti coadiuvet; unde Jacobus dicit: *Inducat presbyteros Ecclesia, et oratio fidei salvabit infirmum.*” Ubi notare est Angelicum Doctorem multos sacerdotes requirere non tam ad ministrandum quam ad orandum.—3^o Dupliciter fieri potest quod Extr.-Unctio a pluribus administretur: vel quatenus unus ungat, et alter formam proferat, et hoc *invalidum* est (prouti alibi de Baptismo diximus), idque definitivit *Benedictus XIV* (Const. *Etsi pastoralis*); vel quatenus singuli

singulos sensus ungant proferendo formam partialem correspondentem, et hoc *pro valido* habetur, haud secus ac valide censeretur consecratio eucharistica si unus consecraret panem et eo deficiente alter vinum.

2^a Pars evincitur:

1^o Necessitas plurium sacerdotum neque ex Scriptura neque ex traditione probari potest; quod enim Jacobus dixit, *Inducat presbyteros*, recte accipitur perinde ac si dixisset: "Vocet aliquem ex presbyteris."—2^o Hic est *Ecclesiæ latiñæ usus*, firmatus pluribus antiquitatis exemplis (*Martène, de antiq. Eccl. rit.*, l. I, c. 7, a. 3-4) et theologorum consensione. Ait *S. Thomas* (l. cit.): "Si tamen unus solus presbyter adsit, intelligitur hoc sacramentum perficere in virtute totius Ecclesiæ, cuius minister existit et cuius personam gerit."—Sane 3^o Christus neminem præsidio Extr.-Unctionis privari voluit, quod tamen, propter sacerdotum inopiam, sœpius accideret, si plures ministri requirerentur.—Hinc 4^o Alexander III (Decr. Greg. I, V, Tit. 40, c. 14): "Sacerdos, inquit, uno præsente clero, et etiam solus potest infirmum ungere." Idein statuit Bened. XIV (l. cit.).

ARTICULUS III.

De subjecto Extremæ-Untionis.

(Q. XXXII-XXXIII)

Sub hoc postremo disputationis capite determinandum est, *quinam recipere possint Unctionis sacramentum, quibusnam in partibus corpus ungi debeat, quo tempore quave necessitate* :—quæ trium conclusionum spatio tractabuntur.

Conclusio 1^a.—**EXTREMA-UNCTIO DARI VALIDE NON POTEST NISI BAPTIZATIS INFIRMIS, PERICULOSE DECUMBENTIBUS, QUI ALIQUANDO SALTEM RATIONE USI FUERINT ET VERISIMILITER PECCAVERINT.**

1^o Dicitur *baptizatis*; siquidem compertum omnibus est, neminem valide posse ullum sacramentum suscipere nisi prius Ecclesiæ fuerit per Baptismum incorporatus.

2º Dicitur *infirmis*; prout definierunt *Conc. Flor.* (Decr. pro Arm.) et *Trid.* (Sess. XIV, cap. 3) :—*a)* Etenim infirmos solos esse subjectum Extr.-Unctionis, expresse significatur per illud Jacobi: *Infirmatur quis in vobis?*—*b)* *Traditio* quoque, Ecclesiæ usu et Doctorum sententiis se prodens, hoc ipsum convincit; nec attendenda est praxis *Græcorum* qui sanos passim ungunt: aut enim abusus sacramenti est, aut (verius) pia quædam cæremonia extrasacramento lis.—*c)* *Ratio* ab *Auctore* profertur (Q. XXXII, a. 1), quia in sacramentis omnino salvanda est significatio. Jamvero hoc sacramentum se habet uti quædam spiritualis curatio, quæ per quemdam curationis corporalis modum significatur, etiamsi corporea curatio non sequatur. Ergo, sicuti ille solus potest Baptismum suscipere qui valet corporalis ablutionis esse particeps, ita solum illis danda est per Extr.-Unctionem sanitas spiritualis quibus corporalis curatio competit, scil. infirmis. Corollaria hujus principii videsis ponet moralistas¹.

3º Dicitur periculose *decubentibus*:—*a)* Inquiunt enim memorata superius Concilia: "Hoc sacramentum, nisi infirmo de cuius morte timetur, dari non debet" (*Flor.*); item: "Declaratur esse hanc unctionem infirmis adhibendam, illis vero præsertim qui tam periculose decumbunt ut in exitu vite constituti videantur; unde et sacramentum exequuntium nuncupatur" (*Trid.*). Ubi notari debet partiu la præsertim, qua satis indicatur non tunc duntaxat sacramentum conferri posse, quando periculum usque ad desperationis statum increvit².—*b)* *Ratio* his verbis a *D. Thoma* traditur (art. 2): "Hoc sacramentum est ultimum remedium

1—Ad rem *Angelicus* (C. G. IV, 73): "Lieet aliqui sint in statu propinquæ mortis etiam absque infirmitate, ut patet in his qui damnantur ad mortem, qui tamen spiritualibus effectibus hujus sacramenti indigerent, non tamen exhibendum est nisi infirmi, quum sub specie corporalis medicina exhibeatur, que non competit nisi corporaliter infirmato."

2—Prudenter hic monet *Ca/ech. Trid.* (n. 18) eos "gravissime peccare, qui illius tempus iugroti ungendi observare solent, cum jam omni salutis spe amissa, vita et sensibus carere incipiat; constat enim, ad ubiorem sacramenti gratiam percipiendam, plurimum valere si iugrotus, cum in eo adhuc integrum est et ratio viget, fidemque et religiosam animi voluntatem afferre potest, sacro oleo linatur."

quod Ecclesia potest conferre, quasi immediate *disponens ad gloriam*. Et ideo illis tantum infirmantibus debet exhiberi qui sunt in statu exeuntium, propter hoc quod *ægritudo nata est inducere mortem et de periculo timetur.*"

4º Dicitur *qui aliquando saltem ratione usi fuerint.*—
a) De quo audiatur *Catech. Trid.* (n. 19): "Omnes qui rationis usu carent ad hoc sacramentum suscipendum apti non sunt: et pueri qui nulla peccata admittunt, quorum reliquias sanare hujus sacramenti remedio opus sit; *amentes* item et *furoi*, nisi interdum rationis usum haberent, et eo potissimum tempore pii animi significationem darent, peterentque¹ ut sacro oleo ungerentur: nam qui ab ipso ortu nunquam mentis et rationis compos fuit, ungendus non est; secus vero si ægrotus, cum mente adhuc integra hujus sacramenti particeps fieri voluisse, postea in insaniam et furorem incidit."—b) Sane Baptismus quidem, utpote spiritualis *regeneratio*, valide conferri potest pueris aliisve qui sint prorsus incapaces exercendi liberi arbitrii; at Ext.-Unctio diversa ratione datur, scil. per modum spiritualis *curationis*. Nemo autem a Deo spiritualiter curatur, qui quadamtenus non consentiat aut consenserit.

5º Tandem dicitur *et verisimiliter peccaverint*;—cujus rei rationem, mox a *Catech. Trid.* de pueris insinuatam, sic confronmare possumus: nulli dari debet sacramentum cui non competit forma sacramenti. Atqui forma Extr.-Unctionis, "indulgeat tibi Dominus quidquid per visum... deliquisti," manifeste subandit aliquid peccati ex parte recipientis: ergo.— Hinc (contra Suarez) probabilius existimamus *B. Virginem* neque hoc sacramentum suscepisse, neque suscipere potuisse, quippe quæ nullo prorsus, ne originali quidem, peccato affecta fuerit².

Conclusio 2º.—UNCTIO EXTREMA NON EST FACIENDA IN TOTO CORPORE, SED IN PARTIBUS DETERMINATIS QUÆ PRÆSER-TIM SUNT QUINQUE SENSUS, SALTEM DE NECESSITATE PRÆCEPTI.

1—Satis est ex *Rit. Romano* quod infirmi sacramentum "verisimiliter petiliissent."

2—Sententiam hanc, principis *S. Thomæ* innixam, posse quoque ex doctrina *S. Bonaventure* inferri adnotator *Breviloguli* (P. Ant. M. a Vicetia) expresse pronuntiat.

1^a Pars vix declarari eget:—Etenim habemus universalis Ecclesiæ usum, juxta quem nec Latini nec Græci totum infirmi corpus inungunt. Hic autem usus apprime rationabilis est: siquidem hoc sacramentum per modum curationis exhibetur. Atqui curatio corporalis non oportet quod fiat per medicinam toti corpori appositam, sed satis est ut attingantur ille partes quibus morbi radix insidet. Similiter ergo unctionis sacramentalis facienda non est nisi iis in partibus quæ radicem spiritualis infirmitatis continent (art. 5).

2^a Pars statuit, partes illas esse *quinque sensus*, quibus adduntur *pedes* et *renes* juxta Conc. Flor. (Decr. pro Arm.) et Rit. Romanum¹.—Hujus prescripti convenientiam profunde, more suo, evolvit Angelicus (art. 6): “Dicendum, inquit, quod principia peccandi in nobis sunt eadem quæ et principia agendi, quia peccatum consistit in actu. Principia autem agendi in nobis sunt tria: primum est *dirigens*, scil. vis cognoscitiva; secundum est *imperans*, scil. vis appetitiva; tertium est *exequens*, scil. vis motiva. Onnis autem nostra cognitio a sensu ortum habet. Et quia ubi est in nobis prima origo peccati, ibi debet medicina adhiberi, ideo inunguntur loca quinque sensuum, scil. *oculi* propter visum, *aures* propter auditum, *nares* propter odoratum, *os* propter gustum, *manus* propter tactum, qui in pulpis digitorum præcipue viget; et propter appetitivam inunguntur aliquibus *renes*; *pedes* autem inunguntur propter motivam, qui sunt principalius ejus instrumentum. Et quia *primum* principium operationis humanæ est cognoscitiva, ideo illa unctione ab omnibus observatur quæ fit ad quinque sensus, quasi de necessitate sacramenti; sed quidam non servant alias; quidam vero illam servant quæ fit ad pedes, et non quæ ad renes, quia appetitiva et motiva sunt *secundaria* principia.”

3^a Pars addit saltem *de necessitate præcepti*, ut tangatur controversia, num præcepto tantum vel etiam sacramenti natura et validitate quintuplex sensuum unctione requiratur.—Confitemur quidem plures eximios theologos, inter quos Bellarminus, Billuart, etc, quintuplicem unctionem exigere

1.—Sed ex eodem Rit. “renum unctione in mulieribus, honestatis gratia, semper omittitur; atque etiam in viris, quando infirmus commode moveri non potest.”

de essentia sacramenti; sed alii graves theologi, uti *Sylvius*, *Benedictus XIV*, quibus subscribunt *Knoll*, *de Augustinis*, etc, ex adverso docent validum esse Extr.-Unctionis sacramentum, si vel una corporis pars inungatur: quam sententiam probabiliorem existimamus.

1º Namque *S. Jacobus* nullam in specie unctionem præscribit, indeterminate dicens: *ungentes eum*.—*Conc.* autem *Flor.*, ad quod opposita opinio provocat, eodem decreto requirit septem unctiones, quarum tamen due (fatentibus adversariis) minime pertinent ad essentiam sacramenti: logicumne est ex Concilii verbis quinque reliquas unctiones essentiales declarare?—*S. Bonaventura* et *S. Thomas* immerito tanquam certi adversæ sententiae patroni invocantur: primus enim (in *Brevil. P. VI*, c. 11) docet “ad integratatem” Extr.-Unctionis requiri septem unctiones; aliud autem est integritas, aliud essentia. *Angelicus* vero dubitanter tantum loquitur, aiens (*l. cit. sup.*): “quasi de necessitate sacramenti”; quod optime exponi potest de necessitate præcepti ita observati ac si esset necessitas sacramenti.

2º Nostræ opinioni (ut referunt *Bened. XIV*, *desyn. dicec. I. VII*, c. 3 et de *Augustinis*, *de Eccl.-Unc.* th. 2) validissimum fundamentum præbet diversa in unctionum numero *disciplina*, quam in variis locis sua etate viguisse affirmat *B. Alb. Magn.*, quæque ex pluribus tum Occidentalis tum Orientalis Ecclesie documentis clare deprehenditur. Tanta autem in unctionibus disformitas non fuisset singularum Ecclesiæ arbitrio permissa, si certum earundem numerum sacramenti validitas exposceret.—Majus adhuc argumentum suppeditant peculiarium Ecclesiæ ritualia pastoralesque *ordinationes* quibus, proposita universali forma, unicam unctionem fieri permittit, si omnes perfici nequeant vel ob temporis angustiam vel ob morbi contagiosi periculum: prescripta hujusmodi recitat *De Augustinis* (*l. cit.*).

3º In hoc sacramento, ungendi ratio ea absolute requiritur et sufficit qua essentialiter salvari queat *accidenti significatione*. Jamvero significatio heic intenta, scil. curatio spiritualis, essentialiter salvatur per unam unctionem factam in quadam principaliori corporis parte quacum perversa hominis activitas intime connectitur, nempe vel in *peccatore* vel maxime in *capite*: ergo.—*Conf. arg.* ex eo quod vel utramque vel

alterutram prædictarum partium, inter alias, commemorant cuncta documenta quibus prisca Ecclesiarum disciplina nobis innotescit; item legitur in Pastorali Bartolomæi ab Aula, a theologis Lovaniensibus approbata (1573): "Si videat extre-
num periculum, ita ut difficulter consuetas posset inungere partes, in pectore vel in fronte eum inungat, dicens: In nomine Patris etc; per istam sanctam unctionem... indulget tibi Deus quidquid deliquisti per quinque sensus tuos et cogitationes etc."

Conclusio 3a.—SACRAMENTUM EXTR.-UNCTIONIS ITERA-
BILE EST, PRO DIVERSA INFIRMITATE VEL DIVERSO INFIRMITATIS
STATU; PER SE AUTEM NEMO, SALTEM SUB GRAVI, TENETUR
ILLUD RECIPERE.

1^a *Pars* (contra quosdam veteres) asseritur ex ipso *Trid.* (Sess. XIV, cap. 3): "Quod si infirmi post susceptam hanc unctionem *convaluerint*, iterum hujus sacramenti subsidio juvari poterunt, cum in aliud simile vita discernere incide-
rint."—*Ratio* est, quia Extr.-Unctio non habet effectum per-
petuum: ordinatur enim ad sanitatem mentis et corporis,
que potest amitti, postquam fuerit sacramentaliter effecta;
unde non imprimitur in hoc sacramento character. Porro
sacramenta non productiva effectus perpetui sine injuria
iterari possunt (Q. XXXIII, a. 1).

2^a *Pars* sic ab *Auctore* evolvitur (art. 2): "Hoc sacra-
mentum non respicit tantum infirmitatem, sed etiam infirmitati-
tis statum; quia non debet dari nisi infirmis qui secundum
humanam estimationem videntur morti appropinquare.
Quedam autem infirmitates non sunt diuturnæ; unde si in
eis datur hoc sacramentum tunc quando homo ad statum
illum pervenit quod sit in periculo mortis, non recedit a statu
illo nisi infirmitate eurata, et ita non debet iterum inungi.
Sed si recidivum patiatur, erit *alia infirmitas*, et poterit
fieri alia inunctio.—Quedam vero sunt aggritudines diutur-
nae, ut hærtica, hydropisis et hujusmodi; et in talibus non
debet fieri unctione, nisi quando videntur perducere ad pericu-
lum mortis, et si homo illum articulatum evadat, eadem infir-
mitate durante, et iterum ad similem statum per illam aggritu-
dinem reducatur, iterum potest inungi, quia iam quasi est
alius infirmitatis status, quamvis non sit *alia infirmitas*
simpliciter."

3^a Pars ostendit:

Et 1^o dico neminem *per se* tenari, saltem sub gravi, ad recipiendum hoc sacramentum; quia nec necessitate medii, nec necessitate præcepti necessarium videtur.—*a*) Non habetur in primis *necessitas medii* (prouti docet S. Th. III, Q. LXV, a. 4): de se enim Extr.-Unctio jam supponit in anima recipientis gratiam qua salus obtineri potest, nec, si continget gratiam illam deesse, unicum est medium eam consequendi.—*b*) Non habetur etiam *necessitus præcepti*: nullibi enim tale præceptum aperte enunciatum reperitur; et quod mandatum Dei vocant ex illo Jacobi, “*Inducat presbyteros*” etc, aliud reapse non est quam commendatio et promulgatio sacramenti divina lege instituti (vid. plura ap. Billuart, Diss. un. art. 7).

2^o Tamen in *praxi* insimus, negligens Extr.-Unctionem recipere, vix excusari posset a peccato sive *contemptus*, sive *scandali*, sive transgressionis *charitatis* erga seipsum; unde ille contra charitatem vel *graviter* vel *leviter*, pro gradu suarum necessitatium, peccaret¹.

1—Sacramentum Ext.-Unctionis collatum quidem valide, at infructuose (puta ob defectum in peccatore doloris *supernaturalis* de peccatis) probabilius reviviscit, semel ac dispositio deficiens accesserit. (Vid. morallatas)

DISPUTATIO SEXTA

DE ORDINE

Absolutis iis quæ ad quinque priora sacramenta pertinent, progredimur ad reliqua illa duo quorum est bonum totius populi collective sumptū procurare, sive ex parte principiū gubernantis (Ordo), sive ex parte multitudinis gubernatæ (Matrimonium) :—de *Ordine* in primis agendum est. Circa quem quinque investiganda veniunt, scil. an et quā ratione verum sit *sacramentum* (Q. I), quibus *partibus essentiibus* constet (Q. II), quosnam *effectus* pariat (Q. III), quinam sit ejus *minister* (Q. IV), quodnam demum ejus *subjectum* (Q. V).

QUÆSTIO PRIMA

DE VERITATE SEU EXISTENTIA SACRAMENTI ORDINIS

Sub hoc theologicæ disquisitionis capite primum a nobis determinandum est, num ordo *communiter* spectatus sit *sacramentum* (art. 1): quia vero multiplex datur Ordinis divisio, enodanda ultius occurrit quæstio gemina, videlicet, *quot ordines* ecclesiastici numerari debeant (art. 2), et utrum *singuli* ad unum integrandum ordinis *sacramentum* pertineant (art. 3).

ARTICULUS I.

Utrum ordo in genere sit sacramentum.

(Q. XXXIV, a. 1-3)

Nonnulla circa titulum sunt *præobservanda*.

1^o a) Nomen *ordinis* dupliciter accipitur (a. 2 ad 4): *latiōri* sensu, et sic est ordo dispositio superiorum et inferiorum rerum, quæ inter se ita aptatio sunt, ut una ad alteram referatur. Sensu quoque *strictiori*, et sic significatur gradus

vel graduum complexus in quo relatio superioris et inferioris fundatur.

b) Itaque in Ecclesia per ordinem *latius* sumptum intelligitur mira illa partium et membrorum dispositio atque coaptatio, quæ summam Dei sapientiam demonstrat.—*Strictius* autem acceptus, ordo ecclesiasticus bifarium considerari potest, active et passive: *active* quidem, significat ritum sacrum quo gradus spiritualis potestatis maxime per respectum ad ministerium altaris confertur, et sic melius nuncupatur *ordinatio*; *passive* autem, designat vel diversos sacre potestatis gradus vel statum illorum qui sunt in iis gradibus legitime constituti, et sic denominatur *hierarchy*.—*Activo* sensu ordinem in praesenti articulo accipimus.

2º Ordinem seu ordinationem esse sacramentum, primus inficiatus est *Lutherus*, docens omnes christianos aequaliter esse sacerdotes, quamvis non omnibus verbi ac sacramentorum ministerium exercere liceat.—Lutherum partim secutus est *Calvinus* qui aliquando quidem concessit ministerium illud Dei esse institutum; sed sola externa deputatione, non interna consecratione, potestatem sacerdotalem conferri autem negavitque essentiale discrimen inter episcopos et presbyteros: ex quo *presbyteriani*, imo et plerique *protestantes*, suam de religiosa potestate doctrinam hauserunt¹.—*Anglicani* tamen ritum ordinationis, quem validum ac consecratorium esse existimant, corrupta sub specie retinuerunt.

3º *S. Thomas* (art. 2) approbat *Ordinis definitionem* a Pet. Lombardo acceptam, quatenus nempe dicitur "signaculum quoddam Ecclesie, quo spiritualis potestas traditur ordinato;" ubi priora verba genus, posteriora vero differentiationem specificam exprimunt.—Expressior forsitan, licet specie identica, judicabitur definitio altera ab aliis proposita, videlicet quod *Ordo seu ordinatio* est "sacramentum N. L., quo traditur spiritualis potestas una cum gratia congrua muneribus ecclesiasticis debite obeundis."

1.—Hinc facile intelligitur quanti sit momenti facienda thesis de existentia sacramenti Ordinis i qua admissa, verum vindicatur in Ecclesia sacerdotium indefectibili pastorum serie permanensrum; ea autem rejecta, corruit simul tum sacerdotium verum, tum hierarchy ecclesiastice fundamentum.

Conclusio.—**ORDO SEU ORDINATIO, QUA IN ECCLESIA SACRI MINISTRI INAUGURANTUR, VERUM EST AC PROPRIE DICTUM N. L. SACRAMENTUM.**—Id contra Novatores definivit *Conc. Trid.* (Sess. XXIII, can. 3) : “Si quis dixerit, ordinem sive sacram ordinationem non esse vere et proprie sacramentum a Christo Domino institutum, vel esse figuratum quoddam humanum excositatum a viris rerum ecclesiasticarum imperitis, aut esse tantum ritum quemdam eligendi ministros verbi Dei et sacramentorum ; A. S.” Cf. can. 1.

1º In *Scriptura* legimus (1 Tim. IV, 14) : *Noli negligere gratiam quae in te est, quae data est tibi per prophetiam, cum impositione manuum presbyterii*; et (2 Tim. I, 6-7) : *Admoneo te, ut resuscites gratiam Dei, quae est in te per impositionem manuum mearum.* Non enim dedit nobis Deus spiritum timoris, sed virtutis, et dilectionis, et sobrietatis. Atqui verba hæc Apostoli continent quidquid ad rationem essentiali sacramenti requiritur, scil. ordinationis ritum sensibilem, gratiam huic symbolo seu ritui adnexam, et stabile Christi institutum : ergo. *Min. decl.* per partes.

a) Primo manifestum est symbolum seu *signum* sensibile, videlicet *impositio manuum*.—Hunc autem fuisse *ordinationis ritum* quo potestas sacri ministerii conferretur, appareat : tum ex eo quod (cit. loc.) S. Paulus Timotheum hortatur ad munera pastoris strenue obeunda; tum ex locis parallelis (Act. VI, 6; XIII, 3; 1 Tim. V, 22)¹ quibus Scriptura testatur eodem ritu deputationem ad sacrum ministerium factam esse.

b) Secundo ritus ille exhibetur tanquam *signum efficax gratiae*, quod verba utriusque loci compertum faciunt, scil. illud *per impositionem* etc.—Præpostere autem Protesantes intelligunt, non gratiam *sanctificantem*, sed gratiam gratis

1—Quoad interpretationem textus (Act. XIV, 22), qui etiam in argumentum adduci potest, oīr. *de Augustinis, de Ord. th. I.*—Notare hic volumus vocem *cheirotonia*, græce usurpatam in exprimenda manuum impositione de qua loquimur, *primitus* quidem et secundum vim nominis significasse extensionem vel elevationem manus in ferendis suffragiis, *derivative* vero et secundum ecclesiasticum usum significare extensionem manuum episcopalium super capita ordinandorum quos Ecclesia suffragio elegerit: quod et contextus et expositio Patrum (Hieron., Chrysost., etc) convineunt.

ACRI
N. L.
rid.
eram
risto
num
aut
ei et

egli-
ophe-
m. I,
in te
dedit
ris, et
dquid
rdina-
ritai
el. per

sensi-
ordi-
rretur,
theum
x locis
Scrip-
iniste-

efficax
xime
suantes
gratis

tiam in
Notare
imenda
t secun-
manus
isticum
r capita
ntextus

datam, v. g. donum prophetiae, linguarum, aut dignitatem officii: licet enim greca vox *charisma* (per gratiam translata) saepe designet donum gratis datum, tamen usu biblico etiam significat donum sanctificans, utputa (Rom. V, 15). Porro, in locis de quibus agitur, modus loquendi, scil. *negligere* gratiam quæ *in te est*, *resuscitare* gratiam, aperte declarat sensum gratiae sanctificantis habitualiter manentis, nec nisi per violentiam in alium sensum trahi potest. Eo magis, quia Ap. (2 Tim. I, 7) explicans qualis sit gratia quam in ordinatione sua Timotheus acceperat, quamque omnes episcopi similiter accipiunt, ait: *Non enim dedit nobis* (scil. Ecclesiæ pastorum) *Deus spiritum timoris, sed virtutis et dilectionis et sobrietatis*: quæ cuncta liquido important infusas cum gratia sanctificante virtutes fortitudinis, charitatis, moderationis, sine quibus pastor nequit fideliter ministerium suum impletum. Domum, quia per ordinationis ritum confertur et *gratia* *sanctificans et spiritualis potestas*, vox *charisma* apta omnino est ad utrumque significandum.

c) Tertio, quod pertinet ad *stabile Christi institutum*. Illud quidem non habemus disertis verbis conceptum, sed evideenter colligimus ex Sacris Litteris: nam, ut jam alibi diximus, non potest ullus homo gratiam alligare certo signo. Atqui ex premissis constat gratiam fuisse impositioni manuum in ordinatione alligatam; nam textus Ap. (1 Tim. IV, 14) ita est accipiens ut illud *per prophetiam* (scil. per Sp. S. inspirationem) extiterit causa impellens ad ordinandum; instrumentum autem conferendæ gratiae fuit *impositio manuum*.— Cum vero, ad ordinationes peragendas, semper eundum ritum in Scripturis commemoratum, imo et prescriptum¹, videamus, nec unquam defecturi sint Ecclesiæ pastores sacris initiandi, concludere fas est institutum Christi hac in re esse *perpetuum*.

2º *Traditio multiplex suffragium præbet.*

a) Et in primis occurruunt *implicita* eorum *Patrum* testimonia qui docent sacra ordinatione Spiritum dari (S. Chrysost., S. Innoc. I, S. Cyr. Alex., Theodoret.) et gratiam mirabilem conferri (S. Ambr., S. Greg. Nyss.); hunc *Gregorium audianus* ita disserentem (Orat. in bapt. Christi): “Eadem verbi vis sacerdotem augustum et venerandum facit, novitate

1—Cf. 1 Tim. V, 22; Tit. I, 5.

benedictionis a communitate vulgi segregatum. Cum enim heri ac tempore superiori unus e multitudine ac plebe esset, repente redditur p̄receptor, p̄ses, doctor pietatis, mysteriorum latentium p̄sul; eaque contingunt ei, cum r̄hil vel corpore vel forma mutatus, sed quod ad speciem externam attinet, ille sit qui erat, *invisibili quadam vi ac gratia invisibilem animam in melius transformatam gerens.*"

b) *Expressiora* autem huc accedunt suffragia, quibus Patres vel ordinationem veris sacramentis annumerant (S. Hieronym., S. Chrysost.) vel eam diserte sacramentum nuncupant (S. August., S. Leo M., S. Greg. M.); hæc habet *Augustinus* (Cont. ep. Parmen. II, 13, n. 28): "Nulla ostenditur causa, cur ille, qui ipsum Baptismum amittere non potest, jus dandi potest amittere. *Utrumque enim sacramentum est*, et quadam consecratione utrumque homini datur; illud cum baptizatur, istud cum ordinatur; ideoque in Ecclesia catholica utrumque non licet iterari¹".

c) *Conf. arg. consensione sectarum orientalium* jamdum ab Ecclesia latina divulsarum, quæ omnes inter septem N. L. sacramenta rituū ordinationis recenserent.

3^o *Rationes convenientiae* peti possunt ex duplice capite:
 a) Primo ex communī *œconomiae divinae* lege: — oportuit enim ministros divinitus institutos ad dispensanda hominibus sacramenta conformari Christo per quamdam ab eo acceptam spiritualem potestatem tamdiu perpetuandam quamdiu Ecclesia perduraret. Atqui congruebat ut hæc potestatis spiritualis transmissio modo sacramentali fieret: ergo. *Maj. decl.*: quia Christus, sacramentorum auctor, corporalem sui presentiam erat Ecclesie subtracturus, necesse fuit ut alios iusticeret sibi ministros, qui sacramenta illa fidelibus dispensarent. Ministros autem Christi oportet esse ei conformes. Cum igitur Christus sit homo-Deus, consequens fuit ut ejus ministri simul essent homines et aliquid ejus divinitatis secundum spiritualem quamdam potestatem participarent; quæ potestas, pro Ecclesie necessitate, usque ad s̄eculorum finem a Christo in ministros est derivanda. *Min. evincitur ex eo quod, secundum œconomiam presentem, spirituales effectus*

1.—Pleraque Patrum sententias require penes Bellarminum, Knoll, de Augustinis, etc.

a Christo in nos derivati sub quibusdam sensibilibus signis expleri solent: ergo et spiritualis potestas, de qua loquimur. Atqui quandocumque aliquid spirituale sub signo corporali traditur, hoc dicitur sacramentum: ergo. (C. G. IV, 74)

b) Secundo ex *analogia cum pluribus sacramentis*; ita Hurter (th. 249): "Si enim ritus, quo homines *aggregantur* Ecclesiae et *fili i* flunt Dei, sacramentum est, sacramentum erit ritus ille, quo Ecclesiae *præficiuntur* et constituantur *patres filiorum* Dei.— Si ritus ille, quo Christi subditi promoventur in ejusdem *milites*, gratia est efficax, quanto magis ille, quo seliguntur in militum *duces*, Christi ministros et fidei doctores.— Si status *matrimonialis* propter annexas difficultates et onera, diuturnitatem, momentum, gratiam sanc-tificatur et fovetur, a fortiori status *clericalis*, in primis *sacerdotalis*, qui excellentior, altior, difficilior est, quo quis totum se Deo devovet.— Cum denique Ecclesiae ministri, sacerdotes in primis, ministri quoque sint *Eucharistice*, quæ omnium mysteriorum est apex, decet divinam providentiam eos condigne ad tam celsum munus gratiam præparare."

Solv. obj.— Obj. 1.— Per ordinem aliquis superior alio constituitur. Atqui in Ecclesia quilibet se debet aliis inferiorem reputare, juxta illud (Pnil. II, 3): *Superiores sibi invicem arbitrantes*. Ergo.

RESP. D. M.:...superior officio, C; superior merito, N.— C.d.m.— Neg. conseq.

Obj. 2.— Sicut prælatio spiritualis datur cum quadam consecratione, ita et prælatio secularis, saltem in regum unctione. Atqui regalis inunctio non est sacramentum. Ergo.

RESP. D. M.:...per respectum *ad eundem finem*, N; ita ut per solam collationem spirituatis potestatis aliqui depudent ad dispensanda sacramenta divina, C.— C.m.— Neg. conseq.

Obj. 3.— Doctrina catholica de sacramento Ordinis fundatur in ritu *impositionis manuum* quem refert præsertim S. Paulus. Atqui illa manuum impositione erat ceremonia communis, quam ipse aliisque apostoli adhibebant, dum curabant infirmos (Marc. XVI, 18) aut pro aliquo orabant. Ergo.

RESP. C. M.— D.m.:...erat eadem ceremonia materialiter, Trans; formaliter, N.— Neg. conseq.

Quidquid sit de modo quo impositio manuum, pro diversis

circumstantiis, fieri consueverat, alia *formaliter* fuit impositionis usitata in curando vel orando, alia quæ adhibebatur ad ordinandum; hæc enim, non illa, secundumferebat productionem gratiæ sanctificantis.—Quod discrimen ulterius confirmant ea quæ leguntur (1 Tim. V, 22): *Manus cito nemini impo-sueris, neque communicaveris peccatis alienis;* ex quibus patet prohibitionem fieri circa impositionem manuum quæ indigno detur quæque idcirco specialem ritum consecrativum importat.

ARTICULUS II.

Utrum plures, nempe septem ordines, debant distingui.

(Q. XXXVII, a. 1-4)

1º Sub hoc articulo res erit de ordine sensu *passivo*, seu secundum sacræ potestatis gradum, accepto.—Alia autem est potestas et hierarchia *ordinis*, alia potestas et hierarchia *jurisdictionis*, prout spectetur vel sacramentorum dispensatio vel spirituale fidelium regimen. Hæc quidem postrema, primam communiter præsupponens, variis constat dignitatibus juridicis a Papatu et Cardinalatu deinceps: nos autem, ut patet, in præsentiarum agimus de potestate et hierarchia *ordinis*.

2º Ordinum pluralitas considerari potest vel *generaliter* et in confuso, vel *specialiter* et secundum diversorum graduum numerum; unde duas conclusiones.

Conclusio 1^a.—CONGRUEBAT UT PLURES ORDINES IN ECCLESIA CONSTITUERENTUR. — Assertio nititur *Conc. Trid.* (Sess. XXIII, can. 2): “Si quis dixerit, præter sacerdotium non esse in Ecclesia cath. alios ordines et majores et minores, per quos, velut per gradus quosdam, in sacerdotium tendatur; A. S.”

1º Ex *Scriptura* dupliciter arguere possumus:—*a)* etenim ministerium Novi Testamenti ministerium Veteris dignitate antecedit, ut patet 2 Cor. III, 6. Atqui ministerium V. T. conflabatur non solum ex sacerdotibus, sed etiam ex levitis in altaris servitium vocatis. Ergo multo magis in N. T. pro sacerdotum et ministrorum diversitate plures admitti debent

ordines.—*b*) Præterea, Ecclesia se habet quasi corpus Christi mysticum, corpori naturali assimilatum, ut docet Ap. (Rom. XII; 1 Cor. XII; etc). Atqui in corpore naturali diversa sunt membrorum officia hierarchico ordine distributa. Ergo et in Ecclesia ordinum ac officiorum hierarchia ponenda est.

2º Rationes convenientiae tres assignat S. Thomas (art. 1): “ Ordinum multitudo, inquit, est inducta in Ecclesia propter tria: *a) primo* quidem propter Dei sapientiam commendandam, quæ in distinctione rerum ordinata maxime relucet tam in naturalibus quam in spiritualibus; quod significatur in hoc quod regula *Saba videns... ordines ministrantium* (Salomoni) *non habebat ultra spiritum*, 3 Reg. X, 4-5, deficiens in admiratione sapientiæ illius. *b) Secundo* ad subveniendum humanæ infirmitati; quia per unum non poterant omnia quæ ad divina mysteria pertinebant expleri sine magno gravamine; et ideo distinguuntur ordines diversi ad diversa officia; et hoc patet per hoc quod Dominus Num. XI dedit Moysi septuaginta senes in adjutorium. *c) Tertio* ut via proficiendi hominibus amplior detur, dum plures in diversis officiis distribuuntur, ut omnes sint *Dei cooperatores*: quo nihil est divinius, ut Diopys. dicit, 3 Eccl. Hier.”

Conclusio 2^a.—SEPTEM NUMERANTUR ORDINES, DISTINCTI IN SACROS ET NON SACROS.—Ubi duæ partes manifeste sunt accipiendæ.

1^a Pars ostendit:

1º Quamvis *nonnulli*, episcopatūs rationem habentes, octo ordines recenscant, septenarius tamen numerus magis concordat cum iis quæ leguntur in *Trid. Conc.* (Sess. XXIII, cap. 2), ubi dicitur: “ Non solum de *sacerdotibus*¹, sed et de *diaconis* sacræ Litteræ apertam mentionem faciunt; et

1.—Ne æquivocatio fiat, fac distinguas sacerdotium hoc *externum* et proprie dictum (de quo loquimur) a sacerdotio *interiori* et improprie sumpto. “ Quod ad interius sacerdotium attinet, inquit *Catech.* *Trid.* (de Ord. n. 45), omnes fideles, postquam salutari aqua abluti sunt, *sacerdotes* dicuntur; præcipue vero justi qui spiritum Dei habent et, divina gratia beneficio, J. C. summi sacerdotis viva membra efficiunt: hi enim fide, quæ charitate inflammatur, in altari mentis sua *spirituales* Deo *hostias immolant*; quo in genere bona omnes et honestæ actiones, quas ad Deum gloriam referunt, numerandæ sunt. Quare... Ap. nos hortatur (Rom. XIII, 1) ut exhibeamus corpora nostra hostiam viventem, sanctam, Deo placentem.”

quæ maxime in illorum ordinatione attendenda sunt, gravissimis verbis docent; et ab ipso Ecclesiæ initio sequentium Ordinum nomina atque uniuscujusque eorum propria ministeria, *subdiaconi scil., acolythi, exorcistæ, lectores et ostiarii*, in usu fuisse cognoscuntur." Quibus verbis septem ordines, nec plures nec pauciores, commemorantur.

2^o a) *Ordo sacerdotum* (qui in episcopos et presbyteros disperciuntur) satis indicatur in sacris Litteris, luculentius autem in vetustissimis Patrum monumentis traditur. Quidquid sit de nominibus², testatur Scriptura, sub *episcopis* seu Apostolis aliquisque primoribus quorum erat Ecclesiis præses Tit. I, 5 sq.; 1 Petr. V, 1-4), fuisse *presbyteros* vel seniores qui distinctum sacre potestatis gradum manuum impositione ac ordinatione legitima obtinerent. Sic Ap. (1 Tim. V), postquam Timotheo dixerat (v. 19): "Adversus presbyterum accusationem noli recipere, nisi sub duobus et tribus testibus", aliud quoad creandos presbyteros admonet (v. 22): *Manus cito nemini imposueris. Diaconi quoque veluti Apostolorum et episcoporum adjutores in sacerdum ministerium electi et ordinati commemorantur* (Act. VI; Phil. I; 1 Tim. III). Neque obstat, ait Sasse p. 277, quod ad ministrandum mensis instituti leguntur (Act. VI, 2): nam hoc quidem fuit occasio, non finis saltem adæquatus eorum institutionis, ut constat tum ex dotibus in eis requisitis (*ibid.* 3), tum ex officiis predicandi verbi et baptismi conferendi ab eis expletis (*ibid.* 9 et VIII, 5, 12). Accedit quod ipsum ministerium mensarum non mere profanum erat, sed etiam sacerdum ex tunc conexa sacrie eucharisticæ administratione.—Inter antiquiores traditionis testes referatur in primis *S. Clemens Rom.* (Ep. 1 ad Cor. c. 40): "Summo sacerdoti, inquit, sua munera tributa sunt; sacerdotibus locus proprius assignatus est; et levitis sua ministeria incumbunt; homo laicus præceptis laicis constringitur". Item, *S. Ignatius M.* (Ep. ad Philad. c. 4) Philadelphenses sic hortatur: "Studentis una eucharistia uti; una enim est caro D. N. J. C... unum altare, sicut unus episcopus cum presbyterio et diaconis, conservis meis; ut, quod suciatis, secundum Deum faciatis; " quibus verbis expresse distinguuntur tres gradus hierarchie. Scribit quoque

2—Cf. Sasse, *Instit. theol. de sacram. Eccl.*, p. 287, schol. 2.

Tertullianus (de Bapt. c. 17): "Dandi quidem (baptismi) habet jus summus sacerdos, qui est *episcopus*¹; dehinc *presbyteri* et *diaconi*, non tamen sine episcopi auctoritate propter Ecclesie honorem, quo salvo salva pax est."

b) Quoad *reliquos ordines*, "eos jam omnes commemorat *S. Cornelius R. P.* (a. 253) in ep. ad *Fabium Antioch.* Si militer *Anastasius Bibl.* refert a *Cuius Pontifice* (a. 283) decretum esse, ne quis constitueretur *episcopus*, qui non antea fuissest *ostiarius*, *lector*, *exorcista*, *sequens*, *subdiaconus*, *diaconus*, *presbyter*. Etiam *Cone.* sic dictum *Carthaginense IV* singulos hos ordines recenset et pro unoquoque ritum ordinationis describit. *S. Cyprianus* mentionem facit *hypodiaconi* (ep. 45, n. 4; ep. 47), *acolythi* (ep. 45, n. 4; ep. 49, n. 3; ep. 52, n. 1), *lectorum* (ep. 39, n. 5). Qnod si interdum alii insuper nominantur, ut *cantores*, *fossarii* seu *laborantes*, haec nomina non distinctos ordines, sed peculiaria officia designant ipsis quoque clerieis subeunda" (*Sasse, op. cit.*, p. 290).

3^o *Ratio congrua* offertur a *D. Thoma* (a. 2, 4).—Cum Eucharistia sit sacramentum principale et veluti centrum religiosi cultus, distinctio ordinum accipienda est secundum relationem ad ipsam; unumquodque enim per actum vel objectum potissimum determinatur. Jamvero potestas ordinis aut est ad consecrationem ipsius Eucharistie, aut ad aliquod ministerium ei subordinatum:—Ad *consecrandam* Eucharistiam ponitur ordo *sacerdotum*, quibus idecirco et quasi consequenter competit proxime homines ad illud sacramentum disponere prædicatione verbi et Baptismi, *Poenitentiae*, *Extremæ-Uncionis* administratione. Relatio sacerdotum ad confectionem Eucharistie per hoc significatur quod in ordinatione accipiunt paternam cum pane et calicem cum vino.—Cooperatio autem *ministrorum* spectari potest vel relate ad ipsum sacramentum, vel relate ad suscipientes. a) *Relate ad sacramentum*, triplex ministerium distinguitur: *unum* quidem sacerdoti cooperans in *ipso sacramento*, et hoc est *diaconi* ad quem præcipue spectat sacerdoti ministrare oblationes et etiam sanguinem Domini dispensare; licet

1.—Mox inquirimus qua ratione episcopatus a presbyteratu distinguatur; sed praesenti proposito sufficit probasse quod sint sacerdotes (sive episcopi sive presbyteri) in gradu hierarchico constituti.

secundario alia ei convenient. *Secundum ministerium se habet ad materiam sacramenti disponendam in vasis sacris, et hoc est subdiaconi cui competit vasa corporis et sanguinis Domini deferre et oblationem in altari ponere; unde, cum ordinatur, calicem cum patena, sed vacuum, de manu episcopi accipit. Tertium est ministerium ordinatum ad presentandum materiam sacramenti, et hoc attribuitur acolytho, quatenus urceolos cum vino et aqua preparat. Sicuti autem, per modum officii secundarii, Evangelium a Domino traditum committitur pronuntiadum diaconis, epistola vero a sanctis viris conscripta subdiaconis, ita acolythus lumen deferens doctrinam Novi Testamenti visibiliter figurat (a. 4 ad 4 et 8).* b) *Relate ad recipientes preparandos ministerium exerceri non potest " nisi circa im mundos; quia qui mundi sunt, iam sunt ad sacramenta percipienda idonei. Triplex autem est genus immundorum (preteritis fidelibus peccato inquinatis qui a sacerdote purificantur). Quidam enim sunt omnino infideles credere nolentes; et hi totaliter etiam a visione divinorum et cætu fidelium arcendi sunt; et hoc pertinet ad ostiarios¹. Quidam autem sunt volentes credere, sed nondum instructi, scil. catechumi ni; et ad horum instructionem ordinatur ordo lectorum; et ideo prima rudimenta doctrine fidei, scil. vetus Testamentum, eis legendum committitur. Quidam vero sunt fideles instructi, sed impedimentum habentes ex demonis potestate, scil. energumeni; et ad hoc ministerium est ordo exorcistarum" (a. 2).*

2^a Pars de distinctione in ordines sacros seu majores et non sacros seu minores expresse traditur a Conc. Trid. (Sess. XXII, cap. 2 et can. 2), et ita ab Auctore explicatur (art. 3): " Ordo sacer dicitur duplicitur: uno modo secundum se, et sic quilibet ordo est sacer, cum sit sacramentum quoddam (uti mox ostendetur); alio modo ratione materiae

1.—Notat de ostiario S. Thomas (a. 4 ad 9), "quod suscepit potestem ut ex officio hoo agere possit; quamvis etiam ab aliis fieri possit, sed non ex officio. Et ita est in omnibus actibus minorum ordinum, quod possint per alios fieri, quamvis illi ad hoo non habeant aliquod officium: sicut etiam in domo non consecrata potest diei missa, quamvis consecratio ecclesie ad hoc ordinetur ut in ea missa dicantur."

se
sis
et
re;
im,
na-
tri-
rœ-
an-
dia-
, ita
ibi-
pre-
in-
enta
orum
arifi-
entes;
lium
atom
schu-
um;
men-
deles
state,
esta-

res et
Trid.
entur
cun-
ntum
terio

potes-
is flori
norum
eo non
sacerata
stur ut

circa quam habet aliquem actum, et sic ordo sacer dicitur qui habet aliquem actum circa rem aliquam consecratam. Et sic sunt tres tantum ordines sacri, scil. *sacerdotium* et *diacocnatus*, qui habent actum circa corpus Christi et sanguinem consecratum, et *subdiaconatus* qui habet actum circa *vasa* consecrata; et ideo eis etiam continentia indicitur, ut sancti et mundi sint qui sancta tractant."

ARTICULUS III.

Utrum singuli ordines participant rationem sacramenti;—de episcopatu.

(Q. XXXV, a. 2; Q. XL)

1º *Praenotetur* quæstionem non esse de *tonsurâ*; haec siquidem diei nequit ordo, sed est cæmeronia ecclesiastica qua quis per tonsionem capillorum sub specie corona in statum clericalem cooptatur:—a) Non est, inquam, ordo, sed cæmeronia quedam ecclesiastica; id enim aperte infertur ex *Trid.* verbis (Sess. XXII, cap. 2), ubi dicitur diversos ministrorum ordines ita fuisse distributos, "ut qui jam clericali tonsura insigniti essent, per minores ad maiores ascenderent." *Ratio* est, quia per tonsuram non confertur spiritualis potestas in statu clericali exercenda, sed ad hunc *statum* homo evexit et collegio clericorum adserbitur. Hinc *Catech.* *Trid.* (de Ord. n. 27) tonsuram vocat "præparationem ad ordines."—b) Duplex autem illi cæmeronia inest significatio: una ratione *figuræ*, quatenus corona signum est regie dignitatis quem adipiscuntur illi qui divinis ministeriis se vovent; altera ratione *subtractionis capillorum*, qua temporalium abjectio exprimitur (Q. XL, a. 1).

2º Similiter quæstio non movetur de *Pupatu*, quippe qui, in iis que spectant ad potestatem ordinis, minime ab episcopatu discrepat; ait *S. Th.* (*ibid.* a. 6 ad 3): "Omnem actum hierarchicum, quem potest facere papa in ministracione sacramentorum, potest facere episcopus; non autem omnem actum quem potest facere episcopus, potest facere sacerdos in sacra-

mentorum collatione".—Unde controversia circa episcopatum orta est, quam mox referimus.

3º Dum omnes presbyteralem ordinationem pro sacramento habent, a) veteres nonnulli idem de diaconatu praedicandum negarunt, sed contra communissimam nunc sententiam.—b) Quod ad subdiaconatum et *ordines minores* attinet, inter doctores valde disputatur: alii enim, ut *Tournely, Drouyn, Perrone, Hurter*, etc, nolunt in eis sacramenti rationem agnoscere; plerique tamen antiqui scholastici, quibus consentiunt *Bellarminus, Sylvius, Billuart, de Augustinis*, partem affirmativam tuentur.—c) Denique *episcopatui* propriam sacramenti rationem competere, plurimum praesertim modernorum sententia est; contra vero, scholastici sat multi multique thomistae, de quibus *Billuart*, illud insificant vel minus probabile pronuntiant.

Rem omnem duabus in conclusionibus perpendamus.

Conclusio 1^a.—NON SOLUM PRESBYTERATUS, SED ET DIACONATUS CERTO SACRAMENTUM DICI DEBET; IMO PRORABILIUS ETIAM SUBDIACONATUI ET MINORIBUS ORDINIBUS CONVENIT RATIO SACRAMENTI.

1^a *Pars de presbyteratu*, etsi nullo expresso decreto sancta, hesitationem hand facit.—Nam 1^o nullus unquam iologus persuasionem illam in dubium vocavit.—2^o *Tric. Trid.* (Sess. XXII) definitiv Ordinem verum esse sacramentum (can. 3), Ordinis autem sacerdotem, ad quem per inferiores ordines ascenditur, esse sacerdotium (can. 2). Atqui presbyter est sacerdos proprio dictus, hec piscope quadam tenus inferior; quandoquidem ordinatione accipit et Ecclesie mandato exercet potestatem consecrandi corpus Domini et facultatem remittendi peccata: que duo munera sunt potissima ac veluti specificativa sacerdotii et Ordinis¹. Ergo.—

1—Ad rem *S. Thomas* (C. G. IV, 74): "Quia potestas Ordinis ad dispensationem sacramentorum ordinatur, inter sacramenta autem nobilissimum et consummatum aliorum est *Eucharistia* sacramentum, oportet quod potestas Ordinis consideretur *praeterea secundum comparationem ad hoc sacramentum*; nam unumquodque denominatur a fine. Ejusdem autem virtutis esse videtur aliquam perfectionem tribuere, et ad susceptionem illius materialium preparare; sic ut ignis virtutem habet ut formam suam transfundat in alterum, et ut numerum disponat ad formae susceptionem. Quum igitur

3º
ge
co

ex
(A
tion
gra
Sp
gra
(Se
tion
dice
nitr
invi
ipse
enim
pis,
tam
gend

2º
men
veter
qui c
dunt
*Ana
ment*
(Ep.
nens,
non e

potest
Christ
ad hoc
sacram
ad hu
immun
sacram
per di
peccat

1—A

3º Cæterum quæ supra (art. 1) de sacramento Ordinis in genere vario ex capite disputavimus, presbyteratu apprime congruunt eique sunt applicanda.

2º *Pars de diaconatu* certa affirmanda est.

1º Etenim diaconorum ordinatio omnes sacramenti notas exhibet :—*a)* Est *signum sensibile*, quoniam facta legitur (Act. VI) per impositionem manuum apostolorum cum oratione, quod modo etiam observatur.—*b)* Est *signum efficax gratiæ*; nam episcopus in ordinando diaconum dicit : *Accipe Sp. Sanctum ad robur* etc. Atque his verbis annexam esse gratiæ collationem, manifeste demonstrat *Trid.* decretum (Sess. XXIII, can. 4) : “Si quis dixerit, per sacram ordinationem non dari Sp. Sanctum, ac proinde frustra episcopos dicere : Accipe Sp. Sanctum...A. S.”—*c)* Est *signum divinitus ac permanenter institutum*; siquidem diaconatus inviolata Ecclesie praxi viguit vel ab Apostolorum tempore, ipseque Dominus illum eis perpetuandum commisit : docet enim *Trid.* (*ibid.* can. 6) hierarchiam, prout constat episcopis, presbyteris et ministris, “divina ordinatione institutam”, ministrorum vero nomine ad minus diaconi intelligendi sunt.

2º Ex traditione cum implicitum tum explicitum argumentum deponitur¹.—*a)* *Implicitè* quidem nobis favent ii veteres (Joan. Chrys., Theodor., patres Conc. Chalce lon., etc), qui cum ordinatione diaconorum conjunctam esse gratiam tradunt. *Explicitè* vero suffragantur *S. Hieronymus*, *S. Leo M.*, *Anastasius II R. P.*, qui diserte ordinationem illam *sacramenti* vocabulo nuncupant. — *b)* Quod si *S. Cyprianus* (Ep. 65 ad Rogatianum, n. 3), diaconos ab Apostolis secer nens, priores negat fuisse a Domino ipso constitutos, sensu non est diaconatum ecclesiastici tantum esse juris, sed Chri

potestas Ordinis ad hoc se extendat ut sacramentum corporis Christi conficiat et fidelibus tradat, oportet quod eadem potestas ad hoc se extendat quod fideles aptos reddat et congruos ad hanc sacramenti perceptionem. Redditur autem aptus et congruus filius ad hujus sacramenti perceptionem per hoc quod est a peccato immunis; non enim potest aliter Christo spiritualiter uniri, cui sacramentaliter conjugitur, hoc sacramentum percipiendo. Oportet igitur quod potestas Ordinis se extendat *ad remissionem peccatorum* per dispensationem illorum sacramentorum que ordinantur ad peccati remissionem: enjusmodi sunt Baptismus et Pœnitentia.²

1—Ap. de Augustinis, *de Ordine*, th. 5.

tum, instituto illo ordine, non tamen per se ipsum diaconos consecrassae.

3º Ratio duplex in confirmationem adduci potest:—
1º ratio petitur *ex officio* diaconorum. Eorum enim est non solum sacerdoti sacra peragenti proxime inservire, sed et accepta speciali facultate, *praedicare*, *baptismum conferre*, *Eucharistiam distribuere*. *Hæc autem munera*, ut rite exerceantur, *gratiam sacramentalem exposcent*.—*2º ratio* sumitur *ex charactere indelebili*. Ritus enim religiosus, qui characterem imprimit, sacramentum reputatur. Jamvero Ecclesiæ persuasum semper fuit potestatem sacram diaconi semel susceptam amitti non posse, quod ex charactere per ordinationem impresso nec unquam delendo oriri judicatur. Ergo.

3º Pars de subdiaconatu et ordinibus minoribus sententiam saltem probabiliorem promit.

1º Etenim hæc sententia magis consentanea est declarationibus Conciliorum.—*a) Conc. Flor.* (Deer. pio. Arm.), cum dixisset “ sextum sacramentum est Ordinis”, ea que ad hujus sacramenti integratatem et effectum pertinent describens, promiscue recenset tum majores tum minores ordines; ex quo legitime inseruntur ordines illos quoscumque sub genere sacramenti Ordinis consistere.—*b) Item, Conc. Trid.* (Sess. XXIII, can. 2) definit prius sacerdotium dari in Ecclesia alios ordines et majores et minores; deinde (can. 3) absqueulla restrictione statuit sacram ordinationem verum esse sacramentum; denique (can. 6) declarat esse in Ecclesia hierarchiam divina ordinatione institutam et constantem episcopis, presbyteris et *ministris*; cuius vocis amplitudine clandi videntur omnes reliqui ordines, quos S. Synodus (cap. 2) distincte enumeraverat.

2º Si traditionem consulamus, hæc colligimus:—*a) Persuasio apud veteres* fuit quod omnium, etiam minorum, ordinum collatio *gratiam* et *Sp. Sanctum* producat (Conc. Chalced., S. Petr. Damian., S. Antonin. etc¹); ritus autem productivus gratiae sacramentum est.—*b) Ex historia vetuum Conc. Trid.*² habemus, fere omnes theologos ad perpendendas questiones de sacramento Ordinis nominatos et congregatos sententiam nostram tenuisse, in quo nonnullos ex professo eam

1—Apud de Augustinis, th. 6.
 2—Ibid.

defendisse.—*c)* Jam hoc ipsum, ut de cæteris scholasticis taceamus, expresse docuerant *S. Bonaventura* (*Brevil.* et alibi) et *S. Thomas* (*Suppl. Q. XXXVII, a. 2*); nec a tantorum virorum doctrina levi de causa discedendum est.

3º Acedit *rationis* suffragium.—*a)* Quemadmodum enim ratio vitæ per totum corpus vivum distribuitur et in singulis membris proportione quadam participatur, ita conveniens est rerumque *analogiae* ac *harmoniae* congruum ut ratio sacramenti cuncta ministeria, ex quibus Ordo completur, attingat et proportionaliter seu pro cuiusque gradus dignitate perficiat.—*b)* Eo magis, quia omnes levitæ, ad spiritualia officia initiati, *gratia sacramentali* quadamtenus indigent. Nec enim officia illa velut exigna spernenda sunt; nam (ut bene advertit *Billot*, th. 29) in cultu divino, secundum rectam estimationem, nihil parvum, nihil humile, nihil vulgare reputatur.—*c)* Praeterer, ut docet *Bellarminus* (de Ord. I. I, c. 7-8), subdiaconatus et minores ordines non possunt iterari; igitur imprimunt characterem; igitur sacramenta sunt. Ad rem *S. Thomas*, de charactere quantum ad omnes ordines disserens (*Suppl. Q. XXXV, a. 2*): “Cum character sit signum distinctivum ab aliis, oportet quod in omnibus character imprimatur: cuius etiam signum est quod perpetuo manent, et numquam iterantur. Et hæc est opinio communior.”

Conclusio 2º.—**QUAMVIS EPISCOPI JURE DIVINO PRÆSENT PRESBYTERIS SECUNDUM ORDINIS ET JURISDICTIONIS POTESTATEM, PROBABILO TAMEN VIDETUR QUOD EPISCOPATUS NEC SPECIALEM ORDINEM STRICTE SUMPTUM, NEC PARTIALE SACRAMENTUM, IMPORTET.**

1º Pars innititur his verbis *Conc. Trid.* (Sess. XXIII, can. 7): “Si quis dixerit episcopos non esse presbyteris superiores, vel non habere potestatem confirmandi et ordinandi, vel eam, quam habent, illis esse cum presbyteris communem... A. S.”—Hæc, contra *presbyterianos* aliquosque hæreticos¹ sancita, intelligi debent non de jure tantum ecclesiastico, sed etiam *de jure divino*, præsertim quia (can. 6) hierarchia ex episcopis, presbyteris et diaconis constans exhibetur veluti divina ordinatione instituta.

Dico *1º* episcopos presbyteris secundum jus divinum præstare *potestate ordinis*, quatenus nempe, præter ea que utris-

1—Aërius, saec. IV, *presbyteros episcopis* sequavit.

que communia sunt quæque principalem sacerdotii actum, scil. consecrare corpus Christi, involvunt, episcopis convenit fideles confirmare, chrisma confidere, sacerdotes aliosque ministros ordinare.—Sane, quod postrema ista munera semper episcopis veluti propria attributa sint, *universa traditio* in ipsis *Scripturis* fundata testatur.¹ Jamvero potestas confirmandi et ordinandi, utpote sacramentalis, non humani duntaxat, sed divini juris est: ergo.

Dico 2º episcopos secundum jus divinum presbyteros antecellere *potestate jurisdictionis* tun interni tun externi fori, in quantum scil. Christus ipse constituit saltem in communi superioritatem jurisdictionis episcopalium.—*a)* Quoad *forum internum* sic arguit *S. Thomas* (Q. XL, a. 4): potestas qua non valet exire in actum nisi presuppositis quibusdam præscriptis, dependet ab ea potestate cuius est illa præscripta decernere. Atqui sacerdos non potest absolvere et ligare nisi presupposita prælationis jurisdictione qua sibi subdantur illi quos absolvit. Ergo potestas presbyteralis, sub eo saltem respectu, episcopalior est.—*b)* Quoad *forum externum*, cum ea res in tract. *de Ecclesia* disputari soleat, unum Auctoris argumentum (*l. cit.*) adducere sat erit: “Divina ministeria debent esse magis ordinata quam humana. Sed humorum officiorum ordo exigit ut in quolibet officio præponatur unus, qui sit princeps illius officii, sicut preponitur militibus dux. Ergo et sacerdotibus debet aliquis præponi qui sit sacerdotium princeps; et hic est episcopus.”

3º Duæ præsertim difficultates contra præminentiam, quam gradui episcopalii ex jure divino vindicamus, objiciuntur.

1º difficultas petitur ex eo quod, aiunt, nomina *episcopus* et *presbyter* in Sacris Litteris promiscue adhibentur.—Missa disceptatione exegetica quam eruditæ hæc de re instituunt, respondemus cum *S. Chrysostomo* (in Phil. Hom. I, n. 1) quod si *nomina* hujusmodi initio fuerunt communia, non tamen *officia*; quod contextus declarat. “Procedente vero tempore, proprium cuique distributum est nomen episcopi et presbyteri” (*l. cit.*).

2º difficultas continetur verbis *S. Hieronymi* (Comm. in Tit. I, 5): “Idem est presbyter qui et episcopus, et antequam

1—Cf. que de ministro Confirmationis et Ordinis disputantur.

diaboli instinctu studia in religione fierent...communi presbyterorum consilio ecclesiæ gubernabantur...Episcopi noverint se magis consuetudine quam dispositionis dominicæ veritate presbyteris esse majores, et in commune debere Ecclesiam regere, imitantes Moysen, qui cum haberet in potestate solum praesesse populo Israel, septuaginta elegit, cum quibus populum judicaret".—Porro, in primis, si de potestate *ordinis* sermo fiat, plane constat S. Hieronymum agnovisse in epis copis aliquid quo carerent presbyteri; ait enim (Ep. 146 ad Evangel. n. 1): "Quid facit, excepta *ordinatione*, episcopus quod presbyter non faciat"? Et (Dial. adv. Lucif. n. 9) docet baptizatum nonnisi "per manus episcopi accipere Sp. Sanctum" seu confirmari.—Quod vero ad potestatem *jurisdictionis* attinet, sequentia de verbis supra objectis observanda ducimus: *a) primo* attendi debet *scopus* Hieronymi agentis contra episcopos qui se supra presbyteros nimis efferebant quosque non sine sententiarum excessu coercuit, *b) Secundo*, ratione habita distinctionis inter auctoritatem et auctoritatis usum, satis liquet S. Doctorem, nedum juris episcopalium superioritatem secundum se negaverit, ipsam potius affirmare: siquidem episcopis imitandum proponit Moysen, de quo dicit quod solus *jure* processet populo. *c) Tertio* vero, quemadmodum Moyses ita primatu potestatis usus est ut electos viros in consortium regiminis vocaret, sic optat S. Pater ut episcopi in dirigendis populis presbyterorum consilia adhibeant.

2^a Pars conel. negat episcopatum per se, et prouti a presbyteratu distinguitur, constituere *specialem ordinem* stricte sumptum et cieteris ordinibus connumerandum (quamvis lato sensu ordo nuncupari possit). Id saltem probabilius esse, tria presertim evincunt:

1^o Conc. Trid. (Sess. XXIII, cap. 2), recensendo ordines, septem tantum, omisso episcopatu, numerat atque nominat; et (can. 2) sacerdotium exhibit veluti supremum ordinem ad quem per alios ordines tenditur. Atqui, admissio quod episcopatus esset ordo stricte sumptus, non septem, sed octo numerandi forent ordines; nec sacerdotium, sed episcopatus supremus inter illos existeret. Ergo.

2^o Hæc est ordinum mutua habitudo ut unus non dependeat a precedenti quantum ad suum esse; v. g. subdiaconus,

prætermisso diaconatu, valide consecratur sacerdos. Atqui episcopalis potestas dependet a presbyterali, nec in episcopum promoveri potest qui prius non fuerit sacerdos; est enim episcopatus, non aliquid per se stans, sed *sacerdotii complementum* et plenitudo. Ergo.

3^o Rationem præcipuam assignat *S. Thomas* (Q. XL, a. 5) et exponit *Ferrariensis* (in C. G. IV, 76): nimirum ordo stricte sumptus specialiter et immediate ordinatur *ad sacramentum Eucharistiae* secundum quod *actu* perficitur, aut scil. ad sacramentum illud actualiter conficiendum, ut ordo sacerdotii, aut ad actuale ministerium circa consecrationem eucharisticam, ut inferiores ordines. Atqui gradus episcopalis non immediate et directe ordinatur ad corpus Christi verum, secundum quod *actu* consecratur, sed ad corpus Christi mysticum, scil. ad fideles confirmandos, ordinandos, regendos, etc. Ergo.

3^a Pars, videl. quod episcopatus non sit per se *sacramentum* vel *partiale*, sequitur quasi partis præcedentis corollarium:—Sacramentum enim Ordinis prædicari nequit nisi de eo ritu qui stricte et proprie ordo nominetur et characterem, pro singulis ordinibus proprium, imprimat. Ad rem *S. Thomas* (a. cit. ad 2): “Ordo, prout est sacramentum imprimens characterem, ordinatur specialiter ad sacramentum Eucharistiae in quo ipse Christus continetur, quia per characterem ipsi Christo configuramur. Et ideo licet detur aliqua potestas spiritualis episcopo in sui promotione respectu aliquorum saecamentorum, non tamen illa potestas habet rationem characteris. Et propter hoc episcopatus non est ordo, secundum quod ordo est sacramentum quoddam.”—Dicendum igitur manet per ritum, quo episcopus consecratur, non conferri novum characterem, sed characterem sacerdotalem jam præexistentem modalitate quadam *ampliari* et determinari ad ulteriora ministeria¹. Item “potest dici, quod con-

1—Eo spectant verba Leonis XIII (Litt. Apostolicae curæ): “Nihil hue attinet explorare, utrum episcopatus complementum sit sacerdotii, an ordo ab illo distinctus, aut collatus, ut alunt, *per saltum*, scil. homini non sacerdoti, utrum effectum habeat neene. At ipso procul dubio, ex institutione Christi, ad sacramentum Ordinis verissime pertinet, atque est præcellentis gradu sacerdotium; quod nimirum et voce ss. patrum et rituali nostra consuetudine *summum sacerdotium, sacri ministerii summa nuncupatur*.”

feratur *gratia* in collatione potestatis episcopalnis, non tamen tanquam per causam instrumentaliter agentem, ex virtute ei inexistenti, quod est de ratione sacramenti, sed sicut ex dispositione et causa *sine qua non*" (*Ferrariensis*, l. cit.).

Solv. obj.—OBJ. 1 (cont. 1^{am} concl.)—Unitas et plurilitas sece excludunt. Atqui unum est sacramentum Ordinis. Ergo.

RESP. C. M.—D.m: unum est *totaliter* et plenarie, *C*; nec plura *partialia* sacramenta veluti participationes sacramenti totalis admitti possunt, *N*.—*Neg. conseq.*

"Divisio Ordinis non est totius integralis in suas partes, neque totius universalis, sed *totius potestativi*: cuius haec est natura, quod totum secundum completam rationem est in uno, in aliis autem est aliqua participatio ipsius. Et ita est hic: tota enim *plenitudo* sacramenti hujus est in uno ordine, scil. sacerdotio, sed in aliis est quædam *participatio* Ordinis¹...Et ideo omnes ordines sunt *unum* sacramentum" (Q. XXXVII, a. 1 ad 2), nempe *simpliciter* et absolute.


OBJ. 2 (cont. 3^{am} p. 1^o concl.)—Sacramenta institutione oriuntur divina. Atqui non legitur Christum instituisse subdiaconatum aliosque ordines inferiores. Ergo.

RESP. C. M.—D.m:... explicite, *Trans*; implicite, *N*.—*Neg. conseq.*

"In primitiva Ecclesia, propter paucitatem ministrorum, omnia inferiora ministeria diaconis committebantur²...Nihilominus erant omnes predictæ potestates, sed *implicitæ* in una diaconi potestate. Sed postea ampliatus est cultus divinus; et Ecclesia quod implicite habebat in uno ordine, explicite tradidit in diversis. Et secundum hoc dicit Magister in littera, quod Ecclesia alios ordines sibi instituit" (*ibid.* a. 2 ad 2). Igitur, etiamsi inferiores ordines non fuissent distinctim ab initio collati, eorum existentia in diaconatu, facul-

¹—Opportune notat *Ferrariensis* (in C. G. IV, 75) id non esse ita accipendum quod nomen et ratio sacramenti Ordinis haud conveniat ordinibus inferioribus, sed solum participatio ejus, verum quod tota *potestas* Ordinis reperitur in sacerdotio, pars vero tantum in reliquis ordinibus.

²—Idipsum tamen nonnisi *dubitanter* asserit S. Th. (4 S. D. VI, Q. I, a. 3, qu. 3 ad 1): "Forte, inquit, in primitiva Ecclesia nondum erant illi ordines ita distincti propter paucitatem ministrorum."









IMAGE EVALUATION TEST TARGET (MT-3)



6"



Photographic
Sciences
Corporation

23 WEST MAIN STREET
WOOSTER, N.Y. 14580
(716) 872-4503



tate tamen Ecclesiæ divinitus relicita eos separatim conferendi, sufficiens foret ad salvandum divinam originem omni sacramento necessariam.

OBJ. 3 (cont. 2^{am} concl.).—Ex his quæ habet Apostolus (1 Tim. IV; 2 Tim. I) probari solet et nos probavimus (art. 1) ordinem esse sacramentum. Atqui ibi agitur de episcopatu qui Timotheo collatus est. Ergo episcopatus est sacramentum.

RESP. C. M.—D.m :...secundum rationem *sacerdotii* communiter sumpti, *C*; secundum id tantum *complementi* quod episcopatus sacerdotio addit, *S. d*: et hoc certo constat, *N*; eo supposito, licet adhuc iis ex locis inferre Ordinem esse sacramentum, quatenus fieri nequit ordinem compleri per episcopatum in ratione sacramenti quin ipse sit sacramentum, *C*.—Ney. *conseq.*

erendi,
sacra-
ostolus
(art. 1)
scopatu
sacra-

ii com-
ti quod
tat, N;
m esse
eri per
cramen-

QUÆSTIO SECUNDA

DE PARTIBUS ESSENTIALIBUS SACRAMENTI ORDINIS

Partes essentiales cuiusque sacramenti sunt *materia* et *forma*: de his ergo, quantum ad Ordinem pertinet, duobus in articulis disserere propositum est.

ARTICULUS I.

De materia sacramenti Ordinis.

Alia est questio quoad subdiaconatum et ordines inferiores, alia quoad diaconatum et presbyteratum.

1º a) Quoad *subdiaconatum et ordines inferiores*, notandum in primis est eos spectari posse vel secundum quod in diaconatu continentur, vel secundum quod seorsim conferuntur.—Sub primo respectu, eamdem, ut patet, materiam habent ac ipse diaconatus, nec ista materia differt pro occidental i et orientali Ecclesia.—Sub altero respectu seu seorsim sumpti, non omnes illi ordines ubique et semper in Oriente obtinuerunt, et (teste *Sasse*, p. 290) ex longo iam tempore Græci aliquae Orientales, exceptis Armenis, ordines acolythorum, exorcistarum, ostiariorum non habent.

b) Unanimis quidem theologorum sententia est, apud *Latinos* materiam ordinum diaconatu inferiorum esse instrumentorum porrectionem¹; in *Ecclesia autem orientali*, alii censent materiam quoque esse instrumentorum traditionem (ita de *Augustinis*), alii eam reponunt essentialiter in manuum impositione (ita *Gasparri*).

1—De his particulatim disserit *Gasparri* in opere *de Sacra Ordinatione*, Vol. II, cap. V, sect. 2.

c) Hæc tamen diversitas non officit iis quæ (*de Sacram. in genere*, Q. I, a. 3) constituimus circa specificam materiæ et formæ sacramentalis determinationem Christo attribuendam :—Responderi enim potest cum *S. Bonarentura* (4 D. 24, p. 2, a. 1, q. 4) quod, licet manuum impositio (pro materiâ sacramenti ordinis communiter admittenda) non reperiatur in omnibus ordinibus, “reperitur tamen aliquid simile, scil. collatio alicujus instrumenti, in quo est *protensio manū*, et fit *signatio collationis potestatis*”.—Præterea, cum ordines inferiores, in diaconatu impliciti, se pro temporum et locorum opportunitate explicaverint, nihil vetat quominus dicamus Ecclesiam sub Deo *principaliter* dirigente ideoque *jure divino* eorum materiam determinasse, quam sine speciali Dei consilio mutare non posset.

2º Quoad *diaconatum et presbyteratum*, quibus sacramentum Ordinis maxime constat et de quibus præcipua questio movetur, plura sunt praenotanda :

a) Primum *Ecclesia orientalis*, tanquam materiam illorum ordinum, solam manuum impositionem adhibet, nec de hujus materie validitate dubitare fas est: tum quia nunquam Ecclesia latina dubium istiusmodi emisit; tum quia (ut testatur de Clemente VIII Bened. XIV, de Syn. diaœ. I, VIII, c. 10, n. 7) Rom. Pontifices ad catholicam unitatem admiserunt schismaticos cum ordinibus quibus, Græcorum ritu, insigniti fuerunt.

b) Insuper, “negari non potest (ait Sasse, p. 313) etiam in Ecclesia latina, usque ad sec. VIII et IX et ultra, sacros ordines collatos esse sola manuum impositione absque instrumentorum traditione, ut appareat ex sacramentariis vel ritualibus a Menardo, Morino, Martene collectis et ex scriptoribus sec. VIII et IX, ut Alcuino, Rhabano,” etc.

c) Rursus, questio non est, utrum liceat quidpiam de Ecclesiæ prescriptis circa materiam Ordinis omittere: omnia omni diligentissime servanda sunt: sed in quo consistat, saltem apud Latinos, materia *essentialis* diaconatus et presbyteratus.

3º De ea re tres potissimum referuntur theologorum sententiae :—1ª sententia, quam *D. Soto, de Valentia, Gonet* aliique tenent, ordinationis materiam in *sola instrumentorum correctione* collocat, provocans maxime ad decretum Eugenii IV

Sacram.
materiæ
atribuen-
ra (4 D.
o materiâ
eriatur in
scil. col-
nandis, et
in ordines
et locorum
dicamus
que jure
speciali Dei
bus sacra-
principua
am illorum
de hujus
nunquam
nia (ut tes-
ec. l. VIII,
em admise-
m ritu, insi-
3) etiam in
ltra, sacros
que instru-
s vel ritua-
scriptoribus
uidpiam de
ere: omnia
o consistat,
s et presby-
rum senten-
conet aliisque
torum por-
Eugenii IV

pro Armenis in quo haec duntaxat materia commemoratur.—
2^a sententia, cui suffragantur *Bellarminus, Sylvius, Billuart*, etc, statuit nunc in Ecclesia latina *tum manuum impositio-*
nem tum instrumentorum porrectionem ad essentiale sacramenti ritum pertinere.— 3^a sententia, a *Tournely, S. Alphonso, Knoll, de Augustinis, Gasparri*, propugnata, censet etiam nunc materiam essentiale constare *sola manuum impositione*, cui Ecclesia traditionem instrumentorum addidisse creditur ad expressiorem tantum collatae potestatis significationem.

Quid sentiendum sit, duabus conclusionibus proponemus.

Conclusio 1^a.—PRO CERTO HABENDUM EST MANUM IMPOSITIONEM ESSE, SALTEM PARTIALITER, MATERIAM ESSENTIALEM DIACONATUS ET PRESBYTERATUS.

1^o Namque *Conc. Trid.* (Sess. XIV, cap. 3) docet ministros Extremæ-Untionis esse episcopos aut sacerdotes rite ordinatos "per impositionem manuum presbyteri," scil. per impositionem manus factam ab episcopo cum presbyteris assistantibus.—Idem *Conc.* (Sess. XXIII, cap. 2) dicit: "Non solum de sacerdotibus, sed et de diaconis ss. Litteræ apertam mentionem faciunt, et quæ maxime in illorum ordinatione attendenda sunt, gravissimis verbis docent." Porro ss. Litterie, fatentibus omnibus, pro sacerdotum et diaconorum ordinatione tantum impositionem manum et orationem commemorant.—Amplius Leo XIII (Litt. apost. *Apostolicae curæ*), præmisso quod materia sacramentalis sit per formam determinanda, subdit: "Id in sacramento Ordinis manifestius apparet, ejus conferendi materia, quatenus hoc loco se dat considerandam, est manuum impositio; quæ quidem nihil definitum per se significat," etc.

2^o Ille ritus videtur esse in sacramento Ordinis essentialis quem et apostoli usurpaverunt, et Ecclesia tum occidentalis tum orientalis constanti ac universalii usu adhibuit. Atqui hujusmodi est manuum impositio: haec enim sola, ut jam diximus, in *Scripturis* commemoratur; hanc *Concilia* antiquiora indicant; hanc *Patres* diversarum vetatum tradunt¹.—Atque, etiamsi daretur (quod alibi negavimus) Christum

1.—Textus plurimos recitat de *Augustinis, de Ordine, th. 7.*

ritum constitutivum sacramentorum in specie determinandum proprio Ecclesiæ arbitrio reliquise, minime appareret eam fuisse Ecclesiæ mentem ut porrectionem instrumentorum tardius admissam in locum impositionis manuum, quasi solum ritum essentiale, substitueret.

3º Inter scholasticos favent manifestissime *S. Bonaventura* et *S. Thomas*. Ait enim Doctor Seraphicus (4 D. 24, p. 2, a. 1, q. 4) : " In ordinibus sacris, quoniam datur ibi nobilis potestas et excellens, fit manus impositio, non tantum instrumenti traditio : quoniam manus est organum organorum, in quo scil. principalius residet potestas operandi ; unde sic ordinabant in Ecclesia primitiva, ubi nonnisi isti duo ordines explicite erant ". Doctor vero Angelicus (III, Q. LXXXIV, a. 4) tanquam materiam sacramenti Ordinis impositionem manuum exhibet, propterea quod in eo " confertur quædam excellentia potestatis in divinis mysteriis " quæ per ritum illum ex ministris ordinantibus effluere intelligitur¹.

Conclusio 2a. — PROBABILIUS VIDETUR ADÆQUATAM DIACONATUS ET PRESBYTERATUS MATERIAM CONSISTERE IN SOLA MANUUM IMPOSITIONE ; QUÆ MANUS IMPOSITIO IN ORDINATIONE PRESBYTERALI FIT ANTE EUCHARISTIÆ CONSECRATIONEM.

1^a *Pars ostend :*

Et 1º argumenta, in primæ conclusionis gratiam adducta, si rite perpendantur, satis demonstrant impositionem manuum non solum pertinere ad materiæ essentiam, immo vero eam adequate constituere.

2º Ex dictis appareat ritum impositionis manuum fuisse universalem et perpetuum in Ecclesia, non vero ritum porrectionis instrumentorum quæ penes Grecos etiamnum deest ; constantia autem et universalitas signa sunt juris divini. Hoc etiam cohereret ei quod, tractando de *Sacramentis in genere*, statuendum duximus, scil. substantiam sacramentorum fuisse ab ipso Christo determinatam. Porro minus probabile videtur quod ius divinum hac in re fuerit immutatum : *a) primo* quia ius divinum de se stabile est ; *b) secundo*, quia nullum tam gravis mutationis a Deo manan-

1.—Hæc sententia S. Doctoris, quam in *Summa* profert, praefenda est illis quæ in *Supplemento* de eodem arguento leguntur.

tis vestigium apparet; atque c) tertio, si Ecclesia pro temporibus et circumstantiis jus divinum promulgare potest (quod de ordinibus diaconatu inferioribus admisimus), fas ei non est illud ex se modificare aut insufficientis declarare. Ergo parum credibile est quod poirectio instrumentorum, posterius introducta, essentiam sacramenti ingrediatur; sed magis pertinet ad effectum sacramentalem expressius significandum¹.

3º Praecipuum contrariae opinionis fundamentum substitutur decreto *Eugenii IV* (pro Arm.): "Sextum sacramentum est Ordinis, cuius materia est illud per eujus traditionem conferunt ordo; sicut presbyteratus traditur per calicis cum vino et patene cum pane porrectionem."—At a) merito respondent auctores noluisse Eugenium IV, in ista *instructione practica* quam tradebat *Armenis*, mutare *pro Latinis* essentialiem ritum conferendi Ordinis novumque condere veteri tamdiu usitato subrogandum. b) "Necesse est igitur fateri, Eugenium locutum de materia et forma *integrante* et accessoria, quam optavit ab Armenis superaddi manuum impositioni jamdiu ab illis adhibitæ, ut Ecclesiæ latinæ moribus se prorsus accommodarent, ac rituum uniformitate firmius eidem adhaerent" (*Bened. XIV*, Syn. dicec. l. VIII, c. 10, n. 8); ubi eximius auctor in nostram sententiam manifeste propendet.

2º Pars additur, eo quod dubium videri potest, *quænam* impositio manuum sit essentialiter requisita.—Etenim, juxta Pontificale romanum, in ordinatione presbyteri primum episcopus et sacerdotes presentes ordinandorum capitibus manus imponunt, nihil dicendo; postea, manus dexteræ super illos extensas tenent, orante solo episcopo; denique, sub finem missæ, episcopus ambas manus singulorum capitibus imponit dicens: "Accipe Sp. Sanctum; quorum remiseris" etc. Jamvero postremam hanc impositionem essentialem non esse, ex eo maxime deprehendimus quod nec reperitur apud Grecos neque per plura secula apud ipsos Latinos locum habuit. Præterea, rationale est quod potestas principalis in corpus

1.—In hunc sensum referri possunt verba *S. Thomasæ* (Suppl. Q. XXXIV, a. 5) dilecentis traditionem instrumentorum adhiberi "magis ad demonstrandum potestatem quam traditur quam ad potestatem causandam."

Christi verum et potestas secundaria in corpus Christi mysticum una characteris impressione constituantur; prima enim est ratio alterius. Predicta autem manuum impositio jam supponit sacerdotes ordinatos ad consecrandum corpus Christi verum (quod factum concelebrationis cum episcopo demonstrat). Ergo dicendum manet totam potestatem sacerdotalem conferri in ea manuum impositione quae fit ante consecrationem Eucharistiae, queque sub silentio incepta, eadem episcopo orante continuatur.

ARTICULUS II.

De forma saeramenti Ordinis.

Sub hoc titulo nihil fere dicendum occurrit de *subdiaconatu* et *inferioribus ordinibus*; quippe fatentur omnes illorum ordinum formam iis verbis constare quae porrectione instrumentorum concomitaatur.— Unde controversia reduenda est ad *diaconatum* et *presbyteratum*.

Conclusio. — FORMÆ DIACONATUS ET PRESBYTERATUS EÆ PROBABILITYS DICENDÆ SUNT QUAE, JUNCTÆ CUM IMPOSITIONE MANUUM, UNUM QUID MORALE CUMILLA EFFICIENT.— Id declarari magis quam probari indiget.

1^a Pars esto de forma diaconatus.

Juxta ritum latinum (is enim ad utilitatem nostram intet), in ordinatione diaconorum pontifex haec recitat: "Super hos famulos tuos, quesumus Domine, placatus intende, quos tuis sacris altaribus servituros in officium diaconatus suppli-citer dedicamus...;" mox vero singulis ordinandis manuim dexteram imponens dicit: "Accipe Sp Sanctum ad robur et ad resistendum diabolo et temptationibus ejus. In nomine Domini." Jamvero probabilius censemus his verbis, maxime quatenus per praecedentia determinantur, compleri essentiam sacramenti, quin requirantur verba posteriora traditionem libri Evangeliorum concomitantia: etenim verba predicta sufficierter exprimunt tum *subjectum* sacramenti (super hos famulos, *accipe*), tum *effectum* sacramentalem (*dedicationem*)

in ministerium altarium et gratiam *Sp. Sancti* congruam),
tum causam principaliter agentem (in nomine *Domini*). Ergo.

2. Pars subjicitur circa formam *presbyteratus*.

Qua in re, *præmittere* juverit (ex Pontif. rom.) varia orationes aut sententias quas pontifex in ordinando presbyteros pronuntiat.—*a)* In primis, dum sacerdotes una cum pontifice manum dexteram extensam supra ordinandos tenent, pontifex sic *hortatur* ad orandum : “Oremus, fratres carissimi, Deum patrem omnipotentem ut super hos famulos suos, quos ad presbyterii munus elegit, cœlestia dona multiplicet” etc.—*b)* Dein, sine manuum extensione fundit pontifex *precationem* quâ Deum sic orat : “Super hos famulos tuos benedictionem S. Spiritus et *gratiae* *sacerdotalis* *infunde* virtutem, ut, quos tuae pietatis aspectibus offerimus *consecrandos*, perpetua muneris tui largitate prosequaris. *Per Dominum nostrum*” etc.—*c)* Prosequitur pontifex orationem *præfuitionis* modo; ubi ait : “Da, quæsumus, omnipotens Pater, in hos famulos tuos *presbyterii dignitatem*” etc.—*d)* Finita præfatione, et traditis vestibus sacerdotalibus, quibus ordinandi sub certa formula induuntur, adjungitur ab episcopo oratio: “...super hos famulos tuos; quos ad *presbyterii honorem* *dedicamus*, munus tuae benedictionis infunde” etc.—*e)* Ungendo autem singulorum manus, pontifex dicit: “Consecrare et sanctificare digneris, Domine, manus istas...ut quæcumque benedixerint, benedicantur” etc.—*f)* Postea, in tradendo instrumenta, ait: “Accipe potestatem offerre sacrificium Deo missasque celebrare tam pro vivis quam pro defunctis. In nomine Domini.”—*g)* Tandem, sub filium missæ, cum pontifex ambas manus capitibus singulorum imponit, dicit: “Accipe *Sp. Sanctum*; quorum remiseris peccata, remittuntur eis” etc.

Porro *a)* priua sententia pontificis, utpote *exhortatoria* ad populum, nequit esse forma sacramenti Ordinis seu *presbyteratus*.—*b)* Secunda formula, deprecationis specie proposita, per se sufficiens videtur ad sacramentum complendum, siquidem sacramenti subjectum et effectum proprium et causam principalem distincte significat.—*c)* Attamen sunt qui existimant *tertiam* formulam, “præfatione” contentam, reapse *pro forma esse habendam*, quia, præterquam quod elementa essentialia præ se fert, antiquior est præcedente meliusque

dignitatem hic et nunc collata in exprimit: utraque vero morali-
liter cum impositione manuum jam absoluta conjungitur.—

d) Quod si casu duæ illæ orationes defectum substantialem
patiantur, etiam verba prorsus æquivalentia, quæ traditionem
vestium consequuntur, sufficientia ad sacramentum efficien-
dum videri poterunt.—*e)* Immo, id forte de verbis, “accipe
potestatem” etc, prædicare fas erit, non quatenus instrumen-
torum traditionem conitantur, sed in quantum morali vinculo
manuum impositioni associate supponantur.—*f)* Verba vero
in unctione manuum et sub finem missæ prolatæ veluti *insuf-
ficiencia* judicantur.

ero mora-
ngitur. —
antialem
ditionem
efficien-
“ accipe
strumen-
li vincul.
erba vero
uti insuf-

QUÆSTIO TERTIA

DE EFFECTIBUS HUJUS SACRAMENTI

Sacramenti Ordinis effectus duplex considerandus occurrit, nempe *character* et *gratia*; unde duplex articulus erit instituendus.

ARTICULUS I.

De charactere in sacramento Ordinis impresso.

(*Suppl. Q. XXXV, a. 2 5*)

Datam alibi (*Disp. de Sacram. in gen.*) præsupponimus notionem characteris sacramentalis communiter sumpti, nec eam repetere hic vacat.—Quod vero ad Ordinis characterem in specie pertinet, illum duplicitate inspicere congruit, tum absolute, tum relative: *absolute* quidem seu secundum se; *relative* autem seu secundum habitudinem Ordinis ad Baptismum et Confirmationem neconon secundum respectum ordinum inter se. Hinc duo ad concludendum se offerunt.

Conclusio 1^a.—NON SOLUM IN QUIBUSDAM, SED (PROBABILITYS) IN OMNIBUS ORDINIBUS CHARACTER IMPRIMITUR; QUI QUANTÆ SIT DIGNITATIS, PAUCIS DEMONSTRATUR.

1^a *Pars* nititur in primis *Conc. Trid.* (*Sess. XXIII, can. 4*): “Si quis dixerit...per eam (sacram Ordinationem) non imprimi characterem; vel eum qui sacerdos semel fuit, laicum rursus fieri posse; A. S.” Quo ex decreto colligimus *de fide esse* quod character in presbyteratu imprimitur, *certum* autem theologice quod imprimitur etiam in diaconatu, quidquid sit de reliquis ordinibus.

Dupliciter cum *D. Thoma* (*a. 1*) arguere possumus: et 1^o ab *effectu*.—Omne sacramentum in quo non imprimitur character, est iterabile, ut inductione patet; quae autem non

iterantur, characterem præ se ferunt. Atqui nec maiores nec minores ordines sunt iterabiles; quicunque enim clericus ad laicatum se transferat, si postmodum ad clericatum revertatur, non iterum ordinem, quem habuerat, suscipit: ergo.

2º Ex natura rei.—Character enim aliud non est quam spiritualis quædama potestas indelebiliter animæ impressa qua quis divino cultui mancipatur. Atqui per sacramentum Ordinis confertur spiritualis potestas maxime circa sanctissimam Eucharistiam exercenda. Ergo sacra ordinatio characterem imprimet. Atqui, ut ex dictis superius liquet, potestas circa Eucharistiam excrcenda reperitur cum plenarie in sacerdotio, tum diminute et participative in reliquis ordinibus. Ergo character per omnium ordinum collationem gignitur.

2ª Pars declaranda manet; quod ipsis *Catech.* *Trid.* verbis præstabimus. Ait enim Catechismus (de Ord., n. 2): 1º "Cum episcopi et sacerdotes tanquam Dei interpres et internuntii quidam sint, qui ejus nomine diviuam legem et vita præcepta homines edocent, et ipsius Dei personam in terris gerunt, perspicuum est eam esse illorum *functionem* qua *nulla major* exigitari possit: quare merito non solum angeli, sed *dii* etiam, quod Dei immortalis vim et numen apud nos teneant, appellantur.—2º Quamvis autem omni tempore summa dignitatem obtinuerint, tamen Novi Testamenti sacerdotes cæteris omnibus honore longe antecellunt. *Potestas* enim tum corpus et sanguinem Domini nostri conficiendi et offerendi, tum peccata remittendi, que illis collata est, *humana* nam quoque rationem atque *intelligentiam* superat; nedum ei aliquid par, et simile in terris inveniri queat.—3º Deinde vero quemadmodum Salvator noster a Patre, Apostoli autem ac discipuli in universum mundum a Christo Domino missi sunt; ita quotidie sacerdotes eadem, qua illi, potestate prædicti, *ad consummationem sanctorum, in opus ministerii, in ædificationem corporis Christi*¹, mittuntur²."

Conclusio 2ª.—CHARACTER ORDINIS PRÆSUPPONIT CHARACTEREM BAPTISMI DE NECESSITATE, CHARACTEREM VERO CONFIRMATIONIS DE CONGRUITATE; NON EST AUTEM VALIDITATI

1—Eph. IV, 12.

2—De dignitate sacerdotali cf. S. Joan. Chrys., *De sacerdotio*;—S. Alph., *Selva*, P. I, c. 1;—Card. Manning, *The eternal priesthood*; etc.

SUPERIORUM ORDINUM PRORSUS ESSENTIALE QUOD ALIQUIS MINORIS ORDINES PRIUS SUSCEPERIT.—In tres partes assertio dispergitur.

1^a *Pars certa* est, quidquid in contrarium nonnulli veteres senserint.

1^o Suppetit decretum *Innoc. III* (l. III, t. 43, c. *Veniens*) quo pontifex simpliciter reordinandum statuit presbyterum non baptizatum, citans et ipse aliam auctoritatem: "In concilio apud Compendium legitur constitutum quod, si quis in presbyterum ordinatus, deprehenderit se non esse baptizatum, baptizetur, et iterum ordinetur."

2^o *Ratio manifesta* videtur (a. 3): nihil enim potest aliquis recipere, cuius receptivam potentiam non habet. Atqui per characterem baptismalem, quo authentice in corpus vel familiam Christi adscribitur, homo receptivus a' orum sacramentorum efficitur. Ergo qui characterem baptismalem non habet, nullum aliud sacramentum valide recipere potest, nec proinde sacramentum et characterem Ordinis.—Hinc (ait *S. Thom. ibid. ad 2*) non baptizatus, "si ad sacerdotium promoveatur, non est sacerdos, nec confidere potest, nec absolvere in foro penitentiali... Et si etiam in episcopatum promoveatur, illi quos ordinat, non habent ordinem. Sed tamen p' credi potest quod quantum ad ultimos effectus sacramentorum, Summus Sacerdos suppleret defectum, et quod non permitteret hoc ita latere quod Ecclesiæ posset periculum imminere".

2^a *Pars duo importat.*

1^{um} est, quod non præreqniritur *de necessitate* character Confirmationis ante Ordinem: ratio enim necessitatis characteris baptismalis ex eo sumitur, quia isto character hominem facit susceptivum sacramenti Ordinis. Atqui capacitas recipiendi sacramentum Ordinis independens est a sacramento Confirmationis: ergo.

2^{um} est, quod character Confirmationis prærequiritur *de congruitate*: unde *Trid.* (Sess. XXIII, cap. 4, de ref.): "Prin' tonsurā non initientur, qui sacramentum Confirmationis non suscepuntur."—*u*) Sane, omnis perfectio, per quam aliquis reddatur idoneus ad executionem ordinis, ordini recipiendo congrue præsupponitur. Atqui character et gratia Confirmationis hujusmodi sunt, quatenus per ea efficitur

Christi miles, qui sic ad officium ducis disponitur: ergo.—
b) Insuper, qui ad alios confirmandos instituuntur, maxime debent esse firmi. Atqui sacerdotes sunt ministri vel ordinarii (episcopi) vel extraordinarii (presbyteri) Confirmationis: ergo.

3^a Pars asseritur a D. Thoma (a. 5) duplice arguimento.

1^o Si contingat aliquid in sacramento omitti quod essentiale sit, sacramentum iteretur necesse est. Atqui praxis est Ecclesiae, canonum statutis firmata (Innoc III, l. V, t. 29, c. *Tuae litterae*), quod non reordinetur ille qui sequentem ordinem, primo prætermisso, acceperit, sed solum confratur id quod ei decerat. Ergo præcedens ordo non est de necessitate sequentis.

2^o Potestates distinctæ et independentes, quarum una alteram virtute includit, valide conferri possunt per saltum, seu superior sine inferiori. Jamvero potestates ordinum ita se habent ut superiores sint independentes ab inferioribus." Et ideo in primitiva Ecclesia aliqui ordinabantur in presbyteros, qui prius inferiores ordines non suscepérant; et tamen poterant omnia quæ inferiores ordines possunt, quia inferior potestas comprehenditur in superiori *virtute*, sicut sensus in intellectu et ducatus in regno. Sed postea per constitutionem Ecclesiae determinatum est quod ad majores ordines se non ingerat qui prius minoribus officiis se non humiliavit" (S. Th., l. cit.)¹.

1—Questio est inter theologos utrum *episcopatus* valide conferri possit ei qui nondum sit presbyter. Negat communior et probabilior opinio, cui adhaeremus:—Sane 1^o id magis concordat cum doctrina superius adstructa, quod *episcopatus* non est neque ordo neque sacramentum, sed *complementum* ordinis sacerdotalis.—2^o Illud quoque insinuant verba Pontificalis Romani in consecrando episcopo adhibita: "Comple in sacerdote tuo ministerii tui summam."—3^o Argumenta in contrarium adducta possunt sequentibus animadversionibus diluiri: nimirum a) *primo* silentium de prævia ordinatione presbyteralium, ubi collatio episcopatus refertur, nequit per se probare ordinationem illam locum non habuisse. b) *Secundo* concedatur id quod adversarii volunt, nempe in Scriptura N. T. plurimque sermonem esse de diaconis et episcopis, omissionis illis quos presbyteros nunc nominamus. Quid prohibet dicere, sepius pro necessitatibus illius temporis sacerdotes simplices, eodemque mox episcopos, duplo ritu unius completi ceremonia fuisse constitutos? c) *Tertio* hanc explicationem confirmat antiquis codex liturgicis ad usum RR. PP. existens (de quo *Sasse*, p. 336), qui duplē illum ritum in una solemnitate exhibere videtur.

ARTICULUS II.

De gratia propria sacramenti Ordinis.

(Art. 1)

Compertum habemus, omnia sacramenta N. L. esse signa practica ideoque effectiva gratiae sive primæ sive secundæ; at, de singulis discurrendo, solet theologus inquirere quamnam gratiam *propria* ratione producant.—Id ipsum nunc de Ordine disserere instituimus; et quia de sacerdotio principalius dicemus, de reliquis ordinibus proportionaliter accipi volumus.

Conclusio.—**PER SACRAMENTUM ORDINIS CONFERTUR GRATIA, EAQUE PROPRIA, ET EXCELLENS.**

1^a *Pars definita est a Conc. Trid.* (Sess. XXIII, can. 4): “Si quis dixerit, per sacram Ordinationem non dari Sp. Sanctum; ac proinde frustra episcopos dicere: Accipo Sp. Sanctum... A. S.” Sp. Sanctus enim inhabitat in anima per gratiam habitualis.—Nec de ea re ulla esso potest difficultas, semel ac constititerit Ordini competere rationem veri sacramenti Novæ Legis.

2^a *Pars respicit gratiam Ordinis in quantum est propria ac sacramentalis.* Hic autem gratia accipitur tum *habitualis* secundum specialem virtuositatem quam induit respectu diversorum munierum ecclesiasticorum, tum *actualis* secundum varia auxilia hisce muneribus adimplendis accommodata.

Assertio sic ab *Auctore* (n. 1) prob:—“Dicendum quod Dei perfecta sunt opera (Deut. XXXII, 4). Et ideo cuiuscumque datur potentia aliqua divinitus, dantur etiam ea per quæ executio illius potentie possit congrue fieri. Et hoc etiam in naturalibus patet, quia animalibus dantur membra, quibus potentiae animae possint exire in actus suos, nisi sit defectus ex parte materie. Sicut autem gratia gratum faciens est necessaria ad hoc quod homo digne sacramenta recipiat, ita etiam ad hoc quod digne sacramenta dispenset. Et ideo sicut in Baptismo, per quem fit homo susceptivus aliorum sacramentorum, datur gratia gratum faciens; ita in sacra-

mento Ordinis, per quod homo ordinatur ad aliorum sacramentorum dispensationem."

3^a *Pars addit p̄efatam gratiam esse excellentem.*

Id rursus declarat *Auctor* (*ibid. ad 3*): "Ad idoneam exceptionem ordinum non sufficit bonitas qualisunque, sed requiritur *bonitas excellens*; ut sicut illi qui ordinem suscipiunt, super plebem constituuntur gradu ordinis, ita et superiores sint meritq; sanctitatis. Et ideo p̄eexigitur gratia quae sufficiat ad hoc quod digne connumerentur in plebe Christi; sed confertur in ipsa susceptione Ordinis amplius gratiae munus, per quod ad majora reddantur idonei."—Hic *S. Thomas* rationem tangit ob quam in Ordine gratiam p̄ecellentem dari oporteat, videlicet *dignitatem sacerdotii officiorumque ecclesiasticorum*, quibus nihil gravius, nihil sanctius, nihil sublimius, quæque idcirco proportionata divine gratiae exposcunt auxilia.—Eamdem veritatem confirmat ritus *impositionis manuum* pro sacerdotio et diaconatu adhibitæ, cui abundantiorum munerum cœlestium significatio inest; unde, in conferendo presbyteratu, presbyteri adstantes una cum episcopo manus ordinandis imponunt ac super eos extensas tenent¹, ipseque pontifex preces ac supplicationes ferventi animo fundit ac multiplicat.

1—"Quia indigent *amplissima gratia*, ideo sacerdotes manus cum episcopo imponunt eis qui in sacerdotes promoventur" (Suppl. Q. XXXVIII, a. I ad 1).

1 sacra-

doneam
que, sed
n susci-
et supe-
tia quæ
Christi;
s gratiae
- Hic S.
i præcel-
i officio-
sanctius,
e. gratiae
ritus im-
hibitæ, cui
st; unde,
una cum
s extensas
s ferventi

manus cum
(Suppl. Q.

QUÆSTIO QUARTA

DE MINISTRO SACRAMENTI ORDINIS

(Suppl. Q. XXXVIII)

Minister hujus sacramenti duplíciter spectari potest, vel absolute et secundum conditionem *normalem*, vel secundum quod sit ob hæresim aut schisma *ab Ecclesia præcisisus*: duo igitur in duobus articulis tractanda se præbent.

ARTICULUS I.

Utrum tantum episcopus sacramentum Ordinis conferat.

Duplex distingui solet Ordinis minister, ordinarius et extraordinarius.—Ministrum *ordinarium* solum esse episcopum, omnes consentiant.—Quod vero ad ministrum *extraordinarium* pertinet, *a) omnes* etiam, saltem nunc, concedunt non solum *ordines minores* sed et *subdiaconatum* ex delegatione Romani Pontificis a presbytero conferri posse. *b) Hanc* vero delegatam potestatem nonnulli ad *diaconatum* usque, imo et *presbyteratum*, extendere voluerunt; at contradicit communior theologorum et canonistarum sententia.

Conclusio 1^a.—MINISTER ORDINARIUS SACRAMENTI ORDINIS EST SOLUS EPISCOPUS CONSECRATUS; NEQUE, VEL EXTRAORDINARIE, SACERDOTIUM ET DIACONATUS PER PRESBYTERUM CONFERRI POSSE VIDENTUR.

1^a *Pars* fert solum episcopum consecratum esse ministrum *ordinarium* sacramenti Ordinis, quatenus nempe ipse solus vi sue consecrationis habet divinum quoddam jus ad ordines conferendos; unde *Trid.* (Sess. XXIII, can. 7): "Si quis dixerit episcopos non esse presbyteris superiores, vel non habere potestatem confirmandi et ordinandi; vel eam, quam habent, illis esse cum presbyteris communem; vel Ordines ab

ipsis collatos sine populi vel potestatis sacerdotalis consensu aut vocatione, irritos esse... A. S."

1º Quaecumque in *S. Scriptura* factae leguntur ordinaciones, omnes ab iis qui erant in episcopali dignitate constituti perfectae sunt (Act. VI, 6; 2 Tim. I, 6); et, eadem *Scriptura* testante, iis solis, qui erant episcopi, contulerunt apostoli auctoritatem ministros sacros instituendi (1 Tim. III et V; Tit. I).

2º Monumenta traditionis (ait *Sasse*, th. 9) hanc episcoporum prærogativam vindicant tum *positive*, cum semper episcopos exhibeant sacri ordinis ministros; tum *negative*, cum præter episcopum alterius mentionem non faciant; tum *exclusive*, cum alios diserte ab hac prærogativa excludant.—Ut alia taceamus, præclarum referatur testimonium *S. Epiphani* qui ex hoc capite præminentiam episcopi supra presbyterum demonstrat; ait ille (*Hær. 75*, n. 4): "Episcoporum ordo ad dignendos patres præcipue pertinet; hujus est enim patrum in Ecclesia propagatio. Alter (scil. presbyteratus), cum patres non possit, filios Ecclesiæ regenerationis lotione producit, non tam patres aut magistros. Quinam vero fieri potest ut is presbyterum constituat, ad quem creandum manuum imponeandarum jus nullum habeat? Aut quomodo presbyter episcopo dici potest æqualis? Verum Ärium istum nimia quedam procacitas et temulatio decepit."

3º *Ratione* sic procedimus:—Potestas episcopalis se habet ad potestatem inferiorum ordinum, sicut auctoritas principis ad magistratus subalternos. Atqui principis est in regno officia publica distribuere. Igitur "ad episcopum pertinet in omnibus divinis ministeriis alios collocare. Unde ipse solus confirmat, quia confirmati in quadam officio confitendi fidem constituuntur; et ideo ipse etiam solus virgines benedit quæ figuram gerunt Ecclesiæ Christo despontatae, cuius cura ipsi principaliter committitur; ipse etiam in ministeriis ordinum ordinandos consecrat, et vasa, quibus uti debent, eis determinat sua consecratione" (*S. Th. art. 1*).

2º *Pars* singillatim quoad sacerdotium (seu *episcopatum* ac *presbyteratum*) et *diaconatum* est declaranda.

1º *Episcopatum*, saltem de jure ecclesiastico *ordinario*, per tres episcopos esse conferendum, decreta et praxis Ecclesie certissimum faciunt.—Pariter extra dubium est, ex dispensatione pontificia valide liciteque posse episcopum ab

uno duntaxat ministro (dummodo sit episcopus) consecrari: talis enim dispensationis exempla plura ab auctoribus citantur, maxime responsio *S. Greg. M.* ad Augustinum, Anglorum episcopum.—Num vero, etiam citra pontificiam dispensationem, unus minister ad episcopum valide consecrandum sufficiat, disputatum quidem est, sed sententia affirmans longe *probabilior* videtur: *a)* tum quia in *Pontif. romano* unus tantum episcopus vocatur *consecrator*, alii vero *assistentes*; *b)* tum quia unius episcopi potestas ordinis plena est, quin ex *p̄esentia* aliorum augeatur; *c)* tum quia exempla referuntur quod Ecclesia tales episcoporum consecrationes ratas haberit¹.

2º Presbyteratum non posse, etiam extraordinarie, per presbyterum tantum conferri, communis est theologorum sententia:—*a)* Siquidem, nullum habetur sive in *Scriptura* sive in traditione vestigium talis ordinationis; nec tamen, maxime persecutionum temporibus, occasiones defuisse potestatis illius a presbyteris exercendae, si reapse potuisse Rom. *Pontifex eam presbyteris delegare*.—*b)* *Morinus* quidem aliqui pauci contrarium adstruere putarunt ex *chorepiscopis* (seu episcoporum locum tenentibus), quos fertur interdum presbyteros ordinasse. At facilis suppetit responsio, quatenus certo constat quosdam saltem ex illis chorepiscopis fuisse episcopali consecratione auctos².

3º De diaconatu non tam plane appareat quod nequeat a presbytero, dispensante Pontifice, conferri; unde clarissimi theologi in sententiam affirmantem propenderunt. Attamen quæ scribit *Gasparri* (*Tract. can. de sac. ordin. n. 798*) oppositum sudere videntur; inquit enim: “Qui affirmavit tuebantur sententiam, fere unice innitebantur bullæ *Exposcit*, qua *Innoc. VIII* concessisset abbati generali Cisterciensium pro omnibus monachis sui ordinis, et quatuor primariis ejus abbatibus pro religiosis suorum monasteriorum, potestatem conferendi subdiaconatum et diaconatum. Si id verum foret, questioni locus non esset; sed dum multi de bullæ genuitate dubitant, mihi, facta inspectione in archivio

1—Cf. *Billuart*, *Diss. IV*, art. 3; *Bened. XIV*, *de Syn. diac. l. XIII*, c. 13; *de Augustinis*, th. 8.

2—*De Augustinis*, l. cit.

Vaticano, relatum est bullam quidem ibidem reperiri, sed mentionem de diaconatu in eadem deesse. Quæ cum ita sint, probabile non est hoc privilegium unquam ab Apostolica Sede concessum iri."

Conclusio 2^a. — EX PRIVILEGIO POTEST SIMPLEX SACERDOS SEU PRESBYTER ESSE MINISTER LEGITIMUS MINORUM ORDINUM, IMO ET SUBDIACONATUS.

1^o Sane, *S. Gelasius P.* (Ep. 9 ad ep. Lucan. c. 6) de presbyteris id monet: "Nec sibi meminerint nulla ratione concedi, sine summo Pontifice, subdiaconum aut acolythum jus habere faciendi"; ex quo inferre licet, cum concessione Pontificis facultatem illam presbyteris posse competere.—Hanc autem concessionem reaperte abbatibus factam esse tum pro ordinibus minoribus tum quoque pro subdiaconatu, inter theologos convenit (de Augustiniis, Sasse, etc.).

2^o Audiatur *S. Thomas* (art. 1 ad 3): "Papa qui habet plenitudinem potestatis pontificalis, potest committere non episcopo ea quæ ad episcopalem dignitatem pertinent, dummodo illa non habeant immediatam relationem ad verum corpus Christi. Et ideo ex ejus commissione aliquis sacerdos simplex potest conferre *minores* ordines, et confirmare, non autem aliquis non sacerdos; nec iterum sacerdos *majores* ordines qui habent immediatam relationem ad corpus Christi super quod consecrandum papa non habet maiorem potestatem quam simplex sacerdos." Nomine majorum ordinum immediatius ad corpus Christi pertingentium nuncupari hic videntur duntaxat sacerdotium et diaconatus, ita ut subdiaconatus, ad mentem *S. Doctoris*, de iis sit ordinibus quos presbyter extraordinarie conferre quæat.

Solv. obj. (cont. 1^{am} concl.)—OBJ. 1.—Cuicunque committitur principale, committitur et accessorium. Atqui simplex sacerdos consecrare potest Eucharistiam, cuius respectu Ordo est quid accessoriū. Ergo.

RESP. *D. M.* :...committitur et accessoriū, qua tale est, *Trans*; quatenus principalitatem quamdam obtinet, *N.*—*C.d.m.* :...Ordo est quid accessoriū respectu Eucharistie, præcise in quantum deseruit ejus consecrationi, *C*; ratione hierarchie quam constituit, *N.*—*Neg. conseq.*

Quamvis Eucharistia sit maximum sacramentum *in se*, tamen non collocat in aliquo officio hierarchico sicuti Ordo;

et ideo specialis potestas requiritur ad ordinandum, quæ non continetur in potestate mere presbyterali:

OBJ. 2.—Plus distat episcopus a diacono quam simplex sacerdos. Atqui episcopus potest consecrare diaconum. Ergo multo magis sacerdos potest diaconum promovere.

RESP. D. M :...distantia officii, C; causalitatis, N.—D.m :... quia episcopus gaudet potestate spiritualiter generandi, C; et hæc potestas convenit etiam simplici sacerdoti, N.—Neg. conseq.

“ Ad communicandum alteri quod quis habet, non exigitur solum propinquitas, sed et completio potestatis. Et quia sacerdos non habet *completam potestatem* in hierarchicis officiis, sicut episcopus, ideo non sequitur quod possit diaconos facere, quamvis ille ordo sit sibi propinquus” (S. Th. ad 5). Vide-licet, quemadmodum puer generare non potest antequam virilem ætatem attigerit, ita nec sacerdos in spiritualibus nisi per episcopatum plenitudinem potestatis acceperit.

ARTICULUS II.

Utrum hæretici aliisque ab Ecclesia præcisi possint ordines conferre;—de ordinationibus anglicanis.

1º Ordinationes factas ab hæreticis, schismaticis aut excommunicatis *illicitas* esse, nemo est inter catholices qui non perspiciat: utrum vero ordinationes prædictæ etiam vitio invaliditatis laborent, aliquando dubitatum est. Dubio tamen nequit esse locus, semel ac constiterit episcopos ministrantes servasse ritum debitum debitamque intentionem: tum quia (uti in tract. *de Sacram. in gen.* didicimus) ministerii sacramentalis validitas de se non prohibetur per subjectivam indispositionem ministri; tum quia episcopus habet quod rate ordinare valeat ex consecratione episcopali, consecratio autem episcopalis charactere indelebili in anima perpetuatur¹.—Ex quo colligimus *schismaticos orientales*, omnibus cæteroquin consentientibus, vero gaudere sacerdotio.

1—Vid. plura ap. Billuart, Diss. III, art. 2.

2º At pluribus abhinc saeculis controversia non parva nec mediocris momenti circa *ordinationes anglicanas* orta ac subinde agitata est, num videlicet pro validis habende essent; que quæstio, cum aetate nostra et invalescentibus motu, ut aiunt, ritualistico recrudescere videretur, nuper a S. Sede in novum examen vocata est finalique judicio dirempta.—Pontificiū iudicij motivum sic tradit *Leo XIII* (Litt. *Apostolicæ curæ*): “Quod apud Anglos, aliquanto postquam ab unitatis christianæ centro abscessum est, novus plane ritus ordinibus sacris conferendis sub rege Eduardo VI fuit publice inductus; defecisse idcirco verum Ordinis sacramentum, quale Christus instituit, simulque hierarchicam successionem, jam tenuit communis sententia, quam non semel Ecclesiæ acta et constans disciplina firmarunt. Attamen recentiore memoria hisque maxime annis invaluit controversia, sacræ ordinatio[n]es, ritu eduardiano peractæ, natura sacramenti effectuque polleant; faventibus affirmate vel dubitanter non modo scriptoribus. *anglicanis* nonnullis, sed paucis etiam *catholicis* præsertim non anglis. Alteros quippe movebat præstantia sacerdotii christiani, exoptantes ut duplice ejus in corpus Christi potestate ne carerent sui; movebat alteros consilium expediendi quodammodo illis redditus ad unitatem: utrisque vero hoc persuasum esse videbatur, jam studiis in eo genere cum aetate proiectis, novisque litterarum monumentis ex obliuione eritis, retractari auctoritate nostra causam non inopportunum fore.”

3º Questionem igitur istam, preceunte Pontificie declarationis lumine, theologia ratione expendere volumus, ita ut sapientia ejusdem declarationis undequeaque pateat.

Conclusio.—ORDINATIONES ANGLICANÆ MERITO AB ECCLESIA INVALIDÆ PRORSUS FUERUNT DECLARATAE;—cujus iudicij verba sunt (Litt. *Apost. curæ*): “Auctoritate nostra, motu proprio, certa scientia, pronunciamus et declaramus ordinationes ritu anglicano actas, irritas prorsus fuisse et esse, omninoque nullas.”—Dupliciter rem demonstrare possumus, intrinsece et extrinsece.

I. Intrinsece.—Præmittimus quæstionem de validitate ordinationum anglicanarum originem ducere non ab auctore schismatis Henrico VIII, sed ab ejus successore Eduardo VI (1547) sub quo, opera præsertim episcopi Cantuariensis Cran-

mer, prisca religio transformata vetusque rituale prorsus immutatum est. Regnante quidem postea Maria Tudor (1553-58), res in pristinum statum sunt reintegratae; sed mox opus schismaticum, jam incepsum, per reginam Elisabeth consummatum est. Quæ, amotis episcopis catholicis superiviventibus, in primis elegit Doctorem Parker in metropolitanum Cantuariensem; hic autem, statim atque in officio constitutus, ordinationes peregit ex quibus veluti ex fonte hierarchicam suam successionem anglicani repetunt.—Dubium perdiu mentes tenuit, num reapse cæremonia ordinationis ad consecrandum Parker habita fuisse; verum, post Lingard, eruditi nunc consentire videntur, Parker in palatio Lambethi ordinatum esse a Barlow consecratore, assistantibus tribus aliis episcopis quorum unus consecratus fuerat sub Henrico VIII juxta vetus ordinale, alii autem duo secundum primum ordinale Eduardi VI.—His præhabitIs, sic argumentum generale construimus:

Ut validitas ordinationum anglicanarum admitti posset, tria constare deberent: *primo*, consecratorem Barlow in ordinando Parker fuisse episcopum rite consecratum (nisi forte consecrandi munus ab assistantibus episcopis suppleri potuerit); *secundo*, rituale in illa cæremonia adhibitum tale fuisse quo sacerdotium transmitti valeret; *tertio*, consecratores Barlow, Parker eorumque successores confuse saltem intentionem habuisse conferendi id quod sacerdotii proprium est. Atqui primum est dubium, reliqua antem duo plane deficiunt: ergo, *Min. decl.* per partes.

1^a pars maxime ad historiam attinet.

1^o Plerique scriptores anglicani, quibus catholici quidam (Lingard, Dalbus, Duchesne) assentient, factum consecrationis Barlow pro vero habent, tribus præsertim innixi rationibus: *primo*, quod Barlow, sedendo in Camera superiori, privilegium episcoporum consecratorum exercuerit; *secundo*, quod per longum ejus administrationis spatium nulla reclamatio defectum ordinationis arguens audita fuerit; *tertio*, quod Fox coævus ordinationem illam affirmaverit.—Verum graves non desunt dubitandi rationes: nullus enim codex factum predictæ consecrationis consignatum exhibet. Imo, in codice Lambeth, post memoratam confirmationem Barlow, vacat intervallum dimidiæ paginæ; quod suspicioni ansam

præbet. Præterea, sat verisimile est quod, fidei catholicæ desertor et characteriis sacerdotatis contemptor, Barlow repugnaverit ordinationi recipienda; æstimabat enim sola regia auctoritate laicum in episcopum evehi posse.—Neque adversantium motiva cogentia sunt: sedere enim in Camera legislativa non supponit necessario in adstante episcopo consecrationem. Silentium autem seu defectus reclamationis, de quo loquuntur, explicari potest: tum ex parte anglicanorum adversariorum qui probabilius idem ac Barlow de ordinibus sacris sentiebant; tum ex parte catholicorum, quos omissio privatæ cuiusdam ordinationis facile latere poterat. Demum, testimonium laudati Fox id mirandum continet, quod consecrationem Barlow indeterminate tantum, consecrationes vero episcoporum assistentium determinate referat.

2^a Nonne saltem consecrationis Parker veritas certitudinem obtinet ex eo quod episcopi assistentes, Barlow forsan non consecrante, consecrare ipsi potuerint?—Fatemur quidem hoc in codice Lambeth insinuari, quatenus refertur episcopos assistentes manus ordinando imposuisse et dixisse: *Accipe Sp. Sanctum*; at, cum narratio illa pugnet cum rituali anglico præscribente ut unus episcopus consecrator verba formæ proferat, nonnulli, eam ob causam, codicem apocryphum judicant.—Cæterum, minime compertum est assistentes episcopos, Scory et Coverdale, secundum rituale eduardianum ordinatos, sacerdotali chartere vere fuisse insignitos.—Insuper, cum unus duntaxat consecrator, cui alii assistere dicuntur, ordinationem peragere censeatur, probandum foret in casu assistentes illos *voluisse* per se consecrare: quod cum in dubio maneat, ex parte historica modo disputata concludimus minime constare Parker fuisse valide consecratum, ideoque sub hoc respectu ordinationes anglicanas haberi oportere veluti dubias et *sub conditione* renovandas¹.

2^a pars assumpti evolv:—Rituale aptum ad transmittendum sacerdotium debet formam continere qua principale sacerdotii munus, scil. munus sacrificale, quadamtenus saltem significetur. Atqui rituale eduardianum, quo usus est Barlow, fuit in hoc omnino defectivum: ergo.

1—Cf. "Etudes religieuses", mars 1895: *L'Eglise d'Angleterre a-t-elle réellement le sacerdoce*, par le P. Tournebize; ubi disputatioistica, quam tetigimus, eruditè versatur.

Maj. ostend. tum a priori tum a posteriori.—^{1º} *A priori*, ex Litt. *Apost. curæ*: “ Omnes norunt sacramenta N. L., utpote signa sensibilia atque gratiae invisibilis efficientia, debere gratiam et significare quam efficiunt et efficere quam significant. Quæ significatio, etsi in toto ritu essentiali, in materia scil. et forma, haberi debet, præcipue tamen ad formam pertinet; quum materia sit pars per se non determinata, quæ per illam determinetur. Idque in sacramento Ordinis manifestius apparet, cuius conferendi materia, quatenus hoc loco se dat considerandam, est manuum impositio; quæ quidem nihil definitum per se significat, et æque ad quosdam Ordines, æque ad Confirmationem usurpatur.” Indigit igitur materia Ordinis, quantum spectat ad sacerdotium, per aliquid sacerdotio proprium in eoque *principium* aliqualiter determinari; hoc autem est potestas sacrificandi, juxta illud (Heb. V, 1): *Omnis pontifex ex hominibus assumptus pro hominibus constituitur in iis que sunt ad Deum, ut offerat dona et sacrificia pro peccatis.*—^{2º} *A posteriori*: in omnibus enim antiquis liturgiis, cum occidentalibus tum orientalibus, ritus ordinandi presbyterum aut episcopum verba præsefert quæ plus minusve expresse sacrificalem potestatem indicant; hic enim sensus liquido emergit ex diversis vocibus, utputa *altaris, victimæ, potestatis offerendi, conficiendi, gratiae sacerdotalis* (sacerdotium enim, græce facere sacrum, dicit sacrificandi munus), *presbyteratus* qui traditionali usu pro sacerdotio simplici accipitur¹.

Min. prob:

^{1º} Ex *indole ipsius Ordinalis eduardiani*.—*a)* Quoad *presbyteratum*. “ Verba que ad proximam usque ætatem habentur passim ab anglicanis tanquam forma propria ordinantis presbyteralis, vid. *Accipe Sp. Sanctum*, minime sane significant definite ordinem sacerdotii vel ejus gratiam et potestatem, quæ præcipue est potestas consecrandi et offereundi verum corpus et sanguinem Domini², eo sacrificio quod non est nuda commemorationis sacrificii in cruce peracti³.—Forma hujusmodi aucta quidem est postea iis verbis, *ad officium et*

1—Cf. “Etudes religieuses”, avril 1895; juin 1896.

2—Trid. Sess. XXIII, *de sac. Ord.*, can. 1.

3—Trid. Sess. XXII, *de sacrif. Missæ*, can. 3.

opus presbyteri; sed hoc potius convincit, Anglicanos vidisse ipsos primam eam formam *fuisse mancam* neque idoneam rei. Eadem vero adjectio, si forte quidem legitimam significationem apponere formæ posset, *serius est inducta*, elapso jam sæculo post receptum Ordinale eduardianum, quum propterea, hierarchiâ extinctâ, potestas ordinandi jam nulla esset.—Nequidquam porro auxiliū causæ novissime arcēs-
tum est ab aliis ejusdem Ordinalis precibus. Nam, ut cetera prætereantur quæ eas demonstrent in ritu anglicano minus sufficienes proposito, unum hoc argumentum sit instar omnium, *de ipsis consulto detractum esse* quidquid in ritu catholico dignitatem et officia sacerdotii perspicue designat. Non ea igitur forma esse apta et sufficiens sacra-
mento potest, quæ id nempe reticet quod debe: et proprium significare" (*Litt. Apost. curæ*).

b) Quoad *episcopatum*. "De consecratione episcopali si-
militer est. Nam formulæ, *Accipe S. Sanctum*, non modo serius adnexa sunt verba, *ad officium et opus episcopi*, sed etiam de iisdem judicandum aliter est quam in ritu catholico (quia scil. circumstantiis et intentione contrarium in sensum trahuntur).—Neque rei proficit quidquam advocasse prefa-
tionis precem, *Omnipotens Deus*; quum ea pariter deminuta sit verbis quæ sumnum sacerdotium declarent" (*ibid.*).

2º Ex *circumstantiis* in quibus Ordinale anglicanum con-
ditum est, quæque genuinum ejus sensum illustrant. "Ejus ætatis memoria satis diserte loquitur, cuius animi essent in Ecclesiam catholicam auctores Ordinalis, quos adsciverint fau-
tores ab heterodoxis sectis, quo demum consilia sua referrent. Nimis enimvero scientes quæ necessitudo inter fidem et cultum, inter legem credendi et legem supplicandi interce-
dat, liturgiæ ordinem, specie quidem redintegranda ejus for-
mæ primævæ, ad errores Novatorum multis modis deforma-
runt. Quamobrem toto Ordinali non modo *nulla est aperta* mentio sacrificii, consecrationis, sacerdotii, potestatisque consecrandi et sacrificii offerendi; sed immo *omnia hujus-
modi rerum vestigia*, quæ superessent in precationibus ritus catholici non plane rejectis, sublata et deleta sunt de industrin" (*ibid.*).

3º pars assumpti versatur circa intentionem quæ, quippe ambigua determinans et ritus sacramentalis finem assignans,

necessario requiritur, quæque penes Barlow ejusque successores defuisse aestimanda est: "Cum intimo formæ defectu conjunctus est *defectus intentionis*, quam æque necessario postulat, ut sit, sacramentum. De mente vel intentione, utpote quæ per se quiddam est interius, Ecclesia non judicat; at, quatenus extra proditur, judicare de ea debet. Jamvero quum quis ad sacramentum conficiendum et conferendum materiam formamque debitam serio ac rite adhibuit, eo ipso censetur id nimirum facere intendisse quod facit Ecclesia. Quo sane principio innititur doctrina quæ tenet esse vere sacramentum vel illud quod ministerio hominis hæretici aut non baptizati, dummodo ritu catholico, conferatur. Contra, si ritus immutetur eo manifesto consilio ut alius inducatur ab Ecclesia non receptus, utque id repellatur quod facit Ecclesia et quod ex institutione Christi ad naturam attinet sacramenti, tunc palam est non solum necessariam sacramento intentionem deesse, sed intentionem immo haberi sacramento adversam et repugnantem" (*ibid.*). Adversari intentionem hujusmodi tum Barlow tum alios episcopos anglicanos habuisse merito inferimus ex principiis tunc contra sacrificium missæ verumque sacerdotium communiter vigentibus.

II. Extrinsece.

1º Illæ enim ordinationes nequeunt dici validæ quas numquam Ecclesia uti tales habuit. Atqui nunquam Ecclesia validitatem ordinationum anglicanarum agnoscit, e contrario: ergo. *Min. evincitur* :—*a)* primo auctoritate *Julii III*; nam sub Maria Tudor et dum de reconciliatione Ecclesie anglicæ ageretur, in litteris ad legatum apostolicum, Card. Pole, prescriptis (1554), Pontifex distinctam mentionem facit de iis primum qui *rite et legitime promoti* in suis ordinibus essent retinendi, tum de iis qui *non promoti ad sacros ordines* possent, *si digni et idonei reperti fuissent, promoveri*. Ubi "certe definiteque notatur, ut reapse erat, duplex hominum classis: hinc eorum qui sacram ordinationem vere suscepissent, quippe id vel ante Henrici secessionem, vel si post eam et per ministros errore dissidiove implicitos, ritu tamen catholico consueto: inde aliorum qui initiati essent secundum Ordinale eduardianum, qui propterea possent promoveri, quia ordinationem accepissent

irritam" (Litt. cit. Leonis XIII). — b) Secundo auctoritate Pauli IV; qui, regiis oratoribus a regina Maria Roman missis atque confirmationem actorum Legati postulantibus, litteras *Præclara clarissimi* dedit (1555). "In his quum comprobatio plena et robur additum sit rebus a Polo gestis, de ordinationibus sic est præscriptum: *Qui ad ordinés ecclesiasticos ab alio quam ab episcopo rite et recte ordinato promoti fuerunt, eosdem ordinés de novo suscipere teneantur.* Quinam autem essent episcopi tales, non rite recteque ordinati, satis jam indicaverant superiora documenta, facultatesque in eam rem a Legato adhibitae; ii nimirum qui ad episcopatum, sicut alii ad alios ordinés promoti essent *non servata forma Ecclesiae consueta*, vel non servata *Ecclesiae forma et intentione*, prout Legatus ipse ad episcopum Norwicensem scribebat. Hi autem non alii profecto erant nisi qui promoti secundum novam ritualem formam". (Litt. cit. Louis XIII). — c) Tertio continua Ecclesiae praxi. Ait enim Leo XIII (l. cit.): "Auctoritates quas excitavimus Julii III et Pauli IV aperte ostendunt initia ejus disciplinæ que tenore constanti, jam tribus amplius saeculis, custodita est, ut ordinationes ritu eduardiano haberentur infectæ et nullæ; cui discipline amplissime suffragantur testimonia multa earumdem ordinationum que, in hac etiam Urbe, stepius *absolute que iteratae sunt ritu catholico.*" Vid. in specie decretum Clementis XI quoad J. C. Gordon "ex integro et absolute" reordinandum.

2º Ex ore plurium anglicanorum¹ tum modernorum (Perowne, Child) tum antiquorum (Bancroft, Cosin) colligimus, secundum primavam saltem Ecclesie anglicanae fidem, ordinationes anglicanas *non differre essentialiter a presbyterianis*: habebantur enim Anglicanismus et Reformatio tanquam duo rami unius ejusdemque arboris. Hinc siue factum est ut ministri presbyteriani in cœtum anglicanum intrarent quiu reordinarentur; et que reordinatio per actum uniformitatis (1662) præscripta est, jure nationali magis quam religioso obtinuit. Atqui compertum omnibus

1—Cf. "Etudes religieuses", *Ordres anglicans et ministères des églises réformées*, par le P. Tonruebizo, déc. 1806.

ritate
mam
tibus,
quum
gestis,
o ecclæ
linato
mean-
ecteque
, facul-
qui ad
nt non
ecclæsiae
m Nor-
ant nisi
litt. cit.
ait enim
Julii III
ne tenore
nt ordi-
llæ ; cui
, carum-
bsolute-
decretem
bsolute ”

lernorum
in) collig-
nglicanae
ialiter a
et Refor-
ris. Hinc
n anglica-
natio per
nationali
a omnibus

nisteres des

est, penes presbyterianos sacerdotium proprie dictum omnino desiderari : ergo ¹.

Solv. obj. — OBJ 1. — Secundum Ordinale anglicanum confertur potestas dispensandi sacramenta. Atqui potestas hujusmodi, implice saltem, se extendit ad Eucharistiam. Ergo.

RESP. D. M:... dispensandi sacramenta a catholicis admissa, N; penes anglicanos vigentia, scil. Baptismum et Cœnam, C. — C.d.m: potestas dispensandi sacramenta a catholicis admissa... C; potestas dispensandi Baptismum et Cœnam, S.d: ... Cœnam in qua corpus Christi realiter habetur, C; in qua corpus Christi (prouti anglicani intellexerunt) figurare tantum accipitur, N.—Neg. conseq.

Nec Baptismi, nec Cœna, in qua figura tantum corporis Christi agnoscatur, administratio requirit omnino sacerdotem proprie dictum. Jamvero anglicani presertim antiquiores aperte rejecerunt dogma praescientiae realis, ut liquet ex art. 28 Symboli ab eis professi ². Proclive igitur erat ut omne sacerdotii vestigium ab Ordinali suo delerent.

OBJ. 2.—Nunquam anglicani penitus excluderunt a Rituali eduardiano voces *presbyteri* et *episcopi*. Atqui voces istæ sacerdotium involvunt. Ergo.

RESP. Trans. M.—D.m:... secundum sensum quem traditio catholica eis affinxit, C; etymologice et secundum sensum qui ex doctrinis hereticis Anglicanismi emergit, N.—Neg. conseq.

Juxta græcam *etymologiam*, nomina presbyteri (senioris) et episcopi (superintendentis) significant superioritatem ieta-

1—“The most learned English divines before the period of the Restoration, such as Cranmer, Jewel, Hooker etc, did not hold the theory of an exclusive *jure divino* episcopacy and fully recognized the validity of presbyterian ordination... Cranmer invited the co-operation of Lutherans and Calvinists even in the most important work of framing the Articles of religion and revising the Liturgy, without questioning their ordination; his own views of episcopacy were so low that he declared *election or appointment thereto sufficient without consecration*” (Schaff, *The creeds of Christendom*, 4 ed., Vol. I, p. 605).

2—En verba: “Corpus Christi datur, accipitur, et manducatur in Cœna, tantum celesti et spirituali ratione. Medium autem quo corpus Christi accipitur et manducatur in Cœna, fides est.”

tis et jurisdictionis.—Porro, quia practicum verborum sensum efficit usus, per derivationem quamdam voces prædictæ inde ab initio penes *catholicos* inductæ sunt ad significandum sacerdotium secundi et primi gradus.—At, penes *anglicanos* doctrinam de Eucharistia haereticam profitentes, eædem voces in usum et sensum prorsus a sacerdotio alienum deflexerunt.

OBJ. 3.—Episcopus anglicanus in ordinando presbytero conferre intendit potestatem remittendi peccata; dicit enim: "Accipe Sp. Sanctum... quorum remiseris peccata" etc. Atqui potestas remittendi peccata proprie sacerdotalis est. Ergo.

RESP. D. M:... potestatem aliqualem, C; potestatem vere sacramentalem, S.d: quilibet episcopus anglicanus, N; episcopus ritualisticus, Trans.—C.d.m: potestas qualisque, N; potestas vere sacramentalis, S.d: est proprie et principaliter sacerdotalis, N; proprie et secundario, C.—Neg. conseq.

Duplex hic questio distinguenda est, una quidem de *facto*, altera autem de *jure*.—Quantum ad primam questionem, quidquid sit de ritualistis hodiernis, respiciendum est in proposito ad *intentionem* quam priores anglicani habuerunt pronuntiando verba: "quorum remiseris peccata" etc. Eos autem non intendisse (*saltem probabilitus*) potestatem vere sacramentalem et *ex opere operato* agentem conferre, ex hoc deprehendi potest quod apud ipsos *absolutio*, non *judicii*, sed magis consolatorii ministerii rationem prie se fert.—Verum data etiam priesata intentione conferendi potestatem sacramentalem, id nequaquam ad verum sacerdotium communiquid sufficeret, siquidem potestas remittendi peccata, utpote exercita circa corpus Christi mysticum, presupponit, veluti principaliori ac fundamentalem, potestatem consecrandi et sacrificandi corpus Christi verum; hanc autem anglicana reformatio de medio sustulit.

OBJ. 4.—Ad validitatem sacramentorum requiritur ac sufficit velle facere quod facit Christi Ecclesia. Atqui reformatorum Ordinalis anglicani scopus ac voluntas fuit, religionem revocare ad pristinam Ecclesie Christi fidem. Ergo.

RESP. D. M:... secluso ritu sacramentario divinitus con-

stituto, *N*; una cum isto ritu substantialiter servato, *S.d.*: quatenus hæc intentio practice predominet, *C*; etiam si intentione adversa practice tollatur, *N*.—*C.d.m*:... et hæc intentione, quantum ad ordinationes spectat, in praxi pœnalitatem, *N*; practice destruta est voluntate excludendi quod est sacramento Ordinis essentiale, scil. sacerdotem sacrificantem efficerere¹, *C*.—*Neg. conseq.*

I.—Articulus 30^{us} Symboli anglicani habet: “Missarum sacrificia, quibus vulgo dicebatur sacerdotem offerre Christum in remissionem pœnæ aut culpæ pro vivis et defunctis, blasphemæ figmenta sunt et perniciose imposturæ.”

QUÆSTIO QUINTA

DE SUBJECTO SACRAMENTI ORDINIS

Subjectum hujus sacramenti duplici sub adspectu considerandum se præbet, vel secundum ea quæ in ordinando prærequiruntur ad sacramentum suscipiendum (art. 1), vel secundum ea quæ ipsi per ordinationem servanda imponuntur (art. 2).

ARTICULUS I.

De conditionibus quibus subjectum capax Ordinis efficitur.

(Q. XXXIX, a. 1-2)

1º *Subjecti conditiones* aliæ requiruntur ad liceitatem tantum, aliæ quoque ad sacramenti validitatem: priores quidem exponere ad canonistas aut moralistas pertinet; de posterioribus nobis agendum est.

2º *Conditiones ad validitatem Ordinis requisitæ efficiunt subjecti capacitatem.* Capacitas autem ista tripliciter spectari potest, vel relate ad characterem *christianitatis*, vel relate ad *sexum*, vel relate ad ætatem et *rationis usum*.—*a)* Non baptizatos posse valide ordinari, *nonnulli tempore Innocentii III opinati sunt*; contrarium vero supra (Q. III, a. 1) adstruximus. *b)* Item, mulieres, referentibus S. Epiph. et S. August, ordinabant *Montanistæ* non solum in diaconissas, sed et in presbyteras ac episcopas. *c)* Præterea, *Durandus* et *Tournely*, quibus recenter consensit *Schanz*, negarunt infantes Ordinis esse capaces; quam tamen sententiam theologi communius abjeciunt.

Conclusio 1º.—MULIERES NEQUEUNT SACRAMENTUM ORDINIS VALIDE SUSCIPERE; NEQUE HUIC DOCTRINÆ ADVERS. INTUR MUNERA SACRA A DIACONISSIS OLIM ALIISVE MULIERIBUS IMPLETA.

1º *Pars ostendit:*

1º *Ex Scriptura.*—*a)* Nam SS. Litteræ V. T. nullibi exhibe-

bent ecclesiasticum munus demandatum mulieribus; cum igitur sacrum ministerium N. T. præstantius sit, multo magis ab eo mulieres excludi debent.—*b)* Revera, docendi munus inter officia sacra excellens recensetur. Atqui Apostolus feminas prohibet ne palam doceant: *Mulieres in ecclesia taceant; non enim permittitur eis loqui, sed subditas esse* (1 Cor. XIV, 34); *docere mulieri non permitto, neque dominari in virum, sed esse in silentio* (1 Tim. II, 12). Ergo.

2º Ex sensu Ecclesiae.—Semper enim Ecclesia execrata est haereticos qui sacra ministeria mulieribus comitabant, ut Montanistas, Marcionitas, Collyridianos.—Ecclesiasticam autem traditionem testatur *Tertullianus* inquietus (De veland. virg. c. 9): “Non permittitur mulieri in ecclesia loqui, sed nec docere, nec tingere, nec offerre, nec ullius virilis officii, nemus sacerdotalis officii sortem vindicare.” Item *S. Epiphanius* (Huer. 70, n. 2): “Nunquam enim, ex quo mundus conditus est, apud Deum mulier sacerdotio functa est.”

3º Ex ratione S. Th. (art. 1):—Cum enim sacramentum sit signum quoddam, in eis quæ vi sacramentaria aguntur non solum res effecta, sed rei significatio requiritur; sic in Extrema-Uncione habeatur infirmus necesse est, ut significetur curatione indigens. Atqui in Ordine res significanda est spiritualis potestas secundum quamdam gradus hierarchici eminentiam; huic autem eminentie representandæ reputat sexus femineus, cuius est magis potestati virili subjacere. Ergo.

2º Pars instituitur ad occurrentum difficultati petite ex *episcopabus et presbyteribus, diaconissis et abbatissis.*

1º a) Episcopæ, presbyteræ et diaconæ aliquando dicebantur mulieres non ab ullo gradu seu ministerio sacro, sed vel a *viro* qui, acceptata eum uxore continentali lege, ad ordinis fuerat assumptus, vel etiam a *filio* qui eis ordinibus pellebat (Gasparri, *op. cit.*, n. 127).—*b)* Quandoque vero presbyteræ nuncupabantur *viduae seniores*, ea lego qua presbyter grecæ etymologiæ est senior (ita *S. Th. art. cit.*). Viduarum enim nonnullæ non solum celibet vitam de facto ducebant, sed ad hoc *voto*, monialium nostrarum ad instar, se adstrinabant, licet in privatis domibus viverent.

2º Tamen fatendum est diaconissas, quarum frequentior

habetur mentio, ad ecclesiastica quædam munia obeunda fuisse deputatas.—*a)* Earum institutio ad Ap. Paulum usque ascendit; ipse enim scribit (Rom. XVI, 1): *Commendo vobis Phæben sororem nostram quæ est in ministerio Ecclesiae, quæ est in Cenchris;* et (1 Timi. III, 11; V, 9-10), descriptis diaconorum dotibus, dotes quoque diaconissarum veluti parallelas recenset.—*b)* Eligebantur diaconissæ quandoque inter probatas virgines, saepius vero inter viduas unius viri aetate provectiones; neenon inter uxores episcoporum in Oriente, et presbyterorum, diaconorum aut subdiaconorum in Occidente, quæ rem cum viris habere prohibebantur.—*c)* Diaconissarum officia (inquit Gasparri, n. 134) ad sequentia reducebantur: *primo* episcopo vel presbytero feminas baptizanti aderant, ministerium decentiae circa illas præbentes; *secundo*, catechumenas privatim instituebant in necessariis doctrinæ christiane capitibus; *tertio*, aegrotantes invisebant, et feminis ob fidem in carcere detentis ministrabant; *quarto*, mulieribus, per proprium januam in ecclesiis ingredientibus, locuni assignabant; *quinto*, viduis reliquis præerant earumque necessitatibus subveniebant.—*d)* Tandem diaconissæ ritu quodam religioso conserabantur, non tamen ordinatione proprie dicta ejus certe non erant capaces (cf. Billuart, Diss. III, art. 5, Digr. I hist.).

^{3º} *Abbatissis* non competit prælatura ordinaria et potestas *jurisdictionalis*; sicuti enim non sunt capaces Ordinis, ita nee ecclesiasticae jurisdictionis. Verum exercent potestatem quamdam, uti aiunt, *dominativum* curæ domesticæ analogam, quæ sibi committitur ad evitandum periculum cohabitationis viroruñ et mulierum.

Conclusio 2^a.—INFANTES, NONDUM RATIONE UTENTES, VALIDE ORDINARI POSSUNT.

^{1º} *Auctoritate* id constat:—*a)* Nam *Innoc. III* (Decret. l. V, tit. 29), consultus quid agendum esset de clero qui, minoribus ordinibus infra annos discretionis receptis, postea prætermisso diaconatu in sacerdotem fuerat ordinatus, jussit eum ordinari diaconum, nulla facta mentione aliorum ordinum: ex quo concluditur mentem Pontificis fuisse quod ordines illi valide fuerant collati.—*b)* Clarius adhuc *Bened. XIV* (Instruct. data de ritibus copticis, 1745) hoc ipsum confirmat, dicens de contraria sententia quod “ratos habet assecias

et supremis tribunalibus et Congregationibus Urbis nunquam arrisit."

2º Rem dupliciter evincit Angelicus (art. 2) :

a) *Primo*, a pari : " Alia sacramenta, in quibus character imprimuntur, possunt pueri suscipere, vid. Baptismum et Confirmationem. Ergo pari ratione et Ordines."

b) *Secundo*, ratione propria : " Per pueritiam et alios defectus quibus tollitur usus rationis, prestatur impedimentum actui. Et ideo omnia illa sacramenta quæ actum requirunt suscipientis sacramentum, talibus non competunt, sicut Poenitentia, Matrimonium et hujusmodi. Sed quia potestates infusæ sunt priores actibus, sicut et naturales, quamvis acquisitæ sint posteriores, remoto autem posteriori, non tollitur prius, ideo *omnia sacramenta in quibus non requiritur actus suscipientis* de necessitate sacramenti, sed *potestas aliqua spiritualis divinitus datur*, possunt pueri suscipere et alii qui usu rationis carent."

Notanda tria subjicimus :—1º Quae modo dicta sunt valent tum pro pueris, tum pro *perpetuo amentibus*; in quibus *per accidens* est quod potestas ordinatione collata non deducatur ad actum. Quantum vero ad *temporarie amentes* aut *dormientes*, non possunt valide ordinari nisi voluntas aliqua seu consensus præcesserit; qui consensus in adultis rationabiliter requiritur.—2º Docente Bened. XIV (*l. cit.*), si quem contigerit ante rationis usum ordinari, nec obligationi *servandæ castitatis*, nec *ministeriis* aliisve oneribus ab Ecclesia impositis subjiciendus est; quandoquidem electio status a libera cuiusque voluntate dependet.—3º Infans forte, jam suscepto presbyteratu, in *episcopatum* promotus, poterit quidem extensiouem characteris sacerdotalis accipere, non tamen potestatem jurisdictionis, quippe quæ actum seu usum rationis exigit.

ARTICULUS II.

De lege cœlibatus ecclesiastici.

1º *Quid nomine sacri cœlibatus sive in Latina sive in Greca Ecclesia significetur, definire ab exordio opportunum est.—a)* In Ecclesia latina clerici, majoribus ordinibus ini-

tiati, tenentur perpetuam servare continentiam, ita ut nec matrimonium contrahere, nec prius contracto matrimonio uti valeant (Conc. Trid. Sess. XXIV, can. 9; Alexand. III, Decret. l. III, t. 32, c. 5).—*b)* In Ecclesia græca et orientali possunt quidem sacris ordinibus initiati (episcopis tamen exceptis) retinere uxores ante susceptionem illorum ordinum ductas ac matrimonio uti; sed, sacro ordine semel suscepto, clericis non permittitur matrimonium contrahere; quod si contrahatur, cum illicitum tum quoque invalidum censeri debet (Bened. XIV, decret. de *Italo-Græcis*, 1742, neconon de *Coptis*, 1745)¹.

2º Præadvertisimus, juxta unanimi catholicorum sensum, cœlibatum ecclesiasticum non esse *juris divini*. *a)* Nihil enim est, neque in scripto, neque in tradito Dei verbo, quod tale jus suadeat. *b)* Immo contrarium ex praxi Ecclesiae apparet: nam non solum Græcos et Orientales, a Latinis ea in re prorsus dissidentes, Ecclesia toleravit suamque in communionem recepit, verum etiam aliquando R. Pontifex legi cœlibatus derogavit, puta in concordato cum Napoleone I, quo Pius VII plurium presbyterorum matrimonia convalidavit. *c)* Neque usus matrimoni et sacrum ministerium adeo secum pugnant ut simul consistere absolute nequeant.— Unde, ut *S. Thomas* diserte docet (Suppl. Q. LIII, a. 3; II-II^m, Q. LXXXVIII, a. 11), et *Conc. Trid.* (Sess. XXIV, can. 9) satis declarat, cœlibatus sacer præscribitur *jure ecclesiastico*, fundato tamen in jure naturali et divino.

3º Jam sub finem saec. IV et initio saec. V hanc legem impudenter agressi sunt *Jovinianus*, monachus Mediola-

1—Variam utriusque Ecclesie, latine scil. et græce, disciplinam sic expendit *S. Thomas* (Suppl. Q. LIII, a. 3): “Apud Græcos (ordo sacer) impedit matrimonium contrahendum *solum ex vi ordinis*; sed apud Latinos impedit *ex vi ordinis et ulterius ex voto continetiae*, quod est ordinibus sacris annexum: quod etiam si quis verbo tenuis non emittat, ex hoc ipso tamen quod ordinem suscipit secundum ritum occidentalis Ecclesie, intelligitur emisisse. Et ideo apud græcos et alios Orientales sacer ordo impedit matrimonium contrahendum, non tamen matrimonii prius contracti usum; possunt enim matrimonio prius contracto uti, quamvis nou possint matrimonium denuo contrahere. Sed apud occidentalem Ecclesiam impedit matrimonium, et matrimonii usum; nisi forte ignorantे aut contradicente uxore vir ordinem *sacrum suscepit*, quia ex hoc non potest aliquid ei *præjudicium generari*.”

nensis, et *Vigilantius*, presbyter Gallus, a S. Hieronymo præclare confutati. —Sæc. XIV *Wiclefus*, et sæc. XVI novatores eamdem viam inierunt; isti enim novitatis præcones et libidinum sectatores, duce præsertim *Luther*, verbo et opere contra cœlibatum sacrum insurrexere: de quibus optime replicari potest satiricum dictum, “omnes hæreses uti comœdias in matrimonium desinere.” —Ætate nostra quotquot fere religionis ac sacerdotii hostes habentur, cœlibatui infensissimos se produnt; cujus sunt generis, ex una parte quidem *utilitaristæ* et *materialista* præ oculis tantum habentes augendum populi numerum aut physiologicarum legum impletionem, ex altera parte *sectarii* et *liberales* abhorrentes omne frænum nature inclinationibus impositum. —Hos omnes una propositione bimembri confutabimus.

Conclusio. —LEX CŒLIBATUS ECCLESIASTICI NON SOLUM ANTIQUISSIMO JURE ASSESTITUR, SED ET CONVENIENTISSIMIS RATIONIBUS COMMENDATUR.

1^a *Pars de antiquitate juris* diversa aliquatenus ratione a theologis exponitur. Sunt euini præsertim e Germanis, uti von *Funk*, qui censem, ab initio usque ad sæc. IV, cœlibatum fuisse prorsus liberum, quamvis multi jam sponte illum colerent. Alii longe plures, cum *Baronio*, statuunt cœlibatum, prout nunc in Ecclesia latina servatur, apostolicæ originis esse. —Id sane verius arbitramur, quatenus scil. disciplina de cœlibatu, sive lege sive consuetudine, ab Apostolis ipsis dicatur introducta¹, sic tamen ut in Oriente non eamdem obligandi vim habuerit vel contra eam præscriptum sit.

1^b Occurrit *exemplum* Apostolorum, quippe qui, ex quo Christum sequi cœperunt, continentiam séravere; relictis enim omnibus, ipsa quoque, si quam habebant, uxore (Matth. XIX, 27, 29), Christo se emanciparunt. —In specie vero novimus, unanimi veterum suffragio, S. Joannem semper virginem fuisse, eaque de causa specialia a Christo dilectionis signa accepisse. Item S. Paulus seipsum cœlibem diserte declarat (1 Cor. VII, 7-8). Immo Tertullianus (De monog. c. 8) et S. Hieron. (c. Jovin. l. I, n. 26) testantur unum Petrum,

1.—Hoc intellige quantum ad episcopos, presbyteros et diaconos; de *subdiaconis* enim varia olim fuit, pro variis Ecclesiis etiam latinis, lex et praxis (cf. *de Augustinis*, th. X).

apostolos inter, fuisse maritum. Inquit idem *Hieron.* (Ep. 48 ad Pamimachium, n. 21): "Christus virgo, virgo Maria, utriusque sexus virginitatis dedicavere principia. Apostoli vel virgines, vel post nuptias continentes."

2^o *Antiquitatis sensum variis ex monumentis colligitur.*

Quoad *Ecclesiam latinam.*—a) In primis *consuetudinem cælibatus suo tempore vigentem* attestatur *Tertullianus* dicens (*De exhort. cast. c. 13*): "Quanti... in ecclesiasticis ordinibus de continentia censentur, qui Deo nubere maluerunt,...occidentes in se concupiscentiam libidinis."—b) Initio sæc. IV *Syn. Eliberitana* (305) *cælibatum lege* sancitum exhibit, injungens (can. 33) "episcopis, presbyteris et diaconibus, vel omnibus clericis positis in ministerio, abstinere se a conjugibus suis et non generare filios; quicumque vero fecerit, ab honore clericatus exterminetur"—c) Sub finem ejusdem sæculi *S. Siricius P.* (Ep. 1 ad *Himer. Tarrac.*), legem illam collapsam restaurare volens, eam *Evangelio ac Pauli doctrinæ consentaneam* asserit, moxque subdit (n. 10): "Quarum sanctionum omnes sacerdotes atque levitæ insolubili lege constringimur, ut a die ordinationis nostræ sobrietati ac pudicitiae et corda nostra mancipemus et corpora." *Apostolicam cælibatus originem luculentius adhuc tradit Conc. Curiag.* (390), episcopis, presbyteris et diaconis continentiam præscribens, "ut quod *apostoli docuerunt* et ipsa servavit antiquitas, nos quoque custodiamus."—d) Suffragia posteriorum ætatum videre est apud *Knoll, de Augustiniis, Susse, etc.*

Quoad *Ecclesiam orientalem*, hæc observentur¹.—a) *Primo*, nunquam licuit, communi permisso, post susceptos maiores ordines nuptias inire; nec nisi per exceptionem, et acceptâ episcopi venia, id *Synodus Ancyranæ* (314) diaconis indulsisse refertur.—b) *Secundo*, vel ab initio *episcopis* prohibitus est, et etiamnum prohibetur, uti matrimonio ante ordinationem contracto; unde fit ut in toto Oriente episcoli e statu monastico assumi soleant.—c) *Tertio*, non desunt in antiquitate, penes Ecclesiam orientalem, *cælibatus sacri exempla*; quod his verbis affirmat *Hieron.* (cont. *Vigil. n. 2*): "Quid faciunt Orientis Ecclesiæ, quid Ægypti et Sedis

1—Cf. Drouyn, *De re sacram.* l. VIII, p. II, sect. 3.

Apostolicæ? quæ aut virgines clericos accipiunt aut continentis; aut, si uxores habuerint, mariti esse desistunt."—
d) *Quarto*, tamen fatendum est, labente sœc. VI, disciplinam de ea re emollitam fuisse, tumque clericos (exceptis episcopis) generalius cœpisse, tolerante Sede Apostolica, uti uxoribus ante ordinationem susceptis; quam consuetudinem *Synodus Trullana* (alias *Quini-sexta*, a. 692) can. 13 sancivit.

2^a *Pars* *concl.* respicit sacri cœlibatus *convenientium*; quæ multipliciter ostendi potest.

1^o *Ex singulari status clericalis excellentia.*—Quo altior est atque excellentior aliquis status, eo sanctius ac excellenter vitæ genus requirit. Atqui status clericorum excellentissimus est; virginitas autem et continentia matrimonio preferenda. Ergo. *Min.* *1^a pars* per se liquet; quid enim altius (ut cætera prætermittantur) quam sanctissimum Christi corpus consecrare aut sacerdoti consecranti proxime adsistere? *Min.* *2^a pars* evincitur verbis *D. Thome* (II-II^æ, Q. CLII, a. 4), ubi de opposito Joviniani errore ait: "Præcipue destruitur et *exemplo Christi* qui et matrem virginem elegit et ipse virginitatem servavit, et ex *doctrina Apostoli* qui (1 Cor. VII) virginitatem consuluit tanquam melius bonum, et etiam ratione: tum quia bonum divinum est potius humano bono; tum quia bonum animæ præfertur bono corporis; tum etiam quia bonum contemplativæ vitæ præfertur bono activæ. Virginitas autem ordinatur ad bonum animæ, secundum vitam contemplativam, quod est cogitare ea quæ sunt Dei; conjugium autem ordinatur ad bonum corporis, quod est corporalis multiplicatio generis humani, et pertinet ad vitam activam, quia vir et mulier in matrimonio viventes necesse habent cogitare quæ sunt mundi, ut patet per Ap. (1 Cor. VII)!"—*Conf. arg.* ex eo quod apud plerasque gentes continentia aut virginitas sacerdotibus indicebatur; in Veteri autem Lege, ante sacrificia peragenda, a re uxoria abstinendum erat. Cum ergo sacrificium eucharisticum reliquis sacrificiis longe præ-

1.—Hinc Trid. (Sess. XXIV, can. 10): "Si quis dixerit, statum conjugalem anteponendum esse statutum virginitatis vel cœlibatus, et non esse melius et beatius manere in virginitate aut cœlibatu quam jungi matrimonio; A. S."

cellat, *a fortiori* munda ac cœlebs vita in clericis christianis requiritur.

2º Ex spiritualitate ministerii clericalis.—Clerici enim maximeque sacerdotes orationi ac spiritualium studio et contemplationi operam ex officio dare debent. Atqui munera illa spiritualia carnalibus affectibus plurimum impediri, conspiciuum est; qua de causa Ap. (1 Cor. VII, 5) ipsos monet conjugatos ut, orationi vacaturi, se in tempus a conjugali opere contineant. Igitur clericis quotidie orationi incumbentibus congruum prorsus est ut matrimonii usu jugiter abstineant.

3º Ex zelo circa divinum cultum exhibendo.—Sacerdotes, utpote Christi ministri ejusque vicem in re gravissima gerentes, totos se divino cultui mancipare, in eisque omnibus, quæ Domini sunt, occupari constanti attentoque animo tenentur; inquit enim Ap. (2 Tim. II, 3-4): *Liberata sicut bonus miles Christi Jesu. Nemo militans Deo implicat se negotiis secularibus.* Atqui inter temporales curas quæ hominem, ne se divinis rebus totum devovet, turbando prohibent, præcipua sunt negotia matrimonialia; cuius gratiâ scribit rursus S. Paulus (1 Cor. VII, 32-33): *Volo vos sine sollicitudine esse. Qui sine uxore est, sollicitus est que Domini sunt, quomodo placeat Deo. Qui autem cum uxore est, sollicitus est quæ sunt mundi, quomodo pluceat uxori et divisus est.* Ergo.

4º Ex multiplicitate officiorum sacerdotialium.—Etenim ministri catholici (secus ac protestantes) infinita pene negotia spiritualia tractare debent; quod inductione patet tum de parochis, tum de missionariis, tum de sacerdotibus operari præstantibus sive charitati exercendæ sive juventuti liberis atque scientiis informandæ. Atqui unus homo nequit simul tot tamque gravia officia diligenter explere, et rebus domesticis, filiis alendis ac educandis, uxoriique curandæ animum intendere. Ergo.

5º Ex reverentia publica clero conciliunda.—Clerus, quem populus non summe colit ac reveretur, neque estimatione gaudet suo statui debita, neque valet officia sibi concredita efficaciter executi; populi, inquam, reverentia clericis pernecessaria est. Atqui reverentia illa clero conciliatur maxime per virginitatem aut continentiam; qua nitente, sacerdos, se supra vulgus veluti sublimans, laicis appareat

cœlo quam terræ, propinquior, vereque se Dei hominem ac ferme angelum vitæ munditiâ demonstrat. Ubi vero clerus uxoratus est, nativa sua dignitate veluti spoliatus vilescit et contemnitur: qnod cl. *De Maistre* (Du Pape, l. III, c. 3) eloquenter ac eruditè ostendit.

6º *Ex oppositis opposite discipline effectibus.*—Instituti cujusque bonitas sive utilitas ab effectibus optime dijudicatur. Ubi autem cœlibatus penes sacrorum ministros non floreat, quid conspicimus? nimis crassam cleri ignorantiam; bona temporalia avide conquisita; languentem Dei rerumque divinarum cultum; mollioris ac comodæ vitæ studium; aulicam ac funestam nimis erga magnates indulgentiam: quæ cuneta confirmantur tum historiâ sæculorum noni et decimi (eujus temporis vitia Gregorius VII reformatio intrepida compescuit) tum quoque ministrorum protestantium indole ac conditione. E contrario, quid scientiæ, quid litteræ, quid virtutes privatae ac publicæ, quid erga miseros et indigentes sollicitudo, quid charitas, beneficentia, devotio, ex cœlibatu ecclesiastico derivaverint, is tantum ignorare potest qui gesta cleri presertim latini inde ab Ecclesiæ primordiis non didicerit. Clericalium operum laus a cœlibis vitæ laude maxime dependet.

Solv. obj.—*OBJ.* 1 ex Scriptura. Legitur nubendi præceptum (Gen. I, 27-28): *Musculum et feminam creavit eos. Benedixitque illis Deus, et ait: Crescite, et multiplicamini, et replete terram.*—S. Paulus scribit (1 Tim. III, 2): *Oportet episcopum irreprehensibilem esse, unius uxoris virum;* et (v. 12): *Diaconi sint unius uxoris viri.*—Idem Paulus testatur apostolos secum uxores retinuisse (1 Cor. IX, 5): *Numquid non habemus potestatem mulierem sororem circumducendi sicut et ceteri apostoli?*—Uxor Ap. alibi etiam commemorari videtur (Phil. IV, 3): *Rogo et te, germane compar (græce germana conjux), adjuva illas, quæ mecum laboraverunt... cum Clemente.* Ergo.

RESP. ad 1^m, a) verbis Gen. significari benedictionem ac fœcunditatem quam humanae nature Deus ab initio impartivit. b) Quod si quis ea pro formalí præcepto tenaciter accipere velit, haud repugnabimus, dummodo præceptum illud non ad singulos homines, sed ad speciem pertinere dicatur!.—

1—Vide infra, Disp. VII, Q. I, a. 1.

Resp. ad 2^m, paulini loci sensum non esse quod episcopus (idem die de diacono) *debeat* esse uni uxori conjunctus, sed quod non possit in episcopum eligi qui *plures successive uxores* habuerit. Unde factum est ut semper Ecclesia a sacris ordinibus repelleret polygamos, successivo nempe connubio implicatos.—*Resp.* ad 3^m, *mulierem sororem*, de qua apostolus, præpostere nobis objici: a) ipse enim contextus suadet mulieres, quas S. Paulus aliquique apostoli circumducebant, eos (sicut et ipsum Christum) secutas esse *ut necessaria ad victum et vestitum ministrarent*. b) Etiam si autem per mulieres illas intelligerentur *uxores* ab apostolis ante vocationem susceptæ, ex eo quod a B. Paulo dicantur *sorores*, continentiam apostolorum ab usu matrimonii satis reprehendere possemus, prouti Clem. Alex. (Strom. l. III, c. 6) notavit.—*Resp.* ad 4^m, verba *germune compar* non posse pro uxore accipi multiplici de motivo: a) *primo*, quia genus masculinum appositi *germane* trahit vocem ambiguam *compar* ad sensum socii vel *collegæ*; b) *secundo*, quia omnes antiquæ versiones uxoris significacionem excludunt; c) *tertio*, quia ipsi interpretes protestantes, ut Grotius, Rosenmüller, idem sentiunt; d) *quarto* demum, quia Patres communiter negant Paulum uxorem habuisse (*de Augustinis*, th. X).

Oui. 2 ex traditione.—Referit enim Socrates (Hist. eccl. I, I, c. 11) atque ex eo Sozomenus, cum *Nicænum Concilium* legem ferre vellet majoribus clericis continentiam prescribentem, huic proposito obstitisse Paphnutium, Thetaidis episcopum, et dixisse “ illud satis esse ut qui in clerum ante adscripti erant quam duxissent uxorem, hi secundum veterem Ecclesiæ traditionem deinceps a nuptiis se abstinerent; ” in quam sententiam abiit totu^r Synodus. Ergo.

RESP.—1^o *Baronius*, *Muratorius* aliisque eruditii hanc historiam seu fabulam rejiciunt.—2^o Narratio endem manifeste pugnat non solum cum verbis *Hieronymi* (cont. Vigil.) superius citatis, verum etiam cum verbis *Epiphani* fero coevi, qui (Hier. 59, n. 4) docet ab Ecclesia non admitti “ filios generantem diaconum, presbyterum, episcopum neque subdiaconum, præcipue ubi *canones ecclesiastici* accurate servantur.”—3^o Etiamsi vera foret Socratis historia, Græcia quidem faveret, non tamen protestantibus qui ministris jam ordinatis facultatem nubendi concedunt.—4^o Sunt qui testi-

opus
sed
ssive
saceris
ubio
apost
uadet
ebant,
ia ad
er mu
onem
tinene
endere
vit.—
uxore
asculi
par ad
ntiquæ
o, quia
, idem
negant
st. eccl.
elium
prescri
is epis
nte ad
eterem
it;” in
unc his
anifeste
Vigil.)
nii fere
admitti
m neque
accurate
, Græcia
tris jam
qui resti-

mant factum Nicænum eo sensu esse admittendum quod, Paphnutii aliorumque orientalium gratiâ, annuerit Synodus tolerandæ, duntaxat circa Græcos et Orientales, mitiori disciplinæ.

OBJ. 3.—Non est gravius onus clericis Occidentalibus quam Orientalibus imponendum. Atqui lex cœlibatus non imponitur Græcis et orientalibus. Ergo.

RESP. D. M.: secundum jus divinum, *Trans*; secundum jus ecclesiasticum, *S.d*: arbitrario, *C*; perspectis diversis locorum, morum, consuetudinum circumstantiis, *N*.—*D.m*: nou imponitur ea perfecta ratione qua *Latinis*, *C*; saltem nou cautum est ne episcopus matrimonio contracto utatur, item ut clerici majores vidui aut nondum uxorati innupti maneant, *N*.—*Neg. conseq.*

OBJ. 4.—Rei impossibilis pœceptum esse non potest. Atq[ue]i servare continentiam homini impossibile est, prouti tot scandala in clero evincunt. Ergo.

RESP. C. M.—*D.m* : homini impossibile est ex se, *Trans*; juvante Dei gratia, *N*.—*Neg. conseq.*

Scandala in clero erumpentia neque *tam multa* sunt quam adversarii jactant, neque per se, sed *per accidens* et ex divinae gracie neglectu eveniunt; unde nequaquam continentia impossibilitates arguunt. “Numquid, scribit eloquenter *Drouyn* (*op. cit.*), de re impossibili Christus loquebatur, quando dicebat (*Matth. XIX, 12*): *Sunt eunuchi qui se ipsos castraverunt propter regnum cœlorum?* Numquid rem impossibilem Apostolus ludens illudensque suadebat quando omnes sui volebat similes esse, vid. cultores virginitatis (*1 Cor. VII, 7*)?... Potuerunt gentiles plerique philosophi, quo liberius vacarent profane studio sapientie, potuerunt hodieque possunt infinito numero laici, ut totos sese aut moreatur dedant aut negotiis saecularibus, matrimonii oneri nuntium mittere; et non poterit homo christianus, ne divisum eor habeat utque celestem coronam majori facilitate capessat, carnis concupiscentiam refrrenare?” Provocat deinde landatus auctor ad exempla innumerabilia monachorum, episcoporum, presbyterorum aliorumque clericorum qui, per tot Ecclesie secula, vitam cœlibem lege inviolata duxerunt.

OBJ. 5.—Ea lex rejici debet que bono sociali contrariatur.

Atqui lex cœlibatus sacri, utpote augmentum populi cohibens, bono sociali contrariatur. Ergo.

RESP. D. M :... bono sociali perfective sumpto, C; bono sociali materialiter spectato, S.d: absque ulla compensatione nobiliori, Trans; data compensatione hujusmodi, N.—C.d.m.—*Neg. conseq.*

Bonum societatis duplex distinguitur, *materiale* scil. et formale seu *perfectivum*: primum quidem constat multitudine membrorum iisque utilitatibus inferioris ordinis quæ inde derivari possunt; alterum consurgit ex moralitatis virtutumque socialium profectu.—Jamvero, quodcumque sit populi augmentum bonumque *materiale* lege cœlibatus inhibitum, detrimentum hujusmodi longe est illo inferioris quod resultat ex lege militiae qua centena millia hominum (derrimo sœpe exitu) a matrimonio ineundo interdicuntur.—Cæterum, tenemus populorum felicitatem minime incedere ratione directa ingentis numeri civium, sed moralitatis, virtutis, charitatis progressu augescere: quæ bona altioris indolis e cœlibatu sacro pleraque efflorescunt societatique feliciter obveniunt.

OBJ. 6.—Vis naturæ insita non est suis juribus ac effectibus defraudanda. Atqui humanae naturæ vis est divinitus instituta ad rem uxoriæ et prolem procreandam. Ergo.

RESP. D. M :...quoadusque non contradicat juribus virium superiorum, C; etiam supposito conflictu cum illis viribus, N.—C.d.m :...*independenter* a viribus quarum est altius ac spiritualius bonum prosequi, N; *subordinate* et ita, ut, in casibus particularibus, bonum inferioris rei matrimonialis proliisque generandie cedat bono superiori, C.—*Neg. conseq.*¹

1—Objectiones contra cœlibatum fusius diluunt Bellarminus, *De clerics*, I. I, c. 20 sqq; Drouyn, *op. cit*; etc.

DISPUTATIO SEPTIMA

DE MATRIMONIO

Postremum inter sacramenta locum tenet illud quod ad propagandam humanam atque christianam sobolem ordinatur; de quo *Catech. Trid.* (P. II, *de Matr.*, n. 2) observat sacros autores plura accurate scripsisse, quia "optime intelligebant quanta et quam multa commoda ad christianam societatem pervenire possent, si fideles matrimonii sanctitatem cognitam haberent et inviolatam servarent; contra vero, ea ignorata vel neglecta, pluri mas maximasque calamitates et detrimenta in Ecclesiam importari."

Totam hanc disputationem, quantum ad ea que dogmaticam provinciam proprius attinent, in quatuor questiones partiari fas erit. Matrimonium enim spectari potest vel quatenus est *in officium naturae* (Q. I), vel quatenus est *sacramentum N. Legis*: sub hoc autem sacramentali adspectu, considerandum se offert et quoad esse (Q. II), et quoad *proprietates* (Q. III), et quoad *potestatem moderativam* cui subjicitur (Q. IV).

QUÆSTIO PRIMA

DE MATRIMONIO UT EST IN OFFICIO NATURÆ

Duo sub hoc capite in considerationem veniunt, secundum quod responsio fiat duplici quæsito: *an* sit naturæ jure (art. 1), et *quid* sit matrimonium (art. 2).

ARTICULUS I.

Utrum matrimonium sit jure naturali præscriptum.

(*Suppl. Q. XLII*)

1º Matrimonium, varia sub ratione acceptum, diversa sortitum est nomina. a) Spectatum enim ex parte cause, quæ est desponsatio seu contractus solemnitas, vocatum est con-

nubium et nuptiae, “ quia, ut inquit S. Ambrosius, pudoris gratia puellæ se obnubarent; quo etiam declarari videbatur, viris obedientes subjectasque esse oportere ” (*Catech. Trid.*, n. 3). b) Secundum essentiam inspectum, matrimonium, utpote conjunctionem intinum importans, appellatur *conjugium*, quod legitima mulier cum viro quasi uno jugo adstringatur. c) *Matrimonium* autem ex parte effectus seu prolis denominatur, quia “ *femina* idcirco maxime nubere debet ut mater fiat, vel quia prolem concipere, parere, educare matris munus ¹ est ” (*Catech. Trid.*, l. cit.).

2^o Accepto matrimonio secundum quod significat “ *stabilitatem* quamdam *conjunctionem viri et mulieris*,” tria errantia opinamenta memorare volumus :—a) *Quidam* enim, quos *amoris liberi patronos* vocant, quiique nonnullis in regionibus crescente numero prosperantur, criminosa audacia matrimonium vel naturale impetrare non verentur. b) *Alii*, contra caelatum sacram argumenta querentes, matrimonium necessaria quadam lege extendunt ad singula individua humana. c) *Alii* demum, iisque fuerunt antiqui heretici *marcionite* et *manichaei*, honestatem matrimonii inficiantur.—Contra hos omnes *originem, necessitatis modum ac honestatem* matrimonii tribus in conclusionibus determinabimus.

Conclusio 1^a.—MATRIMONIUM ITA EST POSITIVE INSTITUTUM A DEO, UT TAMEN SIT DE IPSO JURE NATURALI.

1^a *Pars* tangit questionem *facti*, expressisque verbis traditur (Gen. I, 27-28) : *Masculum et feminam creavit eos, Benedixitque illis Deus, et ait: Crescite et multiplicamini.* Et (*ibid.* II, 10) : *Non est bonum esse hominem solum; faciamus ei adjutorium simile sibi.* Ac paulo post referuntur de prima muliere Adami verba (vv. 23-24) : *Hoc nunc os ex ossibus meis, et caro de carne mea; haec vocabitur virago, quoniam de viro sumpta est. Quamobrem relinquet homo patrem suum, et matrem, et adhaerabit uxori sue; et erunt duo in carne una.* Que, ipso docente Domino (*Matth.* XIX, 6), ostendunt matrimonium divinitus esse institutum.

2^a *Pars* ulterius matrimonium repetit ex jure naturali,

1—Ad rem S. Thomas (Suppl. Q. XLIV, a. 2 ad 1) : “ *Quamvis pater sit dignior quam mater, tamen circa prolem mater magis est officiosa quam pater.* ”

in quo jus positivo-divinum fundatur.—Ubi prænotandum est aliquid dici *naturale* dupliciter: *uno modo*, quasi necessario ex principiis nature resultans, ut moveri sursum est naturale igni; *alio modo*, quasi id ad quod natura quidem inclinat, sed quod mediante libero arbitrio completetur, ut actus virtutum. Hoc posteriori, non priori sensu, assertio accipi debet.

1º In admittendam enunciatam veritatem conveniunt omnes cum theologi tum philosophi etiam ethnici, quorum agmen dicit Aristoteles. Iste enim (VIII Ethic., c. 12) dicit quod homo naturâ suâ magis est conjugale quam civile animal. Porro alibi (l. I Polit. c. 2) idem philosophus docet hominem esse naturaliter animal civile et gregale: ergo.—*Leo XIII* (Encycl. *Rerum novarum*) pronuntiat “jus conjugii naturale ac primigenum homini.”

2º Sic cum *Auctore* (art. 1) ratiocinari licet:—illud homini naturale est, ad quod amplectendum, libere tamen, inclinat ratio naturalis. Atqui ratio naturalis inclinat hominem ad stabilem viri et mulieris conjunctionem, quæ dicitur matrimonium: ergo. *Maj.* patet; *min.* ostend:

a) Quantum ad *principalem finem* illius conjunctionis, seu bonum prolis. Natura enim, ad sexuum commixtionem per eamque ad speciei propagationem inclinans, intendit non solum prolis generationem, sed etiam ejus promotionem usque ad perfectum hominis statum sive physicum sive moralē; quae perfectio per *nutrimentum* et *disciplinam* procuratur. Atqui filius a parente educari et instrui non posset, nisi certos ac determinatos parentes, stabili consortio obligatos, haberet: ergo. Assumptum decl. verbis *D. Thomæ* (C. G. III, 122):—*Primo*, quoad *corporalem educationem*. “Est considerandum, inquit, quod in animalibus in quibus sola femina sufficit ad prolis educationem, mas et femina post coitum nullo tempore commanent, sicut patet in canibus. Quæcumque vero animalia sunt in quibus femina non sufficit ad educationem prolis, mas et femina simul post coitum commanent, quousque necessarium est ad prolis educationem et instructionem, sicut patet in quibusdam avibus, quarum pulli non statim postquam nati sunt possunt sibi cibum querere; cum enim avis non nutrit lacte pullos, quod in promptu est velut a natura præparatum, sicut in quadrupedibus accidit,

sed oporteat quod cibum alienum pullis quærat, et propter hoc in cibando eos foveat, non sufficeret ad hoc sola femella: unde ex divina providentia est naturaliter inditum mari in talibus animalibus ut commaneat femellæ ad educationem fœtus. Manifestum est autem quod in specie humana femina minime sufficeret sola ad prolis educationem, cum necessitas humanæ vitæ multa requirat quæ per unum solum parari non possunt. Est igitur conveniens secundum naturam humanam ut homo post coitum *mulieri commaneat*, et non statim abscedat indifferenter ad quaecumque accedens."—*Secundo*, quoad *prolis instructionem*. "Rursus considerandum est, quod in specie humana proles non indiget sola nutritione quantum ad corpus ut in animalibus, sed etiam instructione quantum ad animam: nam alia animalia naturaliter habent suas prudentias, quibus sibi providere possint; homo autem ratione vivit, quem per longi temporis experimentum ad prudentiam pervenire oportet: unde necesse est ut filii a parentibus quasi jam expertis instruantur, nec hujus instructionis sunt capaces mox geniti, sed post longum tempus, et præcipue cum ad annos discretionis pervenerint. Ad hanc autem instructionem longum tempus requiritur; et tunc etiam, propter impetus passionum quibus corruptitur, aestimatio prudentiae indiget non solum instructione, sed etiam repressione. Ad hoc autem mulier sola non sufficit, sed magis in hoc requiritur opus maris, in quo est et ratio perfectior ad instruendum, et virtus potentior ad castigandum. Oportet igitur in specie humana non per parvum tempus insistere promotioni prolis, sicut in avibus, sed per magnum spatium vitæ."

b) Quantam ad *fines secundarios* matrimonii:—quorum unus est *mutuum obsequium* sibi a conjugibus in rebus domesticis impensum. Dictat enim ratio naturalis ut homines in communitate acquirant eam vitæ sufficientiam quam singuli seorsum comparare sibi non possent. Atqui eorum, quorum ope necessitatibus humanæ vitæ subvenitur, quedam viris, quedam mulieribus competit; neque in physico tantum, sed et in morali ordine, mutui illius inter sponsos auxilii atque solatii reciprocationem amore temporeque constantem naturæ instinctus exigit. Ergo etc.—Alter *finis secundarius* (melius dixerim bonum consequens) est *concupiscentia remedium*: ex quo enim homo primævam, in qua fuerat conditus,

amisit justitiam, passionum impetus saepe rationi repugnantes persentit. Jamvero matrimonium seu stabilis sponsorum conjunctio concupiscentiae quidem satisfacit sed intra debitos limites, frenum scil. libidini, ne immoderata et veluti exlex erumpat, imponendo. Ergo status ille matrimonialis quiddam est rationi jurique naturali conforme. Eam ob rem scripsit Ap. (1 Cor. VII, 2): *Propter fornicationem unusquisque suam uxorem habeat, et unaqueque suum virum habeat.*

Conclusio 2^a. — MATRIMONIUM HUMANÆ SPECIEI QUODAM-MODO PRÆCIPITUR; NON TAMEN SINGULOS HOMINES OBLIGAT PER SE, SED TANTUM PER ACCIDENS.

1^a *Pars* apparet ex eo quod matrimonium, disponente naturæ auctore, necessarium omnino est ad generis humani conservationem et propagationem. Quod autem hujusmodi est, per modum præcepti saltem confusi, naturali lege præscribitur.

2^a *Pars* ostend:—1^o ex Ap. docente (1 Cor. VII, 38): *Qui matrimonio jungit virginem suam, bene ficit; et qui non jungit, melius facit.*—2^o Ex ratione D. Thomæ (art. 2): ad ea quæ multitudinis, non tamen individuorum, perfectio requirit, haud tenentur singuli homines: secus enim quilibet homo obligaretur ad agriculturam, ad artem redificatoriam aliave officia societati necessaria; sed sufficit ut diversa ista officia a diversis, pro aptitudinum et circumstantiarum opportunitate, implentur. Atqui ex matrimonio dependet multitudinis quidem humanae, non vero singulorum hominum perfectio; imo bonum societatis est, quosdam a matrimonio abstinentes vitæ contemplativæ vacare. Ergo etc.

3^a *Pars* expresse traditur ab Auctore (*ibid.* ad 1); ubi docet præceptum matrimonii unumquemque non obligasse “nisi illo tempore quo paucitas hominum exigeret ut quilibet generationi vacaret,” scil. initio mundi et statim post diluvium. Hoc autem se habet *per accidens*, nec dissimile est casui necessitatis in quo quilibet ad defensionem reipublicæ tenetur.

Conclusio 3^a. — MATRIMONIUM EST IN SE LICITUM, POTEST-QUE EIUS ACTUS ESSE MERITORIUS.

1^a *Pars* evincitur:

1^o *Auctoritate*:—Etenim non solum Deus ipse primitus matrimonium instituit, sed Christus illud solemniter confir-

mavit, tum assistendo nuptiis in Cana, tum quoque nuptias primævarum legum sanctione et sacramentali dignitate nobilitando.—Matrimonium præterea commendarunt *apostoli*, in primis S. Paulus dicens (1 Cor. VII, 28) : “*Si acceperis uxorem, non peccasti ; et si nupserit virgo, non peccavit* ; et (1 Tim. V, 14) : *Volo juniores nubere, filios procreare*.—Insuper, præeunte *Tertulliano* (l. cont. *Marcionem*), multi Patres, utputa *S. Hieronym.* (l. cont. *Jovinianum*), *S. August.* (l. de *Bono conjug.*, et l. de *nupt.* et *concup.*), etc., *Marcionitas* et *Manichæos*, qui nuptias dæmoni auctori tribuebant easque ex peccato ortas esse volebant, penitus profligaron.

2º Ratione :—*a)* Ea quæ pertinent ad conservationem speciei corporalis et ad quæ inclinat natura, nequeunt dici universaliter mala et illicita ; non enim a Deo malo, ut somniabant *Manichæi* aliquique veteres hæretici, sed a Deo bono, omnium entium auctore, corporea natura instituta est. Atqui jam diximus hominem naturâ ipsâ inclinari ad matrimonium et prolixi procreationem, per quam humana species conservatur. Ergo ¹.—*b)* Rursus, Deo conjungimur et secundum virtutis *habitum* et secundum *actum* contemplationis et amoris ; quod vero primæ conjunctionis vinculum solvit semper est peccatum, non vero id omne quod excludit alteram : siquidem dari potest licita circa res inferiores occupatio que tamen animum a rebus divinis actu distrahat. Porro hoc duntaxat accidit in carnali conjunctione, cuius intensa delectatio mentem sane detinet, sed que, dummodo ratione a lege regatur, nullo peccati saltem formalis ² vitio inficitur (art. 3, ad 2-3).

2º Pars ostend. (ex art. 4) :

1º Omnis actus quo impletur preceptum, meritorius est, si ex charitate fiat. Atqui actus matrimonialis potest esse

1—Non abs re sunt que scribit *Catech. Trid.* (n. 15) : “*Si ad eas causas (quas in prima conol. protulimus) aliae etiam accedant quibus homines induci matrimonium ineant, atque in habendo uxoris delectu hanc illi preponant, ut heredis relinquendi desiderium, divitiae, forma, generis splendor, morum similitudo, hujusmodi sane rationes damnandæ non sunt, cum matrimonii sanotitati non repugnant ; neque enim in SS. LL. Jacob patriarcha reprehenditur quod Rachelem, ejus pulchritudine illectus, Læ prætulerit.*”

2—Notanda sunt verba *Auctorita* (ad 3) : “*Turpitudo concupiscentiæ, que actum matrimonialem semper concomitantur, non est turpitudo culpæ, sed penæ, ex peccato primo proveniens, at scilicet inferiores vires et membra corporis rationi non obedient.*”

hujusmodi, docente Ap. (1 Cor. VII, 3): *Uxori vir debitum reddat; similiter autem et uxor.* Ergo.—^{2º} Omnis actus virtutis, nulla intercedente circumstantia vitiatus, meritorius est. Atqui ad actum matrimonialem homo induci *potest* virtute, præsertim vel *justitiae*, ut debitum reddat, vel *religionis*, ut proles ad Dei cultum procreetur. Ergo.

Solv. obj. (cont. 1^{am} concl.).—OBJ. 1.—Id quod est de jure naturali, reperitur in hominibus secundum quemlibet eorum statum. Atqui, teste Tullio (in Rhetor.), matrimonium seu stabilis sponsorum conjunctio non fuit apud primævos et silvestres homines. Ergo.

RESP. D. M.:...reperiri debet, C; *de facto* reperitur, S.d.: plerumque, C; quin defectio esse possit, N.—C.d.m.: scil. aliqua gens minus exulta a præscriptione juris forte defecit, Trans; nulla fuerunt a principio humani generis vera conjugia, N.—Neg. conseq.

OBJ. 2.—Naturalia sunt eadem apud omnes. Atqui matrimonium non eodem modo celebratur penes diversos populos. Ergo.

RESP. D. M.:...quoad *essentiam*, C; ad exclusionem cuiuscumque variationis *accidentalis*, N.—C.d.m.:...et diversitas celebrationis unitatem *essentiae* perimit, N; *accidentalem tantum variationem* inducit, C.—Neg. conseq.

OBJ. 3.—Illa sine quibus salvari potest naturæ intentio, non videntur esse naturalia. Atqui conservatio speciei, quam natura intendit, salvari potest sine matrimonio. Ergo.

RESP. C. M.—D.m.:...secundum *esse* prolis, C; secundum *perfectum* esse etiam a natura intentum, N.—Neg. conseq.

ARTICULUS II.

Quænam est matrimonii essentia ac definitio.

(Q. XLIV, a. 1-3)

Licet jam constiterit *quid* confusim sit matrimonium, opere pretium, est rem diligentius inspicere et apertius enucleare.—Plura quidem ad matrimonium concurrunt: primo, mutuus consensus externe declaratus, seu contractus

matrimonialis ; secundo, mutua corporum traditio per consensum illum facta ; tertio, vinculum inter conjuges ex mutuo corporum dominio resultans ; quarto, jus mutuum proximum ad copulam ; quinto, ejusdem juris exercitium seu ipsa copula.—Hinc quæstio est, in quo formaliter matrimonium consistat, et qua ratione sit definitum ; quibus una propositione bimembri responsio dabitur.

Conclusio.—MATRIMONIUM FORMALITER RESIDET IN VINCULO CONJUGALI SEU RESULTANTE EX MUTUO CORPORUM DOMINIO ; UNDE PROPRIA EJUS DEFINITIO ACCIPITUR.

1^a *Pars* expresse traditur a *Cutech. Trid.* (nn. 5-6).

Sane 1^o matrimonium nequit formaliter consistere, neque in consensu, neque in corporum traditione, neque in jure proximo ad copulam, neque in copula ipsa : ergo reponendum est in vinculo conjugali. *Consequentia* patet: *antecedens* decl. per partes.—a) *Primo*, non in *consensu* : per hunc enim habetur matrimonium in fieri quod transit, non in *facto esse* quod est permanens sponsorum conjugatio. Unde, etsi adveniente dissidio consensus ille desinat, matrimonium nihilominus perdurat.—b) *Secundo*, non in *corporum traditione*: haec namque, perinde ac ipse consensus quo fit, est quid transiens, nec propterea rem stabilem formaliter constituere potest.—c) *Tertio*, non in *jure proximo ad copulam* : siquidem hoc jus ut existat, præsupponitur legitima conjungum unio seu matrimonium jam essentialiter constitutum ; qua de causa, salva manente essentia matrimonii, jus illud, puta per commune votum servandæ continentiae, tolli potest.—d) *Quarto*, multo minus in *ipsa copula* : tum quia usus et operatio rei non est de ejus essentia ; tum quia inter B. Virginem et S. Joseph verum sine actu matrimoniali extitit matrimonium.—e) *Quinto* igitur restat ut matrimonii quiditas formaliter reponatur in *vinculo conjugali*, juxta illud (Gen. II): *Relinquet homo patrem suum et matrem, et adhuc erit uxor iuxta eum* ; et erunt duo in carne una.

2^o Illud vinculum, formaliter sumptum, aliud non est quam conjunctio resultans ex tradito per contractum matrimonialemutuo corporum dominio ; que conjunctio *relatio* est, dum relationis *fundamentum* residet in præfato dominio seu jure radicali ad copulam.—Revera, ubicumque habetur aliquorum adunatio sive ordinatio ad unum, ibi aliqua sit conjunctio

necessere est. Porro in re matrimoniali sponsi, mentuo sibi corpora tradendo, ordinantur ad unam generationem et educationem proliis et iterum ad unam vitam domesticam. Ergo matrimonium optime denominatur vinculum conjugale seu *coniunctio innixa mutuo corporum dominio*.—Subnotat S. Thomas (art. 1 ad 3): “Relatio quae est matrimonium, ex una parte habet unitatem in utroque extremorum, scil. ex parte cause, quia ad eamdem numero generationem ordinatur; sed ex parte subjecti habet diversitatem secundum numerum, et ideo haec relatio est una ex parte cause, et multiplex ex parte subjecti. Et secundum quod est multiplex ex parte subjecti, significatur his nominibus, *uxor* et *maritus*; secundum quod autem est una, significatur hoc nomine, *matrimonium*.”

2^a Pars adjicitur, ut in ea statuatur propria matrimonii *definitio*.—Jam vero, licet consensus mutuus omnino ad matrimonium requiratur tanquam *causa efficiens* et possit sub definitione descriptiva claudi, tamen definitio potior ea est que essentiam declarat queque sic a theologis (post *Catech. Trid.* n. 5) proponitur: vid. matrimonium “est viri et mulieris maritalis coniunctio inter legitimas personas, individuam vitae consuetudinem retinens.”

1^a De *causa efficiente* matrimonii, in consensu seu contractu posita, non vacat hec plura disserere¹: tria sufficient.—*a)* Primo, exigitur *consensus*; nam “unus non accipit potestatem in eo quod est libere alterius, nisi per ejus consensum. Sed per matrimonium accipit uterque conjugum potestatem in corpus alterius, ut patet 1 Cor. VII, cum prius uterque liberam potestatem sui corporis haberet. Ergo consensus facit matrimonium” (Q. XLV, a. 1).—*b)* Secundo, “ad matrimonium non sufficit quodcumque voluntarium, sed voluntarium *complete*, quia debet esse perpetuum” (Q. XLVII, a. 3 ad 2). Idecirco coactio metus, quae cadit in constantem virum, numeratur inter impedimenta dirimentia.—*c)* Tertio, necesse non est ut consensus requisitus ad matrimonium explicite cadat in copulam carnalem, sed sufficit ut cadat in eam *implicite*. Ratio est, quia consensus effectivus

1—Cf. S. Th. (Suppl. Q. XLV-XLVIII), necnon moralistarum scripta.

matrimonii ille est qui ipsam matrimonii essentiam attingit. "Matrimonium autem non est essentialiter ipsa conjunctio carnalis, sed quædam associatio viri et uxoris in ordine ad carnalem copulam et alia quæ ex consequenti ad virum et uxorem pertinent" (Q. XLVIII, a. 1); in qua associatione conjugali copula carnalis virtualiter et implicite continetur, ut effectus in causa¹.

2º Definitio *essentialis*, paulo supra enunciata, explicatur per partes.—*a)* In primis matrimonium dicitur *conjunctio*, qua voce genus remotum exprimitur.—*b)* Additur *viri et mulieris*, ut sic, determinato subjecto, conjunctio ad genus proximum contrahatur.—*c)* Dicitur insuper *maritalis*, ut differentia specifica per hanc vocem promatur, "quoniam alia pactionum genera, quibus viri et mulieres obligantur, ut sibi mutuam operam præstent, vel pretii vel alterius rei causa, prorsus aliena sunt a matrimonii ratione" (*Catech. Trid.* l. cit.).—*d)* Subjicitur *inter legitimas personas*, i. e. jure non impeditas; cum enim generatio sit ad propagandam speciem ordinata, lex autem ad bonum commune intendat, oportet ut matrimonium legibus convenientibus reguletur.—*e)* Tandem, proprietates matrimonii indigitantur: unitas quidem, per hoc quod dicitur conjunctio *viri et mulieris* in singulari; indissolubilitas vero, per verba quibus definitio absolvitur, *individuam vita consuetudinem retinens*.

1—Cf. quæ de conjugio Mariæ et Joseph diximus (*De incarn. Verbi*, Disp. VI, Q. II, a. 2-3).

QUÆSTIO SECUNDA

DE ESSE MATRIMONII UT EST SACRAMENTUM

“ Quemadmodum matrimonium, ut naturalis conjunctio, ad propagandum humanum genus ab initio institutum est ; ita deinde ut populus ad veri Dei et Salvatoris nostri Christi cultum et religionem procrearetur atque educaretur, sacramenti dignitas illi tributa est ” (*Catech. Trid.*, n. 17).—De hoc igitur sacramento N. L. sermonem habituri, ejus in primis esse tum *existentiae* (art. 1) tum *naturæ* (art. 2-4) investigabimus. Natura autem sacramenti matrimonialis spectari potest dupliciter : *physice* seu secundum ea ex quibus constituitur sive *generalius* (art. 2) sive *specialius* (art. 3) ; et *moraliter* seu secundum bona quibus coherestatur (art. 4).—Patet quæstionis distributio.

ARTICULUS I.

Utrum matrimonium sit sacramentum.

(Q. XLII, a. 1-2)

Ad definiendum *quæstionis statum*, nonnulla sunt praeservanda.—Et 1º cum matrimonium sumi possit vel pro contractu et *in fieri*, vel pro vinculo conjugali et *in facto esse*, quæstio proposita de matrimonio movetur directe et proprie secundum quod est *contractus* et res transiens : transit enim actu sacramentum matrimonii, quamvis effectu sacramentario perseveret.

2º Rursus, sacramenti vox dupli sensu potest accipi, latiori scil. et strictiori. *Latiōri* quidem sensu, de symbolo vel figura quacumque prædicari potest, et sic non diffitemur, vel a mundi exordio, matrimonium Adami et Evæ, utpote præfigurans futuram conjunctionem Christi et Ecclesie, suisse sacramentum.—Sed in præsentiarum sacramentum accipimus sensu *strictiori*, videlicet pro ritu sensibili cui, juxta Christi institutionem, collatio gratiæ constanter sit annexa.

3º Veteres *Gnostici* ac hæretici, qui bonam divinamque

matrimonii originem oppugnarunt, multo magis characterem ejus sacramentalem inficiati sunt.—His autem gnosticis doctrinis plures sectæ posteriores (ut testatur Bellarm., *de Matr. controv.* I, c. 1) assensum dederunt, utputa *Albigenses*.—*Novatores* autem sæc. XVI, quin negarent matrimonium esse licitum a Deoque vero institutum, autumarunt tamen illud non posse dici proprie sacramentum, aiebatque *Calvinus* sacramenti rationem non magis convenire matrimonio quam agriculturæ aut sutorie arti.

4º Catholici, claritudinis gratiâ, matrimonium distinguunt in legitimum, ratum et consummatum. *Legitimum* dicitur, quod etiam inter infideles consensu juxta leges dato ideoque legitimo contrahitur; *ratum* autem, quod præterea rationem sacramenti induit et sic pro rato firmoque ab Ecclesia habetur; *consummatum* vero, quod usu seu carnali copula perfectum est.

5º Supponimus in *Lege Mosaiica* matrimonium non fuisse *ratum* ea firmitate quam sacramentum veri nominis importat¹; id expresse docet *Angelicus* (I-II^m, Q. CII, a. 5 ad 3): “Matrimonium, inquit, fuit in veteri lege, prout erat in officium naturæ, non autem prout est sacramentum (scil. stricte dictum) conjunctionis Christi et Ecclesiae, quæ nondum erat facta. Unde et in veteri lege dabatur libellus repudi, quod est contra sacramenti rationem” seu contra indissolubilitatem sigillo sacramentali firmatum.—Hinc controversia solvenda proponitur circa matrimonium *Nove Legis*.

Conclusio.—MATRIMONIUM CHRISTIANORUM VERUM EST AC PROPRIE DICTUM N. L. SACRAMENTUM, QUAMVIS NON PLANE CONSET QUANDONAM CHRISTUS ILLUD INSTITUERIT.

1º Pars his verbis definita est a *Trid.* (Sess. XXIV, can. 1): “Si quis dixerit, Matrimonium non esse vere et proprie unum ex septem legis evangeliæ sacramentis, a Christo Domino institutum, sed ab hominibus in Ecclesia inventum, neque gratiam conferre; A. S.”

Sane 1º argumentum *scripturale*, forte non omnino preceptorium, hand tamen a theologis spernendum, ducitur ex Ap. docente (Eph. V, 22 sqq.): *Mulieres viris suis subditæ sint sicut Domino, quoniam vir caput est mulieris, sicut*

1—Cf. PII VI epist. ad episc. Motu. msem (16 sept. 1788).

Christus caput est Ecclesiae... Viri, diligite uxores vestras, sicut et Christus dilexit Ecclesiam et seipsum tradidit pro ea, ut illam sacrificaret..., quia membra sumus corporis ejus, de carne ejus et de ossibus ejus. Propter hoc relinquet homo patrem et matrem suam, et adhaeret uxori suæ; et erunt duo in carne una. Sacramentum hoc magnum est: ego autem dico in Christo et in Ecclesia.

Hoc loco S. Paulus officia christianorum conjugum, scil. obedientiam mulieris erga virum, dilectionem viri erga mulierem, suadere conatur ab exemplo Christi diligentis Ecclesiam sibi veluti corpus proprium subjectam; quæ conjunctio Christi et Ecclesiae connubio præsertim christiano et indissolubili repræsentatur. Eam ob rem arbitrandum est (contra protestantes) verba "sacramentum hoc" ipso sermonis nexu referri non jam ad rem representatam, scil. ad mysterium unionis Christi et Ecclesiae, sed ad maritalem conjunctionem (penes christianos quos Apostolus alloquitur) mysterium illud speciali ratione symbolica significat, queque magna asseritur, dignitatem suam ex eo maxime trahens quod imaginem typi sacri, conjugibus propositi, dotibus suis referat. Jam vero S. Paulus citatis verbis saltem *innuit* (ut loquitur *Trid. Sess. XXIV*) matrimonium inter christianos verum esse sacramentum. *Assumptum decl:* —Sacramentum N. L., ut stepe diximus, tria elementa postulat, nempe ritum signi sensibilis, Christi institutionem, et gratie productionem signo illi per Christum adnexam. Porro tria illa in præsenti materia habemus: a) *primo*, manifestum est mutuum consensum externe proditum, quo matrimonium initur, esse *signum sensibile*. b) *Secundo*, semel ac probatum erit (quod jamjam compertum flet) signo illi adnexam esse gratiam sanctificantum, ex ipso patebit *Christi institutio* quæ sola potest donum supernaturale naturali causæ sociari. c) *Tertio*, insuper, idque potissimum est, contendimus matrimonium descriptum a S. Paulo esse *signum practicum gratiae* sanctificantis, juxta verba Leonis XIII (Encycl. Arcanum): "Ob hanc causam matrimonium est sacramentum, quia est sacrum signum et efficiens gratiam et imaginem referens mysticarum nuptiarum Christi cum Ecclesia." Etenim, contractus matrimonialis penes christianos is esse debet qui, juxta supernaturale exemplar unionis Christi cum Ecclesia, statum efficiat super-

naturalis dilectionis ac subordinationis inter sponsos vigentis. Atqui status hujusmodi constitui non potest sine gratia sacerdiciente a qua virtutes agendique rationes supernaturales procedunt. Ergo contractus matrimonialis, dum theoretice representat nuptias Christi cum Ecclesia, significat atque efficit una cum vinculo coniubii statum gratie sine qua representatio illa verificari plene non posset¹.

2º *Traditionis suffragium* multiplici ex capite deponitur :

a) In primis occurrit argumentum *prescriptionis*, quod, quia jam alibi pro septenario sacramentorum numero fuse evolutum est, sat modo erit paucis attingere.—Communis fuit, inde saltem a sœc. XII, Ecclesiae consensio in assertam a nobis doctrinam, scil. matrimonium christianum verum esse sacramentum. Atqui consensio illa necessario subbandit apostolicam ejusdem doctrine originem atque veritatem. Ergo. *Maj.* apparet duplamente: *primo*, ex declarationibus Conc. *Flor.* (1445), Conc. *Lugdun.* II (1274) et Conc. *Veronensis* (1181); *secundo*, ex sensu fere unanimi theologorum et scholasticorum medio aetatis qui (excepto forte Durando) vere sacramentalem matrimonii christiani indolem agnoverunt. *Min.* evincitur ex eo quod tanta doctrinæ unanimitas, cui accedit Græcorum schismaticorum aliarumque sectarum orientalium consensus, nequit in hypothesi adversariorum rationabiliter explicari; eaque hypothesis si vera foret, actum profecto esset (ut alia taceamus) de indefectibilitate doctrinali Ecclesiae.

b) Præterea, libri *rituales* antiquissimi, una cum ritibus aliorum sacramentorum, exhibent varios ordines benedictionis nuptiarum; ex quo intelligi datur, ritum nuptiale inter sacramenta esse communiquerendum.—Quin imo, in quibusdam illorum ritualium (ut resert *Martene*, De aut. eccl. rit. I, I, e. 9) matrimonium expresse vocatur sacramentum.—In aliis vero (utputa in *Sacramentario Gelasiano*) nuptiarum ritus ita describitur ut ei annexa gratia specialis videatur qua coniubium sanctum fiat sancte quo sponsi munera sui status exequi valcant (cf. *de Augustinis*, de Matr. th. I).

1.—“*Quia sacramenta efficiunt quod figurant, credendum est quod nubentibus per hoc sacramentum gratia conferatur, per quam ad unionem Christi et Ecclesie pertineant*” (C. G. IV, 78).

c) *Patres* testimonium saltem *implicitum* suppeditant, quoties conjugium christianorum Christi munere et benedictione veluti consecratum prædicant. Id autem plures (S. Epiph., S. Cyrill. Alex., S. August., S. Joan. Damasc.) factum esse docent in Cana Galilææ, ubi Christus nuptiis adfuit. Praeclara sunt verba *S. Cyrilli* (in Joan. II, 1-4): "Venit (Christus ad nuptias) non tam epulaturus quam ut miraculum faciat ac præterea *generationis humanae principium sanctificaret.*"

d) *Explicitum* amplius suffragium pribent tum *S. Ambrosius* (De Abrah. l. I, c. 7) matrimoniorum designans vocibus "*sacramenti coelestis*," tum *S. Augustinus*, cuius doctrina hisce capitibus continetur: *nimirum primo* matrimonium vocat "*sacramentum nuptiarum*" (in Joan. tr. IX, n. 2); *secundo*, nomine sacramenti *quidam* sanctum intelligit præter conjunctionem corporum et fidem maritalēm (De bono conjung. c. XXIV, n. 32); *tertio*, illud nomen *solis fidelium conjugiis* tribuit (*ibid.*); *quarto*, vineuli conjugalis inter christianos *indissolubilitatem omnimodam* repetit ex ratione sacramenti (De nupt. et concup. l. I, c. 10); *quinto*, hinc *indissolubilitatem* comparat indelebilati characteris qui a sacramentis Baptismi et Ordinis imprimuntur (locis cit.).

3º Duplex *ratio congruentiae* in confirmationem theseos potest adduci:

1º *ratio ex fine matrimonii* :— hic enim finis principaliter consistit non solum in procreatione, sed et in educatione physici ac morali sobolis; moralis autem educatio seu institutio, quæ ubique gentium saltem juxta rationis normas fieri debet, penes christianos conjuges altiori etiam modo peragenda est, ita ut scil. filii instituantur in fide et religione Christi verae ac viva Ecclesie catholice membra efficiantur. Porro illud officium plane divinum conjuges christiani debite exercere non possent, nisi matrimonium contrahendo et vi ipsa nuptialis contractus gratiam sue conditioni idoneam recipereant. Ergo conveniebat ut contractus matrimonialis ad dignitatem sacramenti eveneretur.

2º *ratio ex proprietatibus matrimonii christiani* :— etenim haec proprietates, inchoate quidem ex jure nature, perfective autem ex Christi instituto, sunt unitas ac indissolubilitas (de quibus suo loco). Jamvero proprietates hujusmodi

secundum eam, qua nunc gaudent, perfectionem manifeste connectuntur cum ratione sacramenti: tum propter sacramentalem significationem indissolubilis conjunctionis Christi cum una Ecclesia, quam contractus matrimonii naturalis non ita plene exhibet; tum propter sacramentalem gratiam quam onus aiepe molestissimum conjugii insolubilis unius cum unu, ut patienter feratur, communiter exigit.

2^a Pars de tempore institutionis hujus sacramenti vix determinari potest. Inquit enim Billuart (Diss. I, art. 3), “id non constare inter auctores. Quidam assignant nuptias in Cana Galilææ, quando eis Christus benedixit et eas sua præsentia ac insigni miraculo honestavit; idque innuunt Patres superius laudati, SS. Cyril., Epiph. et August. *Alii* dicunt institutum suisse hoc sacramentum, quando Christus, Matth. XIX, abrogata lege repudii, matrimonium ad suam primam indissolubilitatem revocavit diendo: *Quod Deus coniunxit, homo non separari.* *Alii* tandem institutum existimant post resurrectionem intra illos quadraginta dies quibus Christus frequenter de regno Dei cum Apostolis loquebatur.”

Solv. obj.—OBJ. 1.—Sacmenta habent efficaciam ex passione Christi, cui fideles conformari debent. Atqui per matrimonium delectatione mixtum non conformatur homo passioni Christi, quæ fuit poenalis. Ergo.

RESP. C. M.—*D.m* :...non conformatur passio Christi quantum ad *charitatem* per quam pro Ecclesia sibi in sponsam conjungenda Dominus passus est, *N*; quantum ad *pœnam* ipsam, *S.d*: non conformatur ratione *delectationis* matrimonio adjunctæ, *C*; neque ratione *tribulationum* quas conjugium secum adducit, *N*.—*Neg. conseq.*

OBJ. 2.—Omne sacramentum *N*. *L* efficit quod figurat. Atqui contractus matrimonialis non efficit conjunctionem Christi et Ecclesie quam significat. Ergo.

RESP. C. M.—*D.m* :...non efficit ipsam conjunctionem... *C*; neque significando efficit vinculum conjugale representativum conjunctionis Christi cum Ecclesia, gratiamque eidem vinculo congruentem¹, *N*.—*Neg. Conseq.*

¹—Juxta veterem loquendi modum, in ipso matrimonio tria illa, scilicet sacramentum tantum, rem et sacramentum, et rem solam, distinguere possumus: nam *sacramentum* tantum constat consensu mutuo quo perficitur contractus; *res* et *sacramentum* reponitur in

OBJ. 3.—Repugnat actuū turpem de dignitate sacramentali participare. Atqui actus matrimonii est turpis. Ergo.

RESP. D. M:...quatenus in actu illo intelligatur *turpitudo culpe*, C; *turpitudo poenae* tantum, N.—C.d.m:... quasi necessario importans turpitudinem culpe, N; turpitudinem poenae seu materialem virium inferiorum deordinationem ex peccato primo provenientem, S.d: et in illo actu consistit essentia sacramenti matrimonii, N; ejus integritas, Trans.—*Neg. conseq.*

OBJ. 4.—Unum sacramentum non opponitur alteri. Atqui matrimonium opponitur Ordini, qui est sacramentum. Ergo.

RESP. D. M:...ratione ipsius sacramenti, C; ratione *status* in quo homo per sacramentum aliquod constituitur, N.—C.d.m:...opponit Ordini, qua sacramentum est, N; ratione status specialis, S.d: jure divino, N; jure ecclesiastico, C.—*Neg. conseq.*¹

ARTICULUS II.

De reali identitate sacramenti et contractus naturalis in matrimonio christiano.

1º Quæstio non est de matrimonio inito *ante æconomiam christianam*, neque de eo quod nunc *apud infideles* contrahitur; neutri enim convenire rationem sacramenti, compertum omnibus supponitur.—Nec minus compertum est in matrimonio christiano, quale in Ecclesia celebratur, *ratione* saltem distinguiri posse contractum et sacramentum.—Verum disceptatio instituitur circa distinctionem *realēm*; qua de re tria præsertim dubitationi subesse possunt.

2º Enimvero in matrimonio a *christianis* initio distinguirne realiter contractus a sacramento?

vinculo conjugali ex contractu resultante; *res* autem sola est gratia quam vinculum illud sacramentaliter perfectum exposuit.—Porro haec gratia, claudens tum augumentum doni *habitualis*, tum quoque diversa auxilla *actualia*, adjuvat (ut ait S. Th. Q. XII, a. 3) "ad illa opera quæ in matrimonio requiruntur": scil. opem præbet educationi prolixi; fovet sponsorum concordiam; vlm concupiscentię minuit; ejus motus honestat ac regulat; etc.

1.—Plures objectiones dissolvit Bellarmiñus, *Controv.* I, c. 5.

a) Extremam quidem sententiam tenent "auctoritatis ecclesiastice inimici et potestatis principum fautores, qui sacramentum in benedictione sacerdotis *adæquate* consistere contendunt, unde sequatur contractum non esse aliquid sacram, etiam cum sacramentum conficiatur, sed manere contractum naturalem et civilem potestati sacerdotali omnino subjectum: ita docent *Marc. de Dominis*, apostata, in opere "De republica ecclesiastica"; *Launoi*, "De regia in matrimonium potestate". Postea hujus erroris patroni existiterunt sat multi canonistæ et theologi aulici eique tanquam principio inititut legislatio austriaca sub Josepho II et Gallica in Codice Napoleonis atque tota fere moderna legislatio de matrimonio civili. Nostra vero ètate eam distinctionem inter contractum et sacramentum denuo exuscitavit *Nep. Nuytz*, prof. Taurinensis, cuius opera *Pius IX* damnavit" (*Sasse, de Matr. th. III*).

b) Ab hac doctrina non multum recedit eorum sententia qui cum *Estio*, *Tournely* aliisque, statuerint materiam sacramenti esse actus contrahentium, formam vero in benedictione sacerdotali consistere, ita ut contractus conjugalis sit tantum pars materialis sacramenti matrimonii; inde enim consequitur matrimonium, qua contractus est, realiter a sacramento distingui ceu partem a toto.

c) Demum non defuerunt theologi, ut *Hurtado*, *Gonet*, etc., qui, licet admitterent contractum matrimoniale evectum in sacramentum ipsosque contrahentes esse sacramenti ministros, docuerunt tamen a fidelibus contrahi posse matrimonium quod valeret in ratione contractus quin simul esset sacramentum, si nempe contrahentes intenderent solum contractum sine sacramento.

3º Insuper, a) matrimonium infidelium, baptizato utroque conjugi, fitne sacramentum etiam absque novo consensu? Negant *Vasquez*, *Mastrius*, *Billuart*, etc., matrimonium ejusmodi unquam fieri sacramentum; alii, ut *Bellarminus*, affirmant conditionate, dummodo scil. conjuges post baptismum renovent consensum; alii, ut *Perrone*, *Billot*, etc., nec consensum ad hoc requirunt.—b) Rursus, questio est an matrimonium, inter fidelem et infidelem initum, *ex parte fidelis* rationem habeat sacramenti: circa quod duplex sententia, una negans, altera affirmans, itidem recensetur.

Ad concludendum consueta methodo procedimus.

Conclusio 1^a. — IN CONJUGIO CHRISTIANO ITA CONTRACTUS CUM SACRAMENTO IDENTIFICATUR, UT NON POSSIT MATRIMONIUM A CHRISTIANIS INIRI QUIN SIT SACRAMENTUM. Videlicet contractus et sacramentum sunt una res cum duabus *ratiōnibus formulib⁹*, quae nequeunt ab invicem dissociari. — Utraque assertio continetur expressis declarationibus tum *Pii IX* (Ep. ad regem Sardiniae, 19 sept. 1852; Alloc. habita in Consistorio 27 sept. 1852)¹, tum *Leonis XIII* (Encycl. *Arcanum*), ubi decernitur “in matrimonio christiano contractum a sacramento non esse dissociabilem, atque ideo non posse contractum verum et legitimū consistere, quin sit eo ipso sacramentum.”

1^a Pars concl. prob:

1^o Duplici *ratione* ex Ap. (Eph. V) confecta:

a) Per verba enim paulina, provocantia ad textum Gen. II, 24, intelligitur illud ipsum fuisse a Christo factum sacramentum matrimonii, quod Deus ab initio inter Adamum et Eavam constituit. Atqui id non fuit nisi contractus matrimonialis. Ergo ipse contractus matrimonii sacramentum factus est. — Quod argumentum ferme idem expressit *Leo XIII* (l. cit.): “Christus Dominus dignitate sacramenti auxit matrimonium; matrimonium autem est ipse contractus, si modo sit factus jure.”

b) Praeterea, secundum eadem verba Ap. ad Ephesios, matrimonii sacramentum est id quod significat conjunctionem Christi cum Ecclesia. Atqui signum hujus conjunctionis residet in ipso contractu nuptiali inter christianos inito, quin aliud huic contractui veluti affixum accedere debeat. Ergo. — Hoc quoque argumentum protulit *Leo XIII* (ibid.): “Matrimonium, inquit, est sacramentum, quia est sacrum signum et efficiens gratiam, et imaginem referens mysticarum nuptiarum Christi cum Ecclesia. Istarum autem forma ac figura illo ipso exprimitur summae conjunctionis vinculo, quo vir et mulier inter se colligantur, quodque aliud nihil est nisi ipsum matrimonium.”

2^o Auctoritate praecipuorum scholasticorum, scil. *S. Thomae* et *S. Bonaventuræ*.

1—Cf. pp. Syllabi 66 et 73.

a) Ait enim *Angelicus Doctor* (Suppl. Q. XLII, a. 3 ad 2) : “Actus exteriores et verba exprimentia consensum directe faciunt *nexus* quemdam, qui est *sacramentum matrimonii*.” Et (C. G. IV, 78) : “Matrimonium, secundum quod consistit in *conjunctione maris et feminine* intendentium problem ad cultum Dei generare et educare, est Ecclesiae sacramentum.”—Hinc quando S. Doctor ibidem addit : “unde et quædam *benedictio* nubentibus per ministros Ecclesie adhibetur,” sensus is non est quem adversarii fingunt, scil. rationem sacramenti in benedictione accessoria consistere, sed hoc significatur, nimurum matrimonium christianum esse quid sacrum Ecclesiae regimini subjectum ejusque ministrorum benedictione cærenionali approbatum.

b) Consentit *Doctor Seraphicus* dicens (4 Dist. XXVIII, a. 1, q. 5) : “Sacramentum Matrimonii pro materia habet personas legitimas et pro forma consensum”; deinde : “Ad esse matrimonii ista duo sufficiunt, scil. legitimitas in personis, et unitas in consensu. Ad solemnitatem vero et decoratives honestatem, requiritur et parentum traditio et sacerdotum benedictio; haec autem ita sunt ad decorem sacramenti ut tamen sint de necessitate precepti.”

3º Modo loquendi Conciliorum *Flor.* et *Trid.*

a) Etenim *Conc. Flor.* (Dec. pro Arm.), memorans septuaginta loco *sacramentum* matrimonii, mox subdit: “Causa efficiens matrimonii regulariter est *mutuus consensus* per verba de praesenti expressus.” Igitur, juxta Concilium, matrimonii sacramentum conficitur mutuo consensu expresso regulariter (nisi nempe necessitas signa verbis substituat) per verba de praesenti. Atqui mutuo consensu per verba expresso conficitur *contractus* matrimonialis. Ergo, juxta idem Concilium, cum conficitur inter christianos contractus matrimonii, eo ipso sacramentum conficitur.

b) *Trid.* autem (Sess. XXIV) declarat Christum matrimonium, quod Deus ab initio instituit, gratia sanctificasse et ita sacramentum effecisse; adeo ut matrimonium christianum a veteri essentialiter non differat *quoad ritum*, sed solo *gratiae influxu*. Porro, ex hac doctrina nullum apparet reale discri-
men inter contractum matrimoniale et matrimonii sa-
cramentum.—Accedit quod idem Concilium (cap. I, de reform. matrim.) docet matrimonia *clandestina* vera et *rata* fuisse, quamdiu Ecclesia ea irrita non fecit, proindeque (juxta loquen-

di morem) fuisse sacramenta. Sed matrimonium clandestinum nihil reapse est nisi contractus maritalis.

2^a Pars concl. ostendit:

1^o Argumenta in prima parte mox adducta procedunt de matrimonio christiano *absolute* sumpto, ideoque pro omni matrimonio inter christianos initio vim habent, ita ut non sit in potestate fidelium contrahere matrimonium quod non sit sacramentum.

2^o Hoc ipsum amplius evolvitur:—in eo matrimonio ratio sacramenti inseparabilis est a contractu, quod Christus antecedenter atque independenter ab hominum voluntate sacramentum esse voluit. Atqui sic Christus sacramentum matrimonii instituit ut sua illa artecedens ac independens voluntas amplectetur omne matrimonium: ergo. *Min.* appetat, quia in instituendo sacramentum Matrimonii “Christus non hoc vel illud matrimonium gratiâ auxit, sed matrimonium simpliciter inter christianos, matrimonium quod Deus ab initio instituit, quo Deus ipse virum et mulierem conjungit, ut sint una caro, et ut vir sit caput mulieris et mulier subjecta viro, quodque ratione hujus habitudinis inter virum et mulierem imago est representans unionem Christi cum Ecclesia. *Omne* autem matrimonium est ejusmodi. Ergo quodvis verum matrimonium, eo ipso quod tale est, est sacramentum” (*Sasse*, th. III).

3^o Ecclesiæ *praxis* id confirmat:—semper enim ipsa sibi auctoritatem exclusivam vindicavit in *omnia* matrimonia christianorum, etiam clandestina, quoad vinculum, eaque legibus suis gubernavit. Jamvero ratio potissima auctoritatis ecclesiastice in matrimonium, ex hujus sacramentaria indole repetitur; unde aiebat *Pius VI* (Ep. ad episc. Motulensem, 16 sept. 1788): “Sicut haec sacramenti ratio communis est omnibus causis matrimonialibus, ita omnes haec causæ spectare unice debent ad judices ecclesiasticos.”

Conclusio 2^a. — MATRIMONIUM INFIDELIUM, STATIM AC UTERQUE CONJUX BAPTIZETUR, FIT SACRAMENTUM, ET QUIDEM ABSQUE RENOVANDO CONSENSU; NON TAMEN VIDETUR SACRAMENTUM POSSE CONSISTERE IN PARTE FIDELI QUAE CUM INFIDELI CONJUNGITUR.—Propositio tres partes exhibit.

1^a Pars suadetur:

1^o *Pius IX* in allocutione consistoriali (27 sept. 1852)

docet "inter fideles matrimonium dari non posse quin uno eodemque tempore sit sacramentum". Itidem *Leo XIII* (Eneycl. *Arcanum*): "Apparet omne inter christianos iustum conjugium in se et per se esse sacramentum." Atqui matrimonium infidelium, suscepto baptismc ab utroque conjuge, jam inter fideles seu christianos dari incipit. Ergo.

2º *S. Paulus* (Eph. V) decernit matrimonium christianorum, maxime repræsentativum unionis Christi cum Ecclesia, rationem habere sacramenti. Porro nullam Apostolus distinctionem facit inter eos qui post suspectam fidem, et eos qui ante fidem subiude acceptam matrimonium inierunt; de his autem ultimis multi profecto erant inter christianos conjuges quos Paulus ibidem alloquitur, quippe qui ad novellam pertinerent ecclesiam. Ergo.

3º *S. Thomas* hanc sententiam saltem insinuat; dicit enim (Suppl. Q. LIX, a. 2 ad 1): "Quamvis infidelibus non competit matrimonium secundum quod est sacramentum in dispensatione ministrorum Eccl. sic¹ consistens, competit tamen eis in quantum est in officium naturae. Et tamen etiam matrimonium tale est aliquo modo sacramentum *habitualiter*, quamvis non est *actualiter*, eo quod actu non contrahunt in fide Ecclesiae." Quibus verbis Angelicus designare videtur sacramentali matrimonii infidelium *potentiam* quæ, suscepto ab illis infidelibus baptismate, in actum sacramenti proprie dicti reducitur.

4º Ratio sacramenti in matrimonio intime (ut appareat ex dictis) connectitur cum sacra significatione conjunctionis Christi et Ecclesie. Atqui matrimonium in infidelitate contratum, semel baptizato utroque conjuge, elevatur ad sacram illam significationem, quatenus vinculum conjugale perseverans, secundum conditiones ab Ap. (Eph. V) descriptas mutuae inter sponsos dilectionis et subjectionis supernaturalis, *incipit altius representare nuptias Christi et Ecclesiae*. Ergo et incipit vinculum matrimoniale habere vim sacramentalem.

2ª Pars tangit modum quo matrimonium, post baptismum conjugum, indolem sacramentariam suscipiat.

Et 1º præpostere nonnulli ad hoc requirunt renovationem

I—Hoc intellige quoad solemnitatem.

consensus :—quippe consensus matrimonialis causa est qua efficitur vinculum conjugale secundum ea quæ tali vinculo competunt ; idem vero effectus non nisi semel esse accipere potest. Atqui, in casu de quo agitur, vinculum conjugale jam præexistit ac perseverat. Ergo novo consensui aut contractui locus esse nequit.

2º Ad rem discurrit *Sasse* (th. III) : “ Infideles cum destinatione ad Ecclesiam pertineant, eorum quoque matrimonia destinatione sunt sacramenta, habitu, ut loquitur S. Thomas, non actu. Unde censeri debent iniisse matrimonium cum *tacita conditione objectiva*, ut, si quando baptizentur, contractus matrimonialis evadat sacramentum. Ergo hac conditione impleta, sacramentum perficitur absque novo consensu, cum consensus olim factus sacramentalis reddatur solo conditionis eventu.”—Id autem fac accipias, non quasi consensus jam præteritus resurgat, sed quatenus vinculum remanens, per *resultantiam* quandam et influente debita Dei actione, induit indolem ac firmitatem sacramentalis, una cum jure ad gratias christianis sponsis congruas.

3º *Pars* sic intelligi debet quod desit ratio sacramenti tum in connubio inito inter duos infideles quorum unus ad fidem convertitur, tum quoque in matrimonio contracto (cum dispensatione) inter fidelem et infidelem.

1º Enimvero, sacramentum in matrimonio quadam tenus sequitur naturam contractus et vinculi naturalis quo cum realiter identificatur. Atqui vinculum matrimonii naturale est relatio *mutua* ; ait namque S. Thomas (Suppl. Q. XLVII, a. 4) : “ Cum matrimonium sit quedam relatio, et non possit innasci relatio in uno extremorum sine hoc quod fiat in altero, ideo quidquid impedit matrimonium in uno, impedit ipsum in altero ; quia non potest esse quod aliquis sit vir non uxoris, vel quod aliqua sit uxor non habens virum, sic nec mater non habens filium : et ideo dicitur communiter quod *matrimonium non claudicat*.”—Quibus ex verbis apposite concludit *Billot* (th. XXXVIII) : “ Sicut impossibile est ut dominium mariti in uno conjugum sit, et non in altero, ita etiam impossibile est ut obligatio viri ad mulierem firmior sit quam mulieris ad virum, aut vice versa : quod tamen accideret, si vinculum ex una tantum parte rationem haberet sacramentum, i. e. si matrimonium foret ratum in fideli, et non ratum in infideli.”

2º Evidem nonnulli arguunt ex majori firmitate matrimonii initi inter fidelem et infidelem, praे unione duorum infidelium quorum unus ad fidem convertitur, ut inferant saltem primum matrimonium ex parte fidelis habere rationem sacramenti. Immerito tamen: in uno enim casu, firmitas provenit non jam ex vi sacramenti, sed ex restaurata a Christo natura connubii qualitate; in altero autem casu, solubilitas privilegium est concessum pro *neo-conversis* et ratione specialis, in qua versantur, conditionis.

Solv. obj. (cont. 1^{am} concl.)—**OBJ. 1.**—Naturale longe differt a supernaturali. Atqui contractus civilis matrimonii est quid naturale, sacramentum autem aliquid supernaturale. Ergo.

RESP. D. M: Naturale *secundum se...* *C*; prouti a Deo *elevatur* in significationem rei supernaturalis et instrumentalem efficientiam gratiae, *N*.—*C.d.m.*—*Neg. conseq.*

Sicuti actus nostri supernaturales intimo gratiae influxu penetrantur et unum quid cum ea efformant, in quo non duæ res, sed duæ ejusdem rei formalites distinguuntur; ita contractus matrimonialis, in ordinem supernaturalis significationis et efficientiae erectus, sit una res cum sacramento, nec nisi formali ratione ab illo distinguendus est.

OBJ. 2.—Ad validitatem sacramenti matrimonii requiritur minister ecclesiasticus. Atqui idem minister non requiritur ad validitatem contractus matrimonialis. Ergo.

RESP. D. M: ...tanquam elementum *essentiale*, *N*; tanquam *conditio* pernecessaria, *S.d*: iis in locis in quibus viget decretum Tridentinum irritans contractus clandestinos fidelium, *C*; ubique et absolute, *N*.—*Trans. m.*—*Neg. conseq.*

OBJ. 3.—Possunt etiam baptizati velle contrahere matrimonium, quin velint cum Ecclesia facere sacramentum. Atqui sine hac intentione faciendi sacramentum, vel id quod Ecclesia ceu tale intendit, sacramentum perfici nequit. Ergo.

RESP. D. M: ...quin velint explicite, *C*; quin velint etiam implicite, *S.d*: et tunc voluntas contrahendi est efficax, *N*; inefficax, *C*.—*C.d.m*: ...sine intentione explicita, *N*; sine intentione saltem implicita, *C*.—*Neg. conseq.*

Ex quo Christus evexit matrimonium ad esse sacramentale, christiani non possunt *prædominante* et efficaci voluntate illud contrahere quin simul velint saltem *implicite* recipere

sacramentum inseparabiliter matrimoniali contractui sociatum.—Attamen posset quis voluntate sua ita sacramentum refugere et excludere ut exclusio ista in ipsum contractum refunderetur propositumque contrahendi *inefficax* redderet: quo in casu neque sacramentum neque contractus haberetur¹.

ARTICULUS III.

De pertinentibus ad constitutionem et naturam sacramenti Matrimonii; seu de ejus ministris, materia et forma.

Statuta generaliori notione sacramenti Matrimonii secundum ejus habitudinem ad contractum naturalem, sequitur, ad *specialiorem* ejus notitiam exprimendam, ut duo controversiae capita elucidemus, *unum* de ministris, *alterum* de materia et forma: hæc enim ad omne sacramentum constituentur.

Quantum ad 1^{um}, triplex recensetur sententia:—auctore præsertim *Melch. Cano*, quem secuti sunt *Estius*, *Sylvius*, *Tournely* aliisque, 1^a sententia tenet sacerdotem esse ministrum qui nuptiali benedictione conficit sacramentum, —2^a sententia, adscripta *Maldonato* et quam defendit *Berluge*, vult sacerdotem ministrum esse ordinarium, extraordinarios tamen ministros esse ipsos conjuges, —3^a tandem sententia, olim communior, nunc communissima, docet ipsos contrahentes tanquam veros ac solos ministros sacramentum efficere.

Quantum ad 2^{um}, supposito quod contrahentes sibi mutuo sacramentum administrent, triplex adhuc opinionum discrepantia comminoratur:—nonnulli cum *Navarro* dixerunt consensum internum esse sacramenti Matrimonii materiam, formam vero consistere in consensu externo per verba aliave signa expresso.—Alii cum *Vasquezio* censuerunt materiam constare ipsis contrahentium corporibus.—Plerique vero cum *Bellarmino* existimant materiam matrimonii esse traditionem corporum, formam vero hujus traditionis acceptationem.

1.—Vid. plures objectiones solutas ap. *Bellarminum*, *Contr. I*, l. I, c. 8.

Conclusio 1^a. — TENENDUM PRORSUS EST SACRAMENTUM MATRIMONII ADMINISTRARI NON JAM PER SACERDOTEM, SED PER IPSOS CONTRAHENTES VELUTI PER MINISTROS. — Doctrina hæc ceu *certa* propugnanda est.

1^o Revera, secundum ea quæ in *thesi præc.* demonstravimus, sacramentum Matrimonii est ipse contractus legitime factus. Atqui contractus matrimonialis manifeste perficitur a contrahentibus. Ergo contrahentes sunt ministri sacramenti.

2^o *Scholæ sensus* ore D. Thomæ aperte favet; ait enim S. Doctor (Suppl. Q. XLV, a. 5 ad 2): "Actus noster in poenitentia, quamvis sit de essentia sacramenti, non tamen est sufficiens ad inducendum proximum effectum sacramenti, scil. absolutionem a peccatis; et ideo oportet quod ad perfectionem sacramenti interveniat actus sacerdotis. Sed in matrimonio actus nostri sunt causa sufficiens ad inducendum proximum effectum qui est obligatio, quia quicunque est sui juris, potest se alteri obligare; et ideo *sacerdotis benedictio non requiritur* in matrimonio, quasi de essentia sacramenti."

3^o Idem evincitur ex *praxi liturgica* et *canonica Ecclesie*. — a) Ex *praxi liturgica*; etenim *Martene* (De antiq. eccl. rit. P. II, c. 9, a. 1) testatur antiquos totam sacramenti matrimonii essentiam reposuisse in consensu mutuo contrahentium, et apud illos fuisse inaudita verba parochi: "Ego vos conjungo" etc., que desiderantur in omnibus fere ritualibus ab eo exhibitis. — b) Ex *praxi canonica*; indulserunt enim Pontifices (Pius VI, Gregor. XVI) ut parochi matrimonii mixtis assistere coacti, quando pars acatholica nollet jurando acceptare conditiones ab Ecclesia prescriptas, praestarent presentiam mere materialem, sine ullo religioso ritu negataque benedictione: que tumen matrimonia pro sacramentis ab Ecclesia semper sunt habita.

4^o Ex *Conec. Trid.* (Sess. XXIV, cap. 1 de reform. matrim.) sic arguere licet: ¹

a) Sacra Synodus declarat matrimonia clandestina, i. e. extra sacerdotis presentiam contracta, vera et *rata* fuisse ante decretum Trid. quo irritantur, et modo etiam valere pro locis ubi decretum illud non fuerit promulgatum. Atqui, juxta loquendi modum schole ipsiusque Ecclesie (cf. decr.

1—Cf. de Augustinis, th. III.

Innoc. III, *de divortiis*, c. 7), matrimonia ideo rata dicuntur, quia sacramenti firmitatem habent. Ergo benedictio sacerdotis non requiritur ad sacramenti essentiam.

b) Prieterea, ad validitatem sacramenti, cuius minister est sacerdos, requiritur in ore sacerdotis forma verborum determinata. Atqui Conc. Trid. id minime requirit: ergo, *Min.* ostend, dupliciter: — *primo*, quia vis Trid. decreti eo spectat ut *praesentiam* sacerdotis, non autem prolatione in verborum, necessariam oratione ad valide contrahendum faciat (ut patet tum ex contextu, tum ex historia Concilii); *secundo*, quia verba "ego vos in matrimonium conjungo in nomine" etc., non determinate prescribuntur, sed *vel haec, vel alia*. Ex quo intelligitur sacerdotem, pronuntiando illa verba, non formam essentialiem sacramenti exprimere, sed sacramentum ritu accidentaliter in facie Ecclesie confirmare.

Conclusio 2a.—MATERIA SACRAMENTI MATRIMONII REPONENDA EST IN TRADITIONE CORPORUM SIBI A SPONSIS MUTUO FACTA, FORMA VERO IN CONSENSU SEU IN TRADITIONIS ILLIUS ACCEPTATIONE.

1º Huic thesi *S. Thomas* suffragari videbitur, modo ejus verba rite perpendantur; ait enim (Q. XLV, a. 5): "Ubi cumque est debita materia et debita forma sacramenti, ibi est sacramentum. Sed in occulto matrimonio servatur debita materia, quia ibi sunt legitimae personæ ad contrahendum, et debita forma, quia ibi sunt verba de presenti *consensu* exprimentia. Ergo est ibi verum matrimonium." Hic quidem *S. Doctor* pro materia assignat personas seu corpora contrahentium, quia loquitur de materia *remota* et *circa quam*. Prius vero, loquens de materia *proxima* et *ex qua*, dixerat (Q. XLII, a. 1 ad 2): "Sicut poenitentia non habet aliam materiam nisi ipsos *actus* sensui subjectos, qui sunt loco materialis elementi, ita est de matrimonio." *Actus* contrahentium gerens vicem materie est traditio corporum.

2º Ad naturam sacramenti Matrimonii determinandam, inspicienda est ratio contractus, reliquorum contractuum instar. Atqui in contractibus materia et forma sunt actus contrahentium, ita ut traditio locum teneat materie, acceptatio autem seu consensus locum formae. Ergo, *Min. prob.* Illud habet rationem materie quod est determinabile, habet autem rationem formæ quod est determinativum. Atqui in omni

contractu civili traditio est quid determinabile, determinatur vero et compleetur in ratione perfecti contractus per acceptationem seu consensum: ergo.—Notandum tamen verba, a contrahentibus prolata in sacramento Matrimonii, continere simul sub diverso respectu materiam et formam: *materiam* quidem, in quantum exprimunt mutuam corporum traditionem; *formam* vero, in quantum exprimunt ejusdem traditionis acceptationem.

Solv. obj. (cont. 1^{am} concl.).—OBJ. 1.—Sacramentum Matrimonii pertinet ad mysteria Dei. Atqui Ap. sacerdotes vocat "dispensatores mysteriorum Dei" (1 Cor. IV, 1). Ergo,

RESP. C. M.—*D.m* :...quatenus sacerdotum est *moderari* res sacras, *C*; quasi laicus non possit ullam rem sacram, sub Ecclesiæ moderamine, *confidere*, *N*.—*Neg. conseq.*

OBJ. 2.—Sacraenta sunt ceremoniæ sacre. Atqui verba, quibus matrimonium contrahentes se mutuo obligant, nihil sacri habent. Ergo,

RESP. C. M.—*D.m* :...spectatis verbis illis in ore ethnico-rum, *C*; in ore christianorum rem exequentium quam Deus ad esse sacramentale elevavit, *N*.—*Neg. conseq.*

OBJ. 3.—*Veteres* (Tertull., S. Ambros., etc.) passim ex benedictione sacerdotali sanctitatem matrimonii repetunt.—*Imo concilia* quedam particularia (Coloniense, Camera-cense, etc.) necnon varia *ritualia* sacerdotem veluti Matrimonii ministru m exhibent aut declarant. Ergo,

RESP. ad 1^{am}, laudatos veteres non ita esse accipiendo quod requirant sacerdotalem benedictionem ut *essentialē* sacramento; sed quia benedictio illa, mandato Ecclesiæ praescripta, secum fert sanctitatem quamdam *accidentalem* sacramento adjunctam.—Ad 2^{am} dico, sacerdotem a conciliis quibusdam et ritualibus exhiberi ministrum Matrimonii, non quoad substantiam, sed quoad *solemnitatem*, uti contextus aliœve circumstantie suudent¹.

1—Vid. plura ap. de Augustinis, *l. cit.*

ARTICULUS IV.

De bonis matrimonii.

(Q. XLIX)

1º Quanquam ens et bonum convertuntur, diversa tamen est utriusque ratio. Unde explorato sacramento Matrimonii sub ratione *entis*, manet ut de illo dicamus sub ratione *boni*.

2º Ex S. Augustino aliisque Patribus impugnantibus hereticos qui negabant nuptias esse licitas, inductum est in scholas matrimonium ideo esse licitum, quia per bona quædam excusat. — Excusatio autem istiusmodi sumenda est non quidem *subjective* seu ex parte agentis, cui v. g. propter ignorantiam culpa non imputetur, sed *objective* seu ex parte rei quæ per bona honestatur (a. 4). — Rursus bona, quæ matrimonium colonestant, ipsum *intrinsece* ingrediuntur; ideoque matrimonium eis indigere dicitur non quasi quibusdam externe excusantibus, "sed quasi causantibus in ipso honestatem quæ ei secundum se competit" (a. 1 ad 2).

3º Duo ex doctrina Angelici determinabimus, *an* requirantur quædam bona ad excusandum matrimonium, et *quæ* aut *qualia* sint ista bona.

Conclusio. 1º.—MERITO INDUCUNTUR QUÆDAM BONA AD EXCUSANDUM SEU HONESTANDUM MATRIMONIUM,

1º Hujus rei indicium in *Scriptura* continetur;—siquidem ubicumque datur indulgentia, ibi necesse est aliqua excusationis ratio habeatur. Atqui, auctore Ap. (1 Cor. VIII, 6), matrimonium conceditur secundum *indulgentiam* quædam. Ergo logicum est ut propter aliqua bona sic indulgeatur.

2º *S. Thomas* sequenti *rationis* discursu procedit:

a) *Primo ex damno* quod per matrimonium incurritur:—“ Nullus sapiens debet jacturam aliquam sustinere, nisi pro aliquo recompensatione alicujus æqualis vel melioris boni. Unde electio alicujus quod aliquam jacturam habet annexam, indiget alicujus boni adjunctione per enjus recompensationem ordinetur et honestetur. In conjunctione autem viri et mulieris *rationis jactura* accedit: tum quia propter vehementiam delectationis absorbetur ratio, ut non possit aliquid intelligere in ipsa, ut Philosophus dicit, VII Ethic., c. 11; tum etiam propter tribulationem carnis, quam oportet tales sustinere ex sollicitudine temporalium, ut patet 1 Cor. VII. Et ideo talis conjunctionis electio non potest esse ordinata, nisi per

recompensationem aliquorum ex quibus dicta conjunctio honestetur: et haec sunt bona quae matrignonum excusant et honestum reddunt" (a. 1).

b) Ex specie mali quae matrimonio inest:—Illud enim proprie meritoque dicitur excusari quod aliquam similitudinem mali praesefert, et tamen, ratione bonorum quae importat, non est malum vel non tantum quantum appareat. Atqui actus matrimonialis (qui idem est in specie naturæ cum actu adulterii) similitudinem praesefert actus inordinati et turpis; in specie autem moris, bonis ornatur. Ergo per bona ista merito excusari ac honestari judicatur, eo ferme modo quo occisio hominis per bonum salvandæ societatis excusatur ac honestatur (Q. XLI, a. 3 ad 4-5).

Conclusio 2^a.—CONVENIENTER ASSIGNANTUR TRIA MATRIGNONII BONA, SCIL. PROLES, FIDES ET SACRAMENTUM; QUORUM TAMEN UNUM EST PRINCIPALIUS ALTERO.

1^a Pars ostendit:

1^o Auctoritate Catech. Trid. (P. II, n. 30): "Docendi sunt, inquit, fideles, tria esse matrimonii bona: prolein, fidem, sacramentum; quorum compensatione illa incommoda leniuntur, quae Ap. indicat his verbis: *Tribulationem curvis habebunt huiusmodi*¹. Efficiturque ut conjunctiones corporum, quae extra matrimonium merito dammandae essent, cum honestate conjunctæ sint."

2^o Ex natura rei: matrimonium enim, quod bonis honestari contendimus, spectari potest vel secundum rationem officii naturalis, vel secundum rationem sacramenti. Jamvero sub primo respectu optime assignatur bonum *prolis* et *fidei*, sub altero autem respectu bonum *sacramenti*: ergo. *Min. decl. per partes*:—1^a ac formalior ratio honestatis, matrimonio competens, desumitur ex parte *finis principalis* ad quem ordinatur, qui est tum procreatio tum quoque educatio et discipula *prolis*; ex quo, ut patet, totumque præstantia emolumenta societati obveniunt. Hinc monet Scriptura (Ecli. VII, 25): *Fili i tibi sunt! erudi illos, et curvi illos* " *pueritiam illorum.* —2^a ratio honestatis petitur ex debita materia super quam matrimonii actus vel officium cadere debet; quod significantur per *fidei*. Fides autem hic accipitur, non jam pro prima virtute theologica, sed pro flē-

1—1 Cor. VII, 28.

litate et justitia, qua vigente conjuges neque ad alienum thorum accedunt, neque debitum sibi invicem reddere detrectant. — 3^a ratio honestatis respicit matrimonium ut est sacramentum seu sacrum *signum indissolubilis unionis Christi cum Ecclesia*; unde dicitur bonum *sacramenti*. In quo bono intelligitur tum inviolabilis amor quo conjuges, sensa Christi erga Ecclesiam imitantes, se mutuo diligunt ac perpetuo conjuncti manent, tum multiplex gratia sacramentalis matrimonio christiane contracto annexa¹.

2^a Pars manifestatur verbis ipsis *S. Thome* (a. 3): “Aliquid dicitur in re aliqua principalius altero duobus modis: aut quia est essentialius, aut quia dignius.—Si quia *dignius*, sic omnibus modis sacramentum est principalius inter tria conjugii bona, quia pertinet ad matrimonium, in quantum est sacramentum *gratiae*; alia vero duo pertinent ad ipsum, in quantum est quoddam naturae officium: perfectio autem *gratiae* est dignior perfectione nature.—Si autem dicatur principalius quia *essentialius*, sic distingendum est, quia fides et proles possunt dupliceiter considerari: *a) uno modo in seipsis*, et sic pertinent ad usum matrimonii, per quem et proles producitur et pactio conjugalis servatur. Sed indivisibilitas, quam sacramentum importat, pertinet ad ipsum matrimonium secundum se, quia ex hoc ipso quod per pactionem conjugalem sibi invicem in perpetuum conjuges tradunt, sequitur quod separari non possunt; et inde est quod matrimonium nunquam invenitur sine inseparabilitate; invenitur autem sine fide et prole, quia esse rei non dependet ab usu suo. Et secundum hoc sacramentum est essentialius matrimonio quam fides et proles. *b) Alio modo* possunt considerari fides et proles secundum quod sunt *in suis principiis*, ut pro prole accipiatur intentio prolis et pro fide debitum servandi fidem, sine quibus etiam matrimonium esse non potest;... et sic proles est essentialissimum in matrimonio, et secundo fides, et tertio sacramentum, sicut etiam homini est essentialius esse naturie quam esse *gratiae*, quamvis esse *gratiae* sit dignius.”

1—Seite adnotat *Auctor* (Q. LXV, a. 1) tria matrimonii bona ita se habere quod *proles* convenit conjugi, in quantum est animal; *fides*, in quantum est homo; *sacramentum*, in quantum est fidelis.

QUÆSTIO TERTIA

DE PROPRIETATIBUS MATRIMONII

Ex conjugii natura duæ proprietates proclivis resultantiae nexu consequuntur, scil. *unitas* et *indissolubilitas*; quæ, diversa vi et ratione, exiguntur tum a vinculo naturali tum a sacramento.—*Unitas* quidem se primum considerandam præbet (art. 1). *Indissolubilitas* autem tripliciter potest spectari pro ternaria divisione alibi tradita, scil. matrimonii *legitimi* (art. 2), *rati* (art. 3) et *consummati* (art. 4).—Unde quatuor articuli jamjam exponendi.

ARTICULUS I.

Utrum pluralitas uxorum lege naturali vel positiva prohibeatur.

(Suppl. Q. LXV, a. 1-2)

1º *Unitas* matrimonii seu *monogamia* solvit: vel per conjunctionem unius mulieris cum pluribus viris, et id est *polyandria*; vel per conjunctionem unius viri cum pluribus mulieribus, et id vocatur *polygynia*, communius *polygamia*.—*Polygamia* autem alia est *simultanea* et simpliciter dicta, quatenus unus cum pluribus simul conjungatur; alia *successiva*, quam et *bigamiam* nuncupant, quatenus mortua una uxore matrimonium cum altera contrahatur.

2º *Polyandriam* tum *positiva* tum *naturalis* lex omnino prohibent:—*a) Positiva lex*; ait enim Ap. (Rom. VII, 3): *Mulier, vivente viro, vocabitur adultera, si fuerit cum alio viro.* Unde apud nullas gentes, ne barbaras quidem, consuetudo polyandrica unquam fuit recepta. *b) Lex naturalis*; etenim multiplicitas virorum contradicit non solum fini *secundario* matrimonii in conjugum pace mutuaque relevatio posito, sed etiam (ut arguit *S. Thomas*, a. 1 ad 8) fini

principali seu procreationi et educationi prolis. Siquidem mulier, pluribus viris commixta, de sua fecunditate amittit, ut patet in meretricibus; præterea, cum pater prolis ex plurim virorum congressibus incertus reddatur, educationi paternâ curâ procurandæ manifeste detrahitur. — Quæstio itaque in præsentiarum agitanda versatur circa *polygamiam*.

3º a) *Simultaneam polygamiam liberam etiamnum atque prorsus licitam esse docuit Lutherus*; quem doctrina et praxi secuti sunt *Anabaptistæ*, novissimeque *Mormones* imitari conspicuntur.—E contrario, *Culvinus* aliam abiit in sententiam, videlicet polygamiam non solum in nova lege haud licere, sed neque in veteri unquam fuisse licitam, ideoque veteres patriarchas sese adulterii reos exhibuisse.—Hanc ut calumniam facilius refutarent, nonnulli theologi, inter quos *Perrone*, dixerunt polygamiam simultaneam per se neque jure naturali, neque jure positivo-divino, ante Christum fuisse vetitam: quod tamen assertum communior theologorum opinio abjectit.

b) Ad polygamiam *successivam* quod spectat, *Montaniste* olim (de quibus *Tertullianus*) neenon *Novatiani* secundas nuptias ceu jure divino prohibitas atque irritas damnarunt.—Ecclesia vero catholica semper docuit neque secundas neque ulteriores nuptias per se esse illicitas; nec nisi *particulari jure* factum est apud *Grecos* ut trigamia (excepto casu quo desit proles ex priore matrimonio) et tretragamia inhiberentur.

4º De utraque polygamia, simultanea et successiva, quid ferat veritas definire propositum est.—Simultaneæ autem polygamiae triplex consideratio occurrit, secundum quod *moraliter*, *historice*, ac *evangelice* seu *sacramentaliter* inspirantur. Hinc totidem statuentur conclusiones.

Conclusio 1a.—*MORALITER SUMPTA, POLYGAMIA SIMULTANEA REPUGNAT PRÆCEPTIS LEGIS NATURÆ NON QUIDEM PRIMARIIS, SED SECUNDARIIS.*

Sane vero, id repugnat legi naturæ quantum ad precepta non quidem primaria, sed secundaria, quod neque tollit neque impedit finem principalem a natura intentum, valde tamen impedit finem secundarium. Atqui ejusmodi est polygamia simultanea: ergo.

Maj. expl:—a) *Lex naturalis nihil aliud est quam conceptio homini naturaliter conveniens qua dirigitur ad exer-*

cendas actiones proprias secundum debiti finis exigentiam, sive istae actiones sibi competant ex natura generis, sive ex natura speciei: hinc quidquid actionem reddit inconveniens fini, quem natura in opere aliquo intendit, contra legem naturae esse dicitur.—*b)* Porro, sicuti in cognoscibilibus ratio speculativa ex quibusdam principiis per se notis conclusiones ducit et proximiores et remotiores, ita in operabilibus ratio practica dictat humanae conscientiae praecepta tum primaria tum secundaria. Operabilitas vero diriguntur in finem; qui alius est principalis, alius secundarius. Quapropter, humana actio ita deficere potest ut finem ipsam a natura intentum omnino prohibeat, et tunc adversatur praeceptis legis naturae primariis; sin autem actio vel diligenter reddit minusve decentem finis principalis assecutionem, vel fini secundario quoquinque modo repugnat, tunc adversatur praeceptis legis naturae secundariis.

Min. evolv. per partes:—*a)* *Primo*, finis principalis a natura intentus in matrimonio est procreatio ac educatio proles. Jamvero pluralitas simultanea uxorum neque tollit neque omnino impedit hunc finem; quippe unus vir pars esse potest tum pluribus uxoribus secundandis, tum eorum liberis sufficienter educandis. Ergo simultanea polygamia neque fini principali matrimonii, neque consequenter *primariis* legis naturae praeceptis contrariatur. —*b)* *Secundo*, verum praeter finem principalem matrimonii est finis secundarius, scil. mutuum obsequium quod conjuges pacifice cohabitantes sibi invicem praestant. Atqui huic fini pluralitas uxorum non parum detrahit: tum quia primum est ut communicatio plurium in uno officio lites pariat; tum quia et amicitia maritatis sic dispersa frigescit et dignitas uxorum vilescit (C. G. III, 124). Ergo polygamia simultanea, utpote finem secundarium matrimonii multum impediens, *secundariis* legis naturae praeceptis repugnat.

Conclusio 2^a.—HISTORICE SPECTATA, POLYGAMIA SIMULTANEA PRIMITUS FUIT DIVINO JURE VETITA; A DILUVIO Tamen tum Iudeis tum probabilius ipsis gentibus divina concessione permissa est.

1^a *Pars certa* dici debet.

1^o Namque Adam, divinitus inspiratus, dixisse legitur (Gen. II, 23-24): *Hoc nunc os ex ossibus meis, et caro de*

*carne mea; hac vocabitur virago, quoniam de viro sumpta est. Quamobrem relinquet homo patrem suum, et matrem, et adhaerbit uxori sue; et erunt duo in carne una. Jamvero verbis istis matrimonii unitas liquido enunciatur:—a) primo, quia conjunctio Adami cum Eva, seu unius cum una, proponitur veluti exemplum in futuris matrimonii imitandum: *Hoc nunc os ex ossibus meis... quamobrem etc.*—b) Secundo, quia uxori singulari numero designatur: *et adhaerbit uxori sue.*—c) Tertio, quia asseritur perfecta carnis unitas: *et erunt duo in carne una;* quæ unitas certe deficeret, si caro viri pluribus uxoribus commisceretur.*

2º Inter Patres refero *S. Chrysostomum* dicentem (in Matth., Hom. 62, n. 1): “Animadverte illūm (Christum) non a creatione solum illud affirmare, sed et a præcepto ejus. Non enim dixit ipsum fecisse unum tantum hominem unamque mulierem, sed etiam præcepisse ut unus uni copularetur.”—*Nicolaus* (Resp. ad consult. Bulgar., c. 51) ait: “Duas tempore uno habere uxores nec ipsa origo humanæ conditionis admittit, nec lex christianorum ulla permittit;” et ibidem docet Lamech, omnium primum, adulterii flagitium in duabus uxoribus perpetrasse. — Juxta Conc. Trid. (Sess. XXIV), Christus Adam verba, quæ supra recitavimus, tanquam a Deo prolata referens, unitatem matrimonii aperiens docuit; quod indicat, jam tunc Deum hujus unitatis legem statuisse.—Tandem *Leo XIII* (Encycl. Arcanum): “Id, inquit, declaratum aperteque confirmatum ex Evangelio perspicuum divina J. C. auctoritate; qui Judieis et Apostolis testatus est, matrimonium ex ipsa institutione sua duntaxat inter duos esse debere.”

2ª Pars quatuor distincte enucleanda continet.

Et 1º *Judeis licuit plures habere uxores.*

Etenim a) lex vetus pluralitatem uxorum sine aliqua ejus prohibitione commemorat, utputa (Deut. XXI, 15): *Si habuerit homo uxores duas, etc.*—b) Immo, veteres patriarchæ, ut *Abraham, Jacob*, aliqui viri sanctissimi leguntur plures habuisse uxores; nefas autem est existimare tantos viros, summis laudibus in Scriptura elatos, totam fere vitam in turpi adulterio degisse.—c) Prædicto est *Patrum* testimonium, in specie *S. Augustini* (cont. Faustum, l. XXII, n. 47): “Quid criminis est, quod de pluribus simul habitis uxoribus

objicitur sancto viro Jacob? Si naturam consulas, non lasciviandi, sed gignendi causâ illis mulieribus utebatur. Si morem, illo tempore atque in illis terris hoc factitabatur. Si præceptum, nulla lege (ob concessam a Deo dispensationem) prohibebatur."

2º Probabilius *ipsiis Gentilibus idem licitum fuit*, quatenus nempe concessio facta *directe* Judæis ad Gentiles *extensione quadam* derivata sit.

Sane a) nullibi *Scriptura* infideles proprie polygamiam repiehendit; sic (Gen. XX) Abimelech a Deo vituperatur, non quod Saram ceu alteram uxorem, sed quod eam jam Abraham junctam ducere voluerit.—b) *Esther* vero, mulier sanctissima, nequaquam passa esset se in conjungem Assueri jam uxorati assumi, nisi sibi compertum fuisset etiam apud infideles uxorum pluralitatem licere.—c) Caeterum, non decebat ut apud ethnicos juris naturalis obligatio *strictior* vigeret quam apud electam gentem judaicam.

3º *Nonnisi divina concessione* factum est ut liceret uxorum pluralitas.

a) Expressè id habet *Innoc. III* (Decr. l. IV, t. 19, c. 8 *Gaudemus*): "Nec ulli unquam licuit insimul plures uxores habere, nisi cui fuit divina revelatione concessum, quæ mos quandoque, interdum etiam fas censetur, per quam sicut Jacob a mendacio, Israëlitæ a furto, et Samson ab homicidio, sic et patriarchæ, et alii viri justi, qui plures leguntur simul habuisse uxores, ab adulterio excusantur."

b) Concine *S. Thomas* argumentum evolvit (art. 2): "Pluralitas uxorum esse dicitur contra legem naturæ, non quantum ad prima præcepta ejus, sed quantum ad secunda, quæ quasi conclusiones a primis præceptis derivantur. Sed quia actus humanos variari oportet secundum diversas conditiones personarum et temporum et aliarum circumstantiarum, ideo conclusiones predictæ a primis legis naturæ præceptis non procedunt, ut semper efficaciam habentes¹, sed in majori parte; talis est enim tota materia moralis. Et ideo ubi eorum efficacia deficit, licite ea præternitti possunt. Sed quia non est facile determinare hujusmodi varietates, ideo illi, ex cuius auctoritate lex efficaciam habet, reservatur ut

1—Cf. I-II^m, Q. XCIV, a. 5.

licentiam præbeat legem prætermittendi in illis casibus ad quos legis efficacia non extendere se debet, et talis licentia *dispensatio*¹ dicitur. Lex autem de unitate uxoris non est humanitus, sed divinitus instituta, nec unquam verbo aut litteris tradita, sed cordi impressa, sicut et alia quæ ad legem naturæ qualitercumque pertinent. Et ideo in hoc a solo Deo dispensatio fieri potuit per inspirationem internam, quæ quidem principaliter patribus sanctis facta est, et per eorum exemplum ad alios derivata est eo tempore quo oportebat prædictum naturæ præceptum prætermitti, ut major esset multiplicatio prolis ad cultum Dei educandæ. Semper enim principalior finis magis observandus est quam secundarius. Unde cum bonum prolis sit principalis matrimonii finis, ubi prolis multiplicatio necessaria erat, debuit negligi ad tempus impedimentum quod posset in secundariis finibus evenire."

c) Ex his colligimus, juxta S. Doctorem, rationem potissimum, qua Deus motus est ad permittendum pluralitatem uxorum, fuisse propagationem humani generis, præcipue secundum quod cultui divino magis diffundendo deserviret; qui cultus cum floreret maxime penes Judæos, ideo permissio polygamie primum ac directe Judæis fuit concessa.—Profecto ad idem Providentiae divinae consilium pertinebat quod gens iudaïca quam citissime multiplicaretur non solum in Palestina, sed et *inter exterus nationes*, ad quas et prophetias de Christo et spem futuri Liberatoris suæ propagatione deserret.

4^o *Inde tantum a diluvio* licita fuit polygama.

Ita Patres et theologi communiter:—Ratio est quia, cum

1—*Dispensatio* hic sumenda est, non *strictè* pro relaxatione ipsius legis, immutata manente materia, sed *late* pro ordinatione qua declaretur vel constituantur aliquam materiam non comprehendendi sub lege. Nequit enim Deus legem naturæ, quippe quæ est de intrinseco bonis vel malis, secundum se relaxare; optime tamen potest declarare utcumque aliquam materiam certis in casibus non cadere sub lege, vel etiam supernaturali sua potestate et ex motivo superiori constituere quod aliqua materia destinat sub lege includi. Hinc S. Thomas (I-II^m, Q. C, a. 8 ad 3): "Præcepta decalogi, inquit, quantum ad rationem justitiae quam continent, immutabilia sunt; sed quantum ad aliquam determinationem per applicationem ad singulares actus (ut scilicet hoc vel illud sit homicidium, furtum vel adulterium, aut non), hoc quidem est mutabile." Cf. Billuart, *de Legibus*, Diss. II, art. 4.

ante diluvium maxima foret hominum longævitas, nec adhuc exstaret electus populus judaicus, locns tunc non erat divinæ concessioni circa uxorum pluralitatem.—Hinc tempore antediluviano nullus justus legitur plures habuisse uxores, et supra vidimus Lamech polygamum pro adultero esse habendum¹.

Conclusio 3^a. — SECUNDUM ECONOMIAM EVANGELICAM ET SACRAMENTALEM, POLYGAMIA SIMULTANEA EST OMNINO PROHIBITA.—Hoc ad fidem pertinet, prout declaravit Trid. (Sess. XXIV, can. 2): “Si quis dixerit, licere christianis plures simul habere uxores, et hoc nulla lege divina esse prohibatum; A. S.”

1^a) Christus matrimonium ad suam primævam institutionem revocavit, inquiens (Matth. XIX, 4-6): *Non legistis quia, qui fecit hominem ab initio, masculum et feminam fecit eos? et dixit: Propter hoc dimittet homo patrem et matrem, et adhærebit uxori sue, et erunt duo in carne una. Itaque jam non sunt duo, sed una caro.* Jamvero ex primæva sua institutione matrimonium esse unius cum una, superius constitit: ergo.—Rursus ait Christus (Luc. XVI, 18): *Omnis qui dimittit uxorem suam, et alteram dicit, mœchatur:* cf. Matth. XIX, 9; Marc. X, 11-12. “Si ergo, monet *Innoc.* III (l. IV, t. 19, c. 8 *Gaudemus*), uxore dimissâ, duci alia de jure non potest, fortius et ipsâ retentâ; per quod evidenter appetit pluralitatem in utroque sexu, cum non ad imparia judicentur, circa matrimonium reprobandam.”

b) Scribit S. Paulus (1 Cor. VII, 4): *Mulier sui corporis potestatem non habet, sed vir. Similiter autem et vir sui corporis potestatem non habet, sed mulier.* Porro haec verba dupliciter polygamiam simultaneam prohibit: primo, quia vir, utpote sui corporis potestatem amplius non habens, nequit

1.—Facta distinctione inter uxores et concubinas, ostendit Auctor (Q. cit., a. 3-5) pluralitatem *concubinarum*, utpote contrariau bono prolis ideoque primis preceptis legis nature, nullo tempore fuisse licitam, nec etiam ex dispensatione. Quocirca, ubi in V. T. legitur aliquos concubinas habuisse quos necesse sit a peccato mortali excusari, intelligendum est mulieres illas fuisse eis matrimonialiter conjunctas in finem principalem conjugii, etsi non in finem secundarium, ita ut et aliquid *uxoris* et aliquid *concubine* haberent.

eam dare conjugi supervenienti. *Secundo*, quia inde liquet paria esse conjugum jura; mulier autem, *vivente viro*, vocabitur adultera, si fuerit cum alio viro (Rom. VII, 3). Ergo a pari vir, vivente muliere, vocabitur adulter, si alteram uxorem duxerit.

2º Traditio hac de retum *Patrum* sententiis tum *Conciliorum* declarationibus illustratur.—Sic *Clemens Alex.* (Strom. l. III, c. 12) docet quod Christus “non amplius concedit polygamiam.” Et *S. Ambrosius* (De Abrah. l. I, c. 7): “Non licet tibi, uxore vivente, uxorem ducere. Nam et aliam querere, cum habeas tuam, erimen est adulterii.”—Consonant verba *Conc. Milevitani* (417), c. 17: “Placuit, ut secundum evangelicam et apostolicam disciplinam neque dimissus ab uxore neque dimissa a marito alteri conjugatur, sed ita maneant aut sibimet reconcilientur.” Cf. *CC. Lugdun.* II et *Flor.*—Si qv.e autem facta ex historia ecclesiastica apparent quibus polygamia simultanea confirmari videatur, aestimandum est aut facta illa fictitia esse, aut non recepisse Ecclesiae approbationem, aut agi in eis de matrimonio non consummato quod a S. Sede dissolvi potest ita ut novo detur locus conjugio (cf. *Sasse*, th. IV).

3º Duplex ratio restaurandæ a Christo monogamiæ aderat:—*1ª* ex *perfectione N. Legis*. Præsens enim economia, pro sua excellentia, perfectiora instituta requirit. Atqui perfectio debita matrimonio, de ipso jure naturæ, est quod unis unius viri uxor: ergo.—*2ª* ex *significatione sacramenti*. Etenim, ut ratiocinatur *S. Thomas* (C. G. IV, 78), “quia per coniunctionem maris et feminæ Christi et Ecclesie conjunctio designatur, oportet quod figura significato respondeat. Conjunctio autem Christi et Ecclesie est unius ad unam perpetuo habendam; est enim una Ecclesia... nec unquam Christus a sua Ecclesia separabitur; dicit enim ipse (Matth. XXVIII, 20): *Ecce ego vobiscum sum...usque ad consummationem sæculi...* Necesse est igitur quod matrimonium, secundum quod est Ecclesie sacramentum, sit unius ad unam indivisibiliter habendam.”

Conclusio 4ª.—POLYGAMIA SUCCESSIVA NON INTERDICI-TUR JURE DIVINO, NEQUE PROHIBET IN MATRIMONIO RATIONEM SACRAMENTI.

1ª Pars constat ex *Eugenio IV* (Decr. pro Jacobitis):

"Declaramus non solum secundas, sed tertias et quartas atque ulteriores (nuptias), si aliquod impedimentum non obstat, licite contrahi posse. Comendatores tamen dicimus, si ulterius a conjugis abstinentes, in castitate permanescint."

1^o Sane, Ap. diserte scribit (1 Cor. VII, 39): *Mulier alligata est legi, quanto tempore vir ejus vivit; quod si dormierit vir ejus, liberata est; cui vult, nubat, tantum in Domino.* Quin imo viduas periculo incontinentiae obnoxias hortatur ad conjugium, dicens (1 Tim. V, 14): *Volo juniores nubere, filios procreare.* Idem autem de viris valere debet.—2^o E Patribus recitetur *S. Hieronymus* (Ep. 48 ad Pamphach. n. 9): "Eribescat, ait, calumniator meus, dicens me prima damnare matrimonia, quando legit: Non damno digamos et trigamos, et si dici potest, octoganos. Aliud est non damnare, aliud praedicare; aliud est veniam concedere, aliud laudare virtutem."—3^o *Ratio manifesta* est; quandoquidem, soluto per mortem vinculo matrimoniali, nihil habet praecedens conjugium quod de se prohibeat novas nuptias (*S. Th. Q. LXIII, a. 1.*).—4^o Tamen, quia iteratae nuptiae vel affectum libidinosum arguntur vel saltem quamdam incontinentiae speciem prius se ferunt, ideo *nonnulli Patres* illas severius reprehenderunt; item, quandoque olim *pénitentia* bigamis imponebatur; eadem de causa, Ecclesia non impertitur secundis nuptiis *solemnam benedictionem* pro sposo et sponsa *praescriptam*.

2^o *Pars parvo negotio expeditur.*

Ubicumque enim inveniuntur illa que sunt de essentia sacramenti, ibi verum existit sacramentum. Atqui in secundis nuptiis sive ex parte materie, sive ex parte formae et ministrorum, nihil deest eorum quae ad essentiam sacramenti matrimonii requiruntur: ergo secundie nuptiae veram *sacramenti rationem* habent (Q. LXIII, a. 2).—Attamen, cum nuptiae ille careant honore ac *plenitudine* significationis sacramentalis qua representetur conjunctio unius Christi cum una Ecclesia, ideo bigamia, in eo qui ad ministerium sacramentorum destinatur, canonicaem *irregularitatem* "ex defectu sacramenti" dictam inducit (Q. LXVI, a. 1).

Solv. obj.—Obj. 1 (cont. 2^o p. 2^o conel.).—Jus naturale semper et ubique eamdem vim consequitur. Atqui pluralitas

uxorum prohibetur jure naturali. Ergo nunquam potuit esse licita.

RESP. *D. M*:...quantum est *de se*, *C*; nec *per accidens* impediti ac variari potest, saltem quoad præcepta secundaria, *N*.—*C.d.m*:...secundum *se*, *C*; absque possibilitate dispensationis ex parte Dei, *N*.—*Neg. conseq.*

OBJ. 2.—Deus, cum sit naturæ conditor, non facit aliquid contra rationes quas naturæ inseruit (August.). Atqui Deus ipse naturæ humanæ inseruit quod una sit uxor unius viri. Ergo.

RESP. *D. M*:...i. e. non *permitt* ordinem communiorem illarum rationum, *C*; non facit aliquid *præter* illas rationes naturæ insertas, pro exigentia specialium circumstantiarum ad quas non se extendunt, *N*.—*C.d.m*:...regulariter, *C*; essentialiter, *N*.—*Neg. conseq.*

OBJ. 3 (cont. 3^{am} conc.).—Ideo Deus pluralitatem uxorum induxit, ut cultus Dei multiplicata prole dilataretur. Atqui haec concessionis divinae causa adhuc perseverat. Ergo.

RESP. *D. M*:... ut cultus Dei dilataretur *carnali* propagatione, *C*; propagatione *spirituali*, *N*.—*C.d.m*:...existit ratio propagandi cultus divini spiritualibus mediis que Christus tempore plenitudinis gratie instituit, *C*; mediis carnalibus que congruebant legi veteri, *N*.—*Neg. conseq.*

ARTICULUS II.

*Utrum matrimonium legitimum, quale inter infideles
contrahitur, sit indissolubile.*

(Q. LXVII; Q. LIX, a. 3-5)

1^o Altera matrimonii proprietas considerationi nostræ offertur, scil. *indissolubilitas*.—Indissolubilitati quidem opponitur dissolutio seu *divortium*: divortium autem aliud est completum et *simpliciter*, consistens in solutione ipsius vinculi matrimonialis; aliud est incompletum et *secundum quid*, positum in separacione a thoro vel etiam ab habitatione.—De hac postrema separatione loqui, munus est cano-

nistarum ac moralistarum proprium; nos de separatione duntaxat quoad *vinculum* dissere suscipimus.

2º Porro, indissolubilitas vinculi matrimonialis spectanda est preprimis in matrimonio naturaliter sumpto et præcisione facta a ratione sacramenti; quod matrimonium *legitimum* vocant ipsique infideles valide contrahunt.—Hoc autem sub respectu, triplex quæstio solvendam se præbet: *primo*, an secundum primævam suam institutionem conjugium sit indissolubile; *secundo*, an indissolubilitas illa, si conjugio naturaliter conveniat, pati tamen possit ac reapse passa sit penes Judæos in libello repudii dispensationem divinam; *tertio*, an etiamnum matrimonium infidelium privilegio divino solvi valeat.

3º a) Quoad 1^{um}, nemo est qui ignoret quam late olim divertiorum praxis in *ethnicorum* societate grassaretur; ubi, docente *Leone XIII* (Encycl. *Arcanum*), "fides nuptialis tanta cum licentia violari coepit ut magnam veri similitudinem habere videatur quod a nonnullis scriptum legimus, mulieres non mutatione consulum, sed maritorum, enumerare annos consuevisse."—Præante *Protestantium* doctrina, plures *jurista* sicc. XVIII contendunt matrimonium snapte natura non esse indissolubile, ejusque fœdus mutuo contrahentium consensu rescindi posse: que principia adeo invulnerunt ut tum mores tum leges pluribus in regionibus inficerint ibique veluti quamdam paganismi renovationem adduxerint.

b) Quoad 2^{um}, duplex circumferunt sententia: *una* enim, ac in medio aëvo communior, tenet apud Judæos per libellum repudii non fuisse solutum vinculum ipsum matrimonii, sed solummodo *toleratum* ut uxor, certis de causis, dimitteretur; *altera* sententia, hodie vulgatori, vult repudium illud fuisse ex dispensatione divina *licitum*, quatenus vinculum conjugale reapse dissolvetur et uxori repudiatio facultas daretur convolandi ad novas nuptias. Primum opinionem defendunt *S. Bonaventura*, *Estius*, *Sylvius*, etc; secundam vero *Gonet*, *Billuart*, *Sasse*, etc.

c) Quoad 3^{um}, de privilegio, ut hiunt, *Paulino*, quo matrimonium in infidelitate contractum et etiam consummatum, alterutro conjugio ad fidem converso, quandoque secundum vinculum ipsum dissolvi queat, dubitatum non fuit usque

sæc. XVIII ; qua ætate, Jansenianorum asseclæ, capta occasione conversionis ad fidem cuiusdam judæi nomine Borach Levi, privilegium illud acriter impugnarunt.—Rem totam hujus articuli tribus in conclusionibus distributam determinabimus.

Conclusio 1^a.—**MATRIMONIUM VI POSITIVÆ SUÆ INSTITUTIONIS, IMMO ET IPSIUS JURIS NATURÆ, INDISSOLUBLE DICI DEBET.**

1^a *Pars est de fide*, siquidem non solum *Patres Trid.* (Sess. XXIV, *prot. ad Matr.*), sed et RR. PP. *Bonifacius VIII* (in 6 Dece. l. III, t. 15), *Pius VI* (Ep. ad episc. Agriensem, 1789), et *Leo XIII* (Eneyel. Arcunum) doctrinam illam asseruerunt. En verba *Pii VI*: “Manifeste patet matrimonium vel in ipso statu naturæ, ac sane ante multo quam ad proprie dicti sacramenti dignitatem evehetur, sic divinitus institutum esse ut secum afferat perpetuum indissolubilemque nexum, qui proinde nulla lege civili solvi queat.”

Summum argumentum suppeditant *verba Christi* (Matth. XIX). Interrogatus enim a pharisæis *si licet homini dimittere uxorem suam*, respondit Jesus : *Non legistis quia qui fecit hominem ab initio, masculum et feminam fecit eos ? et dixit : Propter hoc dimittet homo patrem et matrem, et adhaerabit uxori suo, et erunt duo in carne una. Itaque jam non sunt duo, sed una caro. Quod ergo Deus coniunxit, homo non separaret...* *Moyses vel duritiam cordis vestri permisit vobis dimittere uxores vestras; ab initio autem non fuit sic.* Jamvero in his verbis plura sunt que vinculum conjugale ex prima Dei institutione hanc dissoluble esse nos convineunt : a) primo namque Christus aperte declarat non esse ab homine separandum quod *Dens* copulando Adamum et Eym coniunxit. b) Secundo addit Dominus separabilitatem matrimonii solo Dei *permisit* et primævie institutionis *mutatione* fuisse introductam. c) Tertio, ex doctrina Christi *firmius* esse oportet vinculum inter conjuges quam inter filium et parentes; vineulam autem existens inter filium et parentes perpetuitatem quamdam vindicat. d) Quarto, associari vir debet uxori sue per *adhaereniam*, qua flat *una caro*, non solum actualiter, sed et *habitualiter*; quibus indivisibilitas maritalis unionis plane describitur.

e) *Quinto tandem S. Joan. Chrysost.* (Hom. 62 in Matth. n. 1) de Deo creante ait: "Ex modo creationis et ex forma legis ostendit, unum debere *semper* cum una habitare, neque unquam separari."

2^a *Pars* ulterius habet indissolubilitatem illam fundari in *jure naturae*; quod *Pius VII* (Brev. ad archiep. Mogunt., 1803) sic declaravit: "Licet talis indissolubilitas matrimonii vinculo conveniat maxime quatenus est sacramentum, tamen id etiam quatenus est *naturae officium* convenit ut dissolvi non possit, et proliis educandae studio et aliis matrimonii bonis repugnat ut ejus vinculum sit dissolubile ¹."

1^a Argumentum summi potest ex supra dictis; quippe indissolubilitas, quam legimus (Matth. XIX) Deum dedisse humano consortio, illud instituendo, satis intelligitur prodire ex ipsius matrimonii indole, secundum quam conjuges sunt *una caro*. Ad rem *S. Chrysost.* (*l. cit.*): "Jam non sunt duo, sed *una caro*. Sicut ergo carnem secare scelestum est, ita et uxorem dirimere iniquum. Neque hic stetit (Christus), sed Deum quoque attulit dicens: *Quod ergo Deus coniunxit, homo non separet*; ostendens illud et contra naturam et contra legem esse: *contra naturam*, quia *una caro* dissecatur; contra legem, quia eum Deus coniunxerit et juss erit non separare, vos id facere tentatis."

2^a Illud repugnat juri naturae quod tum *fini primario*, tum *finibus secundariis* matrimonii adversatur, malaque multimoda individuis, familiis et societati parit. Atqui ejusmodi est dissolubilitas vinculi conjugalis: ergo *Mir. decl.* per partes.

a) *Primo* dissolubilitas adversatur *fini primario* matrimonii. Etenim matrimonium naturam ordinatur principaliter ad bonum proliis. Porro in hono proliis, secundum quod est de

1.—Dannata est in Syllabo prop. 67^a: "Jure naturae matrimonii vinculum non est indissolubile, et in variis casibus divortium proprium dictum auctoritate civili saneri potest." Eodemque spectant verba Leonis XIII (Encycl. *Arcanum*): "Quia modo passim libuit humanum jus in locum *naturalis* et divini supponere, deleri non solum ceperit matrimonii species ac notio pravantissima quam in *animis hominum impresserat* et quasi consignaverat natura; sed in ipsis etsi christianorum conjugis, hominum vitio, multum vis illa debilitata est magnorum bonorum procreatrix".

prima intentione naturæ, intelligitur procreatio, et nutritio, et instructio, quoisque proles ad perfectam ætatem ducatur; verum, insuper, ad *secundam intentionem* legis naturæ pertinet quod parentes, seipsoꝝ quodammodo in filiis perpetuantes, iisdem provideant per hæreditatis donum omniꝝ mque utilium bonorum præparationem (S. Th. Q. LVII, a. 1-2; C. G. III, 123). Atqni dissolutio vinculi matrimonialis, prouti citius vel tardius acciderit, vel utramque vel saltem secundam naturæ intentionem defrundat. Ergo.

b) Secundo dissolubilitas adversatur *finibus secundariis* matrimonii. Ad hos enim fines pertinent mutua conjugum amicitia mutuumque adjutorium. Atqui dissolubilitate matrimonii *bona hæc* prohibentur: prohibetur *amicitia* que, protam arcta corporum animorumque conjunctione, maxima esse debet, nec maxima esse potest ubi nequeat sibi perpetuitatem reppromittere. Prohibetur *adjutorium* mulieri præsertim debitum; nam, ut observat S. Thomas (C. G. III, 123), "cessante fecunditate mulieris et decoro, impeditur ne ab alio assumatur. Si quis igitur mulierem assumens tempore juventutis, quo et decor et fecunditas ei adsunt, eam dimittere posset postquam ætate provecta fuerit, damnum inferret mulieri contra naturalem aequitatem." Ergo.

c) Tertio dissolubilitas *maxima purit mala individuis, familias, et societati*. Graphice illa damnata describit Leo XIII (Encycl. Arcanum), inquiens: "Quanti materiam mali in se divortia contineant, vix attinet dicere. Eorum enim causæ fiunt maritalia fœdera mutabilia; extenuatur mutua benevolentia; infidelitati perniciosa incitamenta suppeditantur; tuiationi atque institutioni liberorum nocetur, dissuendis societibus domesticis præbetur occasio; discordiarum inter familias semina sparguntur, minuitur ac deprimitur dignitas mulierum que in periculum veniunt ne, cum libidini virorum inservient, pro derelictis habeantur.—Et quoniam ad perdendas familias frangendasque regnorum opes nihil tam valet quam corruptela morum, facile perspicitur prosperitatí familiarium ac civitatum maxime iniuncta esse divortia; que a depravatis populorum moribus nascentur ac, teste rerum usu, ad vitiosiores vitae privato et publice consuetudines aditum januamque patefaciunt.—Multoque esse graviora hæc mala constabit, si consideretur frenos nullos futuros tantos, qui

concessam semel divertiorum facultatem valeant intra certos aut ante provisos limites coercere. Magna prorsus est vis exemplorum, major cupiditatum: hisce incitamentis fieri debet ut divertiorum libido latius quotidie serpens plurimorum animos invadat quasi morbus contagione vulgatus, aut agmen aquarum, superatis aggeribus, exundans."

Conclusio 2^a. — CUM INSEPARABILITAS MATRIMONII SUB DISPENSATIONE DIVINA CADERE POSSIT, PROBABILIUS VIDETUR, IN LEGE MOSAICA, PER LIBELLUM REPUDII IPSUM CONJUGALE VINCULUM FUISSE DIRUPTUM.

1^a Pars est de *possibilitate* divinae dispensationis eirea matrimonii vineulum; hanc autem possibilitem post *D. Thomam* (*Q. LXVII, a. 2*) tuemur.

Revera, dispensatio in praeceptis legis naturae comparari potest mutationi cursus rerum naturalium. Jamvero hunc eursum duplicitate mutari contingit: *primo* ex causa naturali impidente, uti quandoque vegetationi accidit; *secundo* ex causa prorsus supernaturali, uti fit in miraculis: in primo quidem casu quae eveniunt frequentius, in altero casu etiam quae ordinantur ut fiant semper, mutationi subsunt. Itaque similiter praecepta nature divina dispensatione modificari possunt, non sane ex parte sui (sic enim indispensabilia sunt), sed ex parte materia quam supremus corporis animorumque Dominus, vel causa naturali potiore vel boni supernaturalis motivo exigente, dominio legis subtractam declarat: exemplum habemus in permisso uxorum pluralitate, neenon in praecepto Abrahæ facto de occisione filii innocentis. Sic et praeceptum de non dissolvendo matrimonio, si gravis urgeat ratio quae bono prolis substantialiter non offleiat, divina dispensationi subbesse potest.

2^a Pars est de *facto*, num scil. reapse per libellum repudii penes Judæos solutum fuerit matrimonii vineulum.

1^o *Libellus repudii* constabat scripto a scribis publicis exarato, quod vir dabant uxori repudiante in separationis testimonium.—Libellus non obtainebatur nisi ex causa in Scripturis recognita, scil. ex *fæditate* uxoris; quæ fœditas (teste *D. Thoma*, art. 6) esse poterat vel spiritualis (fornicatio aut aliquid hujusmodi), vel etiam corporalis (sterilitas, lepra, etc.).—Ideo autem, stante causa legitima, permittat lex repudium, ut cohibetur maius malum, scil. *uxoricidium*,

ad quod proni erant Judæi valde irascibiles fœditasque uxoris eos impellebat.

2º Quamvis plures theologi negent libello repudii fuisse solutum vinculum conjugale, id cum Billuart alisque multis *probabilius* affirmandum censemus :—*a)* Etenim lèx repudii habebat (Deut. XXIV) quod vir, dato libello, *dimitte* uxrem de domo sua; uxor autem repudiata permittebatur ducere alterum *maritum*; qui et ipse poterat ei dare *libellum repudii*. Jamvero cuncta haec obvio sensu subindicant primum matrimonium jure cessans aliudque jure consequens.—*b)* Praeterea, per illam legem prior vir prohibebatur uxorem a secundo viro dimissam denuo recipere; at, si mansisset vinculum conjugale, optanda potius ac prescribenda erat conjugum *reconciliatio*. — *c)* Rursus, si repudiatio uxoris non solvisset vinculum eaque de causa mulierem adulterio exposuisset, debuisset Moyses, debuissent prophetae tam grave malum Judæis objurgare, juxta illud Is. LVIII, 1: *Annuntia populo meo scelera eorum*; quod tamen factum non est.—*d)* Equidem (Deut. XXIV) de uxore repudiata et alteri viro nupta dicitur quod *polluta* est et *abominabilis* facta coram Domino; id tamen intelligi potest non de immunditia culpe quam adulterium induixerit, sed de quadam *irregularitate legali* contracta per secundas nuptias et prohibente redditum ad priorem virum.—*e)* Dixit quoque Christus (Matth. XIX) libellum repudii fuisse a Moyse permissum propter *duritium cordis* Judæorum. Sed, ut notat S. Th. (art. 3 ad 4), “quamvis duritia cordis non excusaret a peccato, tamen *permisso ex duritie facta excusabat*” et novo matrimonio legitimo locum dare poterat.—*f)* Tandem subjicere libet S. Thomam (art. 3) ut *probabilem* habere opinionem nostram, quamvis confiteatur opinionem adversam fuisse suo tempore communiorum!.

1—“Quæstioni, an durante lege veteri repudium licuerit etiam Gentibus, apud quas constat in usu fuisse, multi respondent negative, eo quod nihil de dispensatione facta a Deo pro gentibus extet in SS. Litteris. *Alii vero* affirmant concessionem divortii fuisse *extensam* etiam gentibus, eodem fere modo quo dicitur eis *extensa concessio* quod polygamiam simultaneam. *Alii* deum, ut Kugler, tenent divortium apud Gentiles fuisse *in se illicitum, per accidens* tamen licitum, ratione persuasionis quam gentes habebant illius licitatis, tum propter permissionem legis civilis et consuetudinem, tum etiam propter exemplum populi Hebreæi” (*De Augustinis*, th. VIII, not. 3).

Conclusio 3^a.—EX PRIVILEGIO FIDEI MATRIMONIUM INFIDELIUM, ALTERUTRO CONJUGE AD FIDEM CONVERSO, CERTIS IN CASIBUS QUOAD VINCULUM DISSOLVI POTEST.—Ad intelligentiam quæstionis, notetur *a)* heic affirmari solutionem matrimonii infidelium etiam *consunmati*. *b)* Hæc porro dissolutio haberi potest, si *alteruter* conjux convertatur seu *baptismum* suscipiat, non si uterque conjux baptizetur. *c)* Neque sola baptismi susceptione matrimonium dirimi contendimus, sed quando pars conversa *ad novas nuptias* convolat. *d)* Attamen, vinculum prioris conjugii per novum solvi non potest nisi certi *ub conditionibus*, nempe si conjux infidelis nolit cum fidei habitare, vel si nolit cohabitare sine contumelia Creatoris, aut si partem fidelem ad peccatum inducere concutur. *e)* Dispensatio in hoc casu nuncupatur privilegium *fidei* vel privilegium *paulinum*, quia a D. Paulo fuit in favorem fidei aut promulgata aut etiam divino instinctu decreta¹.

Prob. concl:

1^o Ex verbis Ap. (1 Cor. VII, 12-15): Si quis frater uxorem habet infidelem, et hæc consentit habitare cum illo, non dimittat illam. Et si qua mulier fidelis habet virum infidelem, et hic consentit habitare cum illa, non dimittat virum... Quod si infidelis discedit, discedut; non enim servituti subjectus est frater aut soror in hujusmodi: in pace autem vocavit nos Deus. Porro in his verbis contineri privilegium superius assertum, facile declaratur:

a) Primo, quacum solutionem *vinculi*. Contextus enim demonstrat oppositionem quamdam statui ab apostolo inter conjugium fidelium, de quo in vv. 10-11, et conjugium in infidelitate contractum, de quo nunc agitur. Jamvero hæc oppositio nequit sumi ex parte separationis quoad habitacionem que, in utroque easu, si alteruter conjux discesserit, legitima est. Ergo sumenda est ex parte separationis quoad vinculum, quatenus in primo easu pars discedens "maneat innupta", in altero autem easu vinculo a comparte dissocietur.—Id ipsum (ut optime notat *de Augustinis*) confirmant Pauli verba: *non enim servituti subjectus est frater aut soror in hujusmodi*; que cum sint indefinita et speciale

1.—Utrumque probabile declarat Cornely (Comm. in h. l.), quamquam posterius præfert.

quiddam, privilegii instar, concedere videantur, libertatem ab omni servitute per matrimonium contracta indicant, et præcipue ab illa quæ omnium gravissima est, nempe a servitute vinculi conjugalis.—Eo magis, quia in eadem epistola eodemque capite (vv. 27, 39) Ap. servitutem ligantem accipit pro vinculo matrimoniali.

b) Secundo, quoad conditiones solutionis. Constat enim Apostolum expresse concedere privilegium dissolvendi matrimonii pro casu quo pars infidelis “discedat”, nolens cum fideli cohabitare. Atqui discessio illa dupliciter haberi potest: vel *physice* per corporis separationem, vel *moraliter* per animi aversionem, quatenus conjux infidelis physice quidem cohabitat sed cum contumelia Creatoris et cum periculo pertrahendi partem fidelem ad peccatum. Ergo tres conditiones a nobis recensite cum privilegio paulino apprime cohærent.

2º Ex traditione et praxi Ecclesie.—Patrum sensum declarat S. Chrysost. (Hom. 19 in Cor. VII, n. 3), inquiens: “Quid est autem: si infidelis discedit, discedat? Nam ibi nondum agitur de fornicatione. Quid igitur est: si infidelis discedit? Verbi gratia, si te jubet sacrificare aut sociam impietatis esse propter connubium vel discedere, melius sit disrumpi connubium quam piam religionem.”—Multiplex vero adduci posset suffragium ex RR. PP., præsertim ex Innoc. III, Pio V, Greg. XIII, et Bened. XIV. Iste quidem (De Syn. dœc. I. VI, c. 4, n. 3) absolute scribit: “Certum est infidelium conjugium, ex privilegio in fidei favore a Christo D. concesso et per Ap. Paulum 1 Cor. VII promulgato, dissolvi, cum conjugum alter christianam fidem amplectitur, rennente altero, in sua infidelitate obdurato, cohabitare cum converso.” Responsa stepius data a S. Cong. Concilii omittimus.

3º Rationes congruae proferri in medium possunt.

1ª ratio ex perfectione matrimonii christiani. “Matrimonium infidelium, ait S. Th. Q. LIX, a. 5 ad 1, est imperfectum (utpote deficiens ab illa ratione finis quæ est educatio liberorum in vero Dei cultu); sed matrimonium fidelium est perfectum, et ita est firmius. Semper autem firmius vinculum solvit minus firmum, si sit ei contrarium; et ideo matrimonium quod post in fide Christi contrahitur, solvit matrimonium quod prius in infidelitate contractum fuerat. Unde

matrimonium infidelium non est omnino firmum et ratum, sed ratificatur postmodum per fidem Christi."

2^a ratio ex *bono prolis et conjugum*. Indissolubilitas enim matrimonii hoc tendit ut in primis proles, communis parentum curâ educata, bonorum tum corporalium tum spiritualium provisionem accipiat, necnon ut conjuges sibi inutuum præstent obsequium, neque prohibeantur a superiori bono consequendo. Atqui, conjugum infidelium alterutro ad fidem converso alteroque renuente pacifice cohabitare, tum primarius tum secundarius indissolubilitatis finis in discrimen vocatur; manenteque matrimonii vinculo cum separatione tantum quoad habitationem, non solum neuter finis sufficienter attingi posset, sed conjuges necessitate servandi coactam continentiam a fide amplectenda deterrerentur. Ergo.

4^o Nonnulla ad rem ulterius *explanandam* notare expediet.

a) Primo privilegium paulinum ad eos spectare diximus qui suscepto *Baptismo* fidem christianam profitentur¹. Id porro verificatur, etiam si baptismus in secta *hæretica* vel *schismatica* fuerit receptus.—Nequaquam vero privilegium parti fidi favet, si alter conjux baptizatus *a fide defecrit*, nam, ut de ea re docet *Innoc. III* (Dec. l. IV, t. 19, c. 7), inter fideles ratum existit matrimonium, quod per haeresim dissolvi non potest.

b) Secundo, antequam conversus ad fidem secundas ineat nuptias, necessarium est *interpellare* conjugem adhuc infideli, ut constet, velitne infidelis cum converso pacifice cohabitare vel (ubi non permittitur fidi cum infideli, propter perversionis periculum, habitare) velitne et ipse fidem amplecti. Ratio patet quia, sicut in dubio de morte prioris conjugis, ad secundum conjugium ineundum opus est inquirere, an ille reipsa mortuus sit; sic in easu inquirendum est, an conjux infidelis, juxta paulinam phrasim, reipsa *discedat*.

c) Tertio, si contingat interpellationem fieri non posse ideoque constare nequeat utrum dispositiones partis infidelis locum præbeant utendi privilegio S. Pauli, poterit etiam tunc matrimonium in favorem partis fidelis dissolvi, non quidem

1—Aperte S. Thomas jus privilegii illius ab efficacia Baptismi repetit (Q. LIX, a. 4).

præcise vi paulini privilegii, sed auctoritate *ministeriali* seu *instrumentali* R. Pontificis per quem Deus ipse, tanquam causa principalis, in jure naturali et divino heic dispensat. Duplex casus hujusmodi suppetit: *unus*, in quo ignoratur quænam sit ex pluribus personis conjux legitima, et quoad hunc casum dispensavit *Pius V* (*Const. Rom. Pontificis pro Indis*, 1571), declarans posse virum conversum remanere cum ea uxore quæ cum ipso fuerit baptizata; *alius*, in quo ne scitur ubinam prior conjux inveniatur, et quoad hunc etiam casum dispensavit *Gregorius XIII* (*pro Nigritis*, 1515), decernens partem baptizatam, et a conjuge ita disjunctam ut nequeat fieri interpellatio, valide novum conjugium contrahere. Cujus rei rationem reddit, quia "hujusmodi connubia inter infideles contracta vera quidem, non tamen adeo rata censentur ut necessitate suadente dissolvi non possint." Necessitas autem heic ea ipsa est, ex qua prodit privilegium paulinum.¹

Solv. obj. (cont. 1^{nm} concl.).—OBJ. 1.—Lex naturæ communis est apud omnes. Atqui nulla lege, præter legem Christi, fuit prohibitum uxori dimittere. Ergo.

RESP. *D. M* :...ex naturæ seu Dei legislatoris intentione, *C*; nec *defectum* ex parte hominum pati potest in præceptis saltem secundariis, *N*.—*D. m* :...nulla lege positivo-divina, *N*; positivo-humana, *S.d*: ex *defectu* hominum et imperfectione temporum Christo anteriorum, *C*; quasi defuerit ipsa naturæ lex, *N*.—*Neg. conseq.*

OBJ. 2.—Sacramenta non sunt de lege naturæ. Atqui indissolubilitas matrimoni pertinet ad bonum sacramenti. Ergo.

RESP. *D. M* :...formaliter et *perfective*, *C*; nec *fundamentaliter*, *N*.—*C.d.m* :...i. e. perfectius exigitur a sacramento quam a contractu naturali, *C*; fundamentum non habet in matrimonio naturaliter initio, *N*.—*Neg. conseq.*

OBJ. 3.—Ex matrimonio principaliter queritur bonum prolixi. Atqui indissolubilitas potest contrariari bono prolixi, v. g. in casu sterilitatis alicujus conjugis. Ergo.

RESP. *C. M*.—*D.m* :...*per se* et communiter, *N*; *per accidens* et in aliquo casu, *S.d*: positive, *N*; negative, *C*.—*Neg. conseq.*

1—Vid. plura ap. Gasparri (*Tract. can. de matrim.*, Vol. II, n. 1083 sqq.) aliosque auctores.









IMAGE EVALUATION TEST TARGET (MT-3)



Photographic
Sciences
Corporation

23 WEST MAIN STREET
WEBSTER, N.Y. 14580
(716) 872-4503

1.8
2.0
2.2
2.5
2.8
3.0
3.2
3.4
3.6
3.8

10
11
12
13
14
15
16
17
18

" In legibus matrimonii magis attenditur quid omnibus expeditat, quam quid uni competere possit. Quamvis ergo matrimonii inseparabilitas impedit (sc. negative) bonum prolis in aliquo homine, tamen est conveniens ad bonum prolis *simpliciter*" (Q. LXVII, a. 1 ad 4).

OBJ. 4.—Res, quibus causis nascuntur, iisdem destrui possunt. Atqui matrimonium nascitur consensu conjugum. Ergo.

RESP. Tans. M.—D.m : ... quantum ad existentiam, C; quantum ad essentiam essentialesve proprietates, N.—Neg. conseq.

Consensus conjugum id efficit ut matrimonium contrahatur seu in *existentiam* prodeat; qualis vero *essentia* ac nativis proprietatibus debeat esse ille contractus, non homo, sed Deus, naturae auctor, constituit. Porro Deus constituit conjugale vinculum de se indissolubile. Itaque vinculi hujus firmitas non est *conjugum* arbitrio relicta.

ARTICULUS III.

Utrum matrimonium christianorum ratum, sed non consummatum, possit aliquando quoad vinculum dissolvi.

1º Matrimonium *ratum, non consummatum*, illud intelligimus quod, utpote inter christianos vigens, sacramenti rationem ideoque firmitatem habet, nondum tamen, saltem ex quo sacramentum est, consummationem copulae carnalis accepit.—Duplex questio sub premisso titulo elucidanda offertur: primo, an matrimonium ratum et non consummatum possit per *solemnam religionis professionem* dirimi: et secundo, an praeter hunc casum aliqua competit *Romano Pontifici potestas* idem matrimonium justis de causis quoad vinculum dissolvendi.

2º a) Quoad 1^{um}, observare est dubium non moveri circa religiosam professionem *post consummatum matrimonium habitam*; quæ usum quidem conjugii prohibet, minime vero vinculum abrumpt. At loquimur de professione quæ *ante*

consummationem fiat.—Neque iterum nomine professionis religiosæ heic accipitur simplex ingressus in religionem aut votorum duntaxat simplicium emissio, sed *professio solemnis* seu *solemnium* votorum in religione approbata nuncupatio; per quam ipso facto, etiamsi alter conjugum repugnet, matrimonium dirimi contendimus.—Quo autem *jure*, inter theologos controvertitur: alii enim, de quibus *Bellarminus*, sentiunt id effici solo jure naturali; alii, ut *Billuart*, jure divino-positivo; alii, ut *Sardagna*, jure ecclesiastico; alii demum, ut de *Augustinisis*, *Billot*, jure quidem divino sed consequente Ecclesie determinationem.

b) Quoad 2nd, plures theologi, ut *Scotus*, *Sylvius*, etc., aliquando estimarunt non posse matrimonium ratum aliter dissolvi quam per religiosam professionem, ideoque negari oportere in hac materia omnem R. Pontificis potestatem. Verum hanc sententiam potius antiquatam atque erroneam esse testatur *Bened. XIV* (Quæst. canon., q. 479), inquiens "nullam de potestate Sum. Pontificis moveri amplius posse quæstionem in eo quod attinet ad dispensandum super matrimonio rato et non consummato, cum hodie opinio affirmativa sit *communis* inter theologos et canonistas et in praxi recepta, uti notorium est."

Conclusio 1^a.—MATRIMONIUM RATUM NON CONSUMMATEM SOLEMNI ALTERIUS CONJUGUM PROFESSIONE RELIGIOSA DIRIMITUR; CUJUSNAM AUTEM JURIS EFFICACIA, SUBINDE EXAMINATUR.

1^a *Par* contra Novatores, religiosa vite infensos, definita est a *Trid.* (Sess. XXIV, can. 6): "Si quis dixerit, Matrimonium ratum, non consummatum, per solemnem religionis professionem alterius conjugum non dirimi; A. S."

1^b In argumentum sit prisca Ecclesie *fides et praxis*.—*a)* Etenim sec. XII *Alexander III* (Dec. l. III, t. 32, c. 2) scribit: "Post consensum legitimum do presenti, licitum est alteri, altero etiam repugnante, eligere monasterium (sicut sancti quidam de nuptiis vocati fuerunt), dummodo carnalis commixtio non intervenierit inter eos; et alteri renianti (si commonitus continentiam servare noluerit) licitum est ad secunda vota transire." Ubi patet Sum. Pontificem provocare ad antiquiora sanctorum exempla.—*b)* Sec. XIII *Innoc. III* (*ibid.* o. 14) declarat: "Nos nolentes a prædecessorum nos-

trorum vestigiis declinare, qui respondere consulti, antequam matrimonium sit per carnalem copulam consummatum, licere alteri conjugum, reliquo inconsulto, ad religionem transire, ita quod reliquus ex tunc legitime poterit alteri copulari, hoc ipsum tibi consulimus observandum." Quo rursus loco apparet R. Pontificem non novam, sed jam in Ecclesia receptam, disciplinam sancire.—c) Immo sœc. XVI *Greg. XIII*, pro Nigritis scribens, eisdem noviter conversis facultatem dat ineundi novum conjugium et in eo permanendi, "etiamsi postea innotuerit conjuges priores ad fidem etiam tempore transacti secundi matrimonii conversos fuisse." Ex quo patet Ecclesiam in eo etiam more fuisse ut dissolveret matrimonia rata, non consummata quidem a tempore quo sacramenti rationem induerunt, sed certo certius ante illud tempus, scil. *in infidelitate, consummata*.

2º Conf. *exemplis sanctorum*.

a) Referunt veteres¹ atque laudant exempla eorum (ut puta S. Theclæ, S. Cæciliæ, S. Alexii) qui, prima nuptiarum nocte, ante matrimonii usum conjugem deseruerunt vel ei conjugale debitum negarunt ut suam Deo vitam penitus consecrarent. Jamvero non potuissent exempla hujusmodi a Patribus commendari, si professione religiosa solutum conjugale vinculum non fuisset; quippe discessio illa fuisset injusta ac illicita.—b) Exemplum omni exceptione superius ex sœc. VI narrat *Ven. Beda* (*Hist. eccl. l. IV, c. 19*) de regina Ædilthryda que cum renuisset per plures annos rem carnalem cum Ecgfrido rege habere, annuente tandem marito, ipsa intravit monasterium et rex aliam sponsam sibi matrimonio copulavit.

3º Accedit ipsius *racionis dictamen*.

a) Et primo *non repugnat* dissolutio matrimonii rati. Hæc enim, quoad dissolubilitatem, intercedit differentia inter matrimonium ratum tantum et matrimonium ratum ac consummatum quod "matrimonium ante carnalem copulam significat illam *conjunctionem* que est Christi ad animam *per gratiam*, que quidem solvitur per dispositiōēm spiritualem contrariam, scil. per peccatum mortale. Sed post carnalem copulam significat conjunctionem Christi ad Ecclesiam quan-

1—Cf. Bellarm., *de Monachis*, l. II, c. 38; Sasse, th. IX; etc.

tum ad assumptionem humanæ naturæ in unitate personæ, quæ omnino est indivisibilis” (*S. Th. Q. LXI, a. 2 ad 1*). Unde longe firmius est matrimonium ratum et consummatum saltem a tempore ratificationis quam matrimonium duntaxat ratum; nec repugnat, primo indissolubili manente, alterum dissolvi.

b) *Convenit immo dissolutio ejusmodi propter transitum ad meliorem statum.* “Ante carnalem copulam non est omnino translatum corpus unius sub potestate alterius, sed *sub conditione*; nisi interea alter conjugum ad frugem melioris vitæ convolet. Sed per carnalem copulam completur dicta translatio, quia tunc intrat uterque in corporalem possessionem sibi traditæ potestatis. Unde etiam ante carnalem copulam non statim reddere debitum post matrimonium contractum per verba de præsenti; sed datur ei tempus *duorum mensium*, (præscriptum a jure), ut interim possit deliberare de transeundo ad religionem” (*art. cit. ad 2*).—Præterea “ante carnalem copulam est inter conjuges tantum *vinculum spirituale*; sed postea etiam est inter eos vinculum carnale. Et ideo sicut post carnalem copulam matrimonium solvitur per mortem carnalem; ita per ingressum religionis vinculum quod est ante carnalem copulam solvitur, quia religio est *quædam mors spiritualis*, qua aliquis seculo moriens vivit Deo” (*art. cit.*).—Ex hac ratione potest intelligi cur matrimonium ratum nou dirimatur per *sacrum ordinem*; ordo enim sacer non requirit mortem illam spiritualem sen civilem qua quis opibus propriæque voluntati renuntiet.

2^a *Pars de jure quo ratum matrimonium per ingressum religionis dissolvitur, multiplici* (ut diximus) *opinionum discrepantiae subjacet. Salvo meliori judicio, tenendum consensus dissolutionem illam effici jure principaliter divino et instrumentaliter ecclesiastico.*

1^o Etenim non sit *solo jure naturali*: quandoquidem non datur ex rei natura oppositio inter vinculum matrimoniale et professionem religiosam, ut patet exemplo eorum qui, post matrimonii consummationem, de consensu compartis monasterium ingrediuntur ibique vota etiam solemnia nuncupant. Idecirco ea quæ ex D. Thoma superius adduximus *convenientiam* quidem dissolutionis evincunt, minime vero juris necessitatem demonstrant.—2^o Non sit *jure mere ecclesiastico*.

tico : tum quia Ecclesia nequit auctoritate propria seu sibi tanquam causæ principali competente rumpere vinculum sacramentale, cuius auctor principalis est Deus¹; tum quia, concessa ei tali facultate, posset Ecclesia constitutum privilegium revocare proptereaque adimere veritatem canonis Tridentini quem supra recitavimus : cui tamen canoni falsum subesse repugnat. — 3º Nec fieri videtur *jure divino excludente* omnem Ecclesiæ interventum ; siquidem non qualiscumque votorum omissio, sed *solemnis* tantum, matrimonii rati vinculum dirimit. Solemnitas autem votorum ex sola Ecclesiæ institutione dependet, prouti SS. PP. Bonifacius VIII et Gregorius XIII diserte declararunt. — 4º Igitur superest ut dicamus matrimonium ratum per professionem religiosam dirimi *jure principaliter divino*, sed *instrumentaliter ecclesiastico*. Nimirum intelligimus Christum ipsum statuisse ut professio religiosa matrimonium illud abrumperet, sed Ecclesiæ ministerio reliquisse determinandas conditiones emissionis votorum seu solemnitatis quibus vestita professio posset privilegio juris divini pollere.

Conclusio 2^a. — PRÆTER CASUM PROFESSIONIS RELIGIOSÆ, ALIIS ETIAM JUSTIS DE CAUSIS PRO JUDICIO ROMANI PONTIFICIS MATRIMONIUM RATUM NON CONSUMMATUM DISSOLVI POTEST. — Hæc est doctrina certa, quam triplex argumentum comprobat :

1^{um} ex *paritate seu analogia cause*. — Constat enim ex dictis, fovendæ vitæ perfectioris causâ, divinitus fuisse constitutum ut professio religiosa, sub debitib[us] conditionib[us] ab Ecclesia ministerialiter prefixis, matrimonii duntaxat rati vinculum dissolveret: unde hoc habetur veluti de jure ordinario. Atqui iu multis alijs casibus haud minus expedit ad Ecclesiæ bonum fideliumque utilitatem ut ejusdem vinculi conjugalis solutio concedatur. Ergo recte præsumi potest jus divino-ecclesiasticum, quo solutio illa efficitur, ad prædictos casus se extendere.

2^{um} ex *amplitudine potestatis clavium*. — Per verba enim (Math. XVI, 19): *Quodcumque solveris etc, S. Petrus ejusque in pontificatu successores acceperunt potestatem amplissimum solvendi vel jure proprio vel saltem ministeriali (pro*

1—Christus testatus est “nuptiale vinculum sic esse Dei voluntate intime vehementerque nexum, ut a quoquam inter homines dissolvi aut distrahi nequeat” (Leo XIII, Encycl. *Arcanum*).

materiæ conditione) quodecumque subditorum vinculum non penitus insolubile, modo solutio illa ad rectam Ecclesiæ administrationem pertineat. Atqui nihil est in revelatione quod demonstret matrimonium duntaxat ratum ex accepta divinitus potestate justisque de causis solvi non posse; has autem causas reapse interdum haberí, experientia testatur. Ergo.

3^{rm} ex frequenti praxi RR. Pontificum.— Dici etenim nequit RR. Pontifices errare in communii usu et praxi circa sacramentorum dispensationem: siquidem ex Ecclesiæ infallibilitate colligunt theologi, non posse ab ea sanciri aliquam disciplinam quæ in commune religionis detrimentum cedat. Atqui certum est RR. Pontifices ex pluribus saltem sæculis frequenter usos esse potestate dissolvendi matrimonium ratum non consummatum; ait Sasse (th. X): “Teste S. Antoniuo in Sum. theor. P. III, t. 1, c. 21, jam Martinus V et Eugenius IV hac potestate usi sunt; similiter idein constat quoad Paulum III, Pium IV, Greg. XIII, Clementem VIII. Accedunt multæ dispensationes factæ a Pio VII, Greg. XVI, Pio IX, Leone XIII. Vid. Perrone, III, 509, et passim libr. period. canon., ut Acta S. Sedis, Analecta eccl., ubi ejusmodi dispensationes seu solutiones matrimonii rati tantum frequenter communicantur.” Ergo. — Neque objiciatur, ante Martinum V nullum Pontificem tales exercuisse potestatem: a) id namque in primis *positive* non constat; b) præterea, quominus primi Pontifices ea facultate non uterentur, adesse poterant rationes: vel quia nondum satis explicite patebat hujusmodi facultas, vel quia a nemine petebatur matrimonii rati dissolutio, vel quia forte non expediebat.

ARTICULUS IV.

Utrum matrimonium christianorum ratum et consummatum dissolvi quandoque valeat.

1^o Gradum facimus ad matrimonium christianorum ratum non solum, sed et a tempore ratihabitionis *consummatum*; de quo quæstio movetur, num aliqua saltem de causa dissolutioni obnoxium sit, numve Christus illud ad nativam perpe-

tuitatem novae perfectionis augmentatione absolute revocaverit: quod Ecclesia diserte docet.

2^o Errorum hac de re longa est series.

a) Et in primis dissolutionis seu divortii patronos recensimus *Græcos* qui pluribus abhinc saeculis, moventibus ad hoc legibus imperialibus (ut notavit *Perrone*), theoria et praxi contendere coeperunt vinculum matrimonii abrumpi posse in causa adulterii. Neque solum schismatici, sed et alii *Græci* cum *Latinis* uniti, quamvis frequenter ab Ecclesia moniti, eadem praxi uti consueverunt.

b) *Protestantes* ulterius progressi sunt; et alii quidem timidius, alii audacius latam divortii januam aperuerunt. *Lutherus* non minus quam sex divortii causas admisit; *Bucerius* adhuc impudentior contendit matrimonium solvi posse aliudque iniri "quoties uxor non se commodam viro, aut vir non se commodum uxori prebet", i. e. quacumque de causa (ap. *Bellarum*, l. I, c. 15). Unde mirum non est quod in regionibus protestanticis divortium tam effreno grassetur pede.

c) Inter catholicos, *Erasmo* preeunte, *Cujetanus* et *Catharinus* a vero deflexerunt teneentes sola Christi lege haud prohiberi quin in casu adulterii novum contrahatur matrimonium. Addebat tamen ipsi in hoc standum esse judicio Ecclesiae; nec praetereamus in eorum excusationem theologos illos scripsisse antequam *Conc. Trid.* suos ederet canones adversus hereticos.

d) *Launoi*, quem secuti sunt *Braun*, *Butz* aliique nonnulli, vim definitionis Tridentinæ frangere conatus est inquiens canones predictos non esse *dogmaticos*, sed *disciplinare*s tantum, ideoque posse, disciplinae ad instar, pro variis exigentiis immutari.—*Schell* in opere dogmatico (quod nuper a S. C. Iudicis prohibitum est) plura asserit que eo tendunt ut aliqualem matrimonii fidelium etiam consummati dissolubilitatem, nempe ex rationibus "altioribus," suadeant.—Atque, jam prevalentem nimis *naturalismo* ac *liberalismo*, hec est plerorumque modernorum legumulatorum vel in catholice regionibus mens et contentio, oportere scil. habendas libertati dare vinculumque conjugale per divortia relaxare. Ex quo quanta societati tum domesticæ tum civili pericula immi-

nean
scrib

C

NIUM

• FORN

1^a

can.

cohab

posse

ment

vincu

liu

1^o

enim

gatus,

matri

cordis

11-12

cumq

rium

suum

prorsu

except

10-11

disces

juncti

viro n

aut vi

est leg

vir ej

(ibid.

nium

posse.

2^o T

latinis

a) I

pos qu

Script

sie re

est, in

neant, Leo XIII (*Encycl. Arcanum*) luctuosis verbis desribit.

Conclusio.—CONSUMMATUM CHRISTIANORUM MATRIMONIUM DISSOLVI QUOAD VINCULUM MINIME POTEST, NEC IN CASU FORNICATIONIS SEU ADULTERII.

1^a Pars generalior innititur decreto *Trid.* (Sess. XXIV, can. 5): "Si quis dixerit, propter haeresim aut molestam cohabitationem, aut affectatam absentiam a conjugi, dissolvi posse matrimonii vinculum; A. S." Cui decreto complementum affert sententia *Leonis XIII* (*Encycl. cit.*), "solvere vinculum conjugii inter christianos rati et consuminati nullius in potestate esse."

1^o *Scriptura* solidum fundamentum præbet.—a) Christus enim (*Marc. X*) a Phariseis et discipulis de divortio interrogatus, postquam oppositionem memoraverat inter primævan matrimoniorum institutionem et libellum repudii "ob duritiam cordis" *Iudeorum* concessum, deinde definiuit statuit (vv. 9, 11-12): *Quod Deus coniunxit, homo non separet... Quicumque dimiserit uxorem suam, et alium duxerit, adulterium committit super eam. Et si uxor dimiserit virum suum et alii nupserit, mactatur.* Quæ verba, aliaque prorsus similia (*Luc. XVI, 18*), universalia sunt, nec ullam exceptionem patiuntur.—b) *Præterea, Ap. (1 Cor. VII, 10-11)* eamdem doctrinam proponit etiam pro casu justæ discessionis unius conjugis, inquiens: *Iis qui matrimonio juncti sunt, præcipio non ego, sed Dominus, uxorem a viro non discedere. Quod si discesserit, manere innuptam, aut viro suo reconciliari.* Ratio est, quia *mulier alligata est legi, quanto tempore vir ejus vivit; quod si dormierit vir ejus, liberata est; cui vult, nubat, tantum in Domino* (*ibid. v. 39*). Ubi S. Paulus absolute pronuntiat matrimonium christianorum nonnisi morte alterutrius conjugis solvi posse. Cf. *Rom. VII, 2-3*.

2^o *Traditionis suffragium eluet tuis ex Patribus græcis et latinis, tum ex Conciliis etiam antiquissimis.*

a) Inter Græcos, *Origenes* (in *Matth. t. 14, n. 23*) episcopos quosdam nimis indulgentiæ reos sic judicat: "Contra Scripturæ legem mulieri, vivente viro, nubere quidam Ecclesiæ rectores permiserunt, agentes contra id quod scriptum est, in quo sic habetur: *Mulier alligata est, quanto tempore*

vir ejus vivit." *S. Chrysost.* (De lib. repud. n. 1) indissolubilitatem matrimonii contra leges humanas tuetur, dicens: "Ne mihi leges ab exteris conditas legas, præcipientes dari libellum repudii et divelli. Neque enim juxta illas judicaturus est te Deus in die illa, sed secundum eas quas ipse statuit."

b) Inter Latinos, ait *Tertullianus* (De monog. c. 9): "Illi (ethnici) etiam nou repudiantes adulteria commiscent; nobis, etsi repudiemus, ne nubere quidem licebit." *S. Hieronymus* (Ep. 77 ad Oceanum, n. 3) Fabiolam, quæ permittentibus legibus Cæsarum alteri marito (vivente primo) nupserat, eatenus excusat, quatenus "nec Evangelii vigorem noverat, in quo nubendi universa causatio, viventibus viris, feminis amputatur." *S. Augustinus*, inter alia, hæc diserte pronuntiat (De nupt. et concup. I, I, c. 10): "Manet inter viventes quiddam conjugale, quod nec separatio nec cum altero copulatio possit auferre."

c) E conciliis veteribus referre sufficiat quod *Milevitanum II* (416), totius Ecclesie africanæ fidem exhibens, statuit (can. 17): "Placuit, ut secundum evangelicam et apostolicam disciplinam neque dimissus ab uxore neque diuissa a marito alteri conjungantur, sed ita maneant aut sibinet reconcilientur. Quod si contempserint, ad paenitentiam redigantur."¹

3^o Huc accedit *Ecclesiæ praxis*, quam per omnia sæculorum spatia immutatam cernimus.—Semper enim Ecclesia catholica perpetuitati conjugiorum tuendæ intenta fuit: unde vel a prima aetate leges imperatorius divorciis faventes repudiavit; Græcorum morem, Protestantium errorem hac de re damnavit; irritas decrevit esse nuptias ea conditione initas, ut aliquando dissolvantur; principibus potentissimis divisorum ratihabitionem petentibus strenue restitit. "Quam ad rem, inquit *Leo XIII*, omnis admirabitur posteritas invicti animi documenta a Nicolao I edita adversus Lotharium; ab Urbano II et Paschali II adversus Philippum I regem Galliarum; a Cœlestino III et Innocentio III adversus Alphonsum a Leone et Philippum II principein Galliarum; a Clemente VII et Paulo III adversus Henricum VIII; denique

1.—Plura traditionis monumenta omittimus, quæ videre est penes *Knoll*, de *Augustinis*, etc.

a Pio VII sanctissimo fortissimoque Pontifice adversus Napoleonem I, secundis rebus et magnitudine imperii exultantem" (Encycl. *Arcanum*).

4^o Convenientiae ratio duplex suppetit.

1^a sumitur ex perfectione Novae Legis.—Lex nova enim, propter suæ œconomiae perfectionem et excellentiam, præstantiora postulat instituta; ergo et requirit matrimonium ad altiorem conditionem revocatum. Atqui dissolubilitas matrimonii consummati, plurium ferox malorum quæ supra (art. 2) descripta sunt, se habet velut deviatio quædam seu defectio a perfectione juris naturalis et primitivæ Dei institutionis. Ergo congruebat præsenti œconomiae ut matrimonium consummatum (semoto casu privilegii Paulini) omnimoda indissolubilitate gauderet.

2^a duciturex significatione sacramentali matrimonii.—Per suam elevationem ad ordinem sacramenti seu sacri signi, matrimonium, quod jam remote et imperfecte præfigurabat conjunctionem Christi et Ecclesiae, induit propinquorem ac perfectiorem ejusdem conjunctionis significationem. Atqui hæc significatio exposcit indivisibilitem matrimonii inter christianos consummati: ergo.—*Maj.* fundatur: *immediate* quidem in divina lege, qua voluit Christus prædictam significationem matrimonio christiano specialiter annectere, quæque ab Ap. (Eph. V) expresse promulgata est; *mediate* vero in rerum natura et nexus, quatenus scil. matrimonium est quo progignuntur membra corporis Christi mystici et societas domestica christianorum efficitur quasi initatio societatis religiosæ Christum inter et Ecclesiam vigentis.—*Min.* evin citur in primis auctoritate S. Augustini dicentis (De nupt. et concup. l. I, c. 10): "Hujus procul dubio sacramenti res est, ut mas et femina connubio copulati, quāndiu vivunt, inseparabiliter perseverent... Hoc enim custoditur in Christo et Ecclesia, ut vivens cum vivente in eternum nullo divorcio separetur." Ratio autem est quam diserte assignat *Innoc. III* (Decr. l. I, t. 21, c. 5) necnon S. Thomas (Q. LXI, art. 1 ad 1): nimirum illud matrimonium omnino petit indissolubilitatem quod plene perfecteque repræsentat unionem Christi et Ecclesiae, prout hæc unio indissolubilis est. Jamvero matrimonium ratum, animorum vinculo constans, apte quidem figurat *moralement* Christi et Ecclesiae conjunctionem per gratiam

secundum quod eâ gratiâ singuli fideles, modo tamen amissibili, fruuntur; solum autem matrimonium ratum et consummatum commixtione carnis conjugum actu perfecteque repræsentat *physicam* Verbi Dei et humanitatis unionem in Christo nunquam desitaram, quacum necessario connectitur unio imperitura Christi cum universa Ecclesia. Merito ergo indivisibilitas matrimonii consummati christianorum repetitur ex ratione sacramenti, juxta illud *Pii VII* (Litt. ad ep. Moguntiæ, 1803): "Indissolubilitas matrimonii vinculo convenit maxime quatenus est sacramentum."

2^a Pars specialior respicit *casum adulterii*, et continetur verbis *Trid.* (Sess. XXIV, can. 7): "Si quis dixerit, Ecclesiam errare cum docuit et docet, juxta Evangelicam et Apostolicam doctrinam, propter *adulterium* alterius conjugum matrimonii vinculum non posse dissolvi... A. S."

1^o Tenendum est contra *Launoi* ejusque sequaces hunc canonem Tridentinum esse *dogmaticum*, non *disciplinarem* tantum: quippe in illo definitur *inerrantia* Ecclesiæ, circa *doctrinam*, eamque *evangelico ac apostolico* revelationis thesauro contentam; quæ cuncta ad immutabile dogma, non ad disciplinam mutabilem pertinent.—Insuper, nobis videtur in præfato canone duo *directe* et *per se* dogmatice definiri, videlicet, tum *inerrantium* Ecclesiæ circa doctrinam de qua agitur, tum quoque doctrinam ipsam de indissolubilitate matrimonii in casu adulterii: unum quidem *primario*, alterum *secundario* quod in primo connexione immedieta clauditur. Attamen Concilium loquendi formam paulo temperatiorem consulto adhibuit, ut parceretur Græcis talique sermonis velamine eorum, si quæ esset, bona fides veluti obtegeretur.

2^o Potissima adversariorum objectio habetur (Matth. V, 31-32): *Dictum est autem: Quicumque dimiserit uxorem suam, det ei libellum repudii. Ego autem dico vobis; quia omnis qui dimiserit uxorem suam, excepta fornicationis causa, ficit eam mœchari; et qui dimissam duxerit, adulterat.* Item (Matth. XIX, 9): *Dico autem vobis, quia quicumque dimiserit uxorem suam, nisi ob fornicationem, et aliam duxerit, mœchatur; et qui dimissam duxerit, mœchatur.* Porro verba ista, quibus exceptio fornicationis exprimitur, etsi prima fronte nobis adversari videantur, nequaquam tamen doctrinæ nostræ repugnant; quod multipliciter evincitur:

a) Primo ex consideratione ipsorum verborum. Dimisio enim uxoris complex esse potest, *imperfecta* quidem qua conjuges solum quoad torum et convictum separantur, *perfecta* vero qua matrimonium quoad ipsum vinculum dissolvitur. Atqui quod Christus per verba illa, *excepta fornicationis causa, nisi ob fornicationem*, imperfectam duntaxat dimissionem perniserit, clare efficitur ex sequentibus, *qui dimissam duxerit adulterat vel mæchatur*; quæ profecto falsa forent, si de perfecta dimissione seu de vinculi conjugalis solutione ageretur. Hinc prefato loco voluit Christus simul dimissionem imperfectam pro casu adulterii indulgere et dimissionem perfectam omnino prohibere¹.

b) Secundo ex scopo Christi. Legenti enim apparet hunc fuisse ius scopum, nempe matrimonium ad pristinum statum reducere, libellum repudii Judæis concessum abrogare, et novam perfectioremque, veteri oppositam, conjugum conditionem initiare. Atqui omnia ista conciliari non possunt cum dissolubilitate vinculi matrimonialis vel in solo casu adulterii; eo magis quia in hac hypothesi mulier adultera permitteretur ad alias nuptias transire et esset in meliori conditione quam uxor innocens a viro ejecta. Apposite *S. Thomas* (Q. LXII, a. 5): “Nullus ex peccato debet reportare commodum. Sed reportaret, si liceret adulteræ alii aliud magis desideratum connubium transire, et esset occasio adulterandi volentibus alia matrimonia querere.”

c) Tertio ex circumstantiis contextus et parallelismi.— Christus enim (Matth. XIX, 6) matrimonium nulla humana potestate solvi posse universaliter declarat, dicens: *Quod ergo Deus coniunxit, homo non separat.* Quis autem crediderit mox eumdem Christum huic sententiae contradicere per exceptionem sat frequentem atque cum præfata declaratione prorsus incompossibilem?—Praeterea (*ibid.* v. 10) narratur apostolos, auditis Domini verbis, eorumque severitate permotus dixisse: *Si ita est causa hominis cum uxore, non expedit nubere.* Porro admirationi ejusmodi locus esse vix potuisset, si Christus a lege indissolubilitatis casum adulterii eximere intendisset.—Accedunt loca parallelia (*Marc. X, 11;*

1—De interpretatione ejusdem loci vid. *Sasse*, th. VII; ubi multæ sententiae improbables expenduntur.

Luc. XVI, 18; 1 Cor. VII, 10), ubi absolute prōnuntiatur omnem, qui dimissa uxore alteram duxerit, mœchari; hæ enim tam planæ tamque positivæ sententiae, in hypothesi adversariorum, falsæ prorsus essent.

d) Quarto ex Patrum intellectu. Sic, ut alios prætereamus, S. Basilius M. (in Moral. regul. 73) primo statuit "quod vir ab uxore aut uxor a viro non debeat separari, nisi alter deprehendatur in adulterio aut pietatis sit impedimento"; deinde subdit "quod non licet viro, uxore dimissa, aliam ducere; neque fas est repudiatam a marito ab alio duci uxorem." Luculentius adhuc loquitur S. Augustinus, qui (De conj. adult. l. II, c. 4) hæc habet: "Nullius viri posterioris mulier uxor esse incipit, nisi prioris esse desiverit. Esse autem desi- net uxor prioris, si moriatur vir ejus, non si fornicetur. Licit itaque dimittitur coniux ob causam fornicationis; sed manet vinculum prioris, propter quod fit reus adulterii qui dimis- sam duxerit etiam ob causam fornicationis." Quid clarius magisque decretorum optari posset?

Solv. obj.—Obj. 1.—Cælestinus III (Decr. n. 60) legitur assimilasse casum viri apostatae discedentis ab uxore christiana casui conjugis infidelis, in quo, juxta privilegium paup. vinculum matrimoniale dissolvitur. Ergo etc.

RESP. Cælestinum præfato loco *opinative* tantum esse locutum, prouti appetat ex verbis: "Non videtur nobis" etc. Hinc ejus successor Innoc. III correxit ejus sententiam, statuens (Decr. l. IV, t. 19, c. 7): "Licit quidam prædeces- sor noster sensisse aliter videatur...si alter fidelium conjugum vel labatur in heresim vel transeat ad gentilitatis errorem, non credimus quod in hoc casu is qui relinquitur, vivente altero, possit ad secundas nuptias convolare."

Obj. 2.—Multi veteres, ut Lactantius, S. Epiphanius aliique, docuerunt conjugium solvi posse quoad vinculum in casu adulterii. Ergo.

RESP. 1º quorundam scriptorum verba obscuriora vel etiam, si que sint, plane contraria non posse infirmare suffragium majoris ac prestantioris numeri Patrum.—2º Interdum veteres illi, v. g. Lactantius, ubi loquuntur de novo conjugio legitime contracto in casu adulterii, rem considerant juxta leges civiles tunc temporis vigentes.—3º Alii, ut S. Epiphanius, nonnullaque concilia particularia, agunt de secundis

nuntiatur
hari ; hæ
hypothesi

tereamus,
“ quod vir
ter depre-
”; deinde
n ducere ;
uxorem.”
(De conj.
oris mulier
item desi-
etur. Licit
sed manet
qui dimis-
id clarius
60) legitur
kore chris-
gium pau-
te.

ntum esse
nobis” etc.
sententiam,
prædeces-
i conjugum
is errorem,
ur, vivente
Epiphanius
ineulum in
curiora vel
mare suffra-
⁹ Interdum
vo conjugio
erant juxta
S. Epipha-
de secundis

nuptiis quas, *post mortem* prioris conjugis et non obstante
crimine conjugis superstitis, temperando prohibiciones seve-
rioris disciplina licitas esse judicant.

OBJ. 3.—*Æquum non est ut quis sine culpa perpetuae con-*
tinentiae adstringatur. Atqui talis esset sors viri quem oport-
eret ab uxore fornicante in perpetuum disjungi, absque
facultate novi conjugii ineundi. Ergo.

RESP. *D. M* :...per se, *C*; per accidens, *N*.—*C.d.m.*—*Neg.*
conseq.

“ Quamvis *per se*, ait *S. Thomas* (*l. cit. ad 1*), nullus obligetur ad continentiam, tamen *per accidens* potest esse quod obligetur; sicut si *uxor sua* ægritudinem incurat, et *talem quæ carnalem copulam non patiatur*; et similiter etiam est, si incorrigibiliter spirituali infirmitate, scil. fornicatione, laboret.”

OBJ. 4.—Peccanti non est danda major occasio peccandi. Atqui separatio quoad torum et cohabitationem, non quoad vinculum, adulterii causâ conjugi peccanti majorem peccandi occasionem praebet. Ergo.

RESP. *Trans. M*.—*D.m* :... directe et *necessario*, *N*; indi-
recte et *contingenter*, *S.d*: et hoc est *minus* malum, *C*;
malum *gravius* relaxatione vinculi matrimonialis, *N*.—*Neg.*
conseq.

Per indissolubilitatem matrimonii “ tolluntur adulteriorum occasiones, quæ darentur, si vir uxorem dimittere posset, aut e converso. Per hoc enim daretur via facilior sollicitandi matrimonia aliena” (*C. G. III, 123*)¹.

1—Vid. Bellarminum, l. I, c. 17; qui quatuordecem adversariorum argumenta dissolvit.

QUÆSTIO QUARTA

DE POTESTATE ECCLESIAE CIRCA MATRIMONIUM

Ordiamur ab *Angelici* verbis (C. G. IV, 78) : " Considerandum est, inquit, quod quando aliquid ad diversos fines ordinatur, indiget habere diversa dirigentia in finem, quia finis est proportionatus agenti. Generatio autem humana ad multa ordinatur, scil. ad perpetuitatem speciei, et ad perpetuitatem alicujus boni politici, puta populi in aliqua civitate ; ordinatur etiam ad perpetuitatem Ecclesie, que in fidelium collectione consistit. Unde oportet quod hujusmodi generatio a diversis dirigatur. In quantum igitur ordinatur ad bonum naturae quod est perpetuitas speciei, dirigitur in finem a natura inclinante in hunc finem, et sic dicitur esse *naturæ officium*. In quantum vero ordinatur ad bonum politicum, subjecet ordinationi *civilis legis*. In quantum autem ordinatur ad bonum Ecclesie, oportet quod subjaceat *regimini ecclesiastico*."—Quæstio est itaque, *quaæ* (art. 1) et *quanta* (art. 2) sit Ecclesie potestas circa matrimonium, et qua ratione excludat matrimonium, ut aiunt, *civile* (art. 3) neenon matrimonia *mixta* (art. 4).

ARTICULUS I.

Utrum Ecclesiae competat jure proprio, imo et exclusivo, potestas regendi matrimonium christianum.

1º Jurisdictio circa matrimonium christianum spectari in primis debet *subjective* seu ex parte ipsius potestatis cui conveniat.—Cum vero matrimonium sit contractus quidam, valor autem contractuum non ita sit natura fixus ut positiva publicæ auctoritatis institutione amplius determinari non indigeat, idcirco dubium ortum est num Ecclesie competat potestas in ea quæ matrimonii christiani *validitatem* attinent. Et si potestas hujusmodi admittenda sit, debetne

ecclesiastice auctoritati attribui jure *proprio*, imo et *exclusivo*, quod nempe sacerdalem auctoritatem ab eadem materia regulanda excludat?

2º a) "Lutherus nullis hominum legibus matrimonium irritari posse affirmat eaque sola impedimenta esse agnoscenda quæ jus naturale vel jus divinum positivum statuat, scil. quæ in Lev. XVIII tradantur (De capt. babyl., de Matr.). Similiter Calvinus hanc potestatem legislativam in matrimonium Ecclesie prorsus abjudicat (Instit. l. IV, c. 19, n. 37). *De Dominis* et *Launoi* hanc potestatem ad principum sacerdularium proprium et nativum jus pertinere volunt, ita ut Ecclesia jure adventitio duntaxat, i. e. jure quod ex principum vel expresso vel tacito indulto mutuata sit, hanc potestatem exercere possit. Ad hanc sententiam accedunt multi theologi et canonistæ aulici in Gallia, Austria, Italia, eique innititur legislatio gallica et austriaca Josephi II, et *hodierna legislatio* in statibus modernis plerumque: quam adoptaverat etiam *Synodus Pistoriensis*" (*Sasse, th. XII*). In hoc, ut paucis dicam, concordat utraque schola ex naturalismo genita, scil. schola *regalistica* et *liberalis*.

b) At, præter ea, inter catholicos non defuere theologi qui tum ecclesiastice tum civili auctoritati veluti *ex aequo* potestatem regendi matrimonium christianum ac impedimenta statuendi tribuerent: eujusmodi numerantur *P. Soto, Amb. Catharinus, Collet, Tourneley* aliique.—Insuper, questio est theologicæ controversiae subjecta, utrum quave ratione matrimonium, quod non est sacramentum, sit sub jurisdictione sacerdotalis potestatis constitutum; de quibus breviter, stabilita prima conclusione, in conclusione altera dicemus.

Conclusio 1^a.—ECCLESIAE POTESTAS INEST REGENDI MATRIMONIUM CHRISTIANUM, ET QUIDEM JURE NATIVO SEU PROPRIO.—Utraque pars est *de fide*:

1^a Pars asseritur ex verbis *Trid.* (Sess. XXIV, can. 3): "Si quis dixerit, eos tantum consanguinitatis et affinitatis gradus qui Levitico exprimuntur, posse impediare matrimonium contrahendum et dirimere contractum; nec posse Ecclesiam in nonnullis illorum dispensare, aut constituere ut plures impediant et dirimant; A. S." Cf. can. 4 et 12; Pii VI Const. *Auctorem fidei* contra Syn. Plat. prop. 59; Syll. prop. 68; Leonis XIII Encycl. *Areanum*.

1º Suffragatur *constans Ecclesiae praxis*. "Magnum pondus est, ait *Leo XIII* (*l. cit.*), magna vis historiæ, qua luculentur docemur potestate legiferam et judiciale, de qua loquimur, libere constanterque ab Ecclesia usurpari consuevisse iis etiam temporibus, quando principes reipublicæ consentientes fuisse aut conniventes in ea re inepte et stulte fingeretur."

2º Traditio *Patrum* et *Doctorum* eamdem Ecclesiæ potestatem circa vinculum matrimoniale attestatur.—Sic *S. Basilius* (Ep. 160 ad Diod. n. 2), impedimentum *affinitatis* commemorans, illud deducit ex consuetudine Ecclesiæ et regula a sanctis viris tradita. *S. Chrysostomus*, impedimentum *voti* jam a *S. Cypriano* (Ep. 60 et 62) memoratum, his verbis declarat (Ep. 2 ad Theod. monachum): "Eum, qui semel cœlesti sposo junctus est, si ab eo divellatur et uxori adhæreat, adulterium committere certum est, quamvis millies hoc ipsum voces nuptias; immo illud tanto pejus adulterio, quanto præstantior hominibus Deus¹."—Huc etiam pertinet doctrina *S. Thome* (Suppl. Q. LIV, a. 4 ad 2.): "Matrimonium non tantum est sacramentum, sed etiam est in officium; et ideo magis subjacet ordinationi ministrorum Ecclesiæ quam baptismus, qui est sacramentum tantum: quia, sicut contractus et officia humana determinantur legibus humanis, ita contractus et officia spiritualia lege Ecclesiæ."

3º Ratio ex *natura matrimonii* sic arguit:—Res sacras administrare manifeste pertinet ad sacram seu religiosam potestationem, ad Ecclesiam. Atqui matrimonium christianum est sacram quiddam, tum ratione sacramentalis indolis, tum quoque ratione nativæ dignitatis: ergo. *Min.* appetat: *primo*, quia superius demonstravimus matrimonium inter christianos existens veri sacramenti rationem habere. *Secundo*, quia quidpiam sacrum et religiosum inest matrimonio vel secundum nativam conditionem spectato; siquidem et Deum auctorem habet, et ad prolem in Dei cultum procreandam ordinatur, et inde a principio fuit quedam incarnationis Verbi Dei adumbratio. Hanc ob causam apud populos notione juris magis excultos "nuptiae non sine cæremoniis religionum, auctoritate pontificum, ministerio sacerdotum fieri saepe consueverunt" (Encycl. *Arcanum*).

1.—Cf. Sasse, th. XII, qui plura testimonia profert.

2^a *Pars*, vindicans Ecclesiæ potestatem jure proprio convenientem, innititur maxime decreto Const. *Auctorem fidei* prop. 59, ubi doctrina opposita pronuntiatur "canonum 3, 4, 9, 12 Sess. XXIV Concilii Trid. eversiva, hæretica." Cf. Syll. prop. 69 et Encycl. *Arcanum*.

1^o Enimvero, ut argumentatur Pius VI (Brev. ad archiep. Trev. 1782), dogma fidei nullo unquam tempore falsum esse potest. Porro definitum est a *Trid.* (Sess. XXIV, can. 4) Ecclesiam posse sine errore impedimenta matrimonium dirimentia constituere; quod tamen falsitati obnoxium esset, si talis potestas a revocabili et precaria principum concessione dependeret ¹.

2^o Favet *Ecclesiæ praxis et historia*. "Christus cum ad tales ac tantam excellentiam matrimonia renovavisset, totam ipsorum disciplinam Ecclesiæ credidit et commendavit. Quæ potestatem in conjugia christianorum omni cum tempore, tum loco exercuit, atque ita exercuit ut illam propriam ejus esse appareret, *nec hominum concessu* quæsitam, sed auctoris sui voluntate divinitus adeptam" (Encycl. *Arcanum*).—Sane "neque illud unquam homini sanæ mentis potest persuaderi, de sanctitate et firmitudine conjugii, de nuptiis servos inter et ingenuas, tot esse ab Ecclesia conditas leges, impetrata facultate ab imperatoribus romanis, *inimicissimis nomini christiano*, quibus nihil tam fuit propositum, quam vi et cæde religionem Christi opprimere adolescentem" (*ibid.*).—"Quin tantum abfuit, ut viri principes sibi adscisserent in matrimonia christiana potestatem, ut potius eam, quanta est, penes Ecclesiam esse agnoscerent et declararent. Revera Honorius, Theodosius junior, Justinianus fateri non dubitarunt, in iis rebus que nuptias attingant, non amplius quam custodibus et defensoribus sacrorum canonum sibi esse licere. Et de connubiorum impedimentis si quid per edicta sanxerunt, causam docuerunt non inviti, nimirum id sibi sumpsisse ex Ecclesiæ permissu atque auctoritate" (*ibid.*).

3^o *Ratio* idem convincit.—Ideo enim potestas in rem matrimoniale Ecclesiæ attribuitur, quia matrimonium est quid sacrum et religiosum sacramenti dignitate cohonestatum.

1.—Contra Launoi aliosque plura de sensu et vi canonum Tridentinorum disputat Perrone, *Tract. de matrimonio*, cap. 3.

Atqui indolem hanc et dignitatem obtinet matrimonium, non ex sacerdotalium principum concessu, sed ex auctore Deo. Ergo dici nequit potestatem ecclesiasticam in matrimonium ex principibus derivari, sed eam Ecclesia jure proprio exercet.

Conclusio 2^a. — QUAMVIS CONCEDI QUEAT POTESTATEM CIVILEM, SINON PER SE, SALTEM JURE DEVOLUTIVO REGULARE MATRIMONIUM INFIDELIUM, SOLA ECCLESIA REGIMENTUM ILLUD IN MATRIMONIUM CHRISTIANUM POTEST EXERCERE.—Tres partes accipe.

1^a *Pars questionem tangit de potestate civili, qua civilis est, in matrimonium infidelium; et probabilius videtur matrimonium hujusmodi, quoad substantiam, civili per se regimi haud subesse.* — Dico *quoad substantiam*; quippe nemo negat cum infidelium tum quoque fidelium matrimonia a potestate sacerdotali dependere quantum ad ea quae vocantur *civiles effectus*, seu quantum ad consequentias aliquas a contractu separabiles atque contingentes.

Prob. assertio (contra Cavagnis aliosque nonnullos).

1^o *Auctoritate*; scribit enim *Leo XIII* (*Encycl. Arcanum*): “Cum matrimonium sit *sua vi, sua natura*, sua sponte sacrum, consentaneum est ut regatur ac temperetur, non principum imperio, sed divina auctoritate Ecclesiae, quae rerum sacrarum sola habet magisterium.” Hæc autem pontificia verba cadere in matrimonium absolute sumptum, independenter a dignitate sacramenti, elucet tum ex textu ipso, tum ex contextu; quatenus Pontifex inibi loquitur de matrimonio quale apud omnes populos existit, deinde vero expressam orationem instituit de sacramento matrimonii.

2^o *Ratione*. Matrimonium enim, etiam naturaliter sumptum, directe ac principaliter ordinatur ad procreandos et instituendos cultores Dei. Atqui finis hujusmodi, utpote religiosi, procuratio nequit competere potestati civili, qua civilis est: ergo. — *Maj.* ostenditur verbis *D. Thome* (*Suppl. Q. XLI, a. 1*), ubi principalem matrimonii finem describens, ait: “Non enim intendit natura solum generationem proli, sed etiam traductionem et promotionem usque ad perfectum statum hominis, in quantum homo est, qui est virtutis status.” Revera, matrimonium medium est natura institutum quo Deus utitur ad conservationem et multiplicationem humani generis. Homines autem co praecipuo fine existunt ut Deum

virtute colant cultuque isto beatitudinem debitam consequantur. *Min.* evincitur ex eo quod finis prædictus, tangens immediatas relationes animæ ad Deum, prorsus est religiosus; finis autem religiosus per se procuratur potestate religiosa; neque potestas civilis, qua talis, ad eundem finem directe conducit, sed indirecte tantum, secundum quod corporalia et temporalia spiritualibus et æternis inserviunt.

2^a *Pars* concedit jure devolutivo matrimonii regimen inter infideles posse potestati civili attribui.

1^o Hanc sententiam in praxi sequitur *S. Sedes*, quæ pro invalidis habet infidelium matrimonia in quibus intervenit impedimentum dirimens juris positivi ab eorum principe statutum, ut constat ex documentis nuperrime divulgatis, scil. ex rescripto *S. C. de Prop. Fide* (26 jun. 1820) et ex altero *S. Off.* (20 sept. 1854)¹.

2^o Societatis tum civilis tum domesticæ bonum postulat ut matrimonia non solum naturali, sed et positiva quadam lege pro variis necessitatibus regantur; quo sane respiciunt verba *S. Thomæ* (*Suppl. Q LIX, a. 2 ad 3*): "Inter infideles est matrimonium, prout matrimonium est in officium naturæ. Ea autem quæ pertinent ad legem naturæ, sunt determinabilia per jus positivum; et ideo si prohibetur ab aliquo jure positivo apud infideles contrahere matrimonium cum infidelibus alterius ritus, disparitas cultus impedit matrimonium inter eos." Unde fieri olim potuit ut, civili ac religiosa simul potestate in eodem subjecto residente, regimini principis jure proprio subjecta essent matrimonia. Nunc autem una dunt taxat Ecclesiæ auctoritas in rebus religiosis legitima existit, quæ tamen directe nequit infideles attingere. Ne ergo apud ipsos res matrimonialis nimis inconvenientibus laboret, concedi potest *per accidens et ratione necessitatis*² boni socialis ut regimen matrimonii in civilem principatum devolvatur.

3^a *Pars* dirigitur contra eos theologos quibus visum est vim regendi matrimonium *ex aequo* civili ac religiosæ auctoritati competere; quod plane falsum et contrarium est declarationibus *RR. PP.* (ap. *Susse*), in specie *Pii IX* et *Leonis XIII.*

1—Cf. *Gasparri, op. cit.* Vol. I, n. 284-88.

2—*Billot*, p. 425.

1^o Invocamus *proxim Ecclesiae* ipsorumque principum christianorum.—*a)* Constat enim *Ecclesiam* velut irrita ac adulterina interdum spectasse conjugia quæ ab imperatoribus ethniciis aut christianis probabantur vel permittebantur, contra vero eam habuisse ut legitima nennulla conjugia quæ rejiciebantur tanquam illegitima etiam a codice christianorum principum¹. Videlicet hac de re lex ecclesiastica civiles leges correxit, irritavit, ampliavit.—*b)* Constat insuper ipsos *christianos principes*, inter quos Justinianus, Pipinus, Carolus M. etc., sese gessisse tanquam canonum executores vel custodes, cum vel leges ad normam canonici juris condiderint, vel de novis impedimentis constituendis concilia quandoque rogaverint.

2^o *Ratione theologica arguinus.*

a) Primo ex *rei natura*.—Dictum est enim supra contractum matrimoniale esse *quid sacrum* et religiosum; res autem sacra et religiosa soli jurisdictioni religiosæ subjacere nata est. Porro, in praesenti ordine, nulla potestas sacra, praeter Ecclesiæ potestatem, admittitur. Ergo.—At, etiamsi decesset ratio hæc petita ex indole nativa matrimonii, altera suppeteret: ex quo enim Christus matrimonium evexit ad dignitatem sacramentalem, contractus et sacramentum (ut alibi vidimus) non possunt in coniugiis christianis spectari veluti duæ res. ab invicem distinctæ seu separabiles, sed unum re sunt sub duplice ratione formalí; una autem res uni duntaxat potestati attribuenda est. Igitur ad illam potestatem exclusive pertinet regere matrimonium, cuius est attingere quod superius est atque formalius in ipso, scil. rationem sacramenti. Jamvero id proprie, imo et unice, competit potestati ecclesiastice: ergo.

b) Secundo ex *consectariis*.—Admissa enim adversariorum hypothesi, gravissima sequerentur incommoda: nimirum, unum idemque objectum a duabus potestatibus, una eademque causa a duobus tribunalibus in suo ordine supremis seque dependeret.—Hinc proclivi exitu orientur conflictus intermi-

1.—In exemplum affert Perrone (de Matr. c. III, prop. V) conjugium initum a filiis familiæ absque consensu parentum; quod antiquitus atque etiam nunc a pluribus legislationibus veluti illegitimum, imo et irritum declaratum est, Ecclesia tamen ratum ac legitimum habet.

nabiles, una potestate validum declarante quod altera suo jure irritaret. — Neque ab Ecclesia tantum, sed et a se in vicem possent principes sacerdotes in regendo matrimonio dissentire: quod magnam in republica christiana confusionem gigneret. — Idque eo majus detrimentum afferret quod ageretur seu disputaretur de sacramenti valore, in quo pax, honestas, prosperitas familiarium, totiusque societatis bonum consistit.

3º Placet doctrinam illam verbis *D. Thomæ* confirmare. Inquit enim Angelicus (Suppl. Q. LVII, a. 2 ad 4): "Prohibitio legis humanæ non sufficeret ad impedimentum matrimonii, nisi interveniret Ecclesiæ auctoritas, quæ idem etiam interdicit." Cf. ibid. Q. LIV, a. 4 ad 2.

Solv. obj. (cont. 3^{am} p. 2^{ma} concl.) — OBJ. 1. — Patres et Pontifices latas a principibus circa matrimonium leges commendarunt (S. Ambr., S. August.); earumdem legum auctoritate decreta sua confirmarunt (Siricius, S. Leo, Nicol. I); quin imo a principibus leges aliquando postularunt (Conc. Milev. II). Ergo.

RESP. *D. antec*: et id factum est eo sensu quod Ecclesia propriam et nativam in principibus potestatem ad regendum matrimonium agnoverit, *N*; quatenus eorum leges laudaverit secundum vim qualemcumque quam habere possent, legesque istas invocaverit ad conciliandum suis decretis majus robur in oculis populi, *C.*¹

OBJ. 2. — Matrimonium christianum supponit seu includit verum contractum. Atqui contractus dirigere seu ordinare ad bonum societatis, munus est potestatis civilis. Ergo.

RESP. *D. M*... includit contractum naturale, *C*; contractum civilem, *S.d*: essentialiter, *N*; contingenter, *C*. — *C.d.m*... quoscumque contractus, *N*; contractus illos quorum regimen immediate et essentialiter ad bonum civilis societatis pertinet, *C*. — *Neg. conseq.*

Christus ad dignitatem sacramentalem evexit matrimonii contractum, non *civilem* seu *juxta leges civiles* illius temporis vigentem, sed *naturalem* seu *naturali lege institutum*. Quod elucet, quia matrimonium, suadente natura initum, anterius est societate civili, atque per prius et essentialius

1—Objectionem hanc historicam fusiōni calamo diluit *Sasse*, th. XIII.

ordinatur ad bonum religiosum quam ad bonum civile. Pro-
num est igitur ut, secundum suam substantiam et salvis
effectibus civilibus, sub jurisdictione potestatis religiosæ
cadat.

OBJ. 3.—Potestatis civilis est, ea providere quæ ad bonum
civili societatis conducunt. Atqui recta ordinatio matrimonii,
etiam in sacramento dignitatem elevati, ad bonum commune
societatis civilis plurimum conducit. Ergo.

RESP. D. M.:... quæ continentur ambitu ordinis naturalis
directeque ad bonum societatis civilis conducunt, C; quæ con-
tinentur ambitu ordinis supernaturalis et religioni directe
inserviunt, N.—C.d.m.—Neg. *conseq.*

Civili auctoritati jurisdictione per se attribuitur, non in quæ-
cumque conducentia ad finem civilem, sed in ea tantum quæ
directe et proprie finem illum attingunt: secus namque con-
fusio maxima esset, universaque religio, utpote societati
quam utilis, sub civilis potestatis dominium caderet. Jani-
vero novimus matrimonium, cum nativa indole, tum præser-
tim sacramentali ratione directe pertinere ad religionem super-
naturalem: ergo etc.

ARTICULUS II.

Quanta sit Ecclesiæ potestas circa matrimonium.

1º Potestas Ecclesiæ conveniens circa matrimonium duplex
hic spectanda est: *legifera* et *judicialis*.

a) *Legifera* quidem potestas maxime versatur circa condi-
tiones et impedimenta quibus res matrimonialis subjicitur.
Matrimonium enim, quantumvis sacramentali indole orna-
tum, non ideo desinit esse contractus. Contractus autem,
ut sit legitimus, varias requirit conditiones a quibus vel ejus
liceitas vel etiam validitas dependet. Quapropter contractus
matrimonialis subjectus est legibus seu conditionibus; quæ
si desint, totidem habentur *impedimenta* sive tantum prohi-
bentia seu *impedientia* matrimonium contrahendum, sive
irritantia seu *dirimentia* contractum.—De dirimentibus
impedimentis præcipua controversia est.

b) *Judicialis* autem potestas ea respicit quæ nomine *cau-
sarum matrimonialium* designantur, queque, utpote ecclæ-

siasticæ jurisdictioni competentia dubiisque obnoxia, Ecclesiæ sententiam exposunt.

2º Quid hæretici sæc. XVI, quid quoque hæreseos fautores vel assentatores circa præsens argumentum opinati sint, jam præc. art. satis perspeximus: idcirco superest ut duplice conclusione duplicum Ecclesiæ, legiferam scil. et judiciale, potestatem in matrimonium determinemus.

Conclusio 1º.—ECCLESIA, IPSAQUE SOLA, JUS HABET STAUENDI IMPEDIMENTA DIRIMENTIA MATRIMONIUM CHRISTIANORUM; QUÆ IMPEDIMENTA CONVENIENTER A D. THOMA RECENSUNTUR.

1º *Pars definita est a Conc. Trid.* (Sess. XXIV, can. 4): “ Si quis dixerit, Ecclesiam non potuisse constituere impedimenta matrimonium dirimentia vel in iis constituentibus errasse, A. S.”¹ Cf. Bulla *Auctorem fidei* Pii VI et damnata prop. 59^a *Syn. Pist.*; *Syll. propp.* 68^a, 69^a, 70^a; necnon *Encycl. Arcanum Leonis XIII*, ubi potestas illa jure exclusivo Ecclesiæ attribuitur.

1º *Praxim Ecclesiæ* testatur mox laudatus Pontifex (*Encycl. cit.*): “ Pontifices maximi et Episcopi in Concilia congregati eadem semper cum libertate conscientiaque juris sui, de matrimonii jubere, vetare perseverarunt quod utile esse, quod expedire temporibus censuerunt, utcumque discrepans ab institutis civilibus videretur. Nemo ignorat quam multa de impedimentis ligaminis, voti, disparitatis cultus, consanguinitatis, criminis, publicæ honestatis in Conciliis Illiberitano, Arelatensi, Chalcedonensi, Milevitano II aliisque, fuerint ab Ecclesiæ præsulibus constituta, que a decretis jure imperatorio sancitis longe sœpe distarent.”

2º *Ex traditione* quam multa proferri possent. Speciminis gratia, sint verba *S. Basillii* (Ep. 160 ad Diodor. n. 2), ubi impedimentum affinitatis ex consuetudine ecclesiastica deducit: “ Morem nostrum objicere possumus ut vim legis habentem eo quod nobis a viris sanctis traditæ sunt regulæ. Mos autem ille est hujusmodi; ut si quis impunitatis vitio ali-

1—*Ibid.*, can. 3, legitur: “ Si quis dixerit, eos tantum consanguinitatis et affinitatis gradus qui Levitico exprimuntur, posse impedire matrimonium contrahendum et dirimere contractum; nec posse Ecclesiam in nonnullis illorum dispensare aut constituere ut plures impedian et dirimant, A. S.”

quando victus in illicitam duarum sororum conjunctionem inciderit, neque id matrimonium existimetur, neque omnino in Ecclesiae cœtum admittantur, priusquam a se invicem dirimantur."—Cf. *Bellarminus* (l. de Matrim.), qui singula impedimenta, ab hæreticis impugnata, auctoritate rationeque defendit.

3^o *Ratio* sic procedit:—Contractus, quippe qui inter homines fluit in societate viventes suntque bono communī perutiles, debent non solum in genere, sed et in specie regulari et determinari. Atqui determinatio hujusmodi sufficiens non habetur ex solo iure naturali; quandoquidem naturæ leges sunt universaliores. Ergo requiritur ad illam determinationem ius positivum. Atqui jam supra constituimus potestatem in matrimonium christianum Ecclesiae, ipsique soli, competere. Ergo Ecclesiae est, ipsisusque duntaxat, eidem matrimonio impediimenta, prouti opportunum judicaverit, dirimentia apponere.—Neque inde concludas aliquid ab Ecclesia in substantia sacramenti Matrimonii, contra ac determinavimus (disp. de *Sacrum. in genere*), innutari. Christus enim, elevando matrimonium ad rationem sacramenti, id decrevit ut contractus, *legitimo* conjugum assensu initus, esset sacramentum; quenam vero illius legitimatis conditiones essent, Ecclesiae, prout par erat in re hujusmodi, definiendem reliquit. Igitur Ecclesia, statuendo impediimenta prohibentia legitimatem consensus matrimonialis, nequaquam alterat, *formaliter* loquendo, essentiam hujus sacramenti; sed remotam ac *materiale* tantum mutationem efficit.

2^a *Pars* refertur ad impediimenta logica distributione ordinanda; quam distributionem sic tradit *D. Thomas* (Q. L. a. un.): "Potest matrimonium impediri aut *ex parte contractus* matrimonii, aut *ex parte contrahentium*. Si primo modo, cum contractus matrimonii fiat per voluntarium consensum, qui tollitur per ignorantiam et per violentiam, erunt duo impediimenta matrimonii, scil. *vis i. e. coactio*¹, et *error ex parte ignorantiae...*². Ex parte personarum contrahentium, sic (impediimenta) distinguuntur. Potest enim aliquis impediri a matrimonio contrahendo vel simpliciter, vel respectu ali-

1—Huc reducitur impediimentum *raptus a Conc. Trid.* (Sess. XXIV, cap. 6) statutum.

2—Huc pertinet impediimentum *ætatis*.

cujus personæ. Si *simpliciter*, ut cum nullâ possit matrimonium contrahere, hoc non potest esse nisi quia impeditur a matrimoniali actu. Quod quidem contingit dupliciter : primo quia non potest de facto, sive quia omnino non possit, et sic ponitur impedimentum *impotentia coeundi*, sive quia non libere possit, et sic ponitur impedimentum *servitutis conditio*; secundo quia non licite potest¹, et hoc secundum quod ad continentiam obligatur, quod contingit dupliciter : vel quia obligatur ex officio suscepto, et sic est impedimentum *ordinis*, vel ex voto emisso, et sic impedit *votum*. Si autem impeditur aliquis a matrimonio non simpliciter, sed *respectu alicujus personæ*, vel hoc est propter obligationem ad alteram personam, sicut qui uni matrimonio junctus est non potest alteri conjungi, et sic est *ligamen matrimonii*; vel quia deficit proportio ad alteram personam, et hoc propter tria : primo quidem propter nimiam distantiam ad ipsam, et sic est *disparitas cultûs*: secundo propter nimiam propinquitatem, et sic ponitur triplex impedimentum, scil. *cognatio* (naturalis, spiritualis, legalis), deinde *affinitas* quæ importat propinquitatem duarum personarum ratione tertiae matrimonio junctæ, et *publice honestatis justitia* in qua est propinquitas duarum personarum ratione tertiae per sponsalia junctæ; tertio propter indebitam conjunctionem ad ipsam primo factam, et sic impedit *crimen adulterii* prius cum ipsa commissi."

Conclusio 2^a.—CAUSÆ MATRIMONIALES (EXCEPTIS IIS QUÆ CIVILES EFFECTUS DIRECTE RESPICIUNT) PERTINENT AD SOLUM TRIBUNAL ECCLESIASTICUM.—Hoc fide constat ex *Conc. Trid.* (Sess. XXIV, can. 12): “Si quis dixerit, causas matrimoniales non spectare ad judices ecclesiasticos, A. S.”² Cf. *Brev. Pii VI ad Episc. Motul.* (1788) necnon prop. 74 *Syll.*, ubi *sponsalia* iisdem judicibus attribuuntur.

¹⁰ Praestat in medium producere verba *Bened. XIV.* (Syn. dicec. l. IX, c. 9) : " Tria sunt, inquit, causarum matrimonialium genera. a) Aliquae versantur circa initi conjugalis

1—Huc referas impedimentum *clandestinitatis* a *Trid.* (Sess. XXIV, cap. 1) decretum.

2—Rursus legitur (can. 7): "Si quis dixerit, Ecclesiam errare, cum ob multas causas separationem inter conjuges, quoad thorbum seu quoad cohabitationem, ad certum incertum tempus fieri posse decernit; A. S."

fœderis firmatatem ; et hæc, nullo catholicorum contradicente, in solo Ecclesiæ foro sunt pertractandæ...
b) Aliæ sunt cause excitatae aut super validitate sponsalium, aut super jure instituendi divortium quoad torum et cohabitationem ; et istæ pariter, ob illum respectum quem habent ad Matrimonii sacramentum, ad solum judicem ecclesiasticum deferuntur¹...
c) Aliæ denum sunt cause, quæ connexionem quidem habent cum matrimonio, sed res mere politicas et temporales directe atque immediate respiciunt, uti sunt lites quæ frequenter inveniuntur super dote, donatione propter nuptias, hereditaria successione, alimentis et similibus ; et istas ad judices sacerdtales pertinere, ex communi Doctorum sensu, recte docent Bellarminus et Tannerus."

2º Ad duo prima causarum genera quod attinet, ea soli tribunali ecclesiastico competere probatur :

a) Primo ex praxi totius Ecclesiæ. Nam in primis Christus ipse causam de divortio et repudio non remisit ad politicum magistratum, sed propriâ sententiâ judicavit (Matth. V et XIX).—Item Apostolus (1 Cor. VII) causam conjugii inter fidelem et infideleum per se ipsum cognovit instituendo privilegium *fidei*, neque eam ad civilem judicem rejecit.—Denique, ut loquitur Bellarminus (l. de Matr. c. 32), plena sunt Concilia et Pontificum rescripta legibus et sententiis in causa matrimonii ; semper enim, prout ex epistolis decretabilibus apparet, haec in Ecclesia consuetudo fuit ut de ejusmodi causis, non reges, sed pontifices consulerentur.

b) Secundo ex ratione. Ad judicem enim ecclesiasticum pertinet judicare tum de sacramentis ipsis tum de iis que vel sunt directæ ac formales dispositiones ad illa vel immediatae ac formales ab illis consequentiae. Atqui matrimonium est sacramentum, neque, ut scimus, apud christianos legitimus contractus separari potest a ratione sacramenti ; sponsalia vero sunt prævia ad sacramentum celebrandum dispositio², dum consortium tori et cohabitationis connaturali jure ex sacramento celebrato consequitur. Ergo etc.

1—Hoc quidem de *jure* ; cui tamen consternur factum, hodiernis temporibus, rarius consonare. Cf. Gasparri, *op. cit.* Vol. II, n. 1165.
 2—Accedit quod ex iis oriri potest impedimentum etiam dirimens.

ARTICULUS III.

De matrimonio civili.

1º Quid hoc nomine designetur, paucis *declarare* opus est. “*Matrimonium civile* (inquit Sasse, sect. III, c. 3) pactum intelligimus nuptiale inter christianos coram magistratu civili, secundum normam quidem lege civili præscriptam, initum, abstractione facta ab Ecclesiæ legibus sive servatis sive non servatis.—Eiusmodi matrimonium secundum varias leges civiles varium distinguitur: matrimonium civile veluti *subsidiarium* habetur, quando lex civilis statuit ut ii, qui non habeant auctoritatem ecclesiasticam a gubernio agnitam, vel qui ab auctoritate ecclesiastica benedictionem matrimonii obtinere nequeant, matrimonium civiliter inire possint; matrimonium civile *facultativum* habetur, cum lex civilis arbitrio cuiusvis permittit matrimonium contrahere, sive coram paro^o secundum leges ecclesiasticas, sive coram magistratu civili, et utrumque matrimonium ab auctoritate civili validum censemur; matrimonium denique civile *obligatorium* in eo situm est, ut omnes obligentur ad matrimonium civiliter contrahendum.”

2º Genus hoc rei matrimonialis, cui jam regalismi fautores viam straverant, tunc maxime prævalere visum est, quando magna perturbatio gallica effrenatæ libertatis cupidini habendas laxavit. Mox enim in Gallia codex Napoleonis I matrimonii contractum, impedimenta, solutionem, legis mere civilis vi regulavit; quod exemplum, Pii VII verbis merito reprobatum (1808), pleraque tamen gubernia moderna paulatim imitata sunt¹.

3º Ubi vigeat matrimonium civile *obligatorium*, dubium non est quin fideles præscripto legis satisfacere possint, imo forte et debeant, dummodo pactum civiliter initum pro nullo (in ratione vinculi) habentes, postea secundum Ecclesiæ leges

1—Pluribus in regionibus, e quibus Gallia, vigeat matrimonium civile *obligatorium*; in Statibus foederatis Americae obtinet matrimonium civile *facultativum*; in Anglia vero habetur matrimonium civile *subsidiarium*.—Gratias Deo agantur, quod a quovis matrimonio hujusmodi Provincia nostra Quebecensis sit immunis (Loranger, *Comm. sur le Code civil*, t. II, art. 129).

matrimonium rite contrahant. (Cf. Bened. XIV, de Syn. dicec. I, VI, c. 7; Leo XIII, encycl. *Arcanum*).—At vero quidquid *in praxi* societatis modernæ conditio suadeat, de matrimonio civili secundum se sumpto, præsertim de eo quod *obligatorium* dicitur, inquirere opportunum est, qua ratione theologica consistat.

Conclusio.—**USUS MATRIMONII CIVILIS MULTIPLICI EX MOTIVO DEBET PRO VIRIBUS OMNINO REJICI.**—Ea matrimonia improbat Leo XIII in sua encycl. *Arcanum*.

Sane, id pro viribus omnino rejici debet quod est principiis falsum, natura injustum, consectariis perniciosum. Atqui hujusmodi est institutum matrimonii civilis præsertim obligatorii: ergo. *Min. prob.* per partes:

1^a pars: institutum matrimonii civilis est *principiis falsum*.—Principia quibus innititur matrimonium civile duplicitis sunt generis: *remota et proxima*.

1^o Principia *remota* continentur *regalismi* et *liberalismi* doctrinis: nempe civilem auctoritatem supremam esse undequaque etiam in causis morum et religionis, potestatem ecclesiasticam politice subordinatam ac subjectam esse, neque gubernium, qua tale, certe religionis ac Ecclesiae catholice legibus teneri. Atqui doctrine istæ, quibus germana Ecclesia notio corrumpitur Deique ac Christi regnum sociale subvertitur, penitus falsæ sunt (uti ostendunt antores *Juris publici ecclesiastici*). Ergo.

2^o Principia *proxima* sunt, vel quod matrimonium pactio civilis est sine ulla sacramentali ac supernaturali ratione, vel quod in illo a ratione sacramenti (si que sit) separari valeat ratio contractus tanquam distincta res proprio, imo et exclusive, auctorati civili attribuenda (cf. Sasse, l. cit.). Atqui cuncta haec erronea esse, satis supra demonstravimus. Ergo.

2^a pars: institutum matrimonii civilis est *natura injustum*. Lredit enim jura Dei, jura Ecclesiae, jura animarum, jura societatis: *jura Dei*, committendo, contra divinam legem, rei sacrie administrationem potestati civili; *jura Ecclesiae*, proponendo tanquam legitimum matrimonium quod si prius, ob impedimentum clandestinitatis, juxta ecclesiasticam legem turpis est concubinus; *jura animarum*, prohibendo plerosque civiliter junctos a recipiendis sacramenti gratiis et auxiliis; *jura societatis*, cuius pax esse nequit, ubi

de Syn.
At vero
deat, de
eo quod
ratione

LICI EX
rimonia

principiis
Atqui
im obli-

piis fal-
le dupli-

eralismi
se unde-
m ecclē-
e, neque
catholicē
na Eccle-
iale sub-
es Juris

m pactio
ione, vel
ri valeat
et exclu-
Atqui
s. Ergo,
a injus-
imarum,
divinam
i; jura
um quod
clesiasti-
um, pro-
ceramenti
quit, ubi

conscientiae lege matrimonii civilis præsertim obligatoria
vexantur ac opprimuntur.

*3^a pars: institutum matrimonii civilis est consecutariis
perniciosum.*

1^o Ea mala apprime lamentatus est *Leo XIII*, utputa his
verbis (*Encycl. Inscrutabili*): “ Postquam impiæ leges,
sacramenti hujus magni religionem nil pensi habentes, illud
eodem ordine cum contractibus mere civilibus habuerunt, id
misere consecutum est ut, violata christiani conjugii dignitate,
cives legali concubinatu pro nuptiis uterentur, conjuges fidei
mutuae officia negligenter, obedientiam et obsequium nati
parentibus detrectarent, domesticae charitatis vincula laxaren-
tur, et, quod deterrimi exempli est publicisque moribus infen-
sissimum, persæpe malesano amori perniciosa ac funestæ
dissessiones succederent.”

2^o Renpse, ex matrimonio civili omni sanctitatis forma
exuto (etiamsi ante vel post nuptie in facie Ecclesie contra-
hantur) homines assuefiunt spectandæ conjunctioni maritali
tanquam contractui profano ad explendam libidinem insti-
tuto.—Hinc proclive est ut nihil pene virtutis efficacieque
religio sortiatur ad continendos in officio conjugum filiorum-
que animos.—Hinc quoque dissolvendi talis conjugii faci-
litas maxima enascitur: tum ex parte sponsorum, in quorum
mente firmitas matrimonii quodvis forte religiosum funda-
mentum amisit, tum ex parte potestatis civilis, quæ, sicuti
suis legibus matrimonium sancire audet, ita et legibus suis
divortium coherestare præsumet.—Lugenda quidem expe-
rientialia testatur in quibusdam regionibus, præsertim in Gallia,
quam late concubinatus legalis vigeat, et quanta religionis
oblivio, divortiorum frequentia, morumque corruptio ex matri-
monio civili orta sit. Fructus arboreum dainnat¹.

ARTICULUS IV.

De matrimonii mixtis.

Tractationem de potestate Ecclesie in matrimonium deque
universa re matrimoniali claudemus pauca subjiciendo circa

¹—De matrim. civili plura particularia disputat Gasparri (*op. cit.*
Vol. II, Append.).

matrimonia *mixta*, quæ tum quoad validitatem tum quoad liceitatem ordinationibus ecclesiasticis, sicut et alia, subsunt.

1º *Mixta* matrimonia ea dicuntur, quæ inter catholicum et acatholicam, aut e converso inter catholicam et acatholicum celebrantur. Acatholicorum autem nomine hic significantur vel hæretici vel schismatici, nimirum ii omnes qui, extra veram Christi Ecclesiam existentes, ad aliquam sectam hæreticam aut schismaticeam pertinent communique tamen Baptismi charactere inter christianos connumerantur.

2º Prædicta matrimonia, servatis servandis¹, *valida esse*, nemini materiam ambigendi offert.—Per se quoque illa esse *graviter illicita* nisi Romanus Pontifex certis sub conditionibus dispensaverit, satis convenit inter catholicos.—Ad hæc tamen matrimonia citra leges ab Ecclesia statutas ineunda impellere studuerunt *gubernia acatholica*, eo aperto funestoque consilio ut' catholicos ab avita religione dimoverent².—Neque desunt *liberales* qui mixtis nuptiis doctrina et praxi absolute faveant.

Conclusio.—MATRIMONIA MIXTA, PER SE ET REGULARITER INSPECTA, MERITO REPROBANTUR VELUTI OMNINO ILLICITA; NEC NISI SALVIS DEBITIS CONDITIONIBUS PERMITTI POSSUNT AFRAPSE PERMITTUNTUR.

1º *Pars*, ut patet, respicit matrimonia mixta *per se* et *regulariter*, seu abstractione facta a conditionibus et circumstantiis quæ ea permittenda suadeant.—Quam vero matrimonia illa sint detestanda, ex tribus appetit:

1º Ex *verbo Dei* :—Deus enim (Deut. VII) prohibuit Hebreis, ne conjugia cum gentilibus miscerent; reddit autem causam plane moralem atque universalem, quæ idcirco militat etiam contra conjugia catholicorum cum hæreticis, nempe

1—Dico *servatis servandis*; hæc enim conjugia subjiciuntur legibus dirimentibus Ecclesia ideoquo per se etiam decreto, ubi promulgatum fuerit, clandestinitatis. Unde catholicæ et acatholicæ nequeunt valide contrahere coram ministro protestante, nisi id fiat in regione ubi decretum *Tametsi* haud vigeat vel, si vigeat, speciali Ecclesiæ indulto hæreticos non obliget (quod indultum concessum est Ecclesiæ Quebecensi et Canadensi; cf. *D. Discipline du Diocèse de Québec*, 2^e éd. p. 48).

2—Cf. *Perrone*, *Tract. de Matrim.* c. IV; ubi, presertim in notis, describit nefarias artes legislationis Borussicæ et Russicæ proterito seculo inductæ.

(v. 4): *Quia seducet filium tuum, ne sequatur me, et ut magis serviat diis alienis.* Rursus (3 Reg. XI) idem monitum repetitur, ratioque subjicitur (v. 2): *Certissime avertent corda vestra ut sequamini deos earum.* Quod quia neglexit Salomon, vir ille sapientissimus depravatus est per mulieres ethnicas earumque idola adoravit (*ibid.*). — Praeterea verbum occurrit S. Pauli (1 Cor. VII, 39): *Cui vult, nubat, tantum in Domino.* Hic autem preceptum haberi de non contrahendo matrimonio nisi cum fidelibus, docent interpres hujus loci fere omnes. “*Nubat, inquit S. Thomas* (Corum. in h. l.), *tantum in Domino, idest viro suo religionis; nam in dispari cultu prohibitum est in lege matrimonii, Deut. VII.*” Eo etiam spectat alter locus (2 Cor. VI, 14): *Nolite jugum ducere cum infidelibus. Quae enim participatio justitiae cum iniquitate?*

2º Ex Ecclesiæ sensu, qui multipliciter deprehenditur.—
a) Primo præsto sunt Patrum objurgationes adversus matrimonia christianorum cum infidelibus vel hæreticis. Sic *Tertullianus*, recensis malis eorum matrimoniorum, exclamat (l. II ad Uxorem, c. 3): “*Quis dubitet oblitterari quotidie fidem commercio infideli? Bonos corrumpunt mores confabulationes malæ; quanto magis convictus et individuus usus. Quævis mulier fidelis Dominum observet necesse est. Et quomodo potest duobus dominis deservire, Domino et marito, adde, gentili?*” *S. Ambrosius* (l. I de Abraham, c. 9, n. 84): “*Cave (inquit), christiane gentili aut judæo filiam tuam tradere; cave gentilem aut judæam atque alienigenam, hoc est, hæreticam, et omnem alienam a fide tua uxorem accersas tibi.*” Hoc esset, juxta vehementem *Hieronymi* sententiam (l. I adv. Jovin. n. 10), “*templa Christi idolis prostituere.*”

b) Secundo, e *Doctoribus* ac veluti illorum preco audiuntur *S. Thomas* dicens (Suppl. Q. LIX, a. 1): “*Principalius matrimonii bonum est proles ad cultum Dei educanda. Cum autem educatio fiat communiter per patrem et matrem, utrumque secundum fidem suam intendit ad cultum Dei prolein educare. Et ideo si sint diversæ fidei, intentio unius alterius intentioni contraria erit; et ita inter eos non potest esse conveniens matrimonium.*” Deinde subdit (ad 5): “*Si aliquis fidelis cum hæretica baptizata matrimonium contrahat, verum est matrimonium, quamvis peccet contrahendo, si sciat eam hæreticam.*”

c) *Tertio* multæ exstant, adversus matrimonia mixta, tum generalium tum particularium Conciliorum sanctiones¹, nec non inde ab antiquis temporibus RR. Pontificum decreta (prouti refert Perrone, l. cit.). — Satis erit hic adducere quæ ad episcopos Hungariæ scribebat Leo XIII (Encycl. *Quod multum*, 1886): “Date operam, ut alte descendat in animos doctrina catholica... non licere catholicis, idque *maximis de causis*, nuptias cum christianis conjungere a professione catholica alienis; quique id facere, non ex auctoritate indulgentiaque Ecclesiae ausint, eos in Deum, in Ecclesiam ipsam peccare. Cumque hæc res tanti sit, quanti videtis esse, universi, ad quos ea cura spectat, quantum possunt, diligentissime provideant ut ab ejusmodi præceptis nemo ulla ratione discedat.”

3º *Ex ratione juris naturalis*. — Naturali enim jure tenetur vir catholicus ea vitare que sibi perversionis periculum animæque jacturam, liberis item nocivum grave, nuptiarum sanctitati ac perpetuitati injuriam, imo et societati ipsi detrimentum minantur. Atqui tanta mala inesse matrimonii mixtis absolute sumptis, ratio factis innumeris roborata demonstrat: ergo. *Min. ostend.* per partes: — a) *Primo*, exploratum est *perversionis periculum* et *animæ jacturam* oriri ex predictis conjunctionibus. Cum enim hæreticæ sectæ odio persequantur catholicam veritatem vel saltem indifferenciam religiosum profiteantur, rejectisque jejuniis aliquo nimis repugnantibus, vite commoditates quaslibet indulgeant, vix fieri poterit ut quis adversa compartis doctrinæ vel molliori vivendi ratione a propria religione et praxi haud abducatur. Eo magis, quia pars catholica ipsa cultus disparitate sœpe impeditur ab excendis actibus religiosis, quibus fides et pietas fovetur. — b) *Secundo*, proli ex conjugiis mixtis oriundæ *periculum instat* ne educationem in vera religione malam suscipiat, imo ne a conjugi hæretico pervertatur. Quantum enim in tenera puerorum mente valeant prava exempla, insinuationes perfidae, blandi sermones, irrisiones, contemptus, aliæque id genus prope innumera quæ in domesticis cœtibus hujus generis evitari non possunt, nemo est qui non videat. — c) *Tertio*, nonne etiam imminet talibus nuptiis *injuria divortii*?

1—Cf. in specie diversa acta et decreta Conc. Plen. Baltimor.

Dissensio siquidem circa religionem facilis exitu contentiones et jurgia, odium quoque et alienationem animorum gignit. Eoque proclivius res ad divertium deveniet, quod hæretici (loquimur de protestantibus) conjugii dissolubilitatem variis de causis profitentur.—d) Quarto, inde sequitur totum societatem mixtis ex nuptiis detrimentum capere. Ad rem *Leo XIII* (*l. cit.*): “Principia ac velut elementa optima vite civilis societas domestica nutricatur et continet; proptereaque hinc pendet magnam partem pacatus et prosperus civitatis status. Atqui talis domestica societas est, qualis exitu matrimoniorum efficitur; nec bene evenire matrimonia queunt, nisi Deo moderante et Ecclesia. His demotum conditionibus maritale conjugium, in servitutem redactum variarum libidinum, contra Dei voluntatem initum, itaque adjumentis despoliatum cœlestibus iisque pernecessariis, sublata etiam communione vitae in eo quod hominum interest maxime, i. e. *in religione*, fructus acerbissimos gignat necesse est, ad extremam familiaram civitatumque perniciem.”

2^a Pars concl. est de conditionibus, quibus positis mixta conjugia permitti a S. Sede contingit.

1^o Quænam sint *conditiones* praefatae, edocemur ex *Instr. S. C. de Prop. Fid.* ad omnes episc. (1868): “Matrimonia mixta permittuntur gravibus duntaxat de causis atque rægre admodum, ac non nisi sub expressa conditione de premitendis necessariis opportunisque cautionibus in naturali ac divino jure fundatis; ut scil. non solum *catholicus conjux ab acatholico perverti non possit*, quin imo *catholicus ipse conjux teneri se sciatur ad acatholicum pro viribus ab errore retrahendum*, verum etiam ut *universa utriusque sexus proles ex mixtis matrimoniis procreanda in sanctitate catholicæ religionis educari omnino debeat...* Ad matrimonium mixtum permittendum, minime sufficit ut sponsi cautiones, de quibus supra, admittere parati sint neenon ceteras clausulas in rescriptis Apost. Sedis adhiberi solitas, sed *omnino justæ gravesque requiruntur cause.*”

2^o a) Multa referuntur *exempla* mixtorum connubiorum quæ sanctissimi viri et mulieres cum infidelibus vel hæreticis iniere: sic enim in V. L. egisse novimus Esther cum Asnuero, Booz cum Ruth Moabitide; in N. L. S. Monicam cum Patrio ethnico, Ingundem cum Hermenegildo adhuc ariano

etc.—Hinc et RR. Pontifices sæpe dispensarunt, ut hæc matrimonia licite celebrarentur.

b) Sane, id permitti potest ut licite fiat quod non est qui-dem *intrinsece malum*, sed duntaxat *periculosum*, et cuius pericula debitibus amoverti interdum queunt. Atqui ita se habent mixta matrimonia: ergo. *Min.* apparet; quamvis enim matrimonia hujusmodi, ordinarie loquendo, plena sint periculis (ut supra dictum est), pericula tamen ista non adeo inhærent ut numquam ab illis removeri possint: experientia id constat.—Neque dicatur in eis fieri *sacramento profanationem*: profanatio enim (si quæ sit) utique habebitur ex parte hæretica indigne sacramento cooperante, non autem ex parte catholicæ digne ac legitime (supposita dispensatione) eidem sacramento operam præstante.—Neque rursus objiciatur, haud licere catholicis *communicare cum hæreticis in re sacra*: communicatio enim hæc etiam aliqualiter activa, dummodo sit pure materialis, gravi de causa et secluso periculo aut scandalo quibusdam in casibus permitti potest.

3º Tamen, cum nonnulla gubernia acatholica eo intollerantiae processerint ut cogere attentarent sacerdotes catholicos ad coheretanda sua benedictione aliove ritu sacro mixta connubia spretis canoniceis sanctionibus contracta, Ecclesia iis iniquis tentaminibus fortiter restitit, neque vexationes et vincula abhorruit, demonstrans se veræ fidei veræque religioni inviolabiliter addictam¹.

1—Vid. plura de hoc arguento ap. Perrone, *l. cit.*

APPENDIX

DE NOVISSIMIS

(Suppl. Q. LXIX sq.)

Tractatus, quem moderni *Eschatologiam* vocant, *de novissimis* inscribitur, eo quod versatur circa ea quæ homini universæque creaturæ ultimo seu novissime obtingent; de quibus nos monet Scriptura (Eccli. VII, 40): *In omnibus operibus tuis memorare novissima tua, et in eternum non peccabis.*—Mancum quidem esset opus dogmaticum, nisi, expleto sermone de Deo ejusque effectibus deque iis quæ circa illos effectus, maxime circa creaturam rationalem in bonum promovendam providit, terninum divinæ curæ supremumque resurrectionis statum consideraremus.

Hee porro consideratio, post S. Thomam, dividi trifariam potest; siquidem tria occurunt investiganda, videlicet *præcedentia resurrectionem, concomitantia illam, et illam consequentia.* Materia igitur ultro se præbet trium disputationum.

DISPUTATIO OCTAVA

DE PRÆCEDENTIBUS RESURRECTIONEM

Præcedentium resurrectionem plura theologica consideratione digna objiciuntur: quorum primum est ipse *transitus hominum* de hac vita ad alteram (Q. I); aliud est conditio seu *qualitas animæ* exeuntis a corpore (Q. II); tertium habetur *temporaria habitatio* quæ animabus justis, nondum tamen plene purificatis, ante resurrectionem convenit (Q. III); quartum consistit in *suffragiis* quæ, ex sanctorum communione, mortuis prodesse valeant (Q. IV); quintum tandem sunt *signa* quibus supremi Judicis adventus, tempore resurrectionis, prænuntiabitur (Q. V).

QUÆSTIO PRIMA

DE TRANSITU ANIMÆ AD ALTERAM VITAM

Circa hunc transitum, considerare est in primis ipsum factum animæ per mortem exeuntis a corpore (art. 1); deinde tractandum est de *judicio particulari*, quo nempe quisque mox defunctus privatim agitur (art. 2); accedit consideratio *receptaculorum* quibus animæ divinitus judicatae pro meritis recipiuntur (art. 3); qua demum ratione animæ illæ ad loca sibi destinata *deducantur*, postremo disserendum offertur (art. 4).

ARTICULUS I.

De morte hominum.

1º *Mors non uno sensu in Scripturis accipitur*: modo enim significat privationem vitæ spiritualis, quæ peccato lethali in anima tollitur (Eph. II, 1): *Vos, cum essetis mortui delictis et peccatis vestris etc*; modo enunciatur æternam damnationem, ad quam peccatum mortale dicit (Prov. X, 2): *Justitia liberabit a morte*. Quæ tamen acceptiones per analogiam sumptæ sunt ab altera principaliori, quatenus nempe per mortem exprimitur “separatio animæ a corpore,” ita ut *revertatur pulvis in terram suum, unde erat, et spiritus redeat ad Deum, qui dedit illum* (Eccle. XII, 7).

2º Supponimus contra materialistas admissam veritatem *immortalitatis animæ* que tum ratione philosophica tum fide theologica invicte asseritur, queque substratum est quo universa tractatio de novissimis nititur. Memorasse sufficiat definitionem datam a Leone X in *Conc. Later. V* (1513); cui consonant verba *Conc. Colonien.* (1860): “Ut e rebus creatis Deum mundi auctorem, sic etiam ex animæ cogitationibus, que materiæ vim superant, rem seu substantiam materiæ superiorem cogitationumque principium esse merito inferimus; et ut in sive quilibet conscientie intimo recessu Dei notionem aliquam deprehendit, sic etiam vitæ post mortem perpetuo beate desiderio quilibet se agi, modo attendat, sentit; et sicut omnium populorum voces et templa Deum esse clamant, eorumdem populorum voces et sepulchra immorta-

litatis persuasionem attestantur."—Non igitur animæ humanæ sed corporis dntaxat dissolutionem morte fieri, universalis hominum judicio et experimento contendimus; de cuius corporis, semel enortui, conditione, pauca subiciemus.

3º Refert *Knoll* (P. V, sect. II, c. 1), nonnullos ejus fuisse insanias ut aestimarent mortem corporalem prohiberi posse aut medicamentis (ita *Sinenses* quidam), aut praxi Evangelii et firma fide (ita *Rosenfeld* et *Asgil*).—Verum mortis factum, luculenter omnibus patens, ad considerandum heic offertur cum speculative, tum etiam practice, ut obsequamur divino monito (Eccli. VII, 40) sanctorumque dictis, puta *S. Greg. M.* (I. XIII Mor. c. 29): "Perfecta vita est mortis meditationis, quam dum justi sollicite peragunt, culparum laqueos evadunt."

Conclusio 1^a.—LEX DE MORTE SUBEUNDA CERTA QUIDEM EST IN SE, CERTOQUE OMNES HOMINES ATTINGIT; VERUM INCERTA PRORSUS NOBIS EST QUOAD TEMPUS.

1^a Pars facili negotio ostenditur.

1º Utriusque Testamento paginæ hanc legem promulgatam exhibent.—Aiebat Job (XIV, 5): *Breves dies hominis sunt, numerus mensium ejus apud te est; constitueristi terminos ejus qui præteriri non poterunt.* Item dicitur (Eccli. XIV, 12): *Memor esto quoniam mors non tardat, et testamentum inferorum quia demonstratum est tibi.*—Rursus legimus (Heb. IX, 27): *Statutum est hominibus semel mori.*

2º Etiamsi SS. Litteræ de ea mortis lege silerent, illam *experiencia* luctum inter et lacrymas quotidie proderet. Et si ad historiam præteriti respiciamus, indeque conjectari de futuro velimus, quid morte nobis imminente certius judicabitur¹? Bene *S. Augustinus* (Serm. 279 de tempore, n. 9): "Exceptus eris a morte, si exceptus fueris a genere humano."

3º Mors spectari potest vel ex parte causæ remotæ, vel ex parte causæ proximæ.

1—Motiva solatii, quibus terrores mortis minui ac penitus tolli possunt, haec præcipua recensentur: nimirum necessitas obsequendi justissimæ ac sapientissimæ *Dei voluntati*; exemplum viorum potentissimorum, doctissimorum, sanctissimorum qui et ipsi vita decesserunt; *liberatio a terrestris vita miseriis*, cuiusmodi sunt regritudines, molestiae, pericula peccandi, etc.; corruptio corporis *incorruptionem germinans*; consecutio patriæ cuius janua per mortem aperitur (*Knoll*, l. cit.).

a) Ex partæ causæ *remotæ*, utique mors a Deo dependet qui omnia dispositus in numero, pondere et mensura, et quemadmodum limites mari imposuit, ita et confinia humanæ vitæ præfixit. Unde dicitur (Sap. XVI, 13): *Tu es, Domine, qui vitæ et mortis habes potestatem, et deducis ad portas mortis et reducis.*

b) Ex parte causæ *proximæ*, res inspici potest vel secundum ordinem Providentiae naturalis, vel secundum ordinem Providentiae supernaturalis.— Sub *primo respectu*, mors procedit ex ipsa conditione naturæ quam Deus mortalem seu dissolutioni obnoxiam fecit, ita ut homo, certo probationis spatio utens, superioris æternæque vitæ felicitatem mereretur. —Sub *altero respectu*, mors est simul poena et medicina: *poena* quidem illius peccati in quod protoparentes misere lapsi sunt et quo sibi suisque posteris primævum, immortalitatis donum (ad justitiam originalem pertinens) amiserunt; *medicina* autem, in quantum mortem ad exemplar Christi fortiter tolerando, majora merita supernaturalia assequimur.

2^a Pars de universalitate mortis haud minori gaudet certitudine.

1^o Etenim expressa sunt sacra eloquia. (2 Reg. XIV, 14): *Omnis morimur, et quasi aquæ dilabimur in terram, quæ non revertuntur.* (Eccli. XIV, 18): *Omnis caro sicut fænum veteraset, et sicut folium fructificans in arbore viridi.* (Eccl. II, 16): *Moritur doctus similiter ut indoctus.*

2^a a) Dubium equidem movetur quoad *Henoch* et *Eliam* quos traditio, Scripturæ (Gen. V, 24; 4 Reg. II, 11-12; Heb. XI, 5) innixa, mortuos non esse declarat, sed translatos in felicem quemdam locum. De iis *Chrysost.* (Hom. 22, ep. ad Heb. n. 2): “Multi quærunt, quomodo translatus sit Henoch et cur translatus, et cur non mortuus sit neque ipse neque Elias? et si adhuc vivunt, quomodo vivant, et in quo habitu? sed omnino supervacaneum est hæc quærere. Nam quod ille quidem, nempe Henoch, sit translatus, hic vero, nempe Elias, sit assumptus, dixerunt Scripturæ. Ubi autem sint, et quomodo sint, non itidem adjecerunt; non amplius enim dicunt quam quæ sunt necessaria.”—Patrum tamen Doctorumque sententia est, *Henoch* et *Eliam* nequaquam fuisse a mortis lege exemptos, sed reservari in extremum tempus quo, exhibito veritati testimonio, ab Antichristo interficiuntur, juxta

verba (Apoc. XI, 7): *Cum finierint testimonium suum, bestia, quæ ascendit de abyso, faciet adversum eos bellum et vincet illos, et occidet eos.*

b) Alterum quoque ortum est dubium de iis qui *in fine mundi* viventes reperientur. Circa quos duplex habetur sententia: una quod morientur; alia, quod non morientur. At (inquit S. Thomas) "probabilius et convenientius tenetur quod omnes illi qui in adventu Domini reperientur, morientur et post modicum resurgent" (I-II^a, Q. LXXXI, a. 3ad 1), eamque sententiam alibi (in 1 Cor. XV, 51) dicit magis Ecclesiæ acceptam: ratio est quam ipse (Suppl. Q. LXXVIII, a. 2) et S. August. (l. XX de Civ. Dei, c. 20) tradunt, quia nempe necesse est omnes mori ut omnes vere resurgere possint.

3^a Pars additur de *incertitudine temporis quo mors veniet.*

1^o Scriptura frequenter hanc veritatem inculcat. Sic legitur (Matth. XXV, 13): *Vigilate, quia nescitis diem neque horum;* cf. Luc. XII, 40. Ait Paulus (1 Thess. V, 2-3): *Dies Domini, sicut fur in nocte, ita veniet. Cum enim dicerint: pax et securitas; tunc repentinus eis superveniet interitus.* Et Jacobus (IV, 14-15): *Ignoratis quid erit in crastino. Quæ est enim vita vestra? vapor est ad modicum parens, et deinceps exterminabitur.*

2^o Ratio summa, ob quam Deus mortis tempus incertum cuique reliquerit, assignatur a S. Gregorio (Hom. 13 in Evang. n. 6): "Horam ultimam Dominus noster idcirco voluit nobis esse incognitam, ut semper possit esse suspecta, ut, dum illam prævidere non possumus, ad illam sine intermissione præparemur." Sic enim homo efficacius a peccandi libidine refrenatur (Luc. XXI, 34), constantius ad bona opera perficienda impellitur (Marc. XIII, 35-36), vehementius ad merita grandiora comparanda sollicitatur. — Nec omittendum quod certitudo de mortis tempore plerosque prohiberet a suscipiendo iis laboribus qui humanæ vite ac societati tum domestice tum civili bona pernecessaria afferunt.

Conclusio 2^a. — QUANVIS CORPUS PER MORTEM VITAM OMNEM AMITTAT, NON TAMEN QUIDDAM EST NULLO HONORE DIGNUM.

1^a Pars evincitur:

1^o Ex prop. 22^a Rosminii a S. Off. damnata: "Non est cogitatu impossibile divina potentia fieri posse ut a corpore

animato dividatur anima intellectiva, et ipsum adhuc maneat animale: maneret nempe in ipso, tanquam basis puri animalis, principium animale, quod antea in eo erat veluti appendix."

2^a *Ratione*: nam, juxta solidam philosophie scolasticæ doctrinam, unum est in corpore humano vitæ principium, scil. anima rationalis¹. Atqui anima ista per mortem a corpore separatur. Ergo corpus, morte percussum, inanumatum manet sub ea forma quam *cadavericam* nominant. Unde *S. Thomas* (III, Q. XXV, a. 6 ad 3): "Corpus mortuum alicujus sancti non est idem numero quod primo fuit, dum viveret, propter diversitatem formæ quæ est anima; est tamen idem identitate materiæ, quæ est iterum suæ formæ unienda."

2^a *Pars paucis expedietur.*

Dico itaque humano corpori etiam emortuo honorem aliquem deberi duplici ex causa: tum nempe propter ordinem ad præteritum, quatenus corpus illud manu Dei perfectum est ut esset templum Sp. Sancti; tum propter ordinem ad futurum, quatenus idem corpus divino opere aliquando resuscitandum est et animæ rationali in æternum adso ciandum². Huc apprime faciunt verba *S. Augustini* (l. I de Civ. Dei, c. 13): "Nec contemnenda, inquit, et abjicienda sunt corpora defunctorum, maximeque justorum atque fide lium, quibus tanquam organis et vasis ad omnia bona opera sanctus usus est Spiritus. Si enim paterna vestis et annulus ac si quid hujusmodi tanto carius est posteris, quanto erga parentes major affectus; nullo modo ipsa spernenda sunt corpora, que utique multo familiarius atque conjunctius quam quelibet indumenta gestamus. Hæc enim non ad ornamen tum vel adjutorium, quod adhibetur extrinsecus, sed ad ipsam naturam hominis pertinent. Unde et antiquorum justorum funera officiosa pietate curata sunt, et exequiæ celebratae, et sepultura provisa."

1—Cf. *de Creatione*, Disp. VI, Q. I, a. 3.

2—Has ob rationes (reliquis omis s) *crematio* corporum, paganis olim probata atque a neopaganis hodie restaurata, semper catholico sensu penitus repugnat; siquidem et ordinem ad præteritum et ordinem ad futurum violenta destructione perire videtur, perinde ac si mors foret annihilatio. Cf. *Revue des sciences ecclésia stiques*, déc. 1886; item Cavagnis, *Inst. jur. pub. ecol.*, P. II, l. IV.

ARTICULUS II.

De judicic particulari.

1º Divinum judicium duplex distingui, *particulare* scil. et *universale*, sic declarat *Catech. Trid.* (P. I, art. 7, n. 3-4) : “Duo tempora observanda sunt, iu quibus unicuique necesse est in conspectum Domini venire et singularum cogitacionum, actionum, verborum, denique omnium rationem reddere, demumque judicis praesentem subire sententiam. Primum est, cum unusquisque nostrum migraverit e vita : nam statim ad Dei tribunal existitur, ibique de omnibus justissima quæstio habetur, quæcumque aut egerit, aut dixerit, aut cogitaverit unquam ; atque hoc *privatum* judicium vocatur. Alterum vero, cum uno die atque uno in loco omnes simul homines ad tribunal judicis stabunt, ut omnibus omnium sacerdotiorum hominibus inspectantibus et audientibus, singuli quid de ipsis decretum et judicatum fuerit cognoscant... Hoc autem *generale* judicium appellatur.”

2º *Chiliastæ* quidam antiquitus docuerunt animas defunctorum usque ad extremi judicii diem in incerto ac veluti sopitas manere: cui errori assenserunt *Tatianus* et *Lactantius*; item veteres *Copti* et *Nestoriani*.—Recentius systema inventum est quod dicunt *progressivæ orthodoxyæ*¹, quatenus post mortem probationis tempus iis concedi asseritur qui in hac vita *Evangelium* explicite non cognoverunt.

3º Questio prius dupliciter enodari potest: vel *in genere*, vel quoad *speciales* circumstantias quibus judicium particulare erit vestitum; unde opportuno duo illa duplii conclusione tractabuntur.

Conclusio 1^a.—*CUIQUE ANIMÆ, SEMEL AC FUERIT PER MORTEM SOLUTA A CORPORE, JUDICIUM DEI OTINGIT.*—Prop. hæc certa dici potest *sive divina* propter manifestam revelationis doctrinam².

1º Etonim duo loca in *Scripturis* occurruunt quæ rem indubium faciunt.—Sic legitur (*Ecli. XI, 28-29*): *Facile est*

1—Cf. period. “Catholic World”, oct. 1886.

2—In schemate *Constitutionis catholicae de doct. cath. Conc. Vaticano* proposito, id (cap. 5) inter alia statuitur.

coram Deo in die obitus retribuere unicuique secundum vias suas...in fine hominis denudatio operum illius; quibus verbis luculenter docemur, statim post mortem (quod significatur per duo illa, in die obitus et in fine hominis) opera uniuscujusque scrutinio Judicis pensari et debitam sibi retributionem accipere.— Idem colligitur ex parabola Salvatoris de epulone divite et Lazaro mendico (Luc. XVI, 22): Factum est autem ut moreretur mendicus et portaretur ab Angelis in sinum Abrahæ. Mortuus est autem et dives, et sepultus est in inferno. Hic enim evidenter agitur de immediato accessu mendici et divitiae ad loca sibi per modum retributionis destinata: quæ retributio judicium prærequirit.

2º Eam esse legitimam interpretationem, testis est inter alios S. Augustinus ita ad Petrum presb. scribens (*De anima et ejus orig.* l. II, n. 8): “ Illud quod rectissime et valde salubriter credit (Victor) *judicari animas, quum de corporibus exierint*, antequam veniant ad illud judicium quo eas oportet jam redditis corporibus *judicari atque in ipsa, in qua hic vixerunt, carne torqueri sive gloriari, hoc itane tandem ipse nesciebas?* Quis adversus Evangelium tanta obstinatione mentis obsurduit, ut in illo paupere, qui post mortem ablatus est in sinum Abrahæ, et in illo divite, cuius in inferno cruciatus exponitur, ista non audiat, vel audit a non credit? ” Ait quoque S. Chrysost. (*Hom. 14 in Matth.* n. 4): “ Sicut illi, qui e carcerebus educantur, una cum ipsis catenis ad judicium pertrahuntur; sic omnes animæ, cum hinc emigraverint, variis peccatorum poenit implicitæ ad terribile illud tribunal adducantur.”

3º Fidei certitudine constat per mortem concludi probationis tempus homini concessum, ideoque statui viæ finem imponi ut incipiatur status termini; hoc enim aperte significant verba illa (*Eccle. XI, 3*): *Si ceciderit lignum ad austrum aut ad aquilonem, in quocumque loco ceciderit, ibi erit.* Et alia (*Joan. IX, 4*): *Venit nox, quando nemo potest operari.* Atqui requum sane est ut qui de probationis stadio egreditur, interveniente Judicis sententia, pro meritis vel demeritis statim retributionem convenientem consequantur: securus enim boni simul et mali eadem incertitudinis sorte tabescerent. Ad rem S. Thomas (III, Q. LIX, a. 5 ad 1):

"Dicendum est quod post mortem, quantum ad ea quæ sunt animæ, homo sortitur quemdam immutabilem statum; et ideo quantum ad præmium animæ non oportet ulterius differri judicium."

Conclusio 2^a. — **QUA RATIONE, QUO TEMPORE ET LOCO, QUILIBUS TESTIBUS, SENTENTIA JUDICI PARTICULARIS A CHRISTO JUDICE PROFERATUR, INQUIRENDUM SUSCIPITUR.**

1^a *Pars* instituitur de *sententia ipsa*; circa quam duo consideranda veniunt, *unum* de ratione qua paretur, *alterum* de modo quo proponatur.

1^o Quamvis humana judicia præviam *causæ discussionem* requirant, id de sententia divini judicii proprie dici nequit; si quidem Deus uno intelligentie actu cuncta hominum opera eoruinque vel meritum vel reatum plane perfecteque ab aeterno complexus est. — 2^o Quantum ad *propositi nis modum*, nequit dubitari quin haec sententia spiritualiter, non vocaliter, proferatur; dirigitur enim ad animas corporis consortio solutas soliusque vite intellectualis usu gaudentes (prout melius infra apparebit). Idecirco tota res peragitur locutione ac manifestatione intelligibili.

2^a *Pars* est de *tempore et loco* quo fit präfatum judicium.

1^o Quoad *tempus*, "docent communiter theologi particulare judicium in ipso mortis momento institui, in illo scil. temporis puncto quo anima separatur a corpore. Non fit ante illud instans, quandoquidem nondum transit merendi vel demerendi tempus; nec post illud, peracta enim illa separatione, nulla datur differendi judicii ratio, cum anima sit extra viam et consequenter incapax majorem aut maiorem aut paenam promeretdi" (*S. Alph.*, Diss. I, n. 4). — Nonnulla quidem referunt *facta* quibus ostendatur quandoque ante mortem, quandoque vero aliquamdiu post animas judicari. Verum (supposita factorum illorum authenticitate) dupliciter respondemus cum *Bellarmino* (de Purgat. l. II, c. 4): a) nempe aut exempla illa pertinent ad particularem quamdam et extraordinariam Dei providentiam ad nos instruendos et terrendos. b) Aut dici potest de judicis ante mortem, ea tunc non peracta sed preostensa tantum fuisse; de judicis vero post mortem, non sententiam ipsam sed sententie manifestationem fuisse dilatam.

2^o Quondam *locum*, nihil quidem omnino certum determinari

potest; ast, cum judicium institui credatur ipso momento quo anima a corpore separatur, communior opinio tenet hominem in eo loco, ubi moritur, judicari. Unde minus probabile est quod aliqui docent, scil. animas statim post mortem in cœlum deferri et Christo præseutari, sed ad tribunal judicis adduci censendæ sunt per hoc ipsum quod morte disponuntur ad audiendam ejus sententiam.

3^a Pars additur de *testibus* huic sententiae adstantibus.—Probabilis quidem sententia habet, hominum morti judicioque interesse tum *angelos custodes* tum *malignos spiritus*, quippe qui, diverso sane consilio, humanae sorti cooperantur, nec sine sollicitudine quadam sive piæ bonitatis sive impie perversitatis judicii exitum, sibi haud certo præcognitum, exspectant.

4^a Pars spectat ad ipsum *Judicem*, quem *Christum* esse seu Deum-Hominem alibi (*de Incarn.* Disp. X, Q. III. a. 2) demonstravimus.—Id duntaxat notatum volumus: ad exercendum particulare judicium Christus nec e cœlo corporaliter descendere nec ad animas corporaliter accedere reputandus est; alioquin perpetuo esset in motu ac circuitu ad animas morientium, ubicumque sint, judicandas. Verum cœlestis *Judex* intelligibili mentium commercio sese animabus illis præsentem facit.

ARTICULUS III.

*Num et quæ receptacula animabus assignentur
post mortem.*

(Q. LXIX, a. 1, 4-7)

1^o In mentem redit absurdia eorum tum antiquorum tum recentiorum positio qui *metempychosis* tenent. Animam enim de corpore in corpus etiam belluinum transire, docuerunt olim post *Pythagoram* plures philosophi ethnici. Hunc autem errorem etate nostra susciturunt fautores¹ cuiusdam

1—Cf. Th. Ortolan, *Astronomie et théologie*, II^e P., oh. 3; ubi describuntur theoræ scriptorum Reynaud, Figuer et Flammarion.

*progressus continui ac evolutionistici, juxta quem post mortem perhibentur animæ se, pro perfectione sua, novis corporibus perfectioribus conjungentes : quos quidem non vacat heic refutare. Sufficiant verba S. Thomæ (C. G. II, 73) : "Quæ est proportio animæ hominis ad corpus hominis, eadem est proportio animæ *hujus* hominis ad corpus *hujus* hominis. Non est igitur possibile animam *hujus* hominis ingredi aliud corpus quam istius hominis."*

^{2º} Stat ergo per mortem et judicium animas egredi de hac vita : quo vadunt ?—Quæstio hæc ut debite solvatur, duo determinanda sunt, scil. *primo* num conveniat receptacula seu loca quædam materialia defunctorum animabus generatim assignari ; *secundo*, si id admittatur, quænam sint receptacula *hujusmodi* juxta fidem ac rationem probanda.

Conclusio 1^a. — MERITO RECEPTACULA QUÆDAM ANIMABUS DEFUNCTORUM DEPUTANTUR.

^{1º} *Traditionis* sensum profert S. *Augustinus* dicens (Enchir. n. 29) : "Te ipsum quod inter hominis mortem et ultimam resurrectionem interpositum est, animas abditis receptaculis continet, sicut unaquæque digna est requie vel ærumna." Id ipsum colligitur ex iis que narrat S. *Greg.* (4 Dial. cc. 25, 29, 30, 40), scil. animas post mortem ad diversa loca corporalia esse deductas.

^{2º} Sic ratiocinari fas est : eæ substantiae aliis quasi locis merito deputantur, que cum illis convenientiam seu habitum congruentiae præ se ferunt. Atqui viget habitudo *hujusmodi* inter substantias spirituales et substantias corporales, veluti inter gemina sibique correspondentia divinae creationis opera, quorum unum inferius alteri superiori subditur. Ergo "quamvis animabus post mortem non assignentur aliqua corpora, quorum sint formæ vel determinati motores, determinantur tamen eis quædam corporalia loca per congruentiam quædam secundum gradum dignitatis earum, in quibus sint quasi in loco, eo modo quo incorporalia esse possunt in loco, secundum quod magis vel minus accidunt ad primam substantiam cui locus superior per congruentiam deputatur, scil. Deum cuius sedem cœlum Scriptura esse denuntiat, Ps. CII, Is. LXVI" (art. 1).

Conclusio 2^a. — UNIVERSIM LOQUENDO QUINTA NUMERAMUS ANIMARUM RECEPTACULA.—Id quidem tum *in genere*, tum *in specie* declarari potest.

1º In genere.—Sic enim discurrit *S. Thomas* (art. 7) : “ Receptacula animarum distinguuntur secundum diversos status earum. Anima autem conjuncta mortali corpori habet statum merendi ; sed exuta a corpore est in statu recipiendi pro meritis bonum vel malum. Sic ergo post mortem vel est in statu recipiendi finale præmium, vel est in statu quo impeditur ab illo.—Si autem est in statu recipiendi finali retributionem, hoc est dupliciter : vel quantum ad bonum, et sic est *paradisus* ; vel quantum ad malum, et sic ratione actualis culpæ est *infernus*, ratione autem originalis est *limbus puerorum*.—Si vero est in statu quo impeditur a finali retributione consequenda, vel hoc est propter defectum personæ, et sic est *purgatorium*, in quo detinentur animæ ne statim præmium consequantur propter peccata quæ commiserunt ; vel propter defectum nature, et sic est *limbus patrum*, in quo detinebantur patres a consecutione glorie propter reatum humanae nature qui nondum poterat expiari.”

2º In specie.

a) *Primo*, paradisum seu *cœlum* materialiter ac theologicice sumptum haberi in Scripturis *pro speciali loco*, manifeste patet, quia Christus dicitur a terra *assumptus in cœlum* (Marc. XVI, 19). Ipse quoque Dominus dixit (Joan. XIV, 2 sq.) : *In domo Patris mei mansiones multæ sunt... vado parare vobis locum... iterum venio et accipiam vos ad me ipsum, ut ubi sum ego, et vos sitis.*—*Conf.* quia corpora beatorum post resurrectionem animabus conjungenda, immo et corpora Christi, B. M. Virginis aliorumque forte sanctorum jam nunc gloriosa, locum suæ glorie proportionatum requirunt.—Idecirco, quanquam nesciamus ubi sit locus iste, certa theologis sententia est dari corporeum quoddam sanctorum domicilium, latissimum, lucidissimum, quod antiqui cœlum empyreum nominabant ; de quo *S. Thomas* (I, Q. LXVI, a. 3 ad 5) : “ Locus corporeus deputatur contemplationi, non propter necessitatem, sed propter congruitatem, ut exterior claritas interior conveniat.”

b) *Secundo*, ad *infernum* quod attinet, liquidum est requiri locum materialem in quo Deus suam contra damnatos justitiam suppliciis etiam corporalibus exerceat.—Fuerunt autem inter protestantes qui, cum *Brentio*, docerent locum illum certum seu determinatum non esse, sed ubique diffusum

(unde *Ubiquistæ* dicti suut) vel modo hunc modo illum pro divino beneplacato seligi: quod tamen alienum est a vera doctrina. "Est, inquit *Catech. Trid. P. I.*, art. V, n. 4, teterimus et obscurissimus cancer ubi perpetuo et inexstingibili igne damnatorum animæ simul cum immundis spiritibus torquentur, qui etiam *gehenna* (*Matth. X, 28*), *abyssus* (*Luc. VIII, 31*), et propria significatione *infernus* (*Ps. XLVIII, 15*) vocatur."—Quo autem in loco infernus sit collocandus, vix a nobis attingi potest! Variæ quidem propositæ sunt sententiæ, quarum una communior, veteribusque præsertim acceptior, damnatorum sedem in *visceribus terræ* reponit (*Suppl. Q. XCVII, a, 7*). Eam autem doctorum opinionem suaderi putamus sensu magis obvio Scripturæ¹, in primis textu illo (*Num. XVI, 31 sq.*): *Dirupta est terra sub pedibus eorum... descenderuntque vivi in infernum operti humo*. Attamen præ oculis haberi debent quæ confessus est *S. Thomas*, inquiens (*Opusc. XI, art. 25*): "Non credo ab homine sciri posse ubi sit infernus." Sapienter ergo ait de gehenna *S. Chrysostomus* (*Hom. 31 in ep. ad Rom. n. 5*): "Ne ergo queramus ubinam sit, sed quomodo illam effugiamus."

c) *Tertio*, quantum ad *limbum puerorum*, ea voce designamus damnationis locum quo detentur eorum animæ qui in solo peccato originali decedunt, quique idcirco immunes sunt a pena sensus² qua torquentur rei peccatorum actualium. *Latiōri* quidem sensu inferni nonen locum etiam illum comprehendit; at non est *limbus* cum *inferno stricte sumpto confundendus*, licet ei proximus ac veluti contiguus esse creditur.—*Cæterum de existentia limbi puerorum dicitari* nequaquam potest, præsertim post Bullam *Auctorem fidei* qua sic rejicitur prop. 26^a *Syn. Pistoriensis*: "Doctrina, quæ velut fabulam pelagianam expludit locum illum inferorum (quem *limbi puerorum* nomine fideles passim designant) in quo animæ decedentium cum sola originali culpa penam damni citra penam ignis puniantur; perinde ac si hoc ipso

1—Neque, sub respectu scientifice, quiddam esse videtur quod hunc sententiæ repugnet, maxime cum sententia hujusmodi haud necessario supponat systema geocentricum ab antiquis propugnatum, moderna autem scientia explosum.

2—Cf. *de Reparatione*, Disp. I, Q. III, a. 4.

quod qui pœnam ignis removent, inducerent locum illum et statum medium expertem culpæ et pœnæ inter regnum Dei et damnationem æternam, qualem fabulabantur Pelagiani, (declaratur) falsa, temeraria, in scholas catholicas injuriosa."

d) Quarto, de limbo Patrum hæc habet *Catech. Trid.* (*l. cit. n. 6*): Aliud "receptaculi genus est, in quo animæ sanctorum ante Christi Domini adventum excipiebantur, ibique sine ullo doloris sensu, beata redēptionis spe sustentati, quieta habitatione fruebantur. Horum igitur piorum animas, quæ in sinu Abrahæ Salvatorem expectabant, Christus Dominus ad inferos descendens liberavit¹."—Vocabatur ille limbū sinus Abrahæ, eo quod animæ hominum post mortem ad quietem pervenire non possunt nisi merito fidei; Abraham autem credentium primus seu antesignanus exstitit. Verum (apte monet *S. Thomas*, art. 4 ad 2), "sicut requies ss. patrum ante Christi adventum dicebatur sinus Abrahæ ita et post Christi adventum; sed diversimode: quia enim ante Christi adventum sanctorum requies habebat defectum requie adiunctum, dicebatur idem infernus et sinus Abrahæ; unde ibi non videbatur Deus. Sed quia post Christi adventum sanctorum requies est completa, cum Deum videant, talis requies dicitur sinus Abrahæ, et nullo modo infernus; et ad hunc sinum Abrahæ Ecclesia orat fideles perduci."—Probabile igitur est limbū patrum fuisse sub inferno late sumpto comprehendens veluti locum adjacentem², tamen superiorem limbo puerorum, quippe quod in ss. patribus minimum erat de ratione culpæ (art. 5).

e) Quinto tandem inter animarum receptacula numeratur purgatorium seu "purgatorius ignis, quo piorum animæ ad definitum tempus cruciatæ expiantur, ut eis in æternam patriam ingressus patere possit in quam nihil coquinatum ingreditur" (*Catech. Trid.*, *l. cit. n. 6*).—Referantur quæ habet *S. Thomas* (Suppl. art. ult.): "De loco purgatorii non invenitur aliquid expresse determinatum in Scriptura, nec rationes possunt ad hoc efficaces induci. Tamen probabiliter,

1—Cf. *de Incarn. Verbi*, Disp. IX, Q. V, a. 3.

2—Nonne id colligitur ex narratione Scripturæ, ubi dives elevans oculos suos, cum esset in tormentis, vidi Abraham a longe et Lazarum in sinu ejus? (*Luc. XVI*, 23).

et secundum quod consonat magis sanctorum dictis et revelationi factæ multis, locus purgatorii est duplex. Unus secundum *legem communem*; et sic locus purgatorii est locus inferior inferno conjunctus; ita quod idem sit ignis qui damnatos cruciat in inferno, et qui justos in purgatorio purgat, quamvis damnati, secundum quod sunt inferiores merito, et loco inferiores ordinandi sint. Alius est locus purgatorii secundum *dispensationem*; et sic quandoque in diversis locis aliqui puniti leguntur, vel ad vivorum instructionem, vel ad mortuorum subventionem, ut viventibus eorum pœna innotescens per suffragia Ecclesiæ mitigaretur." Sententia in *Angelici* de loco purgatorii secundum legem communem confirming verba *Ecclesiæ crantis in Missa defunctorum* (Offert.): "Libera animas omnium fidelium defunctorum de pœnis inferni et de profundo lacu;" quibus verbis intelligi datur purgatorium locum esse subterrancum inferisque proximum¹.

Solv. obj. (cont. 1^{am} concl.).—OBJ. 1.—In corporalia non sunt in loco. Atqui anima per mortem separatur a corpore. Ergo.

RESP. *D. M.*... modo magis noto et proprio congruente corporibus, *C*; modo minus noto substantiis spiritualibus convenienti, *N*.—*C.m.*—*Neg. conseq.*

OBJ. 2.—Locatum convenient cum certo loco. Atqui animæ separatae, utpote ab omnibus conditionibus corporalibus remotæ, indifferenter se habent ad omnia loca. Ergo.

RESP. *D. M.*...convenientia univocationis vel proportionalitatis, *C*; univocationis tantum, *N*.—*C.d.m.*...spectata univocatione, *C*; spectata proportionalitate, *N*.—*Neg. conseq.*

"Duplex est convenientia vel similitudo: una quæ est per *participationem ejusdem qualitatis*, sicut calida ad invicem convenient, et talis convenientia incorporalium ad loca corporalia esse non potest. Alia per *quamdam proportionalitatem*, secundum quam in Scripturis metaphorice corporalia ad spiritualia transferuntur; quo modo in Scrip. Deus dicitur esse sol, quia est principium vitæ spiritualis, sicut sol vitæ corporalis, et secundum hanc convenientiam quælam animæ cum quibusdam locis magis convenient, sicut animæ

1—Vid. plura ap. Bellarminum, *De purgat.* I. II, c. 6.

spiritualiter illuminatae cum corporibus luminosis, animae vero obtenebratae per culpam cum locis tenebrosis" (art. 1 ad 2).

OBJ. 3.—Animabus separatis non assignatur aliquid post mortem nisi quod cedat in poenam vel praemium. Atqui corporalis locus non potest eis cedere in poenam vel praemium. Ergo.

RESP. C. M.—D.m :...directe, C; indirecte seu mediante apprehensione mentis, N.—Neg. conseq.

ARTICULUS IV.

Utrum statim post mortem animae deducantur ad sua receptacula, nunquam ex eis egressuræ.

(Art. 2-3)

1^o Ex ipso titulo intelligitur quot sint in presentiarum determinanda: duo enim inquirimus, *unum* de tempore quo animae ad sua receptacula ferantur, *aliud* de iatione qua in eis claudantur.—2^o Adversarios in primis eos habemus qui supra (art. 2) fuerunt recensiti: semel ac enim judicium particolare negetur, judicii hujus executionem negari necesse est. Directius autem immediatum animarum accessum ad locum praemii vel poenae impugnarunt olim *Tertullianus* et *Vigilantius*, neconon quidam *Armeni* et *Græci*; quibus dein se junxerunt *Lutherus* et *Calvinus* statuentes variis operum suorum locis, sortem animarum justarum et impiarum ante universale judicium certo determinari non posse.—3^o Quæstio, primo heic solvenda, non est de *purgatorio*; cuius admittit jam existentiæ, credendum profecto est animas nondum perfecte purgatas post mortem statim in illud descendere, propterea quod purgationis locus post extreum judicium non erit. Hinc disputatio primæ conclusionis coartatur ad *cælum* et *infernum*, comprehenso sub hac voce puerorum limbo.

Conclusio 1^a.—DEFUNCTORUM ANIMA, QUÆ IMPLÆ SUNT, STATIM POST JUDICIUM PARTICULARE IN INFERNUM DETRUDUNTUR; QUÆ VERO JUSTÆ PLENEQUE PURGATÆ SINT, PROTINUS

IN CŒLUM EXCIPIUNTUR.—*De fide*, ex CC. *Lugdun.* II et *Florent.* (Deer. pro Arm.), ubi legitur: “Definimus illorum animas qui, post Baptisma susceptum, nullam omnino peccati maculam incurserunt; illas etiam quæ, post contracti peccati maculam...sunt purgatae, in cœlum mox recipi et intueri clare ipsum Deum;...illorum autem animas, qui in actuali peccato mortali vel solo origineli decedunt, mox in infernum descendere, poenis tamen disparibus puniendas.”

1º Præsto est Scriptuæ suffragium:—*a)* Quoad malos: etenim legitur (Luc. XVI, 22): *Mortuus est et dives, et sepultus est in inferno*; ubi sepultura in inferno manifeste exhibetur tanquam aliquid statim consequens mortem. Jam vero inferni voce accipiendum esse locum damnationis, patet ex vers. 24: *Quia crucior in hac flamma*, inquit dives ille. — *b)* Quoad bonos: Dominus namque in cruce pendens latroni dixit (Luc. XXIII, 43): *Hodie tecum eris in paradiſo*. Promisit ergo Christus latroni beatitudinem seu visionem beatam eo die conferendam¹. Item ait Ap. (2 Cor. V, 1): *Scimus quoniam si terrestris domus nostra hujus habitationis dissolvatur, quod aedificationem ex Deo habemus, domum non manufactam, æternam in cœlis*; quibus verbis veluti per oppositionem quamdam satis declaratur quod, dissoluto corpore, anima ad cœlestem æternamque mansionem perducitur. Cf. *ibid.* 6-8, et Phil. I, 23.

2º *Traditionis* monumenta plena sunt testimonii eamdem veritatem confirmantibus:—*a)* Quoad malos, id testatur S. *Hilarius* (in Ps. II, n. 48): “Excipit impios statim ultor infernus.” Et S. *Greg. M.* (l. 4 Dial., c. 28): “Sicut electos beatitudo lætitat, ita credi necesse est quod a die exitus sui ignis reprobos exurat.”—*b)* Quoad bonos, nimius essem si cuncta Patrum eloquia atque hortamenta, ex immmediata præmii cœlestis consecratione desumpta, referre velle. Pulchrum specimen habes in verbis S. *Cypriani* (l. de exhort. martyr. c. 13): “Quis non omnibus viribus elaboret,...ut cum Christo statim gaudeat? ut post tormenta et supplicia terrena, præmia divina percipiat?...Clauduntur oculi in persecutionibus terre, sed patet cœlum; minatur Antichristus, sed Christus tuetur; mors infertur, sed immortalitas sequitur; occiso

1—Knabenbauer, in h. l.

mundus eripitur, sed restituto paradisus exhibetur; vita temporalis extinguitur, sed æterna reparatur”¹.

3º *Rationes theologicas* offert S. Thomas (C. G. IV, 91) multiplici ex capite:—*a)* Primo *ex parte subjecti* merentis et demerentis: sunt enim animæ separate susceptibiles tum poenarum aeternarum tum aeternæ gloriæ. Atqui subjectum recipieudi capax, semel ac capacitatem istam habeat, id petit quod sibi debetur (nisi quid obstet). Ergo.—*b)* Secundo *ex parte meriti ac demeriti*: quippe vita nostra secundum meriti vel demeriti rationem, comparatur militiae et diebus mercennarii, ut patet (Job. VII, 1): *Militia est vita hominis super terram, et sicut dies mercennarii dies ejus.* Atqui, post statum militiae et labore mercennarii, statim debetur præmium vel poena bene vel male se gerentibus; unde Dominus dicit (Joel. III, 4): *Cito velociter reddam vicissitudinem vobis super caput vestrum.* Ergo.—*c)* Tertio *ex modo seu ordine* culpæ et meriti: nam secundum ordinem culpæ et meriti convenienter assignatur ordo in poena et præmio. Jamvero meritum et culpa non conveniunt animæ propter corpus, neque corpori nisi per animam cuius est voluntarium. Nulla igitur ratio est quare in punitione vel præmiatione animarum exspectetur resumptio corporum: quin convenientius videtur ut animæ, in quibus per prius fuit culpa vel meritum, prius etiam puniantur vel præmientur.—*d)* Quarto *ex analogia providentie divinae*: eadem enim Dei providentiæ creaturis rationalibus præmia debentur et poenæ, quâ rebus naturalibus perfectiones debitæ adhibentur. Atqui naturæ lex id habet quod unumquodque statim recipiat perfectionem enjus est capax, nisi sit impedimentum vel ex parte recipientis vel ex parte agentis; v. g. corpus per gravitatem vel levitatem statim fertur in locum suum, nisi prohibeatur. Ergo similiter animæ, soluto carnis vinculo per quod in statu viæ detinebantur, statim (nisi quid impedit) præmium vel poenam, veluti actionum suarum fines, consequuntur.

Conclusio 2º.—NULLUS INFERNO VEL PARADISO FINALITER DEPUTATUS POTEST EXINDE SIMPLICITER EXIRE; FIERI TAMEN POTEST, NON SECUNDUM NATURÆ CURSUM, SED SECUNDUM PROVIDENTIÆ ORDINEM, UT ANIMÆ DEFUNCTORUM DE

1—Cf. Bellarminus, *De Sanct. beatit.* c. 4·5.

SUIS RECEPTACULIS AD TEMPUS EGREDIANTUR.—Singula hujus propositionis elementa perpendamus vel adstruamus.

1^a *Pars* est de iis animabus quæ *finali absolutoque* iudicio fuerunt inferno vel paradiso deputatæ.

1^o Elucet ratio asserti; siquidem tum beatitudo cujusque mali expers, tum damnatio irremissum peccatum puniens æternitatem postulant: hinc seinel ac Deus utrumque finaliter decreverit, non potest decreto illi, citra contradictionem, derogare.—Aliud dici oportet de *purgatorio et limbo Patrum*, eo quod in isto animæ sanctorum damnabantur ad exilium temporale, in illo vero damnantur ad temporalem poenam et carcerem.

2^o Ex hoc sequitur, illoru[m] quos ferunt *ad vitam reversionis*¹ (quæ facta critice expendere nostru[m] non est) neminem fuisse absolute constitutum in statu beatitudinis vel damnationis.—Verum a) potuerunt *aliqui* ex limbo Patrum vel purgatorio divina virtute resurgere, ita ut tamen, in gratia confirmati, nullum salutis discrimen incurrent;—b) *alii*, per exceptionem tardius tantum beatificandi, statim post mortem ponи potuerunt in loco optimo, unde ad præsentem vitam excitarentur;—c) *alii* tandem, in peccato emortui æternisque peenis digni, non tamen inferno definitive addicti, forte a peenis illis Dei privilegio exempti sunt, ita ut rursus terrestrem vitam ducentes sibique comparatâ gratiâ salutem demum consequerentur (Suppl. Q. LXXI, a. 5 ad 5)².

2^a *Pars* versatur circa egressum animarum *ad tempus*; in quo distinguendum est, quid eis conveniat secundum *legem nature*, et quid eis competat secundum *ordinem Providentiae*.

1^o Secundum *naturalem cursum* animæ separatæ, propriis que receptaculis addictæ, a conversatione viventium penitus segregantur.—*Ratio* est, quia naturaliter societatis commercium non exercetur nisi inter similes; animæ autem a corporibus separatæ spirituum magis quam hominum indolem

1—Cf. Bellarm., *De purgat.* I. II, c. 8.

2—Hac ratione D. Thomas (supposita veritate historica egressus *Trajani ab inferno*) rem illam theologicæ explicat.—Verum factum istud ceu commenticium rejiciunt eruditiores critici moderni, quibus jam præiverant inter alios Melchior Canus et Bellarmianus (*I. cit.*).

operandique modum habent. Eam ob causam dixit *S. August.* (*I. De cura pro mortuis*, n. 16) : " Si rebus viventium interessent animæ mortuorum,...ut de aliis taceam, meipsum pia mater nulla nocte desereret, quæ terra marique secuta est, ut mecum viveret."

2º At, juxta *Providentias divinæ ordinem*, contingit *interdum* animas defunctorum conspectibus viventium presentari¹.—*a)* Haud quidem negamus id fieri posse per meras species representativas. " Aliquando enim, ait *S. Th.* a. 3 ad 3, hujusmodi apparitiones fiunt vel in dormiendo, vel in vigilando, operatione bonorum vel malorum spirituum, ad instructionem vel deceptionem viventium, sicut etiam vivi homines aliquando aliis apparent et eis multa dicunt in somnis, cum tamen constet eos non esse præsentes." —*b)* Verum quoque, ut inquit *Bellar.* (*l. cit.*), " habemus testimonia gravissimorum auctiorum de regressu animarum ex omnibus receptaculis præter quam ex limbo puerorum." Quod confirmat laudatus scriptor diversis exemplis spectantibus ad regressum ex limbo Patrum, ex purgatorio et ex inferno. Id *ratione* suadetur, quia sancti vel damnati apparere possunt ad crudiendos et terrendos homines, animæ vero in purgatorio detentis ad expetenda suffragia.—*c)* Hoc tamen interest inter sanatos et damnatos, quod sancti, *cum voluerint* (voluntate utique divino beneplacito subjecta), apparere viventibus possunt, non autem damnati. Sicut enim justi viventes in carne, virtutem divinam per dona gratie gratis datæ participando, valent miracula perficere quæ alii nequam possibilia sunt, ita inconveniens non est ut ex virtute glorie animæ sanctorum gaudent facultate mirabiliter apprendi viventibus, cum volunt: quod tamen damnati non possunt nisi speciali Dei permisso.—*d)* Quando autem animæ egrediuntur de receptaculis sibi in premium vel in poenam destinatis, non idcirco pro illo tempore gaudium et dolor cessare putanda sunt: quippe affectiones istae per hoc principue habentur quod animabus predictis loca illa assignantur, licet quandoque contingat eas extra versari; sicut nec pon-

1—Hinc *S. Thomas* (*Quodl. III, art. 22*) scribit: " Nulla inordinatio in hac inquisitione videtur, si aliquis requirat a moriente cognoscere statum suum post mortem, submittendo tamen hoc divino iudicio."

tificis minuitur gloria sedendi in ecclesia cathedrali ex hoc quod a cathedra ad tempus recedit.

Solv. obj. (cont. 1^{am} concl.).—OBJ. 1.—Ait Ap. (2 Tim. IV, 8): *Reposita est mihi corona justitiae, quam reddet mihi Dominus in illa die justus judex; non solum autem mihi, sed et iis qui diligunt adventum ejus. Atqui per illam diem intelligitur dies extremi judicii, quod est, dies adventus Domini. Ergo.*

RESP. C. M.—*D.m:...per respectum ad coronam justitiae tum animæ tum corpori post resurrectionem attribuendam, C;* quin etiam intelligi possit dies prævia judicij particularis per respectum ad coronam solius animæ, N.—*Neg. conseq.*

OBJ. 2.—Pœna et præmium una tantum sententia constitui censentur. Atqui ignis inferni et gaudium paradisi dabuntur omnibus per Christi sententiam in ultimo judicio (Matth. XXV). Ergo.

RESP. D. M: Pœna et præmium sub una ratione... C; sub diversa ratione... N.—C.d.m.—*Neg. conseq.*

OBJ. 3.—Major est gloria animæ quam corporum. Atqui simul omnibus redditur gloria corporum, ut augeatur lætitia singulorum ex communi gaudio. Ergo multo magis gloria animarum debet differri usque ad finem, simul omnibus conferenda.

RESP. D. M:...diversa tamen indole et momento, C; secus, N.—C.m.—*Neg. conseq.*

Corpora generatione sociantur, animæ autem singillatim factæ sunt; qua de causa major existit convenientia simul glorificandi omnes homines in corpore quam in anima.—Præterea, “gloria corporis non est ita essentialis, sicut gloria animæ; unde magis detrimentum esset sanctis si gloria animæ differretur quam de hoc quod gloria corporis differatur; nec posset hoc detrimentum glorie recompensari propter ampliationem gaudii singulorum de gaudio communi” (art. 2 ad 3)¹.

1—Cf. Knoll, P. V, s. II, c. I, art. 2;—ubi, solutis plerisque dubiis, id quoque declaratur, nempe Joannem XII disputando, non definiendo, doctrinam oppositam in medium produxisse.

QUÆSTIO SECUNDA

DE CONDITIONE ANIMÆ EXEUNTIS A CORPORE

Determinatis iis quæ statim post mortem animæ obtinunt, exploranda succedit intima ejus *conditio*, non solum revelationis, sed et rationis lumine: ex quo pateat quam convenientia sint ea de re fidei catholicae documenta.—Porro anima a corpore separata considerari potest vel quantum ad *esse* (art. 1) vel quantum ad *posse*; quia autem posse illud aut *activum* est secundum intelligere (art. 2) et velle (art. 3) aut *passivum* (art. 4), idcirco tota materia quatuor articulorum complexu tractabitur.

ARTICULUS I.

De ratione essendi animæ separatae.

(Q. LXX, a. 1-2)

Testatur historia *quosdam* olim fuisse qui tenerent animas humanas, vinculo corporis solutas, transformari in spiritus altioris ordinis sive bonos sive malos. Hanc ipsam sententiam hodie instaurant *evolutionistæ*, quum suis coherentibus principiis communiscantur defunctorum animas velut progressu quodam ascendere in gradum speciei superioris, ab omni corporeo consortio liberum, peneque divinum.—*Origenistæ* vero aliqui profitentes unionem duntaxat accidentalem animæ cum corpore, quin in illum abeant excessum, opinantur tamen animas per mortem egredi de corpore quasi de carcere temporario ideoque tunc statum sibi plene connaturalem recuperare.—Demum, “*aliqui* (ait S. Th. Suppl. Q. LXX, a. 1), existimantes potentias omnes esse in anima ad modum quo color est in corpore, dicunt quod anima a corpore separata omnes potentias suas secum trahit. Si enim aliqua ei deesset, oportaret animam transmutataam esse secundum naturales proprietates, que, subjecto manente, variari non possunt.” Opinio hec, tenens potentias etiam *sensitivas* vigere in anima separata, orta est ex male intellectis confiniis

dividentibus ordinem sensibilem ab ordine intellectivo, eamque primum est ut *sensistæ* hodierni amplectantur.

Duarum conclusionum adstruendarum opportunitas heic offertur.

Conclusio 1^a. — ANIMA SEPARATA A CORPORE NON ASCENDIT IN GRADUM SPECIFICUM ANGELORUM; VERUM PARS REMANET POTIOR SPECIEI HUMANÆ, RETINENS NECESSARIAM HABITUDINEM AD CORPUS SIBI IN SPECIEM COMPLETAM KURSUS UNIENDUM.

1^a *Pars* uno arguento principali evincitur: — Nequit species aliqua inferior in speciem gradus superioris elevari; id enim intrinsece repugnat (prout alibi contra *transformistas* demonstravimus)¹. Atqui anima humana, in quocumque statu, specie differt a substantiis spiritualibus quas angelos dicimus: ergo, *Min. prob. ex D. Th.* (C. G. II, 94): "Unaquaque res habet proprium esse secundum rationem suæ speciei; quorum enim est diversa ratio essendi, horum est diversa species. Esse autem anime humanæ et substantiæ separatae non est unius rationis; nam in esse substantiæ separatae non potest communicare corpus sicut potest communicare in esse anime humanæ, que secundum esse unitur corpori ut forma materiæ. Anima igitur humana differt specie a substantiis separatis."

2^a *Pars* sponte ex prima profluit; videlicet anima separata a corpore non est proprie species, sed remanet potior pars naturæ humanæ ordinem dicens ad corpus: — 1^o Etenim in rebus compositis ex materia et forma, formæ non collocantur in genere et specie, sed composita (I, Q. LXXVI, a. 3 ad 2). Atqui anima post mortem, utpote immutata essentialiter manens, non est nisi pars formalis compositi, actu quidem a corpore disjuncta, verum retinens innatum ordinem atque appetitum ad corpus proprium sibi denuo conjungendum. Ergo, licet spectata secundum esse anima, quia subsistens independenter a corpore, perfecta sit, attamen spectata secundum speciem caret perfectione naturæ (I-II^m, Q. IV, a. 5 ad 2). — 2^o *Difficultas* moveri potest, qua ratione anime ejusdem speciei, seorsum a materia per quam individuabantur, numericam inter se distinctionem retineant. Cui difficultati nō occurrit *Angelicus* (C. G. II, 81): "Diversitas (animarum

separatarum) est secundum diversam *commensurationem* animarum ad corpora; hæc enim anima est commensurata huic corpori et non illi, illa autem aliis, et sic de omnibus. Hujusmodi autem commensurations remanent in animabus, etiam pereuntibus corporibus, sicut et ipsæ earum substantiae manent, quasi a corporibus secundum esse non dependentes."—3^o Consequitur (*contra Origenistas*) animam separatam non esse in statu *simpliciter naturali*: ei enim deest id quod, ipso naturæ consilio, intenditur ad complendam humanam speciem.

Conclusio 2^a. — ANIMA SEPARATA SECUM TRAHIT FORMALITER VIRES ORDINIS INTELLECTIVI, NON TAMEN VIRES SENSITIVAS ET VEGETATIVAS NISI IN RADICE.

1^o Breviter at dilucide utrumque assertum demonstrat *S. Thomas* (I, Q. LXXVII, a. 8): "Oinnes, inquit, potentiae animæ comparantur ad animam solam sicut ad *principium*. Sed quedam potentiae comparantur ad *animam solam* sicut ad *subjectum*, ut *intellectus* et *voluntas*; et hujusmodi potentiae necesse est quod maneat in anima, corpore destruto.—Quædam vero potentiae sunt in *conjuncto* sicut in *subjecto*, sicut omnes potentiae *sensitive partis* et *nutritive*. Destructo autem *subjecto*, non potest accidens remanero. Unde corrupto coniuncto, non manent hujusmodi potentiae actu, sed virtute tantum manent in anima sicut in principio vel radice.—Et sic *falsum* est quod quidam dicunt, hujusmodi potentias in anima remanere, etiam corpore corrupto; et multo *falsius* quod dicunt, etiam *actus* harum potentiarum remanere in anima separata; quia talium potentiarum nulla est actio nisi per organum corporeum."

2^o Quo pacto potentiae sensitivæ aliquæque inferiores in anima separata esse dicantur *sicut in radice*, alibi explicat *S. Doctor* (Suppl. Q. LXX, a. 1): nimirum vires illæ animæ insunt per modum quo principiata insunt principiis suis. Manet enim in anima separata efficacia influendi iterum hujusmodi potentias, si iterum corpori uniatur, nec oportet efficaciam istam esse quid *essentialis* animæ superadditum; quippe forma, ex hoc ipso quod actualitate sui materiam informat, est origo proprietatum quæ compositum naturaliter consequuntur.

ARTICULUS II.

De ratione intelligendi animæ separatae.

1º Memoranda est Rosminii prop. 23ª (inter propp. a S. Off. damnatas) : " In statu naturali, anima defuncti existit perinde ac non existeret : cum non possit ullam super seipsam reflexionem exercere, aut ullam habere sit conscientiam, ipsius conditio similis dici potest statui tenebrarum perpetuarum et somni sempiterni." Eamdem doctrinam jam tenuerant aliqui protestantes, quos et præcesserunt veteres Nestoriani male interpretantes verba Scripturae, quibus mors vocatur *somnus*. — 2º Quæstio proposita tria præsertim investiganda continet, nempe utrum anima separata aliquid intelligere possit, quo medio intelligat, quæ objecta intellectu attingat : unde tres adstruemus conclusiones.

Conclusio 1º.—ANIMA SEPARATA CERTO POTEST NATURALI VIRTUTE INTELLECTIONIS ACTUM EXERCERE.

1º Evidenter *dubitandi ratio* ultro suboritur ex hoc quod anima, quamdiu est corpori conjuncta, non potest aliquid intelligere nisi se ad phantasmatæ convertat, prout experimentum ostendit. Porro natura animæ post corporis mortem eadem prorsus perseverat. Cum ergo ei tunc desint phantasmatæ ad quæ sese convertere queat, videtur quod anima per mortem ab intelligendi actu prohibeatur.

2º At suppetit efficax responsio quam ipsis S. Thomæ verbis (I, Q. LXXXIX, a. 1) dabimus : " Considerandum est, inquit, quod cum nihil operatur nisi in quantum est actu, modus operandi uniuscujusque rei sequitur modum essendi ipsius. Habet autem anima alium modum essendi, cum unitur corpori, et cum fuerit a corpore separata, manente tamen eadem animæ natura : non ita quod uniri corpori sit ei accidentale, sed per rationem sue naturæ corpori unitur ; sicut nec levis natura mutatur, cum est in loco proprio, quod est ei naturale, et cum est extra proprium locum, quod est ei præter naturam. Animæ igitur secundum istum modum essendi quo corpori est unita, competit modus intelligendi per conversionem ad phantasmatæ corporum, quæ in corporeis organis sunt ; cum autem fuerit a corpore separata, competit

ei modus intelligendi per conversionem ad ea quæ sunt intelligibilia simpliciter, sicut et aliis substantiis a corpore separatis. Unde modus intelligendi per conversionem ad phantasmata est animæ naturalis, sicut et corpori uniri; sed esse separatum a corpore est *præter* rationem suæ naturæ, et similiter intelligere sine conversione ad phantasmata est ei *præter* naturam. Et ideo ad hoc unitur corpori ut sic operetur secundum naturam suam."

3º Nec mirum alicui videatur, animas humanas fuisse primo Dei consilio corporibus associatas, quin sibi possint, durante hac naturali unione, modum intelligendi nobiliorem substantiarum separatarum vindicare.—Ita enim Deus illas disposuit, ut eam in cognoscendo perfectionem attingerent quæ suæ naturæ congrueret. Atqui per modum intelligendi immaterialiorem et universaliorem, qualis substantiis separatis naturaliter comperit, animæ humanæ, utpote in confinio seu infimo gradu mundi spiritualis constitutæ, non acciperent de rebus perfectam cognitionem, sed "in quadam communitate et confusione" (*S. Th. l. cit.*), sicut homines debilioris intellectus confusim tantum et imperfecte intelligunt per universales sapientum conceptiones nisi singula in specie ipsis explicitentur; e contrario, mediante unione cum corpore sensuumque ministerio, eadem animæ colligunt a rebus cognitionem magis propriam ac dearticulatam, eo modo quo rudes scientiam assequuntur per exempla sensibilia. Ergo *non simpliciter*, sed *relative* seu quantum ad animas ipsas, melius est ut corporibus uniantur et per conversionem ad phantasmata intelligent.

Conclusio 2º.—PROPRUM INTELLIGENDI MEDIUM ANIMÆ SEPARATÆ CONSISTIT IN SPECIEBUS EX INFLUENTIA DIVINI LUMINIS PARTICIPATIS.—Profecto heic agimus de medio *communi* omnibus animabus separatis, non de medio proprio beatorum.

Prob. tum indirecte, tum directe.

1º *Indirecte.*—Anima enim separata aut intelligit per species innatas, aut per species tunc abstractas, aut per species prius abstractas et conservatas, aut denique per species intelligibiles divinitus influxas. Atqui tria priora media vel non existunt vel non sufficiunt: ergo superest ut quartum admittatur. *Min.* ostend:—*a)* Anima non intelligit per species innatas; inde enim a principio se habet velut tabula

rasa in qua nihil est scriptum.—*b*) Non per *species tunc abstractas*; quippe desunt organa sensuum, quibus median-tibus species a' rebus abstrahantur.—*c*) Non exclusive nec principaliter per *species conservatas*; licet enim species intel-ligibles prius acquisitæ in anima separata remaneant (sicut et habitus scientiæ formaliter sumptus, *Q. cit. a. 5*), anima tamen pueri, nondum rationis usum adepti, nihil intelligeret post mortem. Ergo etc.

2º Directe.—Anima etenim separata a corpore induit essendi intelligendique modum aliarum substantiarum separatarum. Atqui hæ substantiae separatae, secundum naturalem exigentiam, cognoscunt objecta sibi proportionata per species intel-ligibles divinitus immissas. Ergo et anima separata a corpore speciebus iisdem, quasi naturaliter sibi a Deo provenientibus, intelligere credenda est.

Conclusio 3º.—COGNITIO ANIMÆ SEPARATÆ SE EXTENDIT TUM AD EA QUÆ SUNT SUPRA SE, TUM AD EA QUÆ SUNT INFRA SE, DIVERSA TAMEN RATIONE (*I. Q. LXXXIX, a. 2-8*).—Asser-tio hæc non tam probari quam declarari debet per partes, pro diversis rebus cognitioni animarum subjectis.

1º Dicimus animam separatam per infusas species *Deum* cognoscere eo modo quo Angeli naturaliter illum cognoscunt, scil. *abstractive*, quin tamen perfectionem angelicæ cogni-tionis attingat.

2º Item, anima separata per receptas a Deo species cogno-sit alias *substantias separatas intuitive* seu intuendo earum essentiam; attamen, quia predictæ species recipiuntur in anima secundum ejus essendi modum, modo essendi Ange-lorum imperfectiorem, idcirco anima illa non habet de Ange-lis nisi imperfectam et deficientem cognitionem.

3º Anima post mortem *se aliasque animas separatas* per-fecte cognoscit:—*a*) Se autem *per se ipsam*, sine medio speciei superaddite, intelligere potest; quia, solutâ per mor-tem dependentiâ a corpore, jam sortitur non solum modum essendi, sed et modum intelligibilitatis tum activæ tum pas-sivæ substantiarum separatarum, ipsaque sibi, sine intermedia specie, fit intelligibilis in actu (*Cajet. in art. 2*).—*b*) Cæteras vero *animas separatas* attingit duplicitate: nam primo ad eas *quidditative* cognoscendas sufficit substantia animæ intelligentis gerens vices speciei intelligibilis, cum eadem sit

omnium animarum quidditas; verum secundo, ut cognoscantur *contingentia* circa illas animas, requiritur species superaddita, propterea quod contingentia illa non repræsentantur per substantiam intelligentis animæ (Cajet. ibid.).

4º Animæ separatae de *omnibus naturalibus cognitionem* *quidditativam* habent, non certam et propriam, sed communem et confusam: *habent*, inquam, propter infusas species secundum quas angelis assimilantur; *habent* vero *communem et confusam tantum*, quia *assimilatio illa admodum imperfecta est*.

5º Animæ separatae *aliqua singularia* cognoscunt, sed *non omnia*.

a) *Primo*, quoad *futura nullæ difficultas*; ea enim, utpote que variis in temporibus dispersa æternum intuitum postulant, " nec Angeli, nec dæmones, nec animæ separatae cognoscunt, nisi vel in suis causis, vel per revelationem divinam " (S. Th. art. 3 ad 3).

b) *Secundo*, quoad *alia singularia absolute sumpta*, dubium non est quin substantiae separatae, præ species participantes vim repræsentativam divinæ essentiæ, valeant illa cognoscere.—" In hoc tamen est differentia inter angelos et animas separatas, quia angeli per hujusmodi species habent perfectam et propriam cognitionem de rebus; animæ vero separatae, confusam. Unde Angeli propter efficaciam sui intellectus per hujusmodi species non solum naturas rerum in speciali cognoscere possunt, sed etiam singularia sub speciebus contenta; animæ vero separatae non possunt cognoscere per hujusmodi species nisi solum *singularia illa ad quæ quodam modo determinantur*¹ vel per precedentem cognitionem, vel per aliquam affectionem, vel per naturalem habitudinem, vel per divinam ordinationem; quia omne quod recipitur in aliquo, recipitur in eo per modum recipientis " (S. Th. art. 4).

c) *Tertio*, de iis singularibus, quæ apud nos aguntur, hæc tenenda juxta D. Thomam (art. 8) censemus:—Nempe, spectata naturali cognitione, animæ mortuorum ex se illa nesciunt; siquidem secundum Dei ordinationem suumque essendi modum non sunt ad illa quadam tenus determinatae, sed magis segregatae a conversatione vivorum.—Nihilominus

1—Cf. Cajet., *Comm.* in h. l.

facta viventium *cognoscere possunt* " vel per animas eorum qui hinc ad eas accedunt, vel per angelos seu dæmones, vel etiam spiritu Dei revelante " (*ibid. ad 1*).—Præterea, secundum *gloriæ lumen* " *magis videtur quod animæ sanctorum Deum videntes omnia¹ presentia, que hic aguntur, cognoscunt*. Sunt enim Angelis æquales; de quibus Augustinus (*I. De cura pro mort. c. 15*) asserit, quod ea quæ apud vivos aguntur, non ignorant. Sed quia sanctorum animæ sunt perfectissime justitiae divine conjunctæ, nec tristantur, nec rebus viventium se ingerunt nisi secundum quod justitiae divinæ dispositio exigit " (*art. cit.*).

6º Inquirentibus, num *habitus scientiae hic acquisitæ* in anima separata remaneat, respondemus habitum illum duplicitate pectari posse, vel *dispositive* seu secundum ministerium quod præstant vires sensuum, vel *principaliter* et secundum formalem suam rationem. Porro, licet, primo sub respectu, habitus scientificus in anima separata sensibusque orbata manifeste non remaneat, remanet tamen *formaliter*, quatenus nec per se seu ratione sūt nec per accidens seu ratione subjecti corrupti: non *per se*, siquidem anima separata intelligit modo Angelorum, nempe per simplicem intuitum cui nihil contrarium datur; non *per accidens*, quoniam subjectum cui inest, scil. intellectus, incorruptibile est.—Manente autem habitu scientifico, manet et *actus*, quem anima separata, secundum species intelligibiles hic acquisitas atque conservatas, exercere potest; non tamen eodem modo ac nunc, scil. per conversionem ad phantasmata, sed per modum substantiae separatæ convenientem.—Tandem cum anima separata intelligat tum universalia tum singularia per influxum specierum ex divino lumine divinumque lumen nequaliter se habeat ad propinquā vel distantia, compertum inde fit *distantiam localem* nequaquam animæ illius cognitioni officere.

1—Huc accipe juxta temperamentum alibi propositum (*de Deo, Disp. III, Q. II, a. 8*).

ARTICULUS III.

De ratione volendi animæ separatae.

Quæstio potissima novetur circa *immutabilitatem voluntatis* in anima separata, num scil. ita fini ultimo inhæreat ut amplius dimoveri ab eo non possit?—Hanc quidem immutabilitatem *fides* catholica tum divinis eloquiis tum ecclesiasticorum scriptorum sententiis expresse docet; at, quemadmodum olim *Origenistæ*, ita et hodie *nonnulli catholici* veritatem illam impetrare non dubitant, contendentes posse damnatorum voluntatem tandem aliquando de malo in bonum converti.—Id tamen non solum fidei, verum etiam ipsi rectæ rationi repugnare, ex dicendis mox apparebit.

Conclusio.—VOLUNTAS ANIMÆ POST MORTEM IMMOBILITER HÆRET SIVE IN BONO SIVE IN MALO; NEC LIBERUM EJUS ARBITRIUM IDCIRCO PERIMI ARBITRANDUM EST.

1^a *Pars* ostend.

1^o *Ex statu animæ separatae.*—“Quamdiu enim anima de bono in malum, vel de malo in bonum mutari potest, est in statu pugnæ vel militiæ; oportet enim ut sollicite resistat malo ne ab ipso vincatur, vel conetur ut ab eo liberetur. Sed statim quum anima a corpore separatur, non erit in statu militiæ vel pugnæ, sed recipiendi præmium vel poenam pro eo quod legitime vel illegitime certavit; ostensum est enim quod statim vel præmium vel poenam consequitur. Non igitur ulterius anima secundum voluntatem vel de bono in malum vel de malo in bonum mutari potest” (C. G. l. IV, c. 92).

2^o *Ex habitudine voluntatis ad finem ultimum (ibid. c. 95).*—Sane, ex fine ultimo dependet tota bonitas vel malitia voluntatis: quandoquidem bona quæcumque aliquis vult in ordine ad bonum finem, bene vult; male autem, quæcumque in ordine ad malum finem. Atqui voluntas animæ separatae immobiliter se habet in desiderio ultimi finis. Ergo voluntas illa immobiliter hæret sive in bono sive in malo. *Prob.* propositio assumpta: eatenus anima mutabiliter appetit (non quidem in abstracto, sed in concreto) finem ultimum, quatenus appetit illa obnoxia est mutabili naturæ disposi-

tioni. Atqui per separationem animæ a corpore dispositio naturæ rationalis immutabilitatem induit. Ergo.

Maj. sic evincitur a *D. Th.* (l. cit.) : " Unusquisque naturaliter habet desiderium ultimi finis, et hoc sequitur in universali *naturam* rationalem ut beatitudinem appetat ; sed quod hoc vel illud sub ratione beatitudinis et ultimi finis desideret, ex aliqua *speciali dispositione* naturæ contingit : unde Philosophus dicit (III Eth. c. 5) quod qualis unusquisque est, talis et finis videtur ei.—Si igitur dispositio ista, per quam aliquid desideratur ab aliquo ut ultimus finis, ab eo removeri non possit, non poterit immutari voluntas ejus quantum ad desiderium finis illius. Hujusmodi autem *dispositiones removeri possunt a nobis*, quamdiu est anima corpori conjuncta. Quod enim aliquid appetatur a nobis ut ultimus finis, contingit quandoque ex eo quod sic disponimur *aliqua passione* quæ cito transit ; unde et desiderium finis de facili removetur, ut in contingentibus appareat. Quandoque autem disponimur ad desiderium finis alicujus boni vel mali per *aliquem habitum* ; ista dispositio non de facili tollitur, unde et tale desiderium finis fortius manet, ut in temperatis appareat ; et tamen dispositio habitus in hac vita auferri potest. Sic igitur manifestum est quod, dispositio manente qua aliquid desideratur ut ultimus finis, non potest illius finis desiderium moveri, quia ultimus finis maxime desideratur : unde non potest aliquis a desiderio ultimi finis revocari per aliquid desiderabile magis."

Min. decl., scil. animam post mortem non amplius esse subjectam dispositioni mutabili. Etenim *dispositiones subjectivæ*, inclinantes ad appetendum certum finem, vel spectant ad complexionem physicam corporis, vel ad compositum ex anima et corpore, vel ad animam solam. Jamvero, sublati per mortem corpore, *dispositiones primi et secundi generis* auferantur eo ipso necesse est. Dispositiones autem animæ immutabilitatem tunc induere, ex eo deducitur quia, quum corpus deseriat animæ eique sit datum in ejus profectum et perfectionem, tamdiu mutabilitas seu perfectibilitas naturæ haberet ceusenda est quamdiu corpus conjunctum animæ existat. Quando igitur anima jam erit a corpore separata, non erit in statu ut moveatur ad finem, sed ut in fine adepto semper quiescat.

2^a Pars concl. sibi vult, post separationem animæ a corpore manere libertatem, non jam specificationis et contrarietatis, sed exercitii et contradictionis, quatenus nempe mutetur voluntas de uno volito ad alind volitum, servato tamen ordine ad eundem ultimum finem.

Ratio est, quia immobilitas voluntatis hærentis in fine ultimo "libero arbitrio non repugnat, cuius actus est eligere. Electio enim est eorum quæ sunt ad finem, non autem ultimi finis. Sicut igitur non repugnat libero arbitrio quod immobili voluntate desideramus beatitudinem et miseriam fugimus in communi, ita non erit contrarium libero arbitrio quod voluntas immobiliter fertur in aliquid determinatum sicut in ultimum finem; quia, sicut nunc immobiliter nobis inhæret natura communis per quam beatitudinem appetimus in communi, ita etiam immobiliter manebit illa specialis dispositio per quam hoc vel illud desideratur ut ultimus finis" (*ibid.*). Stet igitur in anima separata salvari *essentiam* liberi arbitrii valantis unum ex pluribus eligere, quamvis *modus* ejus, scil. electio boni præ malo et vice versa, cessaverit¹.

ARTICULUS IV.

Utrum anima separata pati possit ab igne corporeo.

(Q. LXX, a. 3)

Exploratâ potentiatâ activâ animæ separatæ, superest ut inquiramus de potentia ejus *passivâ*.—Dato enim juxta catholicam doctrinam quod tum in purgatorio tum in inferno animæ defunctorum *igne* vero seu corporeo cruciantur (de hoc infra), subtilis oritur questio, *quomodo* ab igne illo anima separata pati queat.—Diversæ quidem propositæ sunt explicationes; e quibus quod probabilius et rationabilius videtur, ad mentem Angelici Doctoris, proferemus.

Conclusio.—ANIMÆ SEPARATÆ PATI POSSUNT AB IGNE CORPOREO, NON SANE PER MODUM TRANSMUTATIONIS CUJUSDAM

1.—De statu et operationibus animæ separatæ plura egregie disputat Cl. Lépicier, in opusculo: *Uno sguardo al di là della tomba.*

VEL SENSIBILIS AFFLICTIONIS, SED PER MODUM ALLIGATIONIS
VALDE PŒNALIS.

1^a *Pars* est de *possibilitate in genere*, et suadetur duplii motivo :—1^o Etenim, major est unio formæ ad materiam quam agentis ad patiens. Atqui diversitas naturæ spiritualis et corporalis non prohibet quominus anima sit forma corporis. Ergo nec eadem diversitas impedit quin anima possit a corpore aliquo pati.—2^o Eo magis, quia pœna debet respondere culpæ. Atqui anima peccando se corpori subjicit per pravam concupiscentiam. Ergo justum est ut in pœnam rei corporeæ patiendo subjiciatur.

2^a *Pars* negat passionem illam fieri per modum *transmutationis* cuiusdam vel *sensibilis afflictionis*.

“ Non sic aestimandum est, inquit *S. Th.* (C. G. IV, 90), quod substantiæ incorporeæ ab igne corporeo pati possint, quod earum natura corrumpatur per ignem vel alteretur aut qualitercumque aliter transmutetur, sicut nunc nostra corpora corruptibilia patiuntur ab igne : substantiæ enim incorporeæ non habent naturam corporalem, ut possint a rebus corporeis immutari ; neque etiam formarum sensibilium susceptivæ sunt, nisi intelligibiliter : talis autem susceptio nou est pœnalis, sed magis perfectiva et delectabilis.—Neque etiam potest dici, quod patientur ab igne corporeo afflictionem ratione alicujus contrarieratis, sicut corpora post resurrectionem patientur ; quia substantiæ incorporeæ organa sensuum non habent, neque potentissimis sensitivis utuntur.”

3^a *Pars* statuit, pœnam anime separatae illatam ab igne corporeo se habere per modum *alligationis valde contrastantis*.

1^o Hanc explicationem inter Patres manifestis sententiis protulerunt *S. Augustinus* (de Civ. Dei, l. XXI, c. 10) et *S. Gregorius* (4 Dialog. c. 29).¹—Communis item ea fuit Scholasticorum declaratio ; quos inter audiatur *S. Bonaventura* inquiens (4 Dist. 44, p. 2, a. 3, q. 2) : “ Quod ignis animæ indissolubiliter alligetur et anima in eo recludatur ut in carcere, divinæ justitiae est, ad quam spectat malefactorem in carcere recludere.”

2^o Ignis corporeus, non quidem ex sua natura, sed ex divina

1—Cf. *De Creatione*, Disp. III, Q. VIII, a. 4.

justitia, potest ita copulari animæ ut eam vere detineat. Atqui detentio hujusmodi captivo spiritui maxima poena est. Ergo.

Maj. decl :—a) Et primo dicendum quod corpus in spiritu naturaliter agere non possit, nec ei obesse vel ipsum gravare, nisi secundum quamdam cum eo conjunctionem.—*b)* Porro conjungi spiritus corpori tripliciter potest: *uno modo* tanquam forma materiæ, ita ut ex eis fiat unum simpliciter; et sic unitur anima corpori, vivificans illud, non tamen ea ratione unitur spiritus igni corporeo. *Alio modo* sicut movens mobili secundum locum, quo modo credurtur Angeli conjungi corporibus cœlestibus quæ movent; neque rursus hoc pacto intelligitur animam vel spiritum uniri corporeo igni. *Tertio modo* sicut locatum loco secundum eam rationem qua incorporalia sunt in loco, scil. *definitive*, et sic spiritus dicuntur conjungi igni quasi loco eis per Dei justitiam deputato.—*c)* Quamvis autem res corporea ex sua natura habeat quod spiritum incorporeum loco definit, non tamen ex se habet quod spiritum illum loco definitum detineat, prohibendo ne ad alia divertere possit; siquidem spiritus non ita in loco est quod ei natura sua subdatur.—*d)* Hinc contendimus ignem corporeum detinere spiritus seu animas separatas virtutem quadam superadita, quatenus scil. se habet ut *instrumentum divinae justitiae vindicantis*.

Min. evincitur verbis D. Thomæ (Qq. Dpp., *De Anima*, a. 21): "Anima enim, et quælibet spiritualis substantia, quantum est de sui natura, non est obligata alicui loco; sed transcendent totum ordinem corporalium. Quod ergo alligetur alicui, et determinetur ad aliquem locum per quamdam necessitatem, est contra ejus naturam et contrarium appetitui naturali," quippe impeditur ne possit operari ubi vult et secundum quod vult. "Sic verum est quod ignis, in quantum virtute divina detinet animam alligatam, agit in animam ut instrumentum divinae justitiae; et in quantum anima apprehendit illum ignem ut sibi nocivum, interiori tristitia affligitur: quæ quidem *maxima* est, cum considerat se infimis rebus subdi, quæ nata fuit Deo per fruitionem uniri" (*ibid.*). Nam "ea quæ sunt contraria voluntati et appetitui affligunt, et magis interdum quam ea quæ sunt dolorosa secundum sensum; præeligeret enim aliquis verberari, et graviter secun-

dum sensum affligi, quam vituperia sustinere vel aliqua hujusmodi quæ voluntati repugnant" (*ibid.*).—Ex dictis infertur duplicem esse causam afflictionis igne cruciantis spiritus damnatos, unam remotam, aliam proximam: *remota* quidem est violenta alligatio spiritus per ignem detenti; *proxima* vero, cognitio hujusmodi alligationis.

3º Plures sentiunt, eatenus spiritum igne corporeo pœnalter teneri quatenus per eundem ignem veluti per instrumentum divinitus inducatur *qualitas* quedam ligans vim spiritualem eamque impediens "a naturali libertate qua est absoluta ab omni obligatione ad locum corporalem" (*De anima*, a. *cit.* ad 17). Id profecto conformius videtur communiœconomiae divinæ Providentiae, quæ non solet, sive in ordine naturæ sive in ordine gratiæ, effectus permanentes producere nisi mediantibus quibusdam formis seu principiis proximis proportionatis.

Solv. obj.—OBJ. 1.—Agens semper est nobilior patiente. Atqui corpus non potest esse anima separata nobilior. Ergo.

Resp. C. M.—*D.m* :... *simpliciter* et secundum se, *C*; *secundum quid* seu ut instrumentum divinæ justitiæ, *N*.—*Neg. conseq.*

OBJ. 2.—Anima non potest pati ab igne nisi quatenus visione intellectuali ignem apprehendat. Atqui visio intellectualis gaudium affert magis quam tristitiam. Ergo.

Resp. D. M :... nisi quatenus ignem apprehendat *absolute*, *N*; nisi quatenus ignem apprehendat *ut sibi nocivum*, *C*.—*C.d.m* : visio absolute sumpta... *C*; visio objecti nocivi ei qui videt... *N*.—*Neg. conseq.*

OBJ. 3.—Omne agens corporeum agit per contactum. Atqui contactus dari nequit inter ignem corporeum et animam. Ergo.

Resp. D. M :... per contactum aliqualem, *C*; semper per contactum quantitativum, *N*.—*C.d.m* :... nequit dari contactus *quantitativus*, *C*;... contactus *virtutis* et quodammodo spiritualis, *N*.—*Neg. conseq.*

QUÆSTIO TERTIA

DE PURGATORIO

Purgatorii nomine quandoque intelliguntur *tribulationes* quibus justi hac in vita premuntur pressique purificantur; at, communī usū, purgatorium audit "locus quidam, in quo tanquam in carcere post hanc vitam purgantur anime que in hac non plene purgatæ fuerunt, ut nimirum sic purgatio in cœlum ingredi valeant" (*Bellar.*, de Purg. l. I, c. 1): de purgatorio sic accepto tractare aggredimur.—Tota autem disceptatio duobus continebitur articulis, quatenus tūn *existentia* purgatorii demonstretur (art. 1), tūn *status animarum* in purgatorio definiatur (art. 2).

ARTICULUS I.

De existentia purgatorii.

Primus omnium, qui aliquid contra purgatorium sensit, videtur fuisse *Aërius* (sicc. IV), docens non esse pro defunctis orandum.—Diserte autem purgatorium medio ēvo negaverunt *Albigenses* et *Waldenses*; quibus consensisse feruntur *Armeni* quidam ac *Graeci* schismatici.—Deinde *Lutherus* et omnes posteri ejus, licet in varias sectas dispersi, in hoc tamen convenerunt ut purgatorium tollerent. Atque *Calvinus* eo usque progressus est ut diceret "purgatorium esse extiale satanae commentū quod Christi crucem evacuat" etc. (ap. *Bellar.* l. I, c. 2). Admissō enim principio quod peccata nostra, quin auferantur, amplius tamen ob sufficientissima Christi merita non imputantur ad pœnam, prouum erat Novatoribus inferre frustra ponī locum ad purgandas animas, quemadmodum tenentes inania esse justorum opera cogebantur negare suffragiorum utilitatem.—*Non pauci* quidem inter Protestantes hodiernos doctrinam patrum suorum ita mitigant ut quemdam intermedium statum admittant: bunc

tamen describunt veluti locum præviae quietis et felicitatis abhorrentque poenas satisfactionibus luendas¹.—Dogma de purgatorio derident *naturalistæ* illudque cum *Voltaire* a monachorum fraudibus repetunt.—Jam ergo doctrinam catholicam solidis argumentis vindicemus.

Conclusio. — EXISTENTIA PURGATORII, CATHOLICA FIDE ASSERTI, OMNIMODA CERTITUDINE GAUDET. — Fides quidem cluet ex definitionibus *Conciliorum* quæ, a Carthag. III (397) usque ad Trid., præsumtum dogma iterum iterumque, sive implicite sive explicite, proclamarunt. Hinc *Tridentini Patres* (Sess. XXV, Decr. de purg.) tradunt Ecclesiam, Sp. Sancto edoctam, ex SS. Litteris et antiqua Patrum traditione in sacris conciliis docuisse "purgatorium esse, animasque ibi detentas fidelium suffragiis, potissimum vero acceptabili altaris sacrificio juvari."

1^o Ex *Scriptura* arguimus.

Revera in V. T. legitur (2 Mach. XII, 43-46): *Et facta collatione, (Judas) duodecim millia drachmas argenti misit Jerosolymam offerri pro peccatis mortuorum sacrificium, bene et religiose de resurrectione cogitans (nisi enim eos, qui cederant, resurrecturos speraret, superfluum videretur et vanum orare pro mortuis), et quia considerabat quod hi, qui cum pietate dormitionem acceperant, optimum haberent repositum gratiam. Sancta ergo et salvabris est cogitatio pro defunctis exorare, ut a peccatis solvantur.* His ex verbis (quorum auctoritas certo divina est, et etiamsi divina non esset, vim saltem haberet historicæ manifestandi persuasionem populi judæicæ) colligimus Judam Mach., perspecta veritate alterius aeternæque vitæ, pecuniam deputasse ad sacrificandum et orandum pro remittendis peccatis aut peccatorum penitentia eorum militum qui, pro religione certantes, atq[ue]nam non sine culpa decesserant; ² idque velut

1—Cf. Hodge, *Systematic theology*, Vol. III; ubi de catholicæ conceptu purgatoriæ scribit (p. 751): "This doctrine is a tremendous engine of priestly power."

2—De ea culpa (donaria idolorum contra statutum legis ablata sub tunciosis reposuerant) scribit S. Thomas (Suppl. Q. LXXI, n. 5 ad 1): "Dicendum quod donaria idolorum non fuerunt inventa apud illos mortuos, ut ex eis signum recipi posset quod in reverentiam idolorum ea deferrent; sed ea acceperunt ut victores, quia

laudabile ac universim imitandum commendatur. Atqui a peccatis vel eorum poenis non solvuntur animæ damnatorum in inferno, ubi nulla est redemptio, neque animæ beatorum in coelis, ubi nulla esse potest culpae vel poenæ ratio. Ergo superest ut admittamus statum quemdam medium expiationis seu purgationis.

b) In N. T. occurrit locus (Matth. XII, 32): *Quicumque dixerit verbum contra Filium hominis, remittetur ei; qui autem dixerit contra Sp. Sanctum, non remittetur ei neque in hoc seculo, neque in futuro.* Ne enim Christus inepit locutus videatur, subaudiendum est, juxta hanc sententiam, dari in futura vita quamdam peccatorum remissionem, ideoque locum tali remissioni accommodatum. Eam interpretationem tradunt sancti Patres, inter quos Augustinus, Gregorius, etc.—Legitur quoque (1 Cor. III, 12-15): *Si quis superaedificat super fundamentum hoc (Christum), aurum, argentum, lapides pretiosos, ligna, fænum, stipulam, uniuscujusque opus manifestum erit. Dies enim Domini declarabit, quia in igne revelabitur, et uniuscujusque opus quale sit, ignis probabit. Si cuius opus manserit, quod superaedificavit, mercedem accipiet. Si cuius opus arserit, detrimentum patietur, ipse autem salvus erit: sic tamen quasi per ignem.* Hoc in loco, distinctio fit inter aurum, argentum, lapides pretiosos et ligna, fænum, stipulam, veluti (secundum quosdam) inter opera bona et opera peccato veniali vitiata aut (secundum alios) inter doctrinas salutares fide Christi innixas et doctrinas inutiles vitio saltem levi infectas; quæ quidem distinctio luce divini judicii manifestabitur. Itaque, juxta S. Paulum, ille, cuius opera vel sermones veniali peccato laborant, detrimentum patietur ac per ignem probabitur¹ post mortem, sic tamen ut ipse salvus denique fiat. Atqui id certo certius intelligi nequit neque de

eis jure belli debebantur. Et tamen per avaritiam *venialiter* peccarunt: unde non fuerunt in inferno daminati; et sic suffragia eis prodesset poterant.—Vel dioendum, secundum quosdam, quod in ipsa pugna videntes sibi periculum imminere, de peccato punirent, et hoc probabiliter potest astimari, et ideo pro eis fuit oblatio facta."

1—In toxtu dicitur *quasi* per ignem, non quod reapse ignis non sit, sed ut indigitetur animas purgandas salvare eo modo quo salvatur ea qui primum transire debet per ignem.

beatis, neque de reprobis. Ergo accipiendum est de animabus igne purgatorii exercendis. Teste *Bellarmino* (l. I, c. 5), omnes Patres latini pluresque græci, quos ipse citat, textum praefatum eo sensu intellexerunt.

2º *Patrum* eorumdem tanta est ea in re consensio ut ipse *Calvinus* hoc fassus sit (Instit. l. III, c. 5): "Ante, inquit, 1300 annos usu receptum fuit, ut precatio[n]es fierent pro defunctis;" et aliquot interpositis: "Sed omnes, fateor, in errorem abrepti fuerunt." Qua confessione se ipsum vir haereticus damnat.—Ex latinis audiatur *S. Augustinus* dicens (l. de Cura pro mort. n. 3): "In Machabæorum libris legimus oblatum pro mortuis sacrificium. Sed et si nusquam in Scripturis veteribus omnino legeretur, non parva est universæ Ecclesiæ, quæ in hac consuetudine elaret, auctoritas." Ex græcis vero sic loquitur *S. Joan. Chrysostomus* (Hom. 41 in 1 Cor. n. 4): "Juvetur mortuus non lacrymis, sed precibus, supplicationibus, eleemosynis et oblationibus. Non sunt enim hæc temere excogitata, neque frustra eorum, qui excesserunt, in divinis mysteriis meminimus, et pro ipsis accedimus roga[n]tes Agnum propositum, qui mundi peccatum tulit, sed ut inde eis aliqua sit consolatio."

3º *Liturgie* et *archeologæ* monumenta in eamdem veritatem adstruendam consentiunt.—Hanc in primis probant *liturgiaæ antiquissimæ*, tuu[m] orientales, tum occidentales, in quibus tempore sacrificii preces non solum pro vivis, sed etiam pro defunctis prescribuntur. Sic in liturgia *Hierosolymitanæ* legimus: "Fac, Domine, ut oblatio nostra grata et accepta sit... in requiem animarum earum, quæ ante nos obdormierunt." Consonant liturgie plurium sectarum, jamborum a vera Ecclesia divulsarum, in quibus peculiaris missa pro defunctis habetur¹.—Sepulcræ etiam *Catacombarum inscriptiones* de suffragiorum utilitate et purgatorii existentia contestantur; siquidem preces ibi frequenter exprimuntur pro animarum quiete et refrigerio².

4º Accedit intimus sensus totius humani generis constansque populorum traditio de aliquo post hanc vitam expiationis temporalis loco. Id gentilium philosophi ac poetæ passim

1—Vid. plura ap. Knoll, P. V, sect. II, c. 2, n. 2.

2—Cf. Maruech, *Éléments d'archéol. chrét.*, t. I, pp. 188-194.

innunt aperteve declarant. Exemplo sit *Virgilius* (l. VI *Æneid.*) ; ubi latinus cygnus Anchisem inducit verba facientem ad filium Æneam circa animarum sortem (vv. 739 sq.) :

“Ergo exerceantur poenitentia, veterumque malorum
“Supplicia experidunt : aliæ panduntur inanæ
“Suspensæ ad ventos ; aliis sub gurgite vasto
“Infectum eluitur scelus, aut exuritur igni :
“Quisque suos patimur Manos. Exinde per amplum
“Mittimus Elysium, et pauci læta arva tenemus.”

5º Tandem *ratione* sic discurrinus.—Ea doctrina admitti debet quæ rationabilissima est tum in se tum in suis consequentiis. Atqui doctrina de existentia purgatorii, prout a nobis propugnatur, hujusmodi est : ergo.

a) *Primo* rationabilissima est *in se*. *Justitia* enim, per quain cuncta ordine harmoniaque continentur, hoc exigit ut peccatum poenæ debite solutione ordinetur¹. Atqui saepè evenit post remissionem culpe mortalis superesse reatum poenæ temporalis, nec etiam semper venialia, dimissis mortalibus, tolluntur. Si quis ergo ante debitam satisfactionem decedat, necesse est ut in quodam purgationis loco ad satisfaciendum exerceatur (*Suppl. in fine*).—Argumentum hoc S. Thomæ sic idem Angelicus, spectata præsertim cœli *sanctitate*, evolvit (C. G. IV, 91) : “Sap. VII, 25 dicitur de sapientia quod *nihil inquinatum in illam incurrit*; et Is. XXXV, 8 dicitur : *Non pertransibit per eam pollutus*. Polluitur autem anima per peccatum, in quantum rebus inferioribus inordinate conjungitur : a qua quidem pollutione purificatur in hac vita per Pœnitentiam et alia sacramenta. Quandoque vero contingit quod purificatio talis non totaliter perficitur in hac vita, sed remanet adhuc debitor poenæ, vel propter negligientiam aliquam, aut occupationem, aut etiam quia debitor poenæ morte pœnitentia non prevenitur : nec tamen propter hoc meretur totaliter excludi a pœnitenzia ; quia haec nbsque peccato mortali contingere possunt, per quod solum tollitur charitas, cui pœnum vitæ æternæ debetur. Oportet igitur quod post hanc

1.—Ad rem Aug. *Nicolas* qui, pœnitentie notionem tradens, eam definit (*Etud. phil.*, 2^e P., ch. 7) : “La privation d'un plaisir permis pour réparer la violation faite à la justice par la jouissance d'un plaisir défendu.”

vitam purgentur, antequam finale præmium consequantur. Purgatio autem hæc fit per poenas, sicut etiam in hac vita per poenas satisfactorias purgatio completa fuisset: alioquin melioris conditionis essent negligentes quam solliciti, si poenam quam hic pro peccatis non implent non sustineant in futuro. Retardantur igitur anime bonorum qui habent aliquid purgabile in hoc mundo a præmii consecutione, quousque poenas purgatorias sustineant. Et hæc est ratio quare purgatorium ponimus."

b) Secundo rationabilissima est *in suis consequentiis* sive ex parte Dei sive ex parte hominum:—*Ex parte Dei*; siquidem doctrina illa mentibus ingenerat altiorem notionem divinarum perfectionum, videlicet *sanctitatis* omne vel minimum malum morale aversantis, *justitiae* exigentis usque ad ultimum quadrantem, *sapientiae* excogitantis aptissimum medium quo severitatis punientis jura cum consiliis *misericordiae* justificantis concilientur.—*Ex parte hominum*: inde enim fideles magis inducuntur ad cavenda levissima etiam peccata, ad implendas in hac vita satisfactiones quas alioquin debebunt in altera vita sustinere, ad orandum et patiendum pro parentibus, amicis aliisque defunctis. Quæ cuncta quantopere utilia sint, nemo est impræjudicatus qui non perspiciat.

Solv. obj.—OBJ. 1.—Legitur (Apoc. XIV, 13): *Beati mortui qui in Domino moriuntur. Amodo jam dicit Spiritus, ut requiescant a laboribus suis.* Atqui pii omnes in Domino moriuntur. Ergo omnes statim ad requiem coelestem transgrediuntur.

RESP. D. M:...et in illo textu per *amodo* intelligitur a momento *extremi judicii*, C; a momento *mortis*, S.d: et sermo est de labore operationis ad *merendum*, C; de labore passionis ad *purgandum*, N.—C.m.—*Neg. conseq.*

OBJ. 2.—*S. Augustinus* dubitanter de purgatorio locutus est; nam (in Euchirid. n. 18) exponens locum Ap. (1 Cor. III, 15): *Ipse salvus erit, sic tamen quasi per ignem*, scribit: "Tale aliquid etiam post hanc vitam fieri, incredibile non est, et utrum ita sit, queri potest."—Imo quidam Patres, ut *S. Cyprianus*, *S. Chrysost.*, etc., aperte negarunt dari post mortem satisfactionis locum.

RESP. 1º *S. Augustinus* in citato textu locutus est dubitanter non de *substantia* purgatorii, sed solum de *modo* seu

qualitate poenarum quas animæ purgandæ sustinent. Ceterum alibi s. doctor ignem purgatorium expresse admittit.—^{2º} Reliqui Patres, qui nobis objiciuntur, haud negarunt satisfactiōnem illam qua *pœna* temporalis peccato debita remittitur, sed eam duntaxat satisfactiōnem qua Deus offensus veluti placatur et ad *culpa* remissionem inclinatur. Hæc, non illa, coartatur limitibus præsentis vitæ.

OBJ. 3.—Deus, cui remittit peccata, sincere remittit. Atqui remissio vel reconciliatio, poenas ulterius requirens, non videatur sincere. *Ergo*.

RESP. *D. M.* ...sincere, i. e. *vere*, *C*; quasi hæc sinceritas prohibeat conditionem solvendæ poenæ temporariæ post culpam benevolè remissam, *N.* — *C.d.m*requirens tales poenas quales culpa existens & cum trahit, *C*; requirens poenas qualescumque, *N.* — *Neg. conseq.*

ARTICULUS II.

De statu animarum in purgatorio existentium.

Quæstionem, an sit purgatorium, excipit altera, *qualiter* animæ in eo se habeant. De quo licet expressa fidei decreta saepius desiderentur, plura tamen tam firmæ doctorum sententiâ asseruntur ut ea cordato viro satis constare appareat.— Tria præsertim considerationi se objiciunt: vid. primum, *spiritualis conditio* animarum purgatorio addictarum; secundo, *pœnae* quas sustinent; tertio, *mala* a quibus purgantur. Hinc tres eodem ordine constitui poterunt conclusiones.

Conclusio 1^a. — *ANIMÆ IN PURGATORIO CERTÆ SUNT DE SUA SALUTE, ATQUE ITA IN GRATIA TERMINI CONFIRMATÆ UT AMPLIUS MERERI NON POSSINT; IMO GRAVIA THEOLOGORUM SENTENTIA PROBABILIS EST, EAS PRO VIVIS COMMUNITER NON ORARE.*

1^a *Pars* constat ex prop. 38^a Lutheri damnata a Leon^e X (Bull. *Exurge Domine*, 1520): “Animæ in purgatorio non sunt securæ de sua salute, saltem omnes; nec probatum est ullis aut rationibus aut Scripturis, ipsas esse extra statum merendi aut augendæ charitatis.”

Re quidem vera (ut bene arguit *Bellarminus*, l. II, c. 4) si animæ illæ non haberent certitudinem salutis, hoc esset, vel quia adhuc possunt mereri et demereri, vel quia nondum sunt judicatæ, vel quia ignorant latam a judice sententiam, vel quia, magnitudine dolorum prohibetur earum mens a capessenda illa certitudine. Atqui nihil horum habet locum: —non *primum*, uti mox patebit; —non *secundum*, quia jam diximus admittendum esse particulare judicium statim post mortem; —non *tertium*, quia hoc judicium eo præsertim fine instituitur ut sententia cuique innotescat, eamque insuper judicis sententiam anima quam facile deprehendere potest ab effectu, se nempe in inferno, aut in cœlo, aut in purgatorio prospiciens audiendo vel damnatorum blasphemias vel beatorum laudes vel sperantium suspirationes; —non *quartum*, quia dolor pure spiritualis nequit mentem a certa spe salutis dimovere.

2^a Pars apparet tum ex allata jam prop. 38^a, tum ex prop. 39^a similiter damnata: “Animæ in purgatorio peccata sine intermissione, quamdiu querunt requiem et horrent poenas.”

Sane 1^o animas purgatorii *in gratia esse confirmatas*, jam supra (Disp. VIII, Q. I, a. 2; Q. II, a. 3) satis indicavimus: que confirmatione tum ratione status tum protectione divine Providentie haberi censenda est. Eapropter animæ illæ ita Dei beneplacito conformatur ut, quamvis naturæ instinctu poenas luendas refugiant, simul tamen rationabili voluntate eas quasi instrumenta justitiae purgationisque media libentissime tolerent. —Neque 2^o admitti in illis potest *augmentum gratiarum meritorum* piis actibus comparatum; siquidem egressæ sunt statum viæ divinitus constitutæ ad merendum, jamque reapse terminum attigerunt: “qui enim (ait *Bellar.* l. II, c. 3) ad urbem aliquam tendit et pervenit ad ejus portas nocturno tempore, dicitur jam pervenisse et totam viam confecisse, licet portas iuveniat clausas et non possit ingredi, donec sol oriatur.” Id diserte docet *S. Thomas* (De Malo, Q. VII, a. 11 ad 6), ubi negat meritum essentiali vel accidentale dari in purgatorio; aliique theologi communius assentient.

3^a Pars problema tangit, num animæ in purgatorio detentæ orent *pro vivis*.

1^o Assertio enunciata fundatur in verbis *D. Thomæ* (II-

II , Q. LXXXIII, a. 11 ad 3): "Illi qui sunt in purgatorio, etsi sint superiores nobis propter impeccabilitatem, sunt tamen inferiores quantum ad pœnas quas patiuntur, et secundum hoc non sunt *in statu orandi*, sed magis *ut oretur pro eis*." Quo loco s. doctor *absolute* nou negat quin animæ illæ pro nobis orare possint, sed observat illas non esse *in statu orandi* pro aliis; versantur quippe in statu pœnali, magisque de se et suis pœnis sollicitae sunt quam de vivis. D. Thomam sequuntur *Cajetanus*, *Billuart*, etc.—^{2º} Tamen contrariam sententiam tenent *Suarez*, *Bellarminus*, pluresque recentiores, docentes animas purgatorii, utpote Deo caras charitateque flagrantes, tum pro se tum pro aliis ordinarie orare. Nec doctrinam istam, nec privatam praxim in ea innixaam invocandi præfatas animas, Ecclesia reprobavit; nunquam vero alterutram commendasse perhibetur.—^{3º} Subdit *Bellarminus* (l. II, c. 15): "Quanquam haec vera sint, tamen *superfluum* videtur ab eis (animabus) ordinarie petere ut pro nobis orent; quia non possunt *ordinarie* cognoscere quid agamus in particulari, sed solum in genere sciunt nos in multis periculis versari, sicut nos de illis solum in genere scimus eas valde torqueri: nam nec rebus nostris intersunt; nec in Deo orationes nostras vident, cum non sint beatæ; nec est verisimile eis revelari ordinarie quid agamus vel petamus."

Conclusio 2^a.—Pœnæ quas animæ purgatorii sustinent duplicitis sunt generis, damni scil. et sensūs. Immediate a Deo citra demonis ministerium inflictæ, gravissimæ, atque plus minusve pro ratione peccatorum duraturæ.

1^a *Pars* instituitur de *natura* ipsa pœnarum, quas dividimus in pœnam *damni* et pœnam *sensus*.

1^º Utramque pœnam esse in purgatorio ponendam, statuunt incunctanter omnes theologi catholici; ita S. Thomas (Suppl. App. Q. II, a. 1): "In purgatorio erit duplex pœna: una *damni*, in quantum scil. retardantur (animæ) a divina visione; alia *sensus*, secundum quod ab igne corporali punientur."

2^º Utriusque *ratio* in promptu est; siquidem, quemadmodum omne peccatum duo claudit, recessionem vel saltem retardationem a summo bono et conversionem inordinatam ad bona creata, ita conveniens est ut homo duplicititer puniatur, nempe privatione æterni boni et affectione a creato objecto

gatorio,
n, sunt
secun-
tur pro
næ illæ
n statu
ngisque
homam
trariam
recen-
charita-
e orare.
nnixam
inquam
Bellar-
tamen
etere ut
ere quid
nos in
n genere
ersunt;
ntæ; nec
tamus.”
SUSTI-
3. IMME-
GRAVIS-
M DURA-
as divi-
statuunt
(Suppl.
na: una
visione;
tur.”
quemad-
1 saltem
dinatam
r punia-
o objecto

proveniente.—Hanc autem afflictionem inferri ab igne corpo reo, non est dogma ab Ecclesia definitum; immo in *Conc. Flor.* Græci aperte professi sunt se non ponere ignem in purgatorio, nec propter hoc damnati fuerunt, Concilio duntaxat concludente “animas pœnis purgatorii post mortem purgari.” Ea tamen sententia fundatissima est: *primo* ob consensum scholasticorum “qui non potest nisi temere conteanni” (ait *Bellar.*); *secundo*, ob significationem obviam Scripturæ (1 Cor. III, 15); *tertio*, quia plures Patres, *S. Augustinus*, *S. Hilarius*, *S. Gregorius*, eo sensu locuti sunt¹; *quarto*, propter congruentiam corporis ignei ad gignendum instrumentaliter ignem vindicis doloris.

2^a Pars circa dæmonis interventum expresse a *D. Thoma* traditur, qui (*Q. cit. a. 3*) sic quæstionen solvit: “Sicut post diem judicii divina justitia succendet ignem quo damnati in perpetuum punientur, ita etiam nunc sola justitiâ divinâ electi post hanc vitam purgantur, non ministerio dæmonum, quorum victores extiterunt, nec ministerio angelorum, qui cives suos non tam vehementer affligerent.”—“Sed tamen, subdit *Angelicus* (*ibid.*), possibile est quod eos ad loca pœnarum deducant; et etiam ipsi dæmones, qui de pœnis hominum lætantur, eos comitantur et assistunt purgandis, tum ut eorum pœnis satientur, tum ut in eorum exitu a corpore aliquid suum ibi reperiant.”

3^a Pars addit pœnas purgatorii esse gravissimas.

Et 1^o id, pro certo habitu a sanctis Patribus, probat *D. Thomas* (*Q. cit. a. 1*) tum quoad pœnam damni tum quoad pœnam sensus.—*a)* Quoad pœnam damni: “Quanto enim, ait, aliquid magis desideratur, tanto ejus absentia est molestior. Et quia affectus, quo desideratur summum bonum post hanc vitam, in animabus sanctis est intensissimus, quia non retardatur affectus mole corporis, et etiam quia terminus fruendi summo bono jam advenisset, nisi aliquid impedit, ideo de retardatione maxime dolent.” Est igitur veluti supplicium *exilii* eo atrocius quo patria proximior, certior, delectabilior noscitur.—*b)* Quoad pœnam *sensus*, sic argumentatur *Aquinus* (*ibid.*): cum dolor sit lesionis sensus, tanto intensius aliquis dolet de aliquo lesivo, quanto majori gaudet

1—Cf. Knoll, Vol. VI, p. 330.

sensibilitate; unde læsiones, quæ fiunt in locis maxime sensilibus, vehementius cruciant. Atqui tota sentiendi vis radicatur in anima, animaque ipsa secundum gradum intellectivum, in quo fontaliter viget cognitio, capacior est percipiendi nociva ideoque dolendi. Ergo anima separata, in quam veluti nudam agit ignis, maxime ab eo affligitur.

2º Si *comparatio* fiat inter pœnas purgatorii et pœnas hujus vitæ, communis est Patrum doctorumque opinio quod, *generaliter* saltem, illæ istis acerbitate præstent. Aiebat S. August. (in Ps. 37, n. 3): “Gravior erit ille ignis, quia in quidquid potest homo pati in hac vita.” Et S. Greg. M. (in Ps. 3 pœnit. n. 1): “Illum transitorium ignem omni tribulatione præsentí aestimo intolerabiliorem.” Et S. Bonaventura (Brevil. P. VII, c. 2): “Affliguntur (spiritus justorum in purgatorio) minus graviter quam in inferno, et gravius quam in hoc mundo; non tamen ita graviter, quin semper sperent et scient se in inferno non esse, licet forte pro pœnarum magnitudine hoc aliquoties non advertant.”—Hinc (docente eodem *Seraphico Doctore*, 4 D. XX, p. 1, a. 1. q. 2) major esse debet pœna in purgatorio divinitus inficta quam pœna nunc ad satisfaciendum *libere assumpta*; si quidem pœna assumpta magis habet de voluntario, propterea que magis est Deo accepta et satisfactioni idonea.

3º Ulterius quæsitum est, num *pœna purgatorii minima excedat maximam pœnam hujus vitæ*. Affirmat S. Thomas (a. cit.) quoad utramque pœnam, dæmini scil. et sensus, iis innixus rationibus quas supra attulimus ut probaretur pœnas illas esse gravissimas. Verumtamen S. Bonaventura (ult. l. cit.) quoad utramque negat, idque tantum concedit, maximam pœnam purgatorii esse majorem maximâ pœnâ hujus vitæ, licet aliqua pœna purgatorii reperiatur minor aliquâ pœnâ hujus vitæ.—Res profecto in incerto manet, neque de iis est quæ humano possimus modulo metiri.

4º Tandem admittendæ sunt pœnæ purgatorii *diversæ* pro indole et gravitate debitorum, juxta illud (Rom. II, 6): *Reddet unicuique secundum opera ejus*.—Cum vero debita illa possint spectari et secundum speciem culpæ quæ pœnam meruit, et secundum rationem *affectus* qui culpe adhæsit, sentit D. Thomas (Q. cit. a. 6) pœnæ purgatoriae, diversæ in diversis, acerbitatem quidem respondere specificæ gravitati

culpæ, diuturnitatem vero adhærentiæ ejus seu radicationi in subiecto: "unde potest contingere quod aliquis diutius moretur qui minus affligitur, et e converso" (*ibid.* ad 1).

4^a *Pars concl.* dirigitur contra quorundam *erronea* opinamenta (cf. *Bellarm.* I. II, c. 9).

1^o *Origenis* error fuit, tempora purgatorii ultra resurrectionis diem extendi. Docet vero *S. August.* (I. XXI de Civ. Dei, c. 16): "Purgatorias pœnas nullas futuras opinetur, nisi ante illud ultimum tremendumque judicium." *Ratio* est quia Dominus (Matth. XXV) in judicio solum duos hominum ordines futuros dicit, unum beatorum, alterum damnatorum. Nec mirum videatur, animam duntaxat, quæ simul cum corpore peccavit, purgari; quippe ipsa extitit libero suo arbitrio causa peccati efficiens.—2^o Opinio fuit *Dominici Soto* et *Maldonati*, neminem in purgatorio manere ad decem annos. Verum (ut scribit *Bellarm.* I. cit.) "repugnat huic sententiæ probatissimæ visiones sanctorum... Repugnat etiam Ecclesiæ consuetudo, quæ anniversaria sacra celebrat pro defunctis, etiamsi constet eos ante centum vel ducentos annos esse mortuos, quod certe non fieret, si Ecclesia crederet non puniri animas ultra decem annos." Hinc proscripta est ab *Alex. VII* (1666) sequens prop. 43: "Annuum legatum pro anima relictum non durat plus quam per decem annos."—3^o Igitur dicamus durationem purgatorii usque ad resurrectionis diem plus minusve, pro variis animarum debitis, protrahi, nec nisi temere a nobis definiri posse.

Conclusio 3^o.—PURGATORII PŒNIS ANIMÆ ITA EXERCENTUR UT OMNEM REATÙS SIVE CULPÆ SIVE PŒNÆ MACULAM EXUANT.

1^o Ex alibi dissertis (Disp. II, Q. II, a. 4) in comperto est qua ratione *peccata venialia*, in quibus vir justus forte decepit, remitti valeant secundum *culpam*: nimirum anima separata a corpore penitusque libera totam vim suam in Deum intendit caritatis actu opposito cucumque veniali; et ita, communiori theologorum sensu, vel a separationis momento culpæ remissionem a Deo consequitur.—2^o Quod spectat ad *malas dispositiones* quas justus secum trahit post mortem, "credibile est (inquit *Bellarm.* I. II, c. 9) omnes istos habitus tolli per primum actum contrarium animæ separate, quem statim a separatione elicit. Etsi enim hic non possit uno actu

destrui habitus contractus per multos actus, tamen ibi poterit; quia actus ille multo vehementior erit, cum anima tunc sit potentior quantum ad actus spirituales, nec habeat fomitem contrarium et resistantem, ut hic habet."—³⁰ At per ea quae in purgatorio infliguntur animae, tollitur *reatus poenae temporalis* debitæ peccatis sive venialibus sive mortalibus antea quoad culpam remissis. Quicumque enim est debitor alicujus, per hoc a debito absolvitur quod debitum istud solvit. Reatus autem poenæ nihil est aliud quam debitum divinæ justitiae solvendum. Igitur eo ipso quod aliquis poenam sustinet quam debebat, a reatu liberatur (*S. Th. Q. cit. a. 5*).

pote-
a tunc
fomi-
per ea
pœnae
alibus
debitor
id sol-
bitum
cenam
a. 5).

QUÆSTIO QUARTA

DE SUFFRAGIIS IN GRATIAM MORTUORUM

Cum constiterit animas post mortem recipi in diversis locis, justasque, nondum plene purgatas, purgatorio mox claudi, ordo postulat ut jam disseramus de *suffragiis* quæ pro animabus illis fieri queant. Hoc autem argumentum triplici locum dat questio[n]i: vid. *utrum*, secundum sanctorum communionem, *defuncti* possint precibus vivorum juvari (art. 1); quod si possint, *quinam defuncti* revera juventur (art. 2); tertio, *quibus suffragiis* et *qua ratione* (art. 3).

ARTICULUS I.

De communione sanctorum:—an mortui possint juvari ex operibus vivorum.

(Suppl. Q. LXXI, a. 1-2)

Ecclesie tres partes recenseri solent, quatenus distinguitur Ecclesia *militans* in terris, Ecclesia *patiens* in purgatorio, et Ecclesia *triumphans* in celis.—Haec porro partes ita inter se, sub capite Christo, junctæ sunt, ut unum reapse corpus, unam familiam, unam ecclesiasticam societatem efforment; isque nexus sermone sacro denominari consuevit *communio sanctorum*.—Protestantes quidem nexus illum negant vel per rumpunt, nos vero in Symbolo quasi dogma profitemur: quod quia fundamentum habetur doctrinæ catholice de suffragiis pro mortuis, illud prius evincere præstabit quam ad ipsa suffragia vindicanda accedamus.

Conclusio 1^a.—**DESCRIPTA SANCTORUM COMMUNIONE, EAM ADMITTENDAM ESSE PAUCIS ADSTRUITUR.**

1^a *Pars* versatur circa *notionem* communionis sanctorum.

Atque 1^o communio illa, quamvis *lato sensu* possit pro quo cumque fidelium consortio in bonis Ecclesie participandis accipi, *strictè tamen definitur*: "Connexio militantis, patiens et triumphantis Ecclesie, vi cuius haec partes, sibi invicem

in Christo copulatæ, se mutuo colunt ac diligunt, sibique bonorum spiritualium communicatione efficaciter subveniunt."—Quia in definitione duo elementa exprimuntur: unum quidem *genericum*, consistens in unitate vinculi socialis vigentis inter triplicem Ecclesiae universalis statum ejusque membra; alterum vero *specificum*, secundum quod bona non solum Christi capit is sed et membrorum reliquis membris, caritatis et intentionis vi, participanda communicantur.

2º Dico "caritatis et intentionis vi," ut indigitetur *duplex* ratio seu *conditio* qua communio sanctorum suos elicit fructus. Ad rem S. Thomas (art. 1): "Opus unius potest valere alteri... Quod quidem dupliciter contingit: vel propter *communicantiam in radice operis*, que est *charitas* in operibus meritorii; et ideo omnes qui sibi invicem charitate connectuntur, aliquod emolumentum ex mutuis operibus reportant, tamen secundum mensuram status uniuersusque... Alio modo *ex intentione facientis*, qui aliqua opera specialiter ad hoc facit ut talibus prosint. Unde ista opera quodammodo efficiuntur eorum pro quibus fiunt, quasi eis a faciente collata; unde possunt eis valere ad impletionem satisfactionis vel ad aliquid hujusmodi quod statum non mutat."

2ª Pars eo tendit ut communio sanctorum paucis probetur.

1º Tres Ecclesie partes, scil. militans, patiens et triumphans, intime inter se connectuntur. Atqui hec connexio talis est quae importet mutuum bonorum spiritualium communicationem: ergo.—*Maj.* patet: a) primo, ex verbis Scripturæ declarantis necessitudinem existere inter Ecclesiam visibilem et Ecclesiam invisibilēm, utputa (Eph. II, 19): *Jam non estis hospites et advenie; sed estis cives sanctorum et domestici Dei.* b) Secundo, ratione: militans enim, patiens ac triumphans Ecclesiu inter se convenient unitate *causa efficientis* que Deus est, *causa formalis* que Christi caritate constat, *causa finalis* que in Dei possessione consistit.—*Min.* evincitur ex *Catech.* *Trid.* (P. I, a. 9, n. 25): "Quæcumque pie sancteque ab uno suscipiuntur, ea ad omnes pertinent, et, ut illis prosint, charitate que *non querit que sua sunt*¹ efficitur. Id vero cum S. Ambrosii

testimonio comprobatur, qui locum illum psalmi explana-
nans: *Particeps ego sum omnium timentium te*, ita in-
quit¹: Sicut membrum particeps esse dicimus totius
corporis, sic conjunctum omnibus timentibus Deum. Quare
Christus eam nobis orandi formam præscripsit ut dicere-
mus: *Panem nostrum, non meum*; ac reliqua ejus generis,
non nobis tantum, sed omnium saluti et commodis pro-
spicientes." Et *S. Thomas* (Op. VI de Symb. apost. c. 13) sic
ex comparatione corporis arguit: "Sicut in corpore natu-
rali operatio unius membra cedit in bonum totius corporis, ita
in corpore spirituali, scil. Ecclesia. Et quia omnes fideles
sunt unum corpus, bonum unius alteri communicatur juxta
Ap. (Rom. XII): Singuli autem alter alterius membra.
Unde et inter alia credenda quæ tradiderunt apostoli, est quod
communio bonorum sit in Ecclesia; et hoc est quod dicitur
sanctorum communio. Inter alia vero membra Ecclesiae,
principale membrum est Christus, quia est caput (Eph. I):
Ipsum dedit caput super omnem Ecclesiam, quæ est corpus ipsius. Bonum ergo Christi communicatur omnibus chris-
tianis, sicut virtus capitatis omnibus membris...Sciendum est
etiam quod non solum virtus passionis Christi communicatur
nobis, sed etiam meritum vitae Christi, et quidquid boni
fecerunt omnes sancti communicatur in charitate existentibus,
quia omnes unum sunt. Inde est quod qui in charitate vivit,
particeps est omnis boni quod sit in toto mundo, sed tamen
specialius illi: pro quibus specialius sit aliquod bonum."

2º Si res *in specie* spectetur, a) colligimus ex dictis opera
bona caritateque perfecta cunctis fidelibus, tanquam unius
corporis membris, *per se* proficere. Insuper, aliis in tractati-
bus comperimus quæ ratione fideles possint per actus salu-
tates gratiam vivis quadamtenus mereri (*de Reparatione*,
Disp. V, Q. II) aut unus pro alio *satisfacere* (*de Sacer.* 2º
Pars, Disp. III, Q. IV, a. 2).—b) Quod vero pertinet ad
nexum vigentem nos inter et beatos, jam determinavimus
(*de Incarn. Verbi*, Disp. V, Q. IV) relations illas in hoc
sitatis esse ut eos quidem honore prosequamur fideienterque in-
vocemus, ab eis vero vicissim recipiamus plura praeteritorum
meritorum atque intercessionis beneficia.—c) Quapropter dis-

1—In Ps. 118, serm. 8, v. 69.

putandum superest quænam sit habitudo fidelium hujus vitæ ad animas in purgatorio existentes seu utrum vivi valeant defunctis opitulari (de quo jam quoque, loquendo de *sacrificio missæ et de indulgentiis*, nonnulla alibi attigimus).

Conclusio 2^a. — ANIMÆ JUSTORUM POST MORTEM INDIGENTIUM POSSUNT SUFFRAGIIS VIVORUM JUVARI. — Constat ex Trid. (Sess. XXV, *dec. de purg.*), ubi decernitur “animas in purgatorio detentas fidelium suffragiis, potissimum vero acceptabili altaris sacrificio juvari.”

1^o Huc faciunt pleraque testimonia superius adducia ad probandum dari expiationis locum, quem purgatoriū nominamus.

2^o Nonnulla alia subjiciemus. — Sic legitur (1 Cor. XV, 29) : *Quid facient, qui baptizantur pro mortuis, si omnino mortui non resurgent?* ut quid et baptizantur pro illis? Ubi Ap. resurrectiouem esse suadet ex recepto apud fideles usu subveniendi mortuis : sive enim verba, *baptizari pro mortuis*, intelligentur de baptismo reali (secundum falsam eorum opinionem qui tenebant posse christianum denuo baptizari pro defuncto consanguineo) sive accipientur de baptismo fletus et poenitentiae pro defunctis suscepto, fidelium persuasio inde ab initiis christianismi clare manifestatur. — Luculenta suppetunt verba S. Cyrilli Hier. (Catech. mys. V. n. 3) : “ Deinde, inquit, pro omnibus generatim eramus, qui per nos vita functi sunt; maximum hoc credentes ad amorem illis animabus fore, pro quibus oratio defertur, dum sancta et perquam tremenda coram jacet victima.” Similia habent Tertullianus, S. Cyprianus, S. Ambrosius, etc.

3^o Ratio a D. Thoma sic promittitur (art. 2) : “ Dicendum quod charitas, quæ est vinculum Ecclesiae membra uniens, non solum ad vivos se extendit, sed etiam ad mortuos qui in charitate decedunt. Charitas enim, quæ est vita animæ, sicut anima est vita corporis, non finitur; 1 Cor. XIII, 8: *Charitas nunquam excidit*. Similiter etiam mortui in memoriis hominum viventium vivunt; et ideo intentio viventium ad eos dirigi potest. Et sic suffragia vivorum mortuis dupliciter prosunt, sicut et vivis: et propter charitatis unionem, et propter intentionem in eos directam. — Noutamen sic eis valere credenda sunt vivorum suffragia, ut status eorum mutetur de miseria ad felicitatem vel e con-

verso ; sed valent ad diminutionem poenæ vel aliquid hujusmodi, quod statum mortui non transmutat."

Solv. obj. (cont. 2nd concl.).—OBJ. 1.—Dicit Scriptura unumquemque post mortem judicari secundum *propria corporis, prout gessit* (2 Cor. V, 10), et justos beatificari quia *opera illorum sequuntur illos* (Apoc. XIV, 13). Ergo nihil mortuis accrescit ex operibus vivorum.

RESP: utrumque textum esse accipiendum de *finali retributione æternæ misericordiae vel æternæ gloriae*, quæ fiet secundum propria cuiusque acta ac merita.—Ut vero quis citius æternam consequatur mercedem sibi debitam, plurimum conferre suffragia vivorum contendimus; idque nequaquam Sacris Litteris contradicit.—Eo magis, quia defuncti, dum in corpore viverent, hoc adjutorium sibi profuturum meruerunt; atque opera pro mortuis facta in eos transferuntur, et fiunt *quodammodo ipsorum*.

OBJ. 2.—Proficere ex opere aliquo solum est ejus qui in via existit. Atqui homines post mortem viatores amplius non sunt. Ergo.

RESP. *Trans. M.*—*D.m*:...non sunt simpliciter in via, ideoque non possunt amplius per aliqua opera mutare statum salvationis aut damnationis, *C*; non sunt in via *quantum ad aliquid*, nec juvari possunt ad assequendum ultimam retributionem, *N*.—*Neg. conseq.*

OBJ. 3.—Nullus juvatur ex opere alterius, nisi sit aliqua vitæ communicatio inter eos. Atqui nulla est communicatio inter mortuos et vivos. Ergo.

RESP. *C. M.*—*D.m*: nulla est communicatio *operum civilium, C*; nulla communicatio *operum spiritualium, N*.—*Neg. conseq.*

ARTICULUS II.

Quibusnam defunctis vivorum suffragia prodesse possunt.

(Art. 5-8)

Compertum omnibus est *beatos non egere suffragia viventium*. In hoc tamen aliqui errasse feruntur (Bellarm., de purg. l. II, c. 1) quod estimaverint omnes prorsus bonos, uno

Christo excepto, post hanc vitam esse purgandos: error est, inquam, cum Ecclesia semper crediderit quasdam animas, puta eorum qui mox a baptisino moriuntur, statim in cœlum evolare.— Teste autem *D. Thoma* (art. 5), fuerunt olim, etiam e catholicis, qui arbitrarentur suffragia vivorum prodesse *damnatis*, saltem usque ad judicij diem, sive per quamdam pœnæ diminutionem sive per quamdam patientis confortationem: cui doctrinæ apprime consonat positio *Anglici* scriptoris *Mivart*¹ tenentis damnatos posse evictione quadam emergere de statu infeliori ad meliorem statum.— Negant autem suffragia *animabus purgatorii* proficere quotquot purgatorii loci existentiam inficiantur.

Conclusio.—SUFFRAGIA VIVORUM CERTO PRODESSE POSSUNT, NON QUIDEM EXISTENTIBUS IN CŒLO, NEQUE DAMNATIS IN INFERNO, SED PATIENTIBUS IN PURGATORIO.

1^a *Pars de beatis* facili negotio adstruitur.

1^o Sane, suffragium de sui ratione importat quamdam auxiliationem, auxiliatio autem non competit nisi indigentibus. Atqui sancti, jam in patria existentes, immunes prorsus sunt ab omni indigentia, utpote qui perfruuntur plenitudine beatitudinis sibi debitæ atque *inebriantur ab ubertate domus Dei*, Ps. XXXV. Ergo.—2^o Nec dicuntur felicitatem beatis crescere per gaudium quod de bonis nostris operibus seu suffragiis sumant. Nam “quamvis sancti qui sunt in patria, de bonis nostris omnibus gaudeant, non tamen sequitur quod multiplicatis nostris gaudiis, eorum gaudium augmentetur *formaliter*, sed *materialiter* tantum; quia omnis passio formaliter augetur secundum rationem objecti sui. Ratio autem gaudendi in sanctis, de quibuscumque gaudent, est ipse Deus de quo non possunt magis et minus gaudere, quia sic essentiale eorum premium variaretur, quod consistit in hoc quod de Deo gaudeant. Unde ex hoc quod bona multiplicantur, de quibus gaudendi ratio eis Deus est, non sequitur quod *intensius* gaudeant, sed quod *de pluribus* gaudeant. Et ideo non sequitur quod operibus nostris juventur” (a. 8 ad 3).

2^a *Pars de damnatis* (inter quos connumeramus pueros

1.—*Happiness in Hell* (The 19th Century, 1892-93); quæ scripta damnata sunt a *S. Officio*, 10 jul. 1893.

or est,
nimas,
celum
olim,
n pro-
ve per
tientis
Anglici
uadam
Negant
otquot

E POS-
MNATIS

mdain
igentia-
ororsus
tudine
domus
beatis
eu suf-
tria, de
r quod
entetur
sio for-
autem
e Deus
essen-
e quod
ntur, de
inten-
deo non

pueros

scripta

in limbo existentes) pro certa haberi debet, quanquam desit expressa Ecclesiæ declaratio.—*Prob.* auctoritate et ratione.

1º *Auctoritate.* Hæc est enim veterum communior sententia; quâ perspectâ *S. Thomas* sic oppositam doctrinam reprehendit (art. 5): “Est prædicta opinio *præsumptuosa*, utpote sanctorum dictis contraria et vana, nulla auctoritate fulta.”—Hinc Ecclesiæ *consuetudo* nunquam fuit orandi pro eis qui in inferno detruduntur. Atque verba quæ recitantur in *Offert. Missæ* defunctorum, “libera animas omnium fidelium defunctorum de pœnis inferni et de profundo lacu; libera eas de ore leonis” etc., miniñe huic asserto contradicunt. Duplex enim tradi potest illorum interpretatio: *una*, quod petitur animarum liberatio a loco purgatorii, quem et *infernum* et *locum profundum* et *os leonis* ob analogiam cum loco damnatorum sermo ecclesiasticus designat; *altera*, quod Ecclesia, etsi reapse liberationem a purgatorio postulet, eo tamen loquendi orandique modo utitur, quasi tunc animæ migrarent a corpore et in periculo aeternæ salutis versarentur.

2º *Ratione.*—Divina enim Providentia nihil in rebus inordinatum relinquit. Atqui culpa non potest ordinari nisi per pœnam, qua restituitur violata aequalitas. Ergo fieri nequit ut poena tollatur, nisi prius culpa expietur. Culpa autem in damnatis propter finalem voluntatis immobilitatem immutata remanet. Ergo nec interruptur nec minuitur per suffragia viventium eorum pœna.—Contraria positio “est irrationalis: tum quia damnati in inferno sunt extra vinculum charitatis, secundum quam opera vivorum continuantur defunctis; tum quia totaliter ad vitie terminum pervenerunt, recipientes ultimam pro meritis retributionem, sicut et sancti qui sunt in patria” (art. 5).—Hoc quidem intelligas velim secundum *legem ordinariam*; cui profecto Deus derogare potest atque tunc reapse derogat cum forte alicujus animam, inferni pœnas sustinentem sed temporarie tantum, precibus intercessoris immutari decernit.

3º *Pars est de fide*, ut appareat ex *Trid.* (*decr. cit.*).

1º Ecclesia pro illis, iisque duntaxat, defunctis deprecatur, quorum animas in purgatorio detentas credit. In id conferri potest quidquid ferme ex *Patrum* et *liturgiarum* monumentis theologi commemmorant, in questione de existentia purgatorii. Pulchrum hujus generis suffragii exemplum videre

est in vita S. *Perpetuae* martyris¹, quæ dum in carcere detine-
retur, bis fratrem Dinocratem defunctum mente adspexit :
primum in loco afflictionis prope fontem labii ejus inacces-
sum ; dein (post effusas pro eo multas preces) in loco satietatis
et refrigerii.—^{2º} Ratio in promptu est : pœna enim purga-
torii exigitur in supplementum satisfactionis quæ non fuerat
plene in corpore consummata. Porro jam alibi (Disp. III, Q.
IV, a.2) accepimus opera unius posse alteri, sive vivo, sive
mortuo, valere ad satisfaciendum ; neque ex hoc sequitur
“quod peccata remaneant impunita, quia pœna unius pro
altero suscepta alteri computatur” (art. 6 ad 2). Ergo.

Doctrinæ angelici Thomæ modo expositæ quam vere con-
sentiat seraphici Bonaventuræ doctrina, sequentia instar
coronidis ostendunt (Brevil. P. VII, c. 3) : “Suffragia Eccles-
iae non possunt valere his qui sunt in *inferno*, quia sunt a
corpore Christi mystico penitus separati, unde nulla spiritualis
influentia capitis ad eos pervenit, nec eis prodest, sicut nec
influentia capitis prodest membris a corpore amputatis. Hinc
est etiam quod non prosunt *beatis*, quia sunt omnino supe-
riores secundum statum et jam in termino existentes non
possunt ad altiora condescendere, sed magis, e converso, ipsi
prosunt nobis et eorum orationes, nam et hoc meruerunt in
carne... Restat igitur quod prosunt solis justis qui sunt in
pœnis *purgatorii*. Nam ipsi ratione pœnæ et impotentie se
juvandi sunt vivis inferiores, ratione vero justitiae ceteris
membris Ecclesiae sunt conjuncti.”

ARTICULUS III.

Qua ratione mortui per suffragia vivorum juvantur.

(Art. 9-14)

Sub hoc titulo solvendæ proponuntur diversæ questio-
nes quæ de suffragiis pro mortuis moveri solent. Quinque enim
ex ordine determinanda se præbent, nempe : quæ sint varia

1—L'abbé Pillet, *Hist. de sainte Perpétue et de ses compagnons*, ch. 12-13.

suffragiorum genera; *a quibus* fieri queant; *quo modo* vim suam exserant; *quo* efficaciam gradu; *a quo* demum tempore.—Cuncta hæc una comprehensiva propositione asseruntur.

Conclusio.—PLURA SUNT SUFFRAGIORUM PRO MORTUIS GENERA, QUÆ POSSUNT A DIVERSIS FIERI DIVERSEQUE ANIMAS JUVARE, SECUNDUM CERTUM EFFICACIAE GRADUM, ET TEMPORE DEBITO.

1^a Pars decl.

1^o “Suffragia vivorum prosunt defunctis, secundum quod uniuntur viventibus in charitate, et secundum quod intentio viventium fertur in mortuos; et ideo illa opera præcipue nata sunt mortuis suffragari quæ maxime ad communicationem charitatis pertinent, vel ad directionem intentionis in alterum. Ad charitatem autem sacramentum Eucharistiae præcipue pertinet, cum sit sacramentum ecclesiastice unionis, continens illum in quo tota Ecclesia unitur et consolidatur, scil. Christum. Unde Eucharistia est quasi quedam charitatis origo vel vinculum. Sed inter charitatis effectus est præcipuum eleemosynarum opus. Et ideo ista duo ex parte charitatis præcipue mortuis suffragantur, scil. *sacrificium Ecclesiae* (cf. *Conc. Trid.* deer. de purg.) et *eleemosyne*. Sed ex parte intentionis directæ in mortuos præcipue valet *oratio*, quia oratio secundum suam rationem non solum dicit respectum ad orantem, sicut et cetera opera, sed directius ad illud pro quo oratur. Et ideo ista tria ponuntur quasi præcipua mortuorum subsidia¹;—quamvis quaecumque alia bona quæ ex charitate fiunt pro defunctis, eis valere credenda sint” (art. 9). Hujusmodi sunt *communio* (secundario tamen et indirecte²), *jejunium* aliaque opera pœnalia. Quibus profecto addendæ sunt *indulgentie* quæ defunctis applicari valeant (cf. supra).

2^o De *exequiarum cultu* per antiqua consuetudine consecratio, quæstio est num, præter monitionis et solatii utilitatem vivis allatam, mortuis quoque revera proficiat. Hoc autem affirmandum procul dubio tenemus; si quidem tripliciter funus prodest mortuis: *a) primo*, quatenus consulitur honori eorum adhuc in hominum memoriis viventium.—*b) Secundo*

1—Ita *Conc. Flor.* (Decr. union.).

2—Cf. *de Sacr.* (1^a Pars), Disp. VI, Q. un., a. 5.

(et id potius est), “in quantum per hujusmodi homines existantur ad *compatiendum*, et per consequens ad *orandum*, vel etiam in quantum ex sumptibus sepulturæ vel pauperes fructum capiunt vel ecclesia decoratur; sic enim sepultura inter cæteras eleemosynas computatur” (art. 11).—c) *Tertio*, propter sepulturam in loco sacro; “nam defunctus vel alias corpus ejus tumulari in loco sacro disponens, *patrocinio alie-
cujus sancti* eum committit, cuius precibus per hoc credendus est adjuvari, et etiam patrocinio eorum qui loco sancto deserviunt, qui pro tumulatis apud se frequentius et specia-
lius orant” (*ibid.*)¹.

2^a *Pars* sequitur de iis a quibus suffragia fieri valeant.

Et 1^o *Angelos* et *Sanctos* posse per *intercessiones* suas animabus purgatorii utcumque subvenire idque reapse efficere, concedendum videtur: tum quia Ecclesia in *missa* illud sanctorum suffragium implorat; tum quia nexus inter Ecclesiam triumphantem et patientem hoc exigit. Ita sentit S. *Thomas* (art. 9 ad 5, et art. 11).—Dupliciter autem id evenire intelligitur: vel quia beati intercessione sua obtinent ut Deus debitorum solutionem, factam per indulgentias ex thesauro satisfactionum Christi et sanctorum sub ratione suffragii, acceptet; vel quia Deum rogam ut vi suæ gratiæ fideles ad satisfaciendum pro mortuis excite.

2^b Si de fidelibus loquamur, *justus* est qui *suis* suffragiis animas juvare potest.—Quoad vero suffragia quæ per *malos* fiunt, “duo, inquit *Auctor* (art. 3), possunt considerari: primo ipsum *opus operatum*, sicut sacrificium altaris. Et quia nostra sacramenta ex seipsis efficaciam habent absque opere operantis, quam æqualiter explent, per quoscumque fiant, quantum ad hoc suffragia per malos facta defunctis prosunt.—Alio modo quantum ad *opus operantis*; et sic distinguendum est, quia operatio peccatoris suffragia facientis potest uno modo considerari prout est *eius*, et sic nullo modo meritoria

1.—Notandum heic cum *Bellarmino* (l. II, c. 16), restitutionem rei alienæ, quam defunctus aut oblitus est aut non potuit restituere, si fiat ab herede, non constituere *per se* speciale suffragium (quamvis prodesse possit ex opere operantis seu restituentis), nec obesse defuncto, si non fiat: vel enim defunctus peccavit non restituendo, vel non peccavit. *Si non peccavit*, non debet puniri. *Si autem peccavit*, punietur pro culpa negligentie; sed, soluta poena, salvabitur, sive res restituatur sive non.

esse potest nec sibi, nec alii¹; alio modo *in quantum est alterius*, quod duplicitur contingit. Uno modo in quantum peccator suffragia faciens *gerit personam totius Ecclesie*, sicut sacerdos, dum dicit in ecclesia exequias mortuorum; et quia ille intelligitur facere cuius nomine vel vice fit, inde est quod suffragia talis sacerdotis, quamvis sit peccator, defunctis prosunt. Alio modo quando agit *ut instrumentum alterius*; opus enim instrumenti est magis principalis agentis: unde quamvis ille qui agit ut instrumentum alterius non sit in statu merendi, actio tamen ejus potest esse meritoria ratione principalis agentis; sicut si servus in peccato existens quodcumque opus misericordiae facit ex præcepto domini sui charitatem habentis. Unde si quis in charitate decedens præcipiat sibi suffragia fieri vel alius præcipiat charitatem habens, illa suffragia valent defuncto, quamvis illi per quos fiunt in peccato existant.—*Magis tamen valerent*, si essent in charitate, quia tunc ex duabus partibus opera illa meritoria essent.”

3^a Pars respicit modum quo suffragia valeant.—Duplex ergo modus, ut communius theologi sentiunt, distinguitur:

1^{us} est *satisfactio* seu directa debiti solutio; secundum tamen Dei beneplacitum et acceptationem; quod fit per missæ sacrificium, indulgentias et diversa pietatis opera, qua poenalia sunt.—Hinc est quod opus suffragii, defuncto applicatum, sic potest eum a debito pœnæ absolvere ut nequeat simul pro auctore operis satisfacere; reatus enim duorum peccatorum majorem satisfactionem requirit quam reatus unius. Verum idem opus, prouti procedit a radice charitatis vimque merendi habet, prodesse potest, etiam magis, facienti (art. 4).

2^{us} modus est *impetratio* (cui adjungunt aliqui meritum *de congruo* in bonitate operis fundatum) cuius effectus est

1—“Tamen quandoque Deus peccatores audit, quando scil. peccatores petunt aliquid Deo acceptum. Non enim solis justis, sed etiam peccatoribus Deus bona sua providet, ut patet Matth. V, non autem ex eorum meritis, sed ex sua clementia” (*ibid. ad 1*). Sane “oratio innititur principaliter *fidei*, non quantum ad efficaciam merendi, quia sic innititur principaliter charitati, sed quantum ad efficaciam *impetrandi*, quia per fidem habet homo notitiam omnipotentiae divinae et misericordie, ex quibus oratio impetrat quod petit” (*II-II^a, Q. LXXXIII, a. 15 ad 3*).









IMAGE EVALUATION TEST TARGET (MT-3)



Photographic
Sciences
Corporation

23 WEST MAIN STREET
WEBSTER, N.Y. 14580
(716) 872-4303

0
1
2
3
4
5
6
7
8
9
10
11
12
13
14
15
16
17
18
19
20
21
22
23
24
25
26
27
28

0
1
2
3
4
5
6
7
8
9
10
11
12
13
14
15
16
17
18
19
20
21
22
23
24
25
26
27
28

Deum movere vel ad gratis remittendum poenas defunctis, vel ad acceptandam debiti solutionem a vivis oblatam, vel ad solvendum ex thesauro satisfactionum Christi et sanctorum, vel denique ad inspirandum gratiam suam fidelibus animum subveniendi defunctis: haud enim reor ad unum duntaxat effectum, praesertim aliis, impetrationis vim divinam omnipotentiae et liberalitati innixam restringi oportere¹.

4^a Pars est de gradu valoris seu efficacie².

1^o Itaque "valor suffragiorum pensari potest ex duobus. Valent enim uno modo ex virtute charitatis, quae facit omnia bona communia; et secundum hoc magis valent *ei qui magis charitate est plenus*, quamvis pro eo specialiter non flant: et sic valor suffragiorum attenditur magis *secundum quamdam interiorem consolationem*, secundum quod unus in charitate existens de bonis alterius delectatur post mortem quantum ad diminutionem poenae; post mortem enim nouus est locus acquirendi gratiam vel augendi, ad quod nobis in vita valent opera aliorum ex virtute charitatis. Alio modo valent suffragia ex hoc quod per intentionem unius alteri applicantur, et sic *satisfactio unius alteri computatur*; et hoc modo *non est dubium quin magis valeant ei pro quo flunt*; imo sic ei soli valent" (art. 12)³.—"Credibile tamen est quod per divinam misericordiam, si aliquid de specialibus suffragiis supersit his pro quibus flunt (ut si eis non indigeant), *aliis dispensetur* pro quibus non flunt, si eis indigeant" (art. 14 ad 2).

2^o Ex facta superius distinctione colligitur, quod suffragia

1.—Duplex ille modus orationi convenit, prout apposito notavit *Bellarmino* (de Purg. l. II, c. 16): "Oratio, inquit, duobus modis juvat defunctorum animas: uno modo, ut opus quoddam poenale et laboriosum, et hoc modo poterat comprehendendi sub opere *satisfactorio*; alio modo juvat ut est *impetratoria*, quod est ipsi orationi proprium: quo modo etiam beatorum orationes prosunt nobis et animabus purgatoriis, licet satisfactoriae non sint."

2.—Memoranda est prop. 40 *Lutheri* damnata a Leone X: "Animo, et purgatorio liberata suffragia viventium, minus beantur quam si per se satisfecissent."

3.—Cum plura suffragia flant pro divitibus quam pro pauperibus, "nihil prohibet divites quantum ad aliquid esse melioris conditionis quam pauperes, sicut quantum ad expiationem poenae; sed hoc quasi nihil est comparatum possessioni regni celorum in qua *pauperes* melioris conditionis esse ostenduntur", Luc. VI, 20. (*Ibid.* ad 3).

pro multis oblata, si spectentur secundum *virtutem charitatis* et *gaudium* inde procedens, tantum singulis prosunt ac si pro uno tantum fierent; quia *charitas* non minuitur si dividatur effectus ejus in multos, imo magis augetur. Si autem suffragia considerentur secundum *satisfactiones intentiones* translatas in mortuos, sic patet *magis aliqui prodesse suffragium speciale quam suffragium commune*, cuius effectus inter plures partitur (art. 13).

5^a *Pars* taudem subjicitur de *tempore* quo suffragia prosunt.—“Dico ergo quod quam cito moriens disponit aliqua suffragia sibi fieri, premium suffragiorum pleue consequitur, ante etiam quam fiant, quantum ad efficaciam suffragii que erat *ex opere operante principalis agentis*; sed quantum ad efficaciam suffragiorum que est *ex opere operato vel ex opere operante exequentis*, non consequitur fructum antequam suffragia fiant” (art. 6 ad 4).

QUÆSTIO QUINTA

DE SIGNIS QUÆ EXTREMUM JUDICIUM PRÆCEDENT

Futura esse signa vel indicia quibus mundi finis extremumque hominum judicium præsagiantur, res est omnibus explorata: "quæ autem sint ista signa, de facili sciri non potest," ait *Angelicus* (Q. LXXIII, a. 1).—Ea tamen quæ certiora habentur ab incertis seceruentes, breviter et ad ipsius revelationis normam priora proponemus, loquendo tum de lœtificiis tum de tristificiis signis.

ARTICULUS I.

De signis lœtificiis novissimorum mundi.

Lœtifica signa eos eventus appellamus quos in bonum futuros esse creditur, antequam mundus ad extrema deveniat: qui eventus tres recenserî solent, videlicet, *prædicatio fidei* in orbe universo, *conversio gentis Judeorum* ad fidem, et adventus prophetarum *Henoch* et *Eliae*. De iis in una communi propositione.

Conclusio.—MERITO ASSIGNANTUR VELUTI PRÆVIA NOVISIMIS MUNDI SIGNA PRÆDICATIO FIDEI PER TOTUM ORBEM, CONVERSIO RELIGIOSA JUDÆORUM, UNA CUM ADVENTU HENOCHE ET ELIAE.

1^a Pars decl.

1^o Signum in *prædicatione fidei* positum nititur verbis ipsis Salvatoris (Matth. XXIV, 14): *Prædicabitur hoc Evangelium regni in universo orbe, in testimonium omnibus gentibus; et tunc veniet consummatio*. Locum hunc ad mundi finem resorri, suadent tum textus et contextus¹, tum eximii Patres et interpres; quibus accedit *Catech. Trid.* (P. I, a. 7, n. 8).

2^o Duplex ratio confirmat hunc verborum Christi intellectum eamque, antequam mundus intereat, universam fidei prædicacionem:—1^a est, quia id apparet respondet aliis

1—Cf. Knabenbauer, in *Matth. XXIV*.

Christi verbis ad apostolos directis (Marc. XVI, 15): *Praedicate evangelium omni creature, ita ut præcepti initio dati adimpletio sic habeatur.* — 2^a est, quia, antequam supremus Judex homines de lege fidei judicet, congruum est ut lex ista non solum interiori inspiratione, sed et exteriori prædicatione omnium gentium aures percillat.

3^o Tameu non posset certo concludi, instare mundi finem statim post prædicationem illam; quod optime advertit S. August. (Ep. 197, n. 4): “Tunc veniet, inquit, quid est, nisi ante nou veniet? Quanto post ergo veniat, incertum nobis est; ante tamen non esse venturum, dubitare utique non debemus.” — Neque æstimandum est per verba prædicta annuntiari plenam omnium gentium conversionem; aliud siquidem est fidei prædicatio, aliud ad fidem conversio. De quo rursus S. August. (Ep. 199, n. 48): “In quibus gentibus nondum est Ecclesia, oportet ut sit, non ut omnes qui ibi fuerint credant; omnes enim gentes promissæ sunt, non omnes homines omnium gentium.” — Verum de prædicatione recte observat Knobenbauer (in h. l.), eam esse accipiendam “sensu omnino universalí, ita ut evangeliū demum aliquando in unoquoque orbis terrarum tractu, ubi aliqua gens vitam degit, annuntiari debeat.”

2^o Pars de conversione Judæorum evincitur.

1^o Inter prophetias hoc spectantes, præclara est illa Osee (III, 4-5): *Dies multos sedebunt filii Israël sine rege, et sine principe, et sine sacrificio, et sine altari... et post hanc revertentur... et querent Dominum Deum suum.* Quem textum *Origenes, Hieronymus, Augustinus* aliique Patres de conversione Judæorum in fine mundi explicant.

2^o Lucidius adhuc loquitur S. Paulus (Rom. XI, 25-32) inquiens: *Nolo vos ignorare, fratres, mysterium hoo (ut non sitis vobis ipse sapientes), quia cæcitas ex parte contigit in Israël, donec plenissimo gentium intraret, et sic omnis Israël salvus fieret, sicut scriptum est: Veniet ex Sion, qui eripiat et avertat impietatem a Jacob... secundum Evangelium quidem, inimici propter vos; secundum electionem autem, charissimi propter patres... conclusit enim Deus omnia in inoredulitate, ut omnium misereatur.* His verbis contineri prædictionem conversionis Judæorum in fine mundi, luculente declarat S. Thomas (Comm. in

h. l.) :—docet enim id in primis asseri a D. Paulo, ut præveniat fidelium romanorum præsumptionem seu superbiam ;—atque subdit hoc probari dupliciter : *primo* per auctoritatem, cum dicitur : *sicut scriptum est* etc ; *secundo* per rationem. Judæi enim, quorum inimicitia seu deicidium humanam peperit redemptionem in sanguine Christi, *charissimi* Deo manserunt in filiis propter patres divinitus electos.—Quare ad demonstrandam insignem suam in omnes misericordiam, sicuti gentiles prius infideles adduxit Deus ad fidem, ita et Judæos ab incredulitate et perversitate sua est tandem revocatus.

3º Constans hæc fuit in Ecclesia traditio, non quod omnes prorsus Judæi, sed *major eorum pars* novissimis temporibus sint Christi fidem suscepturi.

3º *Pars* succedit *de adventu Henoch et Eliae.*

1º S. Thomas (in Heb. XI, 5) : *Fide Henoch translatus est, ne videret mortem,* hæc habet : “Mors duorum dilata est, sc. *Henoch et Eliae.* Et ratio est, quia doctrina V. T. ordinatur ad promissa N. T. in quo spes nobis vitæ æternæ promittitur (Matth. IV). Et ideo, data sententia mortis, voluit Dominus ducere homines in spem vitæ : quod fecit in patribus utriusque status, scil. naturæ, legis, et gratiæ. Unde in primo statu dedit spem evadendi necessitatæ mortis in Henoch; in lege, in Elia; in tempore gratiæ, in Christo, per quem datur nobis effectus hujus promissionis.”

2º Henoch et Eliam de abscondito loco, ubi sunt, in fine mundi adventuros, testatur Scriptura ipsa. Cum enim apostoli Dominum interrogarent (Matth. XVII) : *Quid scribē dicunt, quod Eliam oporteat primum venire,* respondit Jesus (v. 11) : *Elias quidem venturus est, et restituēt omnia;* id est “ejus operā sanabitur magna illa Judeorum apostasia et videtur efficienda esse illa Judeorum in fine temporum conversio de qua loquitur S. Paulus, Rom. XI, 25 sq.” (Knabenbauer, in h. l.).—De adventu Henoch non tam expressa sunt sacra eloquia, hæc tamen habentur (Ecli. XLIV, 16) : *Henoch translatus est in paradisum, ut det gentibus paenitentiam;* nempe ut prope finem veniens eam ad convertendas gentes operam conferat quam Elias Judæis adhibebit.

3º His consonat universa traditio (ap. Knoll, P. I, s. III,

c. 1, a. 1); cuius sensum hac brevi sententia exprimit S. Ambrosius (in Ps. XLV, n. 10): "Bestia illa Antichristus ex abyso ascendit, ut adversus Eliam atque Henoch, qui propter testimonium Domini Jesu terr' sunt redditi, præliaretur, ut legimus in Joan. Apocalypsi¹."

ARTICULUS II.

De signis tristificis proximum mundi finem prænuntiaturis.

Extremo tempore non solum signa lastifica, sed et tristia plura in medium prodibunt; duplicitaque ista erunt generis, moralis scil. et physici: inter signa autem moralia præcipuum locum tenent magna populorum apostasia et adventus Antichristi.—Haec sequenti propositione determinentur.

Conclusio.—SIGNA PROXIMUM MUNDI FINEM PRÆSAGIEN-TIA TRIA PRÆSERTIM RECTEQUE NUMERANTUR, VIDEL. LATISSIMA DEFECTIO A FIDE, NEFARIUM ANTICHRISTI OPUS, MAXIMAQUE NATURÆ PHYSICÆ PERTURBATIO.

1^a *Pars esto de illo signo quod est defectio a fide.*

1^o Huc referri videntur verba Christi in Evangelio dicen-tis (Luc. XVIII, 8): *Filius hominis veniens, putas in-veniet fidem in terra?* qua interrogatione raros fore creden-tes satis insinuantur².—Causam autem assignat Dominus (Matth. XXIV, 24): *Surgent enim pseudochristi et pseudo-propheṭæ et dabunt signa magna et prodigia, ita ut in errorem inducantur (si fieri potest) etiam electi;* cf. 2 Pet. III, 3.—Eamdem defectionem nomine discessionis et cum adventu Antichristi conjunctam exhibet Ap. inquiens (2 Thessal., II, 3): *Ne quis vos seducat ullo modo, quoniam, nisi venerit discessio primum, et revelatus fuerit homo pec-cati, filius perditionis, etc.*

2^o Cujus generis futura sit discessio illa seu defectio, ægre determinari potest.—Duo tamen constare videntur: primum, quod magna erit apostasia hominum, seu potius, juxta

1—Apoc. XI, 8 sqq.

2—Ita Knabenbauer in h. l.

quosdam, nationum¹ ab avita religione divulsarum socialemque atheismum profitentium; alterum, quod hæc apostasia secum ducet pessimam morum corruptionem, prouti Dominus ipse indicavit (Luc. XVII, 26-30): *Sicut factum est in diebus Noë, ita erit et in diebus Filii hominis. Edebant et bibebant, uxores ducebant, et dabantur ad nuptias usque in diem qua intravit Noë in arcam; et venit diluvium, et perdidit omnes. Similiter sicut factum est in diebus Lot: edebant et bibebunt, emebant et vendebant, plantabant et edificabant; qua die autem exiit Lot a Sodomis, pluit ignem et sulphur de celo, et omnes perdidit. Secundum hæc erit, qua die Filius hominis revelabitur.*

2^a Pars versatur circa Antichristum; de quo plura edisserunt auctores, Bellarminus, Suarezius aliique: præcipua tantum consueta brevitate attingemus, dicendo de ejus persona et opere (ex Bellarm. de Roin. Pont., l. III).

1^o Quod ad personam pertinet, Antichristus nomine appellatur, quippe qui futurus sit Christo contrarius eju: que regni oppugnator et emulus (1 Joan. II, 22).—Hinc (contra Novatores impudentissime pronuntiantes Romanum Pontificem esse Antichristum) iste non genus hominum, sed certa erit seu singularis persona in fine mundi proditura, uti ex dicente facile colligetur.—Docet Bellarminus duo pro certissimis videntia: unum, Antichristum præcipue propter Judæos venturum, et ab eis tanquam Messiam recipiendum; alterum, *ex gente Iudaorum* (probabiliter de fornicaria muliere) nasciturum, et circumcidendum, et sabbatum observaturum, saltem ad tempus; securus enim a Judæis pro Messia non recipetur. — *Nequissimum vel a pueritia fore Antichristum, moribus perditum, superbia elatum, falsæ glorie summaeque potestatis cupidissimum, perspicue demonstrant verba quibus apostolus eum describit* (2 Thess. II, 3 sq.): *Homo peccati, filius perditionis, qui adversatur et extollitur supra omne*

1—Cf. Jungmann, *De noviss.* c. II, art. 1; ubi sapienter hoc annotat (p. 209): “Quamvis societas apostasia quadam christianæ religioni renuntiare videatur, tamen, sicuti jam a pluribus seculis illa defectio incepit, etiam per multa alia secula ipsa protrahi posset. Imo etiam redditus ad christianismum contingere potest, vel nationibus defcientibus novæ possunt substitui gentes quæ ad fidem convertuntur, ita ut subsequantur tempora feliora.”

quod dicitur Deus aut quod colitur, ita ut in templo Dei sedeat; ostendens se tanquam sit Deus.—Sententia communis est, quod Antichristus characterem proprium habebit, a se suisque in manu vel fronte circumferendum; de eo enim dicitur (Apoc. XIII, 16-17): *Faciet omnes...habere characterem in dextera manu sua aut in frontibus suis; et ne quis possit emere, aut vendere, nisi qui habet characterem aut nomen bestie, aut numerum nominis ejus.*

2º Quod spectat ad opus Antichristi, jam doctrinam ejus futuram suspicamur, quatenus negaturus est verum Christum (1 Joan. II, 22), seipsum Christum facturus (Joan. V, 43), se Deum prædicaturus et omnes deos alios vel idola execraturus (2 Thess. II).—Præterea, Antichristus, magica arte insignis dæmonisque adjutorio, *multa mira* sive realia sive phantastica in populorum seductionem patrabit, juxta id quod legitur (2 Thess. II, 9-10): *Cujus est adventus secundum operationem Satanæ in omni virtute, et signis, et prodigiis mendacibus, et in omni seductione iniquitatis iis qui pereunt.*—De regno et *præliis* Antichristi (teste Bellarmino) quatuor in Scripturis legimus: *primo*, Antichristum ex humillimo loco prodeuntem per fraudes et dolos regnum Iudaeorum adepturum (Daniel, XI, 21): *secundo*, pugnaturum cum tribus regibus, nimirum Ægypti, Lybiae atque Ethiopie, et eorum regna, illis devictis, occupatum (ibid. VII, 8, 24; XI, 42-43); *tertio*, subacturum sibi alios septem reges, et eo modo monarcham totius mundi evasurum (Apoc. XVII, 12-13); *quarto* cum innumerabili exercitu toto orbe christianos persecuturum (Apoc. XX, 71), et hoc esse prælium Gog et Magog (quibus verbis sacri textus probabiliter significatur Antichristus ejusque exercitus).—*Acerbissima* igitur tunc sœviet in Ecclesiam persecutio; qua durante (etsi per breve tempus) multi seducentur, Henoch et Elias una cum aliis interficiuntur, eaque, quam supra memoravimus, apostasia complebitur; donec, imminente jam adventu Domini, Christi christiaueque fidei adversarius divina virtute supereretur et extinguitur, secundum verba Ap. (2 Thess. II, 8): *Quem Dominus Jesus interficiet spiritu oris sui, et destruet illustratione adventus sui.*

3º *Pars tangit perturbationes ordinis physici*: quæ quidem (ut iamjam visuri sumus) certo evenient; quales vero et quo pacto futurae sint, curiosius inquirendum non est.

1º Itaque plurima, eaque terrificata, fore in fine mundi nature phænomena, ipse Christus prædixit (Matth. XXIV, 29) : *Statim post tribulationem dierum illorum sol obscurabitur et luna non dabit lumen suum, et stellæ cadent de cœlo, et virtutes cœlorum commovebuntur.* Cui descriptioni consonat alia (Luc. XXI, 25-26) : *Et erunt signa in sole, et luna, et stellis, et in terris pressura gentium præ confusionem sonitus maris et fluctuum : arescentibus hominibus præ timore et expectatione, quæ supervenient universo orbi ; nam virtutes cœlorum movebuntur, i. e. orbes viresque cœlestes e pristina conditione mutabuntur* (*Knabenbauer*, in h. l.). Id profecto respondet transmutationi quam indicat S. Petrus loquens de adventu Domini (2 Pet. III, 12) : *Cœli ardentes solventur, et elementu ignis ardore tabescunt.*

2º De igne illo purgativo et resolutivo hæc observat S. Thomas (Q. LXXIV, a. 8) : "Ignis ille finalis conflagrationis, quantum ad hoc quod judicium præcedet, ageret ut instrumentum divinæ justitiae et iterum per virtutem naturalem ignis. Quantum ergo pertinet ad virtuem naturalem ipsius, similiter ageret in malos et bonos qui vivi reperientur, utrumque corpora in cinerem resolvendo ; in quantum vero ageret ut instrumentum divinæ justitiae, diversimode ageret in diversos quantum ad sensum poenae. Mali enim per actionem ignis cruciabantur ; boni vero, in quibus nihil purgandum inventetur, omnino nullum dolorem ex igne sentient, sicut nec pueri senserunt in camino ignis, Dan. III. Quamvis eorum corpora non servabuntur integra, sicut puerorum servata fuerunt ; et hoc divina virtute fieri poterit, ut sine doloris cruciatu resolutionem corporum patientur. Boni vero, in quibus aliquid purgandum reperiatur, sentient cruciatum doloris¹ ex illo igne, plus vel minus, pro meritorum diversitate."

1—Qui vivi tunc reperientur *subito* purgari poterunt triplici de causa : *primo*, quia in eis jam præcedentium persecutionum igne probatis pauca purganda supererunt ; *secundo*, quia sponte poenam sustinebunt, poena autem nunc voluntarie suscepta efficacius purgat quam poena post mortem inficta ; *tertio*, quia calor extremæ conflagrationis intensitate recuperabit quod tempore amittet (*ibid. ad 5*).

DISPUTATIO NONA

DE PERTINENTIBUS AD RESURRECTIONEM

Argumentum aggredimur quod potissimum inter christianae fidei dogmata numeratur; ait siquidem *S. Paulus* (1 Cor. XV, 13-14): *Si resurrectio mortuorum non est, neque Christus resurrexit. Si autem Christus non resurrexit, inanis est ergo praedicatio nostra, inanis est et fides vestra.*—Porro duplex occurrit instituenda consideratio: una de resurrectione ipsa (Q. I), altera de conditionibus resurgentium (Q. II).

QUÆSTIO PRIMA

DE IPSA RESURRECTIONE

Resurrectio secundum se sumpta est factum divina virtute perfectum. Spectari igitur potest vel quoad *facti* veritatem (art. 1), vel quoad *causam* a qua dependet (art. 2), vel quoad *tempus* quo continget (art. 3), vel denique quoad *modum* (art. 4).

ARTICULUS I.

Utrum corporum resurrectio sit futura.

(*Suppl. Q. LXXV, a. 1*)

1º *Catechismus Trid.* (P. I, art. XI, n. 2), de carnis resurrectione (prouti habetur in *Symbolo*) agens, sic loquitur: “Attendero oportebit resurrectionem hominum in hoc articulo *carnis* resurrectionem appellari: quod quidem sine causa factum non est; nam docere voluerunt Apostoli id quod necessario ponendum est, animam esse immortalem. Quare ne quis forte eam simul cum corpore interiisse, utrumque vero in vitam revocari existimaret, cum animam plurimis

SS. LL. locis immortalem esse plene constet, ob eam rem carnis tantum suscitandæ mentio in articulo facta est."—Potest igitur resurrectio *definiri* "corporis per mortem disjuncti, divinitus autem restituti, iterata conjunctio cum anima¹".

2º Resurrectionis dogma a *gentilibus* aut ignoratum aut præfracte negatum fuisse, testantur veteres, testatur quoque Scriptura, v. g. (Act. XVII, 32), ubi circa Paulum in Areopago loquentem dicitur: *Cum audissent autem resurrectionem mortuorum, quidam quidem irridebant, quidam vero dixerunt: Audiemus te de hoc iterum; quod in hominibus solo rationis lumine ductis mirandum non est.*—Miranduni potius, fuisse vel inter Judæos qui, neglectis V. T. eloquiis, eamdem veritatem tam aperte inibi declaratam inficiarentur, cuiusmodi certe fuerunt *Sadducei* (Matth. XXII, 23).—His inter christianos, indeque a primis Ecclesiæ exordiis, multi hæretici consenserunt, utputa *Gnostici*, *Marcionitæ*, *Manichæi*; medio ævo, *Waldenses* et *Albigenses*; postea *Anabaptistæ*, pluresque e *Socinianis* et *Arminianis*, iisque ex *Protestantibus* qui in rationalismum concedunt.—Demum tota *Materialistarum* et *Naturalistarum* schola resurrectionem ceu commentum rationi contrarium explodit.—Contra hos omnes duplice jam revelationis et rationis operâ congregiamur.

Conclusio.—**DOGMA RESURRECTIONIS CERTISSIMA AUCTORITATE ASSERITUR; ATQUE, NEDUM HUMANÆ RATIONIS DOCUMENTIS REPUGNET, IPSI CONGRUERE CLARE CONSPICITUR.**

1º *Pars* constat ex diversis Ecclesiæ *Symbolis*, necnon ex *Conciliis*, maxime ex *Conc. Lat. IV* (c. *Firmiter*), ubi statuitur: "Omnes mortales cum suis propriis corporibus resurgent, que nunc gestant, ut recipient secundum merita sua, sive bona facient, sive mala."

1º Sacrae utriusque *Test. paginæ* hujus veritatis plenæ sunt.

a) In *V. T.* celebre prostat testimonium (Job, XIX, 25-27): *Scio quod Redemptor meus vivit, et in novissimo die de terra surrecturus sum; et rursum circumda-*

1—Hæc est definitio resurrectionis *passive* sumptæ; *active* enim seu ex parte Dei illam operantis aptius dicitur *resuscitatio*.

bor pelle mea, et in carne mea *Deum meum;*
quem visurus sum ego ipse, et oculi mei conspecturi sunt,
et non aliis: reposita est haec spes mea in sinu meo. Hæc
 verba adeo sunt luculenta ut *S. Hieronymus* dixerit (Ep.
 53 ad Paulinum, n. 8): “Resurrectionem corporum sic pro-
 phetat (*Job*), ut nullus de ea vel manifestius vel cautius scrip-
 serit¹” — Docent quidem eruditæ textum hebraicum a ver-
 sione Vulgatae quadamtenus differre; non tamen eo usque
 ut diversus habeatur sensus *substantialis*; unde *Knaben-
 bauer* (in h. l.): “Hebraici textus proposita explanatione
 elucet *S. Hieronymum* secundum sensum *fideliter* transstu-
 lissee.” — Neque audiendi sunt rationalistæ dicentes verba *Job*
 referri ad *recuperandam valetudinem*. Hæc enim interpre-
 tatio excludit per textum et contextum: per *textum* quidem,
 qui, nisi voces in alium sensum violenter torqueantur,
 ultro significat eam resurrectionem qua vir justus, resumpta
 carne, Christum judicem oculis contemplari poterit; per *con-
 textum* vero, quatenus ex una parte proemium (v. 23): *Quis
 mihi tribuat ut scribantur sermones mei* etc., grande quidam
 et portentosum prænuntiat, ex altera parte *Job* plures
 antea spem omnem recuperandæ sanitatis abjecit, v. g. (VII,
 16): *Desperavi, nequaquam ultra jam vivam.*

Ex prophetis suppetunt alia loca plane decretoria, ut Is.
 XXVI, 19, Dan. XII, 2. Placet vero heic referre præclaram
 visionem quam habuit Ezechiel mente deductus in campum
 ossibus repletum (XXXVII, 3-10), ubi forte non primo et
 per se de resurrectione mortuorum oraculum funditur, ast
 saltem *præsuppositive*, quatenus nempe restitutio populi
 israëlitici describitur et suadetur secundum exemplar resur-
 rectionis mortuorum (*Knabenbauer*, in h. l.); unde multi
 Patres de hoc loco argumentum prompserunt. En verba: *Et
 dixit ad me: Fili hominis, putasne vivent ossa ista? Et
 dixi: Domine Deus, tu nosti. Et dixit ad me: Vaticinare
 de ossibus istis; et dices eis: Ossa arida, audite verbum
 Domini. Hæc dicit Dominus Deus ossibus his: Ecce ego
 intromittam in vos spiritum, et vivetis. Et dabo super vos
 nervos, et succrescere faciam super vos carnes, et superex-*

1—Immerito itaque nonnulli catholici, e quibus *Loisy*, negant
 inde colligi posse solidum resurrectionis argumentum.

*tendam in vobis cutem; et dabo vobis spiritum, et viventis, et scietis, quia ego Dominus. Et prophetavi sicut præcep-
perat mihi; factus est autem sonitus, prophetante me, et ecce commotio; et accesserunt ossa ad ossa, unumquodque ad juncturam suam. Et vidi, et ecce super ea nervi et car-
nes ascenderunt; et extenta est in eis cutis desuper, et spi-
ritum non habebant. Et dixit ad me: vaticinare ad spi-
ritum... a quatuor ventis veni, spiritus, et insufla super
interfectos istos, et reviviscant. Et prophetavi sicut præcep-
perat mihi; et ingressus est in ea spiritus, et vixerunt;
steteruntque super pedes suos, exercitus grandis nimis
valde.*

Eamdem veritatem ceu communis inter Judæos fide con-
stantem alte professi sunt Machabæi qui sub Antiocho mar-
tyrium sustinuerunt; sic secundus frater tyrannum alloque-
batur (2 Mach. VII, 9): *Tu quidem scelestissime in præ-
senti vita nos perdis; sed R'x mundi defunctos nos pro-
suis legibus in aeternæ vitæ resurrectione suscitabit.* Eadem
fide ducebatur Martha, quum de Lazaro diceret (Joan. XI,
24): *Scio, quia resurget in resurrectione in novissimo die.*

b) In N. T. Christus ipse disertis verbis futuram carnis
resurrectionem edocuit. Nam (Matth. XXII) Sadduceos
resurrectioni adversos ex professo refellit, et ait (vv. 31-32):
*De resurrectione autem mortuorum non legistis quod
dictum est a Deo dicente vobis: Ego sum Deus Abraham,
et Deus Isaac, et Deus Jacob? Non est Deus mortuorum,
sed viventium*¹.—Alibi (Joan. V, 28-29) resurrectionem tum
justorum tum impiorum clarissime enunciat: *Nolite mirari
hoc, quia venit hora in qua omnes qui in monumentis sunt,
audient vocem Filii Dei, et procedent, qui bona fecerunt,
in resurrectionem vite; qui vero mala egerunt, in resur-
rectionem judicii.* Cf. Joan. VI.

Inter Apostolos præcipuus resurrectionis præco eminent
S. Paulus; qui, Athenis disputans cum Judæis et gentibus,
Jesum et resurrectionem annuntiabat eis (Act. XVII, 18).
Scribens autem ad Hebreos (VI, 2) eam doctrinam ceu dogma
fundamentale commemorat, et coram Felice, præside romano,
(Act. XXIV, 15) spem justorum in ea residere pronuntiat.

1.—De vi argumentationis Christi ofr. Knabenbauer (in h. l.).

Expressius vero de resurrectione agit (1 Cor. XV), ipsamque exhibet ita cum resurrectione Christi connexam ut vel utraque admittenda, vel utraque neganda sit.

2º Traditio locupletissima præbet ea in re testimonia; quæ sane nec spatiuni sinit, nec utilitas cogit in medium producere: ¹ pauca sufficient.

a) In primis memorabimus *Acta martyrum*, ² qui resurrectionem certa fide summaque fortitudine, tanquam spei motivum in preferendis tormentis, profitebantur. Ita S. Pionius jamjam moritus: "Hæc, aiebat, me dicit causa, hæc me potissimum ratio compellit ad mortem, ut populus omnis intelligat resurrectionem futuram esse post mortem."—Hinc legimus martyrum corpora quandoque a gentilibus concrēmata fuisse, ne spes ulla resurgendi eis relinquatur.—Pessim quoque veteres christiani consueverunt in suorum epitaphiis seu *inscriptionibus sepulchralibus* resurrectionis fidem declarare.

b) *Patrum* consensio (cum duo vel tres duntaxat paulo obscurius locuti sint) habenda est veluti unanima. Neque obiter et per transennam tantum arguimentum hoc attigere, sed data operâ illud contra ethnicos et adversantes quoscumque propugnaverunt, v. g. *Theoph. Antioch.* l. I ad Autolycum, *Athenagoras* in lib. speciali de resurrectione mortuorum, *Tertullianus* in lib. de resurrectione carnis, etc. A recitandis sententiis, brevitatis gratia, abstinemus.

2º Pars demonstratur.

1º Resurrectio non repugnat neque intrinsece neque extrinsece.

Non *intrinsece* :—nihil enim in ea reperiri potest contradictionem involvens, omnesque objectiones ex hoc capite ductæ sufficienter solvuntur (ut infra patebit.)

Non *extrinsece* :—a) Quis enim arbitretur Dei *omnipotentiam*, quæ cuncta ex nihilo condidit, ad corpora e cineribus suscitanda haud se extendere? Ad rem S. August. (Serm. supp. 109 de verbis Ap.): "Quid est amplius, ex nihilo homines facere qui vivant, aut eos, qui facti sunt et vixerunt, reparare post mortem? Utique plus est facere quod nun-

1—Cf. Knoll, P. V, s. III, c. 1, a. 2.

2—Ap. Ruinart.

quam fuit, quam reparare quod fuit."—*b) Imagines*, licet inadæquatæ, ad possibilitatem resurrectionis suadendam ex natura peti possunt. Ita *S. Ambrosius* (De fide resurr. n. 53): "Prima resurrectionis fides usus est mundi rerumque status omnium, generationum series, successionum vices, obitus ortusque signorum, dici et noctis occasus, eorumque quotidie tanquam rediviva successio... Quid de fructibus loquar? Nonne tibi videntur occidere, cum decidunt; resurgere, cum revivescent? quod satum est, resurgit; quod mortuum est, resurgit et in eadem genera et in easdem species reformatur. Hos terra primum reddidit fructus, in his primum natura nostra speciem resurrectionis imitata est."—*c) Demum facta ipsa*, certissimis argumentis comprobata, resurrectionis Christi et resuscitationis Lazari, rem appriuere conficiunt.

2º Resurrectio conveniens omnino est, sive ex parte Dei, sive ex parte hominis spectetur.

Ex parte Dei.—*a) Dei enim donum maius* est quam peccatum Adæ (Rom. V), et ad hoc communicatur ut peccati ruinas reparet. Jamvero mors per peccatum introducta est; quia si peccatum non fuisset, neque mors ulla foret. Ergo plane congruit ut per donum divinum homo de morte ad vitam restituatur.—*b) Præterea*, membra debent esse capiti conformia. Atqui caput nostrum, Christus, ita resurrexit ut in æternum corpore et animæ victurum sit (Rom. VI, 9). Ergo, etc.

Ex parte hominis, cuius et *animae natura*, et *felicitatis desiderium*, et *præsentis vitae meritum*, resurrectionem exposcent. Tria hæc argumentandi media sic evolvit *D. Thomas*¹ (C. G. IV, 79):—*a)* "Ostensum est in secundo lib. c. 79, animas hominum immortales esse. Remanent igitur post corpora a corporibus absolutæ. Manifestum est etiam ex his quæ in secundo, cc. 83-84, dicta sunt, quod anima corpori naturaliter unitur; est enim secundum suam essentiam *corporis forma*. Est igitur contra naturam animæ absque corpore esse. Nihil autem quod est contra naturam potest esse perpetuum. Non igitur perpetuo erit anima absque corpore. Quum igitur perpetuo maneat, oportet eam corpori iterato conjungi; quod est resurgere."—*b)* "Adhuc ostensum est supra, in tertio lib. c. 24, naturale hominis desiderium ad

1—Cf. quoque Catech. Trid. P. I, art. 11, n. 6.

licit
m ex
53) :
status
obitus
otidie
quar?
, cum
m est,
natur.
natura
facta
Christi

e Dei,

m pec-
peccati
ta est ;
Ergo
rto ad
capiti
exit ut
VI, 9).

feli-
tionem
D. Tho-
b. c. 79,
ur post
ex his
corpori
m cor-
ue cor-
est esse
corpo.
iterato
sum est
ium ad

felicitatem tendere. Felicitas autem ultima est felicis perfectio. Cuicunque igitur deest aliquid ad perfectionem, nondum habet felicitatem perfectam, quia nondum ejus desiderium totaliter quietatur; omne enim imperfectum perfectiōnem consequi naturaliter cupit. Anima autem a corpore separata est aliquo modo imperfecta, sicut omnis pars extra suum totum existens: anima enim naturaliter est pars humanae naturae. Non igitur homo potest *ultimum felicitatem consequi*, nisi anima iterato corpori conjungatur¹; præsertim quoniam ostensum sit quod homo in hac vita non potest ad felicitatem ultimam pervenire."—c) "Item, sicut in tertio lib. c. 146 ostensum est, ex divina providentia peccantibus pœna debetur et bene agentibus præmium. In hac autem vita homines ex anima et corpore compositi peccant vel recte agunt. Debetur igitur hominibus *et secundum animam et secundum corpus præmium vel pœna*. Manifestum est autem quod in hac vita præmium ultimæ felicitatis consequi non possunt, ex his quæ in tertio sunt ostensa; multoties etiam peccata in hac vita non puniuntur; quin imo, ut dicitur (Job, XXI, 7), hic *impii vivunt, sublevati sunt, confortatique divitias*. Necessarium igitur est ponere iteratam animie ad corpus conjunctionem, ut homo in corpore et anima præmiari et puniri possit²."

Solv. obj.—OBJ. 1.—Legitur (Job, XIV, 12): *Homo, cum dormierit, non resurget, donec atteratur cælum*. Atqui cælum nunquam atteretur, cum et ipsa terra in æternum stare dicatur (Eccl. I, 4). Ergo.

Resp. C. M.—D.m:...nunquam atteretur quantum ad substantiam, *Trans*; quantum ad accidentia, *N.*—*Neg. conseq.*

Obj. 2.—Resurrectionis congruentia maxime desumitur ex remuneratione seu retributione laborum operantibus debitu. Atqui sufficiens laborum remuneratio esse potest in anima principaliter operante. Ergo sufficit animarum resurrectio ad pœnam vel glorificationem.

Resp. D. M.:...ex retributione debita operantibus ipsis, *C*;

1—Cf. I-II^m, Q. IV, a. 5; ubi S. Doctor, explicans qua ratione corpus requiratur ad beatitudinem hominis perfectam, dicit (resp. ad 5), *corpore resumpto per resurrectionem, beatitudinem crescere, non jam intensive, sed extensive*.

2—Cf. S. August. (Serm. 280, n. 5).

ex retributione debita parti tantum operantium, *N.*—*D.m.*: remuneratio sufficiens sed *inadequata*, *C*; remuneratio *adæquata*, *S.d.*: in hypothesi diceutium hominem esse animam tantum, *C*; juxta veram philosophiæ sententiam quæ ponit hominem essentialiter constare ex anima et corpore, ita ut ipse homo compositus operetur, *N.*—*Neg. conseq.*

OBJ. 3.—Ultimum rei perfectissimum esse debet in illa re. Atqui perfectissimus animæ status est ut sit a corpore separata, majorem sic cum Deo angelisque conformitatem induens. Ergo.

RESP. *D. M*:...perfectissimum secundum quid, *N*; simpliciter, *C*.—*C.d.m.* eodem sensu.—*Neg. conseq.*

“ Cæteris paribus, perfectior est status animæ in corpore quam extra corpus, quia est pars totius compositi, et omnis pars integralis materialis est respectu totius. Et quamvis sit Deo conformior secundum quid, non tamen simpliciter: tunc enim, simpliciter loquendo, est aliquid maxime Deo conforme, quando habet quidquid conditio sine naturæ requirit, quia perfectionem divinam tunc maxime imitatur ” (art. 1 ad 4).

ARTICULUS II.

De causa resurrectionis corporum.

(Q. LXXV, a. 3; Q. LXXVI)

Multiplex quidem est causarum genus; at, pro præsentis questionis opportunitate, distingue expedit causam in *efficiētē* et *exemplarem*; causa autem efficiens alia est *principalis*, alia *instrumentalis* seu *ministerialis*.—Quibus prænotatis, jam ad concludendum festinamus.

Conclusio 1^a.—RESURRECTIO NEQUIT DICI SIMPLICITER NATURALIS, SED A DEO TANQUAM A CAUSA EFFICIENTE PRINCIPALI REPETENDA EST.

1^a *Pars* ostend.

Ille motus dicitur simpliciter naturalis ejus et principium et terminus est natura, sicut patet in motu lapidis deorsum; motus autem qui ad naturam quidem terminatur, sed enjus principium superius natura est, quamvis sit naturalis secundum quid, simpliciter tamen dici debet *præternaturalis*

et *miraculosus*, utputa illuminatio cæci. Atqui resurrectio corporum est hujusmodi:— etenim, licet ad vitam naturæ terminetur, nequit tamen a natura ipsa prodire. Nam “nulum principium activum resurrectionis est in natura neque respectu conjunctionis animæ ad corpus, nec respectu dispositionis quæ est necessitas ad talem conjunctionem, quia talis dispositio non potest a natura induci nisi *determinato modo per viam generationis ex semine*. Unde etsi ponatur esse aliqua potentia passiva ex parte corporis seu etiam inclinatio quæcumque ad animæ conjunctionem, non est talis quod sufficiat ad rationem motus naturalis” (Q. LXXV, a. 3).

2^a *Pars* repetit causam efficientem principalem a Deo, scil. a Christo in quantum est Deus.

1^o Revera, id asseritur (Rom. VIII, 11): *Qui suscitavit Jesum Christum a mortuis, vivificabit et mortalia corpora vestra.*—2^o Sic discurrit S. Thomas (C. G. IV, 81): “Quod natura hoc facere non possit (nempe suscitare corpus a morte), ideo est quia natura semper per formam aliquam operatur; quod autem habet formam, jam est: unde nihil seipsum generare potest, sed generat aliquid aliud sibi secundum speciem simile. Cum vero corruptum est, formam amisit, quæ poterat esse actionis principium: unde operatione naturæ, quod corruptum est idem numero reparari non potest. Sed divina virtus, quæ res produxit in esse, sic per naturam operatur quod absque ea effectum naturæ producere potest. Unde cum virtus divina maneat eadem, etiam rebus corruptis, potest corrupta in integrum reparare.”

Conclusio 2^a.—CHRISTI RESURRECTIO NOSTRÆ RESURRECTIONIS CAUSA EST EXEMPLARIS, NECNON EFFICIENS INSTRUMENTALIS; MINISTERIALIS ITEM CAUSALITAS ANGELIS EA IN RE ALIQUALITER CONVENIT.

1^a *Pars* jam alibi (*de Incarn. Verbi*, Disp. X, Q. I, a. 4) declarata est.

1^o Itaque sat erit in mentem revocare, resurrectionem Christi ponit causam *exemplarem* resurrectionis saltem justorum, in quantum Christus est caput cui membra debent, ea qua possint perfectione, conformari.—Similiter humanitas Christi rediviva dicitur causa *efficiens-instrumentalis* resurrectionis nostræ; siquidem, cum Christus sit ratione humanae naturæ mediator Dei et hominum, divina dona a Deo in

homines mediante Christi humanitate proveniunt. Sicut autem a morte spirituali liberari non possumus nisi per donum gratiae divinitus datum, ita nec a morte corporali nisi per resurrectionem divina virtute effectam. Ergo quemadmodum Christus, auctore Deo, suscepit secundum humanam naturam primitias gratiae, de cuius plenitudine nos omnes acciperemus; ita etiam in Christo divinitus inchoatum est resurrectionis opus quod, mediaute humanitate Christi redativa, ad nos usque suscitandos extendetur.

2º Scriptura commemorat *tubam* quae ad homines de somno mortis excitandos personabit (1 Thess. IV, 15): *Ipse Dominus in jussu, et in voce Archangeli, et in tuba Dei descendet de caelo, et mortui, qui in Christo sunt, resurgent primi.* Videlicet signum aliquod sensibile dabitur, veluti Dei nutus, cui tota natura ad resurrectionem mortuorum obediens. Porro signum illud, qualemunque futurum sit, sive vox Christi resurrectionem imperantis¹, sive divina virtus se mundo utcumque manifestans, "habebit efficaciam instrumentalem ad resuscitandum" (art. 2 ad 2) eo ipso quod in medium prodibit; sicut formae sacramentales vim sanctificandi habent, non ex hoc quod audiuntur, sed ex hoc quod proferuntur.

2º Pars respicit ministerium Angelorum respectu resurrectionis; quod ministerium insinuatur (1 Thess. l. cit.).

Sane 1º juxta gradationis ordinem divinitus servatum, in iis quae corporaliter a Deo fiunt utitur prima causa ministerio Angelorum. In resurrectione autem est aliquid ad transmutationem corporum pertinens, scil. collectio cinerum et eorum preparatio ad reparationem hujmani corporis. Ad hoc igitur poterit Deus ministerium Angelorum adhibere; non tamen ad conjungendum corpori animam, quae sicut immediate a Deo creata est, ita et immediate a Deo corpori suo sociabitur.—2º "Ministerium istud erit principaliter unius archangeli, scil. Michaelis, qui est princeps Ecclesie, sicut fuit Synagogæ, ut dicitur (Dan. X, 21); qui tamen aget ex influentia Virtutum et aliorum superiorum ordinum: unde quod ipse faciet, superiores ordines quodammodo facient. Similiter inferiores angeli cooperabuntur ei circa resurrectionem singulorum, quorum custodie deputati fuerunt" (a. 3 ad 1).

1—Id magis consonat litteræ sacre (Joan. V, 28): *Omnes qui in monumentis sunt, audient vocem Filii Dei.*

ARTICULUS III.

De tempore resurrectionis corporum.

(Q. LXXVII)

1^o Quæstionem hic agitamus duntaxat *in genere*, quin excludamus eas exceptions quas vel doctrina ecclesiastica vel doctorum quorumdam opinio admittendas ex speciali privilegio proponat. Nam præter B. Marie *assumptionem* corpoream catholico sensu agnitam, sunt qui putant (etsi probabiliter tantum¹) nonnulla sanctorum corpora, resurgentे Christo, ad ejus resurrectionem testificandam una cum eo resurrexisse.

2^o *Chiliastarum* seu *Millenariorum* sententia fuit, duplēcēm ponendam esse resurrectionem : *unam* quidem justorum futuram mille annis ante judicium universale, adeo ut eo tempore Christus cum sanctis resuscitat̄ et justis viventibus gloriose sit regnaturus; *alteram* vero impiorum, quam mox excipiat extreūm judicium.—Systema autem istud, a iudaïca notione temporalis imperii Messiae derivatum, apte distinguitur in *Millenarismum materialisticum* et *spiritualisticum*, quatenus alii, ut *Cerinthus*, *Marcionite* et *Apollinariste*, docebant justos in millenario regno omnibus corporis voluptatibus fruituros, alii vero, cum *S. Papia*, *S. Justino* nonnullisque veteribus, honestas duntaxat delicias tunc futuras profitebantur. Sæculorum lapsu ad nostra usque tempora, chiliasticæ doctrinæ, modo sub una, modo sub altera forma, non solum hæreticorum sed et quorundam catholicorum favorem passim visæ sunt.

3^o Quæstioni sub praesenti articulo propositæ triplex adhibenda est responsio: prima quidem de tempore *relativo*; seunda de tempore *absoluto*; tertia de temporis modo.

Conclusio 1^a.—UNA ERIT IN FINE MUNDI HOMINUM RESURRECTIO.

1^o Prob. *generaliter*.

a) Etenim in Scripturis una exhibetur resurrectio futura in fine temporum (Joan. VI, 55): *Ego resuscitabo eum in*

1—Cf. *De Incarn. Verbi*, Disp. X, Q. 1, a. 1.

novissimo die; et (*ibid.* XI, 24): *Scio*, ait de Lazaro Martha ad Jesum, *quia resurget in resurrectione in novissimo die*.—*b)* Piæterea, resurrectio ad hoc futura est ut, expleto merendi tempore, omnes Christi judicio subjiciantur ab eoque retributionem accipient. Atqui Christus ad judicandum venturus est in fine sæculi (*Matth.* XXIV-XXV; *1 Cor.* XV; etc.). Ergo.

2º Prob. *specialiter contra millenarios.*

a) Millenarismus enim, sub ea ratione qua justis per mille annos sensuum voluptates reprobmittit, e diametro adversatur verbis Scripturæ (*Luc. XX, 35*): *Illi qui digni habebuntur sæculo illo et resurrectione ex mortuis, neque nubent, neque ducent uxores*; et (*Rom. XIV, 17*): *Non est regnum Dei esca et potus*.—Quacumque autem ratione intelligatur, sistema eschatologicum millenariorum conciliari nequit cum iis quæ de regno Dei legimus; cujus regni non erit finis (*Luc. I, 33*).

b) Evidem non diffitemur prioribus Ecclesiæ sæculis, re nondum plave explorata, quamdam penes nonnullos Patres hæsitantiam, imo et erroneam persuasionem fuisse, quatenus in millenarismum honeste acceptum declinarent. At neque tunc persuasio illa communis exstitit; inde autem a sœc. V scriptores omnes ecclesiastici illam rejecerunt sive ut aperte falsam sive saltem ut improbabilem. Ita *S. Basilius*, *S. Greg. Naz.*, *S. Epiphanius*, etc; quibus scholastici unanimiter adhæserunt.

c) Precipua adversariorum ratio petitur ex illis verbis (*Apoc. XX, 4-5*): *Vidi...animas decollatorum propter testimonium Jesu et propter verbum Dei...vixerunt et regnaverunt cum Christo mille annis. Ceteri mortuorum non vixerunt, donec consummentur mille anni; hæc est resurrectio prima*.—Verum verba illa non litterali, sed spirituali seu *mystico* sensu esse accipienda, universi Patres et doctores (exceptis quibusdam antiquioribus) tradiderunt; unde *S. Thomas* (*Q. LXXVII, a. 1 ad 4*): “Augustinus dicit verba illa aliter intelligenda esse, scil. de *resurrectione spirituali*, per quam homines a peccatis dono gratiae resurgunt. Secunda autem resurrectio corporum est. Regnum autem Christi dicitur Ecclesia, in qua cum Christo non solum martyres, sed etiam alii electi regnant, ut a parte totum intelliga-

tur... *Millenarius* autem annorum numerus non significat aliquem certum numerum, sed designat totum tempus quod nunc agitur, in quo nunc sancti cum Christo regnant, quia numerus millenarius designat universitatem¹.

Conclusio 2a.—FUTURÆ RESURRECTIONIS TEMPUS JUSTIS DE CAUSIS OCCULTUM NOBIS MANET.

“ Ratio est, inquit *S. Thomas* (de Pot., Q. V, a. 6), quia duplex est modus quo possumus præscire futura, scil. per cognitionem naturalem et per revelationem. *Naturali* quidem cognitione aliqua futura prænoscimus per causas quas presentes videmus, ex quibus futuros expectamus effectus: vel per certitudinem scientie, si sint causæ quas dicit necessitate sequitur effectus; vel per conjecturam, si sint cause ad quas sequitur effectus ut in pluribus, sicut medicus præscit mortem futuram. Hoc autem modo non potest præcognosci tempus determinate finis mundi, quia causa motus cœli et cessationis ejus non est alia quam divina voluntas. Alia vero, quorum causa est motus cœli, vel quæcumque alia causa sensibilis, possunt naturali cognitione præcognosci, sicut particularis destructio alicujus partis terræ quæ prius fuit habitabilis et postea fit inhabitabilis. Per *revelationem* vero licet sciri possit, si Deus vellet revelare, non tamen congruum esset quod revelaretur nisi homini Christo; et hoc propter tres rationes. *Primo* quidem, quia finis mundi non erit nisi completo numero electorum, cuius completio est quasi quædam executio totius divinæ prædestinationis; unde non competit revelationem fieri de fine mundi nisi ei cui fit revelatio de tota prædestinatione divina, scil. homini Christo, per quem tota divina prædestinationis humani generis quodammodo adimpletur. Unde dicitur Joan. V, 20: *Pater diligit Filium, et omnia demonstrat ei quæ ipse fecit.* *Secundo*, quia per hoc quod ignoratur quamdiu iste status mundi durare debeat, utrum ad modicum vel ad magnum tempus, habentur res hujus mundi quasi statim transiit; unde dicitur 1 Cor. VII, 31: *Qui utuntur hoc mundo, sint tanquam non utantur: præterit enim figura hujus mundi.* *Tertio*, ut homines semper sint parati ad Dei judicium expectandum, dum omnino determinatum tempus

1—Cf. C. G. IV, 88.

nescitur; unde dicitur Matth. XXIV, 42: *Vigilate, quia nescitis qua hora Dominus vester venturus sit.*"

Conclusio 3^a.—RESURRECTIO FIET ABSQUE TEMPORIS MORA.

Id expresse tradit Ap. (1 Cor. XV, 51-52): *Omnes resurgentemus... in momento, in ictu oculi.*—Sane in resurrectione aliquid fiet ministerio Angelorum, aliquid vero immediata Dei actione. Porro quod fiet ministerio angelico pars materialis erit et quamdam, licet brevissimam et imperceptibilem, temporis successionem postulabit; quod autem fiet immediate virtute divina erit pars formalis subitoque efficietur, scil. in eo temporis termino quo Angelorum opus complebitur (art. 4).

ARTICULUS IV.

De modo resurrectionis.

(Q. LXXV, a. 2; Q. LXXVIII)

Resurrectionis *modus* investigari potest vel ex parte termini *ad quem*, vel ex parte termini *a quo*: sub primo enim respectu, dubitatur num resurrectio futura sit *universalis*; sub altero autem, num in omnibus *prævia mors* et cineres eam anteibunt.—Unde duæ conclusiones.

Conclusio 1^a.—RESURRECTIO ERIT PRORSUS OMNIUM;—quod *de fide* est (vid. art. 1).

1^o Etenim luculenta sunt hac de re Scripturarum testimonia (Joan. V, 28; 1 Cor. XV, 51).—Legimus quidem (Ps. I, 5): *Non resurgent impii in judicio;* et (Dan. XII, 2): *Multi (ergo non omnes) de his qui dormiunt in terræ pulvere, evigilabunt.* Verum uterque locus facile cum doctrina enunciata componitur: *a)* quoad *primum*, sensus est (juxta vim textus hebraicu*m*) quod impii in judicio, licet resuscitati, non poterunt caput et frontem extollere. *b)* Quoad *secundum*, *multi* opponuntur, non quidem *omnibus*, sed *paucis*, ita ut prænuntietur magna resurgentium multitudo; "et hic modus loquendi frequenter invenitur in Sacra Scriptura" (Q. LXXV, a. 2 ad 2).

2^o Sic *S. Thomas* (*a. cit.*) argumentatur:—ea quorum ratio sumitur ex *natura speciei*, oportet similiter in omni-

quia
MORA.
resur-
ctione
ediata
mate-
bilem,
imme-
cietur,
plebi-

VIII)
te ter-
o enim
salis;
ineres
UM;
monia
I, 5):
Multi
ulvere,
enun-
ta vim
i, non
ndum,
ita ut
modus
" (Q.

n ratio
omni-

bus quæ sub illa specie continentur. Talis autem est resurrectio; quippe quæ ex eo maxime demonstratur, quod anima nequit ultimam assequi humanæ speciei perfectionem quamdiu est a corpore separata. Ideo necesse est, sicut unum, ita et omnes resurgere.—Accedit, resurrectionem ad hoc etiam requiri ut resurgentes recipient pro meritis non solum in anima, sed et in corpore, *pœnam vel præmium*. Omnibus autem pœna aliqua vel præmium debetur.

Conclusio 2^a.—CUM OMNES SINT ALIQUANDO MORITURI, RESURRECTIO OMNIUM ERIT A MORTE ET CINERIBUS MORTE ADDUCTIS, QUIN TAMEN IIS CINERIBUS INSIT INCLINATIO NATURALIS AD RESURGENDUM.

1^a Pars de resurrectione omnium a morte jam alibi (Disp. VIII, Q. I, a. 1) quodammodo determinata est; hæc tamen ad propositum addemus.

1^o Legitur (1 Cor. XV, 22): *Sicut in Adam omnes moriuntur, ita et in Christo omnes vivificabuntur*. Vivificatio autem per Christum prorsus universalis est, quatenus nemo sine ejus gratia salvari potest. Ergo nemo etiam se poterit mortis legi subtrahere, nec nisi mortuus postea resurget. Unde Ap. (*ibid.* XV, 36) dubitanti de resurrectione corporum a morte respondet per similitudinem seminis: *Insipiens, tu quod seminas non vivificatur, nisi prius moriar*.

2^o Ut habet S. Thomas (Q. LXXVIII, a. 1), "securior est hæc et communior opinio quod omnes morientur et a morte resurgent, et hoc propter tria: primo, quia magis concordat *divinæ justitiæ* quæ humanam naturam pro peccato primi parentis damnavit, et omnes qui per actum naturæ ab eo originem ducerent, infectionem originalis peccati contraherent, et per consequens mortis debitores essent¹. Secundo, quia magis concordat *divine Scriptura*, quæ omnium futuram resurrectionem prædictit. Resurrectio autem *proprie* non est nisi ejus quod cecidit et dissolutum est (Damasc.). Tertio, quia magis concordat *ordini naturæ*, in quo invenimus quod id quod corruptum et vitiatum est, in suam novitatem non reducitur nisi corruptione mediante."

3^o Objiciunt quideam illud Symboli de Domino quod "ven-

1.—B. Virgo peculiari favore exempta est a lege contrahendi peccati, non tamen a lege mortis subeundæ.

turus est judicare *vivos et mortuos*."—At opportune respondebat *Angelicus* (*ibid.* ad 1): "Distinctio illa mortuorum et vivorum non est referenda ad ipsum judicii tempus; neque ad totum tempus præteritum, quia omnes judicandi aliquo tempore fuerunt vivi et aliquo tempore mortui; sed ad illud tempus determinatum quod immediate judicium præcedet, quando scil. judicii signa incipient apparere."

2^a *Pars de cineribus*, a quibus fiet resurrectio, non est nisi corollarium præcedentis.—Per cineres enim communis usu intelliguntur omnes reliquiae quæ remanent ex humani corporis dissolutione. Porro "eisdem rationibus quibus ostensum est omnes a morte resurgere, est etiam ostendendum quod omnes resurgent a cineribus in communi resurrectione; nisi aliquibus *ex speciali privilegio gratiæ* sit indulatum contrarium, sicut et resurrectionis acceleratio. a) Scriptura enim *sacra*, sicut resurrectionem prænuntiat, ita et corporum *reformationem*, *Philipp. III, 21*. Et ideo oportet quod, sicut omnes moriuntur ad hoc quod omnes vere resurgere possint, ita omnium corpora dissolvantur ad hoc quod omnium corpora reformari possint. b) Sicut enim in peccatum hominis mors *a divina justitia* est inficta, ita et corporis resolutio, ut patet *Gen. III, 19*: *Pulvis es, et in pulverem reverteris*" (art. 2).

3^a *Pars* sic ab *Auctore* asseritur (art. 3): "Dicendum est quod in cineribus illis nulla est inclinatio *naturalis* ad resurrectionem, sed solum *ex ordine divinae providentia*, quæ statuit illos cineres iterum animæ conjungi; et ex hoc provenit quod illæ partes elementorum iterato conjungentur et non aliæ".—Aliis verbis, cineres vel reliquiae mortuorum, quæ proportionem humani corporis ad animam rationalem amiserunt modoque sub formis diversis a forma ista existunt, non retinent ad eamdem animam sibi rursus unienda inclinationem naturalem, sed solum *obedientialem*. Secus autem anima respectu corporis ad quod sponte inclinatur; nam "anima separata a corpore manet in eadem natura quam habebat, cum corpori esset unita; quod de corpore non contingit" (*ibid. ad 2*).

QUÆSTIO SECUNDA

DE CONDITIONIBUS RESURGENTIUM

Consequenter agendum est de resurgentium conditionibus. Ubi prima consideratio erit de his quæ *communiter* ad bonos et malos pertinent; secunda de his quæ *tantum ad bonos*; tertia de his quæ spectant *tantum ad malos*.—Ad bonos autem et malos *communiter* tria pertinent, scil. ipsorum *identitas* (art. 1), *integritas* (art. 2), et *qualitas* (art. 3).—Quod spectat ad bonos tantum, considerandum est de eorum corporum dotibus, scil. de *impassibilitate* (art. 4), de *subtilitate* (art. 5), de *agilitate* (art. 6), de *claritate* (art. 7).—Deinde quod spectat tantum ad malos, videndum est *quamnam in conditione* eorum corpora resurgent (art. 8). Unde octo articuli.

ARTICULUS I.

De resurgentium identitate.

(Q. LXXIX)

1º Proposita resurgentium identitas dupliciter spectari potest: vel ex parte *corporis* animæ per resurrectionem copulandi, vel ex parte ipsius hominis seu *personæ* resurgentis: utrumque perpendemus.

2º a) Circa hanc questionem (ut refert *Auctor*, a. 1) *veteres nonnulli*, ab errore humanæ naturæ intellectu profecti, docuerunt animam in resurrectione non esse eidem numero corpori conjungendam, sed vel alteri corpori humano, vel corpori belluino, vel etiam corpori sidereo aut aëreo. Negarunt quoque numericam corporum resurgentium identitatem *haeretici* plures e stirpe protestantica oriundi.—b) Penes catholicos fuerunt modoque sunt qui estimant identitatem numericam corporis resurgentis salvari posse absque identitate materiæ, sive quod anima valeat *ex se* materiæ qualicunque characterem individuum præcedentis corporis tribuere

(Durandus), sive quod post mortem annexum sibi retineat subtilius quoddam, tametsi corporeum, *germen* in corpus proprium evolvendum (Bonnetus), sive demum quod penes se habeat *vim* equidem distinctam ab anima et materia, formativam tamen identitatis corporis viventis (Laforet, Martin, etc.).

3º Jam locus est, pro duplice quæstionis adspectu, duplicem conclusionem statuendi.

Conclusio 1ª.—ANIMA IN RESURRECTIONE RESUMET IDEM CORPUS TUM SPECIE, TUM NUMERO; NEQUE HUJUS REI DEEST RATIONALIS, EAQUE APTISSIMA, EXPLICATIO.—Tres accipe partes,

1ª *Pars* esto de identitate *specifica*, quam expresse docuit *Conc. Toletanum XI*, quæque sic a *D. Thoma* ostenditur (*C. G. IV, 84*):—*a)* “Nostra resurrectio conformis erit resurrectioni Christi, secundum illud Ap. (*Phil. III, 21*): *Reformabit corpus humilitatis nostræ, configuratum corpori claritatis sue.* Christus autem post resurrectionem habuit corpus palpabile, ex carnibus et ossibus consistens, quia, ut dicitur (*Luc. XXIV, 39*), post resurrectionem discipulis dixit: *Palpate et videte* etc. Ergo et alii homines resurgentis corpora palpabilia habebunt ex carnibus et ossibus composita. —*b)* Adhuc, anima unitur corpori, sicut forma materiæ. Omnis autem forma habet determinatam materiam; oportet enim esse proportionem actus et potentiarum. Cum igitur anima sit eadem secundum speciem, videtur quod habeat eamdem materiam secundum speciem. Erit ergo idem corpus secundum speciem post resurrectionem et ante.”

2ª *Pars* de identitate etiam numerica dici potest *de fide*, cum *Conc. Lat. IV* definierit omnes resurrectos cum suis propriis corporibus.

1º Ex *Scriptura* luculentum subit argumentum; ait enim *Job* (*XIX, 26*): *Rursum circumdabor pelle mea, et in carne mea videbo Deum meum.* Item *S. Paulus* (*1 Cor. XV, 54*): *Oportet corruptibile hoc induere incorruptionem, et mortale hoc induere immortalitatem.* Unde similitudo *seminis*, quam in eodem capite adhibet *Apostolus*, valet quidem quantum ad aliiquid; non tamen eo sensu urgeri debet quod aliud sit corpus emortuum, aliud corpus resurgens: secus *S. Paulus* sibi ipsi contradiceret.—*Conf. ex traditione* cuius testis est, inter multos, *S. Hieronymus* inquiens

(cont. Joan. Hierosol. n. 28): "Quomodo Dominus post resurrectionem fixuras clavorum ostendit in manibus, vulnus lancearum monstravit in latere... sic et nos post resurrectionem eadem habebimus membra, quibus nunc utimur, easdem carnes et sanguinem et ossa."

2º *Ratio* idem convincit:—*a)* Eae enim opiniones superius recitate, quae numericam corporum resurgentium identitatem pessuindant, nituntur maxime in hoc fundamento: nimirum animam non conjungi essentialiter corpori, sicut formam materiae, sed *accidentaliter* tantum, ita ut, salva manente hominis substantia, possit pro diversa circumstantiarum exigentia diversis uniri corporibus. Porro positio illa cum philosophice, tum quoque theologiche falsa est.—*b)* Præterea, resurrection secundum vim nominis communemque rei notionem intelligitur *iterata surrectio*. Ejusdem autem est surgere et cadere. Unde resurreccio magis respicit corpus, quod per mortem cedit, quam animam quae post mortem vivit. Ideoque, nisi esset idem corpus resur ens, potius haberetur novi corporis assumptio quam vera i surrectio.—*c)* Addit *Catech.* *Trid.* (P. I, art. XI, n. 9) hominem ex ipso corpore, cuius operu vel Deo vel dæmoni servivit, resurgere oportere, ut cum eodem corpore triumphi *coronas* recipiat vel inferni *pœnas* miserrime perferat.

3º *Pars* refertur ad *modum* quo præfata corporum resurgentium identitas explicetur; eam enim ceu inexplicabilem irrident *increduli*.

1º *Rejiciuntur explicationes erroneæ*¹:—Veritas enim, quam tuemur, ita declarari debet ut reapse homines resurgere censeantur in *suis propriis* corporibus (uti vult *Conc. Later. IV*), i. e. in iis corporibus quae antea gestarunt et per quae aut bonum perfeeerunt aut malum executi sunt: id universa clamat traditio. Atqui neque in Durandi, neque in Bonneti aliorumve, quos nominavimus, sententiâ conditio illa verificatur; ipsi enim omnem excludunt identitatem materie qua constant organa viresque corporeæ. — Accedit, doctrinas illas penitus adversari same philosophie; nec enim per se, nec mediante vi qualicunque sibi adjuncta, anima individuat corpus, sed e contrario ipsa *individuatur* a mate-

1.—De his plura habet Jungmann, *De novissimis*, c. II, a. 3; item Mierta, *Diss. de resurr. corporum* (Lovanii, 1890).

ria cuius est forma substantialis seu principium immediate informativum et specificans.

2º *Statuitur vera explicatio.*—*a)* Et in primis dicendum doctores Scholæ (præter Durandum) in eo convenire ut adinittant alicujus saltem materiæ identitatem; materia enim inter formarum variationes non perimitur, atque (inquit S. Th. a. 1 ad 3), “quamcumque formam accipiat, habet majorem identitatem ad illud quod ex ea generatum fuerat quam aliqua pars alia materiæ sub quacumque forma existens; et sic eadem materia ad corpus humanum reparandum reducetur, quæ prius materia ejus fuit.”—*b)* Sane, nihil prohibet quominus ex ea materiæ parte, qua jam homo vivens constiterat, idem numero corpus *reconstruatur* efficienter quidem a Deo, formaliter vero ab anima rationali cui inest virtus omnium formarum inferiorum, etiam formæ corporeitatis. Hoc autem in opere humanæ restorationis probabilius videtur situm elementorum eundem servari ac antea, præcipue quantum ad partes essentiales et organicas (art. 3).—*c)* Quemadmodum autem jugis *partium materiæ fluxus*, aliis accendentibus recedentibusque aliis, in homine vivente nullatenus corporis unitatem impedit, ita nec in resurrectione. Audiatur D. Thomas (C. G. IV, 81): “Non est alias numero homo secundum diversas partes et reætates, quamvis non quidquid materialiter est in homine secundum unum statum sit in eo secundum alium¹. Sic igitur non requiritur, ad hoc quod resurgat homo idem numero, quod quidquid fuit materialiter in eo secundum totum tempus vite sue resumatur, sed tantum ex eo quantum sufficit ad complementum debite quantitatis, et præcipue illud resumendum videtur quod perfectius fuit sub forma et specie humanitatis consistens.”—*d)* Denique objicientibus *anthropophagiam* sic occurrit S. Doctor (*ibid.*): “Neo resurrectionis fidem impedire potest, etiamsi aliqui carnibus humanis vescantur. Non enim est necessarium, ut ostensum est, quod quidquid fuit in homine materialiter resurgat in eo; et iterum, si aliquid deest, suppleri potest per potentiam Dei. Caro igitur comesta resurget in eo in quo primo fuit anima rationali perfecta; in secundo vero, si non solis carnibus humanis est pastus, sed et aliis cibis, resurgere poterit tantum de alio quod ei materialiter

1—Leg. commentarium Ferrariensis in h. l.

advenit quod erit necessarium ad debitam quantitatem corporis restaurandam. Si vero solis humanis carnibus sit pastus, resurget in eo quod a generantibus traxit; et quod defuerit, supplebitur omnipotentia Creatoris."

Conclusio 2^a. — IDEM NUMERO HOMO SEU EADEM PERSONA, QUÆ MORTUA EST, RESURGET. — Hoc quidem quasi corollarium ex concl. precedenti colligitur.

1^o Quæ Scriptura, traditio ipsaque Ecclesia de resurrectione tradunt, sensu proprio et *formali* (nisi quid obstet) sunt accipienda. Atqui, in biblico et ecclesiastico sermone, resurrectione modo de corpore ab anima separato, modo de homine ipso emortuo prædicatur. Ergo etc. — 2^o Ubi eadem est numero anima, idem numero corpus, idemque pariter esse in eius participationem corpus resurrectione adducatur, idem numero homo eademque persona naturali consecutione habebatur necesse est. Atqui tria haec in resurrectione reperiuntur, scil. numerica identitas tum *animæ* immortalis, tum *corporis* resurgentis (ut vidimus), tum ipsius esse quod anima, utpote forma subsistens, post mortem sine interruptione retinet. Ergo. — 3^o Oportet illud numero idem ad finem ultimum resurgendo pervenire quod propter finem est factum, ne frustra constitutum dicatur. Atqui proprie ac simpliciter loquendo, neque corpus, neque anima sola, sed *homo* ex utroque essentialiter coalescens ad finem consequendæ beatitudinis destinatur. Ergo. — 4^o Tandem enunciatae propositioni nihil officit *novitas conjunctionis animam inter et corpus resurgens*: conjunctio enim illa, sive spectetur ut relatio, sive ut relationis fundamentum, quidam accidentale est, nec magis pertinet ad essentialiam humanitatis quam generatio vel creatio; unde nequaquam resurgentis identitatem substantialem impedit (a. 2 ad 2).

ARTICULUS II.

De integritate corporum resurgentium.

(Q. LXXX)

Exploravimus quo futura sint in resurrectione corpora animabus unienda; quanta nunc seu quanam integritate

consistent, determinandum sequitur: quod in propositione sequenti præstabimus.

Conclusio.—CORPORIBUS RESURGENTIUM PLENA VINDICATUR INTEGRITAS CUM IN GENERE, TUM IN SPECIE.

1^a *Pars* est de integritate *generaliter* sumpta.

1^o Eam *theologi* veluti quid certum, saltem pro justis, universim admittunt.—Atque hoc ipsum probat *Catech. Trid.* (P. I, a. 11, n. 10-12) tum ex auctoritate *S. Augustini*, tum ex principio quod *Dei perfecta sunt opera* (*Deut. XXXII, 4*), tum ex animæ propensione ad corporis integri conjunctionem.

2^o Enimvero, “quidquid in partibus corporis appareat, totum originaliter et quodammodo implicite in anima continetur. Sicut ergo artis opus non esset perfectum, si artificato aliquid deesset eorum que ars continet, ita nec homo posset esse perfectus, nisi totum quod in anima implicite continetur, exteriorius in corpore explicaretur; nec etiam corpus animæ ad plenum proportionaliter responderet. Cum ergo oporteat in resurrectione corpus hominis esse animæ totaliter correspondens, quia non resurget nisi secundum ordinem quem habet ad animam rationalem, oportet etiam *hominem perfectum* resurgere, utpote qui ad ultimam perfectionem consequendam reparatur. Oportet ergo quod omnia membra quæ nunc sunt in corpore hominis, in resurrectione reparantur” (art. 1).

3^o Membra illa (quorum non omnium erit usus in altera vita) dupliciter possunt comparari ad animam, vel secundum habitudinem *materie* ad formam, vel secundum habitudinem *instrumenti* ad agentem.—*Primo modo* spectata, non ordinantur ad operationem, sed ad perfectum *esse* speciei; quod etiam post resurrectionem requiretur.—*Secundo autem modo* inspecta, *operationem* pro fine habent. “Nec tamen sequitur quod quando deficit operatio, frustra sit instrumentum; quia instrumentum non solum servit ad exequendam operationem agentis, sed etiam ad ostendendam virtutem ipsius. Unde oportebit ut virtus potentiarum animæ in instrumentis corporis demonstretur, etsi nunquam in actu prodeant, ut ex hoc commendetur Dei sapientia” (*ibid. ad 1*).

2^a *Pars* adjicitur pro declaranda integritate *in specie*, nempe quoad ea quæ difficultatem quamdam ingerere videntur.

1^o Itaque “quoniam membra ad veritatem humanæ natu-

ræ pertinent, simul restituentur omnia : qui enim vel ab ipso
ortu oculis capti sunt vel ob aliquem morbum lumina amise-
runt, claudi, atque omnino manci et quibusvis membris
debiles, integro ac perfecto corpore resurgent " (Catech.
Trid., l. cit.)¹.

2º Item, non deerunt *capilli* et *ungues*, prouti eleganter
ostendit *Auctor* (art. 2) : " Anima, inquit, se habet ad corpus
animatum sicut ars ad artificiatum, et ad partes ejus sicut ars
ad sua instrumenta ; unde et corpus animatum *organicum*
dicitur. Ars autem utitur instrumentis quibusdam ad operis
intenti executionem, et hæc instrumenta sunt de *prima intentione* ; utitur etiam aliis instrumentis ad conservationem
principalium instrumentorum, et hæc sunt de *secunda intentione* artis ; sicut ars militaris utitur gladio ad bellum et
vagina ad gladii conservationem. Et ita in partibus corporis
animati quædam ordinantur ad *operationes animæ exequendas*, sicut cor, hepar, manus et pes ; quædam autem ad *conservationem aliarum partium*, sicut folia sunt ad cooper-
turam fructuum ; ita etiam capilli et unguis sunt in homine
ad custodiam aliarum partium : unde sunt de secunda per-
fectione corporis humani, quamvis non de prima. Et quia
homo resurget in omni perfectione suæ naturæ, propter hoc
oportet ut capilli et unguis resurgent in ipso."

3º Ex eodem perfectionis naturæ principio deducitur cor-
pora resurgentium instructa fore *sanguine aliisque humo-
ribus* quos *perfectos* vocant, quatenus vel ad integratatem,
vel ad debitam corporum dispositionem, vel ad actus statui
futuro congruentes requiruntur.—Excluduntur autem *reli-
qui humores* minime pertinentes ad perfectionem individui,
sive quod corruptionem quandam redolent, ut sudor vel
saries, sive quod ordinantur ad conservationem speciei, ut
semen et lac (art. 2).—Eamdem ob causam *costa*, de qua for-
mata est prima mulier, quippe que non fuit de perfectione
Adie, non resurget in Adam, sed in Eva, sicut et semen non
resurget in generante, sed in genito.

4º Juxta probabiliorem sententiam, " totum illud quod

1.—Hinc si aliqua martyribus amputata et ablata sint membra, ea
quidem restituentur ; attamen vulnerum *cicatrices* in sanctis, sicut
et in Christo, sine deformitate remanebunt tanquam signa constan-
tissimæ virtutis (Q. LXXXII, a. 1 ad 6).

fuit in substantia seminis, resurget in illo homine qui ex illo semine generatus est, quia hoc est principaliter de veritate humanae naturae in ipso; de eo autem quod postea advenit per *nutrimentum*, tantum resurget in eo quantum est necessarium ad perfectionem quantitatis, et non totum, quia hoc non pertinet ad veritatem humanae naturae nisi quatenus natura eo indiget ad perfectionem quantitatis" (a. 3).

ARTICULUS III.

De qualitate resurgentium.

(Q. LXXXI)

Sequitur ut videamus *qualia* futura sint corpora humana in resurrectione. Ad hoc autem questionis genus plura referri possunt, scil. resurgentium *aetas*, *statura*, *sexus*, *animalis vitae* functiones; de quibus pauca disseremus.

Conclusio 1^a. — OMNES RESURGENT IN EADEM ÆTATE JUVENILI, NON TAMEN SECUNDUM EAMDEM STATARUM. — Est conclusio mere *theologica*, quam nihilominus theologi tanquam ratam habent.

1^a *Pars* non est profecto intelligenda de aetate quantum ad numerum annorum, sed quantum ad eam *corporis perfectionem* que solet per annorum tractum in *juvenibus ad virilitatem pertingentibus* acquiri.

1^o Legitur (Eph. IV, 13): *Donec occurramus omnes... in virum perfectum, in mensuram aetatis plenitudinis Christi.* Hunc quidem locum fatemur primario sensu spectare ad corpus Christi mysticum instar Christi-capitis spiritualiter perficiendum; attamen, juxta sensum secundum et consequentem, licet inde colligere homines, praesertim electos, resurrecturos in ea circiter aetate quam habuit exemplar Christus, scil. triginta trium annorum (S. Th. Comm. in h. l.). — 2^o "Homo resurget absque omni defectu humanae naturae; quia sicut Deus humanam naturam absque defectu instituit, ita sine defectu reparabit. Deficit autem humana natura dupliciter: *uno modo*, quia nondum perfectionem ultimam est consecuta; *alio modo*, quia jam ab ultima perfectione recessit; et primo modo deficit in pueris, secundo

modo deficit in senibus. Et ideo in utrisque reducetur humana natura per resurrectionem ad statum ultimæ perfectionis qui est in juvenili ætate, ad quam terminatur motus augmenti, et a qua incipit motus decrementi" (art. 1).

2^a Pars evincitur:—In resurrectione, qua totus homo restaurabitur, attendendum est non solum quid competit naturæ speciei, sed etiam quid conveniat naturæ individui. Atqui natura speciei exigit aliquam quantitatem, quam non excedit, vel a qua non deficit sine errore; quæ tamen quantitas intra extremos limites variari potest. Unumquodque autem individuum humanum, infra terminos illius latitudinis, assequitur (nisi sit error in opere naturæ) certum quantitatis gradum suæ individualitati proportionatum. Ergo necesse non est ut omnes resurgent in eadem quantitate vel statura; sed quilibet (supplente aut subtrahente Deo, si opus sit) consequetur mensuram sibi proportionaliter debitam (art. 2).

Conclusio 2^a.—IN RESURRECTIONE SERVABITUR DISCRIMEN SEXUUM, NON TAMEN ANIMALIS VITÆ EXERCITIUM.

1^a Pars adversarios habet tum eos veteres qui contendebant omnes in sexu *virili* resurrecturos, tum quoque non nullos auctores quorum opinio fuit corpora resurgentium fore *asexualia*:—certissima a theologis censemur.

1^o Etenim Deus in resurrectione reparabit quod in prima naturæ conditione instituit. Atqui, juxta narrationem Gen. I, 27, sexuum distinctio ad ipsam naturæ institutionem pertinet, quatenus *creavit Deus hominem ad imaginem suam... masculum et feminam creavit eos*. Ergo uterque sexus in resurrectione restaurabitur.—2^o Sane, a) "sicut considerat natura individui, debetur diversa quantitas diversis hominibus; ita considerat natura individui, debetur diversus sexus diversis hominibus: et haec etiam diversitas competit *perfectioni speciei*, cuius diversi gradus impletur per dictam diversitatem sexus vel quantitatis. Et ideo sicut resurgent homines in diversis staturis, ita in diversis sexibus. b) Et quoniam sit differentia sexuum, deerit tamen confusio mutuae visionis, quia *aberit libido* incitans ad turpes actus ex quibus confusio causatur" (art. 3).

2^a Pars excludit a corporibus resurgentibus functiones *vite animalis*, i. e. hujus *vite* quæ ab anima secundum gradum inferiorem vel *vegetativum* derivatur.—Militat autem

contra *Chiliastas* et *alios* quoscumque qui post resurrectionem ciborum et venereorum usum admirerint.

1º Huc faciunt verba Christi ad Sadduceos (Matth. XXII, 30) : *In resurrectione neque nubent, neque nubentur, sed erunt sicut Angeli Dei in cœlo*; unde S. Thomas (C. G. IV, 83) : “ Ridiculum videtur delectationes querere corporales, in quibus nobiscum animalia bruta communicant, ubi exspectantur delectationes altissimæ, in quibus cum Angelis communicamus, quæ erunt in Dei visione, quæ nobis et angelis erit communis.”

2º Tres sunt actus vitæ vegetativæ : duo quidem ordinati ad individui bonum, scil. *nutritio* et *auctio*, unus autem inserviens conservandæ et propagandæ speciei, scil. *generatio*. Atqui nulli ex his actibus locus erit post resurrectionem: ergo. *Min. decl* :—*a) Primo*, remota vita corruptibili (quam a corporibus resurgentium removendam dicemus art. seq.), necesse est removeri ea quæ corruptibili vitæ deseruent. Manifestum est autem ciborum usum seu *nutritiōnem* corruptibili vitæ deservire; ad hoc enim cibos assumimus ut corruptio, quæ posset ex naturali consumptione vel deperditione accidere, evitetur.—*b) Secundo*, cibi quoque assumuntur ad *auctionem* quantitatis humani corporis; post resurrectionem autem non erit auctio hujusmodi, siquidem homines in debita quantitate resurgent.—*c) Tertio*, ordinatur *generatio* tum ad conservandam tum ad multiplicandam speciem. Sed post resurrectionem vita hominum erit incorruptibilis; jamque humanum genus constabit tota individuorum multitudine a Deo præfinita: ideo enim resurrectio tantopere differtur, ut omnes simul, quæmadmodum sunt eisdem naturæ, ita et simul novam vitam recipient¹.

3º Evidenter Christus post resurrectionem legitur comedisse (Luc. XXIV, 43); suntque loca quæ ciborum usum in statu resurrectionis re promittere videntur, v. g. (Luc. XXII, 29-30) : *Ego dispono vobis, sicut disposuit mihi Pater meus, regnum, ut edatis et bibatis super mensum meam in regno meo.*— Verum, ut apte respondet S. Th. (C. G. IV, 83), *a)* “ de Christo dicendum est quod post resurrectionem comedit, non propter necessitatem, sed ad demonstrandam

1—Cf. C. G. IV, 83; ubi plura de hac quæstione disputantur.

sue resurrectionis veritatem; unde cibus ille non fuit con-versus in carnem, sed resolutus in præjacentem materiam. Hæc autem causa comedendi non erit in resurrectione com-muni. b) Auctoritates vero, quæ ciborum usum post resur-rectionem repromittere videntur, *spiritualiter* intelligendæ sunt: proponit enim nobis divina Scriptura intelligibilia sub similitudine sensibilium."

ARTICULUS IV.

De impassibilitate corporum gloriosorum.

(Q. LXXXII)

Modo accedimus ad considerandum dotes corporum beatorum proprias; inter quas primum locum tenet *impassibilitas*: quæ quidem impassibilitas includit incorruptibilitatem seu immor-talitatem, hujusque conceptui ulteriore addit perfectionem, nempe immunitatem ab omni molestia. Unde a *Catech. Trid.* (P. I, a. 11, n. 15) describitur "munus et dos¹ quæ efficiet, ne corpora molesti aliquid pati ullove dolore aut incommodo affici queant; nihil enim aut frigorum vis, aut flammæ ardor, aut aquarum impetus obesse eis poterit."—Dicenda sub hoc articulo una propositione trimembri comprehendemus.

Conclusio.—CUM INCORRUPTIBILIA SEU IMMORTALIA, TUM QUOQUE IMPASSIBILIA ERUNT CORPORA BEATORUM; NON TAMEN ID CIRCO EXCLUDETUR AB EIS SENSUUM ACTIVITAS.

1^a *Pars de incorruptibilitate* ostend:

1^o *Christus*, cuius resurrectio exemplar est resurrectionis justorum, ita resurrexit ut non ulterius moreretur (Rom. VI. 9). Imo ejus merito eversum est mortis imperium, juxta illa verba (Is. XXV, 8): *Præcipitabit mortem in sempiternum*; et (Os. XIII, 14): *Ero mors tua, o mors*; quæ explicans Ap. inquit (1 Cor. XV, 26): *Novissima inimica destruetur mors*, et (*ibid.* 42): *Seminatur in corruptione*,

1—De natura *dotis* in corpore gloriose docte edisserit *Ferrariensis* (Comm. in C. G. IV, 86); ubi, ex mente D. Thomæ, statuit illam dotem esse *qualitatem* quamdam ab anima glorificata in corpus effluentem, qua mediante anima corpus sibi perfecte subjicit.

resurget in incorruptione.—2º Sane, anima et corpus diverso ordine comparantur secundum primam hominis generationem ejusdemque resurrectionem: etenim in primo casu creatio animæ sequitur generationem corporis, quatenus materiæ per virtutem generantis elaboratae Deus animam infundit; in altero autem casu, corpus animæ præexistenti coaptabitur. Atqui prima vita, quam homo per generationem adipiscitur, sequitur conditionem corruptibilis corporis seu ammissibilis est. Ergo vita, quam homo resurgendo consequitur, sequetur conditionem incorruptibilis animæ seu perpetua erit (C. G. IV, 82).

2ª *Pars de impassibilitate* haud minori certitudine asseritur.

1º Namque de ea accipi debent quæ legimus (Apoc. XXI, 4): *Absterget Deus omnem lacrymam ab oculis eorum, et mors ultra non erit, neque luctus, neque clamor, neque dolor erit ultra.*—Unde S. August. (Enchir. c. 91): “Resurgent igitur sanctorum corpora sine ullo vitio, sine ulla deformitate, sicut sine ulla corruptione, onere, difficultate: in quibus tanta facilitas, quanta felicitas erit.”—2º Passio duplice dicitur: uno modo *communiter*, prout omnis receptio, sive perfectiva, sive corruptiva, passionis voce designatur; alio modo *proprie*, quatenus significatur id quo patiens trahitur ab agente extra limites convenientis dispositionis. Atqui passio hæc, proprio sumpta, statui corporum gloriosorum penitus adversatur: ergo. *Min.* sic evincitur ab *Auctore* (art. 1): “Dicendum est quod omnis passio fit per victoriari agentis super patiens; alias non traheret ipsum ad terminos suos. Impossibile est autem quod aliquid dominetur supra patiens, nisi in quantum debilitatur dominium formæ propriæ supia materiam patientis (loquendo de passione quæ est contra naturam, de qua nunc loquimur); non enim materia subjectur uni contrariorum, sine hoc quod tollatur dominium alterius super ipsam vel saltem diminuatur. Corpus autem humanum, et quidquid in eo est, erit perfecte subjectum animæ rationali, sicut anima perfecte erit subjecta Deo. Et ideo in corpore gloriose non poterit esse aliqua mutatio contra dispositionem illam quæ perficitur ab anima; et ita corpora illa erunt impassibilia.”

3ª *Pars versatur circa sensuum etiam externorum activitatem*, quæ procul dubio gloriosis corporibus est attribuenda.

1º "Aliquem sensum esse in corporibus beatorum, omnes ponunt: alias corporalis vita sanctorum post resurrectionem assimilaretur magis somno quam vigiliæ; quod non competit illi perfectioni, eo quod in somno corpus sensibile non est in ultimo actu vitæ" (ait. 3).—At de sentiendi modo plures extitere sententiae quas nec expendere nec etiam commemorare heic vacat; satis erit propriam *Auctoris* doctrinam proponere.

2º Igitur dico sensationes corporum gloriosorum exerceri per susceptionem *specierum ab exterioribus sensibilibus*, quin tamen vis sensitiva ulli *alterationi* subsit.—Etenim penes nos quidem fieri potest ut organa sensoria dupliceiter a rebus sensibilibus immitentur¹ (art. cit.): immutatione materiali et *physiologica*, qua nempe ipsa organorum natura afficiatur; immutatione autem formalis et *psychologica*, qua secundum impressam speciem actus sentiendi compleatur. Jamvero, licet species representativa objecti sensibilis haberi nequeat sine *physico aliquo influxu* medii quo species ad sensum deferatur, *physiologica* tamen immutatio organi non est de essentia sensationis; ideoque nihil prohibet quin in statu resurrectionis, salva manente corporum impassibilitate, vis sentiendi exerceatur.

3º Si *singulos* sensus externos (de internis enim nulla difficultas) consideremus, haec constare videntur:—*a)* *Visus* corporis gloriosi erit perfectissimus, ideoque valens etiam a remotis objecta sensibilia conspicere (art. 4 ad 6). Recreabuntur autem oculi electorum rebus splendidissimis, i.e. fulgore et pulchritudine humanitatis Christi, corporum B. M. Virginis et aliorum sanctorum, totiusque mundi creati.—*b)* *Auditum* mulcebunt melodica civium supernorum cantica, nam "laus vocalis erit in patria" (art. cit.), juxta illud (Ps. CXLIX, 6): *Exaltationes Dei in gutture eorum.*—*c)* *Tactus* quoque propriis sibi abundabit deliciis, modo tamen minus materiali quam his in terris².—*d)* Nec *olfactui* deerit fragrans cœlestium odoramentorum suavitas, "cum Ecclesia cantet quod odor suavissimus erunt corpora sancto-

1—Cf I, Q. LXXXVIII, a. 3.

2—S. Thomas (Q. LXXXIII, a. 6 ad 3) docet complexionem humanam in corporibus gloriis fore optime proportionatam: unde (ait) "tactus illorum corporum erit delectabilissimus."

rum" (*ibid.*) ; eritque sensus ille tam perfectus ut percipiet non solum excellentiores, sed et minimas odorum differentias (ad 3).—*e*) De *gusto* duntaxat dubitari potest propter ciborum absentiam ; forte tamen (ait *Angelicus*, ad 2) etiam iste sensus aderit, secundum quod est judicativus saporum, per adjunctam linguae humiditatem.

ARTICULUS V.

De subtilitate corporum gloriosorum.

(Q. LXXXIII)

1º Altera corporum beatorum dos ponitur *subtilitas* ; de qua duo præsentim referuntur *errores*. *a*) Quidam enim ita subtilitatem corporibus illis attribuerunt ut opinarentur in resurrectione corpus *verti in spiritum* : quod quam alienum sit a sana philosophia et ab ipsa resurrectionis veritate, facile perspectu est.—*b*) *Alii* posuerunt corpus in resurrectione eam consequi subtilitatem quæ *aeri* aut *vento* *competit* ; ex quo sequeretur corpus post resurrectionem non esse palpabile. Id vero, ut mox videbimus, erroneum est.

2º Subtilitatis *nomen* a virtute penetrandi est assuuptum. Quod autem corpus aliquod sit penetrativum, contingit sive ex parvitate quantitatis, sive ex paucitate materiæ sub forma prædominante ; unde per extensionem ea corpora subtilia nominantur in quibus forma completissimo modo actuat et regit materiam, sic quamdam similitudinem exhibens et incorporeæ a materia independentis sibique propterea subtilitatis nomen vindicantis. Itaque (juxta *Catech. Trid.*, l. cit.) subtilitas, de qua loquimur, *definiri* potest “dos seu qualitas supernaturalis cuius virtute corpus animæ imperio omnino subjicitur eique servit ad nutum.” Ex quo jam colligere licet subtilitatem in hoc ab impassibilitate differre quod ista corpus animæ subjicit ut *formæ actuanti*, illa vero ut *spiritui dominanti* libereque imperanti.

Conclusio.—GAUDEBUNT CORPORA GLORIOSA SUBTILITATIS DOTE; AD QUORUM GLORIAM MANIFESTANDAM, NON QUIDEM VI ILLIUS DOTIS, SED VIRTUTE DIVINA CONTINGET UT PRÆ-

FATA
NECN
1^a
1^b
tur
simil
pora
de Ci
grue
rital
sumr
mole
2^a
necess
quit
tissin
secur
detur
bile
appe
aliq
tius
natu
quia
ritun
sed
corpo
passi
ritua
in ec
eleva
2^b
cum
cum
1^c
ex i
eani
dim
in e
2^d

FATA CORPORA VALEANT ESSE IN EODEM LOCO CUM ALIO CORPORE,
NEC NON PRO LUBITU SE PALPATIONI SUBTRAHERE.

1^a Pars ostendit:

1^o Auctoritate; ait enim Ap. (1 Cor. XV, 44): *Semina-*
tur corpus animale, surget corpus spiritale, i. e. spiritui
simile. Spiritus autem subtilitas maxima est; unde et cor-
pora gloriosa erunt subtilissima. Ad rem S. August. (l. XIII
de Civ. Dei, c. 20): “Sicut spiritus carni serviens non incon-
grue carnalis, ita caro spiritui serviens recte appellabitur *spi-*
ritalis, non quia in spiritum convertetur... sed quia spiritui
summa et mirabili obtemperandi facilitate subdetur... omni
molestiae sensu, omni corruptibilitate et tarditate detracta.”

2^o Rationem hujus veritatis petit S. Thomas ex harmonia
necessaria inter animam glorificatam et corpus gloriosum; in-
quit enim (C. G. IV, 86): “Anima, Deo fruens, ipsi perfec-
tissime adhæredit et ejus bonitatem participabit in summo
secundum modum suum. Sic igitur et corpus perfecte sub-
detur animæ et ejus proprietates participabit quantum possi-
ble est in *perspicuitate sensuum*, in *ordinatione corporei appetitus* et in *omnimoda perfectione naturæ*. Tanto enim
aliquid perfectius est in natura, quanto ejus materia perfec-
tius subditur formæ, et propter hoc dicit Apostolus: *Semi-*
natur etc. Spirituale quidem corpus resurgentis erit, non
quia sit spiritus, ut quidam male intellexerunt, sive per spi-
ritum intelligatur spiritualis substantia, sive aëris, aut ventus;
sed quia erit omnino subjectum spiritui, sicut et nunc dicitur
corpus animale, non quia sit animal, sed quia animalibus
passionibus subjacet et alimonia indiget.”—Ex hac igitur spi-
ritualitatis dote tam perfecta erit dispositio corporis ut nihil
in eo habebitur quod aggravet animam; e contrario, mentis
elevationi optime deserviet (I-II^a, Q. IV, a. 6).

2^a Pars quæstionem tangit de *coexistentia* corporis gloriosi
cum alio corpore in eodem loco; qua de re duo statuenda
cum Auctore (a. 2-3) videntur.

1^{um} est, quod facultas sic coexistendi *non profuit physice ex ipsa vi subtilitatis*:—nam dotes non tollunt naturam, sed
eam perficiunt. Atque corpori naturaliter convenit quantitas
dimensiva, qua corpus ita in proprio loco constituitur ut simul
in eodem non admittatur aliud. Ergo.

2^{um} est, quod facultas illa doti subtilitatis *moraliter* est

annexa, procedens videlicet *ex divina virtute* quae corporibus gloriosis “ad nutum in omnibus subveniet” (a. 2 ad 3).—Sane non repugnat per miraculum fieri ut unum corpus sit in eodem loco simul cum alio corpore: cum enim duplex sit quantitatis dimensio effectus, unus quidem *primarius* quo corpus distinguitur ab alio intrinsece seu secundum se, alter vero *secundarius* quo distinctio fit extrinsece seu per respectum ad situm localem, nihil vetat quominus Deus, integrum conservans primum, alterum hunc effectum consequentem suspendat¹; quo sublato, jam corpus haud excluditur localiter ab alio. Sic Christus e clauso matris utero est egressus, et ad discipulos januis clavis intravit.—Poterit itaque, in ostensionem divinae virtutis et perfectionis gloriae, effici divinitus ut corpus gloriosum, cum voluerit, simul sit in eodem loco cum corpore non glorioso.

3^a Pars decl:

Et 1^o corpus gloriosum non erit *secundum se*, seu propter subtilitatem, impalpabile: *palpabile* enim dicitur corpus ex duobus, scil. ex qualitatibus tangibilibus, et ex proprietate resistendi tangentia. Jamvero duo haec reperientur in corpore glorioso; unde de corpore suo post resurrectionem dixit Christus (Luc. XXIV, 39): *Palpate et videte*, etc.—Attamen 2^o quia corpus beatorum spiritui libero perfectissime obsequetur, *in potestate ejus erit* (id praestante divina virtute) ut sinatur vel non se tangi et a tangente palpari (art. 6).

ARTICULUS VI.

De agilitate corporum beatorum.

(Q. LXXXIV)

Iis dotibus, quas recensuimus veluti futura corporum gloriorum ornamenta, adjungenda est illa, quam *agilitatem* vocant, quæque recte *definitur* “qualitas supernaturalis vi cuius corpus habile redditur ad obediendum spiritui in omnibus motibus et actionibus animæ.”

1—Cf. *de Incarn. Verbi*, Disp. VI, Q. II, a. 1; *de Sacramentis* (1^a pars), Disp. V, Q. III, a. 2.

Conclusio.—CORPORA SANCTORUM PRÆDITA ERUNT DONO AGILITATIS, IDEOQUE VALEBUNT DIVERSOS MOTUS LOCALES VELOCISSIME EXQUI.

1^a *Pars* nititur auctoritate et ratione

1^o *Auctoritate*.—Nam hue theologi cum D. Thoma referrunt illud (Sap. III, 7): *Fulgebunt justi, et tanquam scintillæ in arundinetu discurrent*. Item verba Ap. (1 Cor. XV, 43): *Seminatur in infirmitate, surget in virtute*, eodem sensu accipiuntur. “Infirmitatem enim experimur in corpore, quia invalidum invenitur ad satisfaciendum desiderio animæ in motibus et actionibus, quas anima imperat; que infirmitas totaliter tune tolletur virtute redundante in corpus ex anima Deo conjuncta” (C. G. IV, 86). Consentit S. August. (de Civ. Dei, l. XIX, c. 27) inquiens: “Imperabit Deus homini, animus corpori, tantaque obediendi ibi erit suavitatis et facilitas, quanta vivendi regnandique felicitas”; et (l. XXII, c. 30): “Certe ubi volet spiritus, ibi protinus erit corpus, nec volet aliquid spiritus quod nec spiritum possit decere nec corpus.”

2^o *Ratione*.—*a*) Per dotes corporis gloriosi intelliguntur perfectiones ab anima glorificata effluentes, quibus corpus unde quaque subjicitur animæ. Atqui anima conjungitur corpori non solum ut forma actuans et spiritus materie praestans, sed etiam ut *motor*. Ergo, præter dotes impassibilitatis et subtilitatis, merito ponitur dos agilitatis qua corpus moventi animæ penitus et in omnibus obsequuntur.—*b*) Quamvis igitur corpora rediviva et glorificata putentur ab Angelis et in nubibus ad cœlum deferenda, non necessitatibus, sed reverentia causâ poterit id officii corporibus illis praestari.—*c*) Neque, quando ipsa movebuntur, *laborem* ullum sentient. Nam “illi in quibus virtus motiva est fortior, et illi qui habent ex exercitio corpus magis habitatum ad obediendum spiritui moventi, minus laborant in motu. Et quia post resurrectionem anima perfecte dominabitur corpori, tum propter perfectionem propriæ virtutis, tum propter habilitatem corporis gloriosi ex redundantia gloriæ ab anima in ipsum, non erit aliquis labor in motu sanctorum; et sic dici poterunt corpora sanctorum agilia” (a. 1 ad 2).

2^a *Pars* additur de *exercitio* doni agilitatis.

1^o “Corpora gloriosa aliquando moveri necessarium est

pcnere, quia et ipsum corpus Christi motum est in *ascensione*; et similiter corpora sanctorum, quae de terra resurgent, ad cœlum empyreum ascendent.—Sed etiam postquam cœlos concenderint, verisimile est quod aliquando *movebuntur pro sua libito voluntatis*; ut, illud quod habent in virtute, actu exercentes, divinam sapientiam commendabilem ostendant, et ut etiam visus eorum reficiatur pulchritudine creaturarum diversarum in quibus Dei sapientia eminenter relucebit: sensus enim non potest esse nisi presentium, quamvis magis a longinquo possint sentire corpora gloria quæ non gloria.—Nec tamen per motum aliquid deperibit eorum *beatitudini*, quæ consistit in visione Dei, quem ubique presentem habebunt” (art. 2).

2º Motus quos corpora gloria exequentur, utpote legibus temporis subjecti, non erunt instantanei; tanta nihilominus celeritate perficiuntur ut sancti velut *imperceptibili tempore*, de loco ad locum, et secundum quamcumque spatii partem, se pro lubitu transferre poterunt, omni superato obstaculo.—Unde lex *gravitatis* habebitur quidem, sed sic ab anima temperata ut ejus actus nihil beatis repugnans vel onerosum præferat.

ARTICULUS VII.

De claritate corporum beatorum.

(Q. LXV. XV)

Postrema dos determinanda superest, videlicet *claritas*; quo nomine intelligitur “fulgor supernaturalis, specie quidem similis, gradu autem longe priestans claritati naturæ corporalis.”—Panca de hac dote.

Conclusio.—CORPORA GLORIOSA CLARITATE LUCIDISSIMA, LICET INEQUALI, FULGEBUNT; ATQUE POTERUNT A R O C U L O ETIAM NON GLORIFICATO VIDERI PRO BEATÆ VOLUNTATIS ARBITRIO.—Duas distingue partes.

1ª Pars ostendit:

1º De hoc testatur ipse Salvator dicens (Matth. XIII, 43): *Justi fulgebunt sicut sol in regno Patris eorum.* Ae ne quis dubitaret, sue transfigurationis exemplo illud declaravit

(Matth. XVII, 2): *Resplenduit facies ejus sicut sol*, etc.—
 Splendorem illum modo claritatem, modo gloriam Ap. appellat; ait enim (Phil. III, 21): *Reformabit corpus humilitatis nostræ, configuratum corpori claritatis suæ*. Et rursus (1 Cor. XV, 43): *Seminatur in ignobilitate, surget in gloria*.—Hujus etiam gloriae *imaginem* quamdam vidit populus Israël in deserto, cum facies Moysis ex colloquio et præsentia Dei ita colluceret ut in eam israëlitæ oculos intendere non possent (Ex. XXXIV, 29; 2 Cor. III, 7).—Eamdem corporum beatorum gloriam ineffabilem fore, sic docet *S. August.* (de Civ. Dei, I, XXII, c. 21): “Quæ sit, et quam magna spiritualis corporis gratia, quoniam nondum venit in experimentum, vereor ne temerarium sit omne quod de illa profertur eloquium.”

2º a) Rem ratione confirmat et explicat *Angelicus*; inquit enim (art. 1): “Claritas illa causabitur ex redundantia glorie animæ in corpus. Quod enim recipitur in aliquo, non recipitur per modum influentis, sed per modum recipientis. Et ideo claritas que est in anima spiritualis, recipitur in corpore *ut corporalis*.—Et ideo secundum quod anima erit majoris claritatis secundum majus meritum, ita etiam erit *differencia claritatis* in corpore, ut patet per Ap. (1 Cor. XV). Et ita in corpore gloriose cognoscetur gloria anime, sicut in vitro cognoscitur color corporis quod continetur in vase vitreo.”

b) De ea comparatione subdit *Auctor* (ad 2): “Dicendum quod Gregorius comitat corpora gloriose auro propter claritatem, et vitro propter hoc quod translucebunt. Unde videtur dicendum quod “erunt simul pervia et clara.”—Prieteren, pro diversis corporibus corporumque partibus servabitur diversitas coloris et claritatis: nam “corporis gloria naturam non tollit, sed perficiet. Unde color qui debetur corpori ex natura suarum partium, remanebit in eo; sed superaddetur claritas ex glorio anime, sicut etiam videmus corpora colorata ex natura sunt, solis splendore relucere, vel ex aliqua alia causa extrinseca seu intrinseca” (ad 3). Item “sicut gloriae claritas redundat ab anima in corpus secundum suum modum et ibi est alio modo quam sit in anima, ita in quilibet partem corporis redundabit secundum suum modum” (ad 4).

2º *Pars* duo continet.

1^{um} est, quod corpora gloriosa *videri naturaliter poterunt ab oculo etiam non gloriose*.—Etenim claritas luminis, modo sit verum lumen corporale, se habet ad quemcumque visum uti proprium objectum, haud secus ac verum se habet ad intellectum et bonum ad voluntatem. Atqui gloriæ claritas non discriminabitur a naturæ claritate secundum speciem, sed duntaxat secundum gradum seu perfectionem, sicut nec ipsum corpus gloriosum specie differet. Ergo claritas gloriosa cadere poterit sub oculum non gloriosum, scil. damnatorum.

2^{um} est, quod gloria illa *poterit videri vel non videri* pro voluntatis arbitrio.—Nam “visibile videtur, secundum quod agit in visum. Ex hoc autem quod aliquid agit vel non agit in aliquid extrinsecum, non est aliqua mutatio in ipso. Unde sine mutatione alicujus proprietatis quæ sit de perfectione corporis glorificati, potest contingere quod videatur et non videatur. Unde in potestate glorificate animæ erit quod corpus suum videatur vel non videatur, sicut et quælibet actio alia corporis in animæ potestate erit: alias corpus gloriosum non esset instrumentum summe obediens principali agenti” (art. 3).—Id porre continget, non quod qualitas ipsa seu dos claritatis pro arbitrio subtrahetur, sed quia *actio* illius qualitatis suspendetur.

ARTICULUS VIII.

De conditione corporum resurgentium in damnatis.

(Q. LXXXVI)

Compta beatorum corporum conditione, gressus faciens est ad conditionem corporum damnatorum: quo in argomento jam pridem dubium inter theologos exstitit, num corpora damnatorum resurrectura sint *integra*, seu absque defectu naturæ.—Quæ sub hoc articulo præcipua consideratione digna offeruntur, sequenti propositione comprehendemus.

Conclusio.—CORPORA DAMNATORUM RESURGENT INTEGRA; NON TAMEN IMPASSIBILITATE ALIISQUE DOTIBUS FRUENTUR, LICET INCORRUPTIBILIA FUTURA SINT.

1^a *Pars* opinionem promit longe probabiliorem.

1º Sic loquitur *S. Thomas* (C. G. IV, 89): "Oportet illa corpora animabus damnandorum proportionata esse. Animæ autem malorum naturam quidem bonam habent, utpote a Deo creatam; sed voluntatem habebunt inordinatam et a fine proprio deficientem. Corpora igitur eorum, quantum ad id quod naturæ est, *integra* reparabuntur, quia videlicet in ætate perfecta resurgent absque omni diminutione membrorum et absque omni defectu et corruptione, quem error naturæ aut infirmitas introduxit. Unde Ap. dicit 1 Cor. XV, 52: *Mortui resurgent incorrupti*; quod manifestum est de omnibus debere intelligi tam bonis quam malis, ex his quæ præcedunt et sequuntur in littera."

2º *Ratio* principalior exhiberi potest; quia Deus, qui condidit naturam in perfectione suæ speciei, ipse eam restaurabit. Atqui perfectio divini operis haud minor aestimanda est in restauratione quam in prima conditione. Ergo quidquid defectus, deformitatis, turpitudinis, ex corruptione vel debilitate naturæ in corpore fuit, sicut mutilatio, febris, lippitudo, etc., id totum in resurrectione etiam damnandorum removendum esse merito arbitramur. — Secus sequeretur inconveniens, nempe peccatorem qui in hac vita deformitates habuit, cum eis resurgere, sine quibus tamen suscitaretur alius peccator gravius punitendus, qui iis defectibus in hac vita non laborasset.

2º Pars sibi vult corpora damnatorum resurrectura secundum eam imperfectionis ac passibilitatis conditionem quem ex ipsis principiis naturalibus tum ex divine justitiae dispositione consequetur. — Rursus audiatur *Angelicus* (C. G. l. cit.): "Quia anima eorum erit secundum voluntatem a Deo aversa et fine proprio destituta, eorum corpora non erunt spiritualia, quasi spiritui omnino subiecta, sed magis eorum anima per affectum erit carnalis. Nec ipsa corpora erunt agilia, quasi sine difficultate animæ obedientia; sed magis erunt ponderosa, et gravior, et quodammodo animæ importabilia, sicut et ipsæ animæ per inobedientiam a Deo sunt aversæ. Remanebunt etiam passibilia sicut nunc vel etiam magis; ita tamen quod patientur quidem a rebus sensibilibus afflictionem, non tamen corruptionem, sicut et ipsorum animæ torqurebuntur a naturali desiderio beatitudinis frustrato. Erunt etiam eorum corpora opaca et tenebrosa, sicut et eorum ani-

mæ a lumine divinæ cognitionis erunt alienæ. Et hoc est quod Ap. dicit (1 Cor. XV, 51) quod *omnes resurgentemus, sed non omnes immutabimur*; soli enim boni immutabuntur ad gloriam, malorum vero corpora absque gloria resurgent."

3^a *Pars* tandem enunciat malorum eorumdem corpora fore *incorruptibilia*; quod *de fide* est.

1^o Huc ab Auctore (art. 2) referuntur verba Apoc. IX, 6: *In diebus illis quaerent homines mortem, et non invenient eam; et desiderabunt mori, et fugiet mors ab eis.*

2^o *Duplicata* hujus incorruptibilitatis assignari potest:— Prima et *extrinseca* est divina justitia, secundum quam corpora ad perpetuam poenam addicta perpetuo vivent ut perpetuo puniantur.— Altera et *intrinseca* reponitur in eo quod tunc deerit transmutabilitas materiæ de forma in formam. “Corpus humanum, inquit S. Th. (C. G. l. cit.), post resurrectionem non erit transmutable de forma in formam neque in bonis neque in malis, quia in utrisque totaliter perficietur ab anima quantum ad esse naturæ; ita ut jam non sit possibile hanc formam a tali corpore removeri, neque aliam introduci, divina virtute corpus animæ totaliter subjiciente: unde et potentia quæ est in prima materia ad omnem formam in corpore humano remanebit quodammodo ligata per virtutem animæ ne possit in actum alterius formæ reduci. Sed quia damnatorum corpora quantum ad alias conditiones non erunt animæ totaliter subjecta, affligentur secundum sensum a contrarietate sensibilium...non tamen talis afflictio animam a corpore poterit separare.” Videl, prohibebitur sensibilem actionem corruptiva corporis secundum esse *naturale*, relinquetur vero actionem afflictiva secundum esse *sensibile*¹.

1— Cf. Ferrariensis in C. G. IV, 89.

DISPUTATIO DECIMA

DE CONSEQUENTIBUS RESURRECTIONEM

Resurrectionem mox excipiet ultimum et *generale judicium* (Q. I); quo explorato, tria theologi investiganda remanent, unum de statu finali *mundi* (Q. II), alterum de statu *beatorum* in *cœlo* (Q. III), tertium de statu *malorum* in *inferno* (Q. IV):—patet quæstionum tractandarum series.

QUÆSTIO PRIMA

DE JUDICIO GENERALI

Extremum et generale judicium quadrupliciter spectari potest, primo quoad esse seu veritatem (art. 1), secundo quoad *judicantes* (art. 2), tertio quoad *judicundos* (art. 3), quarto quoad materiam et formam judicii seu quoad *causæ instructionem atque sententiam* (art. 4).—Ad singula progrediamur.

ARTICULUS I.

Utrum generale judicium sit futurum.

(Q. LXXXVIII, a. 1)

Recolatur in primis distinctio superius facta (Disp. VIII, Q. I, a. 2) inter judicium *particulare* et judicium *universale*. Universale seu *generale* vocatur istud judicium, quatenus ad omnes simul homines, ne dicam angelos, se extendet; item *extremum* dici solet, ideo quod in fine m^undi eveniet.—Illud antiquitus negarunt plures *sectæ gnosticae*, medio autem ævo *Cathari* et *Albigenses*; quibus *rationalistæ* assentientur.

Conclusio.—PRAETER JUDICIUM PARTICULARE FUTURUM EST IN FINE MUNDI GENERALE JUDICIUM.—Quod quidem cuncta

Symbola diserte enunciant; ita *Symb. Athanasianum*: "Ad cuius (Christi) adventum omnes homines resurgere habent cum corporibus suis, et reddituri sunt de factis propriis rationem."

1^o Ex *Scripturis* veritate illa redundantibus pauca referre sufficiat.—Sic in V. T. legimus (Ps. XCIVII, 8-9): *Montes exultabunt a conspectu Domini; quoniam venit judicare terram. Jubicabit orbem terrarum in justitia, et populos in aequitate.* Supremi judicis adventus maxime a prophetis vocatur *dies Domini* (Is. XIII, 9; Joël, II, 1; etc.) vivisque lineamentis depingitur.—In N. T. dicitur (Joan. V, 29): *Procedent, qui bona fecerunt, in resurrectionem vitæ; qui vero mala egerunt, in resurrectionem iudicii.* Unde S. Paulus in areopago (Act. XVII, 31): *Statuit (Deus) diem in quo iudicaturus est orbem in aequitate, in viro, in quo statuit, fidem prebens omnibus, suscitans eum a mortuis.* (Vid. plura ap. Knoll alias auctores).

2^o Ex *Patribus*, inter alia pene infinita, sequentia deprimimus verba S. Greg. M. (Hom. 12 in Evang. n. 4): "Pensate, fratres carissimi, ante conspectum tanti judicis qui in illo die terror erit, quando jam in pena remedium non erit! Quæ illa confusio, cui reatu suo exigente continget in conventu omnium angelorum hominumque erubescere! Qui pavor, eum, quem et tranquillum mens humana capere non valet, etiam iratum videre! Quem diem bene Propheta intuens ait: *Dies iræ dies illa, dies tribulationis et angustia, dies calamitatis et miseria* etc. (Sophon. I)... Quanta vero tunc erit electorum letitia qui de ejus merentur visione gaudere, de cuius conspectu vident elementa omnia contremiscere, et cum eo simul ad nuptias intrare!"

3^o *Ratio* extremi judicii congruentiam evincit triplici ex capite:

a) *Primo ex parte ipsius judicii.*—Sicut enim judicium de aliqua re mutabili perfecte dari non potest ante ejus consummationem, ita judicium de humana actione et vita perfecte nequit institui nisi jam consummato humano opere tum in se tum in suis effectibus. Atqui, licet per mortem vita hominis temporalis terminetur secundum se, renianet tamen ex futuris diversimode dependens. Ergo perfectum de omnibus ad unumquemque hominem spectantibus judicium haberi

non convenit nisi in novissimo die. *Maj.* si *objective* sumatur, continet propositionem per se notam; planeque congruum est ut Deus, quanquam ab æterno omnia merita et demerita præsciverit, sese in judicando, quemadmodum et in agendo, *objectiva* rerum indoli accomodet, neque ante consummata opera punienda vel præmianda penas præmiave rependat. *Min.* decl. ex *D. Thoma* (III, Q. LIX, a. 5), ubi ostendit hominis vitam quintuplici modo ex futuris post mortem dependere: “*Uno* quidem *modo*, secundum quod adhuc vivit in memorii hominum, in quibus quandoque contra veritatem remanet bona famæ vel malæ. *Alio modo* in filiis, qui sunt quasi aliquid patris, secundum illud Eccli. XXX, 4: *Mortuus est pater ejus, et quasi non est mortuus; similem enim reliquit sibi post se;* et tamen multorum bonorum sunt mali filii et e contrario. *Tertio modo* quantum ad effectum suorum operum: sicut ex deceptione Arii et aliorum seductorum pullulat infidelitas usque ad finem mundi, et usque tunc proficit fides ex prædicatione apostolorum. *Quarto modo* quantum ad corpus, quod quandoque honorifice traditur sepulturæ, quandoque vero relinquitur insepultum, et tandem incineratum omnino resolvitur. *Quinto modo* quantum ad ea in quibus homo suum affectum defixit, puta in quibus cumque temporalibus rebus, quorum quedam citius finiuntur, quædam diutius durant. Omnia autem hæc subduntur existimationi judicij divini.”

b) *Secundo ex parte superni judicis; Dei enim et Christi gloria judicium generale exposcit.*—“Quoniam in adversis et secundis hominum rebus, quæ promiseo nonnumquam bonis et malis eveniunt, probandum erat nihil non infinita Dei sapientia et justitia regi ac gubernari, par fuit, non solum bonis præmia, improbis supplicia in futuro sæculo constitui, verum etiam publico ac generali judicio decerni; quo omnibus notiora et illustriora fierent, atque ut *Deo iustitiae et providentiae laus ab omnibus tribueretur*” (*Catech. Trid.*, P. I, a. 7, n. 5).—*Christo* etiam tanto magis competebat claritas secundi adventus in extremo judicio, quanto se profundius in primo adventu humiliaverat. *Ad rem August.* (*Enarr. in Ps. XXXVII, n. 20*): *Veniet Christus “cum magna potestate judicaturus, quia cum magna humilitate judicatus.”*

c) Tertio ex parte hominum judicandorum.—Nam “proposito judicio pios recreari, impios terrori oportebat, ut, cognitâ Dei justitiâ, illi ne deficerent, hi a malis æterni supplicii metu atque expectatione revocarentur” (*Catech. Trid.*, l. cit.).—Insuper, accedit promovenda *gloria electorum* quorum plerique, humilius degentes vitam mortalem, aut ignorantur aut despiciuntur; ait autem Dominus (1 Reg. II, 30): *Quicumque glorificaverit me, glorificabo eum.* Debetur quoque *reprobis publica confusio*, quam sæpe non experiuntur in terris, quæque æquum est ut eis in conspectu electorum obveniat; unde dicitur (1 Reg. l. cit.): *Qui contemnunt me, erunt ignobiles.*—Tandem retributio erit in resurrectione, secundum quod quidam impassibilia et gloria corpora, alii vero passibilia et indecora resument; omnis autem retributio, qua diversa redduntur secundum meritorum diversitatem, judicium requirit. (C. G. IV, 96)

Solv. obj.—OBJ. 1.—Deus non judicat bis de eisdem. Atqui statim post mortem de singulis hominis operibus judicat. Ergo.

RESP. D. M.:...sub eodem respectu, C; sub diverso respectu, N.—*C.d.m*:...secundum quod homo est *singularis* persona, C; secundum quod est *pars totius humani generis* in quo jam mortuus multiplicitate supervivit, N.—*Neg. conseq.*

OBJ. 2.—Judicium non sequitur, sed præcedit executionem sententiae. Atqui sententia divinæ executio secundum adeptionem regni cœlestis vel exclusionem a regno jam nunc a tempore mortis uniuscujusque contingit. Ergo.

RESP. C.M.—*D.m*:...et haec sententia completa omnino est, N; *complenda* posterius remanet per visibilem universalemque separationem bonorum a malis, adjunctâ corporis poenâ vel gloriâ, C.—*Neg. conseq.*

OBJ. 3.—Propter hoc aliqua in judicium adduci oportet, quia dubium est quid de eis definiendum sit. Atqui ante finem mundi determinata est unicuique damnatorum sua damnatio, et cuique sanctorum sua beatitudo. Ergo.

RESP. C. M.—*D.m*: determinata est *secundum se*, C; ita ut vel ab illo tempore innotescat *omnibus*, N.—*Neg. conseq.*

“ Universale judicium magis directe respicit *universalitatem hominum* quam singulos judicandorum. Quamvis

ergo cuilibet homini ante judicium erit certa notitia de sua damnatione vel præmio, non tamen omnibus omnium damnatio vel præmium innotescet. Unde judicium universale necessarium erit" (a. 1 ad 3).

ARTICULUS II.

De judicantibus in judicio generali.

(Q. LXXXIX, a. 1-4; Q. XC, a. 1-2)

Constituta veritate judicii universalis, gradum facimus ad considerationem *judicantium*; quos inter principem sane locum tenet *Christus*. Quæstio autem est num Christo summo judici associandi sint aliqui *sancti*, imo quadammodo etiam *Angeli*.—Rem tribus in conclusionibus declarabimus.

Conclusio 1^a.—CHRISTUS EXTREMUM JUDICIUM PROFERET IN FORMA HUMANITATIS, EAQUE GLORIOSA, NON TAMEN SINE PASSIONIS ET MORTIS SUÆ VESTIGIIS SEU MEMORIA.

1^a *Pars* est *de fide*, prouti constat ex *Symbolo*.—Atque hujus asserti veritas (præter argumenta jam adducta, *de Inc. Verbi*, Disp. X, Q. III) tum auctoritate tum ratione confirmatur.

1^o *Auctoritate*:—Ipse enim Christus de se dixit (Joan. V, 22): *Negue enim Pater judicat quemquam, sed omne judicium dedit Filio*; et (Matth. XVI, 27): *Filius hominis venturus est in gloria Patris sui cum angelis suis, et tunc reddet unicuique secundum opera ejus*. Quibus ex verbis ad invicem collatis deducimus potestatem judiciarium, quæ in fine mundi exercabitur, *primario* quideam competere Patri necnon Filio qua Deus est, *secundario* autem et per delegationem competere Christo prouti est *homo*.—Hoc ipsum testatus est S. Petrus inquiens (Act. X, 42): *Ipse est qui constitutus est a Deo judex vivorum et mortuorum*. (Cf. Knoll, P. V, sect. III, c. 2; ubi alii Scripturæ textus Patresque consentientes recitantur).

2^o *Ratione*.—a) Etenim, ejus est judicare cuius est legem condere. Atqui Christus in humana natura apparens nobis *legem Evangelii* dedit. Ergo secundum eamdem naturam

judicabit.—*b)* Praeterea, cum judicium in judicante dominium aliquod requirat, illi competit homines judicare ad quem pertinet hominum dominatio. Atqui Christus noster *dominus* est duplici titulo: nimis titulo *creationis*, quatenus est Deus; titulo autem *redemptionis*, quatenus est homo, ut pote qui sanguine suo nos redemit suaque passione nobis promeruit bona æternæ vitæ quæ finali judicio dispensantur. Ergo etc.

2^a Pars de forma gloria, in qua Christus judex videbitur, facile persuadetur:

1^a Namque id significant variae Scripturarum locutiones (Matth. XVI, 27): *Venturus in gloria Patris*; (*ibid.* XXV, 31): *Super sedem majestatis suæ*; (Luc. XXI, 27): *Cum potestate magna et majestate*.

2^a a) Ille qui judicat, iis qui judicantur emineat necesse est. Atqui electi qui judicabuntur a Christo, corpora habebunt gloria. Ergo a fortiori eorum judex gloriatus apparet.—*b)* Insuper, hoc intercedit discriben inter primum et secundum Christi adventum quod in *primo* ideo venit ut pateretur, judicaretur, morte apud Patrem satisfaceret; in *altero* autem veniet ut mundum judicet Patrisque justitiam in homines exercat. Porro sicut pati, judicari, dare pœnam infirmitatis est, ita judicare justitiamque exequi est auctoritatis et gloriae. Ergo etc.—*c)* Hinc ipsi *mali* Christum gloriosum conscient, neque tamen gaudium sibi indebitum inde experientur; nam (ut notat *Auctor*, Q. XC, a. 2 ad 4) “sicut amici gloria est delectabilis, ita gloria et potestas ejus qui odio habetur, maxime contrastat. Et ideo sicut visio gloriae humanitatis Christi erit justis in præmium, ita inimicis Christi erit in supplicium.”

3^a Pars desumitur ex *D. Thoma* (*ibid. ad 2*): “*Signum crucis*, inquit, apparebit in judicio, non ad indicium tunc existentis, sed præteritæ; ut per hoc justior condemnatio eorum appareat qui tantam misericordiam neglexerunt et eorum præcipue qui Christum injuste persecuti sunt. *Cicatrices* autem quæ in ejus corpore apparebunt, non pertinebunt ad aliquam infirmitatem, sed erunt indicia maximæ virtutis qua Christus per passionem et infirmitatem de hostibus triumphavit. *Exprobratissimam* etiam *mortem* ostendet, non sensibiliter eam oculis ingerens, ac si tunc eam pateretur;

sed ex his quæ apparebunt, scil. indiciis præteritæ passionis, homines in recogitationem præteritæ mortis adducet."

Conclusio 2^a.—CUM CHRISTO VELUTI ASSESSORES JUDICATURI SUNT ALIQUI SANCTI, SCIL. PERFECTIORES VIRI.—Duas distingue partes.

1^a *Pars* certa est.—1^o Namque fundatur in SS. Litteris, utputa (Matth. XIX, 28): *Amen, dico vobis* (aiebat Christus discipulis), *quod vos qui secuti estis me, in regeneratione, cum sederit Filius hominis in sede majestatis sue, sedebitis et vos super sedes duodecim, judicantes duodecim tribus Israel.* Et (1 Cor. VI, 2): *An nescitis quoniam sancti de hoc mundo judicabunt?*—2^o Licet in extremo judicio solius Christi sit sententiam *propria* auctoritate edicere, attamen tripliciter intelligi potest quod sancti cum Christo judicent: uno modo *objective* seu ex comparatione qua alii aliis meliores ostenduntur, et sic non solum boni judicabunt malos, sed et mali judicabunt pejores. Secundo modo quasi *interpretative*, in quantum interpretamur aliquem facere qui facienti consentit; et sic omnes electi, quippe Christi judicis sententiam approbaturi, quadamtenus judicabunt. Tertio modo *participative*, quatenus assessores habentur participantes tum sedis judicialis honorem, tum actionis judiciariæ potestatem, eam saltem qua sententia judicis arbitrio lata promulgetur; et sic perfectiores sancti Christo judicanti associabuntur: poterunt enim vi quadam spirituali alios in notitiam divinorum decretorum ducere.

2^a *Pars* quæstionem attingit, *quinam* futuri sint illi assessores.—Falsum in primis est dignitatem illam solis apostolis esse reservatam: nam *sedes duodecim*, de quibus loquitur Christus (*l. cit.*), ita a Patribus accipiuntur ut significant indeterminate universam judicantium multitudinem.—Verior opinio est, quam tenet S. Thomas (Q. LXXXIX, a. 2), præfatam dignitatem esse assecuturos omnes qui non solum præcepta, sed etiam *consilia* evangelica, spretis mundanis rebus, perfecte adimpleverint. Cum enim dixisset Petrus (Matth. XIX, 27): *Ecce nos reliquimus omnia, et secuti sumus te: quid ergo erit nobis?* respondit Christus (v. 28) promittendo discipulis honorem judicialeum quem descriptimus, quique proinde omnibus sanctis eamdem abnegationem virtutumque perfectionem sectantibus, quasi merces et exaltatio debita, competit.

Conclusio 3^a.—ANGELI JUDICIO GENERALI NON ASSISTENT NISI UT TESTES ET APPROBATORES LATÆ SENTENTIÆ; PROBABLE AUTEM EST QUOD, SICUT ANGELI BONI MENTES INFERIORES LUCE BEATITUDINIS ACCIDENTALI ILLUMINABUNT, ITA DÆMONES VELUTI EXECUTORES ERUNT DIVINÆ JUSTITIÆ IN REPROBOS.

1^a *Pars prob* :—Etenim omnino convenit ut assessores judicis ei sint *natura* conformes. Atqui Christus non solum ut Deus, verum etiam ut homo homines judicabit, tam bonis quam malis sub humana specie appariturus. Ergo angeli, ut pote substantiae pure spirituales, non poterunt adstare Christo judicii judicando, sed solum aspicioendo et consentiendo.

2^a *Pars evincitur ex ordine* quo Deus angelos constituit medios tum naturâ tum influxu inter humanam et divinam naturam: quæ mediatio recte judicatur perpetua.

ARTICULUS III.

De judicandis in judicio generali; —quo in loco erunt.

(Q. LXXXIX, a. 5-8)

Ex ipso titulo intelligitur duo esse sub hoc articulo determinanda, unum videlicet relate ad *judicandos* in extremo judicio, aliud relate ad *locum* in quo *judicabuntur*; quæ duarum conclusionum materiam præbent.

Conclusio 1^a.—OMNES HOMINES IN JUDICIO GENERALI COMPAREBUNT, DIVERSA Tamen RATIONE JUDICANDI; IMMO INDIRECTE ET QUODAMmodo IPSI ANGELI EIDEM JUDICIO SUBDENTUR.

1^a *Pars aperte in Symbolo* continetur.

1^o Revera, huc spectant plura Scripturæ loca, v. g. (Matth. XXV, 32): *Congregabuntur ante eum omnes gentes*; (Rom. XIV, 10): *Omnès stabimus ante tribunal Christi*; (2 Cor. V, 10): *Omnès nos manifestari oportet ante tribunal Christi*; (Apoc. I, 7): *Ecce venit cum nubibus, et videbit eum omnis oculus*.—2^o *Ratio luculenta* suppetit; judiciaria enim potestas Christo homini attribuitur tum virtute regiæ, qua pollet, dignitatis, tum in premium humilitatis quam in passione exhibuit. Atqui Christus est rex univer-

sorum hominum, suumque in passione sanguinem pro omnibus fudit quantum ad sufficientiam, licet multi vitio proprio impedimentum præsent efficiæ redēptionis. Ergo congruum est ut omnes homines in judicio congregentur, suum Regem gloriæ exaltatum conspecturi.

2^a Pars est de *ratione* qua diversi homines judicabuntur; duo enim ad judicium pertinent, *discussio meritorum* et *retributio eis debita*.

1^o Quantum ad *retributionem*, omnes prorsus comparebunt judicandi, quatenus unusquisque sistet coram supremo judice, cuius et gloriam videbit, et decretum divinam justitiam publice demonstrans aut praemiandus aut puniendus audiet.—Hinc et ipsi pueri ante rationis usum decedentes judicio sic adstabunt.

2^o Quantum ad *meritorum discussionem*, dicendum in primis quod hæc non respectu Dei, sed juxta morem humancum judiciorum admittitur. Porro in proposito quadruplex hominum classis distingui potest.—a) Præfata enim discussio non fit nisi ubi quedam bonorum cum malis commixtio habeatur; aliqui autem ita virtute perfecti sunt ut nullam mali meriti admixtionem notabilem habeant; ideoque isti, quorum omnibus patebit sanctitas, non erunt obnoxii judicio discussionis, sed magis ipsi judicabunt (ut supra diximus). Ab eodem judicio immunes erunt pueri baptizati et mortui antequam quidquam voluntate libera peregerint.—b) Alii sunt quorum vita bonis malisque mixta est, quique tamen, ob prædominantem Dei amorem, salvabuntur; et in istis locus erit discretioni meritorum et judicio discussionis.—c) Alii insuper, etsi in peccato gravi decedant, fidem habuerunt, fidei opera nonnulla perfecerunt, ideoque tanquam cives regni divini exterius saltem habiti sunt; *cives* autem non dominantur sine prævio, quo scelere convincantur, judicio.—d) Alii demum fide, que initium est salutarium operum, penitus carent; ideoque tam evidenter a salute alieni sunt ut meritorum disquisitione in eis non sit opus. Quare veluti *hostes*, qui consueverunt apud homines absque discussione exterminari, condemnabuntur; de quibus dictum est (Joan. III, 18): *Qui non credit, jam judicatus est.*

3^a Pars de Angelis sic ab Auctore decl. (a. 8): “*Judicium discussionis* nullo modo habet locum neque in bonis angelis

neque in malis, quia neque in bonis potest aliquid mali inveniri, neque in malis aliquid boni ad judicium pertinens. Sed si loquamur de *judicio retributionis*, sic est distinguenda duplex retributio: *una* respondens propriis meritis angelorum, et hæc a principio fuit utrisque, dum quidam in beatitudinem sublimati sunt, quidam vero in miseriam demersi; *alia* retributio est quæ respondet meritis bonis vel malis per angelos procuratis, et hæc retributio in futuro judicio fiet, quia boni angeli amplius gaudium habebunt de salute eorum quos ad meritum induxerunt, et mali amplius torquebuntur, multiplicata malorum ruina qui per eos ad mala sunt initati."

Conclusio 2^a. — NON OBSTANTE OPINIONE CONTRARIA, PROBABILIS VIDETUR EXTREMUM JUDICIO CELEBRATUM IRI IN VALLE JOSAPHAT PROPE JERUSALEM.

1^o Ad rem pertinent verba quæ leguntur (Joël, III, 2): *Congregabo omnes gentes, et deducam eis in vallem Josaphat; et disceptabo cum eis;* item (v. 12): *Consurgant, et ascendant gentes in vallem Josaphat, quia ibi sedebo ut judicem omnes gentes in circuitu.*

2^a a) Quorundam equidem opinio est, sententiam mox enunciataam fundamento carere (itu Knabenbauer in Joël l. cit. et Matth. p. 380):—sentient enim vallis Josaphat appellationem esse symbolicam, quatenus significetur "vallis ubi Dominus est judex."—Nec possibile putant quod in angustiori loco, qualis est vallis Josaphat litteraliter sumpta, omnes gentes omnium temporum congregari valeant.—Aiunt igitur locum judicii aliter intelligendum: nempe Christus ubique gloriâ suâ manifestus erit, et omnes ubique in ejus conspectu et ante ejus tribunal sistent.

b) Nihilominus alteram præferimus opinionem penes Patres et theologos, ni fallimur, communiores; quam amplexus est S. Thomas (Q. LXXXVIII, a. 4): "Qualiter, inquit, illud judicium sit futurum et quomodo homines ad sententiam convenient, non potest multum per certitudinem sciri; tamen probabiliter potest colligi ex Scripturis (Act. I, 11) quod circa locum montis Oliveti (ad cuius pedes jacet vallis Josaphat) descendet, sicut et inde ascendit, ut idem esse ostendatur qui descendit et qui ascendit." Eamdem rationem habet S. Bonaventura (4 Dist. 48, dub. 1).—Certe Scripturæ voces, "gentes congregari in vallem", satis liquido locum determinatum

quid mali
pertineat,
tinguenda
s angelos
in beatit
demersi;
malis per
fiet, quia
cum quos
tur, mul
icitati."

ARIA, PRO
M IR IN

III, 2):
en Josa
ergant, et
sedebo ut

iam mox
in Joël
nat appell
vallis ubi
angustiori
a, omnes
nt igitur
s ubique
onspectu

es Patres
exus est
ait, illud
am con
; tamen
uod circa
osaphat)
atur qui
s. Bona
"gentes
nigmatum

designant. Quod si *determinatus unus* judicii locus est, quidni Christus non eo loco gentes judicaret quo circiter *suprema salutis mysteria complevit* quique sacris plerisque documentis notatur?—Cæterum (monet *Auctor, ibid.* ad 1) “magna multitudo in parvo spatio comprehendendi potest. Sufficit autem ponere quantumcumque spatum *circa* locum illum ad capiendum multitudinem judicandorum; dummodo ab illo spatio Christum videre possint, qui in ære præeminens, et maxima claritate res fulgens, a longinquo inspici poterit!“

ARTICULUS IV.

De materia et forma extremi judicii.

(Q. LXXXVII; Q. LXXXVIII, a. 2)

Materium intelligimus ei circa quæ versabitur judicium; que *quot et qualiter* manifestanda sint, declarandi heic locus est. *Formam autem vocamus judicis sententiam,* convenienti modo proferendam.—Sint ergo duæ conclusiones.

Conclusio 1^a. — **EXTREMUM JUDICIUM ERIT DE OMNIBUS OPERIBUS BONIS VEL MALIS, QUAE IDCIRCO PATERUNT NON SOLUM OCULIS DEI SED ET CONSCIENTIAE UNIUSCUSQUE ET ALIORUM CONSPETUI, DIVINA VIRTUTE AD HOC PRINCIPALITER OPERANTE.**

1^a Pars multis Scripturae eloquiis asseritur. Sic legimus (Eccle. XII, 14): *Cuncta, que fiunt, adducet Deus in judicium pro omni errato, sive bonum, sive malum illud sit.* Hinc indagabuntur omnia opera (Rom. II, 6): *Reddet unicuique secundum opera ejus; omnia verba (Matth. XII, 36): Omne verbum otiosum, quod locuti fuerint homines, redcent rationem de eo in die judicii; omnia cogitata (1 Cor. IV, 5): Dominus...manifestabit consilia cordium; immo et omissa, quia (Jac. IV, 17) scienti bonum facere, et non*

1.—Alibi scribit Auctor (Opus. II, c. 244): “Different boni a malis non solum quantum ad causam meritoriam, sed etiam loco segregabuntur ab eis. Nam mali qui terrena diligentes a Christo recesserunt, remanebunt *in terra*; boni vero qui Christo adhaeserunt, obyiam Christo occurrent *in atra sublevati.*”

facienti, peccatum est illi.—Cuncta hæc, jam privato judicio discussa, publice nunc judicabuntur.

2^a *Pars* est de *manifestatione* bonorum vel malorum operum.

1^o Non ambigitur quin *Deo omnia prorsus perfecteque innescant.*—Nec est existimandum “quod discussio judicij erit necessaria ut judex informetur, sicut contingit in humanais judiciis, cum *omnia sint nuda et aperta oculis ejus* (Heb. IV); sed ad hoc est necessaria predicta discussio, ut unicuique iudicescat de seipso et de aliis, quomodo sint digni poena vel gloria” (Opusc. II, c. 244).

2^o Etenim, in die qua judicabit Dominus, testimonium *unicuique sua conscientia* reddet, et *cogitationes* erunt *accusantes et defendantes* (Rom. II, 15-16); ratio autem testis, accusatoris vel defendantis, plenam omnium operum judicandorum notitiam exposcit. “Unde, ait S. Th. (Q. LXXXVII, a. 1), conscientiae singulorum erunt quasi quidam libri continent res gestas, ex quibus judicium procedet; sicut etiam in judicio humano registris utimur. Et isti sunt libri de quibus (Apoc. XX, 12) dicitur: *Libri aperti sunt; et alius liber apertus est, qui est vite, et iudicati sunt mortui ex his quæ scripta erant in libris secundum opera ipsorum.*”

3^o Amplius, eujusque merita vel demerita *aliis* etiam comperta flent; ut nempe Christi sententia justa omnibus apparet: quod suadet illud Ap. (Rom. II, 5), ubi diem judicij vocat diem *revelationis justi judicij Dei.*—Improbabilis itaque censeri debet eorum opinio qui cum Pet. Lombardo opinati sunt electorum peccata, per pœnitentiam deleta, non esse in judicio aliis patefacienda. Nam, ut advertit Auctor (a. 2), “ex hoc sequeretur quod nec etiam pœnitentia de peccatis illis perfecte cognoscetur; in quo multum detraheretur sanctorum gloria et laudi divine que tam misericorditer sanctos liberavit.”

3^a *Pars* adjicitur de modo quo continget meritorum vel demeritorum manifestatio.

1^o Igitur quisque poterit sua vel aliena neta deprehendere dupli medio: nimisrum medio *naturali* et imperfectiori, quatenus opera illa ultro menti apparebunt in effectibus poenae vel glorie jam existentibus; medio autem *supernaturali* et precipuo, quatenus ipsa Dei virtus occulta vi brevissi-

maque mora manifestationem illam complebit.—Neque 2^o universa peccatorum revelatio aut in ignominiam sanctorum cedet, aut confusionem reproborum minuet: quin imo a) ex una parte *sancti*, propter pœnitentiam quam egerunt, magis per hoc glorificabuntur. b) Ex altera parte *reprobi* majorem percipient dolorem ex propriâ impœnitentiâ ad pœnitentiam electorum de tamen multis peccatis comparata.

Conclusio 2^a. — SENTENTIA JUDICIALIS IN ELECTOS ET REPROBOS PROFERETUR A CHIRISTO, TAMEN MENTALITER, SALTEM SECUNDUM QUOD AD SINGULOS ATTINET.

1^a *Pars* manifesta est; omne enim judicium absolvitur per sententiam qua se habet veluti ejus *forma*. Hanc sententiam bipartitam pro duplice iudicatorum genere, scil. pro electis et reprobis, recitat Evangelium verbis nemini non notis (Matth. XXV).—Id duntaxat observabimus, judicialem Christi sermonem sub specie colloquii cum hominibus non stricto, sed lato sensu esse accipiendum, quatenus notio- nem judicii exhibet humano captui accommodatam (*Knabenbauer*, in h. l.).

2^a *Pars* quæstionem solvit de *ratione* qua fiet sententiae divinæ prolatione, num scil. vocaliter vel mentaliter tantum.

1^b Si sententia spectetur secundum *proprium singulis iudicium* propriamque retributionem, aestimandum est post S. August. et D. Thom. (Q. LXXXVIII, a. 2) quod *mentaliter* tantum proferetur: ratio est, quia vocalis locutio singula singulis attribuens longissimam temporis moram postularet.—2^b Attamen plures theologi, nee improbabiliter, sentiunt *generalem sententiam*, qua electis regnum, reprobis supplicium in communi assignabitur, voce sensibili esse pronuntiadam; ita ut Christus iudex, sub corporali specie apparens, sensibus et videatur et audiatur.

QUÆSTIO SECUNDA

DE MUNDI STATU FINALI

Sequitur ut paucis constituamus qualis mundus a resurrectionis et judicii tempore futurus sit. De quo duo in dubitationem veniunt, nempe *utrum* (art. 1) et *quomodo* (art. 2) mundus innovabitur. Hisce articulis adjungetur *appendix* de systemate eschatologico, quod *systema renovationis* nuncupant.

ARTICULUS I.

Utrum extremo tempore mundus innovabitur.

(Q. XCI, a. 1)

Alibi (Disp. VIII, Q. V, a. 2) jam diximus, in signum venturi judicii, maximas ac terrificas fore totius mundi physici perturbationes. Hę tamen, uti ex revelatione colligimus, non annihilationis, sed renovationis gloriose præsagium erunt;—ad quod demonstrandum procedimus.

Conclusio.—NOVISSIMIS TEMPORIBUS MUNDUS UNIVERSUS INNOVABITUR.—Hoc quidem prouti præscindatur ab innovationis modo, dici potest de *fide divina*.

1º Enimvero Scripturę utriusque testamenti novam illam rerum conditionem haud obscure annuntiant.—In V. T. Deus dicit (Is. LXV, 17): *Ecce ego creo cœlos novos et terram novam; et non erunt in memoria priora, et non ascendent super cor;* quibus verbis consonant alia (*id. LXVI, 22*): *Sicut cœli novi et terra nova, quæ ego facio stare coram me, dicit Dominus; sic stabit semen vestrum, et nomen vestrum.* Locis autem illis prænuntiari creature etiam materialis innovationem et glorificationem, testantur eximii interpres, ut puta *Knabenbauer* (in h. l.).—In N. T. manifestiora adhuc exstant testimonia. Sic S. *Paulus* (Rom. VIII, 19 sq.) exhibet creaturam vanitati seu corruptibilitati subjectam ob peccatum primi hominis, sed *a corruptionis illius servitute liberandam secundum proportionem cum gloria electorum.* Item S. *Petrus* (2 Pet. III, 12-13): *Properantes, inquit, in adventum diei Domini, per quem cœli ardentes solventur*

et elementa ignis ardore tabescunt, novos vero cælos et novam terram secundum promissa ipsius expectamus. Tandem legitur (Apoc. XXI, 1): Vidi cælum novum et terram novam; primum enim cælum et prima terra abiit.

2º *Patrum* magua est consensio (uti videre est apud Knoll): duo audiantur. E Græcis sic loquitur S. Cyr. Hier. (Catech. XV, n. 3): “Fiet mundi hujus consummatio, et factus iste mundus rursum renovabitur... Pertransibit hic mundus, ut qui sit pulchrior excitetur... Convolvit cœlos Dominus, non ut iis afferat interitum, sed ut rursus excitet pulchriores.” Inter Latinos ait S. Hieronymus (Comm. in Is. LXV, v. 17-18): “Qui novitatem commutationem in melius et non elementorum arbitrantur interitum, illo utuntur exemplo Ps. CI, 26-27; in quo perspicue demonstratur perditionem et interitum non abolitionem in nihil, sed commutationem sonare in melius,... quod intelligens et Paulus apostolus loquebatur: *Præterit enim figura hujus mundi* (1 Cor. VII, 31). Consideremus quid dixerit: *figura præterit, non substantia.*”

3º *Ratione* cum Auctore discurramus:

a) Creatura materialis se habet ad rationalem et spiritualem duplice, scil. tanquam *sedes* et *adjumentum*. Atqui sub duplice illo respectu convenit ut in consummatione sæculorum gloriose innovetur: ergo. *Min. decl* :—*Primo*, habitatio debet habitatori congruere; regibus enim palati, non tuguria construuntur. Atqui electi, ut vidimus, resurgent in corpore glorioso. Ergo.—*Secundo*, “corporalia serviant homini duplice: uno modo ad sustentationem corporalis vite; alio modo ad profectum cognitionis divinae, in quantum homo *per ea que facta sunt, invisibilia Dei conspicit*, ut dicitur Rom. I. Primo ergo ministerio creaturarum homo glorificatus nullo modo indigebit, cum ejus corpus sit futurum omnino incorruptibile, divina virtute id faciente per animam quam immediate glorificat. Secundo etiam ministerio non indigebit homo quantum ad cognitionem intellectivam, quia tali cognitione Deum sancti videbunt immediate per essentiam. Sed ad hanc visionem essentiæ oculus carnis attingere non poterit; et ideo ut ei etiam solarium congruens de visione divinitatis præbeat, inspiciet divinitatem in suis effectibus corporalibus, in quibus manifesta indicia divinæ majestatis apparebunt, et

præcipue in carne Christi, et post hoc in corporibus beatorum, et deinceps *in omnibus aliis corporibus*. Et ideo oportebit ut etiam illa corpora majorem influentiam a divina bonitate suscipient quam nunc, non tamen speciem variantem, sed addentem *cujusdam gloriae perfectionem*; et hæc erit mundi innovatio. Unde simul mundus innovabitur et homo glorificabitur" (*a. cit.*).

b) Quod si de causa hujus innovationis inquiramus, triplex assignari potest, nempe *efficiens, formalis et meritoria*. Inquit enim *S. Th.* (*ibid. ad 4*): "Illa dispositio novitatis nou erit naturalis, nec contra naturam; sed erit supra naturam sicut gratia et gloria sunt supra animæ naturam; et erit a perpetuo agente quod eam perpetuo conservabit," scil. a Deo *efficiente* qualitates intrinsecas quibus *formaliter* et proxime innovatio illa consistet. Et "quamvis corpora insensibilia non meruerint illam gloriam, proprie loquendo; homo tamen meruit ut illa gloria toti universo conferretur, in quantum hoc cedit in augmentum gloriae hominis" (*ibid. ad 5*).

ARTICULUS II.

Quomodo finalis mundi innovatio fiet.

(Q. XCI, a. 25)

Quæstionem heic theologi movent de *tempore quo innovatio mundi futura sit*. Circa quod duplex habetur sententia: *una*, quod prefata innovatio præcedet judicium; *altera*, quod judicium consequetur. In primam sententiam manifeste propendet *S. Thomas* (Q. LXXIV, a. 7), quamvis concedat innovationis opus non esse omnino complendum nisi quando, jam peracto judicio, mali a bonis segregabuntur et in tartareos carceres detrudentur.—Reliqua ad indolem future mundi glorificationis spectantia unius propositionis confinio claudemus.

Conclusio.—**PURGATUS IGNE MUNDUS, SALVA MANENTE MAIORI SALTEM EX PARTE SUBSTANTIA, UNDIQUE SUSCIPIT NOBILISSIMAM LUCIS CLARITATEM; EX QUO EMERGET REGNUM CHRISTO EJUSQUE SANCTIS APPRIME DIGNUM.**

1^a Pars est de mundi *purgatione*, quam ignis ultimæ conflagrationis (testante Scriptura, 2 Pet. III, 12) sub Deo principaliter operante efficiet.—Sane relatio inter mundum et hominem exigit ut, quando homo secundum corpus glorificabitur, etiam alia mundi corpora ad meliorem statum reducantur. Porro, ad hoc quod homo gloria corporis consequatur, oportet prius removeri ea quæ gloriæ obstant, qualia sunt corruptio et infectio culpæ. Similiter etiam elementa mundi, antequam in novitatem gloriosam adducantur, purgari necesse erit ab omnibus contrariis dispositionibus, incongruitatibus et corruptionibus (Q. cit. a. 1).—Quapropter “in illa purgatione totum quod est fœdum, ad locum damnatorum congregabitur. Unde infernus non purgabitur, sed ad ipsum deducuntur totius mundi faeces, secundum illud Ps. LXXIV, 9: *Fæx ejus non est exinanita; bibent omnes peccatores terre*” (ibid. a. 6 ad 3).

2^a Pars sibi vult *substantiam* ipsam mundi seu fundamentalium ejus elementorum, saltem quod ad regnum *inorganicum* attinet, non esse immutandam, sed accidentaliter tantum meliorandam.—Nam, juxta Auctoris principium (Q. XCI, a. 5), “cum innovatio mundi propter hominem fiat, oportet quod innovationi hominis conformetur.” Atqui homo multiplici dotum genere glorificabitur, immutata sua natura. Ergo etc.—Attamen, quidquid in contrarium moderni non-nulli sentiant¹, solidior ac communior videtur opinio² quod nec *animalia* nec *plantæ* post extrellum judicium remanebunt. Aut enim ista manerent corruptioni et generationi indefinita successione subjecta, et hoc opponeretur incorruptibilitati status gloriosi; aut eadem individua incorupta et glorificata perpetuo servarentur, quod gratis asseritur nec necessarium erit ad demonstrandam electis pulchritudinem divinorum operum tam splendide in reliquis creaturis coruscaturam.

3^a Pars respicit gloriæ lucem seu claritatem in quam creatura materialis sublimanda est.—Eo pertineat verba prophetæ (Is. XXX, 26): *Erit lux luncæ sicut lux solis, et lux solis erit septempliciter sicut lux septem dierum; quibus*

1—Eorum est Ortolan, *Astronomie et théologie*, II^a P., oh. 3.

2—Eam post veteres scholasticos sequuntur Suarez, Knoll, Jungmann, Knabenbauer (in Is. XI, 6-8), etc.

(interprete *Knabenbauer* in h. l.) prænuntiatur in rerum omnium consummatione maximum sidereæ claritatis incrementum. Spectata autem proportionis et harmoniae lege inter cœlestia et inferiora corpora, concludit *S. Thomas* (a. 4) quod "omnia elementa claritate quadam vestientur, non tamen aequaliter, sed secundum suum medium."—Sane, ut supra diximus, innovatio mundi ad hoc ordinatur quod homo etiam sensu Deum in corporibus quodammodo deprehendat. Jam vero, docente rursus Angelico (*ibid.* ad 1), "inter sensus nostros spiritualior est visus et subtilior." Ergo conveniens omnino erit ut per lucem, eamque splendidissimam, tum superioribus tum inferioribus corporibus affulgentem glorificatio materie præcipua ratione eveniat Deique ipsius gloria sic oculis beatorum appareat.

4^a Pars tandem additur de *regno materiali* cui, suæ sanguisque sanctorum glorie accommodato, Christus-homo dominabitur:—Gloriosa enim humanitas Christi et sanctorum gloriosam itidem postulat sedem. Hinc rerum universitas, radiis superni fulgoris illustrata, plane habebitur tanquam immensum quoddam imperium cuius nec centrum nec limites definire possib; licet; quod primario quidem Christo, secundario autem electis omnibus subjectum erit; et in quo singulariæ partes, non exceptâ terrâ nostrâ, pro lubitu a corporibus quorumque sanctorum mox attingi et adspectari poterunt. Hoc erit, una cum spirituali regno, imperitum Domini regnum materiale, de quo prædicti vates (*Dan. VII, 14*): *Potestas ejus, potestas æterna quæ non auferetur; et regnum ejus quod non corrumperet.*

Appendix : De systemate Renovationis.

Systema illud, maxime a canonico *Chabauty* propugnatum, *renovationis* voce designatur, quia renovatæ cujusdam humanitatis existentiam post judicium futuram tuerit. Ab eo enim supposito progrediens quod judicij tempore justi quidam vivi reperientur nunquam morituri, statuit ex his justis, peracto judicio, proventuras novas sibique in æternum succedentes generationes hominum, qui, in adamica privilegia justitiae originalis restituti, meliorato terræ statu et sub Christo-capite visibiliter in sua Ecclesia regnante ac triumphante, vitam ducent ab omni peccato gravi immunem, donec beata ascensione in coelos tandem aliquando recipiantur.—Non vacat

auctorem persequi in omnibus disputationibus exegeticis quibus operose conatur sistema suum adstruere: pauca duntaxat adnotabimus, ex quibus perspicuum fiet quare recte opus canonici gallici fuerit a S. C. Indicis prohibitum (1894).

1º Systema illud *labili principio* nititur, vid. non omnes justos fore ante judicium morituros: jam enim supra (Disp. VIII, Q. I, a. 1; Disp. IX, Q. I, a. 4) ostendimus quam conforme sit Sacris Litteris, quam doctorum celebriorum sententiis consonum, quam conveniens ipsi rationi ut omnes prorsus cum mali tuu boni legem mortis subeant et a morte resurgent.

2º Si spectetur *in se*, sistema renovationis aliud non videatur quam evolutio quedam millenarismi spiritualistici. Millenarismus autem, quacumque sub forma, nunquam Ecclesiæ favorem sortitus est; immo a scholasticis sensu unanimi; duce S. Thoma, fuit explosus (Disp. IX, Q. I, a. 3).—Nonne igitur valde mirandum foret, Ecclesiam, cui veritatis depositum concredidum est, tamdiu ignorasse propriam conditionem sibi post judicium in terris obventuram?

3º Idem sistema *consequentiis erroneis* impeditur:
 a) Siquidem in primis contradicit dupli dogmati Scripturis et Conciliis firmisse innixo, nempe de *universalitate* peccati originalis in posteros Adæ (una excepta B. M. Virgine) transmittendi et de *necessitate* Baptismi pro omnibus salvandis.—
 b) Contradicit item conditioni *militantis Ecclesiæ*; que sicuti nonnisi inter labores et passiones et sollicitudines ad cœlestem progressura est triumphum, ita et justi, capitи Christo conformes, per pressuras et miserias finale præmium sunt consecuturi, juxta verbum Ap. (Rom. VIII, 17): *Si compatimur, ut et conglorificemur.*—c) Præterea certum esse ac prædefinitum electorum numerum, eumque juxta communem theologorum sententiam numero damnandorum fore inferiorem, alibi (*de Deo*, Disp. VI, Q. II) compertum fecimus: utriusque autem asserto opponitur systema de justis in æternum multiplicandis.

QUÆSTIO TERTIA

DE STATU BEATORUM IN CŒLO

Quum alibi (*de Deo*, Disp. III, Q. II) sermo de cognoscibiliitate Dei haberetur, plura disputavimus circa sortem beatorum felicitatem suam ex divinæ essentiæ intuitione haurientium; nec eadem heic repetere propositum est.—Verum, ad compleendam supremæ illius felicitatis notionem, de nonnullis inquirendum superest, nempe primo de *natura beatitudinis* (art. 1); secundo de ejus *quantitate* tum absoluta tum relativa (art. 2); tertio de beatorum *dotibus, fructibus et aureolis* (art. 3).

ARTICULUS I.

De natura beatitudinis cœlestis.

1º Compertum satis est omnes homines, utpote suam perfectionem impleri cupientes, convenire in appetendo ultimo fine; beatitudo autem adeptionem ultimi finis nominat. Idecirco omnes, prouti experientia confirmat, *beatitudinem desiderant*.—A Boëtio quidem (*de Cons. phil. l. III, pros. 2*) *definitur beatitudo "status omnium bonorum aggregatione perfectus;"* et a S. August. (*En. in ps. II, n. 11*) “bonorum omnium summa et cumulus.” Quod D. Thomas (I-II^m, Q. II, a. 8) haud diversa, licet expressiori, ratione significat dicens: “Beatitudo est bonum perfectum, quod totaliter quietat appetitum.”—Inde enascitur partitio beatitudinis in *objectivam et formalē*. *Objectiva* enim beatitudo est ipsa res qua beatificamur; *formalis* vero, ejusdem rei adeptio seu fruitio.—Cum autem utraque spectari possit vel secundum modum naturæ consenteaneum vel secundum perfectionem naturæ vires excedentem, ideo beatitudo rursus dispescitur in *naturalem et supernaturalem*: non de prima, sed de altera heic sermo est.

2º Beatitudo potest considerari vel quantum ad suam *naturam*, vel quantum ad suos *caracteres*.—Quod ad 1^{um} attinet, prætermisis absurdis veterum opinionibus de *increata*

*Dei visione menti nostrae communicata et de illapsu quodam divine essentiae in animæ essentiam, adverto communem esse theologorum sensum quod beatitudo formalis sit in aliqua operatione Deum attingente. At in definienda operatione hujusmodi, ea nempe qua *essentia* beatitudinis constat, non consentiunt: quidam enim, cum D. Thoma, volunt beatitudinem essentialiter consistere in actu tantum *intellectus* Deum videntis; alii eam collocant etiam in actu *voluntatis* sive secundum simplicem *Dei amorem* (ita Suarez) sive quoque secundum *fruitionem* (ita Lessius).—Quoad 2^{um}, caracteres beatitudinis ea intelligimus quæ, veluti conditiones aut proprietates, formam beatitudinis circumstant et compleunt; cujusmodi sunt immunitas ab omni malo et peccato et omnis boni optabilis possessio prorsus imperitura.*

Conclusio 1^a.—BEATITUDO OBJECTIVA PONENDA EST IN SOLO DEO; FORMALIS VERO BEATITUDO ESSENTIALITER CONSISTIT IN ACTU INTELLECTUS, INTEGRALITER AUTEM ETIAM IN ACTU VOLUNTATIS.

1^a *Pars* tum auctoritate tum ratione asseritur.

1^o *Auctoritate.*—Solus enim Deus exhibetur in Scripturis tanquam finis hominum ultimus (Apoc. I, 8): *Ego sum Alpha et Omega, principium et finis.*—Ipse etiam solus se habet tanquam summum bonum, desideria omnia implens et satians (Gen. XV, 1): *Ego...merces tua magna nimis;* (Ps. LXXII, 25-26): *Quid mihi est in cœlo, et a te quid volui super terram?...Deus cordis mei et pars mea Deus in eternum;* (*ibid.* XVI, 15): *Satiabor, cum apparuerit gloria tua;* tandem (*ibid.* XLIII, 15): *Beatus populus, cuius Dominus Deus ejus.*

2^o *Ratione;* —sic discurrit Angelicus (I-II^a, l. cit.): “Impossibile est beatitudinem hominis esse in aliquo bono creato. Beatitudo enim est bonum perfectum, quod totaliter quietat appetitum; alioquin non esset ultimus finis, si adhuc restaret aliquid appetendum. Objectum autem voluntatis, quæ est appetitus humanus, est universale bonum, sicut objectum intellectus est universale verum. Ex quo patet quod nihil potest quietare voluntatem hominis nisi bonum universale: quod non invenitur in aliquo creato, sed solum in Deo; quia omnis creatura habet bonitatem participatam. Unde solus Deus voluntatem hominis implere potest, secun-

dum quod dicitur (Ps. CII, 5): *Qui replet in bonis desiderium tuum. In solo igitur Deo beatitudo hominis consistit.*"

2^a *Pars* ut statuatur, distinguendum est inter *essentiam ipsam beatitudinis formalis et ejus integratatem*; qua distinctione prae oculis obversante, assertio liquidis argumentis illustratur.

1^o Igitur dico beatitudinem formalem *essentialiter* consistere in actu intellectus.—Id sane persuadent verba Christi Domini (Joan. XVII, 3): *Hac est vita æterna, ut cognoscant te solum Deum verum etc*; per vitam æternam enim intelligitur suprema ultimi finis felicitas.—S. Thomas (C. G. III, 26; cf. I-II^m, Q. III, a. 4) ita ratiocinatur ut oppositam sententiam omni ex parte disjiciat: "Si, inquit, aliquis actus voluntatis esset ipsa felicitas, hic actus esset aut desiderare aut amare aut delectari. Impossible est autem quod *desiderare* sit ultimus finis: est enim desiderium secundum quod voluntas tendit in id quod nondum habet; hoc autem contrariatur rationi ultimi finis. *Amare* etiam non potest esse ultimus finis: amat enim bonum non solum quando habetur, sed etiam quando non habetur; ex amore euim est quod non habitum desiderio queratur; et si amor jam habitu perfectior sit, hoc causatur ex hoc quod bonum amatum habetur: alind est igitur habere bonum, quod est finis, quam amare, quod ante habere est imperfectum, post habere perfectum. Similiter autem nec *delectatio* est ultimus finis; ipsum enim habere bonum causa est delectationis, vel dum bonum nunc habitum sentimus, vel dum prius habitum memoramur, vel dum in futuro habendum speramus; non est igitur delectatio ultimus finis. Nullus ergo actus voluntatis potest esse substantialiter ipsa felicitas." Exclusa voluntate, manet ut beatitudinem *essentialiter* reponamus *in actu intellectus*, in ea nempe altissima operatione qua sancti Deum facialiter intuentur ipsoque veluti potiuntur.

2^o Attamen non inficiamur quin ad *integrandam beatitudinem* requiratur Dei *amor*, eo vehementior quo summum Bonum clarius appareat, neconon proportionatum gaudium seu *delectatio*. "Delectatio enim causatur ex hoc quod appetitus requiescit in bono adepto. Unde cum beatitudo nihil aliud sit quam adeptio summi boni, non potest esse beatitudo sine delectatione concomitante" (I-II^m, Q. IV, a. 1). — Hinc

Bened. XII (Const. *Benedictus Deus*) definivit quod animæ sanctorum ex Dei "visione et fruitione" vere sunt beatæ.

Conclusio 2^a. — CONDITIONES BEATITUDINIS MERITO RECENSENTUR IMMUNITAS AB OMNI MALO, SPECIATIM A PECCATO, ET POSSESSIO OMNIS BONI OPTABILIS ÆTERNALITER DURATURA. — Distinguuntur quatuor partes.

1^a *Pars est de immunitate ab omni malo.*

1^o Eo pertinent verba Joannis (Apoc. XXI, 4-5): *Et absiperget Deus omnem lacrymam ab oculis eorum, et mors ultra non erit, neque luctus, neque clamor, neque dolor erit ultra, quia prima abierunt. Et dixit qui sedebat in throno: Ecce nova facio omnia.* — 2^o S. Chrysostomus (in Heb. hom. VI, n. 4) ita de beatitudine disserit: "Vera est illa requies, ubi aufugit dolor, tristitia et gemitus; ubi neque curse, neque labores, neque angor, neque metus animam percellens et quatiens, sed solus Dei metus plenus voluptate... Non est illuc æmulatio et invidia, non morbus, non hæc mors corporis, non illa mors animæ, non sunt tenebrae neque nox: omnia sunt dies, omnia lux, omnia quies." — 3^o *Ratio* est, quia beatitudo, ut facultates hominis satiare valeat perfectum bonum contineat oportet; bonum autem perfectum omnem mali admixtionem abhicit. — 4^o Inferimus quod, licet beati in patria visuri sint pœnas damnatorum (ex hoc enim melius propriam felicitatem estimabunt), nullum tamen compassionis sensum ac dolorem experientur; immo de pœnis illis ratione boni adjuncti, seu spectando ordinem divinæ justitiae et suam ab eis liberationem, gaudium persentient (Suppl. Q. XCIV).

2^a *Pars tangit beatorum impeccabilitatem.*

1^o Hanc esse *de facto* admittendam, ex eo jam convincimur quod beatitudo excludit omne malum; malorum autem maximum est peccatum reale vel possibile. Unde dicitur (Apoc. XXII, 3): *Omne maledictum non erit amplius; sed sedes Dei et Agni in illa erunt, et servi ejus servient illi.* — 2^o S. Thomas (de Ver. Q. XXIV, a. 9), inspecto duplice genere confirmationis in bono pro diversa beatorum ac viatorum statu, beatis tribuit impeccabilitatem *ab intrinseco*, quatenus "habent in se sufficiens suæ firmitatis principium"; quod *Scotus* cum Nominalibus negandum censuit. — 3^o *Radix* hujus impeccabilitatis ad mentem Angelici (I-II^o, Q. IV, a. 4; C. G. IV, 92; et alibi) est visio divinæ essentie sub ratione

perfecti boni: bonum enim perfectum, quale est divina essentia, non minus efficaciter regulat voluntatem beatorum in cœlis quam bonum in communi voluntatem hominum in terris. Jamvero bonum commune ita continet et circumdat voluntatis motus ut nihil sit volitum nisi sub respectu boni veri vel apparentis. Ergo bonum perfectum ita sibi subjicit voluntates beatorum ut nihil velle possint nisi ratione diuinæ bonitatis: quod est eos peccare non posse.

3^a *Pars de possessione omnis boni* optabilis paucis expedietur.

1^o Hoc sonant plerisque Scripturarum sententiae, puta illud (Ps. XXXV, 9-10): *Inebriabuntur ab ubertate domus tuae; et torrente voluptatis tuae potabis eos. Quoniam apud te est fons vitae, et in lumine tuo videbimus lumen.* — 2^o a) Id quoque continetur notione ipsa beatitudinis; quæ nisi sit omnium bonorum summa et plenitudo, appetitum beatorum, prouti par est, quietare et satiare penitus non poterit. b) Cœterum possidenti Deum, ex quo bona cuncta profluant, quid decesse judicabitur?

4^a *Pars tandem ponitur ad perpetuitatem beatitudinis asserendam; quod Scriptura, Patres, Ecclesiæ declarationes, multipliciter confirmant.* — Sufficiat ex D. Thoma (I-II^m, Q. V, a. 4) rationem duplcem illius perpetuitatis adducere:

1^o ratio sumitur *ex natura beatitudinis in genere*. Vera enim beatitudo, utpote perfectum bonum, omnino quietet hominis desiderium necesse est; homo autem naturaliter desiderat bonum, quo gaudet, plena securitate in aeternum retinere. — 2^o ratio petitur *ex indole beatitudinis in speciali*. Nam, secundum praesentem rerum ordinem, beatitudo consistit in visione ac fruitione divinae essentiae. Porro neque ex se, neque volente Deo, neque agente causa aliqua creata, beatus a felicitatis gudio cessabit: non *ex se*, quippe nemo est qui velit bonum sufficientissimum nulloque incommmodo vitiatum sponte deserere; non *volente Deo*, siquidem nequit Deus, pro sua justitia, incedem semel collatam insonti creaturæ subtrahere; non *agente causa creata*, quia mens Deo conjuncta reliquis creaturis dominatur.

ARTICULUS II.

De quantitate beatitudinis;—num augabitur post judicium.

(Q. XCIII)

Indaganda heic proponitur beatitudinis mensura tum absolute tum relative: *absolute* quidem, si queratur quanta post corporis resurrectionem et judicium ultimum futura sit; *relative* autem, quatenus, pro diversis hominibus, diversis gradibus vel mansionibus sit distinguenda.—Hinc materiam duarum conclusionum accipimus.

Conclusio 1^a.—BEATITUDO POST RESURRECTIONEM AUGEBITUR EXTENSIVE, NON TAMEN INTENSIVE.

1^a *Pars* ab omnibus facile conceditur; sic autem ab *Auctore* declaratur (art. 1): “Beatitudinem sanctorum post resurrectionem augeri quidem *extensive* manifestum est: quia beatitudo tunc erit non solum in anima, sed etiam in *corpore*; et etiam ipsius *animæ* beatitudo augabitur extensive, in quantum anima non solum gaudet de bono proprio, sed etiam de bono corporis.” *Conf.* quia, cum miseria malorum post resurrectionem supplicio corporum augenda sit, æquum est ut ipsa sanctorum beatitudo quadam tenus augentur.—Hoc autem augmentum extensivum non erit de *præmio essentiali* quo perficiuntur beati, sed duntaxat de *præmio accidentalis*.

2^a *Pars* negat augmentum *intensivum*.

Et 1^o notare est, *D. Thomam* non semper ea in re idem docuisse. Etenim, dum partes commentatoris in lib. sententiæ ageret, ratus est animæ beatitudinem post judicium etiam intensive auctumiri. Ratio ejus erat, quia operatio sequitur esse; at ex coniunctione corporis gloriosi anima perfectius existet quam antea: ergo et efficiacius operabitur.—Verum in *Summa theolog.* (I-II, Q. IV, a. 5 ad 5) hanc opinionem expresse rejicit, alianique propugnat.

2^o Id alterum pro *vera sententia* amplectendum est:—
a) nam (ut arguit *Cajetanus*, in l. cit.) consentaneum est ut defectus animæ extensivus extensivum tantum operationis defectum inducat. Porro defectus animæ separatae, in ordine ad corpus, extensivus est tautum: non enim ipsum esse et

substantia animæ, resumpto corpore, intrinsecus perficitur, sed modus essendi secundum completam speciem. Ergo.—
b) Præterea, beatitudo crescere intensive non posset nisi vel ratione objecti essentialis clarius visi, vel ratione potentioris principii visivi. Atqui objectum non videtur clarius nisi propter majorem potentiae facultatem; facultas autem videndi Deum nullo modo post resurrectionem augebitur, neque ex parte ipsius potentiae quæ independenter a phantasmatibus objectum suum intuetur, neque ex parte *luminis gloriae* quod idem continuo perseverat juxta proportionem gratiæ sanctificantis. Ergo.—
c) Merito igitur dicit S. Thomas (I-II^m, l. cit.): “Desiderium animæ separatae totaliter quiescit ex parte appetibilis, quia habet id quod suo appetitui sufficit; sed non totaliter requiescit ex parte appetentis, quia illud bonum non possidet secundum omnem modum quo possidere vellet. Et ideo, corpore resumpto, beatitudo crescit, *non intensive, sed extensive.*”

Conclusio 2^a.—RECTE DISTINGUUNTUR BEATITUDINIS GRADUS SECUNDUM DIVERSAS MANSIONES, PRO VARIA CHARITATIS MENSURA.

1^a *Pars* nititur dicto Christi (Joan. XIV, 2): *In domo Patris mei mansiones multæ sunt;* quod Patres exponunt de diversis præmiorum caelestium gradibus. Sane duplex assignari potest ratio illius denominationis:—1^o *Quies in fine motus* localis dicitur collocatio seu mansio. Jamvero homo tendit ad beatitudinem per actus voluntatis quasi per totidem motus spirituales. Ergo, secundum translationem quamdam, assecutio finis illorum motuum dici poterit mansio, et diversi modi consequendi finem ultimum mansiones diversè poterunt nominari.—2^o In quacumque *civitate ordinata* mansionum plurium neenon inæqualium distinctio accipitur. Atqui caelestis patria civitati ordinatissimæ et splendidissimæ comparatur (Apoc. XXI). Ergo etc.

2^a *Pars* elucet ex eo quod mansiones appellantur ipsi beatitudinis gradus, quibus præmia essentialia beatorum discriminantur. Atqui graduum illorum præmiorumque essentialium diversitas dependet *priorime* quidem ex diversitate *luminis gloriae* secundum charitatem patriæ, *remote* autem ex diversitate m^{eritorum} secundum charitatem viæ: “vis enim merendi in omnibus virtutibus est ex charitate, quæ habet ipsum finem pro objecto” (S. Th. a. 3). Ergo.

ARTICULUS III.

*De dotibus aliisque beatorum ornamentiis, maxime de
fructibus et aureolis.*

(QQ. XCV-XCVI)

Titulus satis demonstrat quot sint sub hoc articulo deci-
randa: unde tres, pro obvia materiæ partitione, conclusiones
instituemus.

Conclusio 1^a.—CONVENIENTER PONUNTUR ANIME BEATAE
DOTES, VIDEL. DOS VISIONIS, DOS COMPREHENSIONIS, DOS FRU-
TIONIS.

1^a Pars est de *dotibus in genere*; quæ vox per metapho-
ram desumpta videtur ex matrimonio in quo dos corporalis
sponsæ datur in sustentationem simul et ornatum.

1^o Itaque dicimus dotes aliquas animæ beatorum com-
petere. Nam in Scripturis anima sancta sponsæ comparatur,
v. g. (Is. LXI, 10): *Induit me vestimentis salutis...quasi
sponsam ornatam monilibus suis*; licet autem connubium
hoc cum Christo jam in terris inchoetur, formam tamen
unionis irrevocabilis non sortitur nisi in cœlis, ubi anima
Spousi presentia eternaliter fructetur. Jamvero in carnali
matrimonio consueverunt dotes sponsæ assignari, non quidem
quando despontatur, sed quando in sponsi domum traduci-
tur. Ergo similiter etc.—2^o Quid sint Beatorum dotes, sic
declarat *Auctor* (Q. XCV, a. 2): “Dicendum est quod beatitu-
tudo et dos realiter differunt: ut beatitudo dicatur ipsa ope-
ratio perfecta, quæ anima beata Deo conjungitur; sed dotes
dicuntur habitus vel dispositiones vel quæcumque aliæ qua-
litates quæ ordinantur ad hujusmodi perfectam operationem.”
Id conforme est conceptui generico *dotis* quæ non usum vel
actum aliquem, sed *facultatem* ad utendum et agendum
nominat.

2^a Pars tres anime dotes assignat, quæ sunt dotes *visionis*,
comprehensionis et *fruitionis*.

Dotis enim nomine designamus principium immediatum
perfectæ operationis quæ anima beatificanda jueundum cum
Deo seu Christo consortium et veluti connubium contrahit.
Tris autem requiruntur ad perficiendam illam operationem:
lumen, quo intellectus aptetur ad Deum clare *videndum*;

vis ejusdem luminis introducens in immediatam Dei visi possessionem; adjunctus charitatis habitus quo subjectum disponatur ad fruendum Deo posse. Tres igitur ponunt debent animæ dotes, nempe dotes visionis, comprehensionis, fruitionis, respondentes fidei, spei et charitati. Cf. I, Q. XII, a. 7 ad 1.

Conclusio 2^a. —FACTA DISTINCTIONE INTER PRÆMIUM ESSENTIALE ET ACCIDENTALE BEATORUM, OSTENDUNTUR PRÆMIA ACCIDENTALIA, QUÆ FRUCTUS AUDIUNT, TRIA MERITO RECENSERI.

1^a Pars decl.—Juxta Auctorem (Q. XCVI, a. 1), “præmium *essentiale* hominis, quod est ejus beatitudo, consistit in perfecta coniunctione animæ ad Deum, in quantum eo perfecte fruitur ut viso et amato perfecte.”—Hinc quidquid perfectionis, sive in ratione cognitionis sive in ratione gaudii, beati assequantur præter Deum in se visum et amatum, ad præmium *accidentale* reducendum est¹.—Ipsum autem præmium accidentale subdividi potest, quatenus importat vel perfectiones quasdam *communiores*², quibus nempe omnes fruuntur beati, vel perfectiones *specialiores* delitas pro singulari beatorum sanctitate aut conditione (ad quas pertinent fructus et aureolæ).

2^a Pars de *fructibus* breviter absolvetur.

1^o Nomine *fructuum* heic intelliguntur specialia gaudia animam recreantia de eo quod, a carnalibus rebus recedens,

1.—S. Bonaventura (Brevit. P. VII, c. 7) ita distinguit præmium cœleste ut unum sit *substantiale* consists in visione, fruitione et tentione unius summi boni, scil. Dei; aliud *consubstantiale*, positum in gloria corporis; aliud *accidentale* complectens speciale quiddam superadditum.

2.—Hujusmodi est *societas amicorum*; quam S. Th. (I-II^m, Q. IV, a. 8) docet ad beatitudinem requiri, non de necessitate, sed veluti extrinsecum quoddam et conveniens complementum.—Placet heio referre quæ habet Catech. Trid. (P. I, a. 12, n. 13) circa accessoria beatitudinis ornamenta omnibus communia. “In finita, inquit, esset omnium oblectationum enumeratio quibus beatorum gloria cumulata erit, ac ne cogitatione quidem fingere eas possimus. Sed tamen hoc fidelibus persuasum esse debet, *quæcumque nobis jucunda* in haec vita contingere vel etiam optari queant, sive ea ad mentis cognitionem, sive ad corporis perfectum habitum pertinente, eaurum rerum omnium copiis beatam colestium vitam circumfluere; quamvis hoc *altiore quodam modo* quam oculus vidit aut auris audivit, aut in cor hominis ascendit, fieri Ap. (1 Cor. II, 9) affirmat.”

visi
tum
poni
onis,
XII,

ES-
EMIA
BERI.
præ-
sistit
n eo
quid
dii,
, ad
præ-
vel
nes
sin-
ment

udia
ens,

ium
ne et
posi-
tiale

IV,
eluti
heic
oria
sset
imu-
men
ta in
entis
rum
am-
aut

quasi terra paratior uberiorem ex semine Dei verbi fructum reportaverit.—Fructus illos lœtificos inter præmia accidentalia specialiter esse connumerandos, ex eo suadetur quod verbum Dei non fructificat nisi in corde a carnalitate abstracto; magua autem virtus requiritur ad hoc ut homo de carnali vita in spiritualem transeat; ex quo peculiare gaudium ultro ingeneratur, juxta illud (Sap. III, 15): *Bonorum laborum gloriosus est fructus.*

2º Fructus prefati, utpote cordi spirituali convenientes, illi præcipue virtuti respondent, quæ, præ aliis, hominem a subjectione carnis liberat: hujusmodi est *continentia*.—Hinc, secundum modum spiritualitatis quem continentia facit, diversi fructus distinguuntur. Triplex autem est spiritualitas per continentiam effecta: una *conjugalis*, in iis nempe qui sobrie delectationibus carnis utuntur; alia *vidualis*; alia *virginalis*. Ergo tres fructus merito assignantur pro tribus continentiae partibus.

Conclusio 3º.—ACCEPTA NOTIONE AUREOLÆ, FACILE INTELLIGITUR TRES AUREOLAS, NEMPE VIRGINUM, MARTYRUM, DOCTORUM, CONVENIENTER ASSIGNARI.

1º *Pars* respicit aureolæ notionem.—Ad quam capessendam notare est præmium essentiale, quo beati gaudent, metaphorice nuncupari *coronam auream*, quatenus, pugnando cœlestisque Regis vestigia sectando, sancti charitatis vi et merito præmium illud assequuntur. Porro præter præmium essentiale dari potest et accidentale proportionatum bonis operibus quæ ex genere suo laudabilitatem aliquam sibi vindicant. Hinc diuinitive *aureola* vocatur "gaudium de operibus a se factis quæ habent rationem victorie excellentis" (Q. XCVI, a. 1), et sic corona aurea superadditur pro speciali certandi ratione.—Equidem "aureola proprie est in mente; est enim gaudium de operibus illis quibus aureola debetur. Sed sicut ex gaudio essentialis priemii, quod est aurea, redundat quidam decor in corpore, qui est gloria corporis, ita ex gaudio aureole resultat aliquis decor in corpore; ut sic aureola principaliter sit in mente, sed per quamdam etiam redundantiam resulgeat in corpore" (*ibid.* a. 10). Addunt aliqui fulgorem hunc, coronulae specie, beatorum capita circumdare.

2º *Pars* fert, juxta communem theologorum sententiam,

aureolas esse admittendas pro *virginibus, martyribus et doctoribus.*

1º Id fundari in *Scriptura* videtur. De *virginibus* enim legimus (Apoc. XIV, 4-5): *Hi sunt qui cum mulieribus non sunt coinqinati: virgines enim sunt. Hi sequuntur Agnum quocumque ierit... sine macula sunt ante thronum Dei;* quasi specialis gloria ipsis reserveatur.—De *martyribus* dicitur (Apoc. VII, 14-15): *Hi sunt qui venerunt de tribulatione magna, et laverunt stolas suas, et dealbaverunt eas in sanguine Agni; ideo sunt ante thronum Dei etc;* ubi martyres speciali etiam honore decorati exhibentur.—De *doctoribus* quoque legitur (Dan. XII, 1): *Qui docti fuerint, fulgebunt quasi splendor firmamentum; et qui ad justitiam erudiunt multos, quasi stellae in perpetuas aeternitates.*

2º Concinne S. Thomas assignat rationem tripliis aureole, juxta triplicem pugnam cum carne, mundo et diabolo; inquit enim (Q. cit. a. 11): "Aureola est quoddam privilegium premium privilegiatae victorie respondens; et ideo secundum privilegiatas victories in tribus pugnis, quae cuilibet homini imminent, tres aureole sumuntur. In pugna enim quæ est contra carnem, illo potissimum victoriam obtinet qui a delectabilibus venereis, quæ sunt præcipua in hoc genere, omnino abstinet; cujusmodi est virgo; et ideo virginitati aureola debetur. In pugna vero qua contra mundum pugnatur, illa est præcipua victoria, cum a mundo persecutionem usque ad mortem sustinemus; unde et *martyribus*, qui in ista pugna victoriam obtinent, secunda aureola debetur. In pugna vero qua contra diabolum pugnatur, illa est præcipua victoria, cum aliquis hostem non solum a se, sed etiam a cordibus aliorum removet; quod fit per doctrinam et prædicationem; et ideo *doctoribus* et *predicatoribus* tertia aureola debetur."—Mox Angelicus (*ibid.*) subdit aliorum opinionem qui, cum S. Bonaventura (Brevil. P. VII, c. 7), ita aureolas distinguunt "ut dicantur respondere potissimum trium virium animæ actibus. Potissimus enim actus *potentiae rationalis* est veritatem fidei etiam in aliis diffundere; et huic actui debetur doctorum aureola. *Irascibilis* vero actus potissimus est etiam mortem propter Christum superare; et huic debetur aureola martyrum. *Concupiscibilis* vero actus potissimus est a delectabilibus carnis maximis abstinere penitus; et huic debetur

aureola virginum."—Alii tandem volunt aureolas esse distinguendas secundum conformitatem ad Christum qui verissime, imo et excellentissime fuit simul virgo, martyr et doctor; unde in eo ponitur quiddam aureola excellentius, ex quo omnes aurolæ oriuntur, juxta illud (Apoc. III, 21): *Qui vicerit, dabo ei sedere mecum in throno meo; sicut et ego vici, et sedi cum Patre meo in throno ejus.* Hæc autem Christi gloria præprimis redundat in *B. Virginem Mariam*, quæ triplici doctrinæ, virginitatis et martyrii laude eminenter refulget.

QUÆSTIO QUARTA

DE STATU DAMNATORUM IN INFERO

Cum post judicium futurus non sit status medius inter beatitudinem et damnationem, reliquum est ut in extrema hac quæstione de damnatis infernique poenis dicamus. Circa quod quatuor se offerunt consideranda, nempe *an sit* infernus (art. 1), *quo genere* poenarum constet (art. 2), *qualem* istæ poenæ durationem habituræ sint sive *simpliciter* (art. 3), sive *secundum quid* (art. 4).

ARTICULUS I.

De pœnarum infernalium existentia.

1º De inferno, quatenus locus est reprobis post mortem destinatus, verbum jam supra fecimus (Disp. VIII, Q. I, a. 3); at amplior occurrit nunc sermo instituendus, quo contra adversarios ostendatur reapse existere *infernum*, scil. "locum ac statum in quo dæmones hominesque mali poenas luunt sceleribus debitas."

2º Inferni existentiam negaverunt inter ethnicos *Epicurus* cum grege suo, inter Judæos *Sadducei*. Dein vero *Gnostici*, item nonnulli ex *Socinianis*, denique *Deistæ* et increduli supplicia impiis post mortem subeunda pariter inficiati sunt; quibus ferme consentiunt *rationalista biblici*.—Contra hos sequentem adstruamus propositionem.

Conclusio.—ADMITTENDUS EST LOCUS SEU STATUS SUMME PŒNALIS QUI DICITUR INFERNUS.—Hoc est *de fide* juxta verba *Bened. XII* (Const. *Bened. Deus*, a. 1336): "Definimus insuper, quod secundum Dei ordinationem communem, animæ decedentium in actuali peccato mortali mox post mortem suam ad inferna descendunt, ubi pœnis infernalibus cruciantur." Cf. *Conc. Flor.* (Decr. un. Græc.)

1º Revere *Scripturæ* utriusque testamenti veritatem illam manifestis eloquiis attestantur:—a) Sic in V. T. de impiis legitimi (Judith. XVI, 20-21): *Dominus omnipotens vindicabit in eis, in die judicii visitabit illos. Dabit enim ignem*

et vermes in carnes eorum, ut uruntur et sentiant usque in sempiternum. Job (X, 21-22) infernum describit veluti terram tenebrosam et opertam mortis caligine; terram misericæ et tenebrarum, ubi umbra mortis, et nullus ordo, sed sempiternus horror inhabitat. Pluribus quoque locis Isaïas propheta flammam barathrum malis a Deo præparatum exhibet, ubi *flatus Domini sicut torrens sulphuris* (XXX, 33) succedit ardores sempiternos (XXXIII, 14) et *ignem qui non extinguetur* (LXVI, 24).—*b)* In N. T. luculentiora adhuc prostant testimonia; nam infernus describitur tanquam *gehenna¹ ignis* (Marc. IX, 43), *ignis inextinguibilis* (Matth. III, 12), *supplicium aeternum* (*ibid.* XXV, 46), locus *pænurum in interitu aeternarum* (2 Thess. I, 9), ubi iniqui erunt *in stagno ardenti igne et sulphure, quod est mors secunda* (Apoc. XXI, 8).

2º E Putribus paucos de multis apertosque textus proferre libet; ita scribebat S. Ignatius M. ad Eph. (n. 16): “Ne erretis, fratres mei; seminarum corruptores regnum Dei non haereditabunt. Si autem ii, qui secundum carnem hæc operati sunt, morte sunt affecti, quanto magis, si quis fidem Dei prava doctrina corrumpat, pro qua J. C. crucifixus est. Talis inquinatus factus in ignem inextinguibilem ibit.” Item S. Cyprianus (l. ad Demetrianum, n. 24): “Cremabit addicatos ardens semper gehenna, et vivacibus flammis vorax poena; nec erit unde habere tormenta vel requiem possint aliquando vel finem.” Quare S. Augustinus sic aū umendum infernum hortatur (Enarr. in Ps. 49, n. 7): “Supplicia terrent, quem præmia non invitant. Vile tibi est, quod Deus pollicetur? Contremisce quod minatur.

3º Mirus est in hac re consensus gentium. “Tum antiqui Græci, atque Romani, Galli, Persæ, Indi, Siuenses, ceteræque Orientis nationes, tuin quæ in septentrionali Europa inveniebantur gentes barbaræ atque pagane, tum Africæ innumeræ tribus incolte et Mahomedanorum varie sectæ, tum nationes illæ indigenæ quæ recentiori tempore in America atque Australia inventæ fuere, omnes sicuti futuram post hauc mortalem admittebant vitam, ita et impiis penas destinatas

1—Gehenna vox est hebraica, a valle quadam et loco horroris et combustionis desumpta, quo jam tempore Christi per extensionem usurpabatur ad significandum infernum.

esse profitebantur ac profitentur" (Jungmann, Tract. *de Noviss.* p. 28). Quæ persuasio, multis profecto erroribus admixta, partim a primæva revelatione, partim ab ipsa rationis vi prodiisse aestimanda est.

4º Sane, *ratio ex variis Dei attributis infernum demonstrat*:—*a) Primo ex Dei sapientia*; sapiens enim provisor debet ordinem malo collapsum proportionatis mediis restaurare. Ad hanc autem restorationem ordinatur infernus, quatenus peccator, qui suæ ultra modum voluntati indulxit, contra suam voluntatem poenas vindices patiatur.—*b) Secundo ex Dei justitia*; quemadmodum enim præmia meritis, ita et supplicia peccatis debentur. Neminem autem latet improbos in hac vita sæpius abundare bonis aut saltem non iis molestari malis quæ justa scelerum ultio requirit.—*c) Tertio ex Dei bonitate*; sicuti enim Deus vult omnes homines salvos fieri, ita eademque benigna voluntate infernum constituit, cuius adspectu timoreque perterriti homines efficacius in officio continerentur atque peccatores a viis suis pravis in salutis tramitem reducerentur.

ARTICULUS II.

De vario pœnarum infernalium genere.

(QQ. XCVII-XCVIII)

Genus pœnarum inferni spectari potest aut quoad *substantiam* aut quoad *gradum*.—Quod ad substantiam attinet, duplex solet pena distingui, videlicet, *pena damni* et *pena sensus*: pena quidem *damni* consistens in privatione æternæ beatitudinis; pena autem *sensus* in eo posita quod *damnati*, præter amissionem cœlestium bonorum, acerbissimis suppliciis cruciantur.—Trium inde conclusionum opportunitatem arrimus.

Conclusio 1^a. — PRÆCIPUA IN INFERO EXISTIT PŒNA DAMNI; QUO FIT UT DAMNATI MAXIME AFFICIENTUR ODIO ERGA DEUM ET INVIDIA ERGA PROXIMUM.

1^a *Pars* prorsus est *certa*.

1^o Pœnam *damni* aperte significant verba patrisfamilias seu

Dei ad reprobos (Luc. XIII, 27): *Nescio vos, unde sitis: discedite a me, omnes operarii iniquitatis.* Nam, ut docet S. Paulus (1 Cor. VI, 9-10), *neque fornicarii, neque idolis servientes, neque adulteri, neque molles, neque masculorum concubitores, neque fures, neque avari, neque ebriosi, neque maledici, neque rapaces regnum Dei possidebunt.* Hinc vox illa, omnibusque pertimescenda, supremi Judicis (Matth. XXV, 41): *Discedite a me, maledicti etc.*

2º Pœnam illam *aliis graviorem* exhibent tum Patres tum Doctores.—Inter Patres sic loquitur *S. August.* (Enchir. c. 112): “Perire a regno Dei, exsulare a civitate Dei, alienari a vita Dei, carere tam magna multitudine dulcedinis Dei quam abscondit timentibus se, perfecit autem sperantibus in se, tam grandis est pœna ut ei nulla possint tormenta quæ novimus comparari.”—*S. Thomas* (de Malo, Q. II, a. 2 ad 8) pœnam vocat “*essentialem*, quæ consistit in separatione a Deo et dolore ex iudee proveniente.” Idemque amplius declaratur (Opusc. II, c. 174): “Quia, inquit *Angelicus*, miseria ad quam dicit malitia contrariatur felicitati ad quam dicit virtus, oportet ea quæ ad miseriam pertinent sumere per oppositum eorum quæ de felicitate sunt dicta. Dictum est autem, quod ultima hominis felicitas quantum ad intellectum quidem consistit in plena Dei visione; quantum ad affectum vero, in hoc quod voluntas hominis in prima bonitate sit immobiliter firmata. Est igitur extrema miseria hominis in hoc quod intellectus totaliter divino lumine privetur, et affectus a Dei bonitate obstinate avertatur: et hæc est *principia* miseria damnatorum, quæ vocatur *pœna damni*.”

3º Huc spectat aliqualis notitia quam damnati habebunt de *gloria beatorum*. “*Damnati ante diem judicii videbunt beatos in gloria: non hoc modo quod gloriam eorum qualis sit, cognoscant; sed solum cognoscent eos esse in gloria quadam inæstimabili;* et ex hoc turbabuntur, tum propter invidiā dolentes de felicitate eorum, tum propter hoc quod ipsi talem gloriam amiserunt. Unde dicitur de impiis (Sap. V, 2): *Videntes turbabuntur timore horribili.* Sed *post diem judicii* omnino beatorum visione ~~pro~~ vabuntur; nec tamen ex hoc eorum pœna minuetur, sed augebitur, quia memoriam habebunt gloriæ beatorum quam in judicio viderunt vel ante judicium, et hoc erit eis in tormentum; sed ulterius affli-

gentur in hoc quod videbunt se indignos reputari etiam videre gloriam quam sancti merentur habere" (Q. XCVIII, a. 9).

2^a Pars ex prima consequitur, quatenus aversio a Deo et charitatis privatio odium et invidiam pariunt.—Damnatorum *odium in Deum* insinuat psalmista dicens (Ps. LXXIII, 23): *Superbia eorum qui te oderunt, ascendit semper.* Sane "affactus movetur ex bono vel malo appreheenso. Deus autem apprehenditur dupliciter: scil. *in se*, sicut a beatis, qui eum per essentiam vident, et *per effectus*, sicut a nobis et damniatis. Ipse igitur in seipso, cum sit per essentiam bonitas, non potest alicui voluntati displicere; unde quicumque eum per essentiam videt, eum odio habere non potest. Sed effectuum ejus aliqui sunt voluntati repugnantes, in quantum contrariantur alicui; et secundum hoc aliquis nou in seipso, sed ratione effectuum Deum odio habere potest. Damnati ergo Deum percipientes *in effectu justitiae* qui est poena, eum odio habent, sicut et poenas quas sustinent" (*ibid.* a. 5).—Item et eo ipso quod sunt ab ultimo fine aversi et in malo defixi, reprobri *invidiam erga beatos* sentiunt, adeo ut eos vellent esse damnatos. "Tanta, inquit Auctor (*ibid.* a. 4 ad 1), erit invidia in damnatis quod *etiam propinquorum gloriae* invidebunt, cum ipsi sint in summa miseria, cum etiam in hac vita hoc accidat crescente invidia. Sed tamen minus invidebunt propinquis quam aliis, et major esset eorum poena, si omnes propinqui damnarentur et alii salvarentur, quam si aliqui de suis propinquis salvarentur."

Conclusio 2^a.—MULTIPLEX PCENA SENSIÙS DAMNATOS AFFLIGET;—quod tum in genere, tum in specie declarandum est.

1^o *In genere.* Ait enim S. Thomas (Q. XCVII, a. 1) quod, mundo finaliter purgato, "quidquid est purum et nobile remanebit superius ad gloriam beatorum, quidquid vero est ignobile et fieculentum, in infernum projicietur ad poenam damnatorum;" ut, "sicut omnis creatura erit beatis materia gaudii, ita damnatis ex omnibus creaturis tormentum accrescat."—"Hoc etiam divinitate competit ut sicut ab uno recedentes per peccatum, in rebus materialibus, quae sunt multæ et variae, finem suum constituerunt; ita etiam multipliciter et ex multis affligantur" (*ibid.*).

2^o *In specie.*

a) Et in primis recenseatur *vermis* qui non moritur qui que in Scripturis frequenter commemoratur; de quo controversia est, num *proprie* vel *metaphorice* tantum sit accipiendus. Postremam hanc sententiam, penes theologos communiorum, sic exponit S. Thomas (Q. cit. a. 2): "Vermis, qui in damnatis ponitur, non debet intelligi esse corporalis, sed spiritialis, qui est *conscientiae remorsus*; qui dicitur vermis, in quantum oritur ex putredine peccati, et animam affligit, sicut corporalis vermis ex putredine ortus affligit pungendo."—Pœna hæc dolori ex poena damni provenienti superaddere videtur recordationem coelestium munierum; quibus nisi abusus esset, facile homo potuisset æterna consequi bona æternaque evadere supplicia. Ista recordatio tum divinæ charitatis tum humanæ ingratitudinis, utpote cor puniens et veluti arrodens, maximum analogiam præbet cum poena sensus proprie dicti.

b) Inter pœnas sensus maxima est pœna *ignis*, cuius saepe meminit Scriptura utriusque testamenti.—Ignem illum realem seu *corporeum* esse, negasse feruntur aliqui veteres, ut *Origenes*, certe vero inficiati sunt inter Novatores *Calvinus* et *Beza*: quibus moderni plures in rationalismum proni assentiunt. Nihilominus et quamvis desit expressa fidei definitio, sententia de igne corporo *certa* et *catholica* a Suarezio pronuntiatur; ita ut temerarium sit aliter sentire¹. Revera primo Scripturam legenti patet non solum ignem Dei judicio iteratisque vocibus destinari ad cruciandos damnatos; sed illum insuper iis describi rationibus quæ materiale quiddam omnino esse petunt: commemoratur enim *stagnum* ignis (Apoc. XIX, 20), *caminum* ignis (Matth. XIII, 42), *clibanum* ignis (Ps. XX, 10), *flamma* ignis (Is. LXVI, 15), ignis *succensus*, *ardens* (Jer. XV, 14), *paratus* diabolo et angelis ejus (Matth. XXV, 41), in quem reprobi *dejicientur* (Ps. CXXXIX, 11) et quo *devorabuntur* (*ibid.* XX, 10) tanquam *stipula* (Malach. IV, 1). Atqui proprietates et effectus hujusmodi nonnisi igni corporeo convenire possunt. Secundo

1—Notetur declaratio S. Pœnitentiarise (30 ap. 1890). Quæstiōne enim "an pœnitentes, qui in inferno solum ignem metaphoricum, non autem reale, agnoscent, absolvendi sint," S. C. respondit "hujusmodi pœnitentes diligenter instruendos esse, et pertinaces non esse absolvendos."

unanimis fere est Patrum veterumque consensio¹; quorum plures expresse statuunt ignem inferni esse corporeum. Satis sit referre *Arnobium* sic paganos redarguentem et ad eorum traditiones provocantem (l. II adv. gent. c. 14): "Audentis ridere nos, cum gehennas dicimus et inextinguibiles quosdam ignes, in quos animas dejici...cognovimus. Quid? Plato idem vester in eo volumine, quod de animæ immortalitate compo-
suit, non Acherontem, non Stygem...nominat, in quibus animas asseverat volvi, mergi, exuri"? *Tertio* subjicimus verba *S. Thomæ* inquietis (Q. XCVII, a. 5): "Quidquid dicatur de igne qui animas separatas cruciat, de igne tamen quo cruciabuntur corpora damnatorum post resurrectionem oportet dicere quod sit corporeus, quia corpori non potest convenienter adaptari poena nisi sit corporea."—Haud facile est mente heic assequi qualis natura ignis infernorum existat; eum tamen pluribus *ab igne nostro discriminari*, theologi omnes concedunt: nam ignis præsens est a naturæ auctore, ignis infernus a peccatorum judice; ignis præsens indiget chimice succendi et nutriti, ignis inferni solo Dei flatu fovetur; ignis præsens corpora tantum attingit, alter ignis tum corpora tum animas cruciat; ille quidem lucet, hic tenebris obvolvitur; ille inflammando dissolvit et consumit, hic tangendo urit, neque tamen destruit; ille imminui vel etiam extingui potest, iste in aeternum ardebit (*S. Th.* a. 6, Mazzella, etc.).

c) Juxta Scripturam (Matth. XIII, 42, 50), erit quoque in inferno *fletus* et *stridor dentium*; de quibus *D. Thomas* (C. G. IV, 90): "Fletus, inquit, et stridor dentium in spiritualibus substantiis nonnisi metaphorice intelligi possunt; quamvis in corporibus damnatorum post resurrectionem nihil prohibeat corporaliter ea intelligi: ita tamen quod per fletum non intelligatur lacrymarum deductio, quia ab illis corporibus nulla resolutio fieri potest, sed solum dolor cordis, turbatio oculorum et capitis, prout in fletibus esse solet."

d) Scripturæ item testantur (Matth. XXII, 13) versari damnatos inter *tenebras*; quibus tamen aliquid lucis miscetur. Ait enim *S. Thomas* (Q. XCVII, a. 4): "Dispositio inferni erit talis quod maxime miseriae damnatorum competit. Unde secundum hoc sunt ibi lux et tenebrae, prout

1—Vid. Knoll, Mazzella, etc.

maxime spectant ad miseriam damnatorum." Porro tenebrae *per se* afflictivæ sunt; lux autem, non quidem *per se*, sed *per accidens* affligit, in quantum revelat aliqua nobis nociva vel repugnantia. Unde simpliciter inferni locus est tenebrosus; "sed tamen ex divina dispositione est ibi aliquid lumen, quantum sufficit ad videndum illa quæ animam torquere possunt" (*ibid.*).

Conclusio 3^a. — **PENAE INFERNI GRAVISSIMÆ DICI DEBENT, DIVERSÆ TAMEN PRO DIVERSIS DEMERITIS.**

1^a Pars paucis ostendit.

Et 1^o tum Scripturæ (ut ex dictis apparet) tum Patres gravissimis sententiis supplicia inferni depingunt; adeo ut *S. Augustinus* asserere non dubitet (De categ. rud. c. XXIV, n. 45): "Sicut nullum gaudium rerum temporalium ex aliqua parte simile potest inveniri gaudio vite æternæ, quam sancti accepturi sunt; ita nullus cruciatus penarum temporalium potest sempiternis iniquorum cruciatibus comparari." Ratio petitur ex summa peccati mortalis malitia, quæ summam Dei majestatem, sanctitatem, misericordiam offendit.

2^o Tam acerbae sunt inferni poenæ ut *damnati deliberata voluntate præferrent non esse quam esse*. Licet enim non esse, utpote boni privatio, nullo modo sit secundum se appetibile, attamen *per accidens*, seu in quantum est ablativum misericordie quacum connectitur esse, accipit rationem boni et appetibilis, et sic præeligi potest. "Et per hunc modum, ait *S. Th. Q. XC VIII*, a. 3, melius est damnatis non esse quam miseros esse. Unde Matth. XXVI, 24 dicitur: *Bonum erat ei, si natus non fuisset homo ille.*" — *Conf.* quia "damnatorum miseria omnem hujus mundi miseriā excedit. Sed ad vitandum miseriā hujus mundi appetibile est aliquibus mori" (*ibid.*).

2^a Pars innititur manifestis SS. LL. eloquiis, utputa (*Sap. VI, 6-7*): *Judicium durissimum his qui præsunt fieri. Exiguo enim conceditur misericordia; potentes autem potenter tormenta patientur.* Et (*Matth. X, 15*): *Amen, dico vobis: tolerabilius erit terra Sodomorum et Gomorrahorum in die judicii quam illi civitati, que nempe rejicit Evangelii præcones.* — Id certe postulat *divina justitia*; unde *S. Th. de igne inferni* inquit (*Q. XC VII, a. 5 ad 3*): "Ignis ille erit instrumentum divinæ justitiae punientis. Instrumen-

tum autem non solum agit in virtute propria et per proprium modum, sed etiam in virtute principalis agentis et secundum quod est regulatum ab eo. Unde quamvis ignis secundum propriam virtutem non habeat quod aliquos cruciet secundum magis vel minus secundum modum peccati, habet tamen hoc, secundum quod ejus actio modificatur ex ordine divinae justitiae."

ARTICULUS III.

De aeternitate pœnarum inferni.

(Q. XCIX)

E veritatibus catholicis vix ulla, quovis tempore, extitit tam acriter impugnata quam pœnarum infernalium aeternitas. Docuit in primis *Origenes* reprobos oinnes tum angelos tum homines, expletis pœnis, demum restauratione quadam esse beatis sociandos. Quem errorem alii, *misericordes* dicti; diversimode amplexati sunt, tenentes vel homines, vel saltem christianos, vel operibus misericordiae insistentes, fore ab aeterno supplicio inimunes.—Inter Protestantes, *Sociniani* maluerunt destructionem quam aeternam hominis damnationem confiteri, idque ipsum nunc docent fautores *conditionalismi* seu systematis de immortalitate justis tantum concessa. *Anabaptistæ* autem Origenis sententiam quodammodo renovarunt, eisque hodie assentient *universalistar*, *unitarii* aliique plures; de quibus nonnulli *neo-catholici*¹ qui, vim catholici dogmatis enervantes, infernum hereticis ac rationalistis acceptiorem effingere satagunt.—Tandem *incendiui* et pseudophilosophi, post *Bayle*, *Voltaire*, *Rousseau*, omnem movent lapidem ut ostendant aeternitatem pœnarum inferni humanae rationi penitus repugnare.—Operæ pretium est catholicam doctrinam solidis munire argumentis.

Conclusio.—PERGENE DAMNATORUM IN INFERNO AETERNA SUNT DICENDA; QUOD ET IPSA RATIO PERSUADET.—Hoc quidem asseritur de iis qui *finali* sunt judicio damnati², estque

1—Cf. "Etudes religieuses" etc, déc. 1893 et mai 1894;—Item J. Fontaine, *Les infiltrations protestantes et le clergé français*, ch. 6.
2—Vide supra, Disp. VIII, Q. I, a. 4.

de fide, *juxta Symb. Athan* : “ Qui bona egerunt, ibunt in vitam æternam ; qui vero mala, in ignem æternum.” Cf. CC. Cptan. II, Nic. II, Lat. IV.

1^o *Scriptura* tum expresse tum æquivalenter pœnarum inferni æternitatem docet.

a) *Expresse* quidem, utputa (Dan. XII, 2) : *Multi de his qui dormiunt in terra pulvere, evigilabunt ; alii in vitam æternam, et alii in opprobrium ut videant semper* (hebr., *in contemptum æternum*). Item (Matth. XXV, 41, 46) : *Discedite a me, maledicti, in ignem æternum... Ibunt hi in supplicium æternum, justi autem in vitam æternam.* Et (2 Thess. I, 9) : *Pœnas dabunt in interitu æternas a facie Domini.* — Objiciunt adversarii vocem *æternum* haud raro in Scripturis adhiberi ad significandum diuturnam, etsi non perpetuam, durationem. At resp. *primo* voce illa in N. T., quidquid sit de veteri, fere semper designari æternitatem proprie dictam ; *secundo*, hunc procul dubio esse sensum *obvium* quem, nisi vetet urgens ratio, præeligere debemus ; *tertio*, sensum eumdem clare suaderi parallelismo contextus, ubi pœna damnatorum dicitur æterna sicut et æternum præmium justorum ; *quarto* id confirmari solemnitate sententie judicialis que refertur penes Matthæum quæque expositulat proprium verborum sensum.

b) *Equivalenter* autem, nam dicitur (1 Cor. VI, 9) : *An necritis, quia iniqui regnum Dei non possidebunt?* (Gal. V, 21) : *Qui talia agunt, regnum Dei non consequentur.* Item legitur (Is. LXVI, 24) : *Vermis eorum non morietur, et ignis eorum non extinguetur ; et erunt usque ad satietatem visionis omni carni.* Et (Matth. III, 12) : *Congregabit triticum suum in horreum, paleas autem comburset igne inextinguibili.* His aliisque similibus satis declaratur *nunquam* impios felicitatem esse consecuturos, sed *semper* pœna ignis cruciatum iri.

2^o *Traditio* non minori persuasionis vi eamdem veritatem convincit.

a) Patres namque omnium ætatuum æternas fore inferni pœnas communiter tradunt, uti videre est penes Petavium, Knoll, etc. ¹—Quosdam laudare heic placet, de quorum

1—Quo igitur pacto gallus presbyter, Turmel, potuerit scribere (vid. Fontaine, *op. cit.*) fero neminem, ineunte saec. V, sensisse christianorum damnationem irrevocabilem, sane non video.

mente magis dubitatum est. Ita loquitur *S. Justinus M.* (Apol. I, n. 21): "Nos immortalitatem eos consequi *solos* dicimus, qui Deum vitae sanctitate et virtute proprius contingunt; qui autem improbe vivunt, nec immutantur, eos igne *aeterno* credimus puniri." *S. Greg. Naz.* de damnatis ait (Orat. 16, n. 9): "Hos autem simul cum aliis, vel potius ante alia, istud excruciat, quod a Deo projecti sint, atque inustam in conscientia *simpiternæ* ignominiae notam gerant." Et *S. Hieronymus* (in cap. V Is.) expendens verba: *Dilatavit infernus animam suam* (v. 14), haec inter alia scribit: "Qui sæculi deliciis occupati, nec respicientes opera Dei, captivi ducuntur in peccatum,...detrahentur in gehennam, ibique *aeternis* cruciatibus deputati, potentiam et superbiam miseria cernent et humilitate mutari."

b) Censem quidem Petavius (De Angelis, l. III, c. 7, n. 1), nonnullos ex antiquis Patribus Origenis auctoritate fuisse in errorem inducitos. Verum multiplex suppetit responsio:—
a) Nempe etiamsi *aliqui* reapse dissentirent, id nequaquam perimeret argumentum sumptum ex consensu aliorum numero præstantiorum.—b) Insuper, ii ipsi Patres, qui dissentire feruntur, aliis in locis doctrinam nostram manifeste docent, ut patet de tribus max. citatis.—c) Nec prætercundum quod gravissimi sentiunt auctores, scil. quoruendam Patrum scripta fuisse ab originistis corrupta.—d) Cæterum dici potest Patres, quos objiciunt, vel retulisse errorem ab aliis prolatum quin illum approbarent, vel esse locutos de poenis peccato inflictis in hac vita aut in purgatorio.

3º *Ratio* ipsa suadet convenientissimam esse poenarum infernalium aeternitatem, maxime si Deum spectemus ut *regem, legislatorem et judicem*.

a) *Rex enim aequa distribuit praemia et paenas*, priemia virtuti seu bonis meritis debita, paenas malis actibus reddendas. Atqui meritis temporalibus aeternam mercedem retrahuit Deus. Ergo et delictis temporariis juste aeterna pena rependitur. — Præterea, "naturalis aequitas hoc habere videtur quod unusquisque privetur bono contra quod agit: ex hoc enim reddit se tali bono indignum; et inde est quod, secundum civilem justitiam, qui contra rempublicam peccat societate reipublicæ privatur omnino vel per mortem vel per exilium perpetuum; nec attenditur quanta fuerit mora tem-

poris in peccando, sed quid sit contra quod peccavit. Eadem autem est comparatio totius vitæ præsentis ad rem publicam terrenam et totius æternitatis ad societatem beatorum, qui ultimo fine æternaliter potiuntur. Qui ergo contra ultimum finem peccat et contra charitatem, per quam est societas beatorum et tendentium in beatitudinem, in æternum debet puniri, quamvis aliqua brevi temporis mora peccaverit" (C. G. III, 144).

b) *Legislator* simul est ordinis custos ejusque restaurator. — Quatenus *ordinis custos*, oportet ut leges suas *efficaci sanctione* communiat. Legum autem divinarum sanctio, ut sit efficax, poenarum æternitatem transgressoribus præfixam requirit: si enim tam multi, posita perspectaque hac veritate, nihilominus in peccata gravissima labuntur, quot quantæque animarum ruinæ ex sublata poenarum perpetuitate manarent! Unde S. Th. (l. cit.): "Nihil prohibet, etiam si poena non nisi ad emendationem morum adhibeantur, quin secundum divinum judicium aliqui debeat a societate bonorum perpetuo separari et in æternum puniri, ut ex perpetua poena timore homines peccare desistant." — Quatenus *ordinis restaurator*, debet princeps eas poenas decernere quæ rerum æquitati satisfaciant debitamque societatis dispositionem inducant. Postulat autem rerum æquitas societatisque recta dispositio ut reprobi æternis teneantur poenis, ne locus detur iis inconvenientibus ab Hieronymo descriptis (in Jonam, III, 6): "Si longo post circuitu atque infinitis sæculis omnium rerum restitutio fiet et una dignitas militantium, quæ distantia erit inter virginem et prostibulum? Quæ differentia erit inter matrem Domini et (quod dictu quoque scelus est) victimas libidinum publicarum? Idemne erit Gabriel et diabolus? Idem apostoli et daemones? Idem prophetæ et pseudoprophetæ? Idem martyres et persecutorcs?"

c) Convenit ut *judeex* proportionem servet inter culpam et poenam. Atqui mortali culpe proportionatur poena æterna seu duratione saltem infinita: ergo. *Min.*, ostend. tripliciter, scil. ex genere malitiae peccati, ex indole intentionis peccantis, et ex permanentia reatus: — Primo "poena taxatur secundum dignitatem ejus in quem peccatur; unde majori poena punitur qui perentit alapâ principem quam alium quomcumque. Sed quicumque peccat mortaliter, peccat con-

tra Deum, cuius præcepta transgreditur, et cuius honorem alii impartitur, dum in alio finem constituit: majestas autem Dei est infinita" (Suppl. Q. XCIX, a. 1). Ergo peccatum ex hoc induit malitiam quamdam infinitam et infinita seu æternali pœna dignam.—*Secundo*, sequum est ut qui intentione sua pro æterno peccat, in æternum puniatur; nam apud divinum judicium voluntas pro facto computatur. Atqui committens peccatum mortale, intentione vel formalí vel virtuali, pro æterno quodammodo peccat: tum quia se libere ponit in statu a quo erui per se non potest, citra divinum auxilium; tum quia, se avertens ab ultimo fine finemque suum in creatura constituens, novam ac de se perpetuam ordinationem vitæ sue imprimit¹.—*Tertio*, si spectetur secundum reatum, "culpa manet in æternum, cum non possit remitti sine gratia, quam homo non potest post mortem acquirere; nec debet pœna cessare, quamdiu culpa manet" (Suppl. l. cit.).

Desinat probatio voce ethnici poëtæ resonantis communem hominum persuasionem (*Aeneid.* VI, vv. 617-620):

"Sedet, æternumque sedebit,
"Infelix Theseus; Phlegyasque miserimus omnes
"Admonet, et magna testatur voce per umbras:
"Discite justitiam moniti, et non temnere Divos."

Solv. obj.—OBJ. 1 ex Scriptura.—Legitur (Ps. XV, 10): *Non derelinques animam meam in inferno*; cf. ps. LXXXV, 13.—Item dicitur (Ps. CII, 8-9): *Miserator et misericors Dominus...non in perpetuum irasceretur, neque in æternum comminabitur*.—Ait quoque Ap. (1 Cor. XV, 22): *Sicut in Adam omnes moriuntur, ita et in Christo omnes vivificabuntur*.—Tandem S. Petrus (Act. III, 19-21) repromittit tempora refrigerii et tempora restitutionis omnium. Quæ cuncta evincunt inferni tormenta finem quandoque habitura.

RESP. ad 1^o, sermonem ibi non esse de loco dominatorum,

1—Ita (C. G. III, 144) rem explicat Auctor: "Qui propter aliquod temporale bonum aversus est ab ultimo fine, qui in æternum possidet, preposuit fruitionem temporalem illius boni temporalis æternæ fruitioni ultimi finis; unde patet quod multo magis voluisse in æternum illo bono temporali frui. Ergo, secundum divinum judicium, ita puniri debet ac si internaliter peccasset."

orem
utem
m ex
seu
nten-
apud
Atqui
i vel
libere
inum
mque
tuam
ecun-
possit
ortem
met "
unem

10):
XXV,
ricors
ceter-
22):
mnes
epro-
rium.
oque

rum,

or ali-
ernum
oralis.
inum

sed aut de sepulcri corruptione, aut de limbo patrum a quo Christus eos erat liberaturus, aut de persecutionibus et angustiis terrenis quibus David premebatur.—Ad 2^m dico, psalmistam, Dei misericordiae confisum, expectare liberationem ab ærumnis hujus vitæ, non autem ab inferni suppliciis, prouti contextus suadet.—Ad 3^m adverto (cum *D. Th.* in h. 1.), omnes in Christo esse vivificantos, scil. bonos et malos vita naturæ, sed vita gratiæ duntaxat bonos; unde non idecirco reprobi sunt quandoque ad vitam beatam suscitandi.—Ad 4^m resp. *restitutionem omnium nihil aliud esse quam generalem resurrectionem, in qua penitentes (quos Petrus allquit) corporum refrigerium accipient.*

OBJ. 2. ex ratione.—Divina *bonitas* vel misericordia est infinita. Atqui infinitæ misericordiæ repugnat, damnatos cruciare suppliciis æternis. Ergo.

RESP. *D. M* :...in se, *C*; in suis effectibus, *N*.—*C.d.m* : repugnat misericordiæ infinitæ tum in se tum in suis effectibus...*C*; in se tantum, *S. d* :...cruciare damnatos citra culpæ demeritum, *C*; propter culpam, *N*.—*Neg. conseq.*

Infinita quidem est Dei bonitas et misericordia *secundum se*, non tamen *in suis effectibus*, qui cum sint creati, limitibus necessario circumscribuntur.—Hi autem limites diversimode imponuntur pro exigentia aliorum attributorum divinorum, in primis sapientiæ. “Deus, inquit *S. Th.* (a. 2 ad 1), quantum in ipso est, miseretur omnibus. Sed quia ejus misericordia sapientiæ ordine regulatur, inde est quod ad quosdam non se extendit, qui se misericordiæ fecerunt indignos, sicut dæmones et damnati qui sunt in malo obstinati.” Immo ex ipsa *Dei bonitate* ejusque ingenti amore procedit, quod hominibus a peccato deterrendis tantæ poenæ, scil. æternæ, communanter determinentur.

OBJ. 3.—Exigit divina *justitia*, ut poena culpam non exceedat. Atqui culpa, ob quam quis damnatur, est momentanea. Ergo.

RESP. *C. M*.—*D.m* :...secundum actum peccandi, *C*; secundum reatum peccati et voluntatem peccantis, *N*.—*Neg. conseq.*

Secundum divinum judicium propria servatur inter culpam et penam tum quoad quantitatem tum quoad durationem.—Quoad *quantitatem*: nam “in peccato duo

sunt: quorum unum est aversio ab incommutabili bono, quod est infinitum, unde ex hac parte peccatum est *infinitur*; aliud quod est in peccato est inordinata conversio ad commutabile bonum, et ex hac parte peccatum est *finitum*, tum quia ipsum bonum commutabile est finitum, tum etiam quia ipsa conversio est finita; non enim possunt esse actus creaturæ infiniti. Ex parte igitur aversionis respondet peccato *pœna damni*, quæ etiam est infinita; est enim amissio infiniti boni, sc. Dei. Ex parte autem inordinatae conversionis respondet ei *pœna sensus*, quæ etiam est finita" (I-II^a, Q. LXXXVII, a. 4).—Quoad *durationem*, dicendum est pœnam respondere culpæ, non quidem ex parte actus (nec enim civilia judicia id attendunt), sed ex parte maculæ seu *reatus* de se habentis quod perpetuo duret, neconon ex parte intentionis peccatoris, "quia ex hoc ipso quod finem in peccato constituit, voluntatem habet in æternum peccandi" (Q. cit. a. 3 ad 1).

OBJ. 4.—*Sapientiae* divinae consentaneum est ut pœnas infligat medicinales creaturisque procuret suum finem. Atqui pœnae æternæ nequeunt esse medicinales, nec sinunt ut damnati suum finem consequantur. Ergo.

RESP. D. M:...ut pœnas infligat medicinales iis qui puniuntur, omnesque creaturas omnium generum indeficienter ducat ad finem tum proximum tum ultimum, *N*; ut pœnas infligat medicinales aliis sic a peccato preservandis, et aliquibus saltem creaturis de omni genere finem proximum, una cum ultimo, procuret. C.—C.d.m.—Neg. *conseq.*

Pœnae inferni, cum æternæ sint, nequeunt profecto medicinales esse *ipsis damnatis*, bene tamen *aliis* quos earum consideratio a peccando prohibet; sicuti evenit de pœna capitali in societate civili. Addit S. Th. (Suppl. Q. cit. a. 1 ad 4) eas præterea utiles esse ad duo: *primo* ad hoc quod in eis servetur justitia, Deo propter seipsam accepta; *secundo* ad hoc ut de his gaudent electi, justitiae triumphum contemplantes seque inferni pœnas evasisse lætantes.—Cum autem finis rerum *ultimus* consistat in gloria Dei seu in manifestatione divinarum perfectionum proindeque et justitiae, patet damnatorum pœnas hunc ad finem conducere. Quoad vero finem *proximum*, sapienter scribit *Auctor* (Q. cit. a. 2 ad 3) haud congruere "ut totum unum genus creature deficiat a

fine propter quem est factum : unde nec omnes homines nec omnes angelos damnari convenit. Sed nihil prohibet quin *aliqui* vel ex hominibus vel ex angelis in æternum pereant, quia divinæ voluntatis intentio impletur in aliis qui salvantur."

ARTICULUS IV.

De mitigatione pœnarum inferni.

Postremum hunc articulum subjicimus quo solvatur problema nullo ævo non agitatum, scil. utrum, inferni pœnae, quamvis simpliciter æternæ sint, valeant tamen, sive ex Dei misericordia sive ex poenitentia damnatorum, temporis tractu mitigari.

1^o *Præsupponimus* Deum in taxanda pœna peccatis debita non solum posse, sed et revera (juxta probabiliorem sententiam) *citra condignum* punire ; quod S. Thomas diserte tradit, inquiens (Q. XCIX, a. 2 ad 1) : "Potest dici quod etiam in eis misericordia locum habet, in quantum *citra condignum* puniuntur, non quod a pœna totaliter absolvantur". Cf I, Q. XXI, a. 4 ad 1.—Id s. doctor speciatim concedit de iis qui misericordiae opera, dum viverent, expleverunt (Suppl. Q. cit. ad 5 ad 1).

2^o Spectari potest pœnarum mitigatio, vel earum quæ debentur peccatis venialibus nullo modo remissis, necnon peccatis (venialibus aut mortalibus) quoad culpam quidem remissis, nondum tamen expiatis, vel earum quæ luendæ sunt pro mortalibus nequaquam ante mortem condonatis.—
a) Cum priores pœnae sint veluti *accidentales*, non defuerunt nec desunt theologi qui autument eas persoluto debito penitus extingui.—b) Quoad reliquias veluti *essentiales*, eas mitigari saltem posse antiqua est opinio ex veterum quorumdam sententiis profecta, quæque omni tempore aliquos assertores nacta esse videtur. Eam sæc. XVIII propugnavit *Emery*, ipsique deinceps assensum præbuerunt liberaliores quidam catholici omnibusque, nuper, audacior *St.-Geo. Mivart* mitigationem illam mediante animæ damnatorum evolutione et pœnitentia explicans.

Duo concludamus.








IMAGE EVALUATION TEST TARGET (MT-3)



6"



Photographic
Sciences
Corporation

23 WEST MAIN STREET
WEBSTER, N.Y. 14580
(716) 872-4903

2
28
25
22
20
1.8
1.6
1.4
1.2
1.0

Conclusio 1^a. — PROBABILIUS EST PÆNAM DEBITAM PECCATIS VENIALIBUS, NECNON MORTALIBUS QUAOD CULPAM JAM REMISSIS, AETERNAM IN INFERO FORE. — Dico "probabilius," cum eximii etiam theologi contradicant nec sine aliqua rationis specie.

1^o Aperia est mens *S. Thomæ* qui (de Malo, Q. VII, a. 10) expresse docet peccatum veniale in damnatis aeternaliter puniri, et (I-II^a, Q. LXXXVII, a. 5 ad 2^o) implicite saltem pronuntiat pœnam debitam peccatis quoad culpam remissis, nondum tamen expiatis, semper duraturam ¹. — 2^o Ratio utriusque asserto *communis* petitur ex conditione subjecti, "scil. hominis qui sine gratia invenitur, per quam solum fit remissio pœnae" (I-II^a, l. cit.); siquidem extra gratiam homo se habet veluti Dei inimicus, inconveniens autem videtur ut ex inimici manu Dominus satisfactiones accep^te_t. Altera ratio *specialis* respicit peccatum veniale nondum remissum; quod quamdiu secundum culpam durabit, tamdiu durabit pœna; damnatis autem in malo obstinatis culpa non remittitur. — 3^o Tamen haud abnuerem sententiam tenentem illis in casibus Deum quidpiam de *inten^sitate* pœnarum misericorditer relaxare, juxta verba *S. Th.* (Suppl. Q. XCIX, a. 3 ad 4): "Ipsa pœna durante, misericordia operabitur eam dimi-
nuendo."

Conclusio 2^a. — NON EST ESTIMANDUM PŒNAS DAMNATORUM ESSENTIALES ALIQUANDO MITIGATUM IRI. — Prop. hæc non est quidem de fide, tamen theologicæ certa dici debet.

1^o *Scripturae* liquida sunt documenta; legitur enim (Apoc. XIV, 11): *Fumus tormentorum eorum ascendet in sacula saeculorum, nec habent requiem die ac nocte qui adoraverunt bestiam.* Et (Luc. XVI) videmus malo diviti, sepulto in inferno, denegatam fuisse aquæ guttulam, qua linguam calore desiccataam refrigeraret.

2^o *Ecclesiæ sensus* multipliciter se suuentem prodit. — Sic *S. Cyprianus* (l. ad Demetr. n. 24) de damnatorum pœnis ait: "Nec erit, unde habere tormenta vel *requiem* possint aliquando vel finem." *S. Greg. Nyss.* (Lib. adv. eos qui castigationes ægre ferunt) exhibet animam damnati "luctu-

1—Cajet. (in I-II^a, l. cit.); ubi obscuriorem textum *S. Doctoris* (4 S. D. XXII, Q. I, a. 1 ad 5) congrue interpretatur.

nunquam finituro ac *insolabili*" poenas luentem. Item *S. Bernadus* (l. de anima, c. III) de damnatis scribit: "Nunquam refrigerium adepturi; sed per millia millium annorum in inferno cruciandi, nec inde unquam liberandi, ubi neque qui torquet aliquando fatigatur, nec qui torquetur aliquando moritur." — Teste Suarezio (in III, Disp. 48, s. 4, n. 14), huic sententiae suffragatur *communis Patrum* ac theologorum consensus; sat esto referre verba *S. Thomae* (Suppl. Q. LXXI, a. 5): "Non potest damnatorum poena diminui, sicut nec gloria sanctorum augeri quantum ad præmium essentialie." — Hinc (ut alibi diximus, Disp. VIII, Q. IV, a. 2) nunquam Ecclesia consuevit orare pro damnatis; quod *S. Augustinus* expresse suo tempore testatus est (de Civ. Dei l. XXI, c. 24). Petavius autem (de Angelis, l. III, c. 8, n. 18) proxim contrarium "a communi sensu catholicorum alienam" declarat.

3º Ratio efficaciter arguit: etenim mitigatio poenæ essentialis damnatorum, si quæ foret, sumenda esset vel ex eorum demū damnatorum penitentia, vel ex pura Dei misericordia. Atqui neutro ex capito duci potest: ergo.—a) *Non ex damnatorum penitentia*; jam enim demonstravimus (Disp. VIII, Q. II, a. 3) voluntatem reproborum post mortem hærente immobiliter in malo, sicut et beatorum voluntas hæret immutabiliter in bono. Sunt ergo damnati "perfecte aversi a fine ultimo rectæ rationis, neque aliqua voluntas potest esse bona nisi per ordinem ad finem predictum. Unde etiam etsi aliquod bonum velint, non tam enī *bene volunt illud*, ut ex hoc voluntas eorum bona dici possit" (Suppl. Q. XCIVIII, a. 1). Hinc eos non potest *pœnitere* de culpa *per se* seu qua culpa est, sed solum *per accidens* seu ratione poena quam sustinent (*ibid.* a. 2)¹.—b) *Non ex pura Dei misericordia*. Opera enim Dei ordinata sunt, rerumque ac hominum conditioni accommodata. Aliud est autem tempus miserendi, aliud tempus exercendæ justitiae; primum prætereunte vita terrestri una cum gratiis pene infinitis, quibus Deus peccatorem ad penitentiam sollicitat, præterit et ipsum; alterum subinde obtinet.

4º *Objiciunt* quidem adversarii textum *S. Augustini* (Enchir. c. 110), ubi dicitur de suffragiis pro mortuis: "Qui-

1.—Neque tamen idcirco nova in dies peccata committunt: "mala voluntas non erit in damnatis demeritum, sed *pœna* tantum" (*ibid.* a. 6).

bus prosunt, aut ad hoc prosunt ut sit plena remissio, aut certe ut tolerabilius fiat ipsa *damnatio*.” At, recte monet *S. Th.* (Q. LXXI, a. 5 ad 2), “in verbis illis *damnatio large* accipitur pro quacumque punitione; ut sic includat etiam penam purgatorii quae per suffragia quandoque totaliter expiatur, quandoque autem non, sed diminuitur.” Interpretatio haec apprime quadrat in *contextum*, siquidem paulo ante *S. August.* expresse docuerat ex suffragiis vivorum pro defunctis “valde malis nulla adjumenta” derivari.—Objiciunt rursus auctoritatem *S. Joan. Chrys.*, qui (in Ep. ad Phil. c. 1, Hom. III, n. 4) scribit vivos posse precibus vel eleemosynis quidpiam solatii decedentibus in peccato afferre, quemque secuti sunt *Theophylactus* aliique nonnulli¹. Verum paucorum opinio nequit contra sensum vulgatiorem Patrum et Doctorum Ecclesiaeque consuetudinem prevalere. Neque omitendum, *S. Chrysostomum* alibi certe nobis favere; nam (*Paræn.* 1 ad *Theod.* lapsum, n. 9) de damnatis ait quod “nec extremo quidem digito quispiam eis aliquid refrigerii distillabit.”

Faxit Deus tremenda illa nec unquam desitura inferni supplicia vitemus, ejusque adjuti gratia qui venit *peccatores salvos facere* (1 Tim. I, 15) cœlestem aliquando ingrediamur patriam!

1—Vid. “Etudes Religieuses,” juil. 1894.

GLORIA
SCIENTIARUM DOMINO
LAUS
DOCTORI ANGELICO

Epis.
Divis.

Qu

ART.
ART.

ART.

ART.

ART.

ART. 6
ART. 7

Qu

ART. 1
ART. 2
ART. 3
ART. 4
ART. 5
ART. 6

INDEX RERUM

QUE IN HOC VOLUMINE CONTINENTUR

	Pag.
Epistola Illmi ac Revni L. N. Bégin.....	3
Divisio operis	7

DISPUTATIO PRIMA

DE IPSA PÆNITENTIA

Quæstio I.—De PÆNITENTIA UT EST SACRAMENTUM

ART. 1.—Utrum PÆNITENTIA sit sacramentum.	9
ART. 2.—Utrum peccata sint materia remota hujus sacramenti ;—de materia proxima.....	18
ART. 3.—Utrum hoc sit forma hujus sacramenti : “Ego te absolvō.”	25
ART. 4.—Utrum hoc sacramentum sit de necessitate salutis ;— secunda tabula post naufragium.	35
ART. 5.—Utrum hoc sacramentum fuerit convenienter in N. L. institutum	40
ART. 6.—De tempore agenda pÆNITENTIA	43
ART. 7.—De iterabilitate sacramenti PÆNITENTIA.	47

Quæstio II.—De PÆNITENTIA UT EST VIRTUS

ART. 1.—Utrum pÆNITENTIA sit virtus.....	51
ART. 2.—Utrum pÆNITENTIA sit specialis virtus.....	54
ART. 3.—Utrum virtus pÆNITENTIA sit species justitiae	58
ART. 4.—Utrum voluntas sit proprie subjectum pÆNITENTIA....	61
ART. 5.—Utrum principium pÆNITENTIA sit ex timore.....	64
ART. 6.—Utrum pÆNITENTIA sit prima virtutum.	68

DISPUTATIO SECUNDA

DE EFFECTU PÆNITENTIÆ

Quæstio I.—DE PECCATORUM MORTALIUM REMISSIONE

	Pag.
ART. 1.—Utrum omnia peccata removeri possint per pœnitentiam, immo non sine illa.....	71
ART. 2.—Utrum possit per pœnitentiam unum peccatum sine alio remitti.....	77
ART. 3.—Utrum, remissa culpa per pœnitentiam, remaneat reatus pœnæ, cum peccati reliquiis.....	79
ART. 4.—Utrum remissio culpæ sit effectus pœnitentia; seu de propria pœnitentia causalitate.....	85

Quæstio II.—DE REMISSIONE VENIALIUM PECCATORUM

ART. 1.—Utrum peccatum veniale possit remitti sine pœnitentia	88
ART. 2.—Utrum ad remissionem venialium peccatorum requiratur gratie infusionis; seu quanam formali ratione venialia remittuntur.....	92
ART. 3.—Utrum venialia peccata remittantur per sacramenta et sacramentalia.....	95
ART. 4.—Utrum veniale peccatum possit remitti sine mortali; — utrum post hanc vitam.....	98

Quæstio III.—DE REDITU PECCATORUM PER PÆNITENTIAM DIMISSORUM

ART. 1.—Utrum peccata dimissa redeant per sequens peccatum.	101
ART. 2.—Quomodo peccata dimissa aliqualiter redeunt per ingratitudinem peccati sequentis.....	103

Quæstio IV.—DE VIRTUTUM ET MERITORUM RECUPERATIONE PER PÆNITENTIAM

ART. 1.—Utrum et quo gradu virtutes per pœnitentiam restituantur	109
ART. 2.—Utrum et qua ratione merita bonorum operum per pœnitentiam reviviscant.....	113

DISPUTATIO TERTIA

DE PARTIBUS SACRAMENTI PÆNITENTIÆ

Quæstio I.—DE PARTIBUS SACRAMENTI PÆNITENTIÆ IN GENERE

Pag.	Paz.
71	ART. 1.—Utrum convenienter assignentur partes pœnitentiæ, nempe contritio, confessio et satisfactio..... 120
	ART. 2.—Utrum Pœnitentiæ partes assignatae sint integrales... 123

Quæstio II.—DE CONTRITIONE

79	ART. 1.—De contritionis notione et divisione in contritionem perfectam et imperfectam..... 126
85	ART. 2.—De habitudine contritionis perfectæ ad justificationem. 132
	ART. 3.—De quantitate contritionis perfectæ 137
	ART. 4.—De contritionis imperfectæ seu attritionis honestate et vi 143
88	ART. 5.—De attritionis habitudine ad sacramentum Pœnitentiæ. 148

Quæstio III.—DE CONFESSIONE

92	ART. 1.—De necessitate seu existentia confessionis..... 160
	ART. 2.—De qualitate seu modo confessionis..... 170

Quæstio IV.—DE SATISFACTIONE

95	ART. 1.—De satisfactionis quidditate et conditionibus,..... 178
98	ART. 2.—De possibilitate et vi satisfactionis in genere..... 184
	ART. 3.—De satisfactione sacramentali 190

APPENDIX.—DE PÆNITENTIA PUBLICA 196

DISPUTATIO QUARTA

**Quæstio unicæ.—DE POTESTATE CLAVIUM ET MINISTRO SACRA-
MENTI PÆNITENTIÆ**

109	ART. 1.—De potestate clavium..... 198
113	ART. 2.—Utrum solus sacerdos sit minister clavium in sacra- mento Pœnitentiæ 201
	ART. 3.—Utrum præter potestatem ordinis requiratur ad absol- vendum potestas jurisdictionis..... 205

APPENDIX

DE INDULGENTIIS

	Pag.
I.—Indulgentiarum notio ac divisio.....	209
II.—Indulgentiarum veritas.....	210
III.—Quantus sit indulgentiarum valor.....	218
IV.—Conditiones ad indulgentias requisitæ	222
V.—Quibusnam indulgentiæ præsint.....	225

DISPUTATIO QUINTA

DE EXTREMA-UNCTIONE

Quæstio I.—De EXISTENTIA ET NATURA SACRAMENTI EXTREME-UNCTIONIS

ART. 1.—Utrum Ext. Unctio sit sacramentum, a Christo institutum.....	228
ART. 2.—Utrum conveniens materia hujus sacramenti sit oleum olivæ consecratum ab episcopo.....	235
ART. 3.—An et quæ sit forma conveniens sacramenti Extr. Unctionis	238

Quæstio II.—De EFFECTIBUS, MINISTRO ET SUBJECTO EXTR. UNCTIONIS

ART. 1.—De effectibus sacramenti Extr. Unctionis.....	242
ART. 2.—De ministro Extreme Unctionis.....	250
ART. 3.—De subjecto Extræ. Unctionis.....	253

DISPUTATIO SEXTA

DE ORDINE

Quæstio I.—De VERITATE SEU EXISTENTIA SACRAMENTI ORDINIS

ART. 1.—Utrum ordo in genere sit sacramentum	260
ART. 2.—Utrum plures, nempe septem ordines, debeant distinguui.....	266

	Pag.
ART. 3.—Utrum singuli ordines participant rationem sacramenti.....	271
Quæstio II.—DE PARTIBUS ESSENTIALIBUS SACRAMENTI ORDINIS	
ART. 1.—De materia sacramenti Ordinis.....	281
ART. 2.—De forma sacramenti Ordinis.....	286
Quæstio III.—DE EFFECTIBUS HUJUS SACRAMENTI	
ART. 1.—De charactere in sacramento Ordinis impresso.	289
ART. 2.—De gratia propria sacramenti Ordinis	293
Quæstio IV.—DE MINISTRO SACRAMENTI ORDINIS	
ART. 1.—Utrum tantum episcopus sacramentum Ordinis conferat	295
ART. 2.—Utrum heretici aliique ab Ecclesia præcisi possint ordines conferre ;—de ordinationibus anglicanis.....	299
Quæstio V.—DE SUBJECTO SACRAMENTI ORDINIS	
ART. 1.—De conditionibus quibus subjectum capax Ordinis efficitur	310
ART. 2.— De lege coelibatus ecclesiastici.....	313
<hr/>	
DISPUTATIO SEPTIMA	
DE MATRIMONIO	
Quæstio I.—DE MATRIMONIO UT EST IN OFFICIO NATURE	
ART. 1.—Utrum matrimonium sit jure naturali præscriptum... .	323
ART. 2.—Quænam est matrimonii essentia ac definitio.....	329
Quæstio II.—DE ESSE MATRIMONII UT EST SACRAMENTUM	
ART. 1.—Utrum matrimonium sit sacramentum.....	333
ART. 2.—De reali identitate sacramenti et contraactus naturalis in matrimonio christiano.....	339
ART. 3.—De pertinentibus ad constitutionem et naturam sacramenti Matrimonii ; seu de ejus ministris, materia et forma	347
ART. 4.—De bonis matrimonii	351

Quæstio III.—DE PROPRIETATIBUS MATRIMONII

	Pag.
ART. 1.—Utrum pluralitas uxorum lege naturali vel positiva prohibeatur.....	354
ART. 2.—Utrum matrimonium legitimum, quale inter infideles contrahitur, sit indissolubile.....	363
ART. 3.—Utrum matrimonium christianorum ratum, sed non consummatum, possit aliquando quoad vinculum dissolvi	374
ART. 4.—Utrum matrimonium christianorum ratum et consummatum dissolvi quandoque valeat	379

Quæstio IV.—DE POTESTATE ECCLESIAE CIRCA MATRIMONIUM

ART. 1.—Utrum Ecclesiæ competit jure proprio, imo et exclusivo, potestas regendi matrimonium christianum.....	388
ART. 2.—Quanta sit Ecclesiæ potestas circa matrimonium.....	396
ART. 3.—De matrimonio civili.....	401
ART. 4.—De matrimoniis mixtis.....	403

APPENDIX**DE NOVISSIMIS****DISPUTATIO OCTAVA****DE PRÆCEDENTIBUS RESURRECTIONEM****Quæstio I.—DE TRANSITU ANIME AD ALTERAM VITAM**

ART. 1.—De morte hominum	410
ART. 2.—De judicio particulari.....	415
ART. 3.—Num et quæ receptacula animabus assignentur post mortem.....	418
ART. 4.—Utrum statim post mortem animæ deducantur ad sua receptacula, nunquam ex eis egressuræ.....	424

Quæstio II.—DE CONDITIONE ANIME EXEUNTIS A CORPORE

ART. 1.—De ratione essendi animæ separatae	430
ART. 2.—De ratione intelligendi animæ separatae.....	433
ART. 3.—De ratione volendi animæ separatae.....	438
ART. 4.—Utrum anima separata pati possit ab igne corporeo...	440

Pag.
354
363
374
379

388
396
401
403

Quæstio III.—DE PURGATORIO	Pag.
ART. 1.—De existentia purgatorii.....	444
ART. 2.—De statu animarum in purgatorio existentium.....	450
Quæstio IV.—DE SUFFRAGIIS IN GRATIAM MORTUORUM	
ART. 1.—De communione sanctorum :—an mortui possint juvari ex operibus vivorum.....	457
ART. 2.—Quibusnam defunctis vivorum suffragia prodesse pos- sunt.....	461
ART. 3.—Qua ratione mortui per suffragia vivorum juvantur....	464
Quæstio V.—DE SIGNIS QUÆ EXTREMUM JUDICIUM PRÆCEDENT	
ART. 1.—De signis lætificis novissimorum mundi	470
ART. 2.—De signis tristificis proximum mundi finem prænun- tiaturis.....	473

DISPUTATIO NONA

DE PERTINENTIBUS AD RESURRECTIONEM

410
415
418
424

430
433
438
440

Quæstio I.—DE ILSA RESURRECTIONE	
ART. 1.—Utrum corporum resurrectio sit futura.....	477
ART. 2.—De causa resurrectionis corporum.....	484
ART. 3.—De tempore resurrectionis corporum.....	487
ART. 4.—De modo resurrectionis.....	490
Quæstio II.—DE CONDITIONIBUS RESURGENTIUM	
ART. 1.—De resurgentium identitate.....	493
ART. 2.—De integritate corporum resurgentium.....	497
ART. 3.—De qualitate resurgentium	500
ART. 4.—De impossibilitate corporum gloriosorum.....	503
ART. 5.—De subtilitate corporum gloriosorum.....	506
ART. 6.—De agilitate corporum beatorum.....	508
ART. 7.—De claritate corporum beatorum.....	510
ART. 8.—De conditione corporum resurgentium in damnatis....	512

DISPUTATIO DECIMA
DE CONSEQUENTIBUS RESURRECTIONEM

Quæstio I.—DE JUDICIO GENERALI

	Pag.
ART. 1.—Utrum generale judicium sit futurum.....	515
ART. 2.—De judicantibus in judicio generali.....	519
ART. 3.—De judicandis in judicio generali ; — quo in loco erunt.	522
ART. 4.—De materia et forma extrenii judicij	525

Quæstio II.—DE MUNDI STATU FINALI

ART. 1.—Utrum extremo tempore mundus innovabitur.....	528
ART. 2.—Quomodo finalis mundi innovatio fiet	530

APPENDIX:—DE SYSTEMATE RENOVATIONIS 532

Quæstio III.—DE STATU BEATORUM IN OELLO

ART. 1.—De natura beatitudinis cœlestis	534
ART. 2.—De quantitate beatitudinis ; — num augebitur post judicium	539
ART. 3.—De dotibus aliisque beatorum ornamenti, maxime de fructibus et aureolis.....	541

Quæstio IV.—DE STATU DAMNATORUM IN INFERO

ART. 1.—De pœnarum infernalium existentia.....	546
ART. 2.—De vario pœnarum infernalium genere.	548
ART. 3.—De æternitate pœnarum inferni	554
ART. 4.—De mitigatione pœnarum inferni.....	561

FINIS

Pag.
515
519
522
525

528
530
532

534
539
541

546
548
554
561

